

Holy Bible

Aionian **Edition®**

Hona Bible
Hwana Bible

Holy Bible Aionian Edition ®

Hona Bible

Hwana Bible

Language: Hwana

Nigeria (Adamawa)

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0

Language Developers and Bible Translators, 2023

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Volunteer help and comments are welcome and appreciated!

Celebrate Jesus Christ's victory of grace!

Preface

Hona at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Hona at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

Matta	1
Markus	31
Luka	49
Yahaya	81
Tar fathlängya	105
Romaya	137
1 Korontiyaya	151
2 Korontiyaya	164
Nggalatiyaya	173
Afisaya	178
Filibiyaya	183
Kolosiyaya	186
1 Tasalonikaya	189
2 Tasalonikaya	192
1 Timoti	194
2 Timoti	198
Titus	201
Filimon	203
Ibraniyaya	204
Yakubu	214
1 Mbiturus	218
2 Mbiturus	222
1 Yahaya	225
2 Yahaya	229
3 Yahaya	230
Yahuda	231
Səsən kukwaryirha	233

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



Ndagha Yeeso, “Pəpa, chahanggən kanda dā, kəsər səngwanda əndi nanda a ənaarha wa.”
əna wura nda aten lukkighən.
Luka 23:34

Matta

1 Kulo thlēmngya chichiya Yeeso Kārēsti ya, chichid Ndauda tē Ibrahim. **2** Ibrahim nggātgha Ishaku, Ishaku nggātgha Yakubu. Yakubu nggātgha Yahuda tē wan manggighən. **3** Yahuda nggātgha Peres tē Dzara. Ma ndan ndəna Tamar. Peres nggātgha Hesron, Hesron nggātgha Aram, **4** Aram nggātgha Aminadab, Aminadab nggātgha Nashon, Nashon nggātgha Salmon. **5** Salmon Nggātgha Mboz. Man ndəna Rahap. Mboz nggātgha Obed. Man ndəna Ruth. Obed nggātgha Djeshi, **6** Njessi nggātgha kutəra Ndauda. Ndauda nggātgha Sulemanu. Man ndəna Mbasheba, nu mərə Uriya. **7** Sulemanu nggātgha Rehobom, Rehobom nggātgha Abidja, Abidja nggātgha Asa, **8** Asa nggātgha Djehoshafat, Djehoshafat nggātgha Djoram, Djoram nggātgha Adzariya, **9** Adzariya nggātgha Djothlam, Djothlam nggātgha Ahas, Ahas nggātgha Hedzekiya, **10** Hedzekiya nggātgha Manasa, Manasa nggātgha Aman, Aman nggātgha Djosiya, **11** Djosiya nggātgha Djekoniya tē wanmanggighən, a sayiddi kəsang ngganda nafiya Yahuda ngyaəng tsaurha nda kanda fa hu chehweed Mbabila dē. **12** A kwasamaddi dēna nda tē kanda a Mbabila dē, Djokoniya nggātgha Sheyaltiyel, Sheyaltiyel nggātgha Dzerubabel, **13** Dzerubabel nggātgha Abihudu, Abihudu nggātgha Eliyakim, Eliyakim nggātgha Adzor, **14** Adzor nggātgha Dzadok, Dzadok nggātgha Akim, Akim nggātgha Eliyud, **15** Eliyud nggātgha Eleyadza, Eleyadza nggātgha Mattan, Mattan nggātgha Yakubu, **16** Yakubu nggātgha Yisufu, chimad Mairamu. Mairamu nggātgha Yeeso na nda aarha Kārēsti. **17** Chichiya kumkap fada a thlakh mbəd Ibrahim dēgha thlakh mbəd Ndauda dē. Thliirha a thlakh mbəd Ndauda dēgha hu sayidda dē ngyaəng nanda tsaurha kanda fa a Mbabila, chichiya kumkap fada ni. Thliirha kəm a sayiddi mal nanda Mbabila dēgha hu sayidda dē nggət nanda Kārēsti chichiya kumkap fada ni. **18** Kulo kwaman nggətta Yeeso Kārēsti ya. A sayiddi ngwanna Yisufu Mairamu man Yeeso, amma kanda kula kakhrha, kəlagha Mairamu hai, nəghən ahur yi Səsəna tē Pedənda. **19** Yisufu ka niifa ni mbəd midghən sə a fərang shilee nən Mairamu a yid fiya wa, ahu numadghən na midghən sə a kalghənən hai bəbēe. **20** Amma

ndəghən hu numaddi kee, bəgha təthlənda Faara thləmadghən bə hu səsəniirha ndanggən, “Yisufu, wan Ndauda, a tərəmma kakh Mairamu wa, kəsər huryiddi keeghən yi Səsəna tē Pedənda ni. **21** Nən a nggət wee həshin, dəfang thləma na Yeeso Kəsər ndəghən ni a hərghang nafiighən ahu dimiyid ndan.” **22** Ənggini heu ya katəra nən hai ka a ləfang ngganda 'ya ndana annabi. **23** “Na wutararha a dərha hur nggət wee həshin nən dəfang thləma nda Imaniyel.” Thləmdi ndaarha ni, “Faara nəghən tē kəm ha.” **24** Mehenna Yisufu sə a beena, takkwa ən danən pərangna təthlənda Faara, kahanggən Mairamu. **25** Amma səngwa ndən wee nuwun wa, kəl a kwasamaddi nggət nən wee həshin, dəfang thləma nən Yeeso.

2 Akwasamaddi nggət nanda Yeeso a Mbaitalami ahu chehweed Yahudiya, a thlakh mbed kutəryid Hirdus, bəgha fasəngya a Urshelima bə a man kyad yanfaara bə. **2** Tsakh mee nda, “Ai wandi nggət nanda kutər Yahudaya? Na dən wufəlngarghən a man kyad yanfaara, bə nan bə ka a tərang shilee nan in.” **3** Hərəmma kutəra Hirdus səkkən kee, billagha kaan, heu tē nafiya Urshelima. **4** Tərgha wumanggən mamngya firistaya bə, tē fasəngya ngyakhrha Musa, tsahang mee nən kanda, “A yanggi na nda a nggət Kārēsti?” **5** Ndang ngganda, “Ahu tal Mbaitalami hu chehweed Yahudiya, kəsər chirethlengga annabi hai kee tē ndaarha: **6** ‘Amma sa kəm Mbaitalami na hu chehweed Yahudiya, kədiwa ahur kutəryid wupəriya Yahuda wa. Kəsər a fadwa na kutəra a kyarha bə, nən a tsaurha tē lafrha nafina Isəreela.’” **7** Tərgha Hirdus aah fasənggina nən bə bəbēe, tsahang mee nən kanda sayiddi na nanda wufəlngardi. **8** Thlən kanda nən Mbaitalami dē ndanggən kanda, “Dama dē dūn səye lafar wanda bə ya tē sammayirha. A waləngdun, bəmafa bən pərekən nggima diyadē di tərang shilee teena.” **9** A kwasamaddi sək nanda lafardi ki kutəra, thlii nda wii fayindan nda. Wufəlngardi 'wa nanda narha a man kyad yanfaara bə nagha a mbəndan dēgha isha a mbədi na wanda sə. **10** Na nanda wufəlngardi tək mbənda nda fa kaan. **11** Kyana nda mindəfa hai, na wanda nda tē man Mairamu, bəra nda hai tərang shilee nda teena. Tərgha inang ngganda yawayindan dē fərang tēfaasa nda tē urdi tē mur. **12** Yanang ngganda kanda ahu səsəniirha

a wunda tē thlēmād Hirdus wa, nanən kee wudā nda tal ndan dē tē kwamana pak. **13** A kwasamaddi wiina fasənggini, tərgha tēthlēnda Chinəm baġha thlēmād Yisufu ba hu səsəniirha ndanggən, “Thliusē, tərang wandi tē man dāana tē kanda a Masar dē. Tsawama a mbēdi kēl a pərang di ndən kun, kəsər Hirdus nən a kādā wandi a bəlanggən.” **14** Tərgha thliigha sē təranggən wandi tē man a fədigdī wiigha Masar dē. **15** Tsawa nda a mbēdi kēl merna Hirdus. Əndiya katəra nən hai ka a lədaŋ ngganda əndi ndaana Chinəm a mii annabi, “Aah yi waana ba a Masar.” **16** Kələna na Hirdus hai fasənggini na a man kyad fara ba pəpələk ndan hai, səbġha hurghən dē kaan. Thlənanggən sodjaya dē a bəlangganda wangya həshya dē na nggu-ngguchit a Mbaitalami tē tulayighən, səlna hura yindan səri tē fīngya səlwawa, məməlla sayiddi pərangna fasənggini kyana wufəlŋarda ba. **17** Tərgha 'ya thləkna annabi Djermya ləghəddə: **18** “Səkdəm huhwaarha a Ramah, tərha tē thlee hura, Rachal a tərha ka wanggighən kardē nggabrha fa, kəsər mər wanggighən dē.” **19** A kwasamaddi mərna Hirdus, tərgha tēthlēnda Chinəm kyad fadghənən a Yisufu hu səsəniirha a Masar, **20** ndanggən, “Thliusē tərang wandiya tē man wudāna chehweed Isəreela dē, kəsər nafini na a kādā yibəd wandi mər nda dē.” **21** Tərgha Yisufu thliigha sē, təranggən wandi tē man wudā nda chehweed Isəreela dē. **22** Amma səkənən wan Hirdus, Arkilus ni hu tsənggam chin, a əna kutəryirha a chehweed Yahuda, tərəm dərha nən mbədādē. Yanangganda hu səsəniirha a dēda dē wa, tərgha kyalthgha chehweed Nggalili dē. **23** Dəgha tsaurha ahu tala na nda aarha Nadzarat, ləghədgha 'ya thləkna annabiya: “Na nda aaghən Tənadzarat.”

3 Akwasamad huraya Yahaya Təbaptisəma a pər laḅar Faara a fiya a kaheerha na a chehweed Yahuda, **2** nagha a ndaarha, “Malaman dimiyid nun, kəsər Kutəryid Talara nduwusda ba.” **3** Niif dani ndaana annabi Ishaya: “Urarha a aah farha a kaheerha, ‘Tangsaaman kwamana Chinəm sə, pəpənaman kwamana sarya dē a ndəghən.’” **4** Luwud Yahaya ənagha ndan tē was thləkhmu, kənanngən muwun tē paama. Ənnadghən mii mbeerha tē aam dee. **5** Fiya na a Urshalima tē Yahudiya heu tē chehweeya kahad na a mii kufad Urdun dēnda thlēmādghən dē. **6** Kanda a pər dimiyid ndan, nagha a ənang

mbaptisəma kanda a kufad Urdun. **7** Amma nana Yahaya Farisaya tē Sadukiyaya hangga a bārha mbədā ba nən a ənang mbaptisəma fiya sə, ndanggən kanda, “Kun huthlingya! Wun kəsgha thlēmād nun a dā səsad Faara nun hai na bayi? **8** Ənama 'ya kyadgha ndaarha malangdun dimiyid nun. **9** A numadun ndon kee, ‘Chichid nəm ni Ibrahim, mbə Faara a səsang kəm wa.’ Niya ndang nda kun na Faara tē səsəmda ha na a ənang wundakhnaya nən Ibrahim sē tē feryini ya. **10** ‘Wanda teena pangnda wurra a kul dəfrha, kala dəfrha mbuwa nggəta ngga nanda kyathlang nda dē muwangganda ahu waarha dē. **11** Niyi a ənang mbaptisəma kun tē aama. Amma niifa sē na bayi kalgha nggi mu, tsəkki na a kwasanggi sahad pahamgən hai wa, ndəghənggi bənən ənang mbaptisəma kun tē Səsəna tē Pedənda tē waarha. **12** Nəghən tē dēng pəra ha, nən a pərang didiirha dē ngwanggən wan hwalidghən ahu bīrukkun hai. Nən a njang nda dididghən dē tē waarha mbuwa mərə hai.” **13** Tərgha Yeeso thliigha a Nggalili dəgha kufad Urdun dē ka a ənangga Yahaya mbaptisəma. **14** Amma Yahaya kardafa a ənang mbaptisəma nən Yeeso, ndəghən, “Kamdə sani əne mbaptisəma. Kama na bārha thlēmanna ba?” **15** Nggəmanngga Yeeso ndəghən, “Nanənya ngwa tsauka kee, kəsər kamdē a lədaŋngəm əngya heu na mid Faara.” Tərgha nggəmanngga Yahaya fa. **16** Hərəm nanda ənang mbaptisəma Yeeso, kyanən sē ahur aamdī kee, tərgha talara inggadə na Səsən Faara nən a tərha hai kəla tətiliurha tsauka a tenggən. **17** Sək urarha nda a talara hai, “Waana niya, nggəmmi, niyi a tək mbəndəghən fa kaan.”

4 Tərgha Səsəna tē Pedənda dəgha tē Yeeso a kaheerha dē ka a kəkərangga sheetan. **2** Yeeso kardə aama yi bēena kumnggit fadā nda fədigrha tē yan fara. Akwasamdghən kəsgha miirha ndən. **3** Tərgha sheetan baġha thlēmādghən ba ndanggən, “Ana Wan Faara ni sa, tsawang feryini ya ka mburodi.” **4** Amma nggəmanngga Yeeso ndanggən, “Nəghən chichirethlee hai hu deleewar Faara: ‘Mbə tē mburodi kee na niifa kəra sə wa, amma tē laḅaara na kyarha ba a mii Faara.’” **5** Tərgha sheetan təranggən Urshelima dē wupəri tē Pedənda, təranggən ten Kən Faara sē na a Urshelima. **6** Ndagngən, “Ana Wan Faara ni sa, puru hweede hai, kəsər nəghən chichirethlee hai hu deleewar Faara, ‘Nən a ndang fathlənggighən

a nggawo wa nda sə, tə haryindan na nda a nggawo sə, amana dəghang sarwa feera fa.”

7 Nggəməngga Yeeso, “Nəghən chichireethlee hai, ‘a kəkərangna Chinəm Faarwa wa.”

8 Nggərgha Sheetan tərəng nda a ten wumnda sə na nzang kyadəng kutəryid kəshiirha nən heu tə mamnggitghən.

9 Ndagngən, “Ənggini heu ya niya furo kən, a bərna hai fəree mamnggirha na.”

10 Ndagga Yeeso, “Kalu kwamanna hai, Sheetan! Kəsər nəghən chichireethlee hai hu deelewar Faara: ‘Tətani a dəfang shilee na Chinəm Faarwa in, ndəghən katənggən na fərang mamnggirha.”

11 Tərgha Sheetan mal Yeeso nən. ‘Bagha fathləngya Faara bə kəlaghən ndaha.

12 Səkna Yeeso muwang nda Yahaya hu porsəna də, mal Yahudiya nən dəgha Nggalili də.

13 ‘Wa dərha nən Nadzarat də a wudgha Kafarnahum də na a mii wuri aama tə tsaurha, na a chehweed Dzebulu tə Naftali.

14 Kəsər a lədang ngganda ‘ya ndana annabi Ishaya tə ndaarha:

15 “Chehwed Dzebuluna tə chehweed Naftali, kunna a kwaman wuri aama, tə kəsər kufad Urdun, tə kəm chehweed Nggalili yi fīngya mbuwa wa Yahudaya.

16 Nafiya na tsaurha a wula nanda kukwaryirha kaan, Fīngya na tsaurha a mishim mərra kyad kukwaryirha bə.”

17 Ka a fardī ndən katərangna Yeeso pər ləbər Faara hai, nagha a ndaarha, “Malaman dimiyid nun, kəsər Kutəryid Talara nduwusdə bə.”

18 Nana Yeeso a wiirha hai a mii wuri aam Nggalili, na nafiya nən səri a wanmanggi nda Siman na nda aarha Mbiturus tə wanman Anderawus. Na nda a kəs tēngya tə panggamnggi ndan ahu wuri aamdī kəsər fa kəs tēngya nī.

19 Tərgha Yeeso ndanggən kanda, “Mbuwama samadna, niya tsawang kun fa kəs fiya bə.”

20 Tsu a mbədi kee malangganda panggamnggi ndan mbu samadghən nda.

21 Chik nən dərha mbeedə, nggərghən na nafiya səri a wanmanggi, Yakubu wan Dzabadi tə wanman na Yahaya. Kanda ahu kombuwol chii ndan Dzabadi, a tangsang panggamnggi ndan də, aagha Yeeso kanda.

22 Tsu a mbədi kee malangganda kombuwol ndan tə chi ndan mbu samadghən nda.

23 Yeeso wengdə chehweed Nggalili kahad nagha a tsahang fiya ha hu kən tsahad Yahudaya nagha a pər ləbərə na Mbənggən yi kutəryid Faara, tə kənanng nda fiya natə wanhaya dədamən tə beerha farha.

24 Ləbərghən dədə də inggun ta Suriya də. Bəng haya nda bə, heu tə fīngya natə wanhaya fa dədamən-dədamən, fīngya

kənanngna ənkaheeya kanda hai, tə kachelya tə fīngya mərna fandan hai, kənanngən kanda heu.

25 Fiya hangga mbuwa samadghən, fīngya a Nggalili bə, fīngya hu chehweerha bə na nda aarha talya kum, fīngya a Urshelima bə tə Yahudiya tə fīngya kəm a pəm kufad Urdun bə.

5 Hərəmna Yeeso na fiya wumnda hai hangga, tərəgha wumnda sə tsauka hai. ‘Bagha fatsahayighən thləmadghən bə, 2 katəranggən tsahang kanda ha.

3 Fa parkayani nafiya sənggasə fa yamiya ni hu səsəna, kəsər Kutəryid Talara yi ndanni.

4 Fa parkayani nafiya na a tərəha nanənya, kəsər na nda a nggab kanda.

5 Fa parkayani nafiya mbuwa tərəng tendan sə, kəsər na nda a har langad kəshiirha.

6 Fa parkayani nafiya na miirha a kəsə tə hushim nggayirha; kəsər nun a nggaala!

7 Fa parkaya ni nafiya na fiya a hadang kanda fa, kəsər na nda a hadang Faara fa.

8 Fa parkayani nafiya na hur ndan chahal, kəsər na nda ana Faara.

9 Fa parkayani nafiya na bəng tsau dədemnggirha, kəsər na nda aah kanda wangya Faara.

10 Fa parkayani nafiya na a səsəarha ka nggayirha, kəsər Kutəryid Talara yi ndanni.

11 Fa parkayani kun, ana fiya a ‘yar kun, səsangganda kun, kanda a nggaḃa kun tə ndaarha fa mbəlfeyya ni kun, kəsər ka nggi.

12 Ənama wutsəfayirha tə tək mbənda fa, nun wal kənaghən hangga a talara. Kəsər annabiya na kətəm səsangganda kanda kee.

13 Kunni fəs kəshiirha. Amma a tər mbənda fəsə də, kəkən nəm nggər nggərang bə? Balwa targhən sə wa, kəl iradə kee ishangga fiya hai.

14 Kunni kukwaryid kəshiirha. Wupəri na a mbərha na dāngkam mbə ḃəbeerha hai wa.

15 Tə kəm mbəm njang patilla tsəḃənggəm tə təḃa wa. A megheḃghən nəm dəfang nda a mbəd wagrəghən tənən fərang kukwaryirha fiya na ahur mindədi.

16 Nəghən kee kəm, ngwa njargha kukwaryid nun hai a mbed fiya naghən nda, tənə kowunni fal Chinun na a talara.

17 A numadun ndon bəni bə ka ḃi weleng ngyakhrha Musa də tə yi annabiya wa. Bawī bə ka ḃi weleng kanda də wa, amma ka ḃi lədang nda kanda.

18 Niya pərang kəkafek kun, kəl ma ngwala talara tə hweede, mbə ‘yasə na ngguchit a kəṭṭa də hu ngyakhrha Musa wa, kəl ma ləghəddə heu.

19 Kala niifa tədangga yandi na ngguchit ahu ngyakhkini teena ya, tsahang nggənən fiya ha kəm, nən a tsaurha ngguchit hu Kutəryid Talara. Kala niifa kəm

ənagha taara tə ngyakhkiniya tsahanggən nən fiya ha kəm nən a tsaurha manggən hu Kutəryid Talara. **20** Niya ndang nda kun, a kalwa nggayid nun yi fasəngya ngyakhrha Musa tə yi Farisaya wa, mbun tam kyarha hu Kutəryid Talara də wa. **21** “Səkdūn ‘ya ndang nanda chichiyinəm kaar tə ndaarha, ‘A bəldūn farha wa, kala niifa bəlgəha farha na a nda a ngwang kumarha sə.’ **22** Amma nggi kəm niya ndang nda kun, kala niifa səbna hurghən də tə shadghən na nda a ngwang kumarha sə. Niya nggər ndang nda kun niifa ndangga shadghən, ‘Ka wude,’ na nda dərha təghən mbed fa ngwa kumaaya də. Amma niifa ndangga shadghən, ‘Nural’ na nda a muwang nda hu waarha də mbuwa mərə hai.” (Geenna g1067) **23** “Tsaunən kee, a nanna a fər ən fərrəwa a Faara a mbəd sataka, a dālna teena hai səbāng na hur shadwa də, **24** malū ən fərrəwa a mbəd sataka. Duwa də ‘wan dūn tangsang pathlang nun tə shadwa, tərgha a bāna bā, bā dərha mbeedə tə fərrəwa. **25** A huhwad niifa sa, kadu kwamana na a tangsanggun pathlang nun kəkar kapa nun səla kən ngwa kumarha də. A karna fa, dənən təsa a mbed tə ngwa kumarha də. Tə ngwa kumarha kəm nən fərang sa wan səsalya. Wan səsalya kəm na nda muworha hu porsəna. **26** Niya pəro kəkafek, mba kyarhaba wa kəl tiina əndi kyo nanda heu.” **27** “Səkdūn ndən tə ndaarha, ‘A ənanna kulafayirha wa.’ **28** Amma nggi kəm niya ndang nda kun kala niifa kəlangga nuneefa sunaghənən ‘wadə teena ənədə kulafayirha təghən ahurghən. **29** A kyo yidwa yisəma hu dimiyirha hai, kutethleng sə muwangga də. A nggushi kədeng na patu tal a fadwa ma muwangganda fadwa heu ahu waarha də mbuwa mərə hai. (Geenna g1067) **30** Ana harwa yisəma a kyorha hu dimiyirha hai, kyathlang də muwangga də. A nggushi kədeng na patu tal a fadwa ma muwangganda fadwa heu ahu waarha də mbuwa mərə hai.” (Geenna g1067) **31** “Thlək ndan tə ndaarha, ‘Kala niifa kalgha nukkun hai tsawang dafa tətə a chireethleng deleewar nən sə yi kala hai.’ **32** Amma nggi kəm niya ndang nda kun kala niifa kalgha nukkun hai a mbə aten dimid kulafayirha wa, kyang nən hu kulafayirha hai. Kala niifa kəm kakhka nuneefa kal nanda hai ənənən kulafayirha.” **33** “Nggər dūn səkkən a mii chichiyyi nəm kaar tə ndaarha, ‘A tədang dūn ‘ya in ndaanun a Faara wa, amma kəsəama dəfmi nun ha əna nun a Chinəm.’ **34** Amma nggi niya ndang nda kun, a dəf dūn

mee tə thləm talara wa, kəsər mbəd tsawud Faara ni. **35** A dəf dūn mee tə thləm hweede wa, kəsər ndəna mbəd yibəd sar Faara. A dəf dūn mee tə thləm Urshalima wa, kəsər wupəri ni yi Faara, kutəra na manggən. **36** A dəf dūn mee tə thləm ten nun wa, kəsər mbun mbang nggərang was nun hai tsauka pəpət nduwa i’im wa. **37** ‘Ya kamngga kee, ‘Yoo’ tsauka ‘Yoo,’ tə kəm ‘Awo’ tsauka ‘Awo.’ Kala laḃaara kalgha yandamu ya kyaghən bə a mii təmbəlfeddī.” **38** “Səkdūn ndən tə ndaarha, ‘Yirha a megged yirha, thlaana a megged thlaana.’ **39** Amma niya ndang nda kun, a kardūn tə mbəlfēerha fa wa. A mbi niifa sa hu kəmeng wa yisəma, kyakhrang man patu bə kəm. **40** A huhwad niifa sa ka a thlanggən luwudwa, fərang kabad wa kəm. **41** A ngyaḃo niifa hu wiirha hai mel tal, weema də kyab mel səri. **42** Kala niifa hwanowa ‘ya, fərang, kala niifa kadagha kumarha a harwa a ‘yadāng na wa.” **43** “Səkdūn ndən tə ndaarha, ‘Nggə mama tula yinun kar fatsan ngginun nun.’ **44** Amma niya ndang nda kun, nggə mama fa tsangginun, hwana man Faara nafiya teena na a səsang kun. **45** A nadūn kee, nun tsaurha wangya Faara na a talara, kəsər nən fər yanfaara a ka nafiya tə fa mbəlfēeya. Nən bə ‘yaara a nafiya na tə nggayirha fa tə fīngya mbuwa tə nggayirha fa. **46** Ana dūn a nggəm nafiya na a nggəm kun kee, kəkən nun wal parka? Ko fathlə tsamngya ni ma mbəna nda ənaarha kee wa? **47** A nadūn a əna nggayirha a pashiyi nun kee, ma nun a ənaarha kalgha fīngya mu? Mbəna fa dāhaya ənaarha kee wa? **48** Amma tsawama lələgdə kəla nana Chinun na a talara lələgdə.”

6 Kwarama a kyad dūn nggayirha a mbed fiya ka a na kun nda wa. A əna dūn kee, mbun wal kənaghən a har chinun na a talara wa. **2** A nadūn a fəra a kaldūn miighən də kəla na fa thlərbuya ənaarha hu Kən Faara, tə ten kwamangya, ahur wure ka a fal kanda nda wa. Niya pərang kəkafek kun, ‘Wanda teena thlənda yi ndan kəna. **3** Amma a nadūn a fərang niifa ‘ya na midghən, a nggəmdūn fa səngga yi kawa ‘ya na yisəma a fəra wa. **4** No a fəra bəḃee, tərgha tsu na a na ‘ya na a ənaarha bəḃee nən a fəro kənaghən. **5** “Anadūn a hwan Faara, a əna dūn kəla fa thlərbuya wa. Kəsər kanda na mindan sə hwan Faara kət kəkədə a kəngya yi hwan Faara, tə kəm aten kwamangya ahur tala ka a nagha fiya kanda. Niya pərang kəkafek kun ‘wanda

teena wal nda kōna ndan. 6 Amma anadun a hwan Faara, kyama hur kōnna dā, nggālang nggun kwatminda a hwanang nggun chinun, mbuwawa nēm a naarha. Tōgha Chinun, na a na 'ya bābee, nēn a fōrang kōnaghēn kun.” 7 “Anadun a hwan Faara, a nggurbang dūn 'ya nun a thlērha kēla nafiya sēngwa Faara na a ānaarha wa. Tamngganda ndaarha na nda sēk fandan a nanda a nggurbang pathla mu. 8 A tsaudun kēla kanda wa, kēsēr Chinun sēndā 'ya na minnun kapa nun tsahang mee. 9 Hwanama kiya.” “Chinēm na a talara a chilbi thlēm wa nēm ha. 10 Kutēryid wa bāgha bā. 'Ya na midwa a ānaghēnan, hu kēshiirha kēla yandī na nanda a ānaarha a talara 11 Fōrang ānnadmid par fara kan. 12 Chahang dimiyid nan kandā, kēla nan chahanggēn fīngyadā na a ānang dimiyirha kan fa. 13 A dōnna tē kan hu kēkōrra dā wa, amma hōrghang kan a haar tēmbēlfēddi.” 14 Kēsēr a chahang dūn dimiyindan fīyadā ānangga dimiyirha kun fa, Chinun na a talara kēm nēn a chahang dimiyid nun kun dā. 15 Amma a chahang nggun dimiyid ndan fīya dā wa, Chinun na a talara kēm mbē chahang dimiyid nun kun dā wa. 16 “Anadun a kar aama, a ndeng dūn yid nun hai kēla na fa thlērbuya ānaarha wa, kēsēr na nda ndeng yindan hai tēna fīya sēndasē na nda a kar aama. Niya pōrang kēkafek kun, 'wanda teena thlōnda kōna ndan. 17 Amma ana dūn a kar aama, tsātsādang was wa kēm fōdeerha na aten wa, 18 amana fīya sēnda sē nun a kar aama. Chinun mbuwawa nēm a naarha, na a na 'ya nēm a ānaarha bābee, nēn a fōrang kōnaghēn kun.” 19 “A dōfang dūn kōna alten nun dā hu kēshiddīya, na mēmēngya tē hēla sēbang nda dā, tē kēm na ngārya kyarha dā tōrang ngganda wa. 20 Amma dōfa man kōna altēnnun dā a talara, mbuwana mēmēngya tē hēla sēbang dā, tē kēm mbuwana ngārya kyarha dā ngāara nda. 21 Kēsēr kala mbērha nana kōnawa sē ndōna mbād numad wa.” 22 Yirha ndōna kukwaryid farha, ana yidwa kanglang hai, fadwa na heu nēn narha lōlēgdā tē kukwaryirha. 23 Amma a mbē yidwa kanglang hai wa, fadwa na heu nēn narha tē wula. Ana kukwaryirha na a fadwa wulani, fadwa na heu nēn narha tikdik. 24 “Mbē mafarha sē na ānang taara turaya sēri wa. Tsaudā nēn nggēm tal kar tahadghēnēn, nduwa kēm mananggēn tal sar tahadghēnēn. Mbē ānaarha hai ānang taara nun Faara tē

wudābēla kyab wa.” 25 Tsaunēn kee, niya ndang nda kun, a billadun tē yībēd nun wa, tē 'ya nun ānnarhami tē sarha wa, nduwa fannun 'ya nun kala fa wa. Kalwa yībēd nun ānnarhami wa, nduwa kalwa fannun 'ya nun a kala fa wa? 26 Kēla man wudikkyā lee! Mba nda hēfrha wa, mba nda haathla wa, mba nda tē kōn ānnarhami nduwa bīriukya wa, ko nanēn kee na Faara fōrang ānnarhami kanda. Sēngunsē mamnggit nun kaldā yī wudikkyā wa? 27 Wunni ahur nun aten billadghēn na mbang chik bēnggēn hu kēshiirha? 28 Kama nun billarha aten lukkyā? Kēla man fid dōfya na tsērha. Mba nda āna taara, ko pu kabārha wa. 29 Ko nanēn kee, niya ndang nda kun, ko kutēra Sulemanu tē mamnggitghēn 'wa wa ngwarha fa kēla tal ahur ndan wa. 30 Ana Faara a ngwang nda fid dōfya fa na a hee kiya, hwaliirha nasē a weeriya, a bīnda kēm njigha dā, sakkwa kun nēn ngwang kun fa. Kama nanun tē yamid fōrkōkafek? 31 “Nanēn kee a billadun aten āngginiya tē ndaarha, 'Ma nan ānnarhami? Nduwa, ma nan saarha? Nduwa, ma nan kala fa?” 32 Kēsēr nafiya sēngwa Faara ndōna kadā tur āngginiya, Chinun na a talara sēndasē na minnun sē āngginiya. 33 Kadāma kutēryid Faara 'wan tē āna nggayirha, ānggini na heu kēmāyā nēn a fōranggēn kun. 34 Tsaunēn kee, a billadun tē bīnda wa, kēsēr bīnda nēn a bārha bā tē billadghēn. Kala parra yanfaara nēghēn tē billad altēnggēn.

7 “A ngwangdūn kumarha fīngya wa, kun nggima mba nda ngwang kumarha kun wa. 2 Kēsēr na nda a ānang nda kun kēla ānang nun fīngya. Tasau nun a kēkōrang fīya sē ndōna nda kēkōrang nda kun sē. 3 Mani na kēlang hwaliirha na a yid shadwa, sa kula kēdang miwaarha dā na a yidwa? 4 Kēkēn na ndang nda shadwa, 'Wanya ni a kēdō hwaliirha dā a yidwa' kula sa na miwaarha na yidwa? 5 Sa tēthlērō! Katarang kēdang miwaddā 'wan na yidwa tēna na mana hai ngga, na a mbangga kēdang hwaliirha dā na yid shadwa.” 6 A fōrang dūn 'ya wudaya na chahal wa. A tsamang dūn ān thlēmāaya dā tē ān uraya natē wudābēla fa a kēlēngarya dā wa. A āna dūn kee, na nda ishang hai a kamu saryi ndan. Na wudā yini a kyaharra hai njarang ngganda kun dā kushir-kushir. 7 Naama a hwanda na nda fōrang kun. Naama a kadaarha nun a waala. Naama a dōk kwatminda, na nda inanggēn kun hai. 8

Kəsər kala niifa hwangga, na nda a fərang, niifa kadagha kəm nən a waala. Kəmdərha kala niifa dəkka kwatminda nanda inanggən hai. 9 Wunni ahur nun, a hwanang wanggən mburodi fərang feera nən? 10 Nduwa a hwanang də tənə fərang hulthne nən? 11 A tsaudə, kun na fa mbəlfeyya səndun 'ya nun fərang nda wangginun əngya na ngga, sakwata chinun a talara, nən fər əngya na ngga a nafiya na hwanda. 12 Tsaunən kee, ənəman 'ya fiya kəla na mid nun a ənang ngganda kun. Kəsər tsahad ngyakhrha Deleewar Musa niya tə yi annabiya. 13 Kyarha hu kutəryid Faara də tətani kyana tə kwatkirma na i'yaḃa. Kwaman dərha hu waarha də nəghən manggən, kwatkirəm nggən kəm nəghən kəthləng, nafiya hangga wurgha kwaman di. 14 Kwatkirəm wal yibrha nəghən ngguchit, tə kəm kwamanggən nəghən pədaghən, nafiya na a kyarha sə na nda ngguchit. 15 Kwarama tə annabiya fa nggaḃaya. Na nda ḃarha thləmad nun ḃa tə lukrha fa kəla chauraya, amma hur ndan nəghən kəla məmereeya. 16 Nəm sənang kanda hai ahu ən ənəd ndan kəla nəm sən dərfa tə tur wanggighən. Mbəm dakh wan inabi ḃa a fad ndaha wa, nduwa wan shiḃarha a fad ndakh mbəlfēerha wa. 17 Dərfa na ngga nən nggət wan dərfa na ngga, dərfa mbuwawa ngga nən nggət wan dərfa mbuwawa ngga. 18 Dərfa na ngga mbə nggət wan dərfa mbuwawa ngga wa, tə kəm dərfa mbuwawa ngga mbə nggət wan dərfa na ngga wa. 19 Kala dərfa mbuwa nggət wan dəfiya ngga na nda kyathlang də muwang ngganda ahu waarha də. 20 Nəghən kee, kəla nəm sənang dərfa hai tə tur wanggighən, nəm sənang annabiya fa nggaḃaya hai kee kəm tə ən ənəd ndan. 21 “Mbə fiya heu na a aah nggi, ‘Chinəm, Chinəm,’ na a kyarha hu Kutəryid Talara də wa, amma kəl nafini ənagha 'ya na mid Pəpa na a talara.” 22 “Nafiya hangga na a ndeerha a fardi, ‘Chinəm, Chinəm,’ pər dən laḃar Faara tə thləmwə, tə kəm kyang dən ənkaheeya sə tə thləmwə, tə kəm əna dən ənwulteengya hangga tə thləmwə.” 23 “Amma niya nggərang kanda sə, “wawī sən kun wa. Weema ma thləmadna kun fa mbəlfeyya!” 24 Kala niifa kang ngga thləmaarha tsahad na fa əna taara nən sə nəghən ndəndəl, kəla niifa təngga wurighən aten feera. 25 Bana 'yaara hai, ləghədgha kufaarha, dəkka bəreu 'yaara wuridi amma mbangwa chang hai wa, kəsər təngga ndan aten feera. 26 “Amma niifa səkka tsahad na

ənawa taara sə wa, nəghən kəla nur niifa təngga wurighən aten chehweerha. 27 Bana 'yaara hai, ləghədgha kufaarha, dəkka bəreu 'yaara wuridi chang nggən hai hwaf.” 28 Ngwalang na Yeeso tsahadghən ha, fiya wumngga hai əna ənwulteena nda aten tsahadghən ha. 29 Kəsər tsahadghən ha nəghən kəla niifa na tə səsəmnda, mbə kəla fatsahaya yi ngyakhrha wa.

8 Tərna Yeeso hai a wumnda, takkwagha fiya ndən hangga. 2 Na niifa sə na tə wanhad termeerha fa, nanən Yeeso dəgha thləmadghən də, bərgħa hai a mbedghən hwanggən nən ndanggən, “Chinəm, a nggəmna fa na mbang tsabēedə.” 3 Tərgħa Yeeso fər harghənən də tsuwarghənən fa ndanggən, “Nggəmdi fa a tsabana də. Tsabudəl!” A mbədi tsu kee, termeddi ndəkka hai təghən. 4 Tərgħa kəsgha Yeeso thləmadghən ndanggən, “A pərang nan niifa wa, amma duwadə kyadang fadwa firis na sa nən. A əno sataka tənə fiya səndasə tsabnadə kəla ndana ngyakhrha Musa.” 5 Kyana Yeeso Kafarnahum hai, ḃagħa mamnda sodja Romaya thləmadghən ḃa hwanggən nən ndanggən, 6 “Chinəm, mafadna kalth a wuri mbə kanglang wa, mər fadghən hai nəghən a səsarha kaan.” 7 Ndagga Yeeso, “Niya dərhadə di kənanng nda.” 8 Tərgħa mamnda sodja Romaya nggəmannggən Yeeso ndanggən, “Chinəm, tsəkki na a ḃana minda kyana ḃa wa, amma a nggəmna fa kalu sə kee a mbədi na nana na mafanna a kənda. 9 Kəsər nggi niyi akamu ngyakhrha niifa, kəmda tə sodjaya a kamuna. Ni ndangnda yandiya, ‘duwadə’, nən dərhadə; yandi taarha kəm ndanggi ‘ḃoḃa’, nən a ḃarha ḃa, ndanggi mafanna, əno kiya, ənagħa kəla ndangni.” 10 Səkna Yeeso ndən kee, wulangga teena. Kyahargħa hai ndanggən nafini na a mbu samadghən, “Niya ndang nda kun, ahur Isəreela 'wawī wal niifa tə fərkəkafek fa tə kanglanggirha kəla yandiya wa.” 11 “Niya ndang nda kun, fiya hangga na a ḃarha ḃa a man kyad yanfaara tə man həməndəghən, na nda a tər mbəd tsawud ndan tə Ibrahim, tə Ishaku tə Yakubu ahu wutsəfayiddi hu Kutəryid Talara. 12 Amma Isəreelaya hangga kya nanda əna Kutəryiddi ka kanda, nanda a muwang kanda ahu wula də, a mbədani na nanda a tərha sə tə kət mee.” 13 Tərgħa ndagga Yeeso mamnda sodja Romaddi, “Wudū wureedə, ka fərkəkafekkid wa ni ənagħa

ndən katəra nən hai kee.” Mafaddi keeghən kəngga məmalla sayiddi wu. 14 Səlna Yeeseo a minda ki Mbiturus də, dəgha wal thlaḅər Mbiturus tənuwunda fadghən ɓee kalth hu sərə. 15 Tsuwargha Yeeseo harghən fa, kəngga. Tərgħa thliigha sə fərang ənnaarhami nən. 16 Tsəna figrha hai, nafiya natə ənkaheeya fa hangga ɓa nda tə kanda thləmad Yeeseo ɓa. Kyanggən ənkaheeyina sə tə mee kee, tə kəm kənanngən haaya heu. 17 Ənanən əndiya ka a ləghədgha laḅardi thləkna Chinəm tə mii annabi Ishaya, ndanən: “Tərang də ɓeerha fayi nəm, tə kəm kədanngən wanhayi nəm də.” 18 Kəlang na Yeeseo fiya wumngga thləmadghən ɓa, ndanggən fətsahayighən a dənda pəm wuri aama Nggalili də. 19 Tərgħa tal ahur famaləmgnya ngyakhrha Musa ndanggən, “Mala, niya mbusamad wa kala mɓərha na a dərha saadə.” 20 Nggərangga Yeeseo sə, “Tsarwaya tə kwandan sə, wudikkya na hu ɓeurha tə kəndan sə, amma Wan Niifa mɓə mbədghən sə ko na a dəfanggən tenggən sahai wa.” 21 Tal ahur fətsahayighən ndanggən, “Chinəm, malee 'wan wudi wureedə di pangnda pəpa.” 22 Amma ndangga Yeeseo, “Mbuwu samanna nanənya! Malang mərya pang ngganda mərrendan.” 23 Tərgħa Yeeseo kyagħa hu kombuwol hai katəranggən tədang wuri aamdi teena tə fətsahayighən. 24 Kula səndəndan sə, ɓagħa ɓereu 'yaara ɓa na kanglang ahu wuri aam dāḅa katərangga aamdi kudufulla hai nagħa aama a pisha ahur kombuwol dā hai. Amma tərang ɓeena Yeeseo də. 25 Dəgha fətsahayighən də mekhəng ngganda sə ndang ngganda, “Chinəm, hərgħang kəm! Nəm a hwaarha dəl!” 26 Amma nggərangga Yeeseo kanda sə, “Kama nun a tərəmnda? Kədi fərkəkafekkid nun!” Tərgħa thliigha sə yanaggən ɓereudi tə kudufulla aamdi, nggasgha mɓərha hai. 27 Kəsangga ənwulteena fətsahayighən tsakhmee nda, “Tur niif wunni ya? Ko ɓeurha ni tə kudufulla aama na nda a takkwa 'ya ndanən!” 28 Səlna Yeeseo a pəm wuri aam dādə, na a man ki chehweed Nggadaraya, nafiya səri na tə ənkaheeya fa ɓa nda thləmadghən ɓa. ɓagħa nda ɓa a mbəd ten kwaya, mɓə niifa sə na mɓang mɓəradə tə mbədi wa, kəsər tsau nda ən tərəmnda. 29 Katərang ngganda huhwang nda hai na nda a ndaarha, “Ma djidoiwa tə kan, Wan Faara? Bana ɓa ka a səsangga kan kapa na far ngwa kumad nan tsərha hai wa?” 30 Tsau tə mbədi na kələngarya sə na a lafrha. 31 Hwangga

ənkaheeyini Yeeseo, “A kyang na kan sə, dāng kan ahur chifəd kələngaryina də taarha.” 32 Ndanggən kanda, “Daama dəl!” Nanən kee kya nda sə dənda ahur kələngaryina də. Chifəd kələngaryini kahat daa nda ahur wuri aam dādə hwaa nda də. 33 Nafini na a laf kələngaryini daa nda hur tala də pər ənda nda katəragħa hai heu, tə kəm əndi katəragħa hai tə nafini səri na tə ənkaheeya fa. 34 Tərgħa nafiya hur talɗi heu kya nda ɓa ka ɓa nda na Yeeseo. Na nanda Yeeseo hwangganda a mal chehweed ndan nən.

9 Kyagħa Yeeseo ahu kombuwol hai dəgha hu talghən də mannən sə Kafarnahum. 2 ɓagħa fingya nafiya ɓa tə niifa mərna fadghən hai kalth ahu dānggəla. Nana Yeeseo fərkəkafekkid ndan, ndanggən niifdi mərna fadghən hai, “A ɓilladna wa waana, chohonda dimiyidwa də.” 3 Fingya famaləmgnya ngyakhrha na nda a ndaarha ahur ndan tə ndaarha, “Kamshidiya nəghən a sar Faara.” 4 Sənanngga Yeeseo numad ndan hai ndanggən kanda, “Kama nun numad ən mɓəlfəerha kiya ahur nun? 5 Yanggini pəpa, a ndang nggi tə mərna faddi, ‘Chohonda dimiyidwa də wa,’ nduwa, ‘Thliusə wiu wa?’ 6 Amma niya kyadāng ndaarha kun, Wan Niifa nəghən tə səsəmnda ha hu kəshiddiya yi chakh dimiya.” Tərgħa ndanggən niifdi mərna fadghən hai, “Thliusə, tərang dānggəlwə sə, wiina wureedə.” 7 Thliigha niifda sə harad dəgha wureedə. 8 Nagħa fiya wumngga hai əndi katəragħa hai kəsangga ənwulteena kanda. Tərgħa manang ngganda Faara tə thlənanngga niifa ɓa natə səsəmnda fa kaan kiya. 9 Nana Yeeseo diye mɓeedə tə wiirha na niifa nən na nda aarha Matta, ndəghən tsau a mɓəd thlə tsamnda. Tərgħa ndangga Yeeseo, “Mbuwu samanna.” Thliigha sə mbu samadghən nən. 10 Tsəḅaku, na Yeeseo a həɓ ənnaarhami a wuri ki Matta, ɓagħa fa thlə tsamngya tə fadimiya hangga, həɓ ənnaarhami nda təghən tə fətsahayighən. 11 Nana Farisayini ndən kee, tsahang mee nda fətsahayighən ha, “Kama na təmaləm ndənun həɓrha tə fathlə tsamngya tə fadimiya?” 12 Səkna Yeeseo ndən kee, nggəranggən kanda sə, “Nafiya na kəkanglang hai mɓa nda kadā təpurha wa, kəl nafiya mbuwa kəkanglang. 13 Nanənya, dāmadə dūn tsaha əndi na laḅar Faara a ndaarha, ‘hadāng nda niifa fa ndəna minna a fannun, mɓə sataka wa.’ Kəsər ɓayi ɓa ka a aah nafiya ni na a numad ndaarha na

nda a əna nggayirha wa, amma kəl fa dimiya.”
14 Tərgəha bağha fatsahaya Yahaya a thləmad Yeeso ɓa ndang ngganda, “Ma ənagha ndən kan tə Farisaya a kar aama, amma fatsaha yiwa mba nda kar aama wa?”
15 Nggərangga Yeeso kanda sə, “Kəkən na hur pashiya wutsamnda səbrha də ndəghən wutsamnda ɓaldə a thləmad ndan? Na fara ɓayi nanda a tərang wutsamnda ma kanda. A fardə ni na nanda a kar aama.”
16 “Mbə niifa sə na mbuhwang suhurra lukrha tə weerənda ɓar kaɓaarha wa, kəsər na mbuhuddi a njarang nda luwudda də, njarrəghən nən a kal yi kaar.”
17 Tə kəm mbə niifa sə na irang nda weerənda aam inabi ahu suhurra samsamiya hai wa. A irang nda sa hai, na samsamiyini a dathla də, na aam inabidi a iraadə, samsamiyini na nda səbrha də. Weerinda aam anab, kamdə a irang nggəm ahu weerənda samsamiya hai. A ənadəm kee na aam inabidi tə samsamiyini a ɓaala hai.”
18 Yeeso ɓaldə a kalang kanda sə, bağha mamnda kən tsahad Yahudaya ɓa ɓərgəha hai a mbedghən ndagha, “Mərgəha wutarad na kukuling ya, ɓoɓa ɓa tsəwargən fa, nən a thliirha sə tə yibrha.”
19 Thliigha Yeeso sə tə fatsahayighən mbu samadghən nda.
20 Tərgəha na nuneefa sə ənagha hurarha kumkap səri fara a ɓang fa hai. Bağha ɓa təman kəsərgən tsuwar mii luwudghənən fa,
21 kəsər numaghən tə ndaarha, “Ko luwudghən tsuwar ni fa kee, niya kənda.”
22 Kyaharna Yeeso hai na nən ndən, ndagha, “A ɓillanna wa, waana, fərkəkafekkid wa kənodə.”
Tsu a mbədi kee kəngga.
23 Kyana Yeeso minda ki mamndəda hai, na fa pi perəmngya nən tə fiya wumngga hai kanda a mbeela.
24 Tərgəha ndagha, “Kyama kəshaadə, mər wa wutaraddi wa, nən a shiirha ni kee.”
Amma masangga fiya wumngga hai.
25 Akwasamaddi rək nanda fiya kəshaadə, kyagha də kəs har wutaradda nən, thliigha sə.
26 Laɓar ənwulteendiya weldadə ahu chehweddi kahat.
27 Akwasamaddi malna Yeeso mbədi, kwamaya səri həshya mbu samadghən nda kanda a aaghən, “A hadəwan fa, Wan Ndauda!”
28 Kyana Yeeso hur minda hai, tərgha kwamayini dənda thləmadghən də, tsahang mee nən kanda, “Fərdun kəkafek ni mbang kənan kun wa?”
Nggərang ngganda sə “Ha i, Chinəm.”
29 Tərgəha tsuwar yiya ndan nən fa ndagha, “Kəsər ka fərkəkafekkid nun, nun a kənda.”
30 Tərgəha yiya ndan inggadə. Kəsgha Yeeso thləmad ndan kaan ndagha, “A pərang dūn ndən niifa wa.”
31 Amma kya nda sə pər laɓar

daa nda ahu chehweddi kahat. **32** Kyana nda sə, na niifa sə natə ənkaheerha fa mbə mbang kalasə wa, ɓa nda təghən thləmad Yeeso ɓa.
33 Kyang na Yeeso ənkaheedda sə, niifdi mbuwa mbang kalasə kalgha sə. Fiya wumngga hai kəsgha ənwulteena kanda ndaa nda, “Waghəm tam na 'ya manggən kəla yandiya a Isəreela wa.”
34 Amma ndagha Farisaya, “Mamnda ənkaheeya fərangga səsəmnda kyang nda ənkaheeya sə.”
35 Yeeso wengdə wupəriya hai tə talya heu a tsahang fiya ha ahu kən tsahad Yahudaya, tə pər Laɓara na Mbənggən yi Kutəryid Faara, tə kəm a kənan nda fiya natə wanəha dədamən-dədamən.
36 Nana Yeeso fiya wumngga hai, hadangga nafina fa, kəsər na nda hu səsəarha, mbə niifa sə na dāng kanda sə wa. Na nda kəla chauraya na kula təlafra.
37 Tərgəha ndanggən fatsahayighən, “Mul hathla hai, amma kədi fatarya.”
38 Tsaunən kee, hwanama təheddi, thlən fatarya nən ɓa ɓanda hathlang sə.”

10 Aagha Yeeso fatsahayighən kumkap səri a thləmadghən ɓa, fərang səsəmnda nən kanda a kyang ngganda ənkaheeya sə tə kəm kənan ngganda wanəha dədamən-dədamən tə ɓeerha farha.
2 Kulo thləm fathləngya Yeeso kumkap səri ya: Siman nanda aarha Mbiturus, Andrawus wanman Siman, Yakubu wan Dzabadi, Yahaya wanman Yakubu,
3 Filibus, Mbatalomi, Toma, Matta tə thlə tsamnda, Yakubu wan Alfiyus, Taddiyus,
4 Siman təsərək chehweedghən, Yahuda Iskaryoti fərgəha Yeeso də.
5 Thləngga Yeeso kumkap səri di ndanggən kanda, “A dūdun thləmad fingya də mbuwa Yahudaya, nduwa talya Samariyaya wa.”
6 Amma daama thləmad nafiya Isəreela də, chauraya Faara sahadgha.
7 Daamadə dūn ndangnda kanda nduwus Kutəryid Faara ɓa.
8 Kənanaman haya, thleeman mərya sə, kənanaman fingya natə wanhad termeerha fa, kyaman ənkaheeya sə. Fərang nggandan kun ka, kun kəm fəramadghən ka kəla thlənun ndən!
9 A kəsduw wudəɓəla ha hu panjakwan nun wa, ko təfaasa, nduwa wurirha, nduwa kala 'ya na kəla wudəɓəla wa.
10 A kəsduw yawarha ha tə lukrha tə pakhma, nduwa səsəala wa. Kala 'ya fərang nanda kun a kardun ndən wa, kəsər tətəara kamdə a wal ənnarhami nən.”
11 Kala wupəri nduwa tala kyanun sahai, kadaama ka niifa tsawun ahur mindəghən ta far dādə nun a mal talɓi.
12 A kyadun hur minda hai, ndaama'ya tə kəm

fərang parka nun kanda. **13** Ana ka minda ni ngwa tsauka parkad nun sə. Amma a mbusə kee wa, ngwa wudgha parkad nun a fad nun 6a. **14** Kala tala nduwa wure kyanun sahai, a thluwa nda kun fa wa, nduwa kar nda kang thləmaarha kun fa, anadun a wiirha paman tinid mbəda də na a fad sarnun. **15** Niya pərang kəkafek kun, a far ngwa kumarha a nggushi nda Sodom tə Nggomara na nda a hadang kanda fa ma taldi. **16** Niya thlən kun kəla chauraya ahur məmereeya də. Nanən kee tsawama thladwayirha kəla huthlingya tə kəm tsawama məsələmnda nafiya kəla kataprakkyā. **17** Kwarama! Kəsər na nda a dərha tə kun mbed fa ngwa kumaya də tə kəngya tsahad Yahudaya tsada kun nda. **18** Nanda a dərha tə kun a mbed ngwamnaya də tə kutərya kəsər ka nggi. Əndaniya na fərang kwamana kun pərang kəkafek nun kanda atenna. **19** Amma a kəsang nda kun a billadun tə 'ya nun a thləkrha tə kəkən nun a thləkkən wa. Kəsər a məməlla sayiddi na Faara a pərang 'ya kun nun a thləkrha. **20** Kəsər mbə kunni na a kaala sə wa, Səsən Chinun ni na a kaala sə ahur nun. **21** “Wanmana nən a fər wanman a bəlang ngganda. Chingya na nda a fər wanggindan, na wundakhnaya a thleng fa nggət yindan fa a bəlang ngganda kanda. **22** Na fiya heu a kar kun kəsər ka nggi. Amma kala niifa kərəsgha, nən a hərəkrha. **23** A səsang nda kun ahu yandi tala ya, daama hu tala də pak. Niya pərang kəkafek kun, Nggi, na Wan Niifa, ni a wutta 6a kapā nun weng talya Isəreela hai heu.” **24** “Wan təmakarantarha mbə kal təmaləməndəghən wa, tə kəm mafarha mbə kal turighən wa. **25** Wangya makarantaya kamdə a na nda kəla təmaləməndən ndan, mafaya kəm a na nda kəla turi ndan. Nanən Nggi, na tuwuri di, anda nggi kogna ənkaheeya, wangya wuridi kəm na nda aah kanda tə thləma kalgha yina mul!” **26** “Nanən kee, a tərəm dūn fīngya na a səsang kun wa. Kəsər na farghən 6ayi kala 'ya na nggənggəla na nda a inang də; kala 'ya na 6əbee kəm nən a kyarha papal 6a səkkəna fiya heu. **27** 'Ya pərang ni kun hu wula, təraman urad nun sə pərgən nun a yanfaara a dalth mbərha hai. 'Ya shishiwang ni kun hu thləmaarha hai, tərama ten kənna sə təranggun urad nun sə pərgən nun səkkəna kowunni! **28** A tərəm dūn fīngya na a bəl farha wa; kəsər mba nda mbang bəlang shingnda wa. Amma tərmana Faara katənggən, ndəghən na mbang bəlang farha tə shingnda

kyab ahu hwanga. (Geenna g1067) **29** Mbə na nda heng wudikkyā də səri kobo tal wa? Amma a muk tal a hweede hai na Chinun sənda sə. **30** Ko was tengginun heu nəghən thləthləda. **31** Nanən kee, a tərəm dūn wa; kal dūn wudikkyā hangga a mbed Faara.” **32** “Niya ndang nda kun, kala niifa ndagha səndə nggi a mbed fiya hu kəshiddiya, nggi kəm niya ndaarha səndi ndən a mbed Pəpa na a talara. **33** Amma niifa kəm ndagha səngwa nggi wa a mbed fiya hu kəshiddiya, nggi kəm niya ndaarha səngwi ndən wa a mbed Pəpa na a talara.” **34** A numadun ndon 6ang ni tsawud dədəmnggirha kəshiirha 6a wa. Awo, 6awi 6a tə tsawud dədəmnggirha wa, amma thlaulkh kəlara. **35** “Bani 6a ka a 6i wumang yanda a pathlang: ‘Nda wee həshin tə chin, nda wutararha tə man, nda nu wee tə thləbərghən tə nuwunda. **36** Fa saryi nun, na nda naarha ahur mindənun.’” **37** A nggəmna tsu nduwa muwa ma nggi, tsəkka a tsawana yina wa. Tə kəm a nggəmna wundəlad wa nduwa wutarad wa ma nggi, tsəkka a tsawana yina wa. **38** Kala niifa kargha tər kadidghən fa mbu samadna nən, tsəkkwa a tsauka yina wa. **39** Kala niifa nggəmnnga yibədgən, nən a kədeng nda, tə kəm kala niifa kədengga yibədgən ka nggi nən a walghən. **40** “Kala niifa thləgha kun fa thlənən nggi, tə kəm kala niifa thləgha nggi fa thlənən Chindi thləngga nggi 6a. **41** Kala niifa thləgha annabi fa kəsər ka nanən annabi, nən a wal kənaghən yi annabi. Kala niifa thləgha ka niifa fa, kəsər ka nanən ka niifa nən a wal kənaghən yi ka niifa. **42** Kala niifa fərangga aam saarha na shishiu ahu wuhuleurha a tal ahur fīngyayini na nggun-ngguchit ahu fatakkwayina, kəkafek nən a wal kənaghən.”

11 Ngwalang na Yeeso thləghang palthyini a fatsahayighən kumkap səri, kyagha sə ka dəgha tsahang fiya ha tə pər labar Faara hu fīngya a talya Yahudaya. **2** Nana Yahaya tə Mbaptisəma ahu porsəna, sək labəara nən aten ənggini na Kərəsti a ənarha. Tərgha thlən fatsahayighən nən də da nda tsahang mee Yeeso. **3** Ndag ngganda Yeeso, “Sani Kərəsti di nan a kəlaarha fa wa, nduwa dən mbeedə tə kəla niifa fa pak wa?” **4** Ndagga Yeeso kanda, “Wudaama dūn pəranggən Yahaya 'ya nun a səkrha tə 'ya nun a naarha. **5** Kwamaya a na mana hai, Səfəngya a wiirha hai, fa tərmeeya kanda a wal kənda, tēbəngya a sək labəara,

kanda a thleng marya sə tə yibrha, tə kəm kanda a pər Labara na Mbənggən a fa yamiya. 6 Ndaaman, ‘A fərangga Faara parka fīngya kawaa kəsəra, kəsər ka nggi.’” 7 Nana fatsaha yini ki Yahaya a wiirha, katərangga Yeeso tsə labaara hai aten Yahaya ahu terdi wumngga hai. Ndagngən kanda, “Tur yanggi niifa ni dūnun ka kəlang nda a kaheerha də? Niifa ni na kyakhrang hutengngən hai kəla hwaliya na nzənzang na bəreurha a tsang ‘ya fa wa? 8 Nduwa nuwun a numad ndaarha dūnun ka kəlang niifa də ngwagha fa tə kari na tə wudəbəla fa ngga wa? Awo, nafiya na kal kari fa natə wudəbəla na nda tsaurha a kwakirəm kutəra, mbə a kaheerha wa. 9 Dūnun ka kadā annabi wa? Yoo, kaldə annabi.” 10 “Kəsər Deleewar Faara tsədə labaara aten Yahaya ndanən, ‘Niya thlən təthləndəna ‘wagha mbeedə ma sa, nən a takso kwamana də kapa na bərhəba.’” 11 Niya, pərang kəkafek kun, mbə niifa sə nggət nanda hu kəshididiya kalgha Yahaya tə mbaptisəma mamnggirha wa. Amma ko yandə ni na ngguchit ahu Kutəryid Talara kaldə Yahaya mamnggirha. 12 Ka a thlakh mbəddi katərangna Yahaya tə mbaptisəma pər labar Faara hai, ta weeri dəba ya, Kutəryid Talara aten dərha mbeedə tə kanglanggirha, ko nanən fa mbəlfēeya na nda a yandə təghən. 13 Kəsər kapa na Yahaya bərha ba, annabiya heu tə Deleewar ngyakhrha Musa thlək nda ‘ya bagha katərarha hai. 14 A nadun a nggəmfa tə ‘ya ndaani, Yahaya ndəghənni Ilya, yandi ndana annabiya nən a bərha ba. 15 Kala niifa na tə thləmad səkrha, səkkənən. 16 Tə ma ni sakh nafiya kəshiid weeriya? Nəghən kəla wundakhnaya na a bashaarha a pəpal kasu, na nda a aah ndan tə ndaarha: 17 “‘Peng dən perəma kunsə, kardun rəbrha fa, ang dən amshi mərri kunsə, kardun tərha fa.’ 18 Bana Yahaya tə Mbaptisəma ba mbə a həbrha tə saarha wa, amma kun a ndaarha, nəghən tə ənkaheerha fa.” 19 “Wan Niifa ba dəba, a həbrha, a saarha kun a ndaarha, ‘Tə yakh həbrha tə saarha, pashid fathlə tsamngya ni tə fa dimiya!’ Amma ana niifa tə sənda Faara na ən ənadghən kyadghən.” 20 Tərgha katərangga Yeeso kiki talyi na fa ənənən ənwulteengya sə hangga, kəsər malangwa nda dimiyid ndan kyakhrha nda thləmad Faara ba wa. 21 “Kawa Koridzin! Kawa Mbatseda! Ana ənwulteengya dādāmən ənanda ahur nun ndəghən ənanda a Taya tə Sidon, kam kətəm ‘wad nafi ndan teena malang nda

dimiyid ndan, kal kukwasharya nda fa tə kəm kəmang ngganda yid ndan tə fishe. 22 Niya ndang nda kun, a far ngwa kumarha, na Taya tə Sidon hadang nda Faara fa ma kun. 23 Kun kəm nafiya Kafarnahum; tamngga ndaarha, nanda a mano a talara wa? Awo! Na dərha hu hwanga də. Kəsər ana ənwulteenggina ni əna nanda a kyanun ndən əna nanda a Sodom, ndəghənni kəm balgha sə ta weeri ba ya. (Hadēs 986) 24 Niya ndang nda kun, a far ngwa kumarha, na Sodom a hadang nda Faara fa ma kun.” 25 A sayiddi ndagha Yeeso, “Usadi sa Pəpa, Chinəm yi talara tə hweede, bəbengna ənggini heu ya a nafiya na ndəndəl tə fa hutengya, kyadang nggəna pakhtədūya. 26 Nəghən kee, Pəpa, ndən kamogha yid!” 27 Fəre Pəpa əngya heu, kəsər ndəghənni katengngən səngga Wandī. Kəkafek yandi səngga Chindi ndəna Wandī. Amma Wandī na midghən sə pərang labaara nən fīngya aten Chindi, tənə nda sənggən kəm. 28 “Bama thləmadna ba kun dakhna mid nun də na tə rəfrha in haaghən, niya yibang nda kun. 29 Tərang miwadna a kakhpəniwa tənə tsaharha a fanna. Məsələmnda niifa ni nggi hu səsəna tə sammayirha, kəsər nun a wal yibrha. 30 Na tərri miiwadna pəpa, rəfəddiya kəm fərang ni kun nəghən kaftang.”

12 Tsəbaku, a sayiddi na Yeeso a mbəra də tə heerha a far Yibəd Yahudaya. Kəsga miirha fatsahayighən, tərgha kəs kya ten wan hwaliirha nda na nda a kiighən. 2 Amma nagha fīngya Farisaya kanda ndang ngganda Yeeso, “Kulodə, fatsahayiwa a əna ‘ya ‘yadana ngyakhrha na nda kya wan hwaliirha a far Yibrha.” 3 Ndagga Yeeso kanda, “Karatang ngwanun əndi na hu Deleewar Faara ənana Ndauda kəsna miirha ndən tə pashiyighən wa?” 4 Kyagha hu Kən Faara də, kii mburodi nda dəfang nanda də ka a kiigha firistaya. 5 Nduwa karatang ngwa nun ahu ngyakhrha Musa ndanən nggəmang nda firistaya fa a əna taara ahu Kən Faara na a Urshalima a far Yibrha wa? 6 Niya ndang nda kun, kəlama niifa ya kalgha Kən Faara na a Urshalima. 7 Amma andam kwang sənang dūn ‘ya hai ndana Deleewar Faara, ‘Na minna sə nagha fiya a hadang kun fa, mbə əna sataka wa, kam ‘yarwun fatsahayina na ka nafiya wa, 8 Kəsər Wan Niifa Chinəm ni, heu tə far Yibrha! 9 Tərgha wiirha Yeeso kyagha hu kən tsahad Yahudaya

dā. 10 A mbēdi na niifa sē mārna harghēn hai. Tsahangga farisaya mee Yeeso, “Nggēm ngyakhrha fa a ānagha niifa tar kēnang nda niifa a far Yibrha?” Tamngganda ndaarha na Yeeso a ndaarha ooh, tēna nda kēsang nda tē dimiyirha. 11 Ndanggēn kanda, “Ana chaurad nun sē mukka hu kwaarha hai a far Yibrha, mbun dārhadē dūn kēdang sē wa? 12 Kal niifa chaurarha kaan, ha’i nggēmang ngyakhrha niifa fa a āna ‘ya na ngga a far Yibrha.” 13 Tērga ndanggēn niifdi, “Pēpēnang harwa dā.” Nanēn kee pēpēnangga niifdi harghēn dē, nggērga hardi mēmēl kēla tahadghēn. 14 Tērga wumngga farisayina hai ka a kadā kwaman bēlla Yeeso nda. 15 Sēnangga Yeeso numad ndan hai. Nanēn kee mal mbēdā nēn, mbugha fiya samadghēn hangga, kēnanggēn fiya heu na fandān bēe ahur ndan. 16 Amma kēs thlēmad ndan nēn a pēr nda tēwunni ndēghēn wa. 17 Tērga lēghēdgha ‘ya ndana Annabi Ishaya: 18 Kēlaman Mafanna wurni, nggēmdi ndēn, nēn āna ‘ya mbēnegha, Niya fērang sēsēnna, nēn a āna nggayirha a fīngya heu. 19 Mbē āna kakyathlaanga tē fiya, nduwa djargha hai ahur fiya wa. 20 Nēn naarha tē sammayirha a fīngya mbuwa kanglang, nēn fērang kaali niifa mbuwa tē mbērsaarha. Akwasamadghēn, kowunni nēn a wal kwaman nggayirha. 21 Na thlēmnnggēn a tsau yi mbērsad kēshiirha kahat. 22 Tērga bāng niifa nda Yeeso bā na tē ānkaheerha fa, na kwamarēn tē kēm mbē mbang kalasē wa. Kēnanggēn niifdi mbanggēn kaala sē tē na maana hai kyab. 23 Fiya heu na ānwulteena nda tsakhmee nda, “Ndee mbē Yeeso dā na ya, na wan Ndauda wa?” 24 Amma sākna Farisaya ānwulteendi ānanēn, ndaa nda, “Mbē ngaala sē wa kyang dē ānkaheeya sē. Kēsēr walghēn sēsēmnda a ahār Sheetan kutēr ānkaheeya.” 25 Sēnangga Yeeso numad ndan hai, nggēranggēn kanda sē, “Kala kutēryirha ndēkka hai tē yanda mbē tam isha wa, tē kēm kala tala nduwa wure ndēkka hai tē kakyathlaanga nēn weela dē. 26 Ana sheetan a kyang sheetan sē, nēn a yanda tē altenggēn. Mbē kutēryidghēn a mēndaha wa. 27 Ana tē sēsēmnda Sheetan ni kyan ānkaheeya sē, tē sēsēmnda wun na fatakkwayinun kyang kanda sē? Fatakkwayinun ni a ngwang kumarha kun sē. 28 Amma a kyangdi ānkaheeya sē tē Sēsēn Faara, nanēn kee Kutēryid Faara bāa dē pathlang nun bā.” 29 Wunni na kanglang kaan na mbang kyaarha hu minda ki niifa hai na kanglang kēla

Sheetan ngaaranggēn ānggighēn? Kēl ‘wanēn teena kēnanggēn niifda hai na kanglang ‘wan a mbanggēn har āngya na midghēn. 30 Kala niifa mbuwa tē nggi, nēn a tsan nggi. A mba a dēe sē wumang fiya bā wa, na a waleng kanda dē. 31 Niya ndang nda kun, kala tur yanggi dimiyirha ānana nduwa ndaana na nda a chahokēn dē. Ko kalna sē yi ‘yar Wan Niifa, na nda a chahokēn dē. Amma a sārna Sēsēna tē Pedēnda, mba nda tam chahokēn dē wa, ko nanānya nduwa kēshiirha na bāyi. 32 Kala niifa ‘yargha Wan Niifa na nda mbang chahanggēn dē, amma kala niifa ‘yargha Sēsēna tē Pedēnda, mba nda tam chahanggēn dē wa, ko nanānya nduwa kēshiirha na bāyi. (aiōn g165) 33 Ana dēfrha ngga, na wanggighēn naarha ngga. A mbē dēfrha ngga wa, mbē wanggighēn narha ngga wa. Nēm sēn dēfrha tē tur wanggighēn. 34 Kun huthlingya, kēkēn na nafiya natē mbēlfeerha fa kēla kun thlēk ‘ya na ngga tē kēm kamngga? Kēsēr ‘ya na ahurwa ndēghēn na a kyarha bā thlēk kēna. 35 Ka nafiya na nda āna ‘ya na ngga ahur ndan sē, amma fambēlfeeya na nda kyang āngya bā mbuwa ngga ahur ndan sē. 36 Niya pērang palthdi kun ya, a far ngwa kumarha tētani a ngwang kumarha nda kun sē aten ‘ya na dimi ndaanun. 37 Āndi kyagha bā a miiwa nēn a hērworha nduwa kēnoghēn. 38 Fardasē fīngya famalēmngya ngyakhrha Musa tē Farisaya bānda thlēmad Yeeso bā ndang ngganda, “Mala, na minnasē a kyadāng sakh ānwulteena na kan na a kyadāng ndaarha furo Faara sēsēmnda.” 39 Amma nggērangga Yeeso kanda sē, “Nafiya kēshiid weeriya fambēlfeeya tē fa yamid fēr kēkēfek ndēna kadā ānsakhrha yi wulteena, amma mbē ān sakhrha sē na nda a kyadāng kanda wa, kēl yandi ki annabi Yunana. 40 Kēla ānana Yunana bēena mahan tē paara mahan ahur tēna, nanēn kee na Wan Niifa a āna bēena mahan tē paara mahan kēm ahu kwaarha. 41 A far ngwa kumarha na nafiya Nineba a thlēng nafiya kēshiid weeri fa ya kyadāng ndaarha nda kanda ānawa nda mēmēl wa, kēsēr kanda malang nda dimiyid ndan, ka labār Faara thlēghangna Yunana kanda. Nanānya, kulo niifa kalgha Yunana a mbēdiya, amma kardūn malang nda dimiyid nun! 42 A far ngwa kumarha, na Kwatam nda Sheeba a thlēng nafiya kēshiid weeri fa ya kyadāng ndaarha nēn kanda ānawun mēmēl wa. Baghēn bā a mbērha na inggun ka bagha sāk sēnda

Sulemanu. Nananya kulo niifa a mbədiya kalgha Sulemanu, amma kardun kang thləmaarha fa.” 43 “A kya ənkaheerha sə a fad niifa, nən dərlha ka kada mbəd yibrha a kaheerha də, amma mbə waala wa. 44 Tərgħa nən ndaarha, ‘Niya wutta thləmad niifda də kyani səba.’ Nanən kee wudgha bagħa wal wurid mal nən mbə niifa sə wa, ngwa wurida də ngga, tangsang nda. 45 Tərgħa na ənkaheeddi a kada ənkaheeya ba məd kalgha ndən mbəlfeerha kya nda hur niifda hai tsawa nda sə. A kwasamadghən, tsawud niifdiya səssadghən nən kal yi kaar. Nun a tsaurha kee kun fambəlfeeya kəshiid weeriya.” 46 Nana Yeeso a ndikrha tə fiya wumngga hai, man tə wanmangghən kəkət a kəshi, na minda sə a ndiya nda təghən. 47 Ndangga niifa Yeeso, “Nda muwa tə wanmanggiwa a kəshi, na minda sə ndikrha tə sa.” 48 Tsakhka Yeeso mee, “Wunni iya? Mingya ni kəm wanmanggina?” 49 Tərgħa kyad fatsahayighən nən də tə haara ndəghən, “Kələma nda iya tə wanman nggina ha ya. 50 Tsəunən kee, kala niifa ənagħa ‘ya ndana Pəpa na a talara, ndəghənni wan pa, wanya tə kəm iya.”

13 Tsu a fardi malgha Yeeso wurid dəgha a mii wuri aam Nggalili də. 2 Wumngga fiya thləmadghən ba hangga, nanən kee kyagħa hu kombuwol hai. Tsauka ahur kombuwoldi nagħa a tsahang fiya ha na kəkət a mii wuri aamdi. 3 Tsədə asədəya hangga tə karapuya, ndəghən: “Kama thləmaarha hai! Təhudaarha dədə ka həfrha də. 4 Nanən aten wash wiiddi, hərgħa fīngya hai aten kwamana, bagħa wudikkyā ba damangganda. 5 Hərgħa fīngya hu həreng keela hai, ka mbuwana chehweerha sə kaan kya nda sə kəkar. 6 Amma təkna yanfaara hai, hwara nda də mərə nda, kəsər kwa wa nda thlaara hai wa. 7 Fīngya wiya həra nda pathlang ndakhkya hai ‘yabangga ndakhkini kanda. 8 Amma fīngya həra nda hu chehweerha hai na ngga kyanda sə əna wee nda fīngya katəra kumnggit mahan-mahan, fīngya kəm kumnggit mikki-mikki har haru-haru.” 9 “Kala niifa na tə thləmad səkrha, səkkənən.” 10 Tərgħa bagħa fatsahayighən thləmadghən ba tsahang mee nda, “Kama na thlək karapuya a nanna a kalang fiya sə?” 11 Nggəranggən kanda sə, “Nggəməng nda kun fa na a sən ‘ya nun na Kutəryid Talara ahurghən, amma fīngya nggəməng ngwanda kanda fa wa. 12 Kala niifa natə ‘ya ha na nda chighanggən

tsəghanggən kaan, amma kala niifa mbuwana ‘yasə a hargħən, na nda a thlang ngguchit tədi na hargħən. 13 Ndəghənni ni əna taara tə karapuya a nadi a kalang kanda sə kəsər, na nda kəlaarha də, amma mba nda naghən wa, na nda kathləmaarha hai, amma mba nda səkkən nduwa sənang ngganda hai wa.” 14 “Ndən na ləghəttə ‘ya ndaana annabi Ishaya: ‘A səkdun ‘ya ndaani, Mbun sənang hai wa, A nadun ‘ya ənani, mbun kukwalang hai wa. 15 Kəsər na ten ndan kakrak, mbə thləmaayi ndan sək ‘ya wa, nggəlang nda yid ndan, nanən kee mbə yid ndan na maana hai wa, mbə thləmaayi ndan sək ‘ya wa, Mbə ten ndan sənang hai wa, Mba nda kyaharra thləmadna ba wa, ngwa kənang nggi kanda.” 16 “Amma na yid nun tə parka, kəsər na nda namaana hai; tə thləmaayinun kəm, kəsər na nda sək ‘ya. 17 Niya Pərang kəkəfek kun, annabiya hangga tə ka fiya tərminan na əndi nanun ya, amma nawa ndan wa. Tərminan sək əndi sək nun ya, amma səkkwa ndan wa.” 18 “Nanəya kaama thləmaarha hai ngga, sək ten karapu danun kii təhəfəddi. 19 Fīngya səkka lafar Kutəryid Talara amma sənangwa nda hai wa, na nda kəla wiirha hərgħa hai a kwamana, bagħa Təbəlfeedda ba thlanggən əndə də həf nanda ahur ndan hai. 20 Fīngya wiya hərgħa aten keela hai naghən kəla fīngya səkka lafardi thləghən nda fa tə wutsəfayirha. 21 Amma kwa wa thlaara hai ngga wa, mbə mənda ha wa. A ba billaarha ba nduwa səsaarha kəsər ka lafardi, mba nda kwas kyaharra hai wa. 22 Fīngya wiya hərgħa ahu ndakhkya hai, naghən aten fīngya səkka lafardi, amma billaarha yi kəshiddiya tə nggəmənda kəna ‘yabang nggən lafardi ‘yadang tsərha nən fa mbə ‘yasə na nda mbang ənaarha ngga wa. (aiōn g165) 23 Amma fīngya həf nən ahu chehweerha na ngga naghən aten nafiya səkka lafar di, sənang ngganda hai wal chikrha nda fīngya kumnggit mahan-mahan, fīngya kumnggit mikki-mikki, tə kəm fīngya haru-haru.” 24 Nggərgħa Yeeso thləghang karapu kanda sə, ndəghən, “Kutəryid Talara naghən kiya: Həf niifa wiirha ngga ahu hedghən. 25 A fədikrha nana fiya a beena, bagħa tətəsandə ba həf wuthlaafa nən a pathlang wiid wan hwaliddə hai wii fayighən nən. 26 Katərana wan hwaliddi tsərha tə yiwee, nagħa wuthlaafdi kəm a tsərha.” 27 Tərgħa bagħa fatarya təhedda ba ndang ngganda təheeddi, “Tuwuri nan, heddi həfang na tə wiirha ngga ləghəddə tə wuthlaafa!

Kyagha nda 6a a yanggi?" 28 Ndagha tæheeddi, "Tætsanda ni ænagha ændiyal!" Ndagha fataryini, "Dan kædang kanda dæ wa?" 29 Ndagha tæheeddi, "Awo.' a æna dūn kee nun dæ kædang kanda dæ heu tæ wan hwaliddi. 30 'Malaman kanda tsænda kyab kæl a shifiirha ana dæm a halthghæn. Tærga a ndanggi fahalthya wurang ngganda wuthlaafa sæ, kænang ngganda kanda djang ngganda dæ, tærga wan hwalidghæn iree kænda ahu birwa hai.'" 31 Nggærga Yeeso pærang karapu kanda, ndæghæn, "Kutæryid Talara næghæn kæla wan parsæna tærangna niifa hæfanggæn hai ahu hedghæn. 32 Wiirha ni na ngguchit kaan ahur wiya, amma tsænæn sæ, tsauka dæfrha ni na manggæn kaan ahur dæfya heu, taksaagha wudikkyæ kæn ndan ahu wuharyighæn." 33 Nggærga Yeeso pærang karapu kanda ndæghæn, "Kutæryid Talara næghæn kæla mekhna yangna nuneefa tæ humbarha tasau mahan ana dæ a æna mburodi. Ko nanæn ænaghæn mehendi sahai ngguchit kiya, næn chichadang hufgha sæ." 34 Kala tsaharha na Yeeso ænaarha a fiya wumngga hai kæl tæ karapu, mbæ 'yasæ næn thlæghang kanda kula karapu wa. 35 "Ndæn læghædna lafar Faara ndanæn a mii annabi, Niya kalang kunsæ tæ karapu, niya pær 'ya na bæbee, ka æna nanda kæshiirha." 36 Malgha Yeeso fiya a kæshi kyagha hur minda hai. Ndagga fatsahayighæn, "Nan a hwan sa pærang ten karapudi kan yi wan hwaliirha tæ wuthlaafa na ahu heddi." 37 Nggærangga Yeeso kanda sæ, "Tæheeddi ndæna Wan Niifa hæfgha wiirha na ngga. 38 Heddi ndæna kæshiirha, wiirha na ngga ndæna aten nafiya Kutæryid. Wuthlaafa ndæna nafiya Tæbæfeeddi. 39 Tætsandædi hæfgha wuthlaafdi a pathlang wan hwalidda dæ ndæna Sheetan. Halthdi ndæna mii ngwala kæshiirha, fahalthyini kæm ndæna fathlængya Faara. (aiōn g165) 40 Kæla wurang nanda wuthlaafa sæ djang ngganda dæ hu waarha, næn a naarha kee a mii ngwala kæshiirha. (aiōn g165) 41 Na Wan Niifa a thlæn fathlænggighæn, dæ nda kædang ængya dæ heu na ahu Kutæryidghæn na bang dimiyirha 6a tæ fyinga na a æna mbæfeerha. 42 Na nda a muwang kanda ahu waarha dæ mbuwa mæra hai, a mbædani na nanda naarha tærho tæ kætmeæ. 43 Tærga fyinga ænagha nggayirha na nda a djaara hai kæla yanfaara ahu Kutæryid Chi ndan. Kala niifa natæ thlæmad sækra, sækænæn!" 44 Nanæn kee ndagha Yeeso, "Kutæryid Talara næghæn kæla kænna na bæbee walang na niifa

hu heerha. Nanæn tæ wutsæfayirha nggærgæn bæbæng hai hu heddi, henggæn ænggighæn dæ heu ka a wal wudæbæla næn ngga henggæn hedda sæ." 45 Kæmda, Kutæryid Talara næghæn kæla tæshafiliirha na a kadæ djamkwatar. 46 Kæla næn hai na djamkwatardi tæ wudæbæla fa, henggæn ænggighæn dæ heu henggæn sæl! 47 "Tæ kæm, Kutæryid Talara næghæn kæla panggaama muwang nanda hu wuri aama dæ kæs tængya næn dædamæn-dædamæn. 48 Læghædna panggamdi, kahang ngganda kækæshbangnda 6a. Tærga tsawa nda hai, wurang ngganda tængya sæ na nggængga ahu kutaasa hai, amma tsamang ngganda fyingayina dæ mbuwa ngga. 49 Banæn naarha kee a mii ngwala kæshiirha. Na fathlængya Faara a bæarha 6a wurang ngganda nafiya dæ na a æna mbæfeerha ahur nafiya na a æna nggayirha. (aiōn g165) 50 Na nda a muwang fa mbæfeeya ahu waarha dæ mbuwa mæra hai, a mbædani na nanda naarha tærho sæ tæ kætmeæ." 51 Tsahangga Yeeso mæe fatsahayighæn, "Sænan dūn ænggina hai heu ya wa?" Nggærang ngganda sæ, "Oh, sænan dan hai." 52 Tærga nggærgæn chikkæn ndaagha, "Kala tæmalæmnda ngyakhrha tsauka tætsaharha ahu Kutæryid Talara næghæn kæla tuwure kyangga hurad tæ weerænda ænggighæn sæ a mbærho dæ dæfnæn kænaghæn sæ." 53 Ngwalangna Yeeso pær karapu yini mal mbæda næn. 54 Wudgha hu talghæn dæ Nadzarat. Tsaha næn ha hu kæn tsahad Yahudaya, fiya heu sækka ndæn æna ænwulteena na nda, na nda a ndaarha, "Walgha niifdi tur sændædi tæ sæsæmnda æna ænwulteengya a yanggi?" 55 Tærga na nda a ndaarha, "Mbæ wan kafinta dani ya, sændæm Mairamu man, tæ wanmanggighæn nda Yakubu tæ Yisufu, tæ Siman tæ Yahuda? 56 Kulo wanmanggighæn nishya ya ahur næm. Tsahaghæn ænggini a yanggi ya?" 57 Nanæn kee, karghænda fa, fær wanda kækafek tæghæn wa. Tærga ndangga Yeeso kanda, "Na nda manang nda annabi ko a yanggini kæl ahur talghæn ahu nafiyyighæn." 58 Æna ænwulteengya næn ngguchit kee, kæsær ka yamid færkækafekkid ndan.

14 A sayiddi Sækna Hirdus Kutær chehweed Nggalili lafar Yeeso, 2 ndanggæn fataryighæn, "Yahaya Tæbaptisæma ni ya thliigha sæ hu mærra! Ndæn nanæn tæ sæsæmnda æna ænwultenggini ya." 3 Nanæn Hirdus 'wadæ teena kæsang dæ Yahaya, kænanggæn, muwanggæn hu porsæna dæ ka Herodiya nu

wanman Filibus kahang nən. **4** Kəsər Yahaya nən naarha ndang nda Hirdus ahu ngyakhrha Yahudaya kamngwa a kahanggən Herodiya wa. **5** Na mid Hirdus sə a bəlanggən Yahaya, amma nəghən a tərəm fiya, kəsər fiya heu fər nda kəkafek tə ndaarha Yahaya Annabi ni. **6** Amma a far wutsəfayid ləghəttə bən nggəttə Hirdus, wutarad Herodiya rəbānggən kanda sə, mbənānggən Hirdus kaan. **7** Nggəmda fa har tə aah thlēm Faara, kala 'ya na midghən nən a fəranggən. **8** Ndangga man wutaraddi dəgha ndaarha, "Ten Yahaya Təbaptisəma na minna ahu pəlee." **9** Kutərđi kəm əna masəndi kee nən aten 'ya ndanən, amma kəsər ka thlēm Faara aah nən a mbed nafiya mbunən bə, ənang ənda nda ndanən. **10** Thlən sodjaya nən a kyathlang ngganda ten Yahaya bə ahu porsəna. **11** Bang ten dā nda wutaradda bə ahu pəlee, danggənən man də. **12** Tsəbaku bagha fatsahaya Yahaya bə tərang ngganda mərəghən bə pang ngganda, tərgha dənda də pəranggən nda Yeese. **13** Səkna Yeese labərđi, kyagha hu kombuwol hai, mal mbəda nən dəgha mbərha də ka a tsauka katenggən. Amma səkna fiya mbədi nanən sə, mbu samadghən nda tə saara ahu talya bə hangga. **14** Tərna Yeese hai ahu kombuwol dī, na fiya nən hangga hadāngganda fa, kənānggən haya. **15** Na figrha a tsərha hai, bəgha fa tsahayighən a thləmadghən bə, ndang ngganda, "Kaheerha ni ya tə kəm tsə figrha hai, kalu fiya hai dənda hu talya də, tənə nda də hii ənnarhami." **16** Amma nggərangga Yeese kanda sə, "Kamngwa a wii nda a miirha wa, fəraman 'ya kanda əna nda mii." **17** Ndangga nda, "Mburodi tuf ni kee a harnan, tə təngya səri." **18** Ndagha, "Bəmadghən mbəda bə ya." **19** Tərgha ndanggən fiya tsawanda hai a ten hwaliirha, təranggən mburodi dā sə tuf tə tənggini səri, kəlagha talara sə, dəfang parka nən in. Kyanggən mburodi dā hai fəranggənən fatsahayighən ndəghang nggənda fiya. **20** Kii nda kanda heu kəla na mindan pa tsəghānggən kanda, tərgha fatsahayighən wumāngga nda katəbghən kutasya kumkap səri. **21** Həshya kiigha mburodi dī səl nda haru kumnggit tuf, thlədang ngwa nda nishya tə wundakhnaya wa. **22** Tsu a mbədi kee, ndangga Yeese fatsahayighən kya nda hu kombuwol hai tədang ngganda wuri aama teena, ndəghənggi kəm ishgha hai kal fiya nən hai. **23** A kwasamad dī kal nən fiya hai, tərgha wumnda sə katenggən ka a hwan Faara nən,

tsəgha figrha hai ndəghən a mbədi katenggən. **24** Amma ahu sayiddiya kombuwol dī inggun ma kəkəshbānda, fatsahayini a habbāarha tə bəreurha tə kudufulla aama. **25** Takhna mbərha a dathla hai bəgha Yeese thləman ndan bə, a wiirha aten aama. **26** Nana fatsahayighən ndən a wiirha aten aamdī tərma nda. Ka hərəenga huhwa nda, tamngganda ndaarha mənda-mənda ni. **27** Amma tsu kee kalangga Yeese kanda sə, "A tərəm dūn wa nggini kərsaama." **28** Ndangga Siman, "Chinəm, ana kəkafek sani, ndee dī thləmad wa də a aten aamdī." **29** Ndangga Yeese, "Ha'i, bəbə," tərgha siman tərgha hai ahu kombuwol dī, kəs wiirha nən aten aamdī a thləmad Yeese də. **30** Amma nanən bəreu 'yaardī tərəmngga, nagha a timnda hai, huhwagha ndagha, "Hərye Chinəm." **31** Tsu kee Kəsgha Yeese harghən kəsānggən bə, ndangga Yeese, "Kədi fərəkəkafekkid wa, kən fər waana kəkafek na mbang wiirha aten aamdī?" **32** Kyana nda ahu kombuwol hai, ishgha bəreu 'yaardī. **33** Tərgha fatsahayighən dəfang shilee nda in, na nda a ndaarha, "Kəkafek Wan Faarani Sa." **34** A kwasamad dī tədang na nda wuri aamdī teena, tərə nda hai a Djanasarat. **35** Kukwalang na nafiya talda hai Yeese ni, thlən farha nda ahu talya də na ahu chehweddi kəhat. Nagha fiya a bərha bə tə haaya, ka a kənānggən kanda. **36** Hwanggənda a malānggən haaya tsuwar mii kotodghənda fa kee, kala niifa tsuwargha ndən fa kəndə.

15 Tərgha fīngya Farisaya tə famaləmgnya ngyakhrha thliigha bə a Urshalima tsahang mee nda Yeese, **2** "Kama na fatsahayiwa hwasang əntin shingginəm? Mba nda tsabang haryi ndan də a həb ənnarhami nda wal!" **3** Nggərangga Yeese kanda sə, "Kama nun hwasang nda əngya ndaana Faara ka əntinggi nun? **4** Kəsər ndagha Faara, 'Fərang mamnggirha nda muwa tə tsu' tə kəm 'Kala niifa sargha man nduwa chin tətani a bəlang ngganda.' **5** Amma nun tsaharha ha tə ndaarha ana 'ya sə a haar niifa na a dānggən chin sə nduwa man, nən ndaarha 'ya nun a kya waala a fanna dəfang dī ndən Faara də.' **6** Ahu kwamana kiya Məməlwə a fərang mamnggirha nən fa nggətyighən təghən wa. Nanən kee kar labər dānun fa ndaana Faara ka əntin nun. **7** Kun fathərbuya! Labər Faara ndaana Ishaya aten nun məməlni: **8** 'Nafiniya ahu mii ndan ni kee na nda fəre mamnggirha,

amma huryi ndan naghən inggun ma nggi; 9 ka ni kee na nda dāfee shilee teena, kəsər dāfang ngganda tsahad ngyakhkya fiya ha a mbee a meyed lafar Faara.” 10 Tərgha aagha Yeese nafini wumngga hai a thləmadghən 6a ndəghən, “Keema thləmaarha fa tənun sən əndi niya thləkrha. 11 ‘Ya kyagha hur niifa hai mbə ndəna tsawang tə ‘paarha’ fa wa, amma kəl ‘ya na a kyarha 6a a miighən ndəna tsawang tə ‘paarha’ fa.” 12 Tərgha fatsahayini 6a nda thləmadghən 6a tsahang mee nda, “Sənna sə səb hur Farisayina də sək nanda lafardi?” 13 Nggərangga Yeese kanda sə, “Kala həfrha a mbə pəpa na a talara həfgha ndən wa, na nda a kəđang də tə thlārghən. 14 Malaman kanda. Na nda kəla mangya kwamaya na nda a kəs səsəl kwamaya. Ana kwamarha a kəs səsəl kwamarha, kanda kyab na nda a mukrha hu kwaarha hai.” 15 Ndangga Mbiturus Yeese, “Pərang ten karapudi kan ya.” 16 Tsahangga Yeese mee kanda, “Bal wun kula sənang hai wa? 17 Kala ‘ya ənana niifa mii nən kyarha hurghən də nggərgən kyarha sə a fadghən. 18 Amma əndi na a kyarha 6a ahu mee, kyaghən sə ahur niifa. Ndəghənni na tsawang nda niifa tə ‘paarha’ fa. 19 Kəsər ahur niifa sə ndəna numad mbəlfērha kyarha 6a, tə 6əl farha, tə kulafayirha, tə pateyirha, tə ngaara, tə kənang paama nggəbaarha mu tə səb thləma. 20 Əngginiya ndəna tsawang niifa tə paarha fa a mbed Faara, amma həb ənnaarhami kula tsab haara mbə ndəna tsawang niifa tə paarha fa a mbed Faara wa.” 21 Tərgha Malgha Yeese Nggalili dāgha hu chehweed Taya də tə Sidon. 22 Na nuneefa sə tə Kan’ana 6agha thləmadghən 6a hwanggənən, “A hədoyi fa Chinəm, Wan Ndauda, kəsər wutarad na naghən tə ənkaheerha fa nən naarha səsang nda kaan.” 23 Amma nggərang ngwa Yeese sə wa. Tərgha ndangga fatsahayighən, “Ndang a wiigha, naghən a 6illa kəm tə hwanda.” 24 Nggərga Yeese sə, “Thlənna nda nggi 6a ka 6i dāng nda chauraya Isəreela sə sahadgha kee.” 25 Bagha nuda 6a 6ərga hai a mbedghən nggərgən hwanggən, “Chinəm deesə!” 26 Nggərga Yeese sə, “Kamngwa təranggəm ənnadmid wundakhnaya fəranggənəm wudaya wa.” 27 Nggərangga nuda sə, “Kəkafek ni Chinəm, amma ko wudaya ni na nda həb fəfəsərra ənnaarhami hərga hai a mbəd 6auryad turi ndan.” 28 Tərgha nggərangga Yeese sə, “Sa nuneefa na fərkəkafekkid wa manggən kaan, ‘ya

na midwa wal nan.” Tsu kee kəngga wutaraddi keeghən. 29 Malgha Yeese mbədi dāgha wuri aam Nggalili də tərgha wumnda sə tsauka hai. 30 Wumngga fiya thləmadghən 6a hangga. 6a nda 6a tə səfəngya, tə kwamaya, tə fīngya mərna fandən hai, tə fīngya mbuwa mbang kaala sə tə fīngya haaya hangga. Dəfang ngganda kanda hai a mbed Yeese, kənanggən kanda heu. 31 Kəsangga ənwulteena fiya wumngga hai na nanda fīngyayini mbuwa mbang kaala sə kanda a kaala sə, fīngya mərna fandən hai wal nda kənda, səfəngya a wiirha hai tə kəm kwamaya a na maana hai. Na nda a fal Faara yi Isəreela. 32 Tərgha aagha Yeese fatsahayighən 6a ndanggən kanda, “Na nafini a hədē fa ya. 6eena mahan kanda a thləmadna a mbədiya, tahang ngwa ‘ya kanda ha na a əna nda mii wa. Mbə minna sə kal kanda ni hai wii nda wuredə a miirha wa, asəmha dāgha shiwiid kanda teena a kwamana.” 33 Nggərangga fatsahayighən sə, “A yanggi dənəm wal mburodi 6a a kahēddi ya na a tsəghanggən fiya hangga kiya?” 34 Tsahangga Yeese mee kanda, “Mburodi kurmi ni a har nun?” Ndang ngganda, “Məd tə tēngya na mididi ngguchit.” 35 Ndangga Yeese fiya wumngga hai a tsawa nda hai a hweede. 36 Tərgha haranggən mburodi yina sə məd tə tēnggini, usa nən Faara, kyanggən hai kutelth-kutelth. Fəranggənən fatsahayighən ndəghang nggənda fiya də. 37 Kanda heu kii nda nggaala nda. Wumangga fatsahayini katəbghən kutasya məd. 38 Nafiya həbgha ənnadami həshya haru kumnggit fada kula thlədang nda nishya tə wundakhnaya. 39 Akwasamaddi kalna Yeese fiya hai, kyagha ahu kombuwol hai dāgha chehweed Manggadan də.

16 Fardasə Farisaya tə Sadukiyaya 6a nda thləmad Yeese 6a ka a kəkərang ngganda, na mindan sə a kyadāng ənsakhrha nən kanda yi wulteena a talara hai tənə nda sēndasə naghən tə səsəmnda Faara fa. 2 Nggəranggən kanda sə, “A tsə fīgrha hai, a nadun fərahk amshi tsədə yi6a, nun ndaarha na mbərha a naarha kukwar a 6inda. 3 A tsar kəm a nadun fərahk amshi yi6a, nun ndaarha a weeriya na ‘yaara a 6aarha. Kun a sənang əngya hai na a katararha hai a fərahk amshi, amma mbun a sənang ənsakhkya kəshiid weeri hai ya wa. 4 Kəl fa mbəlfēeya, tə kulafaya kəshiid weeriya kandani na kada ənsakhkya, amma ənsakhrha niya kyadāng kanda ndəna yi

annabi Yunana.” Tərgha malgha Yeeseo kanda wii fayighən nən. **5** Akwasamaddi təđang nanda wuri aam Nggalili teena kəlagha fatsahayina hai takhkwa nda mburodi ha 6a wa. **6** Kəsgha Yeeseo thləmandan, “Kwarama tə mehen Farisaya tə yi Sadukiyaya.” **7** Katərang ngganda ngaala hai tə ndan kəsər ka takhkwa nanda mburodi ha 6a. **8** Sənannga Yeeseo əndə hai na nanda a ndikrha atənggən, nanən kee ndanggən kanda, “Kədi fərkəkafekkid nun! Kama nanda nun a ngaala tə ndan ka mbuwana mburodi sə a har nun? **9** Bəl wun kula sənang hai wa? Dal wun teena hai tə mburodi tuf həbāng ni nafiya haru kumnggit tuf wa, tə kəm kutasya kurmi wumang nun katəpghən? **10** Nduwa mburodi məd həbāng ni nafiya haru kumnggit fada, kutasa kurmi wumang nun katəpghən? **11** Mani sənangwa nun hai tə ndaarha mbə aten mburodi ni niya tsə ləbaara wa? Niya nggər ndaarha, ‘Kwarama tə mehen Farisaya tə yi Sadukiyaya.’” **12** Tərgha a mbədiya sənangga fatsahayina hai mbə a tsə ləbaara aten mekhna na ahu mburodi wa, amma aten tsahad Farisaya ni tə yi Sadukiyaya. **13** Bana Yeeseo chehweed Kaisariya Filibi 6a, tsahang mee nən fatsahayighən, “Na fiya a ndaarha wunni Wan Niifa?” **14** Nđang ngganda, “Fingya a ndaarha Yahaya Tə Mbaptisəma, fingya Ilya, fingya kəm Irmiya nduwa tal ahur annabiya.” **15** Nđangga Yeeseo kanda, “Amma kun wu nuwun a ndaarha wunni nggi?” **16** Nđangga Mbiturus, “Sani Kərəsti, Wan Faara natə yibrha ha.” **17** Nđangga Yeeseo, “Tə parka ni sa, Siman wan Yunana, mbə niifa ni thləwogha əndiya wa, amma Pəpa ni na a talara. **18** Niya ndorha sa Mbiturus, aten ferdiya ndən niya tən kən hwan Faarna, mbuwana səsəmənda hwanga mbang chang hai. (Hadēs 986) **19** Niya furo əncha kwatmingya yi Kutəryid Talara. Kala ‘ya kənanğ nun hai ahu kəshiirha nəghən kəkəna hai kee a talara, tə kəm kala ‘ya kwasang nun hai hu kəshiirha nəghən kukwasa hai kəm a talara.” **20** Tərgha kəs thləmad fatsahayighən nən a pərang ndan niifa ndəghənni Kərəsti wa. **21** Ka a fardi katərangga Yeeseo pəranggən fatsahayighən a pəpal tə ndaarha tətə ni a dəgha Urshalima də dəgha səsəarha aten əngya hangga ahar shingya tə firistaya tə famaləmnğya ngyakhrha. Na nda a bəlang nda, amma a far beena yi mahan nən a thliirha sə ahu mərəra. **22** Amma dəgha Mbiturus təghən man patu də ndanggən, “A kaptangga Faara də, Chinəm, mbə tam katərarha hai tə

sa kee wa!” **23** Kyahargha Yeeseo hai ndanggən Mbiturus, “Nduwu hai tə nggi sa Sheetan, tsauna fer kii saara ka nggi. Na a kəlang əngya kee na mid fiya, amma mbə yi Faara wa.” **24** Tərgha ndangga Yeeseo fa tsahayighən, “Ana mid niifa sə tsauka tə mbusamad na, tətə ni malanggən nggəm altənggən, təranggən kadidghən sə mbu samad na nən. **25** Kəsər kala niifa na midghən dəfang yibədghən də nən a kədeng nda. Amma kala niifa kədengga yibədghən ka nggi, dəfang nən də. **26** Ma chighang nən niifa a waldə ən kəshiirha heu kədənggən shingndəghən? Nduwa mani kalgha shingndəghən mu? **27** Kəsər wan Niifa nən a barha 6a ahu mamnggid Chin tə fathlənggighən ngwang kumarha nən fiya heu aten əngya ənana nda. **28** Niya pərang kəkafek kun, na fingya sə kəkət a mbədiya mba nda a mərə wa kəl ma nanda Wan Niifa bayi ahu Kutəryidghən.”

17 Akwasamad beena mikki tərangga Yeeseo Mbiturus tə Yakubu tə Yahaya wanman Yakubu tərəa nda wumnda sə, tənə nda narha katendan. **2** A mbədi naghə fiya ndən nggərda hai a mbed ndan. Naghə pəmnnggən a chimnda fa kəla yanfaara, tə kəm lukkighən tsawa nda pəpet kəla kukwaryirha. **3** Kula səndəndan sə kyagha nda Ilya 6a tə Musa katərang ngganda ndikrha hai tə Yeeseo. **4** Nđangga Mbiturus Yeeseo, “Chinəm, nəghən ngga nanəm a mbədiya, a nggəmna fa, ngwa əna chama ni mahan-tal yiwa, tal yi Musa tə kəm tal yi Ilya.” **5** Nđəghən aten ndikrha kee, bəgha hashbe 6a nggəlanggən kanda, sək urarha nda hai ahur hashbidi tə ndaarha, “Waana niya, nggəmni. Kaaman thləmaarha fa!” **6** Səkna fatsahayini uraddi kee fəla nda hweeda hai ka hərəenga. **7** Tərgha bəgha Yeeseo 6a tsuwar kanda nən fa ndanggən kanda, “Thleema sə, a tərəm dūn wa.” **8** Tərang nanda tendan sə, kəla nda də ko niifa, kəl Yeeseo katənggən. **9** Na nanda a tərəa hai a wumndədi, ndangga Yeeseo kanda, “A pərang dūn ‘ya niifa nanun wa, kəl a thlid Wan Niifa sə ahu mərə.” **10** Tərgha tsahangga fatsahayighən mee, “Mani na famaləmnğya ngyakhrha ndaarha annabi Ilya ni a ‘wa wutta 6a ma Kərəsti?” **11** Nggərgħa Yeeseo sə, “Kəkafek ni na Ilya a ‘wa barha 6a ka bəgha tangsang əngya heu məməl. **12** Amma niya ndang nda kun, ‘wad Ilya teena bəda 6a, sənangwanda hai wa, amma ənang ‘ya nda fa kəla tərna mid ndan. Nəghən

kee kəm ɓana Wan Niifa səsaaɾha ahar ndan.” 13 Tərgħa fatsahayini sənang ngganda hai nəghən a ndikrha aten Yahaya Təbaptisama. 14 A sar wumndədi, fiya hangga wumngga hai a kəla kanda fa. ʁagħa niifa thləmad Yeeso ɓa ɓərgħa hai ndəghən, 15 “Chinəm, a haɗowa waana fa. Nəghən tə kacheela fa nən səsang nda kaan. Nən yakh muwang nda hu waarha hai nduwa ahu aama hai. 16 ʁang di ndən fatsahayiwa ɓa, amma mbang ngwanda kəhang wa.” 17 Ndagħa Yeeso, “Kun nafiya kəshiid weeriya, mbuwa tə fərkəkafek fa mbəlfeyal Pakwandə ni tsaurha tə kun? Tə kəm pakwandə ni kərassa tə yamid fərkəkafekkid nun? Fəreema wanda ɓa.” 18 Tərgħa Yanangga Yeeso ənkaheeddi na ahur wandi, kyagħa sə mal wanda nən. Tsu a mbədi kee kəngga. 19 Akwasamadghən tsahangga fatsahayighən mee ɓəbee, “Mani ənagħa ndən kyangwa nan ənkahedda sə?” 20 Ndagħa Yeeso kanda, “Kədi fərkəkafekkid nun. Niya pərang kəkafek kun, ana fərkəkafek sə a fad nun ngguchit kəla wan parsəna, nun a ndang nda wumndədi ya, ‘Nduu a mbədiya a mbəda də taarha,’ nən a nduwussa. Mbə ‘ya sə na kal kun mu wa.” 22 Akwasamaddi nggər nanda wumnda hai a Nggalili, ndangga Yeeso fatsahayighən, “Na nda a fər Wan Niifa a har fiya hai. 23 Na nda a ɓəlang nda, amma akwasamad beena mahan na nda a thləng sə ahu mərɾa.” Ləghədgħa fatsahayini tə səbrħa hura. 24 ʁana Yeeso tə fatsahayighən a Kafarnahum ɓa, fathlə tsamngya Kən Faara na a Urshalima ɓa nda thləmad Mbiturus ɓa ndang ngganda, “Mbə təmaləm ndənun tii tsamnda Kən hwan Faara na a Urshalima wa?” 25 Nggəranggən kanda sə, “Ha’i, nən tiirħa.” Kyana Mbiturus hur minda hai tsauna Yeeso sə, katərangga Yeeso kalang sə, “Siman, mana ndaarħa aten tsakh miidi ya? A har wun na kutərya kəshiddiya thlə tsamnda, ahar wanggindan nduwa ahar nafiya pak wa?” 26 Ndagħa Mbiturus, “Ahar nafiya pak.” Ndagħa Yeeso, “Nanən kee mbə wanggindan tiirħa wa. 27 Amma mbə minnəm sə kəsangganda kəm tə dimiyirħa wa, ɗuwa hu wuri aama də ɗa muk nggal aama. Təna ‘wana kəsa, inang miighən hai na a wal wuɗəɓəl wurirħa na a tsək tii tsamndədi. Harang ɗa tii tsamnduwa tə yina.”

18 Ahu sayiddiya ɓagħa fatsahaya thləmad Yeeso ɓa tsahang mee nda, “Wunni manggən hu Kutəryid Faara?” 2 Aagħa Yeeso

wundakhne ɓa na ngguchit ishənggən a maɗufun ndan. 3 Tərgħa ndaagħa, “Niya pərang kəkafek kun, a malənggun dimiyid nun tsawun kəla wandi na ngguchit ya wa mbun tam kyarħa hu Kutəryid Faara də wa. 4 Nanən kee kala niifa manəngwawa altənggən tsauka kəla wandi na ngguchit ya ndəghən ni na manggən hu Kutəryid Faara. 5 Kala niifa thləgha wundakhne fa kəla yandiya ahu thləmna nggini thlənən fa.” 6 Amma ana niifasə kyangga tal ahur wanggini na nggu-ngguchit ya fərgħa kəkafek a nggi ahu dimiyirħa hai, a nggushi wagħang nda fən hərħa ura mugħang ngganda ahu wuri aama də. 7 Kawa kəshiirħa kəsər ka ənggini na nda ənaarħa kyang ngganda fiya hu dimiyirħa hai. Ənggini na kyang nda fiya hu dimiyirħa hai tətani a ɓagħa ɓa, amma na səbrħa hura a kəla niifda fa ənagħa kee. 8 Ana harwa nduwa sarwa a kyorħa hu dimiyirħa hai, kyathləng də muwangga də. A nggushi kyana hu ahu yibrħa də mbuwa ngwalarħa tə haara tal nduwa saara tal ma nana tə haara kyab nduwa saara kyab muwo wanda ahu waarħa də mbuwa mərə hai. (aiōnios g166) 9 A kyo yidwa ahu dimiyirħa hai, kədang də muwangga də. A nggushi kyana ahu yibrħa də mbuwa ngwalarħa tə yirħa tal, ma muwo wanda ahu waarħa də mbuwa mərə hai tə yidwa kyab. (Geenna g1067) 10 Kwarama, a sardun wanggini na nggu-ngguchit ya wa. Kəsər niya ndang nda kun a talara wan thləngya Faar ndan na nda naarħa a mbəd Pəpa na a talara. 11 Kəsər Wan niifa ɓanənɓa ka a hargħanggən fingya saħadgha. 12 Ana niifa tə chauraya haru tal, tərgħa tal saħadgha, ma nən ənaarħa? Mbə mal kumnggit wutarihe kap wutarihe a mbəd lafrħa ɗəgha ka kaɗa yandəɗə saħadgha wa? 13 A walang ɗaɓa, niya pərang kəkafek kun, nən tək mbənda fa kaan aten chauraddi tal ma kumnggit wutarihe kap wutarihe ɗi saħadwa wa! 14 Nəghən kee kəm, mbə nggəmnda hur Pəpa ni na a talara ko tal ahur wanggini na nggu-ngguchit ya saħadgha wa. 15 A əno shadwa dimiyirħa fa, ɗuwa thləmadghən də kyadang dimiyidghən, a pathləng nun kun səri. A kodə thləmaarħa fa, wuɗang na ɓa. 16 Amma a kowa thləmaarħa fa wa, turu niifa tal nduwa səri ɗun thləmadghən də təna laɓaara kyarħaɓa a mii nafiya səri nduwa mahan tsauka shedawaya atənggən. 17 A kardə kang thləmaarħa kanda fa, pəranggən mamngya Kən Faara. A kardə kang thləmaarħa mamngya Kən Faara fa, tsawang

niifdiya tē takkwa dāharha ni nduwa tē thlē tsamnda. 18 Niya pērang kēkafek kun, kala 'ya kēnang nun hai hu kēshiirha nēghen kēkēna hai kēm a talara. Kala 'ya kwasang nun hai hu kēshiirha, nēghen kukwasa hai kee a talara. 19 “Niya nggēr ndang nda kun, ana nafiya sē sēri ahur nun hu kēshiirha nggēmngga fa aten 'ya nun a hwanda, Pēpa na a talara a fēranggēn kun. 20 Kēsēr kala mbērha wumna fiya sa hai sēri nduwa mahan ahu thlēmna niya a pathlang ndan.” 21 Tērgħa bāgha Mbiturus thlēmādghen bā tsahang mēē nēn, “Chinēm, saara kurmi ni chahanggēn shadna dē a ēnēdē dimiyirha fa? Saara mēd wa?” 22 Nggērangga Yeeso sē, “Awo, mbē katēra mēd kee wa, amma kumnggit mēd katēra mēd! 23 Tsaunēn kee, Kutēryid talara nēghen kēla kutēra na midghen kirassa kēnaghēn na a har mafayighēn nzmēngga wudēbēla a harghēn. 24 Katērang nēn hai kee, bāng niifa nda bā nēn a takkwarha wudēbēl wurirha haru kumnggidghēn tuf. 25 Nanēn mbē mbang tiighēn wa, tērgħa kutērdi ndēghēn a heng ngganda dē tē nukkun, tē wanggighēn tē āngya nanēn tēghēn ha heu a tii kumadda nēn. 26 Bērgħa mafadda hai a mbedghēn hwanggēnēn, ‘Niya hwan sa, kērsu tē nggi, niya tiighēn heu.’ 27 Tērgħa kutērdi hadanggēn fa, kalghēnēn hai chahang kumadda nēn dē.” 28 “Amma kyana mafaddi kēshaadē, dēgha wal shadghēn mafarha nēn a takkwarha wudēbēl wurirha haru tal. Kēsanggēn, 'yabanggēn, ndanggēn, ‘Tee kumad na.’ 29 Bērgħa shadda hai keeghēn hwanggēnēn, ‘Kērsu tē nggi niya tēukēn.’ 30 Amma kargha fa kēsanggēn muwanggēn ahu porsēna dē kēl tii nēn wudēbēldi heu. 31 Nana fīngya mafaya ēndi katēragħa hai, sēbgha hur ndan dē. Dēnda thlēmād kutērdā dē pērang ēndā nda katēragħa hai. 32 Tērgħa kutērdi aah mafadda nēn bā chahang nēn kumarha dē ndanggēn, ‘Sa ka wudi mafarha! Chahodi kumarha dē na a tenwa ka hwan na nggi. 33 Mbē shadwa mafarha hadō fa kēla hadoni fa wa?’ 34 Tērgħa kutērdi hu sēbrha hura muwanggēn hu porsēna dē kēl a tii dē kumaddi heu. 35 Na Pēpa na a talara a ēnang kun kee a kowunni kargha chahang 'ya shadghēn dē tē hura tal.”

19 Ngwalang na Yeeso thlōk ānggini ya, mal Nggalili nēn dēgha hu chehweed Yahudiya dē na a pēm kufad Urdun. 2 Fiya hangga takkwagħa samadghēn kēnanggēn kanda a

mbēdi. 3 Bāgha fīngya Farisaya thlēmādghēn bā ka a kēkērang ngganda. Tsahang mēē nda, “Nggēm ngyahad nēm fa a kalgha niifa nukkun hai aten kala 'ya ānanēn wa?” 4 Nggērangga Yeeso kanda sē “Karatang nggūn ahu deleewar Faara wa? A katēra ēna kēshiirha ‘ēna Faara nuneefa tē hēshneefa.’ Nggērgħēn ndaarha, 5 ‘Ndēghēn ni ēnagħa ndēn na niifa malang nda man tē chin thlēthlēbānggēn nukkun fa, kanda kyab tsau nda tal.’ 6 Nanēn kee mba nda sēri wa, amma tal ni. Tsaunēn kee, ‘Ya wumangna Faara, a ndagħang niifa hai wa.’ 7 Tsahang mēē nda, “Kama nda ndaana Musa niifa mbuwana midghēn nukkun a fērang deleewar kaala nēn hai, ndanggēn wiu?” 8 Nggērangga Yeeso kanda sē, “Ndaana Musa kee kēsēr ka kakrakid ten nun. Amma a katēradghēn mbē kee wa. 9 Niya ndang nda kun kala niifa kalgha nukkun hai, a mbē nana nudī a ēna kulafayirha wa, nggērgħēn kakh nuneefa pak ēnadē kulafayirha.” 10 Ndagga fatsahayighēn, “Ana 'yasē kee a pathlang nda nuneefa tē chimadghēn nggushi tsauna niifa kula kakhrha.” 11 Amma ndagħa Yeeso, “Mbē fiya heu na nggēm palthdā fa ya wa, kēl fīngya nggēmang na Faara kanda fa. 12 Na fīngya sē nggēt nanda kulabrha, fīngya sē kēm firang nanda kanda, fīngya sē mbē mid ndan sē kakhrha wa kēsēr ka Kutēryid talara. Yi na a mbang thlē labārdi ya thlēghēnēn.” 13 Tērgħa bāng wundakhnaya nda Yeeso bā na nggu-ngguchit ka a dēfang parka nēn kanda teena tē kēm hwangga aten ndan. Amma fatsahayighēn na nda yanang nda nafini na a bāarha bā tē wanggini. 14 Amma ndangga Yeeso kanda, “Malaman wundakhnaya bā nda thlēmād na bā. A karang dūn kanda fa wa. Kēsēr Kutēryid talara yi fīngya ni na kēla wanggini ya.” 15 Dēfang haara nēn kanda teena fērang parka nēn kanda a wiigha. 16 Bāgha Niifa thlēmād Yeeso bā tsahang mēē nēn, “Mala, mani ānaarha na ngga tēni wal yibrha mbuwa ngwalarha?” (aiōnios g166) 17 Ndagga Yeeso, “Mani na tsahe mēē aten 'ya na ngga? Niifa tētal ni kee na ngga. Ana mid wa yibrha mbuwa ngwalarha, ēno taara tē ngyakhkini.” 18 Ndagga niifdi Yeeso, “Yanggi?” Nggērangga Yeeso sē, “A bēlna farha wa. A ēnanna kulafayirha wa. A ngāarna wa. A pērna nggabāarha aten niifa wa. 19 Fērang mamnggirha nda muwa tē tsu. Nggēmū tuladwa kēla alten wa.” 20 Ndagħa wundēladđi, “Lafđi

ngyakhkini ya heu. Ma takhka tsauka tōta a әнеe?" 21 Ndagga Yeeso, "Ana mid wa sə tsawana lələgda, duwa də da heng ənggiwa də heu fərang wudəbəlghəna fa yamiya, na wal mbəd dəfədghən a talara. Tərgəha ba na ba mbu samadna na." 22 Amma hərəmna wundələddi səkrəha kee, wii fayighən nən hurghən səsəbə də, kəsər təkəna ni kaan. 23 Tərgəha ndangga Yeeso fatsahayighən, "Niya pərang kəkafek kun, nəghən pədaghən kyagha təkəna hu Kutəryid Talara də. 24 Niya nggər ndang nda kun, nəghən pəpa kyagha thləkhmu də tə kwat libra ma təkəna kyagha hu Kutəryid Faara də." 25 Səknə fatsahayighən kee, wulangga teena kanda tsakh mee nda, "A tsaudə kee wunni wal hərəkrəha?" 26 Amma kəlangga Yeeso kanda də ndəghən, "A fad niifa tə wasa in mbə ənaarha hai wa, amma a fad Faara nəghən pəpa." 27 Tərgəha ndangga Mbiturus, "Malang dən əngya heu mbudən samadwa nan, ma nan waala?" 28 Ndagga Yeeso kanda, "Niya pərang kəkafek kun, ahu kəshiiirha na bayi, a sayiddi na Wan Niifa a tsaurha hu mamnggit tsənggam Kutəryidghən, kun mbuwa samadna nun a tsaurha hu tsənggamngya kumkap səri, non a ngwang kumarha turya kumkap səri yi Isəreela. 29 Kala niifa malgha wure nduwa wanmangghighən həshya nduwa wanmangghighən nishya nduwa chin nduwa man nduwa wangghighən nduwa əngghighən, ka nggi, nən a wal kənaghən katəra haru kum tə kəm nən a wal yibrəha mbuwa ngwalaarha. (aiōnios g166) 30 Amma fīngya 'wagha kanda ni a nggəl mee, fīngya nggəlgha mee kanda ni a tsaurha a mbee."

20 "Kəsər Kutəryid talara nəghən kəla təheerha wargha ka kadā fatarya də ka ba nda ənang taara ahu hed inabidghən. 2 Kənang nanda wudəbəl paara hai puwanggən kanda ahu hedghən də. 3 Tərna yanfaara sə, kyagha sə dəgha wal fiya ahu kasu mbə 'yasə na nanda a ənaarha wa. 4 Ndaggən kanda daa nda hudaarha ahu hedghən nən a teng kanda 'ya kamngga ahu paara. 5 Nanən kee dənda də daa nda hudang sə. Yanfara a sərəkra tə kəm yarna yanfaara hai ənagha kee. 6 A fīgrha dəgha wal fīngya kəkət. Tsahang mee nən kanda, "Kama nanun kəkət a mbədiya mbə 'yasə nun a ənaarha wa?" 7 Nggərang ngganda sə, "Mbə niifa sə aagha kan wa." Ndagga təheddi kanda, "Tsaunən kee damadə dūn wal fīngya na

a hudaarha hu hed na." 8 Mukna yanfaara hai, ndangga təheddi niifdi na aten hedghən, "Ooh fatar yina ba teng wudəbəl paara na kanda, katərang hai tə fīngya dəgha də a kwasamarha ta ten fīngya də 'wagha də." 9 Fīngya dəgha də a fīgrha teng ngganda kanda, kowunni walda wudəbəl paara. 10 Fīngya 'wagha də ba nanda ka thlə yindan ba, tamngganda ndaarha na yindan a kal yi fīngya. Amma teng wudəbəl paara nda kanda kəm. 11 Thləna ndan katərang ngganda huhurumnda hai aten təheddi. 12 "Nafini ya bagha nda ba a samarha amma tengga kanda məməl tə kan ənagha taara ka a tsar ahu wengweng nda yanfaara." 13 "Amma nggəranggən tal sə ahur ndan, 'Pashidna, hukki sa wa! Mbə kənanggəm hai niya teurha wudəbəl paara na nda tiirha wa? 14 Thlu wudəbəl wa wiina. Hurna nggəmngga niya teng nda nafini bagha ba a samarha məməl kəla teu ni. 15 Kamngwa a əna 'ya ni tərna minna tə wudəbəl na wa? Na sərəkra ka dang ni fīngya sə wa?" 16 "Nanən kee yi nggəlgha mee ndəna a 'waarha, yi 'waagha ndəna a nggəl mee." 17 Na Yeeso a dərha Urshalima də, kyalthgha Yeeso man patu də tə fatsahayighən kumkap səri ndanggən kanda, 18 "Nəm a dərha ta Urshalima də, Na nda a fər Wan Niifa a har mamngya firistaya hai tə famaləmnngya ngyakhrəha. Na nda a ngwang kumad mərəra sə. 19 Tərgəha na nda fərghən a har Romaya hai, waghən nda, tsadaghən nda tə kəm tawang ngganda də. Amma a far paara yi mahan nən a thliirha sə ahu mərə. 20 Tərgəha man wangya Dzabadi. Nda Yakubu tə Yahaya, bagha thləmad Yeeso ba tə wangghighən. Bərgəha hai tə wadedghən ka a hwanang 'ya nən na midghən. 21 Tsahangga Yeeso mee, "Mana midwa?" Nggəranggən Yeeso sə, "Tsawang wanggini kyana na səri ya tal a yisəmad wa, tal kəm a yi kawad wa ahu Kutəryid wa." 22 Amma nggərangga Yeeso kanda sə, "Sənggun 'ya nun a tsakhrəha wa! Nun mbang saarha tə wuhuleudi dīni saarha wa?" Nggərang ngganda sə, "Ha'i nan mbang nda." 23 Ndagga Yeeso kanda, "Nun mbang saarha tə wuhuleudi, amma tsaurha a yisəmanna nduwa yi kawad na mbə nggini fərghən wa. Taksaagha Pəpa mbəyini ya a nafini wurnən." 24 Səknə fīngya fatsahaya kum əndi hwanna nda Yakubu tə Yahaya səbgha hur ndan də tə kanda. 25 Amma aagha Yeeso kanda thləmadghən ba ndanggən kanda, "Səndūnsə kutərya na hu kəshiddiya mbuwa Yahudaya

na nda kyad säsəmnggit ndan aten nafi ndan, mamnggi ndan kəm na nda kyad säsəmnda aten nafiya na a kamu ndan. **26** Amma ahur nun nən a naarha pak. Kala niifa na midghən tsauka ndəghənni mamnda tətani tsauka niifa ni na a ənang taara kun. **27** Kala niifa na midghən a nagha a mbee, tətani a tsauka mafad nun. **28** Kəsər bəd Wan Niifa bə mbə ka a ənang taara nda wa, amma a ənang taara nən fīngya tə kəm fər yībədghənən ka a hərghanggən fiya hangga.” **29** Hərəmna Yeeso tə fətsahayighən mal Djeriko, mbuwa fiya samadghən hangga. **30** Tərgha kwamaya səri tsau ami kwamana. Sənnə nda sə na Yeeso a mbəra də tə kwamandi, kətərang ngganda tərang urad ndan sə, “Chinəm, Wan Ndauda, a hədowan fal!” **31** Yanangga fiya kanda a nggasa nda hai, amma dānda mbeedə tə tərang urad ndan sə kaan, “Chinəm, Wan Ndauda, a hədowan fal!” **32** Səkna Yeeso kanda, ishgha hai aah kanda nən, “Mana minnun a ənanggi kun?” **33** Nggarang ngganda sə, “Chinəm, na minnan sə a na mana nan hail!” **34** Hədagga nafini Yeeso fa tsuwar yindan nən fa, tsu a mbədi kee na mana nda hai. Tərgha mbu samadghən nda.

21 Na Yeeso tə fətsahayighən a takh ndusang Urshalima fa, bə nda hu tala bə na nda aarha Mbətəfaji ahu Wumngya dəfya Dzaitun. Thləngga Yeeso fətsahayighən səri a 'wa nda mbeedə. **2** Ndanggən kanda, “Dama hu talda də na a mbədi taarha, a kyadun sa hai, nun awal kwaara kəkəna hai tə wanggən a thləmadghən. Kwasaman kanda hai mbee kanda nun bə. **3** A tsahang niifa mee kun, ndaman kee, ‘Na mid Chinəm sə kanda,’ tsu a mbədi kee nən a malang kun dūn də tə kanda.” **4** Kətərana əndə haya ka lədag ngganda 'ya ndaana annabi: **5** “Ndang nafiya Urshalima, ‘Kulo, Kutər nun bayi thləmannun bə. Niifa ni mbuwana tenggən kakrak bayi a kəsər kwaara, Nəghən bayi a kəsər wan kwaara.”” **6** Dəgha fətsahayina də əna nda kəla ndangna Yeeso kanda. **7** Bang kwardə nda bə tə wan kwardi, lələbāng ngganda lukki ndan a kəsər wan kwardə sə tsauka atənggən. **8** Lələbāngga fiya lukki ndan hai aten kwamana a mbedghən, fīngya kəm kyalth shiyya nda bə lələbāng ngganda a tən kwamana. **9** Nafiya 'wagha mbeedə ma ndəghən tə fīngya na mbusamadghən tərang ngganda urayi ndan sə, kanda ndaarha: “Faala a tsauka aten Wan Ndauda! Parka tsaudə aten, niifdi na bayi ahu

thləm Chinəm! Falama Faara na manggən a talar!” **10** Kyana Yeeso a Urshalima hai, wupəri di kahad wulangga teena kanda, na nda tsakh miiya tə ndaarha “Wunni ya?” **11** Nggəməngga nafini, “Yeeso ni, annabi di bəgha bə a Nadzarat na a Nggalili.” **12** Kyagha Yeeso Kən Faara də na Urshalima kətəranggən rəghang nda nafiya də na a hiirha tə həng nda mafiya də ka sataka. Changgəlanggən tebərya fa mbeded wudəbəlyə də tə kulohod fīngya na a heng kataprakkyə də. **13** Ndanggən kanda, “Ndagha deleewar Faara, ‘Kənnə nəm aaghən Kən hwanda Faara,’ Amma tsawanggun mbəd bəbed ngaaryal!” **14** Bəgha kwamaya bə tə səfəngya a thləmadghən bə ahu Kən Faara, kənanggən kanda. **15** Amma nana mamngya firistaya tə famaləmgəngya ngyakhrha Musa ənwultənggini ənanən, wundakhnaya ma kanda a huhwarha a pəpal Kən Faara kanda ndaarha, “Faala tsaudə aten Wan Ndauda.” Amma mamnggini səbgha hur ndan də. **16** Tsahang mee nda Yeeso, “Səkna əndi na wanggini ndaarha ya wa?” Nggəməngga Yeeso, “Həng, 'Wawa nun karatang nda deleewar Faara wa? Kəsər ndagha nda, 'Tsahang dūn wundakhnaya ha tə wufar waya, ka a fal kun nda.”” **17** A mbədi kee mal kanda nən wudgha Mbətani də məngga hai a mbədi. **18** Dalthna mbərha hai nanən a wutta Urshelima də, kəsgha miirha ndən. **19** Na shibərha nən a kəlar kwamana, dəgha thləmadghən də kəlagha hai ko wee a uradghən kəl shiyya kee. Tərgha ndanggən shibaddi, “Ma nggərna tam nggəttə bəlwal!” Tsu kee hwargha dəfəddə də. (aiōn g165) **20** Nana fətsahayighən əndi kətəragha hai, kəsgha ənwulteena kanda kaan, ndanda, “Kəkən hwarna shibaddə də kəkər kee ya?” **21** Tərgha ndangga Yeeso kanda, “Niya pərang kəkəfek kun, anadun tə fərkəkəfek fa ngaalanggun alten nun wa, nun a əna əngya kəla yandiyə, nduwa kalgha yandamu ya. Nun mbang ndang nda wumndədi ya, 'Thliusə muwana hu wuri aamdə də ya,' nən a kətərarha hai kee. **22** Nun hwanang Faara kala 'ya na minnun, a fərdun kəkəfek, nun walghən.” **23** Wudna Yeeso ahu Kən Faara də na a Urshelima kətəranggən tsaharhaha, Mamnda Firistayini tə shingya nafini bənda thləmadghən bə. Tsahang mee nda, “Tə səsəmnda wun na əna ənggini həu ya? Wun fərowa səsəmndədi ya?” **24** Nggəməngga Yeeso kanda, “Niya tsahang mee kun ha tal. A nggəreedun sə, niya pəranggən kun tə wun

føreegha Səsəmənda niya əna əngginiya. 25 Wun fərangga kwamana Yahaya əna mbaptisəma nən? Faara fərangga wa, nduwa fiya wa?" Tərgħa thliigha ngaala sə a pathlang ndan, ndaa nda, "A ndaa dām, 'Faara fərangga,' nən a tsakh mee, 'Kama fərwa nun kəkafek təghən?" 26 "Amma a ndadām, 'Fiya fərangga,' nəm a tərām fiya, kəsər fər nda kəkafek Yahaya annabi ni." 27 A kwasamadghən nggərang ngganda sə, "Səngwan wa." Tərgħa ndanggən kanda, "Nggi kəm mbi pəranggən kun wun fəreegha səsəmənda niya əna ənggini ya wa." 28 "Amma ma numa nun? Na niifa sə tə wundəlayighən səri, dəgha thləmad tə pamənda də ndanggən, 'Waana, a weeriya dəwa də də əna taara ahu hed inabi. 29 Tərgħa ndagħa wundəladdi, 'Mbi dərha də wa,' amma numagħa dəgha də. 30 Tərgħa chin dəgha thləmad tahad wundəlād dādə ndanggən, 'sa dəwa də,' ndagħa wundəladdi, 'həng pəpa, niya dərha də.' Amma dəwa də wa." 31 "A hur ndan na səri ya yanggi ənagħa 'ya na mid chin?" Nggəra nda sə, "Yandi 'wanən thlənda." Ndangga Yeeso kanda, "Niya pərang kəkafek kun, fathlə tsamngya tə susuwaya nanda 'warha hu kutəryid Faara də ma kun." 32 Kəsər Yahaya tə Mbaptisəma bəda ba kyadang də kwamana kun na a tsawun ngga a mbed Faara, amma fər wun kəkafek wa, amma fathlə tsamngya tə susuwaya fər nda kəkafek təghən. Ko nanun ənggini a katərarha hai, kardun fa fərəkəfək nun təghən. 21:32 Luka 3:12; 7:29-30. 33 Nanənya kaaman thləmaarha asədarha fa pak. Na niifa sə pagħa wan dəfya inabi, kanggən tə kalthmaana, ra mbəd 'yada wan inabi nən ahurghən, nggərgħən ra səfa na nzang na təkəla hedda ha a tsaurha a tenggən. Tərgħa nzmang hed inabi də nən fahudaya ha wii tala nən. 34 Tsəna shifirha hai, thlən mafayighən nən də nda thlang yighən ənnarhami ba. 35 Amma fa nzm heeyini kəsang ngganda mafayini; dək tal nda, bəlang ngganda tal, muk tahadghən nda tə ferya. 36 Tərgħa nggərgħən thlən fīngya mafaya thləmad ndan də, kalgha yanggini 'wa nən thlən nda də. Fa nzm heddi nggərgħa nda ənang kanda kəla yi kətəm. 37 Akwasamadghən tə heddi thlən wan hurghən nən a thləman ndan də nəghən a numad ndaarha, "Mbə ngaala sə wa na nda fərang mamnggirha waana." 38 "Amma nana fa nzm heeyini wandi keegħən bayi, ndang ngganda ndan, 'Yo, kulo tə har langaad heddi bayi ya.

Taama bəlanggəm tənəm har langaad heddi." 39 Tərgħa kəsang ngganda, kahang ngganda kəsər kadda də, bəlang ngganda. 40 "A bəd tə hedda ba, ma nən ənang nda fa nzm heddi?" 41 Mamngya fatakkwayini ndaa nda, "Nən a bəlang fa mbəlfeyini tə səsəarha na pədaaghən, fərang hedda nən nafiya pak, na narha fərang yighən ənnarhami kala shifirha." 42 Tərgħa tsahangga Yeeso mee kanda, "Wawanun karatang nda ahu deleewar Faara wa? Ndanən: 'Ferdi karna fa tēngya, ndən tsaukwa ka feera. Yandiyi 'ya ni ənana Chinəm, ənwultēna ni a yid nəm." 43 "Tsaunən kee, niya ndang nda kun, na nda a thlang nda kutəryid Faara a harnun, fərang nggənda chehweeya na fər wan dəfya ngga." 44 Kala niifa mukka ten ferda hai, nən hwasarha fa bətal, bətal, amma yi mukna ferdi tenggən hai nən a tsarang də. 45 Səkna mamngya firistayini tə Farisayini karapu di, walang ngganda nən a thlək asədaddi aten ndan kanda ni fahudayini na tə mbəlfedda fa. 46 Na mid ndan sə a kəsang ngganda, amma kanda tərām fiya wumngga hai, kəsər na fiya a ndaarha annabi ni.

22 Nggərgħa Yeeso pərang labara kanda tə karapu, ndəghən, 2 Kutəryid talara nəghən kəla kutəra ngwagħa fa ka əna wutəsəfayid kakhrrha nən a wanggən. 3 Thlənanggən mafayighən də də nda aah nafina ba mbu nanda kanda ba, amma kar nafini barha fa ba. 4 Tərgħa nggərgħən thlən fīngya mafaya də tə ndaarha, "Ndaaman nafini mbu ni, ngwadi wutəsəfayidda fa, thleedi urad thlaaya na ndəndaura tə kwelya, ngwadi fa, bamabə kəkər." 5 Amma nafini mbu nən dəf wanda teena sə wa, tal dəgha heedə, tahadghən kəm dəgha ka əna shafilidghən də. 6 Fīngya kəsang ngganda mafayighən hai, dək kanda nda tə kəm bəllang ngganda kanda. 7 Hufgha kutərđi hur kaan. Thlənanggən sodjayighən də bəllang ngganda fa bəl fayina də, tə kəm njang ngganda wupəri ndan də. 8 Tərgħa ndanggən mafayighən, 'Ngwala ngwa wutəsəfayid kahadda fa, amma nafini mbu nəm ba mbə kanda ni kamngga a ba nda ba wa. 9 "Nanənya, daama hu kwaman hu wuraya də mbu fiya nun ba kala niifa nanun ba nda hu wutəsəfayidda ba." 10 Nanən kee, dəgha mafayini ahu kwaman hu wuraya də mbu ka nafiya nda ba na nanda tə ndərwaya, ləghədgha kən wutəsəfayid kahaddi tə rongya. 11 Amma kyana kutər də ba ka bagħa na ronggi ni

mbunən 6a, na niifa nən kalwawa kari yi wutsəfayid kahaddi. 12 Tshang mee nən, “Pashinna, kəkən kyana mbəda 6a ya kula sa kal karid wutsəfayid kahadda fa?” Amma mbangwa kamshidi nggərang sə wa. 13 Tərgəha kutərdi ndanggən nafiya na ənang taara, “Kənaman haarghən tə sarghən muwanggun kəshaadə ahu wula də mbədi nanda a tərha tə kət mee.” 14 “Kəsər nafiya hangga aah nanda, amma ngguchit wurna nda hasə.” 15 Tərgəha Farisayini wuma nda hai kada kwamana nda a dəfang takthleera nda Yeeso ka a thlək 'ya nən tənə nda kəsang nda. 16 Thlən fatsaha yindan nda də tə nafiya Hirdus ka a tsahang mee nda, ndaa nda, “Mala səndənsə ka niifa ni sa, na tsahang kwaman Faara fiya ha tə kəkafekkirha. Sa kəm mba wurahasə wa. 17 Nanənya pəranggən kan, mani numad wa aten əndiya, nəghən məməl a teng tsamnda nan kaisar wa nduwa awo?” 18 Amma Yeeso səndə numad mbəlfeddi na ahur ndan, ndagha, “Kun fathlərbuya, kama na mid nun a dəfee takthleera? 19 Kedeema pene tii tsamndədi. Fərang pene da nda.” 20 Tshang mee nən kanda, “Shishingnda wunni tə thləm wun a tenggən?” 21 Ndang ngganda, “Yi Kaisar.” Ndanggən kanda, “Fəraman Kaisar 'ya tsauka yi Kaisar, tə kəm fəraman Faara 'ya tsauka yi Faara.” 22 Sək nanda kee, əna ənwulteenə nda pa wii fayindan nda. 23 Tsu a fardi fingya Sadukiyaya ndagha mbə thliirha sə hu mərə wa 6a nda thləmad Yeeso 6a tə tsakhmee. 24 Ndang ngganda, “Mala, ndangga Musa kan, ‘A mər wan man niifa maldə nukun hai kula nggəttə, na wan man tərangəsə hu langaarha ka a nggədanggən sə.’ 25 Nanənya, na nafiya sə məd a wanmanggi. Tə pamənda kakhka mərgha kula wal wee, tərgha yi səri təranggən nudasə. 26 Amma wan man yi səri mərgha kəm, yi mahan wai kee har ta ten yi məd də. 27 Akwasamadghən, nudī kəm mərgha. 28 Nanənya, ahu thliirha sə hu mərə na nudī tsaurha yi wun tsanən kanda heu məd, tərang nda nudasə?” 29 Nggərangga Yeeso kanda sə, “Numad nun mbə məməl wa kəsər sənggun Laḅar Faara na chichireethlee hai tə səməndəghən wa. 30 Thliirha sə hu mərə mbə nishya tə həshya kakhrha wa. Nanda tsaurha kəla fathləngya Faara a talara. 31 Amma aten thliirha sə hu mərə, karantanggən 'ya ndang na laḅar Faara kun wa? 32 ‘Nggini Faara yi Ibrahim, Faara yi Ishaku, tə kəm Faara yi Yakubu’. Mbə

Faara ni yi mərəya wa, amma yi fingya natə yibrha fa.” 33 Səkna fiya ndən wumngga hai, əna ənwulteenə nda tə tsahayighən ha. 34 Amma səkna Farisayini tə ndaarha nggəlangga Yeeso mii Sadukiyayini tə laḅaara nggərang nən kanda sə, wuma nda hai ka a nggəra nda tsahang mee. 35 Tal ahur famaləmgəya deleewar Musa, na midghən sə a dəfang takthleera nən tsahang mee nən Yeeso, 36 “Mala yanggini manggən ahur ngyakhkya heu?” 37 Nggərangga Yeeso, “Nggəmu Chinəm Faarwa tə hurwa heu, tə shingnduwa heu tə huten wa heu. 38 Yandiyə ndənə katəra ngyakhrha na mam. 39 Yi səri kəm nəghən manggən: ‘Nggəmu tuladwa kəla altenwa. 40 Ngyakhrha heu tə tsahad annabiya ha na nda aten ngyakhkini səri ya.’ 41 Wumna Farisaya hai tsahangga Yeeso mee kanda, 42 “Mani numad nun aten Kərəsti? Wan wunni?” Ndang ngganda, “Wan Ndauda ni.” 43 Nggərangga Yeeso kanda sə, “Kəkən na Ndauda tə səmənda Səsənə aaghən ‘Chinəm’? Kəsər ndagha Ndauda, 44 Ndangga Chinəm yina China: ‘Tsawu a yisəmanna, kəl a tsawangdi fatsanggiwa a kamu saryiwa.’ 45 Ana Ndauda a aah Kərəsti ‘Chinəm,’ kəkən nən tsaurha wanggən?” 46 Mbə niifa sə mbangga nggərang sə wa, ka fardi mbə niifa sə ndengga yidghən nggərgən tsahang mee wa.

23 Tərgəha Yeeso ndanggən fiya wumngga hai tə fatsahayighən, 2 “Famaləmgəya ngyakhrha tə Farisaya kanda ni nggəməng na nda kanda fa a pər ngyakhrha Musa nda. 3 Nanən kee tsahama tə kəm əna taara nun tə 'ya ndang nanda kun, amma a ənadun kəla nanda ənaarha wa, kəsər mba nda əna 'ya na nanda a tsaharhaha wa. 4 Nanda dəfang rəfrha fiya in na haghən, amma kanda tə alten ndan mba nda thlar kanda ko tə wan haara wa.” 5 Na nda əna tar ndan ka a nagha fiya kanda, nanda kən masparma natə chireethla laḅar Faara a pəmmnggindan, na nda ndən pəratsan nənənzang a mii karindan. 6 Yakh mid ndan tsaurha a mbəd tsaukya na nggəngga hu teera, tə kəm mbəd tsaukya natə thləma a kən tsahad Yahudaya. 7 Na mid ndan a ndang'ya nda kanda yi mamnggirha a nan nda a wiirha hai ahu kasu, tə kəm nagha fiya a aah kanda, Mala. 8 “A nggəmma fa a aah sa nda ‘Mala,’ wa kəsər təmaləmnəda tətəl ni, kun heu nuwun tal a wanmanggi. 9 A aah dūn kowunni ahu

kəshiddi ya 'Pəpa' wa, kəsər Faara na talara ndəna Pəpa hu Səsəna. 10 A nggəmna fa aagha kowunni sa 'Mala' wa, kəsər təmaləmnda tətali ni, ndəna, Kərəsti. 11 Yi na manggən ahur nun tətə ni a tsauka mafad nun. 12 Amma kala nafiya manangga altenggindan nanda tsaurha ngguchit, tə kəm nafiya tsawangga altenggindan ngguchit nanda manang kanda. 13 "Amma kawama, kun famaləmgnya ngyakhrha Musa tə Farisaya, fathlərbuya! Nggəlanggun kwatminda kyarha hu kutəryid talara də ma fiya. Kun tafad nun kyawun sa də wa, 'yadang kwamana nun fiya na mindan kyarha sa də.'" 14 Kawama famaləmgnya Ngyakhrha tə Farisaya, ndirwiya, nun həb karid nishya mərna chimayi ndan, non naarha hwan Faara kaan ka a na kun nda. Tsaunən kee na nda a ngwang kumarha kun sə na pədaghən. 15 Kawama, famaləmgnya ngyakhrha tə Farisaya, fathlərbuya! Nun wii tala aten chehweerha tə wuri aama ka wal niifa nun malangga dimiyidghən, a malang də dimiyidghən, nun səbang nda də kaan kal kun nən dimiyirha. (Geenna g1067) 16 Kawama, kwamaya na kyad kwamana! Nun ndaarha, "Kala niifa aagha thləm Faara tə Kən Faara, mbə billarha sə wa, amma kaala niifa aagha thləm Faara tə təfasa yi Kən Faara, tsau də tətə a əna ənda nən aah nən Faara a tenggən." 17 Kun nur kwamaya! Yanggi ni manggən, təfasa wa nduwa Kən Faara na a Urshalima tsabangga təfasa də wa? 18 Nun ndaarha, "Kaala niifa aagha Faara tə 'mbəd fər Sataka,' mbə billarha sə wa, amma niifa aagha thləm Faara tə ənfəra na a mbəd əna Sataka, tətani əna ənda nən ndanən nən a ənaarha." 19 Kun kwamaya! Yanggini manggən, ənfərđi wa nduwa mbəd nji sataka tsabangga ənfər dādə wa? 20 Tsaunən kee, kala niifa aagha thləm Faara tə mbəd nji ənfəra, aah nən Faara tə 'ya na tenggən heu. 21 A anna thləm Faara tə Kən Faara na a Urshalima, aah na thləm Faara na tə tsaurha a mbədi. 22 A anna thləm Faara tə Talara, na aah tsənggam Faara, tə ndəghən na tə tsaurha ahu tsənggamđi. 23 Kawama famaləmgnya ngyakhrha Musa tə farisaya, fathlərbuya! Nun fər ən fərrə nun tal ahu kum yi shi chimbee amma malanggun əngya na nggəngga ahu ngyakhrha, ndəna, kəkafek, hadang ndan fa, tə nggayirha. Ənggina ni kamngga na nggəngga a ənon ya, a malang dūn fīngya wa. 24 Kun kwamaya fa kyad kwamana, nun kang aama hai

amawa nun mudang kukwakhtaara amma nun mudang thləkhmu. 25 Kawama, famaləmgnya ngyakhrha Musa tə Farisaya, fathlərbuya! Nun tsabang kəsər wuhuleurha də tə tasau, amma ahurghən nəghən lələgdə tə nggəm alteena tə hukrha! 26 Sa kwamad təfarisarha! Tsabang hur wuhuleurha də tə tasau 'wan, təna kəsərgən narha tsətsabadə kəm. 27 "Kawama, famaləmgnya ngyakhrha Musa tə Farisaya, fathlərbuya! Nuwun kəla ten kwaya kəmang nanda tə penti na pəpet, nagha ngga hu yirha, amma hurghən lələgdə tə aal nafiya mərgha tə paarha dədamən-dədamən. 28 Tə kəm ahu yirha naa fiya a na kun ka nafiya, amma ahur nun sə nuwun lələgdə tə thlərbuyirha tə mbəfeerha." 29 "Kawama, famaləmgnya ngyakhrha Musa tə Farisaya, fathlərbuya! Nun tən ten kwaya a annabiya, tə kəm nun sakhdang nda ten kwaya yi ka fiya fərgha kəkafek a Faara. 30 Tərga nun ndaarha, 'Andam nəghəm sə a sayid chichiynəm, kam dangwan kanda sə bəlang nda annabiya wa.' 31 Amma a nadun a ndaarha kee, nun a thləghənggən altənnun tə ndaarha kunni chichiya nafini bəlangga annabi yini. 32 Dama mbeedə ngwalənggən 'ya katərangna chichiya nun hai." 33 Kun huthlingya, wangya huthlingya na tə mbəfeerha yid! Kəkən nun hərəkrha ma ngwa kumad hwanga? (Geenna g1067) 34 Tsaunən kee niya thlənang annabiya kun də tə fasəngya, tə famaləmgnya ngyakhrha Musa. Amma nun a bəlang fīngya tə taurha də, nun a tsadə fīngya ahu kən tsahad Yahudaya, nun takkwa kanda tala-tala, kun a səsang kanda. 35 Tsaunən kee, niya thlənang nafina də ya kəsər na hakked ka nafini bəlang nun a tsaurha a ten nun heu ka a sayi far Habila kaniifa dəgha ten Dzakariya wan Mberikiya, bəlang nun a pathlang Kən Faara na a Urshalima tə mbəd əna sataka. 36 Niya pərang kəkafek kun, na ənggini a katərarha hai hu kəshiid weeriya. 37 Aiya Urshalima, Urshalima! Fa bəl annabiya tə muk fathləngya Faara tə feera thlənna nda thləmadwa də! Saara kurmi tərna minna a wumanggi kun kamuna bə kəla na diyarha ngwang wanggighən kamughən də, amma kardun fa. 38 Kələma hai nanənya, malang nda wuri nun kun fa tsaudə kwad wure. 39 Kəsər niya pəranggən kun, mbun a nggər na nggi bəl wa kəl fara ndanun, "Tə parkani niifdi na a bərha bə hu thləm Chinəm."

24 Na Yeeso a mal Kən Faara na a Urshalima, kʷadangga fatsahayighən tur təngya Kən Faara. **2** Amma nggəranggən kanda sə, “Nadun tur tənggini na heu ya? Niya pərang kəkafek kun, mbə feera sə ko tatal na nda a mala aten shadghən wa, kahad nanda chang nda kanda hai!” **3** Tsəbaku na Yeeso tsau a ten dəfya wumnda Dzaitun, bagha fatsahayighən thləmadghən ba bəbēe ndang ngganda, “Pəranggən kan a kwan na ənggini katərarha hai ya? Mani a tsaurha ənsakhrha wuttuwa ba tə ngwala mii kəshirha?” (aiōn g165)

4 Ndagga Yeeso kanda, “Kwarama, a nggəmdun fa nggabagha niifa kun wa, **5** kəsər nafiya hangga na a barha ba hu thləmna, na nda a ndaarha, ‘Nggini Kərəsti,’ har na nda nggaba fiya hangga. **6** Nun a sək labar yangya, tə mii ndaama aten yangya, amma a tərəmdun wa, tsaudə tətani a katəragha ənggini hai, amma bəwa mii ngwaladghən ba ‘wan wa. **7** Na tur a thləng tur fa tə yanda, na kutəryirha a thləng kutəryirha fa. Na miirha a narha sə tə rəprha kəshirha fa a mbəya dədamən-dədamən. **8** Amma heu əngginiya katəra mii səsarha ni kee.”

9 “Na nda a kəsang nda kun, səsang ngganda kun tə kəm bəlang ngganda kun. Kəshirha heu na nda kar kun kəsər ka thləmna. **10** Fiya hangga na a mal fərkəkafekkid ndan, na nda a fər ndan tə kar ndan. **11** Na annabiya fa nggabəya a kyarhaḅa hangga, nggaba fiya nda hangga. **12** Na mbəlfērha a mulgha hai, nggəm ndan nən a tsaurha shishiu. **13** Amma kala niifa kərəsgha ta mii ngwaladghən də nən a hərəkrha. **14** Labardi na Mbənggən yi kutəryid Faara na nda a pərgən kahad hu kəshirha də, kəsər ka səkka talya ndən; a mbəra bagha mii ngwaladghən ba.”

15 “Nun a naa ən tsanda na rək fiya, kət hu Kənna na Chahal kəla ndaana annabi Ndaniyel. (Ngwa walangga tə karatarha), **16** Tərgha nafiya na ahur Yahudiya tətani danda wumngya sə. **17** Niifa na aten kənna a ndaa də nən a təra hai dəgha tər ‘ya ba a wuri wa. **18** Niifa na hee a ndaa də nən wutta wure də dəgha tərang kootodghən ba wa. **19** Nən a tsaurha ən kawa a nishya na a hur tə nishya na tə waya kəsər ahu sayiddi! **20** Hwanama Faara amana daddi naarha a sayid mbiirha nduwa afar yibrha Yahudaya wa. **21** Kəsər a fardi na səsarha a naarha sə kaan ‘wawa tam naarha sə kee ka a far katəra kəshirha ta weeri dāḅa ya, mbə turghən a nggər naarha sə balwa. **22** A mbə

thlaghang nanda benggina haadə ya wa, mbə niifa sə na a naarha tə yibrha wa. Amma kəsər ka nafiya wurna Faara ndən nanda thlahang benggina haadə.” **23** “Ahu sayiddi a ndang niifa kun, ‘Kulodə, kulo Kərəsti diya!’ Nduwa ‘Kulo ndəghən taarha!’ A fərna kəkafek sə wa. **24** Kəsər na fa nggabəya Kərəsti sə tə fa nggabəya annabiya a kyarhaḅa, na nda a əna ənsakhkya məmanggən tə ənwuteengya ka a nggaba fiya nda har tə fingya wurna nda anadə a ənaarha hai.”

25 “Kələma hai, ‘Wadi teena yanangdi kun kətəm.” **26** “Nənən kee a ndang niifa kun, ‘Kulo ndəghən taarha a kaheerha,’ a kyadun kəsha də wa; nduwa, ‘Kulo ndəghən ahur kənna ya,’ a fərdun kəkafek sə wa. **27** Kəsər kəla na ‘yaara kyatta a man kyat faara nən djaara hai ta man həmdəghən də, nənən kee na wutta Wan niifa ba a narha kee.”

28 “Mbərha nana mərə sə, a mbədani na səkhdiya wumnda sa hai.” **29** Akwasamad səsaddi ya, “‘Na yanfaara a tsaurha wula, ndəree kəm mbə a kyat kukwaryirha wa. Na wufəlngarya mukrha hai a fərahk-amshi, əngya na məmanggən na talara nanda tsə‘yafa.”

30 “Ahu sayiddi na nda a naa ənsakhrha a fərahk-amshi yi Wan niifa. Nafiya kəshirha heu nanda tərha ka hərəenga. Nanda a na Wan niifa bəyi ahu hashmbe a fərahk-amshi hai, tə səsəmda tə məmnggirha kaan. **31** Nən a thlən fathlənggighən ba tə pi kodwomnda, na nda wumang nafighən ba na wuwura hu kudma fada na ahu kəshirha.”

32 “Nanənya tsahama ‘ya a fat shiḅaddiya, ana wuhwaryighən a kyarharra hai, nən a tsətsəta, nun səndasa nduwus fəgrha ba. **33** Nəghən kee kəm, anadun ənggini heu ya, nun a sənda sə nduwus wuttəghən ba, nəghən a mii kwatminda fa. **34** Niya pərang kəkafek kun, nafiya kəshiddiya mba nda mərə wa, kəl ma katəra ənggina hai ya. **35** Nda talara tə hweede na nda a ngwalarha hai amma Labarna mbə tam ngwalarha hai wa.”

36 “Mbə niifa sə səngga fardi, nduwa sayi na ənggini a katərarha hai ya wa, ko fathləngya Faara na talara nduwa Wanggən tafadghən wa, kəl Chin katənggan. **37** Kəla katəra nən hai a thləkh mbəd Nuhu, nən a naarha kee a far wutta Wan niifa ba. **38** A faryini kapa na aam afa afa di barha ba, fiya a həbrha tə saarha, kanda kakhrha tə fər wanggindan chimarha də, ta fardə də kyana Nuhu hu kombuwol hai. **39** Səngwanda ‘ya na katərarha hai wa, har bəna aam afa afa dāḅa hwanggən kanda də. Nən a naarha kee a far

wutta Wan niifa 6a. 40 Nafiya səri a əna taara kyab a hee, na nda tər tal mal tahadghən nda. 41 Nishya səri a hərha ahu fəna, na nda tərang nda tal mal tahadghən nda.” 42 “Tsaunən kee, tsawama nggungwa fa, kəsər sənggun fardī na Chinun a ɓarha 6a wa. 43 Amma a sənunsə: A ndam na turi dī a sən fardī na ngaara a ɓarha 6a a fidikrha, kam mbə a shiirha malanggən ngaardi kyagha minda keeghən hai wa. 44 Nanən kee tsawama nggugwafa, kəsər na Wan Niifa a ɓarha 6a a sayiddi səngwawa nun sə.” 45 “Wunni mafaddi na tə kəkafek fa, dəfang na turighən təkəla wurighən ha, na fərang ənnarhami fīngya mafaya ahu sayiddi kamngga? 46 Nən a naarha ngga a fad mafaddi a wud turighən 6a ɓagha walghən a əna targhən. 47 Niya pərang kəkafek kun, nən a dəfang nda tsauka mam a ten karidghən heu. 48 Amma andam mafaddi tə mbəlfēerha ni, nən a ndang nda altenggən, ‘Turina mbə a wutta 6a wet wa.’ 49 Tərgħa katəranggən dək fīngya mafaya hai, ndəghən a hēbrha tə sarha tə fīngya na a nggal mbalya, 50 a ənadə kee na turighən a wutta 6a ahu sayiddi tə fardī səngwawa nən sə. 51 Nən a kyathlang nda də dāwal-dāwal tə kəm fərang mbərha nən a thləmad fa thərɓuya. A mbədi na tərha sə tə kət mee.”

25 Tərgħa ndagħa Yeeso, “Kutəryid talara nəghən kəla wutaraya kum tərang nanda patillad ndan ka dāa nda wal wutsamnda. 2 Tuf ahur wutarayini nurya ni, tuf kəm na nda ndəndəl. 3 Fīngya yini na nurghən takhkwa nda fədeerha hadə ka dāa nda ira hu patilla yindan hai wa. 4 Amma fīngyayini tuf na ndəndəl takh nda fədeerha hadə ahu kəthlikrha ka patilla yindan. 5 Bawana wutsamnda 6a wed, kəsgha beena kanda shii nda də.” 6 “A manad fədikrha thlii nda sə ka mbeela sək nanda. ‘Kulo wutsamnda ya thleema sə dūn hwathlagħən fa!’ 7 Tərgħa wutarayini kum thlii nda sə tangsang ngganda patilla yindan. 8 Nurya wutarayini tuf tsahang fədeerha nda wutarayini tuf na ndəndəl, Naghan a hwan kun, ‘Ənəman fəded nūn kan ha ngguchit lee, kəsər na patilla yinan a mərə hai.’ 9 Amma nggərangga fīngyayina sə, ‘Mbə tsəghang kəm heu wa. Dama də dūn hii yinun 6a.’” 10 Wii nanda ka hii fədeddā də, a samad ndan ɓagħa wutsamnda 6a. Tərgħa fīngya yini ngwagħa fa kya nda a mbəd wutsəfayid kahaddā də, chang

ngganda kwakirma. 11 Tsəbaku səlgħa fīngya yina 6a dəgha ka hii fədeddā də, isha nda a kəshi na nda a aah farha, “Chinəm! Chinəm! Inang kwakirma kan hail!” 12 Amma nggərangga wutsamnda kanda sə, “Kəkafek, səngwi kun wa.” 13 “Tsaunən kee tsawama nggungwa fa, kəsər sənggun fardī nduwa sayiddi niya wutta 6a wa.” 14 Tə kəm kutəryid Talara nəghən kəla niifa na a wii tala a mbərha də inggun. Aah mafayighən nən 6a fərang kənaghənən kanda. 15 Fərang wudəbəl wurirha nən yi tal yawarha tuf, yi səri fərang wudəbəl wurirha nən yawarha səri, mafarha yi mahan fəranggən yawarha tal, kowunni məməl tə 'ya nən a mbang nda. Tərgħa wii fayighən nən. 16 Yi mafarha thləgha wudəbəla yawarha tuf, əna shafili nən sə wal chikrha nən yawarha tuf. 17 Yi thləgha yawarha səri ndəghənggi kəm əna shafili nən sə wal chikrha nən yawarha səri. 18 Amma yi thləgha yawarha tal wiigha dəgha ra kwarha ɓəbənggən wudəbəldi ki turighən sahai. 19 Mənnən ha wudgha turi mafayina 6a aah kanda nən 6a a fərang kirassa 'ya nda ənana nda tə wudəbəlghən. 20 Yi mafarha fərang nən wudəbəl wurirha yawarha tuf ɓagħa 6a ndəghən, “Turina, fərenna wudəbəl wurirha yawarha tuf ka a əna shafili ni sə, waldi chikrha yawarha tuf atenggən.” 21 Falghəna turighən, ndəghən, “Usakko ka mafanna. Ənanna kəkafekkirha ahu 'ya ngguchit. Niya dəforha aten əngya hangga. Bəbā 6a əna wutsəfayirha tə nggi.” 22 Mafaddi thləgha wudəbəl wurirha yawarha səri ɓagħa 6a ndəghən, “Turina, fərenna wudəbəl wurirha yawarha səri, ənadī shafili sə, waldi chikrha yawarha səri atenggən.” 23 Ndangga turidi, “Usakko ka mafanna na tə kəkafek fa. Ənana kəkafekkirha ahu 'ya ngguchit, niya dəforha aten əngya hangga. Bəbā 6a əna wutsəfayirha tə nggi.” 24 Tərgħa yi mafarha thləgha wudəbəl wurirha yawarha tal ɓagħa 6a, ndəghən, “Turina, səndi sa na ngyangthlang, na hathla a mbərha həfwa nana tə kəm na wumang ənnarhami hai hudawana na. Sa kəm na midwa sə ən ka kaan. 25 Nanən kee tərəmdi radi kwarha ɓəbəng di wudəbəl wa sə. Kulo ndəghən ya thlu ənwa.” 26 Amma ndangga turighən, “Sa təmbəlfed mafarha na tə səbrha yid! Ashe kyanna sənda sə ni hathla a mbərha həfwa ni tə kəm ni wumang ənnarhami hai a mbərha hudawani, 27 mani dəfewana wudəbəl na hu mbanki? A wuddi 6a kam niya thləghən

har tē chikrha atenggən.” 28 Tərgħa ndəghən, “Thlaama wudəbəlđi na a hargħən, fərang nggəunun yandī natə wudəbəl wurirha yawarha kum. 29 Kəsər kala yandī natə 'yaha na nda chighanggən, tənən waala ha kaan. Amma kala niifa mbuwa təghən ha, ko yandī na ngguchit nanən təghən ha na nda a thlang hai a haargħən. 30 Nanənya muwaman ka wudī mafaddiya a kəsha dā, ahu wula dā, a mbədani na nanda a tərha sē tē kət mee.” 31 A fara bāna Wan Niifa bā ahu mamnggitghən, tē fathləngya Faara a thləmadghən, nən a tsaurha ahu tsənggam mamnggitghən a talara. 32 Nafiya kəshiirha na nda a wumnda a mbedghən bā, nən wurang nda fiya dā kəla na təlafirha wurang nda chauraya dā ahur 'walya. 33 Nən a sang chauraya a yisəmadghən 'walya kəm a yikawadghən. 34 Tərgħa na kutəra a ndang nda fīngya na a yisəmadghən, “Bama bā, kun fərangna Pəpa parka, harama langaad kutəryiddi dəfang nanda ka kun ka ənana nda kəshiirha. 35 Kəsər kəs miirha nggi fəree dūn ənnarhami. Kəs hushimnda nggi fəree aam saarha nun. Tsaudi rongā, thlə nggi nun fa ahu wurayinun. 36 Niyi tawalth hai fəree ən kənda nun. Fanna bēe, pu nggi nun. Muwenda ahu porsəna dā, dūn ka ndee 'yadā.” 37 “Tərgħa ka nafiya na nda a nggərang sē, ‘Chinəm, akwannī nanan sa a miirha fəro ənnarhami nan? Nduwa kəs hushimnda sa furo aam saarha nan? 38 Nduwa rongā nī sa thlə sa nan fa? Nduwa sa tawalth furo ən kaala nan? 39 Akwan nanan sa fadwa bēe nduwa ahu porsəna dān ndo'ya?’ 40 Na kutərđi a nggərang kanda sē, ‘Niya pərang kəkafek kun, a ənang dūn tal na ngguchit kaan ahur wanman nggini kyana ya, əna nun ndən a nggi.’ 41 “Tərgħa na kutərđi a kyaharra thləmad nafina dā na a yikawadghən ndanggən kanda, ‘Weema ma thləmadna, kun shiwangna Faara, dūn hu waarha dā mbuwa mərə hai tangsang nanda hai ka sheetan tē fathlənggighən. (aīōnios g166) 42 Kəsər nggi hu miirha, fəreewun ənnarhami wa. Kəs hushimnda nggi fəreewun aam saarha wa. 43 Tsaudi ronggirha thləwun nggi fa ahu wurayinun wa. Nggi tawalth hai, fəreewun ən kaala fa wa. Fanna bēe tē kəm nggi ahu porsəna dūwun ka ndee 'yadā wa.’ 44 “Kanda kəm na nda a nggərang sē ndaa nda, ‘Chinəm, akwan nī nanan sa a miirha nduwa a hushimnda nduwa rongā nī sa nduwa tawalth nduwa fadwa bēe nduwa ahu porsəna, dōwan sē wa?’ 45 Nən a

nggərang nda kanda sē, ‘Niya pərang kəkafek kun, a kardūn dāng nda wanmanggina sē na nggu-ngguchit ya, kar nun deerha sē.’ 46 Tərgħa na nda a dərha hu səsəarha dā mbuwa tam ngwalaarha, amma ka nafiya na nda a dərha hu yibrha dā mbuwa tam ngwalaarha.” (aīōnios g166)

26 Ngwalang na Yeeso thlək ənggini heu, ndanggən fətsahayighən, 2 “Kəla sənnunsə, takhkən bēena səri na a əna wutsəfayid tədaarha nda, na nda a fər Wan Niifa ka a tawang ngganda dā.” 3 Tərgħa mamnda firistaya tē shingya na nda a wumnda hai a kwakirəm Firis na manggən, na thləmnggən Kayafa. 4 Kənang ngganda hai na nda a kəsang Yeeso bəbēe bəlang ngganda. 5 Ndaa nda, “Amma mbə a sayid wutsəfayiddi wa. Nadā fiya əna kakyathlaanga.” 6 Nana Yeeso a Mbetani, a minda kii Siman 'wana termeerha kəsā. 7 Nanən a həb ənnarhami, bəgha nuneefa bā tē kəthlikrha urđi na sədghən mbənggən na tē wudəbəla fa kaan iranggənən Yeeso a tenggən. 8 Amma nana fətsahayina ndən səbgha hur ndan dā ndaa nda, “Yandīya sərbrha nī dā kee.” 9 “A ndam kwang heng nda fədēddā dā na nda a wal wudəbəla sē kaan fərang wudəbəlghən nda fa yamiya.” 10 Amma sanang na Yeeso ənda hai na nda a thləkrha ndanggən kanda, “Kama nun a billa nudiya? Ai ənadā 'ya na ngga a nggi. 11 Kətsar na fa yamiya narha tē kun, amma mbi naarha kətsar tē kun wa. 12 Iree nən urđi dā fa ya, ngwe nən fa ka yi panna. 13 Niya pərang kəkafek kun, Kala mbərha pərna nda laḅar Faara sē ahu kəshiddiya, əndi ənana nudiya mbə tam mbətta wa na nda naarha dəlghən teena.” 14 Tərgħa Yahuda Iskaryoti tal ahur fətsahaya Yeeso kumkap səri dəgha thləma mamnda firistaya dā 15 tsakhmēe nən, “Ma nun a fəreerha a fərangđi Yeeso kun?” Nanən kee fərang wudəbəl wurirha nda kumnggit mahan. 16 Ka a fərđi nagħa Yahuda a kadā kwamana na a fərang Yeeso nən kanda. 17 A katəra far wutsəfayiddi yi mburodi kula mekhna, bəgha fətsahaya Yeeso thləmadghən bā tsahang mee nda, “A yanggi na midwa dān nggorha fa dəna həb ənnadmid tədaarha sē?” 18 Ndanggən kanda, “A kyadun hu wupəri dā hai, na niifa sē nun a naarha. Ndaman, ‘Ndagħa mala, nduwus sayid na bā, nī a həb ənnadmid Wutsəfayid Tədaarha tē fətsahayina a minda kyawa.” 19 Nanən kee ənagħa fətsahayini kəla

ndangna Yeeseo kanda ngwa nda fa tē ənnadmid Wutsəfayid Tədaarha a mbədi. 20 Tsəna figrha hai tsauka Yeeseo hai həb ənnarhami nən tē fatsahayighən kumkap səri. 21 Na nanda a həb ənnarhami ndangga Yeeseo kanda, “Niya pərang kəkafek kun, tal ahur nun nən a fər nggi.” 22 Səbgha hur ndan də naghā kowunni a ndang nda, “Nggini wa, Chinəm?” 23 Nggərangga Yeeseo kanda sə, “Tal ahur nun həbgha ənnarhami tē nggi hu tasau tal nən a fər nggi. 24 Kəsər tətani a mərgha Wan Niifa, kəla thləkna ‘Deleewar Faara kətəm. Amma ən kawa ni a niifdi fərgha ndən. Nən a tsaurha a fad niifdi a nggushi nggət waana ndan.” 25 Tərgha Yahuda yandi na a fər Yeeseo, ndəghən nggi kəm Tsakhmee nən, “Mala, nduwa nggini wa?” Nggərangga Yeeseo sə, “Sa ma thlək nan.” 26 Na nanda a həb ənnarhami, tərangga Yeeseo mburodi sə usa Faara nən kyanggən hai fəranggənən fatsahayighən də ndanggən kanda, “Thlaama kyaman, thlu fanna ni ya.” 27 Təranggən wuhuleurha sə na tē aam inabi usa Faara nən atənggən. Fəranggənən kanda də ndəghən, “Saama kun heu. 28 Kəsər farna ni ya yi ləghəttā dəfmee, irang nanda də ka fiya hangga yi chakh dimiyirha. 29 Niya ndang nda kun, mbiya nggər sa aam inabidi ya wa, kəl a fardi niya sa weerən ndəghən tē kun ahu Kutəryid Pəpa.” 30 Tərgha Yeeseo tē fatsahayighən aah əmshe nda, kya nda sə dānda wumnda dəfya Dzaitun də. 31 Tərgha ndangga Yeeseo kanda, “A fədik weeriya kun heu nun a daarha ma nggi. Kəsər nəghən chichirethlee hai ahu deleewar Faara, ‘Niya dək təlafəddi, na chiβəd chaukhrayini a weela hai.’” 32 “Amma a thliidi sə ahu mərri, niya ‘waarha ma kun a Nggalili də, a mbədani dənəm kəmarha sə.” 33 Tərgha Ndagga Mbiturus, “Ko dad fiya heu ma sa, nggi kam mbi daarha ma sa wa.” 34 Nggərangga Yeeseo sə, “Niya pəro kəkafek, Mbiturus, a fədik diya, kapa na kilngaara tətāarha, na a ngaal səndəna katəra mahan.” 35 Amma ndagha Mbiturus, “Ko nəm a mərə kyab, mbi tam ngaal sənduwa wal” Fingya fatsahaya kəm ndaa nda kee. 36 Tərgha dəgha Yeeseo tē fatsahayighən a mbərha də na nda aarha Nggetəmani, ndanggən kanda, “Tsawama a mbədiya, dāni mbədādə taarha di hwan Faara.” 37 Tahanggən Mbiturus haadə tē wangya Dzabadi səri Yakubu tē Yahaya, naghā tē səbrha hura tē gillaarha. 38 Tərgha ndanggən kanda, “Niyi tē səbrha hura kaan kəla ni mərə.

Tsawama a mbədiya a shiідun wa nam a kəlaarha tē nggi.” 39 Nduwusgha mbeedə kwanggən tenggən hweedə hai, hwan Faara nən, “Pəpa, a nadə a ənaarha hai, tərang wuhuleu səsaddiya ma nggi. Ko nanən kee, mbə nggənmnda hurna ni wa, amma nggənmnda hur wa.” 40 Tərgha wudgha thləmad fatsahayighən də dəgha wal kanda a shiirha. Ndaggən Mbiturus, “Mbun mbang naarha a kəlaarha ko tsun tsəbaku wa? 41 Tsawama a kəlaarha non a hwan Faara, amawa nun kyaarha hu kəkərri hai. Na mid səsəna sə, amma tsə thlu farha shishiul!” 42 Wiigha Yeeseo ma kanda yi səri hwan Faara nən, “Pəpa, a mbə a ənaarha hai tərgha wuhuleu dadə ya wa kəl a saadi ndən, ngwa tsauka nggənmnda hurwa kee. 43 Nggər nən wutta thləmad ndan də, dəgha wal kanda a shiirha, kəsər nggalang beena yid ndan.” 44 Nanən kee nggərgən wiirha ka hwan Faara də yi mahan, naghā a thləkrha kəla ‘wanən thləkrha. 45 Tərgha wudgha thləmad fatsahayighən də ndanggən kanda, “Daama mbeedə tē shiirha, yiβun. Kəlama hai mbiya nduwus sayi βa, fər nda Wan Niifa a haar fadimiya hai. 46 Thleema sə, tama wiim! Kulo niifdi fərgha nggi βadā βa!” 47 Kapa na Yeeseo nggəlang miighən, Yahuda tal ahur fatsahaya Yeeseo kumkap səri səldā βa tē fiya hangga a samadghən kəs nda thləukh kəlarya ha tē səsalya. Mamnda firistaya tē shingya thləngga kanda βa. 48 Tē thlərbu di, Yahuda, saghang də kwamana kanda tē ndaarha, “Yandi fəbāng ni niifda ni kəsaaan.” 49 Dəgha Yahuda thləmad Yeeseo də ndanggən, “Niyi a ndo'ya Mala!” Tərgha fəbāngga Yahuda. 50 Nggərangga Yeeseo sə, “Pashinna, du mbeedə tē ‘ya βoogha βa.” Tərgha nafini kəsang ngganda Yeeseo. 51 Amma tal ahur fiya na a thləmad Yeeseo kədanggən thləukh kəlara sə kyathlanggən thləmad mafad firis də. 52 Ndagga Yeeseo niifdi, “Wudang thləukh kəlar wa ahu kənggən hai, kəsər kala niifa tərgha thləukh kəlara, thləukh kəlara ni a βəlang nda. 53 Sənggun sə ni mbang hwan pəpa, puwanggən fathləngya Faara βa kalgha kiwad sodjaya kumkap səri wa? 54 Amma a ənadi kee, kəkən na labar Faara ləghəttā ndanən nən a katərarha hai kəla nanənya?” 55 Tərgha ndangga Yeeseo fiya wumngga hai, “Tərwun nggi niifa ni na təmbəng, nun βaarha βa tē thləukh kəlarya tē səsalya ka a kəsəewun wa? Kətsar nggi a thləmad nun, nggi a tsaharhaha ahu Kən Faara na a Urshalima kəsəewun wa. 56

Amma katəraghən hai heu kee ka a ləghədgha 'ya ndaana annabiya na chichirethlee hai ahu deleewar Faara.” Tərgha fatsahayighan daa nda mal Yeeso nda. 57 Tərgha nafini kəsangga Yeeso dānda təghən a minda ki Kayafa dā mamnda firistaya, a mbədani wumna famaləmnnya ngyakhrha sahai tə shingya. 58 Amma Mbiturus mbudə samadghən dā inggun ta pəpal minda mamnda firis dā. Kyagha sahai tsauka hai a thləmad fa kəlaya ha nagma a kəla 'yaha na a katərarha hai. 59 Mamnda firistayini tə kogna yini wumngga hai na nda a kada kwamana na a kəsangganda Yeeso tə 'ya na dimi, tənə nda bəlang nda. 60 Amma walwa nda wa ko nanən fīngya sə hangga nggəmnnya fa na nda a thləghang nggəbaarha fa ənawa nda taara tə palth ndan wa. Akwasamadghən kyagha nafiya bə səri 61 ndaa nda, “Ndagha kamshidiya, ‘Ni mbang chang Kən Faara hai na a Urshalima nggər yi tənang ahu beəna mahan.” 62 Tərgha thliigha mamnda firis sə ndanggən Yeeso, “Mba mbang nggəra sə wa? Ma na ndaarha aten pathdi thləkna nafini aten wa ya?” 63 Amma nggasgha Yeeso tip. Tərgha ndangga mamnda firis, “Na minna sə ahu thləm Faara natə yibrha, pəranggən kan ana sa ni Kərəsti, Wan Faara,” 64 Nggərangga Yeeso sə, “Pər nan. Amma niya ndang nda kun heu a mbee nun a na Wan niifa tsau a yisəmad Faara Amshi tə kəm bəyi ahu hashmbe a talara hai.” 65 Tərgha mamnda firis di djaranggən luwudghən dā, ndəghən, “Sərdə Faara! Palthma nəm nggər kadaarha fadən? Səkdəm ndən hai a miighən lafar sar Faara. 66 Ma ndaa nun?” Kanda heu ndaa nda, “Kəmdə a mərgħa!” 67 Tərgha chahang yakhrha nda fa dəkən nda. Fīngya kəm mbighənda, 68 na nda a ndaarha, “Kulang kansə, Kərəsti! Wun mbiigha sa?” 69 Nanənya Mbiturus tsau a kəshi a pəpal minda, kyagha mafad wee nuwun bə ndanggən, “Sa na tal ahur nafini na a mbu samad Yeeso tə Nggalilad di.” 70 Amma ngaalghəna Mbiturus a mbed ndan heu. Ndagghən, “Səngwi əndi na a thləkrha ya wa,” 71 Tsəbaku kyagha kwakirma sə nggərgħa mafad wee nuwun naghən ndanggən fiya na a mbədi, “Niifdiya kanda ni tə Yeeso tə Nadzarat.” 72 Nggərgħa Mbiturus ngaalghən, har tə aah thləm Faara ndəghən, “Səngwi niifdi nun a thləkrha ya wa.” 73 Nggərna nda tsərha tsəbaku nafini na kəkət a mbədi dānda thləmad Mbiturus dā ndang ngganda, “Sa mbə ngaala sə wa na tal ahur ndan, kəsər ahu lafar wa

kyaddə ndaarha tə Nggalilarha ni sa.” 74 Tərgħa nagħa Mbiturus a ang shiurha fadghən fa bə aah nən thləm Faara a Kanda ndaanən, “Səngwi niifdi wal!” Tsu kee tətəagħa diyarha. 75 Tərgħa dālgħa Mbiturus teena hai tə lafar Yeeso ndang nən, “Kapa na diyarha tətəarha yi səri na ngaal səndəna katəra mahan.” Kyagħa kəshaadə təgha kaan.

27 A tsar kərət, mamnda firistaya tə shingya heu, wuma nda hai ka a kada kwaman bəlla Yeeso nda. 2 Kənanng ngganda, dānda təghən a mbed Mbilatus dā, ngwamnad Romaya. 3 Kəlaana Yahuda hai fərgħa Yeeso, ngwang nda kumad mərri Yeeso sə. Tərgħa səbgha hurghən dā, haranggən wudəbəl wuridda sə kumggit mahan wudanggənən mamnda firistaya dā tə shingini. 4 Ndagghən kanda, “Ənadi dimiyirha, kəsər fərđi niifa ənawa dimiyirha.” Ndag ngganda, “Mbə 'ya sə djidangwa kan wa, kəl 'ya ənana.” 5 Tərgħa Yahuda tsamanggən wudəbəldā hai ahu Kən Faara, wiigha dəgha waghang altenggən sə. 6 Harangga mamnda firistaya wudəbəldā sə, ndaa nda, “Kamngwa a dəfanggəm wudəbəldi ya a mbəd dəfəd yi Kən hwan Faara wa, nanən wudəbəl kəna bəl farha ni.” 7 A kwasamadghən kənanng ngganda hai na nda a hii pəpal yi tabəd tən bəya sə tə wudəbəldi, tsawang ngganda mbədi, mbəd ten kwad rongya. 8 Ndən na nda aah mbədi, Pəpal fara. 9 Tərgħa ləghədgha 'ya ndana annabi Irmiya ndanən, “Tərang ngganda wudəbəl wuridda sə kumggit mahan, wudəbəldi kyana nafiya Isəreela. 10 Hii mbəd tabəd tən bəya nda sə kəla ndaana Chinəm”. 11 Nana Yeeso kət a mbed Mbilatus ngwamnad Romaya, tsahangga ngwamnadi mee, “Sani kutər Yahudaya wa?” Nggərangga Yeeso sə, “Ooh, kəla ndaana.” 12 Amma nana mamngya firistaya tə shingya a 'yarghən, nagħa Yeeso tip fayighən. 13 Ndagga Mbilatus, “Mbuwana a sək əndi na nda a thləkrha atenwa wa?” 14 Amma nggərang ngwa Yeeso kanda sə aten ənggini heu thlək nanda wa, kəsgħa ənwulteena ngwamnadi kaan. 15 Nanənya əntin ngwamna dā ni nən yakħ kalang niifa kanda hai tal na ahu porsəna na min ndan a far wutsəfayid Tədaarha. 16 Ahu sayiddi na niifa sə na təmbəng, kənanng na nda ahu porsəna, na nda aarha Mbarabas. 17 Tsəunən wum fiya hai a kwakirəm Mbilatus, tsahangga Mbilatus mee kanda, “Wun na minnun a kalang nggəni kun

hai, Mbarabas wa, nduwa Yeeso nanda aarha Kæræsti wa?" 18 Sæn dæ sæ kəsang na shingya Yeeso kəsær ka særækrha. 19 Nana Mbilatus tsau a mbæd tsawud ngwa kumarha, thlængga nukkun farha a thlæmadghæn dæ a ndang ngganda, "Ma ænangna 'ya ka niifdæ fa ya wa kəsær səsæadi kaan hu səsæniirha atenggæn a fædik weeriya." 20 Amma mamngya firistaya tæ shingya shik fiya nda, a ndang ngganda a kal Mbarabas næn hai, bælång ngganda Yeeso. 21 Nggærgha kutær di tsakh mee, "Wun na minnun a kalang nggæni kun hai ahur nafiyini na kyab ya?" Tærangga fiya urad ndan sæ, "Mbarabas!" 22 Ndangga Mbilatus kanda, "Mani ænaarha tæ Yeeso na nda aarha Kæræsti?" Tærang ngganda urad ndan sæ, "Tawaman dæl!" 23 Ndangga Mbilatus kanda, "Kama nda? Ma ænanæn na ðimi?" Amma nagha fiya a tærang urad ndan sæ, "Tawaman dæl!" 24 "Kælaana Mbilatus hai mbæ 'yasæ næn mbang ænaarha wa, na nda a katærang kakyathlaanga. Tærgha thlæn farha næn a bång aama nda bæ tsaþanggæn harghæn dæ a mbed fiya, ndagha, Nggi, mbæ harna tsuwar faar ka niifa fa wa. Kun ndæn sængga ænnun." 25 Nggæmangga fiya heu, "Ngwa tsauka hakked farghæn aten nan, kan tæ wagginan!" 26 Tærgha Mbilatus kalang Mbarabas næn kanda hai. Fær Yeeso næn tsadæ ghænda tæ wutæterha, færanggænæn sodjad Romaya ka danda tawang dæ. 27 Fingya sodjaya ngwamnadi tærangga nda Yeeso a mbæd tar ndan dæ, aah sodjaya nda bæ heu. 28 Kædangga nda lukkighæn hai, kalang kaþarha nda fa yiþa. 29 Yam wuhar ndakhkya nda kæla matuwel, panggænda atenggæn, færang sæsal kutærýirha nda a yisæmadghæn. Bæra nda hai a mbedghæn waaghæn nda, na nda a ndang'ya, "Alvari, kutær Yahudaya!" 30 Chahang yakhrha nda fa, thlæ sæsal dæ nda na nda a dækkæn sæ a tenggæn. 31 Dakhna mindan dæ tæ waaghæn, kædang ngganda kaþadda hai a fadghæn, nggærgha nda kalang yighæn lukrha fa. Tærgha wii nda tæghæn ka dæ nda tawang dæ. 32 Nana nda aten wiirha, dæ nda wal tæ Sayirarha, thlæmnggæn ni Siman, ngyaþang tær kadidda nda fa. 33 Sælna nda a mbærha bæ nanda aarha Nggolggota, ndaarha ni mbæd þallwar teena, 34 Færangga sodja yini aam inabi nda kukurdæ tæ 'ya na i'ikh, amma taarang næn, kar sad ghænæn. 35 A kwasamaddi tawang na nda dæ, ndæghang ngganda lukkighæn hai tæ æna chacha. 36 Tærgha tsawa nda hai a mbædi, nanda a kælaghæn ha.

37 Chireelth æn sak ðimiyidghæn nda a man tenggæn tæ ndaarha, "KULO YEESO YA, KUTÆR YAHUDAYA!" 38 Na fathlee kwamangya sæ særi tawang na nda kanda dæ a thlæmadghæn, tal a man yisæmadghæn, tal a yikawa. 39 Nagha fiya na a mbæra dæ a huhwang nda, na nda a tsang 'ya ten ndan fa yi waa farha. 40 Na nda a ndaarha, "Ndaana na mbang chang wuri Faara hai na a Urshalima tænannga sæ hu paara mahan, ana Wan Faara ni sa, hærghang altenwa lee tæra na hai a ten kadiddiya!" 41 Mamngya firistaya tæ famalæmgya ngyakhrha Musa, tæ shingya kæm waa Yeeso nda. 42 "Hærghang dæ fingya, amma mbangwa hærghang nda altenggæn wa. Ana ndæghæn ni kutær Isæreela! Tærgha hai a ten kadiddi nanænya lee, næm a færkækafek a ndæghæn. 43 Færdæ kækafek a Faara, ngwa hærghangga Faara nanænya anadæ na midghæn sæ! Kəsær ndæghæn, Wan Faara ni nggi." 44 Ko fa thlee kwaman nggina ni tawang na nda kanda dæ tæghæn, waa ghænda kæla ænana fiya. 45 Yanfara a særækrha, nggælångga wula chehweddi heu har yargha yanfaara hai. 46 Yarna yanfaara hai kalgha Yeeso sæ tæ urarha manggæn, "Eloi, Eloi, lama sabaktani?" Ndaarha ni, "Faarna, Faarna, kama karna nggi?" 47 Fingya na kækæt a mbædi sængwa nda sæwa tamngga nda ndaarha nanæn a aah annabi Ilya. 48 Dagha niifa dæ tal ahur ndan tætananggæn soso tæ aam inabi na chichakh, panggæn hu səsæala hai færanggænæn sæ ka a saagha. 49 Amma ndagha fingya, malaman, kælaghænæn ha, asæmha bænna Ilya hærghang nda. 50 Tærgha nggærgha Yeeso tærang uradghæn sæ kaan tægha, mbæ kal yiþædghænæn hai. 51 A mæmælla sayiddi djargha shishamar Kæn Faara hai særi, a talara hai ta hweede hai. Ræbgha kæshiiirha fa, fælgha ferya dæ. 52 Innga ten kwaya dæ, ka nafiya Faara hangga mærggha, thlii nda sæ. 53 Kyanda sæ ahu ten kwaya, a kwasamaddi thliina Yeeso sæ ahu mærra, dænda ahu wupæri dæ tæ pedænda, kyad fandan nda a fiya hangga. 54 Mamnda sodja Romaya tæ fingya sodjaya na a kæla Yeeso ha, nana nda ræbrha chehweddi tæ ængya heu katærarha hai tærma nda, ndaa nda, "Kækafek niifdiya Wan Faara ni!" 55 Tæ nishya hangga bægha bæ mbuwa samad Yeeso a Nggalili bæ ka a ndang ngganda sæ tæ 'ya na midghæn na nda a kælarha bæ inggun. 56 Ahur ndan na Mairamu Magdaliya sæ, tæ Mairamu man nda Yakubu tæ Yisæfu, tæ man nda Yakubu tæ Yahaya, wangya Dzabadi. 57 Tsæna

figrha hai, na tē kōna sē bagha ba a Aramatiya, thlēmnggən ni Yisəfu, tsauka tē takkwa Yeeso, 58 dāgha thlēmā Mbilatus dē tsakh mērra Yeeso nən, ndagha Mbilatus fēraman ndāghən. 59 Tērangga Yisəfu mērdi fadānggən hu kabāarha hai na ngga pēpet. 60 Dāgha pang ahu yighən weerānda ten kwarha hai ranən ahu feera. Tērgħa kwatēranggən feera ba na manggən, nggēlanggən mii tenkwaddā sē wiigha. 61 Nda Mairamu Magdaliya tē tahad Mairamu di kanda tsətsau a mii ten kwaddi kanda a naghən. 62 Dathna mbərha hai a far yibəd Yahudaya, Mamnda firistaya tē farisaya dēnda thlēmā Mbilatus dē. 63 Ndag ngganda, “Alvari, dal dān teena hai aten 'ya ndaana tēnggabād di ndāghən bāldē tē yibrha, 'A kwasamad bēena mahan nən a thliirha sē ahu mērra.’” 64 Nanən kee furu kwamana a kēla ten kwaddā ndaha yi bēena mahan. A mbē kee wa bāna fatsahayighən ngāarang, ndāngganda fiya thliinən sē ahu mērra.” 65 Ndagga Mbilatus kanda, “Harama sodjaya kēla mbədaha, ngga.” 66 Nanən kee mēldēng ngganda ten kwaddi, sē sodjaya nda sē na kēlagħən ha.

28 A kwasamad far yibəd Yahudaya, a tsar kērət a far ladi Mairamu magdaliya tē tahad Mairamu wii nda ka kēlang tenkwaddā dē. 2 Kula sēndəndan sē rēbgha hweede fa kaan, kēsər tēthlēnda Faara tērgħa hai a talara, kwatēranggən ferdī a man patu dē, tsauka a tēnggən. 3 Nagha pēmnggən a chimnda fa kēla yan fara, lukkiğħən kēm pēpet kēla humba kabārha. 4 Tērēmngga nafini na a kēla ten kwaddā ha, nagha fandan a rēbrha fa, muwa nda hweede hai, shiwit kanda nən in. 5 Tērgħa kalangga tēthlēndē di nishyina sē, ndāghən, “Ma tērēm dūn wa sēndisē nun a kadā Yeeso, tawāng nanda dē. 6 Mbē a mbēdiya wa, thliidā sē ahu mērra, kēla ndaanən nən a katērarha hai. Bamaḃa, būn na mbēdi huna nən sahai. 7 Nanənya, weema kēkar dūn thlēghānggən fatsahayighən tē ndaarha thliidasē ahu mērra, nən a mbed nun dēnən Nggalili dē. Dēnun naghən a mbēdi. Dalama teena hai tē 'ya ndang ni kun.” 8 Dāgha nishyini kēkar ma ten kwaddi, tērēm nda kaan amma naa nda lēlēgdā tē wutsəfayirha fa, nagha pər lāḃardi a kukwasang kanda fa pērang na tēthlēndēdi kanda a fatsahayighən. 9 Ba Yeeso wal kanda, ndang 'ya nən kanda. Ba nda thlēmādgħən ba, fēb

saryighən nda fa, manāngganda thlēmnggən. 10 Tērgħa ndāngga Yeeso kanda, “Ma tērēm dūn wa, dama dē ndānggun wanmānggina bānda a Nggalili ba, bāna nda na nggi a mbēdi.” 11 Nana nishyini a ten kwamana, fīngya fa kēla mbədaha dēnda ahur wupəri dē thlēghāng ənda nda mamnda firistaya əndi katēragħa hai heu. 12 Aah shīngya nda wuma nda hai, kēnāngganda hai na nda a fērang wudəḃēla kanda manggən. 13 “Ndag ngganda sodja yini, 'A ndaama, fa tsahaya Yeeso bagha ba a fēdikrha nanan a bēena, ngāarang ngganda mērrēghən.’” 14 A sək ngwamna lāḃardiya, kan kēm nan a isha a mbed nun, amanun səsarha.” 15 Tērgħa sodja yini kēm thlē wudəḃēldā nda əna nda kēla sagħang nanda kanda. Dāgha lāḃar dādē inggun ahur Yahudaya, bagha ta weeri dāḃa ya. 16 Tērgħa fatsahayini kumkap tal dēnda Nggalili dē, tēra nda wumnda sē ndāngna Yeeso kanda. 17 Nana ndan manang ngganda thlēmnggən, amma fīngya sē ngalgha ndən. 18 Bagha Yeeso ba ndānggən fatsahayighən, “Fēreenda səsēmnggit talara tē yi hweede heu. 19 Tsaunən kee dāama dē, dūn tsahāng fiya ha heu, ənang mbaptisəma nun kanda, hu thlēm Pəpa tē yi Wee, tē yi Səsəna tē Pedənda. 20 Tsahaman kanda ha a əna taara nda tē əngya heu ndang ni kun. A sənunsə niyi tē kun kətsar ta mii ngwala kəshiirha dē.”

(aiōn g165)

Markus

1 Katəra deelewar tə Pedənda aten Yeeso Kərəsti, Wan Faara. **2** Chirethleng nda hai hu deelewar annabi Ishaya tə ndaarha, “Niya ‘wa thlən tə thləndəna də ma sa, na a takso kwamana də” **3** “Urarha a aah farha a kaheerha. ‘Taksaman kwamana Chinəm sə pəpənanaman kwaman sarya də a ndəghən.” **4** Yahaya kyagha ba a kaheddi nagha a ndang nda fiya a malangganda dimiyid ndan fananggən kanda yi chakh dimiyirha. **5** Kahad fiya na a chehweed Yahuda tə fiya heu na a Urshalima kyanda ba dənda thləmadghən də. Malang nda dimiyid ndan ənangga Yahaya mbaptisəma kanda a kufad Urdun. **6** Yahaya kaldə lukrha ənana nda tə was thləkhmu, kənanngən muwun tə paama, mbeeya tə dee ndəna ənnadghən mii. **7** Ndanggən fiya, “Na niifa sə bəyi a samadna na tə səsəmnəda fa kalgha nggi mu, sahad pahamggən tsəkki na a kwasang nggi hai wa. **8** Ənanggi mbaptisəma kun tə aama, amma ndəghənggi nən a ənang mbaptisəma kun tə səsəna tə Pedənda.” **9** A hu sayiddi kee bağha Yeeso ba a Nadzarat na hu chehweed Nggalili ənangga Yahaya mbaptisəma a kufad Urdun. **10** Nana Yeeso a kyarha sə hu aamdı kee, kəlagha hai talara indədə nagha Səsən Faara a tərāa tenggən hai kəla tətiliurha. **11** Sək urarha nda a talara hai, “Sani Waana, nggəmnı niyi a tək mbənduwa fa kaan.” **12** Tsu kee tərangga Səsəna tə Pedənda a kaheerha də, **13** tsauka a kaheddi yi beena kumggit fadə nagha sheetan a kəkərang nda. Ndəghən a kaheddi tə thlukkyā yi heerha, nagha fathləngya Faara a ənang taara. **14** A kwasamaddi muwang nanda Yahaya ahu porsəna də, dəgha Yeeso Nggalili də nagha a pər laḅar Faara. **15** Nagha a ndaarha, “Bad sayiddə ba, kutəryid Faara nduwusdə ba. Malaman dimiyid nun fərkəkafek nun tə Laḅardi na Mbənggən.” **16** Nduwusna Yeeso mii kufad Nggalili də, na Siman nən tə wan man Andrawus a muk panggama a kufaddi kəsər kanda fa kəs təngya ni. **17** Ndangga Yeeso kanda, “Bama ba, mbuwama samadna, niya tsawang kun fa kəs fiya ba.” **18** Tsu a mbədi kee malangganda panggamggi ndan mbu samadghən nda. **19** Dənən mbeedə, na Yakubu nən tə wanman Yahaya wangya Dzabadi ahu kwambuwl, kanda a tangsang panggamnggi ndan də. **20** Nana Yeeso kanda aah kanda nən, mal chi ndan nda

Dzabadi ahu kwambuwl di tə fingya nafiya na a dāng kanda sə mbu samadghən nda. **21** Dənda Kafarnahum də, nduwusna far yibəd Yahudaya ba, kyagha Yeeso Kən Faara də katəranggən tsaharhaha. **22** Nagha fiya ənwulteena a ten tsahadghən ha, kəsər tsahanggən kanda ha kəla niifa na tə ngyakhrha ha, mbə kəla fa maləmgnya yi deelewar Musa wa. **23** Tərgħa ahu kən hwan Faardən na niifa sə na tə ənkaheerha fa huhwaagħa, **24** ndəghən, “Mana midwa tə kan, Yeeso tə Nadzarat? ‘Bana ba ka bəlangga kan wa? Səndi sa, na chahal yi Faara!” **25** Yanangga Yeeso, “Nggəlang miiwa! Kyosə a fadghən.” **26** Muwangga ənkaheeddi hweede hai, huhwaagħa, kyagha sə a fadghən. **27** Fiya na a mbədi ka ənwulteena na nda a ndang nda ndan, “Tur maniya? Weerinda tsaharhaha tə ngyakhrha! Nən yanang ənkaheeya na nda a takkwa miighən.” **28** Laḅargħən weldadə kəkər ahu chehweed Nggalili. **29** Kyana nda hai ahu Kən Faara, nda Yakubu tə Yahaya dənda wuri ki Mbiturus də tə Andrawus. **30** Thlaḅər Mbiturus tənuwunda fadghən bəe kalth hu sərə, pərang nggənda Yeeso. **31** Dəgha Yeeso thləmad nudadə, kəs hargħənən thlenggən sə. **32** A figrha mukna yanfaara hai bağha fiya thləmad Yeeso ba tə nafiya na fandan bəe tə fingya na tə ənkaheeya fa. **33** Nafiya na ahu taldi wuma nda kwatkirəm də ba. **34** Kənanngga Yeeso fiya hangga na tə wanhaaya fa dədamən-dədamən. Kyanggən ənkaheeya sə hangga na a fad fiya, amma mbə malang ənkaheeyini kala nda sə wa kəsər sən ndan. **35** A tsar kərət, ka pit mbərha ba, thliigha Yeeso sə dəgha mbərha də na bəbēe hwan Faara nən. **36** Mbiturus tə ka wiyighən dənda ka kadadghən də, **37** walang nanda, ndang ngganda, “Fiya kahad a kada sal!” **38** Nggəmanngga Yeeso kanda, “Taama mbərha də pak ahu talya də na tsau tənı də pər laḅardi a mbədi kəm. Ndəghənnı bani ba ka manggən.” **39** Wenggən chehweed Nggalili hai nagha a pər laḅar Faara ahu kən tsahad Yahudaya tə kyang nda ənkaheeya sə. **40** Niifa na tə wanhad termeerha fa bağha thləmadghən ba bərgħa hai tə wadēdghən hwanggənən, ndanggən, “A nggəmnı fa, tsabēe də.” **41** Hadangga niifdi Yeeso fa, tərangga Yeeso hargħən sə tsuwargħənən fa ndanggən, “Nggəmdifa, tsabudə.” **42** Tsu a mbədi kee, kyagha termeddā sə a fadghən kəngga. **43** Kəsgha Yeeso thləmadghən, ndanggən, **44** “A

pərang nan niifa wa. Amma dūwadə, a kyadang fadwa firis əna sataka na kəla ndana ngyakhrha deleewar Musa a kyadang ndaarha nən kanda tsabna də.” 45 A megshedghən kyagha niifda hai nagha a pərgħən. Ndən ənagha ndən, balwa Yeeso nggər kyarha hur tala hai a pəpal amma ishgha a kəsər wure a mbərha mbuwana niifa sə. Ko nanən kee na fiya naarha bərha thləmadghən ba a mbəya ba hangga.

2 Məngwaha wa, nggərgha Yeeso kyarha Kafarnahum hai, səkka fiya ndaarha bəda wure ba. 2 Wumngga fiyaḅa, lədaŋ ngganda kəndi ta mii kwatminda ba, a nagha a pərang labar Faara kanda. 3 Bagha nafiya ba fada tə niifa mərna fadghən hai. 4 Walwa nda kwamana wa kəsər ka hangnda fiya. Thləbangganda ten kənda də məməl tə man ten Yeeso fərgħən nda hai tə dəngəldi hunangganda hai a mbed Yeeso. 5 Nana Yeeso fərkəkafəkkin ndan, ndanggən haddi na kath, “Waana chohonda dimiyidwa də.” 6 Nanən ya, fəsəngya ngyakhrha tə Farisaya kanda a numarha tə ndaarha, 7 “Kama na niifdi ndaarha kee ya? Tə sar farha ni! Mbə niifa sə na chakh dimiyirha wa kəl Faara katenggən.” 8 Tsu kee səngga Yeeso əndi nanda a numarha ahur ndan, ndanggən kanda, “Kama nun a numarha aten əngginiya? 9 Yanggini pəpa, ndanggəm tə mərna fadda hai, ‘Chohonda dimiyidwa də wa,’ nduwa ndam, ‘Thliusə, tərang dənggəl wa wiu wa?’ 10 Amma a sənunsə Wan niifa nəghən tə səsəmda ha hu kəshiddiya yi chakh dimiya.” Ndanggən niifdi mərna fadghən hai, 11 “Ndoyi, thliusə tərang dəggəl wa wiina wuredə.” 12 Thliigha sə təranggən dənggəlgħən kyagha hai a yid fiya heu. Əndiya fərang də ənwulteena kanda na nda a fal Faara, na nda a ndaarha, “Wawum na tur əndiya wa.” 13 Nggərgha Yeeso dərha mii kufad Nggalili də. Bagha fiya hangga thləmadghən ba, nagha a tsahang kanda ha. 14 Nanən a mbəra də, na Lawi nən wan Halfa tsau a thlə tsamnda, Nanggən, “Mbuwu samadna.” Thliigha Lawi sə mbu samadghənən. 15 Nana Yeeso a həb ənnarhami a minda ki Lawi, fa thlə tsamngya hangga tə fa “dimiya” na nda a həbrha təghən tə fətsahayighən, kəsər fiya hangga mbuwa samadghən. 16 Nana fa səngya deleewar Musa na Farisaya na nandan a həbrha tə fa “Dimiya” tə fa thlə tsamngya, tsahang mee nda fətsahayighən, “Kama nən a həbrha tə fa thlə tsamngya tə fa “Dimiya?” 17 Səkna

Yeeso kee ndanggən kanda, “Mbə nafiya na kəkanglang kada tə purha wa, Kəl haaya. Bawi ka aah nafiya ba na a əna nggayirha wa, amma fa dimiya.” 18 Fətsahaya Yahaya tə Farisaya na nda kar aama. Bagha fingya thləmadghən ba tsahang mee nda Yeeso, “Mani ənagha ndən, fətsahaya Yahaya tə yi Farisaya kanda a kar aama, amma finayiwa mba nda ənaarha wa?” 19 Nggəmangga Yeeso kanda, “Pashiya wutsamnda na nda kar aama wutsamnda bəldə a thləmad ndan wa? A bəl wutsamnda a thləman ndan mba nda ənaarha wa. 20 Na sayi bəyi bəna nda tərang wutsamndədi ma kanda. A mbədaniya ba nanda kar aama. 21 “Mbə niifa sə na njar bər kabərha ba mbuhənggənən suhurra lukrha fa wa. A əna də kee, mbuhuddi na tə kukwasharra bər kabəddi nən njaara hai a fad luwuddi kal yanda nən mu na kaar. 22 Mbə niifa sə na irang weerənda aam inabi ahu suhurra samsami hai wa. A əna də kee, na weerənda aam inabi di dathlang nda samsami də də. Nən iradə, səbgha samsami də də. Kamdə weerənda aam inabi nəm irangnda ahur weerənda samsami hai.” 23 Na fardə sə, far Yibrha Yahudaya, Yeeso tə fətsahayighən tərnda kwaman heerha; tərgha fətsahayighən kya ten ənnarhami nda na kəla wan hwaliirha fahwang ngganda hai na nda a kiighən. 24 Ndagha Farisaya, “Mani na fətsahayiwə əna ‘ya kee, ‘yadana ngyakhrha Musa yi far Yibrha?” 25 Nggəmangga Yeeso kanda, “Karatang ngwanun əndi na hu deleewar Faara ənana Ndauda tə nafighan na miirha a kəs kanda wa? 26 A thləkh mbəd Abiyata mamnda firis, kyanən hu Kən Faara də tərənən mburodi sə dəfangna nda də ka firis katenggən, kiigha ənangən pashiya wiyighən ha.” 27 Ndagga Yeeso kanda, “Əna nanda far yibrha ka niifa, mbə niifa ka far yibrha wa. 28 Nanən kee, Wan Niifa Chinəm ni heu tə far Yibrha.”

3 Na fardə sə faddən, kyagha Yeeso Kən Faara də, na niifa sə mərna hargħən hai ahur kəndi. 2 Na nafiya sə na mindan a kəsəngganda Yeeso tə dimiyirha, kəlagħən nda ha tənən a kənanng nda niifdi a far yibrha. 3 Ndagga Yeeso niifdi mərna hargħən hai, “Thliusə bə isha a mbed fiya.” 4 Tərgha tsahangga Yeeso mee kanda, “Yanggini məməl a ənam a far Yibrha? Əna nggayirha nəm wa nduwa mbəlfəerha wa, a hərgħənggəm yibrha wa nduwa bəlanggəm wa?” 5 Kəlangga Yeeso kanda tə səbrha hura tə kəm ən kawani ka

kakrakkid ten ndan. Ndanggən niifdi, “Pəpəng harwa də.” Pəpənggən harghən də, a mbədi kee nggərgəha harghən 6a kəla kaar. 6 Tərgəha Farisayini kya nda kəshaadə dā nda ndikrha tə nafiya Hirdus na a kədə kwaman bəllang nda Yeeso. 7 Yeeso tə fatsahayighən dənda mii kufad Nggalili də, fiya hangga mbuwa samadghən. 8 Hərəm nanda sək əngya ənənən heu, fiya hangga 6a 6a a Yahuda, tə Urshalima, tə Idomiya, tə fīngya na a pəm kufad Urdun, tə nafiya Taya tə Sidon. 9 Ka hangnda fiya ndangga Yeeso fa tsahayighən a 6ang kombuwol nda 6a na ngguchit amana fiya 'ya6ang mberha fa. 10 Kəsər 'wadə teena kəang dā fiya hangga, ndən ənagha ndən fīngya na tə wanhaaya fa kanda a 'waarha mbēe 6a ka a tsəwarghən nda fa. 11 Kala sayiddi nana səsən mbəlfēeya ndən, kəl na nda fəla hai a mbedghən na nda a ndaarha, “Wan Faara ni Sa.” 12 Amma kəsə thləman ndan a pər ndan tə wunni ndəghən wa. 13 Tərgəha Yeeso wumnda sə, aah fīngyayina nən 6a na midghən, dənda thləmadghən də. 14 Wurgha hasə ahur ndan Kum kap səri, aah kanda nən fathlənggighən, a tsawa nda təghən tə kəm a naghə thlən kanda ka pər labər Faara də, 15 tə wal ngyakhrha na kyangganda ənkaheeya sə. 16 Kulo nafini kumkap səri wurnən ya. Siman, dəfang na Yeeso thləma Mbiturus, 17 Yakubu wan Dzabadi tə wanman na Yahaya. Dəfangna Yeeso thləma kanda Mbuwadjis, ndaarha ni “Wangya Tər'ya.” 18 Andrawus, Filibus, Mbatalomi, Matta, Toma, Yakubu wan Halfa, Tandawus, Siman tə sərək chehweedghən. 19 Tə Yahuda Iskaryoti, fərgəha Yeeso. 20 Tərgəha Yeeso kyagha ahur minda hai, nggərgəha fiya wumnda 6a, ndəghən tə fa tsahayighən mba nda wal kwaman əna 'ya mii wa. 21 Səkna hurfayighən əndi nən a ənəarha, dənda dā ka a kəsəngganda, kəsər na fiya a ndaarha, “Kyahar hutənggən hai.” 22 Fa maləmgəya ngyakhrha 6a 6a Urshalima ndaa nda, “Nəghən tə Mba'aldezabul fa! Tə ngyakhrha Mba'aldezabul ni nən a kyang ənkaheeya sə.” 23 Aagha Yeeso kanda 6a thləghang karapu nən kanda sə, “Na sheetan kən na mbang kyang Sheetan sə?” 24 A tsakh kutəryirha hai səri, mbə kutəryiddi isha wa. 25 A tsakh wure hai səri, mbə wuridi isha wa. 26 Ana Sheetan a yan altənggən tə kəm tsakhka hai, mbə mbang isha wa. Ba ngwala 6ənggən 6a. 27 Kəkafek, mbə niifa sə na kyarha minda ki niifa hai na kanglang wiigha tə ənggighən wa kəl ma

'wadə teena kəangdə niifda hai na kanglang 'wan. A mbənggən har karid wurighən. 28 “Niya pərang kəkafek kun, dimiya na heu tə sarfaya ənana fiya na nda chahənggən kanda də. 29 Amma kala niifa sargha Səsəna tə Pədənda mba tam chahənggən də wa, ənadə dimiyirha yi pa kwandə.” (aiōn g165, aiōnios g166) 30 Thləkna Yeeso ndən kee kəsər na nda a ndaarha, “Nəghən tə ənkaheerha fa.” 31 Tərgəha 6a 6a man Yeeso 6a tə wanmānggighən. Isha nda a kəshi thlən farha nda dā nda aaghən 6a. 32 Fiya wumngga hai muwang nda madufu hai, ndang ngganda, “Muwa tə wanmānggiwa kanda a kəshi kanda a kada sa.” 33 Tsakhmēe nən, “Nda wunni iya tə wanmānggina?” 34 Tərgəha kəlanggən fiya muwangga madufu hai ndəghən, “Kulo nda iya ya tə wanmānggina! 35 Kala niifa ənagha taara tə 'ya na mid Faara tsaudə wan pa tə wan nya tə iya.”

4 Yeeso nggərgəghən dərha mbeedə tə tsahang fiya ha a mii wuri aam Nggalili. Fiya wumngga thləmadghən 6a mulnda hai kaan pa kyagha hu kombuwol hai fiya tsətsau a mii kəkəsh6ang nda. 2 Tsahang dā əngya kanda ha hangga tə karapuya. A hu tsahadghən ha ndəghən, 3 “Kama thləmarha hai! Tə hudarha dədə ka həfrha də. 4 Nanən aten wash wiiddi, hargha fīngya hai aten kwamana, 6a 6a wudikkyə 6a dāmāngganda. 5 Hərgəha fīngya həreng keela hai, ka mbuwana chehweerha sə ngga kya nda sə kəkər, kəsər mbə chehweedghən kudimnggən wa. 6 Amma təkna yanfaara hai, hwara nda də, kəsər kwa wanda thlaara hai wa. 7 Fīngya həra nda pathlang ndakhkya hai kya nda sə kal wanda farha hai a pathlang ndakhkini wa ko kanda əna wee. 8 Amma fīngya həra nda hu chehweerha hai na ngga kyanda sə əna wee nda fīngya katəra kumnggit mahan-mahan, fīngya kəm kumnggit mikki-mikki har haru-haru.” 9 Ndəghən, “Yi na tə thləmad səkrha, səkəkənən.” 10 Sayiddi nanən katənggən, kumkap səri di tə fīngya na a thləmadghən tsahang mee nda ha aten karapu yini. 11 Ndənggən kanda, “Nggəməng nda kun fa na a sən 'ya nun na kutəryid Faara ahurghən, fīngya a mbə tə karapu wa mba nda sənggən wa. 12 Təna nda, “Kəlaarha də, amma mba nda kukwalang hai wa, na nda səkəkən kəm, amma mba nda sənang hai wa. Kam kyahar nda 6a, chahang dimiyid ndan nda kanda dəl!” 13 Tərgəha ndangga Yeeso kanda, “Ashe sənanggun

karapu da hai ya wa, kəkən nun sən fīngya karapuya? 14 Tə həfəddi, laḅar Faara ni nən a pəra. 15 Wiiddi hərgħa aten kwamana hai nəghən aten nafiya səkka laḅardi, amma ḅagħa Sheetan ḅa təranggən laḅar dādə ahur ndan. 16 Fīngya, na nda kəla wiirha həf nanda a həreng keela, sək nanda laḅardi thləghən nda tə hura pəpet. 17 Amma mbuwana thlar ndan sə, məngwanda ha wa. A hərəm ḅillarha nduwa səsəarha ḅarha ḅa kəsər ka laḅardi mba nda kwas kyaharra hai wa. 18 Tə kəm na fīngya kəla wiia hərgħa pathlang ndakhkya hai, səkka laḅardi; 19 amma kəsər ḅillad kəshiiirha, tə suna kəna tə nggəm ən kəshiiirha thluranggən laḅardi ahur ndan tsauka mbə 'yani na ngga wa. (aiōn g165) 20 Wiia hərgħa hu chehweerha hai na ngga, nafiya səkka laḅar Faara thləghənda fa tə chikrha katəra kumnggit mahan-mahan, kumnggit mikki-mikki tə haru-haru aten əndi həf nanda." 21 Ndagga Yeeso kanda, "Wad niifa ḅarha ḅa tə patilla tsəḅanggən tə təḅa nduwa dəfanggən kasəra də wa? Mbə nəm dəfang nda a mbəd dəfədgħən wa? 22 Mbə 'yasə na ḅəḅee mbuwa kyarha sə wa. Mbə 'yasə kəm na nggənggəla mbuwa wa kyarha pəpal ḅa wa. 23 Kala niifa na tə thləmad səkrha səkkənən." 24 "Kwarama tə sək pathla nun naarha səkrha, tur tasau kəkərdi nun a kəkərəra sə, ndəghənni na nda a kəkərang kunsə kəm har kal yinun nən mu." 25 "Kala niifa na tə 'ya ha na nda a chighanggən, kala niifa kəm mbuwa wa tə 'ya ha, yandī nanən təghən ha kəm na nda a thlang nda hai." 26 Nggərgħa Yeeso ndaarha, "Na kutəryid Faara kiya. Niifa washgha wiirha ahu hedghən də. 27 Məngga ha, kyagħa wiidda sə, səngwa sə tə katəradghən hai kəkən wa. 28 Tə altenggən nagħa a tsərha, katəradghən hai tə kwaafa, dəfgħa hur iivee nən. 29 A hərəmdə nakhdəarha, nən a hwasang sə tə dəhwasarha kəsər tsə shifiirha hai." 30 Nggərgħa Yeeso ndaarha, "Tə ma nəm sakh kutəryid Faara, nduwa tə tur yanggi karapu nəm sakhkən sə? 31 Nəghən kəla wan parsəna na wanggən ngguchit ahur wiia na heu nəm həfrha. 32 A həfang dəm hai nən tsərha tsauka dəfrha manggən kal fīngya nən na ahu heddi ənagħa wudikkya kəndan a wuhwaryighən." 33 Tə fīngya karapuya kəla yandiya hangga thləghangna Yeeso kanda sə, tə fīngya na nda mbang sənang hai. 34 Mbə 'yasə nən thləghang kanda kula karapu wa. Amma sayiddi nanən tə

fatsahayighən nən fəlanggən kanda hai. 35 A fardi tsəna fīgrha hai, ndanggən fatsahayighən, "Tama pəm wuri aamda də ya." 36 Mal fiya nda a samarha, wii nda də təghən ahu kombuwol di nanən sə. Na fīngya kombuwalya sə kəm a mbədi mbuwa samadghən. 37 Thliigha ḅereu 'yaara ḅa, nagħa a pəshang aama ahu kombuwol ndan ḅa takħka a timnda hai. 38 Yeeso a ḅeena a samad kombuwol di. Thlengga fatsahayighən sə ndang ngganda, "Mala, səngwa takħ dəm a mərə wa?" 39 Thliigha Yeeso sə, yananggən ḅereu di, "Nggasu hai! Ishiu!" Isgha ḅereu di, nggasgha mbərha hai. 40 Tərgħa ndanggən fatsahayighən, "Mani tərəm nun? Ai fərkəkafekkid nun?" 41 Tər ma nda kaan, tsahang mee nda ndan, "Wunniya? Na ḅereurha tə kufulla aama fərang mamnggirha!"

5 Yeeso tə fatsahayighən dənda pəm wuri aamda də na a chehweed Nggarasina. 2 Tərna Yeeso hai ahu kombuwol di, na niifasə tə ənkaheerha fa, kyaghən ḅa a mbəd ten kwaya hwathla Yeeso nən fa. 3 Niifdiya nən mənda ahur kwad mərya, mbə niifasə na mbang kənang hai ko tə wuyiwurra ni wa. 4 Kəsər na nda yakh kənang nda hai nda hargħən tə sargħən tə wuyiwurra, amma nən dāhang nda də hwasang nggən dəḅəlyina də na a sargħən. Mbə niifasə na kanglang na mbang kəsang hai wa. 5 Nda yanfaara tə fədiḅrha nən naarha aten kwaya, tə ten ferya, nagħa ahuhwaarha tə thleng nda fadghən də tə ferya. 6 Nanən Yeeso də inggun, dāgha də ḅəra hai a mbedghən. 7 Təranggən uradghən sə kaan huhwagħa ndəghən, "Mana midwa tə nggi, Yeeso, Wan Faara Amshi? Hwanni sa hu thləm Faara a səsenna wa!" 8 Thlək nən ndən kee kəsər ndangga Yeeso, "Kyosə a fad niifdiya, sa ənkaheerha!" 9 Tərgħa tsahangga Yeeso mee, "Thləmwani kən?" Ndəghən, "Hangga, kəsər nan hangga." 10 Nagħa a hwan Yeeso a rəkdə kanda ma mbədi wa. 11 Na chibəd kələngarya sə a mbədi a lafrha tsau tə sar wumnda fa. 12 Hwangga ənkaheeyini Yeeso, "Malang kan dən thləmad kələngaryina də ya, kyan hur ndan hai." 13 Nggəmənggən kanda fa, kya nda sə a fad niifdi də nda kyarha ahu kələngaryina hai. Chibəd kələngaryini səl nda haru kumnggit səri, də nda hu wuri aamda də mərə nda də. 14 Fa laf kələngaryini dən ndani wupəri də tə fīngya talya də nda pər əndi katəragħa hai.

Dagha fiya 6a, 6a nda na ɛndi katɔragha hai. 15 Bana nda thlɛmad Yeeso 6a, na niifda nda na tɔ ɛnkaheeyina fa, tsau hai, kaldɛ lukrha fa ngga 6a hutenggɛn 6a, tɔr ma nda. 16 Nafini na a mbɛdi nagha ɛndi katɔragha hai, pɔranggɛn nda kanda ɛndi katɔragha hai tɔ niifdi na tɔ ɛnkaheɛda fa tɔ kɛlɛngaryini kɛm. 17 Tɔrga nafini hwan Yeeso nda a malanggɛn chehwee ndan. 18 Na Yeeso a kyarha hu kombuwol hai, niifdi na tɔ ɛnkaheɛda fa hwan Yeeso nɛn a dɛgha dɛ a samadghɛn. 19 Nggɛmangwa Yeeso fa wa, amma ndanggɛn, “Duwa wuredɛ dɛ wal nafiwa, pɔrang ɛndana kanda ɛnona Chinɛm tɔ hadonɛn fa.” 20 Tɔrga niifdi wiigha wuredɛ dɛgha naarha pɔr ɛngya ɛnangna Yeeso a talya kum. Fiya na heu na nda a na ɛnwulteena, 21 Nggɛrna Yeeso dɛrha pɛm wuri aamda dɛ tɔ kombuwol, wumngga fiya thlɛmadghɛn 6a hangga ndɛghɛn balɛ dɛ a mii wuri aamdi. 22 Tɔrga tal ahur mamngya Kɛn hwan Faara sɛ na nda aarha Yayirus, 6a dɛ mbɛda 6a. Nanɛn Yeeso bɔrga hai tɔ wadɛdghɛn, 23 hwanggɛnɛn, “Wutarad na a mɛra. Niya hwan sa bɔba 6a dɛfang haara teena tɛnɛn kɛnda wal yibrha nɛn.” 24 Dɛgha Yeeso dɛ a samadghɛn. Fiya hangga mbuwa samadghɛn dɛ tɔ kɛm na nda a 'yaɓang mbɛrha fa. 25 Na nuneefa sɛ a mbɛdi na faara a ɓang nda fa hai hurarha kumkap sɛri. 26 Sɛsadɛ kaan ahar fa fɛr dɛfya hangga tɔ kɛm ɓalang dɛ ɛn huharghɛn dɛ, a megheɛdghɛn 'ya kamngga a kɛngga amma kɛl chikrha. 27 Sɛknɛn laɓar Yeeso, ɓagha 6a tɔ man samadghɛn ahur fiya tsuwar kootodghɛnɛn fa, 28 kɛsɛr numadɛ, “A tsuwardi kootodghɛn fa kee, niya wal kɛnda.” 29 A mbɛdi tsu kee ishgha fardi na a ɓang nda fa hai, tɛkkɛnɛn fa a fadghɛn waldɛ kɛnda ahu sɛsadghɛn. 30 Tsu sɛnangga Yeeso hai na sɛsɛmnda sɛ kyagha dɛ a fadghɛn. Kyahargha hai ahur fiya tsakhmee nɛn, “Wunni tsuwargha kootodna fa?” 31 Nggɛmangga fatsahayighɛn, “Nanna fiya a 'yaɓo mbɛrha fa, nana a tsakhmee, 'Wun tsuwargha nggi fa?” 32 Amma nagha Yeeso a kɛlarha dɛ tɔ wunni ɛnagha kee. 33 Tɔrga nudɛ, sɛnnɛn 'ya katɔragha hai tɔghɛn, ɓagha 6a bɔrga hai a mbedghɛn, nagha fadghɛn a rɛrɛrha fa ka tɔrɛmnda, pɔrang kɛkafek nɛn 'ya katɔragha hai heu. 34 Ndagga Yeeso nudɛ, “Waana, fɛrkɛkafekkid wa kɛnodɛ. Duwadɛ hu dɛdemnggirha yibna hu sɛsadwa.” 35 Yeeso balɛ dɛ a ndikrha fa kee, ɓagha fingya 6a a

minda ki Yayirus, ndaa nda, “Mɔr wutarad wa, kama nun nggɛr kɛtɛlang tɔ malɛmndɛda fa?” 36 Dɛfwa Yeeso teena tɔ path nafini wa, ndanggɛn mamnda tɔ Kɛn Faara na ngguchit, “A tɔrɛmna wa, furu kɛkafek kee.” 37 Malangwa fiya mbu samadghɛn nda wa, kɛl Mbiturus, Yakubu tɔ Yahaya wanman Yakubu. 38 Bana nda minda ki mamnda Kɛn Faara 6a na ngguchit, kɛlagha Yeeso fiya a tɔsɛ teena na nda a tɔrha tɔ huhwaarha kaan. 39 Kyanɛn sa hai ndanggɛn kanda, “Kama na nun a tɔsɛ teena tɔ huhwaarha kaan kee? Mɔrwa wandi wa amma nɛghɛn a shiirha.” 40 Amma masangganda. A kwasamaddi kyang nɛn fiya kɛsha hai, tɔranggɛn nda chin wandi tɔ man tɔ fa tsahayighɛn na a thlɛmadghɛn, kyagha hu kɛnda dɛ na wandɛ sɛ. 41 Kɛs harghɛnɛn ndanggɛn, “Talita kumi,” ndɛna “Sa wutararha, thliusɛ!” 42 Thliigha wandɛ sɛ wiigha hai. Huradghɛn kumkap sɛri. Katɔrana ɛnda hai ya kanda heu ɛna ɛnwulteena nda. 43 Kɛs thlɛman ndan nɛn a sɛk niifa ɛndiya wa, ndanggɛn kanda a fɔrang ɛnnarhami nda ɛnagha mii.

6 Malna Yeeso mbɛdi, dɛgha hu talghɛn dɛ tɔ fatsahayighɛn a samadghɛn. 2 Bana far yibrha 6a yi Yahudaya, kataranggɛn tsaharhaha ahu Kɛn Faara na ngguchit, Fiya hangga sɛkka ndɛn ɛna ɛnwulteena na nda, na nda a ndaarha, “Walgha niifdi ɛnggini a yanggi ya? Tur yanggi sɛnda ni walnɛn, nɛn naarha ɛna ɛnwulteengya kiya?” 3 “Nɛye, mbɛ kafinta dani ya wa? Mbɛ wan Mairamu ni wanmangya Yakubu, tɔ Yisufu, tɔ Yahuda tɔ Siman wa? Wanmanggighɛn nishya mbɛ kulu kɛm tɔ kanda ya wa?” Sɛbgha hur ndan dɛ tɔghɛn. 4 Ndagga Yeeso kanda, “Kɛl ahur talghɛn, a pathlang hurfayighɛn tɔ hur mindɛghɛn ndɛn mbuwana annabi wal mamnggirha.” 5 ɛnawa Yeeso ɛnwulteena a mbɛdi wa, kɛl haara dɛfang nɛn fingya haaya fa, kɛnanggɛn kanda. 6 Fɔrang dɛ ɛnwulteena, ka yamid fɛrkɛkafekkid ndan. Tɔrga Yeeso nagha a wiirha hai tala-tala a tsahang fiya ha; 7 Aah kumkap sɛri dɛ nɛn thlɛmadghɛn 6a, thlɛn kanda nɛn sɛri-sɛri fɔrang sɛsɛmnda nɛn kanda aten ɛnkaheeya. 8 Ndagggɛn kanda, “A turɛun 'ya ahu widdi ya wa kɛl sɛsaala kee. A kɛsɛun mburodi ha, ko yawarha, ko wudɛɓɛla ahu panjakwayinun wa. 9 Paama pakhma amma ma kɛsɛun lukrha ha sɛri wa. 10 Kala minda 'wanun kyarha sahai tsawama sɛ kɛl fardi mal

nun taldi. 11 Kala mbərha thləwa nanda kun fa, nduwa kəm kangwanda thləmarha kun fa wa, a nadun a mal taldi tinid taldi na a sarnun pamandə ka a tsauka ən sakhrha aten ndan. 12 Kya nda kəshaadə də nda pər laḅar Faara a fiya a malangganda dimiyid ndan. 13 Kyangganda ənkaheeya sə hangga a tər irang fədeerha fiya fa mbuwa wa kəkanglang kənangganda kanda.” 14 Səkna Hirdus laḅardi ya, kəsər thləm Yeese dədə də inggun. Fingya a ndaarha, “Yahaya tə Mbaptisma ni thliigha sə hu mərta, ndəghənni nanən tə səsəmda fa yi əna ənwuteengya.” 15 Fingya a ndaarha, “Annabi Ilya ni.” Ndagha fingya kəm, “Annabi ni, kəla tal ahur annabiya na kaar.” 16 Amma səkna Hirdus laḅardiya, ndəghən, “Yahaya, niifdi kyathlangni tenggən də, thliida sə hu mərta!” 17 Kəsər Hirdus fərdə ngyakhrha a kəsangganda Yahaya, muwanggən hu porsəna də. Ənanən kee kəsər ka Herodiya, nu wanman Filibus, kahang nən. 18 Kəsər Yahaya nən naarha ndang nda Hirdus, “Kamngwa a kahangga nu wanmuwa wa.” 19 Herodiya səb hurghən də tə Yahaya, na midghənsə a bəlanggən amma mbə mbang wa. 20 Kəsər Hirdus nəghən a tərəm Yahaya, nən naarha lafghən mbə midghənsə a walgha 'ya ndən wa, kəsər Yahaya ka niifa ni tə pedənda ni. A sək Hirdus fad Yahaya nən billaghən fa kaan, ko nanən kee nən naarha kang thləmarha fa. 21 A kwasamaghən wal kwamana nən, a fərdi ənana Hirdus wutsəfayid ləghəttə bən nggəttəghən hai, aah nən mamnggighən bə tə mamngya sodjaya tə fingya mamngya na hu chehweed Nggalili. 22 Tərgha wutarad Hirdus kyagha bə rəpgha, mbənanggən Hirdus tə ronggighən nana nda a həb ənnarhami. Ndagga kutərdi wutaraddi, “Tsahe 'ya na midwa, niya furokən.” 23 Nggəmda fa har tə aah thləm Faara, “Kala 'ya tsakhna niya furokən ko mberra chehweedna ni!” 24 Dəgha thləmad man də, ndanggən, “Mani tsahang nda?” Ndagga man, “Ten Yahaya tə Mbaptisma.” 25 A mbədi kee thliigha kəkar a thləma kutəra də də ndanggən, “Na minnasə nanənya ten Yahaya tə Mbaptisma ahu pəlee.” 26 Tərgha mərgəha fad kutərdə hai, amma ka dəf miighən ənanən a mbed ronggighən, nggəmgwa fa a hwasanggən wa. 27 Tərgha thlən sodja nən dəgha bərha bə tə ten Yahaya. Dəgha kən porsəna də kyathlanggən ten Yahaya hai; 28 bəgha bə tə ten Yahaya ahu pəlee fəranggənən wutaradda də, wutaraddi kəm fəranggənən man də. 29 Səkna fətsahaya Yahaya əndi katəragha hai, bə nda bə tərang ngganda merreghən hai pangganda. 30 Fəthləngya Yeese wuma nda thləmadghən bə, pərang ənggina nda heu ənana nda tə tsahan ndan ha. 31 Tərgəha, kəsər ka nana fiya hangga na a bərha bə tə fingya a wiirha wal wa Yeese tə fa tsahayighən kwaman əna 'ya mii wa. Ndaggən kanda, “Taama a mbərha də mbuwana fayasə kəm katen nəm dūn yibrha.” 32 Təraa nda hu Kombuwol hai katendan dənda mbərha də mbuwana fiya sə. 33 Amma fiya hangga nagha kanda a wiirha, kukwalangganda kanda hai də nda də tə saara tə hur talya heu 'waa nda mbədə də ma kanda. 34 Tərna Yeese hai na fiya nən hangga hadangganda fa, kəsər na nda kəla chaukhraya kula tə lafrha. Katəranggən tsahang əngya kanda ha hangga. 35 Tsəna figrha hai, bəgha fətsahayighən thləmadghən bə, ndang ngganda, “Kaheerha ni mbədiya kulo mbiya tsə figrha hai. 36 Kalu fiya hai tənə nda dərha ahu heeya də tə talya na tsau a mbədiya də nda kədə ənnarhami tafan ndan.” 37 Amma ndangga Yeese kanda, “Kun tafan nun fəraman 'ya kanda ənna ndami lee.” Ndag ngganda, “Wudəbəla na ahar nan nən səl wudəbəl rapathlaarha na nda teng niifa yi ndəree wuvada! 'Dan heng mburodi kanda bə təghən fəranggənən kanda əna nda mii wa?” 38 Tsahangga Yeese mee kanda, “Mburodi kurmi ni ahar nun? A kəla man bə.” Wudə nda bə ndang ngganda, “Mburodi tuf tə tənə səri.” 39 Tərgəha ndangga Yeese fiya a wumangganda tendang tsawa nda hai aten hwalirha. 40 Tərgəha wumangganda tendan tsawa nda hai fingya kumggit tuf-tuf, fingya haru-haru. 41 Təranggən mburodi də sə tuf tə təndi səri, kəlagha talara sə, usa Faara nən a kyanggən mburodi də hai. Fəranggənən fətsahayighən ndəghang nggənda fiya. Nggərgənəndəghang tən də hai kowunni waldə. 42 Əna nda mii heu nggaala nda. 43 Wumangga fətsahayighən katəpghən kutasya kumkap səri heu tə təndi. 44 Hang nda həshya ənagha mburodi də mii haru kumggit tuf ni. 45 Tsu a kwasamad əndiya, ndangga Yeese fətsahayighən kya nda ahu kombuwol hai 'waa nda mbeedə tədangganda wuri aamdī teena a Mbatseda də, ndəghənggi kəm kal fiya nən hai. 46 A kwasamaddi kal nən fiya hai tərgəha wumnda sə ka dəgha hwan Faara. 47 Tsəna figrha hai, kombuwoldi a madufu wuri aamdī, ndəghən katənggən aten chehweerha. 48 Kəlagha Yeese

hai fatsahayighən ahu billaarha kaan, kəsər bəreurha a tsang hura kanda fa ahar tsar, dāgha thləmad ndan dā, naghā a wiirha aten wuri aamdī. Tsəgha kəla nən a mbərang kanda hai. **49** Amma nana ndan a wiirha aten wuri aamdī. Huhwaa nda ka hərəenga, tamngganda ndaarha mända-mända ni. Huhwaa nda, **50** kəsər kanda heu nandan tər ma nda. Inanggən mighən hai kəkar ndanggən kanda, “Kərsaama, nggini. A tərəmdun wa.” **51** Tərgħa kyagħa ahur kombuwol dā hai tē kanda, nggasgha bəreu dā hai. Kəsgħa ənwulteena kanda, **52** kəsər bəlgħa nda kula sənang ənwulteena dā hai ənana Yeeso aten mburodi dī, kəsər ka kakrakkit tendan. **53** Təfang nanda wuri aamdī teena, səla nda Djanisərat dā, kənangganda kombuwol ndan hai. **54** Kyana nda sə ahur kombuwol dī, kukwalangga fiya Yeeso hai. **55** Dā nda hai ahu chehweddī kahad na nda a bərha bā tē haaya ahu dānggəlyā kala mbərha səkna nda na Yeeso sə. **56** Kala mbərha dāna Yeeso sa dā, hu talya tē wupəri tē kaheeya na nda hunang haaya hai hu kasu hwanggənda a tsuwar pəpəshapra kabadghən nda fa. Kala niifa tsuwargħa ndən fa wal dā kanda.

7 Farda sə bagħa fingya Farisaya tē famaləmgnya ngyakhrha a Urshalima bā, wuma nda thləmad Yeeso bā. **2** Kəla nda hai fingya fatsahaya Yeeso kanda a həb ənnarhami haryi ndan tē “Paarha”, ndəna haryi ndan kula tsəbrha dā. **3** Kəsər Farisaya tē Yahudaya mba nda həb ənnarhami kanda kula tsəbang har ndan dā wa, kəs nda əntin shingya ha. **4** Nəghən kee kəm mba nda kii 'ya hiina nda bā ahu kasu wa kəl tsəbang na nda haryi ndan dā 'wan. Na əntingya sə kəm hangga na nda lafrha, kəla tsab dəngya tē bəəya tē tasaukya tē baleeya tē ənfuya. **5** Tərgħa Farisayini tē famaləngya ngyakhrha tsahang mee nda Yeeso, “Kama mbuwana fatsahayiwa takkwa əntin shingginəm, na nda a əna 'ya mii tē har paaya?” **6** Ngğəmmangga Yeeso kanda, Kun fa thlərbuya! A ten nun ni thləkna annabi Ishaya pathdiya, kəla nanən chichireethlee hai tē ndaarha, “Nafiniya, ahu mii ndan ni kee na nda fəre mamnggirha, amma hur yi ndan nəghən inggun ma nggi; **7** ka ni kee na nda a tərēe shilee teena, kəsər dəfangganda tsahad əntina a mbee, ma 'ya ndana Faara.” **8** “Malanggun 'ya ndana Faara kəs əntina nun ha ənana chichiya nun.” **9**

Ndanggən kanda, “Kar ngyakhrha Faara nun fa ka a laf ngyakhrha əntin chingginun nun! **10** Kəsər ndagħa Musa, ‘Fərang mamnggirha nda muwa tē tsu,’ tē kəm, ‘Kala niifa 'yargħa chin nduwa man na nda bəlang nda.’ **11** Amma nduwun, a ndang niifa chin nduwa man, “Ya niya kya dāng nda kunsə, 'wadi teena dəfangdī ndən Faara dā,’ **12** tərgħa mbun malang niifdiya dānggən chin sə nduwa man wa. **13** Tsawanggun labar Faara mbə 'ya ni na ngga wa, ka əntin ngginun. Nun naarha əna əngya kee hangga.” **14** Fiya wumngga hai nggərgħa Yeeso aah kanda thləmadghən bā, ndanggən kanda, “Keema thləmarha fa kun heu, a sən əndanun ya. **15** 'Ya na a kəshi kyagħa hur niifa dā mbə ndəna tsawang tē paarha wa, amma kəl 'ya na a kyarha sə ahurghən ndəna tsawang nda tē paarha fa. **16** Yi na tē thləmad səkrrha səkkanən.” **17** A kwasamaddi malna Yeeso fiya kyanən hur minda hai, fatsahayighən tsahang mee nda ha aten karapu dī ya. **18** Tsahangga Yeeso mee kanda, “Sənanggun hai wa? Mbun a naghən wa 'ya kyagħa hur niifa dā a kəshi mbə ndəna tsawang nda tē paarha fa wa? **19** Kəsər kyawa ahurghən hai wa amma ahu mbəbələmndəghən dā, nggərgħən kyarha sə a fadghən.” (Thlək nən pathdiya a kyad ndaarha nən ənnarhami heu na nda ngga.) **20** Dəgha mbeedā tē ndaarha, “Ya na a kyarha bā ahur niifa ndəna tsawang nda tē 'paarha fa’. **21** Kəsər ahur niifa sə, ndəna numad ən mbəlfēeya kyarha bā, susuwayirha, ngaara, bəl farha, kulafayirha, **22** kkwit hura, mbəlfēerha, nggabərha, suna, sərəkirha, səb thləma, nggəm alteena, tē yamid huteena. **23** Ən mbəlfēeyini na heu ya na nda kyarha sə ahur niifa; nən tsawang niifa 'dimirha.’” **24** Tərgħa Yeeso mal Ngğalili nən dāgha hu chehweed Taya dā tē Sidon. Kyagħa hur minda hai mbə midghən sə a səngga fiya sə wa, amma mbə mbang bəbeng bədgħən bā wa. **25** A mbədi kee, nuneefa sə na wutaradghən tē ənkaheerha fa, səkna nən labar Yeeso bagħa bā bərgħa hai a mbedghən. **26** Nudi tē Helenarha ni, nggətgħa ndan a Fənikiya a chehweed Suriya. Hwan Yeeso nən a kyanggən ənkaheedda sə a fad wutaradghən. **27** Ndangga Yeeso, “Malang wundakhnaya 'wan nggaala nda, kəmngwa tərənggəm ənnadmid wundakhnaya fəranggənəm wudaya wa.” **28** Ndangga nudi Yeeso, “nəghən kee, Chinəm, amma na wudaya əna fəfəsərra ənnarhami na a hərə hai ahar wundakhnaya.” **29** Ndangga Yeeso, “Kəsər ka

laḅardi kyawa nggäreena sə ya, wiu fayiwa, ankaheeddi kyada sə a fad wutarad wa.” 30 Dəgha nudi wure də dəgha wal wutaraddi keeghən kath hu sərə, dəkdə hai tə ankaheeddi. 31 Tərgħa malgha Yeeso chehweed Taya kyagħa tə chehweed Sidon tə chehweerħa na tə Talya Kum dəgha wuri aam Nggalili də. 32 Na nafiya sə bağħa 6a tə niifa a Yeeso na tebeng tə kəm mbə mbang kaala sə wa. Hwanggənda a dəfang haara nən teena. 33 Dəgha Yeeso tə tebeng di man patu də ma fiya, panggən wan haryighən ahu thləmadghən də. Chakh yakħrħa nən hai, tsuwar sheneu niifda nən. 34 Kəlagħa Yeeso talara sə yibgha fa kaan ndanggən, “Ifatal!” Ndəna “Inudəl!” 35 Tərgħa ingga thləmad niifda də, kwasgha sheneukən hai nagħa a ndikħa fa ngga. 36 Ndagga Yeeso kanda a pərang ndan niifa wa. Amma ndəghən aten yanang kanda, kanda aten pərgħən də. 37 Kəsgha ənwulteena fiya kaan na nda a ndaarħa, “Ənadə əngya heu ngga, kəranggən tebengya tə fīngya mbuwa mbang kalasə.”

8 Na farda sə nggərgħa fiya wumnda thləmad Yeeso 6a, nanən mbə ənnarħami sə aħar ndan wa, aagħa Yeeso fatsahayighən thləmadghən 6a ndanggən kanda, 2 “Na nafini a hadēe fa ya. Beena mahan kanda a thləmanna, takħkwa ‘ya aħar ndan a əna nda mii wa. 3 A kal di kanda hai wii nda wureedə a miirħa, dəna nda fəla hai a kwamana. Kəsər bağħa fīngya 6a a mbarħa 6a inggun.” 4 Ndagga fatsahayighən, “Amma dənəm wal ənnarħami 6a a yanggi a kaheddiya na tsəghang kanda?” 5 Tsahangga Yeeso mee kanda, “Mburodi kurmi aħar nun?” Ndag ngganda, “Məd.” 6 Ndaggən fiya a tsawa nda hweede hai. Haranggən mburodida sə məd, hwan parka Faara nən, kyanggən hai fəranggənən fatsahayighən də a ndəghang nggənda fiya də, əna nda kee. 7 Təna sə aħar ndan ngguchit kəm, hwan parka Faara nən atənggən, ndanggən fatsahayighən a ndəghangganda də. 8 Ənagħa fiya mii nggaala nda. Akwasamadghən wumangga fatsahayighən kwasamadghən kutasya məd. 9 Həshya ənanda haru kumnggitghən fada. Kal nən kanda hai, 10 kyagħa ahur kombuwol hai tə fatsahayighən dəgha a chehweed Dalmanuta də. 11 Bağħa Farisaya 6a katarang ngganda tsahang mee Yeeso ha. Ka a kəkarəngganda, tsahang mee nda ha a kyad ənsakħrħa nən a talara hai. 12

Yibgha fa ndəghən, “Mani na nafiya kəshiid weeriya a kada ənsakħrħa yi wulteena? Niya pərang kəkafek kun, mbə ənsakħrħa sə nanda a kyatta wa.” 13 Tərgħa mal kanda nən, wudgha ahur kombuwol hai tədagħa man patu də. 14 Fatsahaya Yeeso mbədaŋg də kanda 6awa nda 6a tə mburodi wa, kəl tal ni kee ahur kombuwol di. 15 Kəsgha Yeeso thləmandan ndəghən, “Kwarama tə mehen Farisaya tə yi Hirdus.” 16 Tsə laḅara nda atənggən a pathlang ndan, ndanda, “Kəsər mbuwana mburodi sə aħar nəm.” 17 Yeeso sənang də numan ndan hai ndanggən kanda, “Kama nun tsə laḅara tə ndaarħa mbə mburodi sə aħar nun wa? 18 Kun tə yirħa mbun a nagħən wa, tə thləman nun sə mbun a səkkən wa? Bal wun kula sənang hai wa? 19 Kyang ni mburodi də hai tuf a fiya haru kumnggitghən tuf, Kutasya kurmi wumang nun kwasamadghən?” Ndag ngganda, “Kum kap səri.” 20 Ndagga Yeeso kanda, “Kyang ni mburodi də hai məd a fiya haru kumnggitghən fada, kutasa kurmi wumang nun katəpghən?” Ndag ngganda, “Məd.” 21 Ndaggən kanda, “Sənanggun hai wa?” 22 Ba nda Mbatsaida 6a, bağħa nafiya 6a tə kwamarħa hwan Yeeso nda a tsuwargħənən fa. 23 Kəs har kwamadda nən kya nda sə ma hur taldi dənda kəsər talda də. Chakh nən yakħrħa a yid niifda də dəfang haara nən fa, tsahangga Yeeso mee, “Na ‘ya sə nana wa?” 24 Kəlagħa sə ndəghən, “Nggi a na fiya, na nda kəla dəfya a wiirħa hai.” 25 Nggərgħa Yeeso dəfang hargħən a yid niifda də. Tərgħa ingga yidghən də, nggərgħa yidghən 6a, nagħa a kəlarħa də ngga. 26 Wudangga Yeeso wureedə, ndanggən, “A nanna a wutta wureedə a kyanna hur talda hai ya wa.” 27 Yeeso tə fatsahayighən dənda hu talya də a Kaisariya Filibi. Nana nda a wiirħa hu kwamana tsahangga Yeeso mee fatsahayighən, “Na fiya a ndaarħa wunni nggi?” 28 Ndag ngganda, “Fīngya a ndaarħa Yahaya tə Mbaptisəma, fīngya a ndaarħa Ilya ni, fīngya a ndaarħa kəm, nəghən tal ahur annabiya.” 29 Ndagga Yeeso kanda, “Amma kun wu, nuwun a ndaarħa wunni nggi?” Ndagga Mbiturus, “Sani Kərəsti.” 30 Kəsgha Yeeso thləmandan a pərang ndan niifa tə wunni ndəghən wa. 31 Katəranggən tsahang kanda ha tə ndaarħa Wan niifa tətəni a səsaagħa aten əngya hangga, na shīngya, tə mamnda firistaya, tə famaləmmingya ngyakħrħa a kargħən fa, nanda a 6əlang nda akwasamad beena mahan

nən a nggər thliirha sə. **32** Thlāk̄kən pathdiya a pəpal. Dəgha Mbiturus təghən man patu də ndanggən məməlwa naghə a thlāk̄ 'ya kiya wa. **33** Amma kyahargha Yeeseo hai kəlanggən fīngya fatsahayighən də yanaggən Mbiturus, ndəghən, “Nduwu hai tə nggi sa Sheetan, mba a kəlang əngya na mid Faara wa, amma əngya kee na mid fiya.” **34** Tərgəha aah fiya nən thləmadghən 6a heu tə fatsahayighən ndanggən kanda, “Ana mid niifa sə mbu samanna nən malanggən nggəm altenggən tərənggən kadidghən sə, mbu samadna nən. **35** Ana mid niifa sə dəf yibədghən də nən kədəng nda. Amma kala niifa fərgəha yibədghən ka nggi tə yi labardi na mbənggən ya dəfang nən də. **36** Ma chighang nən niifa a waldə ən kəshiirha heu kədənggən yibədghən? **37** Nduwa kəm mana niifa fəra a megghed yibədghən? **38** A shidangwa niifa tə labarna ahu kəshiid kulafayirha tə dimiyirha wa, Nggi, na Wan Niifa, mbə shideerha ka ndəghən wa a badə hu mamnggit Chin 6a tə yi fathləngya Faara tə pədənda.”

9 Tərgəha ndanggən kanda, “Niya pərang kəkafek kun, na fīngya sə kəkət a mbədiya nanənya mba nda a taarang mərə fa wa na nda a naa Kutəryid Faara bayi tə səsəmənda mamnggitghən.” **2** Akwasamad beena mikki tərəngga Yeeseo Mbiturus tə Yakubu tə Yahaya tərəa nda wumnda sə, kanda katendan. A mbədi kyahargha fadghən hai a mbed ndan. **3** Lukkighən kyakhra nda hai pəpət, pəpəttəghən kaldə mbərha mu hu kəshiddiya. **4** Tərgəha kyagha nda Ilya 6a tə Musa katarang ngganda ndikrha hai tə Yeeseo. **5** Ndangga Mbiturus Yeeseo, “Mala, nəghən ngga nanəm a mbədiya, ngwa əna chama nan mahan-tal yiwa, tal yi Musa tə kəm tal yi Ilya.” **6** Səngwa 'ya nən a thlāk̄rha, kəsər kanda heu tərəmənda kaan. **7** Tərgəha 6agha hashbe 6a nggəlanggən kanda, sək urarha nda hai ahur hashbidi tə ndaarha, “Waana niya, nggəmmi. Kaman thləmarha fa!” **8** Kula səndəndan sə, kəla nda hai kə niifa 6al, kəl Yeeseo katənggən. **9** Na nanda a tərəa hai a wumndədi, kəsgha Yeeseo thləmandan a pərang ndan niifa 'ya na nanda wa kəl ma thlid Wan Niifa sə ahu mərə. **10** Nanən kee kəsghənda ha ahur ndan, na nda a ndang nda ndan təmani “Thliirha sə hu mərə.” **11** Tsahang mee nda ha, “Mani na famaləmmgya ngyakhrha ndaarha tətə Ilya ni a 'wa 6aarha 6a?” **12** Ndangga

Yeeseo kanda, “Kəkafekni, Ilya ni a 'wa 6arha 6a, ka 6agha tangsang əngya də heu. Kama nda chireethleng nanda hai Wan Niifa tətəni a səsəagha tə kəm karghənda fa? **13** Amma niya ndang nda kun, 6a Ilya 6a, ənang əngya nda fa tərna mindan, kəla nanən chichirethlee hai atənggən.” **14** Tərnanda hai, 6a nda wal fīngya fatsahaya, kəla nda hai wum fiya thləmandan 6a tə famaləmmgya ngyakhrha kanda a ngaala tə kanda. **15** Hərəməna fiya na Yeeseo, tək mbənda nda fa dāa nda də dā nda ndang'ya. **16** Tsahangga Yeeseo mee fatsahayighən, “Mani nun a ngaalang teena tə kanda?” **17** Ndagha niifa ahur fiya 6a, “Mala, 6oni waana 6a, nəghən tə ənkaheerha fa har 'yadang də ndikrha fa. **18** A thliida 6a, nən muwang hweeda hai. Nagha miighən a hufirha fa, naghə a kət miighən hwargha fadghən də. Kalangdi fatsahayirha sə, amma mbang ngwanda wa.” **19** Ndangga Yeeseo, “Kun wangya kəshiid weeriya fa yamid fərkəkafekkya, pa kwandə ni tsaurha tə kun? Pa kwandə ni naarha tə kun? Bee wanda 6a.” **20** Dəng wanda nda də. Nana ənkaheeddi Yeeseo, muwanggən wundələddi a hweeda hai naghə fadghən a rəprha fa tə miighən a hufirha hai. **21** Tsahangga Yeeseo mee chin wundələddi, “Beena kurmi ndəghən təghən kiya?” Ndagha chin wandi, “Ka ndəghən ngguchit. **22** Na ənkaheeddi naarha muwang hu waarha hai tə aama ka a 6əlanggən. Amma a nanna a mbangnda a hadowan fa dāng kansə.” **23** Ndagha Yeeseo, “A nanna a mbangnda? 'Ya na heu nəghən pəpa a fad niifa fərgəha kəkafek.” **24** Kəkar ndagha chin wandi, “Fərdi kəkafek, amma deesə tənə fərkəkafekkid na chikrha!” **25** Kəlana Yeeseo hai fiya a daarha ka kəlarha 6a, yananggən ənkaheeddi, ndanggən, “Səsən tēbeng tə tip, ndoyi kyosə a fad wandiya a Nggərna kyarha fadghən hai 6alwa!” **26** Tərgəha ənkaheeddi huhwaagha naghə wandi a tsə'ya fa kaan a kyagha sə. Tsauka wandi kəla mərə, kowunni a ndaarha, “Mərdə.” **27** Amma kəsgha Yeeseo harghən sə, thliigha sə kət. **28** A kwasamaddi kyana Yeeseo wure hai, tsahangga fatsahayighən mee 6əbee, “Mani mbangwa nan kyang ənkaheedda sə?” **29** Ndangga Yeeseo kanda, “Tur yandiya kəl tə hwan Faara ndənən kyarha sə.” **30** Yeeseo tə fatsahayighən malangganda mbədi kya nda tə Nggalili. Mbə midghən sə a səngga fiya mbədi nanən sə wa, **31** kəsər nəghən a tsahang fatsahayighən ha tə ndaarha, “Wan Niifa na

nda a fərghən ahar nafiya hai. Na nda a bəlang nda. A kwasamad beena mahan nən a nggər thliirha sə.” 32 Amma sənangwanda tsahadda ha keeghən ya wa, kanda kəm a tərəm tsahang mee. 33 Ba nda Kafarnahum ba, nana nda ahur minda, tsahangga Yeeseo mee kanda, “Mani nun a ngaalang teena a kwamana?” 34 Amma nggasa nda hai tətəp kəsər a kwamana na nda a ngaala aten wunni manggən. 35 Tsauka Yeeseo hai, aah kumkap səri dənən ba, ndanggən kanda, “Kala niifa na midghən sə a tsauka a mbee, tətəni tsauka a samaarha heu tə mafad kowunni.” 36 “Təranggən wundakhnee ba ishanggən a madufun ndan. Kəs harghənən ndanggən kanda, 37 Kala niifa thləgha wundakhnee fa ngguchit kəla yandīya ahu thləmna thlənən nggi fa, tə kəm kala niifa thləgha nggi fa thlənən Pəpa fa thləngga nggi ba.” 38 Ndangga Yahaya Yeeseo, “Mala, na dən niifa a kyang ənkaheeya sə tə thləmwa, yanang dən kəsər mbə ahur nəm wa.” 39 Ndangga Yeeseo, “A yanang dūn wa, kəsər kala niifa ənagha ənwulteena tə thləmna akwasamadghən mbə thlək əngya mbuwa ngga atenna wa. 40 Kala niifa mbuwa tsan kəm, yinəm ni. 41 Niya pərang kəkafek kun, kala niifa fərangga aam saarha kun ko ahu wuhuleurha tal ahu thləmna kəsər ka tsaunun yina mbə tam kədəng wal kənaghən wa. 42 “Ana niifa sə kyangga tal ahur wangginiya hu dimiyirha hai, A nggushi waghəng nda fən hərha ura mughang ngganda ahu wuri aama dā. 43 Ana harwa a kyorha hu dimiyirha hai, kyathlang dā, a nggushi kyana hu kutəryid talara dā tə haara tal ma kyana hu waarha dā mbuwa mərə hai tə haara səri. (Geenna g1067) 44 A mbədi waya na naarha kii kanda mba nda mərə wa, waddi kəm mba nda mbang bəlang hai wa. 45 Ana sarwa a kyorha hu dimiyirha hai, kyathlang dā. A nggushi kyana hu kutəryid talara dā tə saara tal ma kyana hu waarha dā tə saara səri. (Geenna g1067) 46 A mbədi waya na naarha kii kanda mba nda mərə wa, waddi kəm mba nda mbang bəlang hai wa. 47 Ana yidwa kyorha hu dimiyirha hai, kədəng dā. A nggushi kyana hu kutəryid talara dā tə yirha tal ma kyana hu waarha dā tə yirha səri. (Geenna g1067) 48 A mbədi, ‘Wayini na kii kanda mba nda mərə wa, waddi kəm mba nda mbang bəlang hai wa.’” 49 “Kala niifa na nda a tsabang nda dā tə waarha kəla na nda tsabang sataka dā tə fəsa.” 50 “Fəsa nəghən ngga, amma a tər mbəndəghən dā, təma nəm

nggər nggərang ba? Naama tə fəsa fa, tə kəm naama dədəm tə ndan,”

10 Tərga malgha Yeeseo Kafarnahum, dāgha chehweed Yahuda dā tə pəm kufad Urdun. Nggərgəgha fiya naarha wumnda thləmadghən ba, tsahanggən kanda ha kəla nən tə ənaarha. 2 Bağha fīngya Farisaya ba na mindan sə a dəfang takthleera nda. Tsahang mee nda ha, ndang ngganda, “Pəranggən kan, ahu ngyahad nəm məməlīni a kalgha niifa nukkun hai?” 3 Tsahangga Yeeseo mee kanda, “Ndagha deleewar Musa kən?” 4 Ndang ngganda, “Ndagha deleewar Musa a chirethlengga niifa deleewar nən nukkun sə kalghənən hai.” 5 Amma nggərangga Yeeseo kanda sə, ndəghən, “Ka kakrakid tennun ni ndangna Musa kun kee. 6 Amma a katəra əna kəshiirha, ‘Faara ənadə həshneefa tə nuneefa.’ 7 Ndən ənagha ndən na niifa mal chin tə man thləthləbānggən nukkun fa, 8 səri di nanda tsau thlu farha tal. Balwanda səri balwa, amma tsau nda tal. 9 Tsaunən kee mbə niifa sə na ndəghang ‘ya hai wumangna Faara wa.’ 10 Wudnanda hur minda hai, nggərgəgha fətsahayini tsahang mee Yeeseo aten labardiya. 11 Ndanggən kanda, “Kala niifa kalgha nukkun hai kakhka pak ənanən kulafayirha aten nudi. 12 Nəghən kee kəm, kala nuneefa ndəkka hai tə chimadghən, nggərgəghən kakh chimarha pak ənanən kulafayirha.” 13 Na fardəsə bağha fiya ba tə wanggindan ka a dəfangga Yeeseo parka kanda teena, amma fətsahayighən na nda a yanang kanda. 14 Amma nana Yeeseo əndi na nda a ənaarha, səbgha hurghən dā ndanggən kanda, “Malaman wundakhnaya na nggun-ngguchit ba nda thləmanna ba, a yanang dūn kanda wa. Kəsər Kutəryid Faara yi tur ndanni. 15 Niya pərang kəkafek kun, kala niifa thluwawa kutəryid Faara kəla na wundakhnee ngguchit ənaarha wa mbə tam kyaarha sadə wa.” 16 Tərga təranggən wanggini a fad pəniyighən sə dəfang haara nən kanda teena fərang parka nən kanda. 17 Thliina Yeeseo wiirha, dāgha niifa thləmadghən ba bərgəgha hai tə wadəghən a mbedghən ndanggən, “Ka təmaləmnanda, ma kamngga tətə a ənee təni wal yibrha mbuwa ngwalarha?” (aiōnios g166) 18 Ndangga Yeeseo, “Mani na aah nggi ka niifa? Mbə ka niifa sə wa kəl Faara katenggən. 19 Sənnə ‘ya ndaana ngyakhrha, ‘A bəlna farha wa, a ənanna kulafayirha wa, a ngaarna wa, a nggaabangna

niifa fa ka wa, a huk na farha wa, fərang Yahaya wangya Dzabadi, 6a nda thləmadghən 6a mamnggirha nda muwa tə tsu.” 20 Ndangga ndang ngganda, “Mala, na minnan sə a dāngga niifdi Yeeseo, “Mala, ka nggi ngguchit lafdi kansə.” 36 Tsaḡang mee nən kanda, “Mana ngyakhkini ya.” 21 Kəlangga Yeeseo niifdi tə yid minnun a ənanggi kun?” 37 Nggərangganda sə, nggəmənda ndanggən, “Taho 'yaha tal kamngga “A dəd na hu tsənggam kutəryidwa də ngwa a ənana, duwadə dā heng ənggiwa də heu nana tsauka tal ahur nan a yisəmadwa tal kəm a təghən ha fərang wudəbəlghəna fa yamiiya, na yikawadwa.” 38 Nggərangga Yeeseo kanda sə wal mbəd dəfədghən a talara. Tərgħa a 6ana ndəghən, “Sənggun 'ya nun a hwanda wal 6a, 6a mbu samadna.” 22 A mbədiya səbgha Nun mbang saarha tə wuhuleudi niya saarha hur niifdādə, wiigha tə hurghən səsəbā də sə wa nduwa ənang mbaptisəma nda kun tə kəsər tə kənani kaan. 23 Kyahargħa Yeeseo hai tur mbaptisəma əneena nda wa?” 39 Ndang kəlagħa də, ndanggən fətsahayighən, “Nəghən ngganda, “Ha'i, nan a mbang nda.” Ndanggə pədaghən a kyagħa tə kəna ahu kutəryid Faara Yeeseo kanda, “Nun a mbang saarha tə wuhuleu dəl” 24 Səknā Fətsahayini pathdi kee fərang sanna tə kəm ənang mbaptisəma nda kun tə tur mbaptisəma əneena nda, 40 amma tsaurħa a ənwulteena nən kanda. Amma nggərgħa Yeeseo yisəmadna tə yikawadna mbə nggini fərgħən wa. ndang kanda, “Wənggina, nəghən pədaghən Mbəyini ya yi fingya ni ngwagħa fa.” 41 Tahad kaan, na a kyagħa niifa hu kutəryid Faara də. 25 fingya kum səknanda kee, səbgha hurndan də Nəghən pəpā a kyagħa thləkhmu də tə kwad aten nda Yakubu tə Yahaya. 42 Nanən kee, libra ma tə kəna kyagħa hu kutəryid Faara aagħa Yeeseo kanda 6a heu ndəghən, “Səndunsə dəl” 26 Nggərgħa pathdi chighang ənwulteena fingya tsauka kutərya fiya hu kəshiddiya mbuwa fətsahayini na nda a tsahang mee ndan ha, Yahudaya sənna nda kanda tə kutəryirħa, fingya “Anadə kee wunni a wal hərəkrħa?” 27 Kəlangga mamngya kəm kanda ni tə səsəmənda ha heu Yeeseo kanda də ndəghən, “Niifa tə wasa in aten fingya na a kamu ndan. 43 Amma ahur nun nəghən pədaghən, amma mbə tə Faara wa, nən a tsaurħa pak. Kala niifa na midghən tsauka kəsər əngya heu nəghən pəpā a fad Faara.” 28 ndəghənmi mamnda tətā ni tsauka kəla mafad Tərgħa ndangga Mbiturus, “Malang dən əngya nun. 44 Kala niifa na midghən a nagħa a mbee, heu mbudan samadwa.” 29 Nggərangga Yeeseo tətani a tsauka mafad kowunni. 45 Ko nggini sə, “Niya pərang kəkafek kun, mbə niifa sə na Wan Niifa, 6awi 6a mbə ka a ənee taara nda malangga wurighən nduwa wan manggighən wa, amma ka ənang taara ni fingya tə kəm fəring həshya nduwa wan manggighən nishya nduwa yibəd nani a meyed fiya hangga.” 46 Tərgħa 6a man nduwa chin nduwa wanggighən nduwa nda Djeriko 6a. Nana Yeeseo tə fətsahayighən heeyighən ka nggi tə labar Faara 30 na kədəng heu tə fiya na a mbusamad ndan a kyarħa sə wal kənaghən katara haru aten, wuraya, wan ahur taldi, na kwamarħa sə tsau a mii kwamana mangya həshya, wan mangya nishya, mangya, a hwanda thləmnggənni Mbartimawus wan waya tə kaari-tə səsəaya. A hu kəshiirħa na 6ayi Timawus. 47 Səknən ndaarħa Yeeseo tə Nadzarat na nda a wal yibrħa mbuwa ngwalarħa. (aiōn ni na a mbərədə, katəranggən huhwaarħa hai, g165, aiōnios g166) 31 Amma fingya 'wagħa kanda “Yeeseo! Wan Ndauda! A hadoyi fa!” 48 Fiya ni a nggəl mee, fingya nggəlgha mee kanda hangga njargħənda, ndang ngganda, “Nggasu ni a 'waarħa.” 32 Kanda hu kwaman dərħa hai.” 49 Səknā Yeeseo ndən, ishgha hai ndəghən, Urshalima də, Yeeseo a mbee, fətsahayighən “Ndaman a 6agħa 6a.” Aaghən nda, ndang a na ənwulteena, fiya na a mbusamad ndan ngganda, “No wutsəfayirħa fa, thliusə nəghən kəm kəsgha hərəenga kanda. Nggərgħən dərħa a aah sa.” 50 Tərgħa kwamaddi pərgħa sə, tə fətsahayighən man patu də pərang 'ya nən muwanggən kootodghən də, dəgha thləmad kanda dəgha katərarħa hai təghən. 33 Ndanggən Yeeseo də. 51 Tsaḡangga Yeeseo mee, “Mana dənəmə Urshalima də, dənā nda fərgħa tə famaləmngha tə fətsahayighən man patu də pərang 'ya nən midwa a ənoyi?” Ndangga kwamaddi, “Mala, na ngyakhrħa. Na nda a ngwang kumad mərħa minnasə a namanani hai.” 52 Ndangga Yeeseo, fəranggənda fingya mbuwa Yahudaya. 34 Na nda “Duwadə, fərkəkafekkid wa kənədə.” Tsu a waaghən, chahang yakhrħa nda fa, tsədaghən mbədi kee na mana nən hai mbusamad Yeeseo nda, 6əlangganda. A kwasamad beena mahan nən. nən. 35 Tərgħa nda Yakubu tə

11 Takhna Yeeso tē fatsuahayighēn a ndusang Urshalima fa, 6a nda Mbetafaji 6a tē Mbetani na a Wumngya Dəfya Dzaitun, thlangga Yeeso səri ahur fatsuahayighēn a 'wa nda mbeedə. 2 Ndanggən kanda, “Daama ahu talda də na a mbennun taarha, a kyadun sahai, nun a na wan kwaara kəkəna hai 'wawana nanda tēraa. Kwasaman hai, 6on 6a tēghən. 3 A tsahang niifa mee kun, 'kama nun a ənaarha kee?’ ndaman, ‘Chinəm nadagha na midghənsə nən a wudang 6a wed.’” 4 Dəgha fatsuahayina də 6a nda wal wan kwardi a mii kwamana, kəkəna hai a kwatkirma. Na nanda a kwasang hai, 5 nafiya na kəkət a mbədi tsahang mee nda kanda, “Ma nun a ənaarha, kama nun a kwasang wan kwarda hai?” 6 Pər ənda nda thləghangna Yeeso kanda, malangga nafini kanda. 7 Bang wan kwarda nda Yeeso 6a muwangganda parkoyindan a kəsərgən sə. 8 Fiya hangga lələbāngganda kootoyindan hai ahu kwamana, fingingya kyath shiyya nda 6a lələbāngganda hai. 9 Nagha fiya na a samadghən tē yi mbedghən ahuhwaarha, “Falama Faara! Tə parkani niifdi 6agha 6a ahu thləm Chinəm! 10 Parkani kutəryiddi na 6ayi yi chichit nəm Ndauda. Falama Faara na a talara!” 11 Dəna Yeeso Urshalima də kyagha ahu Kən hwan Faara də. Kəlanggən mbəya heu, amma tsaunən hēm yanfaara hai, kyagha sə tē fatsuahayighən dēnda Mbetani də. 12 Dathna mbərha hai na nanda a mal Mbetani, nagha miirha a kəs Yeeso. 13 Kəla nən də na dəf shiifarha nən də tē shee fa, dəgha kamughən də kəlanggən tənən wal wanggən. Nduasang nən fa, mbə 'yasə wal nən a uradghən wa kəl shiyya, kəsər shifidghənni wa. 14 Tərgəha ndanggən dəfəddi, “A nggər niifa kii dəfəd wa 6alwa pakwandə.” Səkkə fatsuahayighən 'ya ndanən. (aiōn g165) 15 Səlna Yeeso tē fatsuahayighən a Urshalima də, kyagha a pəpal Kən Faara də kətəranggən rəghang nda nafiya də na a əna shafili a mbədi. Chaggəlanggən tēbərya fa mbeded wudə6əla tē kulohod fa heng kataprakkyā, 16 mbə malang niifa mbərgha də tē ən shafili tē pəpal Kən Faara wa. 17 Tsahanggən kanda ha ndəghən, “Nəghən chichirethlee hai ahu deleewar Faara tē ndaarha, “Kənnə nəm aaghən Kən Faara yi fiya heu.’ Amma tsawanggun mbəd 6əbed ngaarya.” 18 Mamnda firistaya tē famaləmmngya ngyakhrha sək nanda əndi kətəragha hai kətərang ngganda kada kwamana hai na a 6əlangganda. Amma kanda a tərəmmnggən, kəsər fiya heu tsahadghən ha nəghən a fərang ənwulteena kanda. 19 Tsəna figrha hai, Yeeso tē fatsuahayighən kya nda sə a wupəri di. 20 A tsar, na nanda a wiirha, na shi6adda nda hwardadə tē thlaryighən. 21 Dəlgəhəna Mbiturus ndən in ndanggən Yeeso, “Mala! Kulodə! Dəfəd shi6addi shiwangna na!” 22 Tərgəha ndangga Yeeso fatsuahayini, “Fərama kəkafek a Faara. 23 Niya pərang kəkafek kun, a ndang niifa wumndədi ya, “Dəwadə, də muwang fadwa a wuri aama də,’ a ngəal wa ahurghən wa amma fərdə kəkafek tē ndaarha 'ya thləknən nən a kətərarha hai, nanda a ənanggən. 24 Tsaunən kee niya ndang nda kun, kala 'ya na minnun a hwanang dūn Faara, tē kəkafekkirha, nun a walghən. 25 A nadun a hwan Faara, 'waama teena chahang dimiyid ndan nun fingingya də ənangga dimiyirha kun fa, tənə yinun Chiina na a talara chahang dimiyid nun kun də. 26 Amma a chakhkun dimiyirha wa, mbə yinun Chiina na a talara a chahang dimiyid nun kun də wa.” 27 Nggərna Yeeso 6aarha Urshalima 6a, ndəghən a wiirha hai a pəpal Kən Faara, Mamnda firistaya, famaləmmngya ngyakhrha tē shingya 6aa nda thləmadghən 6a. 28 Tsahang mee nda, “Tə tur yanggi ngyahadyi na əna əngginiya, wun furowa kwaman əna əndi?” 29 Nggəmanngga Yeeso kanda, “Niya tsahang mee kun ha tal. A nggəreedun sə, niya pəranggən kun tē wun fəreegha kwamana niya əna əngginiya. 30 Wun fərangga kwamana Yahaya əna mbaptisəma nən? Faara fərangga wa, nduwa fiya wa? Pəreəmadghən!” 31 Tərgəha thliigha ngəala sə a pathlang ndan, ndaa nda, “A ndaa dēm, ‘a talara ni hai,’ nən a tsakh mee, ‘Kama fərangwa nun kəkafek?’ 32 A ndaa dēm, Fiya fərangga.” Na nda a tərəm fiya, kəsər sən fiya sə Yahaya annabini. 33 Ndag ngganda Yeeso, “Səngwan wa.” Ndagga Yeeso kanda, “Nggi kəm mbi pəranggən kun tē wunni fəreegha ngyakhrha niya əna əngginiya wa.”

12 Kətərangga Yeeso labara hai tē karapuya, ndəghən, “Na niifa sə ənagha hed wan dəfya, kanggən raa mbəd 'yada wan dəfyina nən tē kəm tən mbəd kəla hedda nən dangkam. Dzəmanngənən fahudaya ha dəgha hu chehweerha də inggun.” 2 Tsəna shifirha hai thlən mafadghən nən thləmad nafina də nzəmmngga heddi a ənang wan dəfyina nda ha. 3 Amma nafini nzəmmngga heddi dəghangganda

mafadda dā wudangganda ko 'ya a harghən. 4 Nggərgħən thlənang mafarha kanda dā, dākkən nda atenggən fərang shilee nda. 5 Yi mafarha nggərnən thlənada dā bəlangganda. Dəgha mbeedə tə thlən mafayighən dā fīngya dək kanda nda, fīngya bəlangganda kanda. 6 “Tahanggən ha tal nən a thlənada, wanggən nggəmnən kaan. Thlənanggən wanggən a thləmad ndan dā, ahu numadghən, “Dəna nda fərang mamnggirha waana.” 7 “Amma ndangga fahudayini ndan, ‘Kulo tə har langad heddi bayiya, tama bəlanggəm tənə heddi tsaurha yinəm ya!’ 8 Nanən kee, kəsangganda wan dā bəlangganda muwangganda kəshaadə ma heddi.” 9 Tsahangga Yeeso mee kanda, “Ma kamngga a ənagha tə heddi? Nən a bərhəbā bəlanggən nafina dā dzəmngga heddi fərang hedda nən nafiya pak. 10 ‘Wawun karatang əndiya ahu deleewar Faara wa? ‘Feera karna fa təngya ndən tsauka fer sar kənna. 11 Əndə ənana Faara ya, Nadghən ənwulteena ni.” 12 Tərgħa kadā kwamana nda na a kəsangganda kəsər səndasə a tendan ni ənənən karapudiya. Amma kanda a tərəm fiya; nanən kee malangganda wii fayindan nda. 13 Kanda sə, thlən Farisaya nda tə nafiya Hirdus a thləmad Yeeso dā a dəfang takthleera nda tə pathya tənə nda kəsang nda tə pathla dīmi. 14 Baa nda thləmadghən bə ndang ngganda, “Mala, səndənsə ka niifa ni sa, Sa mba wurahasə wa fiya heu yiwa ni, Sa na thlək kəkafek. Kamdə ateng tsamnda nan Kaisar wa nduwa awo? 15 A ten wa nduwa awo?” Amma Yeeso səndə thlərbuyindan, ndanggən kanda, “Kama nda nun a dəfee takthleera? Fəree ma pene dā bə kəlanggi.” 16 Bang pene dā nda bə, tsahang mee nən kanda, “Shishing nda wunni tə thləm wunni atenggən?” Ndang ngganda, “Yi Kaisar ni.” 17 Tərgħa ndangga Yeeso kanda, “Fəraman 'ya Kaisar tsauka yi Kaisar, a Faara tsauka yi Faara.” Ənə ənwulteena nda təghən. 18 Tərgħa Sadukiyaya bə nda thləmad Yeeso bə kanda ndagħa mbə thliirha sə hu mərə wa tə tsakhmee, 19 ndang ngganda, “Mala, chireethleng Musa ndən kan hai tə ndaarha a mər wan man niifa mal nuneefa nən hai amma kula wundakhnaya, tətani a kahangga wan man nuu mərđi ka a nggəfang waya nən wan mansə. 20 Nanənya na wan mangya sə məd. Təpamənda kahanggən mərgha kula nggət wundakhnaya. 21 Yi səri kahanggən nu mərđi, amma mərgha kula mal wee hai. Nəghən kee kəm tə yi mahan. 22 Kanda heu məd kahang nda nudi mərə nda kula kanda mal wundakhnaya hai. A kwasamadghən nudi kəm mərgha. 23 Nanənya, ahu thliirha sə hu mərə na nudi tsaurha yi wun, tsəunən nafini məd kahang nda?” 24 Nggərangga Yeeso kanda sə, ndəghən, “Numad nun mbə məməl wa kəsər sənggun Laḃar Faara na chichireethlee hai tə səsəmda Mamnggitghən wa. 25 A far thliirha sə hu mərə, na nda tsaurha kəla fathləngya Faara mba nda kakhrrha wa. 26 Nanənya aten thlid mərəya sə, a deleewar Musa, karatanggun laḃar nji waarha na a kaheerha ndangna Faara, ‘Nggini Faara yi Ibrahim, tə Ishaku tə kəm Yakubu’ wa? 27 Ndəghənggi mbə Faarani yi mərəya wa, amma yi fa yibya ni, kun saḃaddun kaan!” 28 Niifa tal ahur famaləmnəya deleewar Musa ḃagħa bə ḃagħa wal kanda a ngaala. Kələnən hai nggərang Yeeso kanda sə məməl, tsahang mee nən Yeeso, “A hu ngyakhkya heu, yanggini manggən?” 29 Ndangga Yeeso, “Yandī na manggən nəghən kiya, ‘Səghamadghən, kun Isəreela! Chinəm Faarnəm ndəghənni Chinəm katenggən. 30 Nggəmu Chinəm Faarwa, tə hurwa heu, tə yibədwa heu tə huten wa heu, tə kanglanggid wa heu.’ 31 Yi na a takkwaghən ndənə, ‘Nggəmu tuladwa kəla altenwa.’ Mbə ngyakhrha sə kalgha finayiniya wa.” 32 Təmaləmda deleewar Musa dī ndanggən Yeeso, “Mala, thləknən məməl. Thləkna kəkafek ndana Faara tətəl mbusə pak wa. 33 Na a nggəmnənggə nəm, tə hurnəm heu, yibəd nəm heu, tə kanglanggid nəm heu, tə kəm nggəmu tuladwa kəla altenwa ndənə manggən na nji satakh māḃiya tə fīngya satakhkya.” 34 Nana Yeeso kamshiidi nggərang dā sə ngga tə ndədəlyirha ndanggən, “Mbaa inggun tə kutəryid Faara wa.” A mbədi kee nggərwa niifa tsahang mee ḃalwa. 35 Nana Yeeso a tsaharhaha a pəpal Kən Faara, tsakh mee nən, ndəghən, “Mani na famaləmnəya ngyakhrha ndaarha Kərəsti wan Ndauda ni? 36 Ndauda tafadghən, nanən lələgdā tə Səsənə tə Pedənda ndəghən, “Chinəm ndanggən Yina China, Tsawu a yisəmanna kəl a tsawangdi fa tsanggiwa, a kamu saryiwa.” 37 “Ndauda tafadghən aaghən ndən, ‘Chinəm.’ Kəkən nən tsaurha wanggən?” Fiya wumngga hai na nda a kang thləmarha fa tə wutsəfayirha. 38 A hu tsahadghən ha, ndəghən, “Kwarama tə famaləngya ngyakhrha. Kanda na mindənsə kal kabaya fa ana nda a wiirha hai a yid fiya tə kəm anagħa fiya a

ndang'ya kanda ahu kasu. **39** Na nda naarha wur mbəd tsaukyā na nggāngga a kəngya tsahad Yahudaya tə mbəd mbənafa. **40** Na nda naarha huk nu mərya ahu wurayindan. Na nda djib hwan Faara tənā fiya ndaarha ka nafiya ni kanda. Tur nafiniya na Faara səsang kanda kaan ma fīngya.” **41** Tərgħa Yeeso tsauka tsau tə mbədi na panjakwadda sə nagħa a kəlang kanda a Kən Faara. Fa kənaya hangga fər nda wudəbəlyā manggən. **42** Tərgħa bağħa nu mərri ba tə yamirħa fər yighən nən anini səri. **43** Aah fətsahayighən nən thləmadghən ba, ndanggən kanda, “Niya pərang kəkafek kun, fərrədi kii nu mərđiya kaldə yi fiya heu. **44** Nafini na heu ya fərghanda ahu hangnda 'ya na nanda təghən ha, amma ndəghən nggi ahu yamidghən fərdə 'ya na a harghən heu.”

13 Na Yeeso a kyarħa sə ahu Kən Faara, tal ahur fətsahayighən ndanggən, “Mala! Kəlang feryini na məmanggən sakhđang nanda tənggina sə ya! Tur təngginiya ənwulteena ni!” **2** Ndangga Yeeso, “Nanna tənggini na nggəngga ya? Nanda a chaggənlang kanda hai, mbə feera sə nanda a malang aten shadghən wa.” **3** Nana Yeeso tsau a mbəd dəfya Dzaitun kang hura nən Kən Faara fa, Nda Mbiturus, tə Yakubu, tə Yahaya tə Andərawus tsahang mee nda Yeeso ha bəbēe, ndang ngganda, **4** “Akwan na ənggini a katərarħa hai ya? Mani ən sakhrəghən na a kyat ləghəttəghən nən?” **5** Ndangga Yeeso kanda, “Kwarama nadə niifa sakhđang kun. **6** Fiya hangga na a bərħa ba hu thləmna, na nda a ndaarħa kanda ni 'nggi,' naa nda a sakhđang fiya hangga. **7** A səkdun yangya tə fiya a tsə labar yangya, a tərəm dun wa. Tsaudə tətani a katəragħa hai, amma mii ngwaladghən bəldə 'wan. **8** Na chehweeya yanda tə ndan, kutərya kəm na nda yanda tə ndan. Na chehweerħa a rəpħa fa a mbəya hangga, tə miirħa. Əngginiya katəra səsarħa ni 'wan.” **9** Amma kwarama. Kəsər na nda a dərħa tə kun mbed mamngya də na ahu kəngya tsahad Yahudaya tsadə kun nda, tə kəm muwangganda kun ahu porsəna də. Nanda a dərħa tə kun a mbed ngwamnaya də tə kutərya ka thləmna. Əndaniya na fərang kwamana kun pər kəkafek nun atenna. **10** Labardi na mbənggən ya tətani pərghənda hu kəshiirħa də heu. **11** Amma a kəsang nda kun a billadun tə 'ya nun a thləkrħa ka a hərghanggun fannun wa. Thləghaama əndi

ndangna Faara kun kee, kəsər mbə kunni na a kaala sə wa, amma Səsəna tə Pəđənda ni. **12** “Na wan maana a fər wan man bəlangganda, chiina kəm nən a fər wanggən. Wundakhnaya na nda a thləng chinggindan fa ka a bəlangganda kanda. **13** Na fiya heu a kar kun kəsər ka nggi, amma kala niifa kərəsgha tə mii ngwalarħa də nən a hərəkrħa.” **14** “Na sayi bəyi bənun naa ‘Ən tsangya na bərħa ba tə ndəkrħa hai’ kət a mbərħa kamngwa wa. Tərgħa fīngya na a Yahudiya a dərħa wumngya sə. **15** Niifa na aten kənna mbə tərā hai kyagħa kəndə ka a ngwagħa fa wa.” **16** Niifa na a hee a wuddə ndaagħa dənən tərang kootodghən wa. **17** Kawa ma nishya na ahur tə fīngya na tə waaya kəsər a faryiniya! **18** Hwanama Faara a katəra də hai ahu mbiirħa wa. **19** Kəsər na səsarħa a naarħa sə kaan 'wawanda ənarħa, ka ənana Faara kəshiirħa tə hu sayiddə ba ya. Tə kəm mba nda nggər əna turghən wa. **20** A mbənana Faara thləng bəngginiya wa, mbə niifa sə na takħ tə yibrħa wa. Amma kəsər ka nafiyighən na wuwura, ndən tsang nən bənggini hwas. **21** “A sayiddiya a ndon niifa, ‘Kulo Kərəsti ya,’ nduwa ‘Kulo ndəghən taarħa,’ a kangna thləmaarħa fa wa. **22** Kəsər na fa nggabəya Kərəsti sə tə yi annabiya na a thliirħa sə əna ənwuteengya nda ka a sakhđang ngganda fiya heu tə fīngya na wuwura yi Faara, a nadə a kya naarħa sə. **23** Nanən kee, kwarama kəsər 'wadi teena pərangdi ndən kun.” **24** “A akwasamad səsadđi, “Na yanfaara a tsaurħa wulghən, ndəree kəm mbəgha njaara hai wa. **25** Na wufəlgəaryā a mukrħa hai a fərakh amshi, əngya na məmanggən a talara na nda a tsə'yafa.” **26** “A fardi na fiya a naa Wan Niifa bəyi ahu hashbē tə səsəmda tə mamnggitghən. **27** Nən a thlən fathlənggighən də də nda wumang nafighən ba wurnən ahu kəshiirħa heu.” **28** “Walama tsaharħaha aten dəf shibəarħa. A nadun ndən a tsətsəttə, səndun sə nduwus fəgrħa ba. **29** Ko nanən kee, a nadun a naa əngginiya a katərarħa hai, səndunsə nduwus də ba tsau a mii kwatmində. **30** Niya pərang kəkafek kun, nafiya kəshiid weeriya mba nda a mərə wa kəl katərana ənggina hai ya. **31** Nda talara tə hweede na nda ngwalarħa hai, amma labarna mbə tam ngwalarħa wa. **32** “Mbə niifa sə na a sən fardi nduwa sayiddi na ənggini a katərarħa hai ya wa, ko fathləngya na a talara, nduwa Wandī, kəl chindi kee ndən səngga ndən. **33** Kwarama! A sənunsə sənggun

bad sayidda ba wa. **34** Nəghən kəla niifa na a wiirha, mal wurighənən ahar mafayighən, kowunni tə yighən taara fərang nən, ndanggən tə kəla kwatkirma ha a shiiddə wa. **35** Tsaunən kee, a shiiddun wa kəsər sənggun fardī na tə wuridī a bārha ba wa, tə a figrha, nduwa a manad fədikrha, nduwa ka tətad diyarha, nduwa a tsar. **36** A bāda ba huhwam ba wa wal kun a shiirha wa. **37** Əndi pərang ni kun ya, pəranggi ndən kowunni kee, 'A shiiddun wa!'"

14 Takhkən beena səri a əna wutsəfayidda nda yi mburodi kula mekhna, mamnda firistaya tə famaləmgnya ngyakhrha kanda a kada kwaman kəsang nda Yeeso bəbee ka a bəlangganda. **2** Amma ndaa nda, "Mbə a far wutsəfayiddiya wa, nadə fiya har kəm yanda." **3** Nana Yeeso a Mbetani a həb ənnarhami a minda ki niifa na nda aarha Siman na tə wanhad termeerha fa, kyagha nuneefa ba tə kəthlikrha urdi na tə wudəbəla fa kaan, mbalanggən mii kəthlikrədədə iranggən fədeddi aten Yeeso hai. **4** Fingya nanda a həb ənnarhami a mbərha tal tə Yeeso səbgha hur ndan də ndaa nda, "Kama səbang nən fədedda də na ngga kee ya? **5** Andam heng dadə nən kal wudəbəl rapathlaarha yi hurarha tal, fərang nggənən fa yamiya." Tərgha yanangganda kaan. **6** Amma ndangga Yeeso kanda, "Malaman lee, kama nun a billaghən ka ənənən 'ya na ngga a nggi? **7** Na fa yamiya sə hangga ahur nun, kala faara nggəmna hur nun fəraman kanda. Amma mbə kakwanni nun naarha na nggi wa. **8** Ənadə 'ya nən a mbang nda. 'Wa nən iree fədedda fa ya ka yi panna. **9** Niya pərang kəkafek kun, kalla mbərha pər nda labar Faara saadə ahu kəshiddiya, 'ya ənənən na nda a pərgənən də kəm, ka a dalgənda teena." **10** Tərgha Yahuda Iskaryoti tal ahur kumkap səri di, dəgha thləmad mamnda firistaya də ka a fər Yeeso nən a kanda. **11** Təkka mamnda firistayini mbənda fa sək nən 'ya bəngga ba nggəma nda fa a fərang wudəbəla nda. Kəla sayi nən fa tə mbərha nən a fərang Yeeso kanda. **12** A katəra far Wutsəfayiddi yi Mburodi kula Mekhna, fardani na nda əna sataka tə wan kamnda yi Tədaarha. Tsahangga fatsahayighən mee, "A yanggi na midwa dan nggorha fa dənə həb ənnadmid wutsəfayid tədaarha sə?" **13** Tərgha thləngga Yeeso səri ahur fatsahayighən ndanggən kanda, "Daama hur wupəri də, bəna niifa wal kun tsəb tə tsuliina ha, mbuwa ma samadghən." **14**

Ndaman tə wuridī kyanən sa hai, "Təmaləmnnda ni tsakhka mee, 'Na kən rongya a yanggi, niya həb ənnadmid Tədaarha sə tə fatsahayina?" **15** Nən a kyadang kənna kun na manggən, na tə mbəd tsaukyə sə hangga. Ngwaman kəm fa a mbədi." **16** Wiigha fatsahayini a wupəri dadə, də nda walghən kəla thləghang na Yeeso kanda. Ngwa nda fa tə ənnadmid tədaddi a mbədi. **17** Tsəna figrha hai, səlgha Yeeso ba tə kumkap səri di. **18** Tsəna nda hai kanda a həb ənnarhami, ndangga Yeeso kanda, "Niya pərang kəkafek kun, tal ahur nun nən a fər nggi, yandi nani a həbrha təghən." **19** Kanda heu səbgha hur ndan də na nda a ndang nda tətəl tətəl, "Mbə nggini wa, nduwa nggini wa?" **20** Ndagngən kanda, "A hur nun ni kun na kumkap səridi ya, yandi na harnan tal hu dengnda. **21** Na Wan Niifa a wiirha kəla chireethleng nanda hai atənggən. Amma ən kawa ni a niifdi fərgəha ndən! A fadghən a nggushi nggət wa na ndan." **22** Na nanda a həb ənnarhami, tərangga Yeeso mburodi sə hwan parkad Faara nən atənggən, kyanggən hai fəranggənən fatsahayighən də, ndəghən, "Thləmadghən; thlu fanna niya." **23** Təranggən wuhuleu aam inabi sə usa Faara nən, fəranggənən kanda də, sangganda. **24** Ndagngə Yeeso kanda, "Farna niya irang nanda də ka fiya hang. Fara lədagngə dəfmi Faara. **25** Niya pərang kəkafek kun, mbiya nggər sa aam inabi bəlwə, kəl ahu kutəryid Faara ndən bəni sa weerindəghən." **26** Ngwala nanda aah amshe, kya nda sə dənda wumnda dəfya Dzaitun sə. **27** Ndagngə Yeeso fatsahayighən, "Kun heu nun a kar nggi fa, kəsər nəghən chichireethlee hai tə ndaarha; "Niya dək tə lafaddi, na chaukhrayini a weela hai." **28** Amma a kwasamaddi thliini sə hu mərə, niya 'waarha Nggalili də ma kun." **29** Ndaagha Mbiturus, "Ka kar nanda sa fa heu, nggi kam mbi naarha wa." **30** Ndagngə Yeeso, "Mbiturus, niya puro kəkafek, a fədik weeriya kapa na kilngaara tətəarha səri, na ngaal səndəna katəra mahan." **31** Amma Mbiturus dəgha mbeedə tə ndaarha, "Ko nəm a mərə kəm kyab, mbi tam ngaal sənduwa wa." Fingya fatsahaya heu ndaa nda kee kəm. **32** Dənda mbərha də na nda aarha Nggetsəmani, ndangga Yeeso fatsahayighən, "Tsawama a mbədiya dani ka hwan Faara də." **33** Təranggən Mbiturus, tə Yakubu tə Yahaya nagha tə billaarha tə səbrha hura kaan. **34** Ndagngən kanda, "Səb hurna də kəla ni mərə. Tsawama a mbədiya a shiiddun

wa.” 35 Nduwusgha mbeedā, bērgħa hweedā hai hwan faara a nadā a ānaarha hai a ndēkka hai tē sāsaddiya. 36 Ndagħa, “Pēpa, āngya heu nēghān pēppa a fadwa. A nggēmna fa tēree sāsaddādā ya. Mbē nggēmnda hurna wa, amma ‘ya nggēmna hurwa ndāna mēmāl.” 37 Tērgħa wudgha thlēmād fatsahayighān bā, bāgha wal kanda a shiirha. Ndagngān Mbiturus, “Mbiturus, nun a shiirha? Mbun mbang tsaurha tsōbaku a kēlaarha wa? 38 A shiūdun wa, hwanama Faara amanun mukrha hu kēkērra hai. Minnun sē ānaarha, amma thlu fannun mōrda hai.” 39 Tērgħa Yeeso mal kanda dāgha ka hwan Faara dā, nggērgħān thlērha kēla ‘wanān hwanda. 40 Nggērgħān wutta thlēmāndan bā bāgha wal kanda a shiirha fadān, kēsēr ngwalang bēena fandan. Sēngwanda āndī na nda thlēghang nda wa. 41 Wud nān bā yi mahan, ndangngān kanda, “Bal wun a shiirha tē yibrha? Tsēkdā kee! Bad sayidda bā. Fēr nda Wan Niifa ahar fa dīmiya hai. 42 Thleema sē! Taama wiim! Kulo tē fērrēna bāyi ya!” 43 Nana Yeeso aten ndikrha kee, kēlagħa hai ka Yahuda, tal na ahur fatsahayighān kumkap sēri dī kyagħa bā tē fiya hangga a samadghān ngwanda fa tē thlakh kēlarya tē sēsalya. Thlēnna mamnda firistaya kanda, tē famalēmngya ngyakhrha tē shingya. 44 ‘Wad Yahuda teena sagħang dā ndān kanda tē ndaarha, “Yāndī ndang ni ‘ya tē fēbrha, niifdā ni; kēsāaman win tēghān kēlagħānun ha ngga.” 45 ‘Bana Yahuda thlēmād Yeeso bā aaghānān, ‘Mala!’ Fēbāngān. 46 Tērgħa kēsāangganda Yeeso, kēsghānda ha ngga. 47 Amma niifa tal kēdāngngān thlaukh kēlagħān sē kyathlangngān thlēmād mafad mamnda firistaya dā. 48 Ndagnga Yeeso kanda, “Tērwun nggi niifa ni na tēmbāng, nun bāarha bā tē thlaukh kēlarya tē sēsalya ka a kēsēewun wa? 49 Kēsār nggi a thlēmād nun, nggi a tsaharhaha a pēpal Wuri Faara, kēsēewun wa. Amma katēra nān hai kee ka a lēghādgha ‘ya ndaana dēleewar Faara.” 50 Tērgħa fatsahayighān kowunni kēl daarha mal Yeeso nda. 51 Na wundālarha sē tal ahur nafiya na a mbu samad Yeeso, mbē lukrha sē a fadghān wa kēl kooto kee ndān kaunān fa. ‘Bana nafini ka kēsang Yeeso bā, 52 muwangngān kootoddā dā na a fadghān dāagħa tawalth. 53 Dēnda tē Yeeso a minda ki mamnda firistaya dā, a mbēdāni wumna fīngya mamngya firistaya sē, tē shingya, tē famalēmngya ngyakhrha. 54 Mbuwa Mbiturus samad ndan dā a samarha inggun ta pēpal

minda ki mamnda firistayina dā. Tsauka hai a thlēma fa kēlaya ha nagħa a tēk waarha fa. 55 Mamnda firistayini tē fīngya wumngga hai na nda a kada kwamana na a kēsāngganda Yeeso tē ‘ya na dīmi, tēna nda bēlang nda, amma wal wanda wa. 56 Nggabāngga fīngya fa tē pathya hangga, amma bāwa mii ndan bā tal wa. 57 Tērgħa thliigha fīngya sē pēr labārya nda yi nggabāarha ndaa nda, 58 “Sēk dān fadghān ndāghān, ‘Niya chang Kēn Faara hai tēnna fiya, tēngga pak ahu bēena mahan, mbē niifa ni a tēnggān wa.”” 59 Ko nanān kee tērwa path ndan kwamana wa. 60 Tērgħa mamnda firistayini thliigha sē a mbēd fiya tsahang mee nān Yeeso, “Mba mbang nggēra sē wa? Ma na ndaarha aten pathdī thlākna nafini aten wa ya?” 61 Amma nggasgha Yeeso tip, nggērwa sē wa. Nggērgħa mamnda firisyini tsahang mee, “Nduwa sani Kērēsti, Wan Faara amshi tē Parka?” 62 Ndagnga Yeeso, “Nggini. Nun a naa Wan Niifa tsau a yisēmad Faara Amshi na tē mamnggirha ha heu, nēghān bāyi ahu hashmbe a talara hai.” 63 Tērgħa mamnda firistayini djarāngngān luwudghān dā, ndāghān, “Palth ma nām nggēr kadaarha fadān? 64 Sēkdām ndān hai a miighān labār sar Faara nda nān. Ma ndanun?” Kanda heu ndaa nda, a bēlangganda. 65 Tērgħa fīngya katērang ngganda chahang yakhrha Yeeso fa; kēnāngganda yidghān mbighānda, ndang ngganda, “Kulo! Wun mbiigha sa hu sayiddī ya, annabi?” Fa kēla kēn Faara ha dēnda mbeedā tē dēkkān. 66 Nana Mbiturus a pēpal mindādī a tēk waarha fa, kyagħa wee nuwun bā tal ahur mafaya mamnda firistayini. 67 Nanān Mbiturus a tēk waarha fa kēlangngān dā ngga. Ndagngān, “Sa na tal ahur nafini na a mbu samad Yeeso tē Nadzarat dī.” 68 Amma ngālgħānān. Ndagngān, “Sēngwi āndī na a thlērha ya wa,” thliigha sē dāgha kwatkirma dā. Tērgħa tētaagħa diyarha. 69 Nggērna mafaddī naghān, ndangngān nafini na kēkēt a mbēdī, “Niifdiya nēghān tal ahur ndan.” 70 Nggērgħān ngālgħān fadān. Tsēna nda tsōbaku, nafini na kēkēt a mbēdī ndang ngganda Mbiturus, “Sa mbē ngāala sē wa na tal ahur ndan, kēsēr tē Nggalilad ni sa.” 71 Katērangngān ang shiurha tenggān fa bā ndāghān, “Aahdī Faara, sēngwi niifdī nun a thlērha ya wa.” 72 Tērgħa tētaagħa diyarha yi sēri. Dāgha Mbiturus teena hai tē labār Yeeso ndang nān, “Kapa na kidngaara tētaarha yi sēri na ngāal

səndəna katəra mahan.” Kwanggən tenggən hai naghə a tərha.

15 A tsar kərət wumngga mamngya firistaya hai tə shingya tə famaləmn̄gya ngyakhr̄ha, tə fingya kognaya kənangganda path ndan hai. Kənangganda Yeeso dānda təghən a mbed Mbilatus dā. **2** Tshangga Mbilatus mee, “Sani kutər Yahudaya wa?” Nggəməngga Yeeso, “Kəla thləkna na.” **3** Tərgha mamnda firisdī naghə a dāhang pathya fa aten əngya hangga. **4** Nggərgha Mbilatus tsahang mee, “Mba nggəra sə ndeye wa? Səkkwa əndī nana nda a thləworha fa wa!” **5** Amma Yeeso kalwa sə wa, fərang ənwulteena nən Mbilatus. **6** Kala wutsəfayid tədəarha yakh Mbilatus kal niifa hai tal muwang nanda hu porsəna dā yi hwanna fiya. **7** Na niifa sə thləmn̄ggənni Mbarabas muwang nanda hu porsəna dā ka təmbənggidghən 'wanən bəl niifa. **8** Wumna fiya thləmad Mbilatus bə, hwanggənda a kalang niifa nən kanda hai na hu porsəna kəla nən tə ənaarha. **9** Nggəmənggən kanda ndəghən, “Na minnun sə a kalang kutər Yahudaya ni kun hai wa?” **10** Kəsər səndəsə ka sərəkkid mamnda firistaya ni bəng nanda Yeeso bə. **11** Amma Mamngya firistaya shihangganda fiya fa a kalgha Mbilatus Mbarabas hai a meghed Yeeso. **12** Ndangga Mbilatus kanda, “Amma a kalangdi Mbarabas kun hai, niya ənaarha kən tə niifdi nun aarha kutər Yahudaya?” **13** Tərangganda urad ndan sə, “Tawaman dəl!” **14** Ndangga Mbilatus kanda, “Kama nda, dimid ma əna nən?” Amma tərangga fiya urad ndan sə kaan, “Tawaman dəl!” **15** Nanən na mid Mbilatus sə a təkka fiya mbənda fa, kalang Mbarabas nən kanda hai. Tərgha fər Yeeso nən a tsadaghən nda, a fəranggənən sodja Romaya tawangganda dā. **16** Sodja yini dānda tə Yeeso a mbəd tar ndan dā, aah fingya sodjaya nda bə. **17** Kalang kaḃad kutəryirha nda fa na yibə, fadāng ngganda ndaha na nzanang panggən nda atənggən. **18** Tərgha tərangganda urad ndan sə na nda a ndang'ya, “Alvari! Kutər Yahudaya!” **19** Na nda a dəkḃən tə səsəala a tenggən, tə kəm na nda a chahang yakhr̄ha fa. Bəra nda hai tə wadeeyi ndan wai na nda a fərang mamnggirha yi waa farha. **20** Ngwalang na nda waaghən, kədāngganda kaḃad kutəryidda hai na a fadghən kalang yighən nda. Tərgha dānda təghən kəshaadə kəsər a dāa nda tawang dā. **21** Na nanda a wiirha tə Yeeso kəma nda tə niifa na

nda aarha Siman tə Sayirarha chin nda Alizanda tə Rufus, ḃaghən bə a Sarin. Ngyabang tər kadid dā nda fa. **22** Bə nda tə Yeeso a mbərha bə na nda aarha Nggolggoṭa ndəna mbəd ḃalhwār teena. **23** Fərang aam inabi nda kukurda tə mur, amma kardə saarha fa. **24** Tərgha tawangganda Yeeso dā ndəghangganda karidghən hai a pathlang ndan, əna chacha nda aten lukkighən tə kurmi na niifa a waala. **25** Tawangganda dā tə tsar fa. **26** A man tenggən chireethleng ngganda ənda hai dahang nanda fa, “KUTƏR YAHUDAYA.” **27** Tawang ngganda fathlee kwamangya dā səri, tal a yikawadghən, tal kəm a yisəmadghən. Fingya chirethya yi kaar na nda tə mbədgghən **28** tə ndaagha: “Ləghəṭta palthda ni tə ndaagha, ‘Səghang nda ahur fa ḃimiya hai.’” **29** Fiya na a mbəradə na nda a thləghang pathya fa yi sar farha na nda a tsang'ya tendan fa na nda a waaghən, “Sa ndaagha na fəlang Kən Faara hai na manggən tənangga hu beena mahan, **30** Hərghang fadwa lee tərāa na hai aten kadiddiya!” **31** Nəghən kee kəm, mamngya firistaya tə famaləmn̄gya ngyakhr̄ha na nda a waaghən, “Hərghanggən fingya, amma mbə mbang hərghang fadghən wa! **32** Ngwa na Kərəsti dā nəm kutər Isərela, tərgha hai a ten kadiddi naghənəm tənəm fərang kəkafek!” Ko fathlee kwamanggini tawang nanda kanda dā təghən na nda a thləghang pathya fa mbuwa mbənggən. **33** Na yan faara a sərəkrha wula nggəlanggən chehweddi heu ta figrha dā. **34** Tərgha a fiyddi tərangga Yeeso Uradghən sə, “Eloi, Eloi, lama sabaktani?” Ndaarha ni, “Faarna, Faarna, kama nda malna nggi?” **35** Fingya na kəkət a mbədi səkkwa ndan ngga wa tamngganda ndaarha nəghən a aah annabi Ilya. **36** Tal ahur ndan dagha dā tətənanggən soso tə aam inabi na chichakh panggən hu səsəala fəranggənən sə ka a saagha. Ndaagha niifa, “Malaman, tama kəlaghənəm ha tə dəna Ilya tərang hai.” **37** Tərgha nggərgha Yeeso tərang uradghən sə, a mərgha. **38** Shishamardi na ahu Kən Faara na manggən djaragha hai səri a talara hai ta hweede hai. **39** Mamnda Sodja Romaya na kəkət a mbed Yeeso fa nadə kwamandi mərənən ndəghən, “Kəkafek, Wan Faarani ya!” **40** Na fingya nishya sə a mbədi na kəkət inggun a kəlang 'ya na a katərarha hai. A hur ndan na Mairamu Makdaliya sə, Mairamu man Yakubu tə fewunda tə Yisufu, tə Salomi. **41** Ka a Nggalili bə takkwana nishyina

ndən 6a na nda a dang sə tə tarya, na fyinga nishya sə hangga a samadghən ka Urshalima 6a. 42 Katəragha ənda hai ya a far demnda yi far yibəd Yahudaya, nanən tsə figrha hai. 43 Na ka niifasə thləmnggənni Yisufu tə Aramatiya, nəghən ahur mamngya na kənanng pathla hai, Nəghən a kəla kutəryid Faara fa. Tərəm ngwa wa, dəgha thləmad Mbilatus də hwan mərta Yeeso nən. 44 Fərwa Mbilatus kəkafek mər Yeeso wa, aah mamnda Sodja Romaya nən 6a tsahang mee nən. 45 Pərangga mamnda sodja 6a ndən, ndangga Mbilatus Yisufu a dəgha tərəng mərđi. 46 Hiigha Yisufu ka6ad pa mərta 6a pəpet, tərənggən fad Yeeso ahu kadidđi, fadanggən Yeeso tə ka6addi dəgha də panggən ahu kwarha raa nanda hu feera. Kwatəranggən feera 6a na manggən nggəlanggən kwadda sə. 47 Mairamu Magdaliya tə Mairamu man Yisəfu na mbəda nda pang nanda Yeeso sə.

16 Kyana far yibəd Yahudayina də, Mairamu Magdaliya tə Mairamu man Yakubu tə Salomi hii urdi nda na mindan sə 6a nda kəmang fad Yeeso təghən. 2 A tsar far katəra thlətta 6eena, yanfaara a kyarha 6a kəs kwamana nda aten kwadda də 3 tsahang mee nda ndan ha, “Wunni a kwatərang ferđi kəm də na a mii kwaddi?” 4 Amma tərəng nanda tendan sə kəla nda hai ferđi na manggən kwatərang nda də. 5 Kyana nda ahur kwadda hai kəla nda hai wundəlarha tə lukrha fa pəpet tsaua man yisəma, tər ma nda. 6 Ndanggən kanda, “A fiddun hai wa, nun a kada Yeeso tə Nadzarat tawang nanda də. Thliidə sə 6alwa mbədiya wa. Kəlamən mbədi hunang nanda sa hai ya. 7 Amma 6amadə dūn pəranggən fatsahayighən tə Mbiturus tə ndaarha, ‘Nən a ‘waarha Nggalili də ma kun. Dənun naghən a mbədi kəla pərang nən kun.’” 8 Thliigha nishyini tə 6aarha aten kwaddi naghə fad ndan a rəprha fa ka hərəenga. Kalang ngwanda niifa sə wa, kəsər kəs hərəenga kanda. 9 (note: The most reliable and earliest manuscripts do not include Mark 16:9-20.) Thliina Yeeso sə ahu mərta a far katəra thlətta 6eena ‘waghən kyad fadghən a Mairamu Magdaliya nudi kyang nən ənkaheeya sə məd a fadghən. 10 Dəgha də pəranggən nafini na nanda təghən kaar na nanda tə səbrha hura kanda a tərha. 11 Amma səkna nda na Yeeso tə yibrha, na 6a ndən, fər wanda kəkafek wa. 12 Akwasamadghən kyakhrangga Yeeso fadghən hai kyad fadghənən a fatsahayighən səri na

nanda a kwaman dərha mbərha də. 13 Wudə nda 6a nda pəranggən shayindan, amma fər wanda kəkafek tə path ndan wa. 14 Tsə6aku kyadgha Yeeso fadghən a kumkap tal di a sayiddi na nanda a həb ənnarhami. Tərgha yananggən kanda kəsər ka yamid fər kəkafekkid ndan tə kakrakkin tendan fərang ngwanda kəkafek nafini naghə ndən a kwasamaddi thliinən sə. 15 Ndanggən kanda, “Daama hu kəshiirha də dūn pər la6ardi na mbənggən ya a fiya heu. 16 Kala niifa fərgəha kəkafek ənang mbaptisəma nda, nən a hərəkrha, amma niifa fərwa wa kəkafek na nda a ngwang kumarha sə. 17 Fyinga fərgəha kəkafek na nda a wal səsəmnəda əna ənwuteengya hangga. Hu thləmna na nda a kyang ənkaheeya sə, tə kəm na nda a ndikrha tə fyinga miiya pak. 18 Na nda a kəsang huthlingya tə haryindan, ko saa nanda warkami mbə ənang ‘ya kanda wa. Na nda 6əfang haara haaya teena, kəna nda.” 19 A kwasamaddi ngwalana Yeeso ndikrha tə kanda, tərəng ngganda talara də tsauka a yisəmad Faara. 20 Tərgəha fatsahayighən 6ənda mbeedə tə pər la6ar Faara, Chinəm nəghən tə kanda ha naghə. Nən naarha kyadəng kəkafekkid la6arghən kanda tə ənwuteengya nanda a ənaarha.

Luka

1 Fiya hangga chirethgha aten änggini änana Faara a pathlang näm. **2** Këla malang nandan këm hai ahar nafini 'wagha naghän tã yindan kal nanda mii laðar Faara dë. **3** Tsaunän kee, paða Tiyafulus, nggi tã altenna radi mu änggina ha ya tã sammayirha ka a katäradghän, këladï hai naghän mämäl a fanna a chirethleu këni hai tätäl-tätäl. **4** Na minna sã a sän këkafekkid änggina na tsaho nanda ha. **5** A thlakh mbäd kutäryid Hirdus a Yahudiya, na firis sã thlömnggänni Dzakariya, naghän ahu kiwad Firistaya a wuri ki Abidja. Nukkun këm Alisäbatu turya Haruna ni. **6** Kanda kyab ka nafiya ni kanda a mbed Faara, na nda a laf ngyakhrha Faara na heu. **7** Amma mbu wan nggindan sã wa, kësär Alisäbatu kwarengani, tã këm kanda kyab suhur nda. **8** Fara sëmän far tar Dzakariya yi firistayirha a mbed Faara, **9** wurna ndan këla ndana äntin firistaya, a kyagha hu Kän Faara dë na a Urshalima nji urdi nän na sädghän mbënggän. **10** Sëlina sayid nji urdi dë ða ða, fiya heu wumnda ða, kanda a këshi a hwan Faara. **11** Kula sändaghän sã na tã thlënda Faara nän kät a yi sëmäd mbädï nanda nji urdi sã. **12** Nana Dzakariya ndän, hargha këfadghän, tärämngga. **13** Amma ndangga tã thlënda Faara, "A tärämna wa Dzakariya; sük Faara hwanduwa. Nuwa Alisäbatu nän a nggädö wee häshin sã, dëfang thlëma na Yahaya. **14** Nän a tsaurha än wutsäfayirha kaan a fadwa, fiya hangga këm na nda äna wutsäfayirha kësär ka nggättaghän hai. **15** Nän a tsaurha niifa na manggän a mbed Chinäm. Mbägha sa aam inabi ko mbaala wa. Ka far nggättaghän hai nän a läghätta tã Säsëna tã Pedända. **16** Fiya hangga a Isäreela nän a wudang kanda a thlëmad Chinäm farndan ða. **17** Nän a 'warha a mbed Chinäm dë, hu säsëna tã säsämnda këla annabi Iliya. Nän a ðang tsawud dädemnggirha ða a pathlang chingya tã wanggi ndan. Nän a kyakhrang fiya ða fingya na tã yamid fär mamnggirha tsawa nda nafiya natë nggayirha fa, nän tansang fiya a Chinäm." **18** Tsahangga Dzakariya mee tã thlënda Faara, "Käkän ni sända sã ändi thlökna ya nän tsaurha këkafek? Kulo nggi, suhurdi nuuna këm kee." **19** Nggëmangga tã thlënda Faara, "Nggini Djibirilla na kät a mbed Faara. Thlënnä nda nggi ða, a bi puro laðardi na mbënggän ya. **20** Nanän ya

na naarha tip, mba nggär kalasä wa käl a fardi kataränän hai, kësär sa karna färkëkafek fa tã pathna, ðagha tsaurha këkafek a säl bënggän ða." **21** Nanän ya, fiya a këla Dzakariya fa a kyagha ða, na nda a numarha tã mani tsänän tsäðaku kee ahu kän hwan Faardi. **22** Kyanän ða, mbangwa kalang kanda sã wa. Walangganda tã ndaarha kyadäng Faara 'ya ahu kän hwan Faardi, kësär nän naarha kyad haara a kanda, mbangwa kalasä wa. **23** Ngwalang nän ben targhän, wudgha wuredä. **24** Mängwaha wa nukkun Alisäbatu dëfgha hur. Tsau fayighän nän a wuri mbë kyarha këshaadä wa yi ndäre tuf. **25** Ndagha Alisäbatu, "Faara äneegha ändiyal! A hu bëngginiya ndän hadäng ni fa, keeda sã hu shilee a mbed fiya." **26** Nana Alisäbatu tã ndäre mikki, thlëngga Faara tã thlëndaghän Djibirilla ahu tala dë a Nggalili, nanda aarha Nadzarat. **27** A dëgha thlëmad wutararha dë na thlömnggän Mairamu, ngwanna niifa na nda aarha Yisufu, turya Ndauda. **28** Dëgha tã thlëndädi thlëmadghän dë ndanggän, "Niya ndo 'ya, sa na tã parka teena! Chinäm naghän tã sa ha." **29** Sökna Mairamu nda ändi, billagha kaan, nzmnggänän tã tur nda än mani ya. **30** Amma ndangga tã thlëndädi, "A tärämna wa, Mairamu, walna nggayirha a mbed Faara. **31** Na a dëfrha hur, nggät wee häshin na, dëfang thlëma na Yeeso. **32** Nän a tsaurha manda niifa, nanda aaghän, Wan Faara na tã säsämnda ha heu. Na Chinäm Faara a färang tsännggam kutäryid chichidghän Ndauda. **33** Nän tsau kutäryirha aten nafiya Isäreela pa kwandä, kutäryidghän mbë mii ngwaladghän sã wa." 1:33 2 Samaila 7:12; 13; 16; Ishaya: haya 9:7 1:33, Ndaniyel 2:44; 7:27; Mika 4:7. (aiön g165) **34** Tsahangga Mairamu mee tã thlënda Faara, "Käkän na ändi katararha hai ya nggi kula sän häshnefa?" **35** Nggëmangga tã thlënda Faara, "Säsëna tã Pedända nän a täräa tenwa hai, säsämnda Faara Amshi nän a nggälörha. Tsaunän kee, Wandï tã Pedända na a nggätta ya, näm aaghän täpedända Wan Faara. **36** Kwana Alisäbatu hurfidwa, nda nanda kwarenga ni, tã suhuryidghän nän a nggät wee. Nanänya naghän ahur tã ndäre mikki. **37** Kësär mbë 'yasä na pädaghän a fad Faara wa." **38** Ndagha Mairamu, "Yoo, nggi mafad Faara ni, a tsauka këla tã thlökna na." Tärgha tã thlënda Faara wiigha. **39** A sayiddi, Mairamu ngwagha fa thliigha këkar dëgha hu tala dë na ahu wumngya chehweed Yahudaya.

40 Səlnən də kyagha minda ki Dzakariya hai, ndang 'ya nən Alisabatu. 41 Səkna Alisabatu nda əndi ki Mairamu, wandi na ahurghən tsə'ya nən fa. Alisabatu kəm ləghədgha tə Səsəna tə Pedənda. 42 Tərangga Alisabatu uradghən sə kaan, ndanggən Mairamu, "Tə parkani sa ahur nishya, tə kəm tə parkani wandi bəna nggəttə! 43 Mani na nggayirha bərha tenna bə kee, na man China bərha thləmadna bə? 44 Hərəm ni sək nda ənwə, wandi na a hurna tsə'ya nən fa kaan ka wutsəfayirha. 45 Tə parkani sa fərgəh kəkəfek atən 'ya ndona Chinəm nən tsaurha kəkəfek." 46 Ndagha Mairamu, "Hurna nəghən a fal Faara 47 yibənnə nəghən a əna wutsəfayirha a Faara tə Hərəkrəna, 48 kəsər dəldə nggi in, mafadghən mbuwa a mii 'ya. Nanənya fiya na heu yi weeriya tə na bəyi nanda ndaarha tə parkani nggi, 49 kəsər ka əngya na məmanggən əneena Faara Amshi, thləmnggənni tə Pedənda. 50 Na fiya hadang fa na a tərəmnngən, Ka chichiya na kətəm. 51 Ənadə əngya na məmanggən tə harghən; weləngdə fīngya də na a manang alten ndan hu numan ndan. 52 Tərangdə kutərya hai hu tsənggam nggindan, amma mananggən fīngya mbuwa a mii 'ya." 53 "Nggalang də fīngya na a mirha tə əngya na nggəngga, amma rəghanggən fa kənaya də kula 'ya a harndan. 54 Dəngdə mafadghən sə Isəreela, tə dāl teena hai hadang nda 55 Ibrahim fa tə chichiyyighən pa kwandə kəla ndang nən chingginəm na kaar." (aiōn g165) 56 Mairamu tsaudə a thləmad Alisabatu yi ndəre mahan a wudgha wuredə. 57 Ləghədna bən nggəttə Alisabatu, nggət wee hashin nən. 58 Tulayighən tə nggədayighən sək nanda kyadang Faara nggayirha, dangganda sə tə wutsəfayirha. 59 Ləghənnə wandi beena uvadə, bə nda ka thlee muwa bə, tə kəm na mindansə a dəfang thləm chin nda Dzakariya. 60 Tərgəha kalgha mansə ndəghən, "Awo! Nəm aaghən Yahaya." 61 Ndag ngganda, "Mbə niifa sə ahur nggədiyinin na tə thləmdiya wa." 62 Tərgəha tsahang mee nda chin wandi tə haara a pər thləm wanda nən nanda a dəfang nda. 63 Tsakh ən chirethla nən, chirethlenggən hai, "Thləmnggənni Yahaya." Fiya na heu na ənwulteena nda. 64 A mbədi kee ingga mighən hai tə kəm sheneufən kwasgha hai, kətəranggən ndikrha hai nagha a fal Faara. 65 Tulayighən na heu nanda ənwulteena, tə kəm tərmanda, kəsər ka əndi kətəragha hai. Kala mbərha heu na a wumngya chehweed

Yahudaya nagha fiya a tsə labəra atənggən. 66 Kala niifa səkka labərdi kəl wulna teena, tə tsakh mee nən, "Bana wandi tsaurha kəkən ya?" Kəsər na Faara təghən ha. 67 Chin na Dzakariya ləghədgha tə Səsəna tə Pedənda kətəranggən thlək pathla hai kyadang na Faara tə ndaarha, 68 "Tama fal Chinəm nəm, Faara yi Isəreela, kəsər bənən bə ka bəgha pəl nafiyyighən. 69 Fərdə tə ngyakhrha na a hərgəhang nda kəm a wuri ki mafadghən Ndauda. 70 Kəla 'wanən thləkrha kətəm a mii annabiyyighən tə pedənda (aiōn g165) 71 hərəkrha ahar fa tsəngginəm na heu. 72 Əngginiya ənanən ndən a kyadang nggayirha nən chingginəm tə dāl teena hai hu dəf mighən tə pedənda əna nən. 73 Dəf mighən əna nən a chichin nəm Ibrahim, 74 a pəl kəm nəm ahar fa tsəngginəm, tənəm dəfang shilee teena kula hərəenga, 75 anam tsətsabadə tə nggayirha a mbed Faara ahu tsawun nəm hu kəshiirha." 76 "Sa kəm waana, nanda aah sa annabi yi Faara Amshi, kəsər na 'warha mbeedə ma Chinəm a tangsang kwamana na də, 77 a fərang huteena nən nafiyyighən atən kwaman hərəkrha ahu chakhrha dimiyid ndan də, 78 kəsər ka hadang nəm Faara fa, kukwaryid hərəkrha nən a njaara tennəm hai a talara hai. 79 Nən a njaara atən fīngya hai na ahu wula, tə fa tsauka na a mishim mərə, nən a laf kəm ahu kwaman dədəmnggirha." 80 Yahaya mangga sə, nagha kanglang hu farha tə huteena, tsaukən a kaheerha kəl fərdi kyanən pəpal bə ka a pər labərgəhənən a nafiya Isəreela.

2 A hu bəngginiya Kaisar Anggusta kaldə mee a thlədangganda fiya na hu kutəryid Roma. 2 Ndəna kətəra thləttə fiya ənanda, a sayiddi tsauna Karniwus ngwamna a Suriya. 3 Fiya na heu wunda hu talyi ndan də ka a thlədangganda kanda. 4 Yisufu ndəghənggima maldə tal Nadzarat na hur Nggalili dəgha hu tal Mbaitalami də na hur Yahudiya, tala nggənda kutəra Ndauda sə. Yisufu dədə mbədədə, kəsər nggədīt Ndauda ni. 5 Wiighən tə Mairamu ngwannən ka a thlədangganda kanda kyab, ahu sayiddi ndəghən ahur. 6 Na nanda a Mbaitalami di ləghədgha bən nggəttəghən. 7 Nggət wan 'wadghən nən həshin, lələbānggən tə pam kəndəghən, hunānggən ahu nggam mabiya hai, kəsər walwanda kənna a min rongya wa. 8 A kəsər taldī na fa lafya sə, na nda mənda a pəpal, na nda a kəla mabiyyindan ha

a fædigrha. **9** Kula sændəndan sə, tə thlənda Faara baġha thləmandan ba, tərġha mamnggit Faara yangga hai, tərmanda kaan. **10** Tərġha, wan thləndədi ndanggən kanda, “A tərəm dun wa ba ni ba tə labara na mbənggən yandi na fiya heu ana pəpetyid hura kaan. **11** A weeriya ahur tal Ndauda nggəđang nda tə Hərəkrrha kun hai, Kərəsti Chinəm. **12** Əndiya ndəna a kyadāng ənsənda kun, dūnun wal wufarwee lələbang nda tə pam kəndəghən, hunang nda hai ahu nggama.” **13** Kula sændəndan sə, tərġha Fathləngya Faara hangga na a amshi, bənda hai, ba nda wal yandi ‘wagha hai, kanda heu a fal Faara nanda a ndaarha, **14** “Mamnggit Faara na talara, tə na hu kəshiirha ngwa tsauka dədemnggirha a thləma nafiya na Faara a tək mbəndə ndan fa.” **15** Malna Fathlənggini kanda, wudə nda talara də, ndangga fa lafyini ndan “Tama Mbaitalami də dəm na əndi katəragha hai tə pərangna Chinəm kəm.” **16** Thliinda kəkar danda wal Mairamu tə Yisufu, na wanda nda kath ahu nggam mafiya. **17** Nana fa lafyini wandi, pər labar də nda thləghangna tə Thlənda Faara kanda. **18** Səkna fiya labar di, kowunni kəl kəs mee nanda ənwulteena ka əndi ndana fa lafyini. **19** Mairamu kəsde ənggina haya ahurghən, nagha a numarha atənggən. **20** Fa lafyini wudə nda, na nda a aah amshe yi fal Faara ka əndi səknanda, tə na nanda, nəghən kəla thləkna tə Thlənda Faara. **21** Ənana wandi beəna uvada, thləng muwa nda, kəmda dəfang thləma nda Yeeso, thləmđi dəfna tə Thlənda Faara kapa na nda dəfghən hur. **22** Ndukna fardə ba, Mairamu tə Yisufu ənanda əndi thləkna ngyakhrha Musa tə ndaarha, a tsabəngganda altəndan də, tərang ngganda Yeeso, dənda təghən Urshelima də kəsər a fərghənda a Chinəm. **23** Kəla nanən chichrethlee hai ahu ngyakhrha Faara, “Kala wan ‘warha nggən nanda, nanda fəranggən Faara.” **24** Na sataka nda kəla thləkna ngyakhrha Chinəm tə ndaarha, “Titiliukya səri ko wan kataprakkyə səri ndana nda thleerha.” **25** A fardi, na niifa sə nəghən tə tsaurha a Urshelima, nanda aaghən Simiyon. Ka niifa ni, nən naarha dəfang shilee Faara teena. Kəmda nəghən a kəla fardi nanda a hərghang nda Isəreela. Nəghən tə Səsəna tə Pədənda. **26** Səsəna tə Pədənda ndənggən niifdi, mba a mərə wa kəl fardi nana Kərəsti tə yidwa. **27** Nagha Səsəna tə Pədənda a shikkən, kyagha Kən Faara də, məməl tə sayiddi ba na fa

nggətya Yeeso ba təghən a Kən Faara ba, kəla ndana hai ngyakhrha a əna nda. **28** Simiyon thlə wanda nən fal Faara nən, ndəghən, **29** “Na nən ya, China, kalu mafadwa hai wiigha hu dədemnggirha, kəla tə thləkna na,” **30** “Kəsər yinna nadə hərəkrəwa, **31** hərəkrha əna na a mbed fiya heu, **32** Kukwaryirha kyadna a fiya mbuwa Yahudaya, tə mamnggirha a nafiwa Isəreelaya.” **33** Chin wandi tə man kəsəngganda mii ndan kanda ana ənwulteena tə əndi thləkna Simiyon aten wandi. **34** Simiyon dəfandə parka kanda teena, ndənggən Mairamu man wandi “Wur Faara wandiya kəsər a tsaukwa fəlla fingya hai, tə thlid fingya sə hangga ahur Isəreela, nən tsaurha ənsakrrha a thləma Faara mbuwa na mid fiya sə hangga. **35** Nanənke, ən ənandan na ahu tendan nən kyarha pəpal ba. Əndiya nən hatta fa kaan, kəla kuthla thləukh kəlara.” **36** Na suhurra annabi sə nuwun, thləmnggən ni Hanatu, wan Famuwel turya Ashiru. Tsaudə a chimarha yi hurarha məd kee. **37** Tərġha chimadghən mərġha. Nanən ya, huradghən kumnggit uvadə kap fadə. Mbə malang Kən Faara wa, nən naarha manang thləm Faara nda fædigrha tə yan fara ahu hwanda tə kar aama. **38** Məməlla sayiddiya, kyagha ba nagha a usa Faara, kəmda thləkdə pathla aten wandiya a nafiya na a kəla fardi na Faara a fərang alteena Urshelima. **39** Yisufu tə Mairamu ngwalang nanda ‘ya ndana ngyakhrha Chinəm, wudə nda tal ndan də Nadzarat na a Nggalili. **40** Man wandi, nəghən tə kanglanggirha, lələgda tə sənda, nggayid Faara kəm nəghən təghən ha. **41** Kafad hurarha fa, fa nggətya Yeeso nanda dərha Urshelima də kəsər ka wutsəfayid kyarha ba ahu səsəarha. **42** Ləkəđangna Yeeso hurarha Kum kap səri tə nggətta hai, dənda hu wutsəfayirha də kəla tə səsəna nda sa hai. **43** Ngwalana wutsəfayiddi, kəs kwaman wutta nda wure də. Tərġha Yeeso ishgha hai a samarha a Urshelima, kula sənda chin sə tə man. **44** Na nda a ndaarha asəmha nəghən ahur fiya, kəs wiirha nda yi paara tal. Katərang ngganda kadaghən hai ahur shayindan tə kəm pashiya ndan, **45** nawa ndan wa. Nanənke, wudə nda Urshelima də, kəsər a kadaghənda a mbədi. **46** A far beəna yi mahan, danda walghən tsau ahu Kən Faara a thləmad famaləmmgya, ndəghən a ka thləmarha hai, nagha kəm a tsahang mee kanda ha. **47** Fiya na heu a mbədi nanda a kang thləmarha fa, kanda a kəs mee, wulanggən kanda tə tur səndəghən

tə nggəmda nən a nggəməng kanda sə. **48** Chin tə man wulang teena kanda na nandan a mbədi. Ndagga man, “Waana mani ənangna kan kee? Nggi tə tsu tsə fannan chichakh kaan, nawanan sa.” **49** Nggəmənggən kanda tə ndaarha, “Kama nun kada nggi? Sunggun sə kamdə a tsawi a wuri ki Pəpa wa?” **50** Səngwanda numadghən tə pathdiya wa. **51** Thliigha mbu saman ndan nən, wudə nda Nadzarat də heu. Nən naarha a na fa nggətyighən hai, man kəm, kəs əngginanən haya ahurghən. **52** Yeeso kəl chikrha tə ndəndəlyirha tə tsərha, hu pəmgnggən pəpet a mbed Faara tə fiya.

3 Ahu hurarha kumkap tuf yi kutəryid Kaisar Təmbariyani; Mbuntus Mbilatus ndəna ngwamna Yahudiya, Hirdus ndəna kutər Nggalili, wanman na Filibus ndəna kutər Ituriya tə Tarakunitas, Lisaniyas ndəna kutər Ambiliya. **2** Nda Hanana tə Kayafa ndəna Mamngya Firistaya. A faryini ndikka Faara tə Yahaya wan Dzakariya a hee. **3** Tərgha Yahaya wənggən chehweed yina hai na a mii kufad Djodan ndəghən a thlək lafar Faara a fiya tə ndaarha, a malangganda dimiyindan ka a fanangganda kanda tənə Faara chahang dimiyindan kanda də. **4** Kəla nanən chichirethlee hai ahu dəleewar annabi Ishaya tə ndaarha, “Urarha a aah farha a kaheerha tə ndaarha, ‘Taksaman kwamana Chinəm sə, katəraman pəpənanng nda kwamangya də. **5** Njighaman suhwadya heu, fəlamən mbəya də na dāngkam, dāngkam tə wumngya. Pəpənaman kwamangya də na kəkəba, kəkəba tsawa nda ndip, kwamangya na kukuchang nanda ngga. **6** Fiya na heu nanda a na hərəkrha Faara!’” **7** Kəsərke, nəghən a ndang nda fiya na baarha ba ka a fananggən kanda, “Kun huthlingya! Wun kəsgha thləmannun kəsər ka səbrha hur Faara na bayi? **8** Nama ‘ya kyadgha ndaarha malangdun dimiyinnun. A numadun ahur nun ndon Ibrahim ndəna Chinun wa. Niya ndangnda kun Faara nən mbang ənang wundakhnaya Ibrahim sə tə feryini ya. **9** ‘Wanda teena pangnda wurra a kul dəfrha, kala dəfrha mbuwa nggətta nanda kyathlang nda də muwangganda ahu waarha də.” **10** Tsahangga fiya mee ha tə ndaarha, “Ma nan ənaarha mbiya?” **11** Nggəmənggən tə ndaarha, “Niifa na tə lukrha səri təranggən niifa ha mbuwana yighənsə, niifa na tə ənnarhami ha, nagha kee ndəghən nggima.” **12** Fa thlə tsamngya kəm ba

nda ba na a fananggən kanda, tsahang mee nda, “Mala, ma nan ənaarha?” **13** Ndagggən kanda, “A thlədun ‘ya kalgha yandamu tə thləghang nanda kun wa.” **14** Sodjaya kəm tsahang mee nda ha, “Kanggiwu ma nan ənaarha?” Ndagggən kanda, “A nggabəngdun fiya a fərang wudəbəla nda kun wa. A nggabəngdun kanda kəsər a fərang ‘ya nda kun wa. Usama Faara tə ‘ya na nda a teng nda kun.” **15** Nana fiya a kəla bad Kərəsti fa ba, tərgha fiya na heu kanda a numarha ahur ndan tə ndaarha, ko Yahaya ndəna Kərəsti di. **16** Ndagga Yahaya kanda, na heu, “Niya fanang nda kun tə aama. Amma niifa sə na bayi na tə səsəmda fa kalgha nggi mu, tsəkki na a kwasanggi sahad pahamggən hai wa, ndəghənggi bənən fanang nda kun tə Səsəna tə Pedənda tə waarha. **17** Nəghən tə dēng pəra ha, nən a pərang didiirha də ngwanggən wan hwalidghən ahu birukkun hai. Nən a njang nda dididghən də tə Waarha mbuwa mərə hai.” **18** Tə yiya thlamarha hangga, Yahaya thləkdə lafar Faara na ngga a fiya. **19** Yahaya yanang də Hirdus, kəsər Hirdus kahang də Hirudiya nu wanman, tə kəm ənadə əngya mbuwa ngga. **20** A kwasamadghen Hirdus nggərdə səbang nda də tə ngyakhrha fərnən a kanda heu. A kəsangganda Yahaya changganda kəndə. **21** A kwasamaddi fanang nda fiya, Yeeso ndəghən nggima fanangganda. Tərgha nanən a hwan Faara, frakh amshi inggadə, **22** Səsəna tə Pedənda tərgha atenggen hai kəla titiliurha, sək urarha nda a talara hai tə ndaarha, “Sani na waana tətali nggəmmi, təkdi mbənduwa fa kaan.” **23** A fardi katərangna Yeeso targhən hai yi tsaharhaha, nəghən a kada hurarha kumnggit mahan ahu kəshiirha. Tərgha fiya ndən tə ndaarha wan Yisufuni, na wan Heli, **24** Heli wan Mattaat, Mattaat wan Lawi, Lawi wan Malki, Malki wan Yanna, Yanna wan Yisufu, **25** Yisufu wan Mattaatiya, Mattaatiya wan Amos, Amos wan Nahum, Nahum wan Asaliya, Asaliya wan Nanjaya, **26** Nanjaya wan Ma’ata, Ma’ata wan Mattaatiya, Mattaatiya wan Shimeya, Shimeya wan Njosek, Njosek wan Yahuda, **27** Yahuda wan Yowanan, Yowanan wan Refaya, Refaya wan Dzarubabel, Dzarubabel wan Sheyaltiyel, Sheyaltiyel wan Niri, **28** Niri wan Malki, Malki wan Addi, Addi wan Kosama, Kosama wan Almadama, Almadama wan Er, **29** Er wan Djoshuwa, Djoshuwa wan Eliyeser, Eliyeser wan Yorim, Yorim wan Mattaat, Mattaat

wan Lawi, **30** Lawi wan Simiyon, Simiyon wan Yahuda, Yahuda wan Yisufu, Yisufu wan Yonana, Yonana wan Eliyakim, **31** Eliyakim wan Malaya, Malaya wan Mainana, Mainana wan Mattaata, Mattaata wan Natan, Natan wan Ndauda, **32** Ndauda wan Njessi, Njessi wan Obida, Obida wan Mbuwasa, Mbuwasa wan Salmon, Salmon wan Nashon, **33** Nashon wan Amminadab, Amminadab wan Aram, Aram wan Hesruna, Hesruna wan Feresa, Feresa wan Yahuda, **34** Yahuda wan Yakubu, Yakubu wan Ishaku, Ishaku wan Ibrahim, Ibrahim wan Tera, Tera wan Nahor, **35** Nahor wan Serug, Serug wan Reyru, Reyru wan Feleg, Feleg wan Eber, Eber wan Shela, **36** Shela wan Kenan, Kenan wan Arfakshad, Arfakshad wan Shem, Shem wan Nuhu, Nuhu wan Lamek, **37** Lamek wan Metusela, Metusela wan Enok, Enok wan Yared, Yared wan Mahalalel, Mahalalel wan Kenan, **38** Kenan wan Enosh, Enosh wan Shitu, Shitu wan Adamu, Adamu kəm wan Faara.

4 Yeeso lələgdā tē Səsəna tē Pedənda wud nən 6a a kufad Urdun, nagha Səsəna a shikkən a kaheerha dā. **2** A mbədi kəkərangga sheetan yi beena kumnggit fada. Akwasamadghən kəsgħa mirha ndən, kəsər ənawa 'ya mii wa. **3** Ndangga sheetan, "Ana Wan Faara ni sa tsawang ferdiya ka mburodi." **4** Nggəməngga Yeeso, "Nəghən chichireethlee hai ahu deleewar Faara mbə tē ənnarhami kee na niifa kərasə wa." **5** Tərgħa sheetan dəgha təghən a mbərha dē na dāngkam kaan, kyadāng kutəryid kəshiirha nən ahu shibrha yirha. **6** Ndangga sheetan, "Sa niya furo səsəmda kutəryid diya tē mamnggitghən, kəsər nggi fəreena ndan, a nggəmdī ni fəranggən niifa nggəmnā hurna. **7** Na heu niya furokən a dəfenna shilee teena." **8** Nggəməngga Yeeso, "Nəghən chichireethlee hai tē ndaarha, "dəfang shilee Faarwa teena, ndəghən katenggən." **9** Tərgħa sheetan dəgha tē Yeeso a Urshelima dē, təranggən talakh ten Kən Faara sē ndanggən, "Ana Wan Faara ni sa, puru hweeda hai. **10** Kəsər nəghən chichireethlee hai tē ndaarha, 'Nən fərang səsəmda fathlənggighən a laf sa nda, kəla sa nda ha. **11** Tē kəmdaarha, nanda a nggawo sē tē haryindan, kəsər nadē dəghang sarwa feera fa." **12** Ndangga Yeeso, "Nəghən chichireethlee hai, 'A kəkərangna Chinəm Faarwa wa." **13** Akwasamaddi ngwalangna sheetan kəkərang nda Yeeso, ndekka hai təghən 'wan. **14** Yeeso

wuddə a Nggalili dē lələgdā tē səsəmda Səsəna tē Pedənda, labərgħen weldə hu talya dē na hu chehweddi. **15** Tsahadaha ahu Kən Faara hangga ko wuni faldā ndən. **16** Dəgha Nadzarat dē mbədi mannənsə, kyagħa Kən Faara dē a far yifəd Yahudaya kəla səsəmnən sa hai. Thliigha sē nən a karatarha, **17** fərang deleewar annabi Ishaya nda. Inanggən deleewar dā hai, wal mbərha nən chireethleng nanda hai tē ndaarha, **18** "Səsən Chinəm nəghən tē nggi ha, kəsər wurdə nggi, na a bəng laḅar Faara ni fa yamiya 6a. Na a kalmii kalla nafiya ni kəangna dimiyirha kanda hai. A inanggi yid kwamaya dē. A kal fiya ni hai njithlang nanda kanda hai. **19** Tē kəm, a thləghang ndaarha ni fiya na heu, bəd beena 6a na Chinəm a hərgħang nafiyighən." **20** Ngwalang nən karataarha, nggəlanggən deleewardi fəranggənən niifda dē na a kəla kənda ha tsaukwa hai. Fiya heu na a kəndi irang yirha nda fa, **21** katəranggən ndangnda kanda, "Aweeriya laḅar diya ləghəddə ahu thlaman nun hai." **22** Kanda heu na a mbədi tək nda mbəndəghən fa, kanda a na ənwulteena tē laḅarya na mbənggən na a kyarhaḅa a miighən, na nda a ndaarha, "Ndeye, mbə wan Yisufuni ya wa?" **23** Ndangga Yeeso kanda, "Səndisə nun thləye tur karapu dafa ya, 'tə purha kəang fadwa' non a ndeerha 'əno əndi tē səknan ənanna a Kafarnahum ahu taldi kyawa ya lee." **24** Nggərgħən ndang kanda, "Niya thləghang kəkafek kun, mbə annabi sē na nda thləghən fa ahu talghən wa. **25** "Keema thləmarha fa, nəghən kəkafek na nishya sē mərna chimayi ndan hangga a Isəreela athlakh mbəd annabi Iliya, 6a waana 'yaara hurarha mahan tē ndəre mikki. Kyagħa miirha hu chehwedda hai kaan. **26** Ko nanən kee, thlən ngwanda Iliya a thləmad ko tal dē ahur ndan wa, thləngga ndan a thləmad nuneefa dē mərna chimadghən a Nzarifat na a chehweed Sidon. **27** Athlakh mbəd annabi Ilesha kəm, na fa termeeya sē hangga a Isəreela. Mbusə ko tətāl kəang nanda wa, kəl Na'aman tē Suriyarha katenggən." **28** Sək nanda laḅardi kee, fiya heu na a Kən Faara səbgha hur ndan dē. **29** Thlii nda sē kyang ngganda Yeeso sē ma hur taldi, dənda təghən ten ferda dē tənna nda talda sē. Mindan sē a muwang ngganda hweede hai. **30** Amma kyagħa tē pathlang ndan wii fayighən nən. **31** Tərgħa wiigha Kafarnahum dē, ahu tala dē na a chehweed Nggalili, nagha a tsahang

kanda ha a far yiḅəd Yahudaya. **32** Tsahadghən ha a anang ənwulteena kanda, kəsər laḅarghən naghən tə (səsəmnda) ngyakhrha. **33** Ahu kən hwan Faardi na niifa sə na tə ənkaheerha fa. Təranggən uradghən sə kaan ndaagha, **34** “Iyau! Miwa tə kan Yeeso tə Nadzarat? Ba na ḅa ka a rək kanna wa? Səndi sa, sani (tə Pədənda) na Tsətsaḅadə Wan Faara.” **35** Yanangga Yeeso ənkaheeddi ndanggən “Nggasu hai kyosə ahur niifdiya.” Tərgha tərəngga ənkaheeddi niifda sə muwanggən hweede hai a mbendan, ambəra ndəkka hai təghən malanggən niifdi kula wal wundərha fa. **36** Nafini na heu kəsangga ənwulteena kanda na nda a ndangnda ndan “Tur mani kee? Tə kanglanggirha, tə səsəmnda niifdiya ndanggən ənkaheeya kyanda sə, pa kya nda sə.” **37** Əndi ənana Yeeso ya, kanda a tsə laḅarghən ko a yanggi ni ahu chehweddi. **38** A kwasamaddi kyana Yeeso hai a Kən Faara, kyagha wuri ki Siman hai. Thlaḅər Siman tə nuwunda tə ḅeerha farha, hwan nggənda a danggən sə. **39** Ishgha Yeeso atenggen, yananggən wan haddi a ndəkka hai təghən, ndəkka wanhadda hai təghən. Thliigha sə kadang ənnaarhami nən kanda sə. **40** Tsəna figrha hai ḅagha fiya ḅa tə pashiyi ndan na tə wanhaya dədəmən-dədəmən, dəfang haara nən kanda teena, kəranggən kanda heu. **41** Ənkaheeya kəm, kyanda sə a fad fiya hangga, kanda ahuhwaarha tə ndaarha, “Sa Wan Faara ni,” njaranggən kanda də, yadəng ndikrha nən kanda fa kəsər sanda sə ndəghən ni Kərəsti. **42** Dalthna mbərha hai, dəgha Yeeso a mbərha də mbuwana fiya sə. Nagha fiya a kadaghen, walang ngganda, hwan nggənda na a tsaukwa tə kanda. **43** Amma ndangga Yeeso kanda, “Kamda adi tə Laḅardi na Mbənggən ya, yi Kutəryid Faara ahu talya də pak, kəsər nden thlən nanda nggi ḅa kamanggən.” **44** Tərgha dəgha mbeedə tə thlək laḅarghən ahu kəngya hwan Faara a chehweed Yahudiya.

5 Na fardə sə Yeeso kət a mii Wuri Aam Nggalili. Nduwusgha fiya thləmadghen ḅa hangga kanda 'yaḅang mbərhaḅa ka a sək laḅar Faara nda. **2** Yeeso na kombuwalya nən səri a mii wuri aamdi. Fa kombuwalyini kyanda sə kanda a tsəḅang panggamnggindan də. **3** Tərgha ahur tal hai, yi Siman, ndanggən a puwanggən kombuwalgghən ahu aamda hai ngguchit ma kəkəshḅangnda. Tsauka ahurghən

nagha a tsahang fiya ha. **4** Ngwalanən ndikrha, ndanggən Siman, “Puwan kombuwəl di a mbəd kudimnda də, muwanggun panggam da hai, kəs tənə nun.” **5** Nggəməngga Siman, “Paḅa, ka a fəḅigrha kan a mukrha, mbə 'ya sə walnan wa. Amma ndana kee, niya muwang panggam di sa hai.” **6** Muwangganda panggamdi kyandan sa hai, kəs tənə nda hangga, nagha panggamdi a thluwussa. **7** Tərgha aah pashiyi ndan nda ḅa na ahu tahad kombuwaldi a ḅa nda dang kanda sə. Ləḅang ngganda kombuwalya səri tə tənə, nagha kombuwəl yini a timnda hai ka haarha. **8** Nana Siman Mbiturus əndi kataragha hai ḅərgħa hai a mbed Yeeso ndagħa, “Mala, kalu kwamanna hai, kəsər tə dimiyirha ni nggi!” **9** Kəsər ndəghən tə nafiya na nanda heu, wulang teena kanda ka təndi kəs nanda. **10** Nanən kee, nda Yakubu tə Yahaya wangya Dzabadi, pashiya tar Siman Mbiturus. Ndangga Yeeso Siman Mbiturus, “Ma tərəmna wa; nanən ya fiya na a kəsə ḅa mbə tənə wa” **11** Kahangganda kombuwəl yindan kəkəsh ḅangnda ḅa, malangganda 'ya na heu mbu samad Yeeso nda. **12** Fara səmən na Yeeso ahu tala a chehweed Nggalili, na niifa sə na wanhad termeerha a səsangnda. Nanən Yeeso, ḅagha ḅa, ḅərgħa hai a mbedghən, hwanggən nən ndanggən, “China, a nggəmma fa, tsəḅeedə.” **13** Tərgħa Yeeso fər harghənən də, tsuwarghənən fa ndanggən, “Nggəmdi fa a tsəḅanadə. Tsəḅudə!” A mbədi kee, termeddi ndəkka hai təghən. **14** Kəsgħa Yeeso thləmadghən, ndanggən, “A pərangnan niifa wa dūwadə kyadang fadwa firis na sa nən. A əno sataka tənə fiya səndasə tsəḅnadə kəla tə ndana Musa.” **15** Nanən kee, laḅar Yeeso kəl chik dərha mbeedə, fiya hangga aten ḅarha ḅa kəsər a kang thləmanda fa tə kəmda a wal kənda nda ahu wanhayindan. **16** Amma, Yeeso nən naarha dərha mbərha də katenggən mbuwana fiyasə nagha a hwan Faara. **17** Fardə sə Yeeso a tsaharhaha, fingya Farisaya tə fa səngya ngyakhrha tsətsau a mbədi. ḅagha nda ḅa ahu talya Nggalili tə Yahudiya tə kəm ahu tal Urshelima. Səsəmnda Chinəm nən teghən ha kəsər a kəranggən nafiya na tə wan haya fa. **18** Kanda sə, ḅagha nafiya ḅa tə niifa mərna fadghən hai, kath aten dənggəla. Na nda a kada kwamana a dənda təghən wure hai a hunang ngganda hai a mbed Yeeso. **19** Walwa nda kwamana wa ka hangnda fiya. Kəla nda hai mbə kwamana sə wa, thləḅangganda ten kənnə də

fərghən nda hai tē dāngəldi hunangganda hai a madufud fiya a mbed Yeeseo. **20** Nana Yeeseo fərəkəfəkkin ndan, ndanggən haddi na kath, “Pashinna chohonda dimiyidwa dā.” **21** Fasəngya ngyakhrha tē Farisaya kanda a numarha tē ndaarha, “Wunniya na thlək labar sarfaddiya a Faara? Ai Faara katenggən ndəna chakh dimiyirha.” **22** Walangna Yeeseo əndi nanda a numarha, ndanggən kanda, “Kama nda nun əna tur numaddiya? **23** Yanggi ni pəpa, ‘Ndarha chohonda dimiyid wa dā wa,’ nduwa ‘Thliusə wiu wa?’ **24** Amma na minna sə a sənunsə tē ndaarha Wan Niifa nəghən tē ngyahad chakh dimiyirha ahu kəshiddiya.” Ndanggən tē mərta faddi, “Ndoyi thliusə, tərang dānggəlwə wiu wure dəl!” **25** A mbədi kee, thliigha niifdā sə a yid fiya, təranggən dānggəlgəhən sə nən hunaarha sə kətəm wiigha wure dā nagha a fal Faara. **26** Kanda na heu dəf haara nda mii, ka ənwulteena nana nda na nda a fal Faara. Lələgdā tē tərəmda na nda a ndaarha, “A weeriya na dān ənwulteena!” **27** A kwasamaddi kyana Yeeseo sə, na niifa nən tē thlə tsamnda thləmnggənni Lawi tsau a thlə tsamnda ndangga Yeeseo, “Mbuwu samanna,” **28** Lawi malanggən ‘ya na heu, thliigha sə mbusamadghən nən. **29** Tərgəha Lawi ngwagha fa əna wutsəfayirha nən manggən a wuri keeghən. Yeeseo ndən na ronga na manggən. Fa thlə tsamngya hangga tē fīngya nafiya kanda a həb ənnarhami tē Yeeseo. **30** Amma Farisaya tē Fasəngya ngyakhrha, katərang ngganda huhurumnda hai ndang ngganda fatsahaya Yeeseo, “Kama na nun a həbrha tē sarha tē fa thlə tsamngya tē fa dimiya?” **31** Nggə mangga Yeeseo kanda, “Nafiya na kəkanglang mba nda kədə təpuurha wa, kəl haaya. **32** Bayi bə ka fiya na əna ‘ya ngga wa, kəl fa dimiya, a malangganda dimiyindan.” **33** Fīngya nafiya sə ndang ngganda Yeeseo, “Fa fatsahaya Yahaya tē Mbaptisəma, nanda kar aama kətsar tē hwan Faara, na Farisaya kee. Fənayiwa kanda həbrha tē sarha parang.” **34** Nggə mangga Yeeseo kanda tē ndaarha, “Nun mbang ngyabang kar aama pashiya wutsamnda fa ndəghən bəldə a thləmandan wa? **35** Na fərgən bəyi na nda a tərang mal kanda nən. A fardi ndənanda a kar aama.” **36** Tərgəha Yeeseo fərang karapu nən kanda tē ndaarha, “Mbə niifa sə na njar kukwasharra bə a fat lukrha na ngga mbuhwang nggənən kukwasharra fa wa. A əna dā kee, kəl njarang nən luwuddā dā na

ngga, kəsər mbuhuddi mbuhwang nən suhurra luwuddā fa tē yandi na ngga mbə kamang wa. **37** Tə kəm mbə niifa sə na irang weerənda aam inabi ahu suhurra samsami hai wa. A əna dā kee, na weerənda aam inabi dī dathlang nda samsami dā dā. Nən iradə, səbgha samsami dā dā. **38** Kamdā weerənda aam inabi nəm irangnda ahur weerənda samsami hai. **39** Mbə niifa sə na nggəm weerənda aam annab a kwasamaddi sanən yandi məngga dā wa, ‘Ai, nən ndaarha yandi məngga dā kal dā ndən mbənda.”

6 Na fara səmənsə, far Yibrha Yahudaya, Yeeseo tē fatsahayighən tərnda kwaman heerha; tərgha fatsahayighən kya ten ənnarhami nda na kəla wan hwallirha fahwang ngganda hai na nda a kiighən. **2** Ndagha fīngya Farisaya, “Mani nun əna ‘ya kee ‘yadana ngyakhrha Musa yi far Yibrha?” **3** Nggə mangga Yeeseo kanda tē ndaarha, “karatang ngwanun əndi na hu dəleewar Faara ənana Ndauda tē nafighən na miirha a kəs kanda wa? **4** Kyana Ndauda a Kən Faara dā tərənən mburodi sə dəfangna nda dā ka firis katenggən, kiigha har ənangən pashiya wiyighən ha.” **5** Ngwalanggən pathdī tē ndaarha, “Ai, Wan Niifa Chinani har tē far Yibrha.” **6** A fara səmən far Yibrha Yahudaya fadghən, Yeeseo kyadə Kən Faara dā a tsaharhaha. Na niifa sə a mbədi mərna harghən a yisəma. **7** Tərgəha fa maləmgya ngyakhrha tē Farisaya kanda a kəla Yeeseo ha tē nən a kənanng nda fiya a far Yibrha kəsər a kəsangganda tē dimiyirha. **8** Yeeseo sən dā əndi nanda a numarha. Ndanggən niifdi wu, “Thliusə bə isha a mbədiya.” Tərgəha niifdi thliigha sə isha a mbədi. **9** Ndangga Yeeseo kanda, “Niya tsahang mee kun ha, ma kamngga a nam a far Yibrha? Əna nggayirha nəm, nduwa mbəlfəerha wa? A hərgəhanggəm yibrha, nduwa bəlanggəm wa?” **10** Tərgəha kəlanggən kanda na heu; akwasamadghən ndanggən niifdiwu, “Pəpənanng harwa dā.” Ndəghən nggi kəm pəpənanngən harghən dā. Tərgəha hardi pəpəngga dā. **11** A mbədiwu hur Farisaya tē fa maləmgya səbgha dā kaan, katərang ngganda thlək pathla hai aten ‘ya na nda ənaarha tē Yeeseo. **12** A hu bəngginiya, Yeeseo tər dā ten feera sə ka a hwangga. Mənggən ka hwan Faara. **13** Dalthna mbərha hai aah fatsahayighən nən bə, wurgha hasə ahur ndan Kum kap səri, aah kanda nən fathlənggighən. **14** Kanda na Siman, dəfang na Yeeseo thləma

Mbiturus, tə wanman Andərawus, tə Yakubu, tə Yahaya, tə Filibus, tə Mbatalomi, **15** tə Mاتيیو, tə Toma, tə Yakubu wan Halfa, tə Siman na nda aarha tə sərək chehweedghən, **16** tə Yahuda wan Yakubu, tə kəm Yahuda Iskaryoti, tə tsaukwa tə thlərbu. **17** Tərgħa Yeeso tərāa hai tə kanda ishgha a pəpal tə fiya hangga na mbusamadghən. A mbədi kəm fiya hangga bagħa ba a Yahudiya tə Urshelima, tə kəm chehweed Taya tə Sidon na tsau tə wuri aama. **18** Bagħa nda ba ka a sək laḅargħən nda tə kəm awal kənda nda ahu wan hayindan. Kənanggən fiya na ənkəheeya a səsang kanda. **19** Fiya na heu a kada kwamana na a tsuwargħən ndafa kəsər səsəmnda a kyarħaba a fadghən na a kənanggən kanda. **20** Yeeso kəlanggən fa tsahayighən sə ndanggən kanda, “Nafiya ni kun na tə parka, kun na fa yamiya; kəsər Kutəryid Faara yinun ni! **21** Nafiya ni kun na tə parka, kun na miirħa a kəs kun nanən ya; kəsər nun a nggaala! Nafiya ni kun na tə parka, kun na a tərħa nanən ya; kəsər nuna maasa! **22** Kun fa parkayani, na fiya a karkun, kanda a wurang kun də, kanda 'yar kun tə ndaarħa kun fa mbəlfēeya ni kəsər ka Wan Niifal!” **23** “Nama wutsəfayirħa a katəra ənda haya, tə kəm rəbama ka wutsəfayirħa kəsər nun wal kənaghən hangga a talara. Kəsər kətəm nangga chichiyindan annabiya kee.” **24** “Kawama nafiya, kun na tə kəna ha nanən ya, kəsər 'wadun teena tək dūn mbəndafa! **25** Kawama nafiya nggalgha nanən ya, kəsər ba na miirħa kəs kun! Kawama, kun na maasa nanən ya, kəsər na hur nun a sərħa də non a tərħa! **26** Kawama, kun na fiya a faala kəsər nangga chichiyindan annabiya fa nggabaya kee.” **27** “Niya ndang nda kun na sək fanna, nggəməma fiya na tsan kun. Nama 'ya na ngga a fiya na karkun. **28** Dəfaman parka fiya teena na 'yarkun, tə kəm hwana man Faara fiya teena na səsang kun. **29** A mbi niifa sa ahu yandī kəmənga ya, kyakhrang man patu ba. Athlang niifa kapad wa, kədaŋ yanda hai na ngguchit. **30** Kala niifa hwanowa 'ya, fərang, niifa kəm thlangga ənwā a ndangna a nggəro kənən ha wa. **31** Ənəman 'ya fiya kəla na minnun a ənaŋ ngganda kun.” **32** “A nadun a nggəm nafiya na a nggəm kun kee, kəkən nun wal parka? Fa dimiya kəm na nda nggəm nafiya na nggəm ka nda kee. **33** Kəm darħa anadun a na 'ya na ngga ka fiya na nang kun kee, kəkən nun wal parka? Fa dimiya na nda naarħa kee. **34** Tə kəm ana fiya na mbang

teng kun kee, ndənun fərang kumarħa kanda, kəkən nun wal parka? Fa dimiya na nda fərang kumarħa fa dimiya kəsər ateng ngganda kanda məməl. **35** Nanən kee, nggəməma nafiya na tsan kun tə kəm ənəman 'ya kanda na ngga. Fərama kumarħa mbə ka atenggənda kun wa. A nadun a naarħa kee nun wal kənaghən hangga, tə kəm nun tsaurħa wangya Faara Amshi, kəsər nəghən nang 'ya fiya na ngga mbuwa usa Faara tə kəm fa mbəlfēeya. **36** Tsawama nafiya na fiya hadang kun fa, kəla nana Chinəm Faara, na fiya a hadang fa.” **37** “A fərangdun dimiyirħa fiya wa, kun nggima mba nda fərang kun wa. A ngwangdun kumarħa fiya wa, kun nggima mba nda ngwang kumarħa kun wa. Chahaman dimiyin dan fiya də, kun nggima nanda chahang dimiyin nun kun də. **38** Fərama, kun nggima nanda fərang nda kun tasau lələgdə hərħa hai, irang tahadghən nda kun ahu har luwun nun hai. Tasau nun a kəkərang fiya sə ndəna nda kəkərang nda kun sə.” **39** Yeeso fərang də karapu kanda tə ndaarħa, “Na kwamarħa kəs səsəl kwamarħa wa? Anadə kee, kanda kyab na nda mukrħa ahu kwarħa hai. **40** Mbə wan tə tsaharħaha sə, kalgha təmələm ndəghən wa. Kəsər, wan tə tsaharħaha a ngwalang də tsahadghən ha, nən tsaurħa kəla təmələm ndəghən.” **41** “Mani na kəlang hwalirħa na a yid shadwa, sa kula kədaŋ miwaarħa də na a yidwa? **42** Kəkən na ndang nda shadwa, 'Wanya ni a kədo hwalirħa də a yidwa,' kula sa na miwaarħa na yidwa? Sa tə thlərbu! Katərang kədaŋ miwad də 'wan na yidwa kəsər ana manana hai ngga, na a mbangga kədaŋ hwalirħa də na yid shadwa.” **43** “Dəfrħa na ngga mbə nggət wee mbuwa ngga wa, dəfrħa kəm mbuwa ngga mbə nggət wee na ngga wa. **44** Nəm sən dəfrħa tə wanggighən. Mbə naarħa hai dakh wan shiḅarħa nəm a fad ndaha wa, nduwa wan inabi a fad ndakh mbəlfēerħa wa. **45** Ka niifa nən əna əngya na ngga, kəsər əngya na ngga ndəna ahurghən. Tə kəm, tə mbəlfēerħa nən əna əngya mbuwa ngga, kəsər əngya mbuwa ngga ndəna ahurghən. Kəsər 'ya na ahur niifa ndəna kyarħa ba a miighən.” **46** “Kən nun aah nggi, 'Pəpa, Pəpa,' kun a kar 'ya ndang ni kun a non? **47** Kala niifa bagħa thləməna ba, a sək 'ya niya thləkrħa tə kəm ndəghən a əna 'ya dani, niya pərang tur niifdi kun. **48** Nəghən kəla niifa na a tən wurighən, ranggən sargħən sə kudimnggən, tə kəm dəfənggən sar kəndi aten feera. Ləghənda

kufarha dāk nən wuridi mbangwa tsang'ya fa wa, kəsər dəfanggən sarghən aten keela. 49 Kəsər niifa səkka pathna nawa taarasə wa, nəghən məməl tə niifa təngga wurighən kula tansang sar kənggən ngga. Ləghədna kufarha mbən nən wuridi chagha hai hərəm, chat wuri dā hai, 'ya ni mbuwa ngga kaan."

7 A kwasamaddi ngwalangna Yeeso pathla a fiya aten ənggini na midghən sə a pəranggənən kanda, widghən ni Kafarnahum də. 2 A mbədi, na mamnda sodja Romaya sə na mafadghən hadghən kaan tsau tə mii mərə fa. Mamnda sodja Romaya diwu nggəmdə mafaddi keeghən kaan. 3 Səknən laḅar Yeeso, thlən fingya fa maləmgya Yahudaya nən dā nda hwanggən ḅaa kənanḅ nda mafadghən. 4 Famaləmgini dənda thləmad Yeeso də, hwanggənda kaan ndang ngganda, "Niifdiya kam də a dāngga sə! 5 Nggəmdə nafinan har tənang də Kən Faara kan sə." 6 Wiigha Yeeso tə kanda. Dənda də, kanda tsau tə wuri di, mamnda sodja Romaya di, thlən pashiyighən nən ndang ngganda Yeeso, "Paḅa, a kətəlangna fadwa ka nggi wa, kəsər tsəkki na a ḅana wuri kyana ḅa wa. 7 Ndəghənni ndani tsəkki na di thləmad wa də wa, kalusə kee na mafanna a wal kənda. 8 Kəsər nggi niyi akamu ngyakhrha niifa, kəmdə tə sodjaya a kamuna, ni ndaa nda yandiya, 'duwa də', nən dərha də; yandi kəm ndanggi 'ḅoḅa', ḅagha ḅa, ndanggi mafanna, əno kiya, ənagha kee." 9 Səkna Yeeso ndən kee, wulangga teena. Kyahargha hai ndanggən nafini na a mbu samadghən, "Niya ndang nda kun, ahur Isəreela 'wawi wal niifa tə fərkəkafek fa tə kanglanggirha kəla yandiya wa." 10 Nafini thlən nanda də wu wunna nda a wuri ki mamnda sodja Romaya də, dānda wal mafaddi kəndə. 11 Tsuwa tsəḅaku wa Yeeso dəgha ahu tala də na nda aarha Nayin, fətsahayighən tə fiya hangga mbu samadghənda. 12 Nduwus na nda a kwakirəm talda ḅa, tərgha (na) nafiya (nda) a kyarhaḅa tə mərə wundəlarha, ndəghənni tətəl nggəna (ahar) man, chimadghən (nudi) kəm mərdə. Nafiya hangga ahu taldi kanda a dəfangdə. 13 Nana Yeeso nudi, hadanggən fa, ndanggən, "A tənna wal!" 14 Dəgha də tsuwar alkau dā nən fa, nafini na təghən ha isha nda hai. Ndagha Yeeso, "Wundəlad diya ndoyi thliusə!" 15 Tərgha wundəlad di mərgha thliighasə tsaukwa tsau, katəranggən ndikrha hai. Yeeso kəm

fəranggənən man də. 16 Tərgha tərmanda kanda na heu, manangganda thləm Faara nanda a ndaarha, "Kəkafek, ḅat mamnda annabi ahur nəm ḅa! Ba na Faara ḅa ka a hərghanggən nafiyyighən." 17 Laḅar əndi əna na Yeeso ya, dədə də inggun ahu Yahudiya tə tulayighən. 18 Tərgha fətsahaya Yahaya pərang ənggina nda na heu, aagha Yahaya səri ahur ndan. 19 Thlən kanda nən thləmad Chinəm də tə Tsakhmee, "Sani na a ḅaddəḅa wa, nduwa kəla niifa nan pak wa?" 20 Səlna fa tsahayini a thləmad Yeeso də, "Ndang ngganda Yahaya tə Mbaptisəma ndəghən thləngga kan a thləmad wa ḅa, nan a tsaho mee, sani na a ḅaddəḅa wa, nduwa kəla niifa nan pak wa?" 21 A mbədi tsu kənanḅga Yeeso nafiya mbuwa kəkanglang, tə ənkaheeya. Kwamaya hangga kəmdə kanda ana mana hai. 22 Tərgha nggəmanḅga Yeeso kanda ndəghən, "Damadə dūn pəranggən Yahaya əndi səknun tə əndi na nun. Səfəngya a wiirha, fa termeeya kanda a wal kənda, təbəngya a sək pathla, kanda a thləng mərya sə kəmdə kanda a fər laḅar Faara a fa yamiya. 23 Faara nən fər parka a fiya nggalgha tə fərkəkafek nanda təghən atenna." 24 Akwasamad di wiina fəthlənggini ki Yahaya, tərgha Yeeso katəranggən tsə laḅar Yahaya ahu tərđi ngwagha hai, ndagha, "Kəladma dūnun ka kəladḅə a kaheerha? Hwaliya na dzang na ḅeurha a tsang 'ya fa wa?" 25 Yoo, kəladma dənun ka kəladḅə? Nduwa ngwadḅə fa ngwanda fa ya wa? Ai kəmdərha fa ngwaya fa na ngga, na nda tsaurha kwakirəm kutəra. 26 Yoo, kəladma dənun ka kəladḅə? Annabi wa? Kəkafek niya pəranggən kun har kaldə annabi. 27 Yahaya ndəna laḅar Faara chichirethlee hai tə ndaarha, "Iya, thləndi tə thləndəna 'wa də mḅee masa, yandi na a takso kwamana kapa na ḅarhaḅa, 28 Niya, pəranggən kun ahu fənayini na heu nggət na nishya mḅə yandə sə kalgha Yahaya mamnggirha wa, nanən kee yandi na ngguchit ahu kutəryid Faara kaldə ndən mamnggirha." 29 Nafiya səkka əndi ya heu tə fa thlə tsamngya səndasə kwaman Faara ndəna məməl, kəsər kanda ənnanda mbaptisəma yi Yahaya. 30 Amma Farisaya tə fa sən dəleewar ngyakhrha, kar nda dəfang shilee əndi na mid Faara nang nda kanda, kəsər kar nda fa a nangga Yahaya mbaptisəma kanda. 31 Dəgha Yeeso mḅeedə tə ndaarha, "Yoo, tə manda nəm sakh nafiya kəshiid weeriya? Na nda kəkən? 32 Na nda kəla wundakhnaya na tsaurha a kasu,

nanda aah ndan, kanda a ndaarha, “‘Peng dan perəma kunsə kardun rəbrha fa, angdan amshi mərta kunsə, kardun tərha fa!’” **33** “Yahaya tə Mbaptisəma ba nən ba mbə a həb ənnarhami wa, mbə a sa aam inabi wa, amma kun a ndaarha, ‘Nəghən tə ənkaheerha fa!’” **34** Wan Niifa ba da ba, a həbrha, a sarha, kun a ndaarha, ‘Na dun ndən tə yakh həbrha tə saarha, pashid fa thlə tsamngya tə fa dimiyirha ni!’” **35** Nanən kee, nafiya nggəmmnga fa tə ndəndəlyid sənda Faara, kanda kəl ndaarha nəghən tə kəkafek fa.” **36** Tə Farisarha sə aagha Yeeso ka həb ənnarhami a wuri keeghən də, tərgha kyagha ki tə Farisadda hai, tsaukwa hai a həb ənnaddami. **37** A hu taldiya na nuneefasə mbuwana ən ənadghən ngga, səknən ndaarha na Yeeso a həb ənnarhami a ki tə Farisarha bagha ba tə kəthlikrha fədeerha na tə wudəbəla fa. **38** Ishgha aman kəsərgəhən təman sarghən fa, nagha a tərha, tərgha aam yidghən nagha a tsətsaarha aten sarghən hai fəbənggən sardi, panggən də tə was tenggən, kəmənggən tə fədeerha na tə sədgəhən mbənggən. **39** Nana tə Farisaddi aagha ndən ndagha ahurghən, “Ana niifdiya annabi ni kam səndə tə wunniya, tə kəm ndaarha tur nu wunniya na a tsuwarghən fa kəsər tə dimiyirha ni.”” **40** Nggəmmangga Yeeso ndanggən, “Saminu, na ‘yasə niya puro,” ndəghən kəm darha, “Mala puruwun.”” **41** Ndagha Yeeso, “Niifasə a takkwa nafiya səri kumarha, tal wudəbəl wurirha haru tuf, tahadghən kəm kumnggit tuf. **42** Pədagnga tidghən kanda, tərgha chahənggən nən kanda də ngwad kyab. Yoo, ahur ndan yanggini nggəm nggən kaan?” **43** Nggəmmangga Saminu ndanggən, “Ai yandi chahang na nda də na hangga.” Ndanggən, “Nggəmmangna məməl.” **44** Kyahar nən thləmad nuda də, ndanggən Saminu, “Nanna nudiya? Kyadi kyawa hai fəre wa aam tsab sara wa, amma ndəghənggi irang də aam yidghən aten saryina hai, panggən də tə was tenggən. **45** Sa fufubwa nggi wa, ndəghənggi kəm ka kyani mbəda baya malangwa fəb sarghən wa. **46** Kəməng ngwa tenna tə fədeerha wa amma ndəghənggi kəməng də sarna tə fədeerha na sədgəhən mbənggən. **47** Nanən kee niya purokən, pat dimiyini keeghən na hangga chahang ndandə, kəsər nəghən tə nggəmmnda na hangga yandi chahang nanda də ngguchit kəm nggəmmnda ngguchit nən waala.”” **48** Tərgha ndangga Yeeso, nudi, “Dimiyid wa chahon ndan də.”” **49** Nafini na a həbrha təghən,

na nda a ndangnda ndan, “Wunni yandi kəmya na chahang dimiyirha də.”” **50** Tərgha ndangga Yeeso nudi, “Fər kəkafekkid wa hərwo də duwa də hu dədemnggirha.””

8 Mənggaha wa na Yeeso a Pər laḅar kutəryid Faara tala-tala, fətsahayighən na Kum kap səri a thləmadghən, **2** tə fīngya nishya ndəghang nda kanda hai tə ənkaheeya tə fīngya wan haya. A hur ndan na Mairamu sə nanda aarha Magdaliya ndəghang nda hai tə ənkaheeya məd. **3** Tə Yowana nu Kudza tə thlənda Hirdus, tə Sudzanatu tə fīngya hangga dāngga kanda sə tə rəfyindan. **4** Wumna fiyaḅa hangga, nafiya aten chikrha ba, tala-tala kanda a ḅarha thləmadghən ba. Thləghang karapu nən kanda sə ndəghən, **5** “Na niifasə dəgha ka həfrha də, ndəghən aten wash wiirha, fīngya həra nda hai aten kwamana ishangga fiya hai tərgha dāməngga wudikkyā. **6** Hərgħa fīngya hai ahu həreng keela hai, kya nda sə təkna yan faara hai hwara nda də kəsər mbə ləssa suwa. **7** Fīngya həra nda pathlang ndakhkya hai kya nda sə kal wanda farha hai a pathlang ndakhkini wa. **8** Hərna fīngya hai ahu chehweerha hai na ngga kyanda sə ngga tə chikrha haru-haru.”” Ndanən kee tərənggən uradghən sə ndagha “Yi na tə thləmad səkrha səkkənən.”” **9** Fa fətsahaya Yeeso tsahang mee nda aten karapu diya. **10** Ndagghən kanda, “Nggəməng nda kun fa na a sən ‘ya nun na kutəryid Faara ahurghən, fīngya a mbə tə karapu wa mba nda sənggən wa, naarha nandan, kanda mba nda kukwalang hai wa, səkrha kəm sək ndan, kanda mba nda sənggən wa.”” **11** Ndagghən “Karapu diya nəghən kiya, Wiirha laḅar Faara ni. **12** Fīngya hərgħa hai ahu kwamana nəghən aten nafiya səkka laḅar Faara, tərgha bagha Sheetan ba tərənggən laḅar da də ahur ndan amana nda fərəkəkafek na a wal hərəkrha nda. **13** Yi həreng keela nəghən aten fīngya a hərəmma nda sək laḅar Faara nanda thləghən tə hura pəpet, mbə mbəd tsawudghən sə ahur ndan wa, kəsər nanda fərəkəkafek yi ḅeena ngguchit, a wal nda kəkərta mba nda kwas kyaharra hai wa. **14** Fīngya hərgħa ahu ndakhkya hai, ndəna aten fīngya səkka laḅar di, kəsər nda weeriya tə binda ka ən kəshiirha, tə kəna tə ən mbəndayirha fa yi kəshiid diya thluranggən kanda kəsər mbə ‘yasə nanda mbang ənaarha ngga wa. **15** Fīngya həf nən ahu chehweerha na ngga ndəna aten nafiya səkka laḅar di,

kæsgħanda ha ngga tē hura tētal, kērsa nda na 'ya nda na ngga." 16 "Mbē niifa sē na njang patilla tsābānggān tē tāba wa, tē kām dāfanggān kamu wusēra dē wa. Nām dāfang nda a mbēd dāfrha na a pēpal kēsēr ka nafiya na kyarha bā na kukwariya nda. 17 Mbē 'yasē na bēbēe mbuwa kyarha sē wa. 'Ya kām na nggānggēla nēn kyarha pēpal bā. 18 Kwarama tē sāk pathla nun a naarha sērha a sēunusē niifa na tē 'ya ha nanda chighānggān, yandi mbuwa tē 'ya anadē a numarha nēghān tēghān ha nanda thlang nda." 19 Man tē wanmānggighān dānda thlēmādgħān dē, wal wanda sēla thlēmādgħān dē wa kēsēr ka hangnda fiya. 20 Ndang ngganda, "muwa tē wanmānggiwa kanda a kēshi na mindansē na sa." 21 Nggēmānggān kanda ndāghān "Nafiya na sāk labār Faara thlēmāngganda dē kanda ni iiya tē wanmānggina." 22 Na fara sē kyanēn hur kombuwāl hai tē fatsahayighān, ndānggān kanda, "Tama pēm wuri aamda dē ya." Thlii wiirha nda. 23 Nanda atēn wiirha tērangga bēena dē. Tērgħa bēreu 'yaara thliigha bā, kombuwāl ndān takh dē a lēghatta tē aama, tērmānda. 24 Dēnda dē thlēngganda sē a bēena, ndang ngganda, "Paḅa-paḅa nēm a mēra!" Thliigha sē yanānggān bēreu 'yaardi tē kudāfēlla amdī nggasa nda hai tip. 25 Ndānggān kanda, "Ai fērēkēkafekkīd nun?" Tērgħa tērna nda tē wulteenā, na nda a ndāngnda ndān, "Wunniya na bēreu 'yaara tē aama dāfang shilee in?" 26 Dēnda mbeedē tē wiirha a Nggalili ta Nggarasina dē na a pēm wuri aama. 27 Tērna dē na mii wuri aamdi, na niifasē tē ānkaheerha fa, kyagħa bā ahur taldī hwathla kanda nēn fa. Mēndaha 'wawa kal kabārha fa wa. Mbē tsaurha a wuri wa kēl a mbēd tēn kwaya. 28 Nanēn Yeeso tērgħa hūhwagħa, fēlgħa hai a mbedghān tēranggān uradghān sē ndāghān, "Ma njidoyiwa tē nggi Yeeso Wan Faara Amshi? Niya hwan sa a sēsenna wa." 29 Thlāk nēn ndēn kee, kēsēr Yeeso 'wadē teena yanāng dē ānkaheeddi a ndākka hai tē niifdi. Sara hangga na ānkaheeddi naarha dēghāng niifdā hai, na fiya kēnāng hai tē wuyiwurra nēn dāhang dē dāngga ānkaheeddi a heedā. 30 Tērgħa Yeeso tsahāng mēe nēn ha, "Thlēm wani kēn?" Ndāghān, "Hangga." Kēsēr ānkaheeya hangga kyangga fa. 31 Na nda a hwanngān a dāngdē kanda hu kwadadē na kudimnggān wa. (Abyssos g12) 32 A mbēdi wu na chibēt kēlengarya sē a lafrha a wumnda, hwanngān nda a kya nda ahur ndān hai, nggēmānggān kanda fa. 33 Tērgħa ānkaheeyini ndāghāng nanda kanda hai tē niifdi kyanda hur kēlengaryina hai. Tērgħa kēlengaryini thlii nda sē tē dārha kya nda hu wuri aamda hai, mēra nda sē. 34 Fa laf kēlengaryini nanda āndī katēragħa hai, dāndan ni wure dē na nda a pērgħān tala-tala. 35 Tērgħa fiya kya nda bā ka na ānda nda katēragħa hai bā nda thlēmādgħān Yeeso bā, bānda walghān tē niifdi ndākna ānkaheeyina hai tēghān tsau a mbedghān kaldē lukrha fa, bā hutēnggān bā. Tērgħa tērmānda. 36 Na nafiya sē ānana Yeeso āndī a yindān thlēghānggān nda kanda kwamāndī kēnāng nda tē ānkaheeddi. 37 Nafiya Nggarasina kahat hwan Yeeso nda na a ndākka hai tē kanda, kēsēr kēs hēreenga kanda kaan. Tērgħa Yeeso ahu kombuwāl hai wiigha. 38 Niifdi ndākna ānkaheeyina hai tēghān hwanngānān na a wii nda kyab. Tērgħa ndānggān, 39 "Wudū wuredē dā thlāk āndī ānana Faara." Widghān ni hur tala dē nagħa a thlāk āndī ānāngna Yeeso. 40 Wunna Yeeso bā, fiya hangga hwathlagħa ndēn fa, kēsēr nanda a kēlagħān fa. 41 Tērgħa na niifa sē thlēmānggān ni Yayirus mamnda niifa ni a Kēn Faara, mbērgħa hai a mbed Yeeso hwanngānān a dēgha wuri keegħān dē. 42 Na wutaradghān sē tētal huradghān ānadē Kum kap sēri a mēra. Tērna Yeeso kwamana, fiya hangga a ngyaḅāng mbērgħa fa. 43 A hur ndān na nuneefa sē sēsagħa yi hurarha kumkap sēri fara atēn ḅāng ndafa hai, ḅēlang dē ān hu hargħān dē ka kadā puurha, walwa kēnda wa. 44 Tērgħa kyagħa tē man kēsērgħān tsuwar pēpēshiprha parkwadghānān fa. A mbēdi wu fardi na ḅāng fa hai tērgħa. 45 Ndagħa Yeeso, "Wunni tsuwargha nggi fa?" Ngāalangganda, tērgħa Mbiturus tē fīngya na a thlēmādgħān ndang ngganda, "Paḅa na fiya hangga na puworha bā kanda a ngyaḅo mbērgħa fa." 46 Ndagħa Yeeso, "Na niifa sē tsuwargha nggi fa kēsēr na sēsēmnda sē kyagħa dē a fanna." 47 Kēlaana nudā hai mbē mbāng bēerha wa, Nduwusgha thlēmādgħān dē nagħa fadghān a rēbrha fa, bērgħa hai a mbedghān pērgħānān a mbed fiya na heu āndī nagħa ndēn tsuwarnān ndēn fa tē wal kēnda wal nēn a mbēdi. 48 Ndangga Yeeso nudī, "Waana fērēkēkafekkīd wa kēnodē wiu fadwa ahu dādēmnggirha." 49 Ndāghān atēn fēr labāra, ḅagħa niifa bā a wuri ki Yayirus mamnda Kēn Faara ndānggān, "Wutaradwa mērdē a sēsāngna tē malēmndē dadē wa." 50

Səkna Yeeso ndən, ndanggən mamndədi, “A tərəmna wa furu kəkafek kee nən a kənda.” 51 Nduknən hur wuridə də nggəməngwa fiya fa mbusamadghə nda wa, kəl Mbiturus, tə Yahaya, tə Yakubu tə kəm chin wandi tə man. 52 Fiya aten tərha tə huhwaarha ka mərə wutaraddi. Ndagha Yeeso, “Malaman tərha, mərgha wa nəghən a shiirha.” 53 Tərgha masangganda yi sarfarha, kəsər səndasə mərdə. 54 Ndəghənggi kəm kəs nən har wandi təranggən uradghən sə ndəghən, “Waana thliu sə.” 55 Səsənggən wudgha 6a thliigha sə, ndanggən kanda fəraman ənnarhami həbgha. 56 Fa nggətyighən wulangga teena kanda. Yi yang thləmarha nən kanda teena a pərang ndan fiya əndi kətəragha hai wa.

9 Aah nən fətsahayighən kumkap səri dā 6a, ndanggən kanda, fərangdi səsəmnnda kun na a kənanngun fiya na tə ənkaheeya tə wan haya dədamən, 2 tə kəm thlən kanda nən daa nda pər laḅar kutəryid Faara, tə kənanng nda haaya. 3 Ndanggən kanda, “A thliidun wiirha ma tərđun səsala, tə yawarha, tə ənnarhami, tə wudəbəla, tə kəm lukrha səri wa. 4 A dəđun dā, wuridi ‘wanun kyarha sahai, tsawama sə pa far wuttənun 6a. 5 Kala nafiya thləwa nanda kun fa, a nadun a mal taldı tinid taldı na sarnun pamandə ka a tsauka ən sakhrha ni a tendan.” 6 Thlii nda, wengganda talya hai hangga, kanda a pər laḅar Faara tə kənanng nda fiya ko a yanggini. 7 Hirdus kutər Nggaliliya, səkdə ‘ya na a kətərarha hai ahu chehweedghən, kərəddadən fa kaan, kəsər fīngya na nda a ndaarha Yahaya tə Mbaptisəma ni thleng nanda sə ahu mərta. 8 Fīngya kəm ndaa nda Iliya ni kyagha 6a, fīngya a ndaarha tal ni ahur annabiya na kaar thliigha sə. 9 Ndagha Hirdus, “Yahaya kyathlangdi tenggən dā, wunni kəm mbiya ni a sək ənggini dədamən atənggən ya?” Nanən kee, midghənsə a na Yeeso nən. 10 Wunna fətsahayighən 6a pərang ənggina nda ənana nda. Tərgha thliigha tə kanda katəndan dənda ahu tala dā nanda aarha Mbatseda. 11 Sənnə fiya mbədi nən a dərha sadə, mbu samadghən nda. Thlə kandanən fa, pərang laḅar kutəryid Faara nən kanda, kənanngən fīngya na mindan kənda. 12 Yarna fara hai, Kum kap səridi 6aa nda thləmadghən 6a ndang ngganda, “Kamdə nanən ya kal fiya na hai kya nda hur tala dā dānda kədə ənnarhami tə mbəd mənda kəsər mbədi nanəm sə ya mbə

fiya sə wa.” 13 Ndangga Yeeso kanda, “Kun tə altənnun fəraman ənnarhami kanda lee.” Ndang ngganda, “‘ya na a har nan mburodi ni tuf tə tənə səri kee, a mbə nanan kyarha hur tala dā dan heng ənnarhami fiya 6a na heu wa.” 14 Həshya ənanda haru kumnggit tuf. Ndangga Yeeso fətsahayighən, “Ndaman fiya tsawanda hai, wumangganda tendan kumnggit tuf-tuf.” 15 Fətsahayighən tsawanganda fiya hai kəla ndanən. 16 Tərgha harənggən mburodi di tuf tə tən di səri, təranggən tenggən talara dā, usa Faara nən, kyanggən hai, fəranggən nən fətsahayighən ndəghanggən nda fiya. 17 Fiya na heu ənanda mii nggal nda. Tərgha fətsahayighən wumangganda kwasamadghən kutasya kumkap səri. 18 Na fərdə sə Yeeso a hwan Faara katənggən tə fətsahayighən a thləmadghən, tsahang mee nən kanda, ndəghən, “Na fiya ndaarha wunni nggi?” 19 Nggəməngganda, “Fīngya a ndaarha Yahaya tə Mbaptisəma, fīngya Iliya, fīngya kəm a ndaarha tal ni ahur annabiya na kaar thliigha sə.” 20 Ndanggən kanda, “Kun tə altənnun nun a ndaarha wunni nggi?” Tərgha Mbiturus nggəmənggən ndəghən, “Sani Kərəsti yi Faara.” 21 Yeeso yiyang thləmarha nən fətsahayighən, a pərang ndan niifa laḅar di thləghang nən kanda wa. 22 Ndangga Yeeso kanda, “Kəkafek ni, Wan Niifa nən a səsəarha ahar shingya, tə mamnda firistaya, tə kəmdə fəsəngya ngyakhrha, nanda a kərgən fa, bəlang ngganda, a far bəena yi mahan nən a thliirha sə.” 23 Ndanggən kanda na heu, “Ana mid niifasə mbu samanna kəl karnən altənggən təranggən kadidghənsə ka fad dathla mbarha fa hai ndənən mbang mbu samanna. 24 Niifa na midghənsə a hərghanggən yibədghən nən a kədeng nda, kala niifa kədengga yibədghən ka nggi nən a wal yibrha mbuwa ngwalarha. 25 Kəmdə, ma chighang nən niifa a waldə ən kəshiid weeriya heu kədenggən yibədghən? 26 Kala niifa niya shidang tə laḅarna, Wan Niifa kəm nən a shidang nda tə ndaarha səngwa ndən wa abadə hu mamnggitghən 6a yi Chin tə yi fathləngya Faara tə pedənda. 27 Kəkafek niya pərang nda kun, na fīngya sə kəkət a mbədiya mba nda a mərə wa, nanda a naa kutəryid Faara tə yindan a mərə nda.” 28 Akwasamad bəena uvaḅə tə thlək palthdiya, Yeeso təranggən Mbiturus tə Yahaya tə Yakubu tərāa nda wumnda sə kəsər a hwan Faara nda. 29 Ndəghən aten hwan Faara, kəla nda hai

pəmnggən a chim nda fa, lukkighən tsaukwa pəpet nagma ahar yirha. 30 Kula səndəndan sə na nafiya nda səri a thləmadghən, kanda a tsə labara təghən. Nafiniya nda Musa ni tə Iliya. 31 Banda thləmadghən 6a tə mamnggirha, na nda a tsə labara tə Yeeso ahu ləghəttə 'ya na mid Faara aten mərrəghən a Urshelima. 32 Mbiturus tə fīngya na a mbədi kanda a beena. Mehen na nda 6a, tərga na mamnggitghən nda, tə kəmda nafini səri kəkət a thləmadghən. 33 Na nafini səri a ndəkrha hai təghən, tərga Mbiturus ndanggən Yeeso, "Paḃa, nəghən ngga nanəm a mbədiya, na chama nan mahan, tal yiwa, tal yi Musa, tal kəmda yi Iliya." Səngwa əndi nən a thləkrha wa. 34 Ndəghən a ndikrha kee, kəla nda hai hashmbe nggəlanggən kanda. Nggəlangna hashmbidi kanda tərmada. 35 Sək urarha nda hai ahur hashmbidi tə ndaarha, "Waana niya wurni, səgha madghən." 36 Akwasamad sək uraddi, na Yeeso nda kət katənggən. Fatsahayighən nggasanda hai titib, a sayiddiya pərangwandan niifa əndi katəragha hai wa. 37 Dalthna mbərha hai, Yeeso tə fatsahayighən tərna nda hai a wumndədi, wumngga fiya thləmadghən 6a hangga. 38 Na niifa sə ahur nafini wumngga 6a aaghənən ndəghən, "Paḃa ni a hwan sa kəlang waana thlarghəna, kəsər ndəghənni tətəl a harna. 39 Na ənkaheerha tsang hurafa, nən huhwarha, dəghanggən hai, nagma fadghən a rəprha fa, nagma miighən kəm a hufhrha. A fara səmən mbə malang wa kəl səsangnən kaan. 40 Hwan di fatsahayiwa a kənanng gənda, mbang ngwanda wa." 41 Nggəlangga Yeeso ndəghən, "Kun nafiya kəshiid weeriya fa mbəlfeyya, mani kədiina fərkəkafekkid nun? Pa kwandə nəm tsaurha, nggi aten kərəsta tə kun? Bətgəghən wəndi kyawa." 42 Na wəndi bəyi tərga ənkaheeddi dəghanggən hai nagma fadghən a rəpfa. Tərga Yeeso njaranggən ənkaheedda də, kənannggən wəndi wudənggənən chin ha. 43 Fiya na heu a mbədi wulangga teena kanda aten mamnggit tar Faara. Na fiya heu aten na ənwulteena aten əndi əna na Yeeso, ndanggən fatsahayighən. 44 "A mbədandə kun tə pathdi niya pərang nda kun wa, nanda a fər Wan Niifa ahar fiya hai." 45 Kanda hwathlang ngwanda numadghən hai wa, bəbeng ndan kanda kəsər amana nda kukwalang hai. Kanda kəm a tərəm tsahang mee aten path diya. 46 Tərga thliigha ngaala sə a pathlang fatsahayighən aten wunni ahur

ndan na manggən. 47 Səna Yeeso numan ndan tərga kəs har wee nən 6a ngguchit ishanggən a thləmadghən. 48 Ndagngən kanda, "Kala niifa thləgha wanda fa ya ka nggi, nggi thlənən. Niifa thləgha nggi kəm, thlənən niifdi thləngga nggi 6a. Nanən kee, niifa na ngguchit ahur nun ndəna manggən." 49 Ndagga Yahaya, "Paḃa, na dan niifa a kənanng ənkaheerha tə thləm wa, 'yadang dandən fa kəsər mbə ahur nəm wa." 50 Nggəlangga Yeeso kanda, "A 'yadang dundən fa wa, kəsər niifa mbuwa tsan kun yinun ni." 51 Nduwusna bənggən 6a nən a wutta talara də, dəf də teena kaan tə dərha Urshelima də. 52 Thlən farha nən a 'wanda mbee ahu tala də na a chehweed Samariya, də nda ngwang əngya fa a mbədi. 53 Amma nafini na a mbədi kar thlədgənda fa, kəsər səndasə na midghən dərha Urshelima də. 54 Tərga fatsahayighən, nda Yakubu tə Yahaya, kəlana nda hai kee, tsahang mee nda Yeeso, "Chinəm, na midwasə aah waarha nan hai a talara njanggən kanda də wa?" 55 Amma kyahargha Yeeso hai yananggən kanda. 56 Dənda hu taladə tə səmən. 57 Kanda aten wiirha ahu kwamana, ndangga niifa Yeeso, "Niya mbu samadwa kala mbərha na a dərha sadə." 58 Nggəlangga Yeeso ndəghən, "Tsarwaya tə kwandan sə, wudikkyə tə kəndan sə, amma Wan Niifa mbə mbəd məndəghənsə wa." 59 Ndagngən niifa pak, "Mbuwu samanna." Amma nggəlangga niifdi ndanggən, "Paḃa, malee 'wan di pang nda pəpa." 60 Ndagga Yeeso, "Malang mərya panggan nda mərrəndan, sa kəmda duwa də də pər labar kutəryid Faara." 61 Na niifa sə kəmda ndanggən Yeeso, "Paḃa, niya mbu samad wa, malee 'wan di ndang nafina wiidi." 62 Ndagga Yeeso, "Kala niifa katərangga hudarha hai, anadə a kəlarha samarha də, məməl wa tə tar kutəryid Faara wa."

10 Akwasamad yandiya, chinəm wurdə nafiya kumnggit məd kap səri, thlən kanda nən səri-səri, a 'wanda mbeedə, dənda hu talya də dədamən na ndəghən nggi a dərha sadə. 2 Ndagngən kanda, "Hathla sə hangga fa taryighən kədin nda. Nanən kee, hwanama tə heerha puwanggən fa hathya 6a, hathlangganda sə. 3 Nanən ya, weema niya thlən kun kəla wan chaukhraya ahur məmereeya də. 4 A tərduin wudəbəla, tə ənnarhami, tə pakhma wa. A mbəddun hai ka nda 'ya tə niifa a kwamana wa."

5 Kala minda kyanunsa hai, ndama, 'Koomaa, nafiya wuridiyal!' 6 Ana nggəm nda sə afad nafini ahur mindədi, ngwa tsaukwa parkad nda ənnun ahur ndan, a mbə kewa nən a nggəra thləman nun 6a. 7 Tsawama ahur mindədi, kala 'ya ɓangnda kun ɓa ɓanamami. Tə taara kamdə teng thləthlən ndəghən nda, ma nadun a kya wure-wure wa. 8 Kala tala kyanun sahəi a thlənda kun fa, kala 'ya ɓangnda kun ɓa ɓanamami. 9 Kənaman haaya ahu talɗi, ndanggən nafini kutəryid Faara nduwusda ɓa tsau tə kun. 10 Kala tala kyanun sahəi a thləwa nda kun fa wa, kyama tə kwamangya, ndon, 11 tənɗi talnun tsauka a fad sarnan pang ɗan ndən kun hai. Kəl a sənunsə kutəryid Faara ndusang də kun fa. 12 Niya pəranggən kun a far ngwala kəshiirha na Saduma haɗang nda Faara fa ma tal diya. 13 "Kawa Koridzin! Kawa Mbatseda! Ənwulteena dədamən ɓanda ahur nun ndəghən ɓanda a Taya tə Saduma, kam 'wanda teena malang nda dimiyid ndan, kalnda kukwasharya fa tsawa nda hai, na nda a irang fishe fandan fa. 14 A far ngwala kəshiirha, na Taya tə Saduma haɗang nda Faara fa ama kun. 15 Sa kəm Kafarnahum; tamngga ndaarha, nanda a mano a talara wa? Awo! Na dərha hu hwanga də. (Hades 986) 16 Kala niifa səkka kun, nggini səknən, niifa kargha kun nggi karnən, kala tə karrəna, karnən niifdi thləngga nggi ɓa." 17 Nafini kumnggit məd kap səri di wunda ɓa tə wutsəfayirha fa, ndang ngganda Yeeso, "Chinan, kahat tə ɓnkaheeya nanda sək kan a ndangɗan kanda kyama sə ahu thləm wal!" 18 Ndangga Yeeso kanda, "Na di Sheetan mukda hai a talara kəla kyatta 'yaara. 19 Kama thləmarha hai, fərang di səsəmnda kun na a ishanggun huthlingya hai tə ngərdaya, nun a kal fa mbəfeeya mba nda nang 'ya kun fa wa ko ngguchit. 20 Ma tsəɗun wutsəfayirha nanən ya ka səkna ɓnkaheeya kun wa, ɓnama wutsəfayirha fa kəsər chirethleng nda thləm nun hai a talara." 21 A sayiddiya ləghəddə tə mbənafarha fa a fad Səsəna tə pedənda, ndəghən, "Usadi sa Pəpa, china yi talara tə hweede, kəsər ɓəbengna tur əngginiya a Fasəngya tə fa hutengya, kyadang nan wundakhnaya nəghən kee Pəpa, kəsər ɓndiya ndə kamogha. 22 Pəpa fəredə 'ya na heu, mbə niifasə səngga wandi wa kəl chin kee, tə kəmda tə səngga wunni chin di, kəl wandi tə niifa na mid wandi kyadanggənən." 23 Kyahargha thləmad fatsahayighən ɓa, ndanggən

kanda katendan, "Kun nun tə parka katərana ənggina hai ya a yinnun! 24 Niya pəranggən kun, annabiya tə kutərya hangga mindan sə na ɓndi nun a naarha nanən ya, nawa ndan wa, tə kəm sək ɓnda nda nun a səkrha ya, səkkwandan wa!" 25 Na niifa sə tə sən deleewar tə chireelth na Musa, ishgha sə kət nən a kəkərang nda Yeeso. Ndanggən, "Mala, ni naarha kən na a wal yibrha ni mbuwa ngwalarha?" (aiōnios 9166) 26 Ndangga Yeeso, "Mani chirethleng nanda hai ahur deleewar di? Na karataghən kəkən?" 27 Nggəmənggən, "Nggəmu Chinəm na Faara tə hurwa heu, tə yibəd wa heu, tə kanglanggid wa heu, tə hutən wa heu. Nggəmu tulat wa kəla alten wa." 28 Ndangga Yeeso, "Nggəməngna məməl, ɓno kee na wal yibrha." 29 Kamshidiwu, na midghənsə na hərghanggən fadghən tsahang mee nən Yeeso, "Wunni tulat na?" 30 Nggəməngga Yeeso tə laɓara, "Na niifa sə thliigha a Urshelima ɗənən Djariko də, mukka ahar fa thlee kwamangya fa hai, dəkənda kəɗanggan nda hai tawalth, malghən nda a pathlang yibrha tə mərə. 31 Na firis sə tərgha kwaman di, ɓa walghən kalth mbərgha də tə man patu. 32 Na tə Lawirha sə kəm tərgha kwaman di. Na nən ndən kalth, ndəghən nggima mbərgha də tə man patu. 33 Na tə Samariyarha sə tərgha kwaman di, ɓa a walghən kalth, haɗanggən fa. 34 Dəgha thləmadghən də, tsabang wundəɗghənən də tə aam annab, irang fədeerha nən sə, kəנגanggən nən. Təranggən a kəsər kwarghən sə dəgha təghən a kən rongya də. 35 Dalthna mbərha hai haranggən wudəɓəl wurirha sə səri fəranggənən tə mindədi, ndanggən, 'Kəlee niifda ha ya 'ya ɓəlangna heu a kwasamad ɓndi furo ni ya, a wuddiɓa ɓa ɓani nggerokən ha.'" 36 Tərgha Yeeso ndanggən, "A hur nafini na mahan ya, wunni tulat kamshidi mukka ahar fathlee kwaman nggina fa?" 37 Ndangga tə səndədi, "Niifdi haɗangna niifda fa, ndəna tuladghən." Ndangga Yeeso, "Duwadə a ɓno kee." 38 Yeeso tə fatsahayighən kanda aten wiirha, ɓa kyarha hu tala hai, na nuneefa sə thləmnggən ni Marthla. Thləghənən fa a minda keeghən. 39 Na wanman Marthla sə, thləmnggən ni Mairamu, ɓagha ɓa tsauka hai a thləmad Yeeso ndəghən a kang thləmarha fa. 40 Marthla kəm tar ɓnnarhami tərang də tenggən də. Tərgha ɓaa thləmad Yeeso ɓa ndanggən, "Paɓa, mba naghən wa yina wanmana maledə tar ɓnnarhami fa katenna?"

Ndang bagha dee sə lee.” 41 Ndangga Yeeso, “Marthla! Marthla! Sa a kə̀tə̀lang fadwa fa aten fyinga əngya hangga. 42 ‘Ya tətə̀l ni kee nanda kadaarha, Mairamu wurdə ‘ya na ngga, kəsər mbə niifa sə na mbang thlang a harghən wa.”

11 Fardə sə, Yeeso a hwan Faara a mbərha. Ngwalanən, tərgha tal ahur fatsahayighən ndanggən, “Paḃa, tsahang kwaman hwan Faara kan ha, kə̀la tsahangna Yahaya tə Mbaptisəma fatsahayighən ha lee.” 2 Ndangga Yeeso, kanda, a nadūn a hwan Faara ndama, “Chinəm na a talara, a chilḃi thləm wa nəm ha, kutəryid wa bagha ḃa. 3 Fərang ənnarhami kan yi weeriya tə yi bəngya na ḃayi. 4 Chahang dimiyin nan kandə, kə̀la nan chahanggən fyingadə ənangga dimiyirha kan fa. A dənna tə kan ahu kəkərri də wa.” 5 Nggərgħa Yeeso ndangnda fatsahayighən, “Ndam tal ahur nun nəghən tə pashirha, dəgha thləmadghən də a manad fədigrha ndanggən, ‘Wayee əne kumad mburodi ha mahan lee. 6 Kəsər, na pashinna sə ḃaa ḃa ka wiirha tərḃa hai a kyana nanən ya. Kəmda mbə ənnarhami sə a har na wa.’ 7 Tərgha, andam pashiddi kadagħa kumarha a harghən, nggəmnngga ḃa a kən ndəghən, ‘A ḃillanna nggi wa. ‘Wadi teena changḃi kwatminda, kan tə wanggina hunadən hai, mbi mbang thliirha sə furo ‘ya ni wa?’ 8 Niya ndangnda kun, a mbə a thliirha sə fərang ‘ya nən ka tsaunən pashidghən wa, nən thlid sə fəranggən tə kurmi na midghən. Kəsər pashidghən kəsəwa shilee ndən tə hwandədi hwanang nən wa. 9 Niya ndangnda kun, hwanama nanda fərang kun. Kadama nun a waala. Nama a dək kwatminda, nanda inanggən kun hai. 10 Kəsər kala niifa hwangga, nanda a fərang, niifa kadagħa kəm nən a waala. Kəmdarha kala niifa dəkka kwatminda nanda inanggən hai. 11 Wunni ahur nun, a hwanang wanggən tənə fərang huthne nən? 12 Tə kəm a hwanang wanggən nggal diyarha fərang ngərdarha nən? 13 A tsaudə, kun na fa mbəlfeyya səndūn ‘ya nun fərangnda wangginun əngya na ngga, sakwata chinun a talara, nən fər Səsəna tə Pedənda a nafiya na hwanda.” 14 Yeeso kənanḃdə niifa kənanḃna ənkaheerha miighən, hərəmnə ənkaheeddī kyarha sə a fadghən, kətəranggən ndikrha hai. Tərgha fiya ngwagħa hai na ənwulteena nda. 15 A mbədi na fyinga nafiya sə ndaa nda, “Mba’aldzabul ni kutər ənkaheeya fərangga ngyakhad ḃiya yi

kyang ənkaheeya sə?” 16 Fingya sə na mindan sə kəkərangganda Yeeso, ndang ngganda, a ənə ənwulteena nən kyadgħa ndaarha na Faara təghən ha. 17 Tərgha Yeeso walang də numan ndan, ndanggən kanda, “Kala kutəryirha dəkka hai səri, nanda yanda tə ndan, kutəryiddi mbə isha wa. Nəghən kee kəm a dək wure hai səri kanda a yanda, wuridi nən weela də. 18 A ndək Sheetan hai mbədghən səri, nən yan altənggən, kəkən na kutəryirha dərha mbeedə? Nduwun tə ngyakhrha Mba’aldzabul ni kyangnda ənkaheeya sə. 19 Anadə tə ngyakhrha Mba’aldzabul ni kyang ənkaheeya sə, fa tsahayinun wu? Tə ngyahad wun nanda kyang nda sə? Fa tsahayinun ni ngwang kumarha kun sə aten yandīya. 20 Anadə tə səsəmnḃa Faara ni kyang ənkaheeya sə, tsaudə kutəryid Faara ḃadə thləman nun ḃa. 21 Niifa na kanglang, a ngwada fa ngga, ndəghən a kə̀la wurighən ha, kari wurighən mbə ‘ya sə walghən wa. 22 Aḃad niifa ḃa kəm kalgha ndən mu kanglanggirha, harghənən yanda, dəghanggən hai, thlanggən kari yandədi mbərsənən sə, tərgha ndəghanggən kari dādə thlang nən. 23 Niifa mbuwana midghən nggi, nəghən a tsan nggi. Niifa dēwa sə wumndəghən, tə waleng nda ni də.” 24 “A kyad ənkaheerha sə tə imənda a fad niifa, nən naarha wiirha hai a mbəəya mbuwana aama sə ka a wal mbəd yibrha nən. A walwa wa, nən ndaarha, ‘Ni wutta wuri dā də kyani sa ḃa.’ 25 A ḃadə ḃa waldə wuridi ngwangnda də, tangsangnda wuridi ngga, 26 nən a wutta dəgha ngwangnda ənkaheeya ḃa məd kalgha ndən mbəlfēerha, ḃaanda tsaurha a mbədi. A kwasamadghən, tsawud niifḃiya səsəsdghən nən kal yi kaar.” 27 Na Yeeso a thlək əngginiya, tərangga nuneefa uradghən sə a pathlang fiya ndanggən, “Tə parka ni nudī nggətgha sa, har kəronən sə ya!” 28 Nggəmnngga Yeeso ndanggən, “Ha’i nəghən kee, amma parkayirha kaldə tsaurha afad nafiya na a sək laḃar Faara, kanda na taara sə.” 29 Na fiya aten chik ḃaarha thləmad Yeeso ḃa, ndəghən, “Nafiya kəshiid weeriya fa mbəlfeyya ni. Na mindansə a kyadang ənwulteena nda kanda, mbə ənwulteena sə nanda kyadang kanda pak wa kə̀l yi Yunana. 30 Kə̀la tsauna Yunana ənwulteena a nafiya Nineba, Wan Niifa kəm nən tsaurha kee a nafiya kəshiid weeriya. 31 A far nggwala kəshiirha, kwatamnda man ki pəlasarya, nən a thliirha ḃa heu tə nafiya kəshiid weeriya, kyadang ndaarha nən kanda

əhawun məməl wa. 'Baghən 6a a mbərha na inggun ka 6agha sək sənda Sulemanu. Nanən ya kulo niifa kalgha Sulemanu a mbədiya. 32 A far nggwala kəshiirha, Ninebaya nanda a thliirha sə tə nafiya kəshiid weeriya kyadang ndaarha nən kanda ənawa nda məməl wa, kəsər kanda malangnda dimiyindan, ka laɓar Faara thləghangna Yunana kanda. Nanən ya, kulo niifa kalgha Yunana a mbədiya!" 33 "Mbə niifa sə na njangnda patilla ɓəbənggən wa, nduwa tsəbənggən tə ɓəba. Kəl nən dəfang nda a pəpal na a kya niifa 6a, na kukwaryirha nən. 34 Yirha ndəna kukwaryit farha, ana yidwa kanglang hai, fadwa na heu nən naarha tə kukwaryirha. A mbə yidwa kanglang wa, fadwa na heu nən naarha hu wula. 35 Kulo sa hai, kukwaryirha nana təghən mbə wulani wa. 36 Ana fadwa na heu tə kukwaryirha, mbə mbərha sə na tə wula wa, fadwa na heu nən njaara hai, kəla na kukwaryit patilla ənaarha." 37 Ngwalana Yeeso laɓara, tərgha tə Farisarha mbu Yeeso nən wuri keeghən də ka həb ənnarhami də. Dəgha Yeeso də tsauka hai a həb ənnadda mii. 38 Kəla na tə Farisadda hai katərang Yeeso həbrha hai kula tsabang harghən də wulangga teena. 39 Ndangga Chinəm, "Kun Farisaya, nun tsabang kəsər tafarha də tə dengnda nagha hur nun lələgdə tə hukrha tə mbəlfērha. 40 Nurya kee, mbə Faarani ənagha kəsərdi tə hurdi wa? 41 Amma fərama 'ya na a har nun a fa yamiya, 'ya na heu na yinun nən naarha tsətsabadə. 42 Kawa ma, Farisaya! Nun fərangnda Faara tal ahu kum shi chimbee tə fingya shi kyahangya na heu. Malanggun tar kəkafek tə nggəmda Faara. Tur ənggina niya kamngga ənon, kamngwa malanggun fingya wa. 43 Kawa ma Farisaya! Na minnun sə a fərang mbəd tsaurha nun kun na ngga ahu Kən Faara tə kəmda nagha fiya a ndang 'ya kun ahu kasu. 44 Kawa ma! Nuwun kəla kwat mərya na fiya a wiirha atənggən ka yamid sənda." 45 Tərgha niifa tal ahur Fasəngya ngyakhrha, ndanggən Yeeso, "Mala, a ndanna kee, 'yarna kan kəm!" 46 Nggəmangga Yeeso ndəghən, "Kawa ma kun Fasəngya ngyakhrha! Fərang rəfrha nun fiya na haghən, kun tə alten nun 'wawun tsuwarghən fa tə wan haara tal a thlar kanda nun wa. 47 Kawa ma, təndun ten kwaya na nggəngga ka a mananggun annabiya Faara, ɓələngna chichiyinun kanda də. 48 Kun tə alten nun nadun ndən, kəmda nggəmdun fa tə 'ya ənana chichiyinun. 'Bələngganda annabiya,

kun kəm tənanggun ten kwayindan. 49 Nanən kee, ndən ndana sənda yi Faara, niya thlənanng annabiya kanda də tə Fatsahaya, nanda a ɓələng fingya, səsəngganda fingya. 50 Tsaunən kee, na Faara a ngwang kumarha nafiya kəshiid weeriya aten ɓəla, ɓələng na nda annabiya də na heu, ka katəra kəshiirha. 51 Ka aten far Habila dəgha hu yi Dzakariya də ɓələng na nda a pathlang mbəd sataka tə mbərha na Tsətsaba də ahu Kən Faara. Niya pəranggən kun nanda a ngwang kumarha nafiya kəshiid weeriya kəsər ka nafini na heu ya. 52 Kawa ma, Fasəngya ngyakhrha! Kəsdun ən cha kwatmin sənda ha. Kun tə alten nun kyawun sadə wa, malanggun fiya na mindan kyarha sa də, kya nda də wa." 53 Malangna Yeeso mbədi, Fasəngya ngyakhrha tə Farisaya katərang ngganda tsandəghən hai, na nda a dzaramnggən tə tsakh miiya. 54 Na mindansə dəfang takthleera nda ka a thlək 'ya nən mbuwa məməl.

12 Wumna fiya 6a hangga har kanda ishang ndan hai, katərangga Yeeso tsə laɓara 'wan tə fatsahayighən, ndəghən, "Kwarama tə mehen Farisaya ndəna thlərbuyirha. 2 Mbə 'yasə na nggənggəla mbuwa indadə wa, tə kəm mbə 'yasə na ɓəbee mbuwa kyarha pəpal 6a wa. 3 Kala 'ya thləknun ɓəbee na fiya səkən a pəpal, 'ya thləknun kəkədak nanda a kalmiighən də səkəna fiya. 4 "Niya ndang kun shayina, a tərəmdun nafiya na a ɓəl farha wa, a kwasamaddi ɓələng na nda, mbu 'yasə nanda naarha ɓəl wa. 5 Niya pərang niifa kun nun tərəmda, tərmama Faara na tə səsəmda ɓələng nda farha, a kwasamadghən muwanggən ahu hwanga də. Kəkafek niya pəranggən kun tərmama Faara! (Geenna g1067) 6 Mbəna nda heng wudikkyā də tuf pene səri wa? Ko tətali ahur ndan mbədangwa Faara wa. 7 Ko was tengginun ni ma nəghən thləthlədə. A tərəmdun wa, kəsər kaldun wudikkyā kaan!" 8 "Niya ndang nda kun, kala niifa ndagha səndə nggi a mbed fiya, Wan Niifa kəm nən a ndaarha sənda ndən a mbed fathləngya Faara. 9 Niifa kəm ndaarha səngwa nggi wa a mbed fiya, nggi kəm ni ndaarha səngwi ndən wa a mbed fa thləngya Faara wa. 10 Kala niifa na thlək pathla mbuwa ngga aten Wan Niifa na nda chahənggəndə. Amma niifa sargha Səsəna tə Pedənda mba nda chahənggən də wa. 11 A dən nda tə kun a mbed mamngya Kən Faara də, tə fa ngwa kumaya, tə

kutërya, a billadun tã kwamana nun a kyang ya, amma Chinun sãndã 'ya na minnun. 31 Kun altennun sã wa, ko tã pathla nun a nggërang nggi kadama kutëryid Faara, ãnggini na heu kãmya nãn fëranggãn kun. 32 "Kun chiðrha na ngguchit, a tãramdun wa, kësär Chinãm nãn a tãk mbëndafa a fërang kutëryidghãn nãn kun. 33 Heeman 'ãngginun dã na heu, fërang wudãbëlghãn nun fa yamiya. Dãfaman kãna altennun dã mbuwa ngwalarha, kãna mbuwa sãbrha dã a talara, mbërha mbuwana ngaara kyarha dã dãgha tãrang, tã mbërha mbuwana mãmëmngya sãbãng dã. 34 Kësär mberha na kãnawa sã, ndõna mbød numad wa."

12 Kësär Säsëna tã Pedãnda nãn a tsahang 'ya kun ha kamngga a thlãwun." 13 Tãrgha niifasã ahur fiya ndanggãn Yeeso, "Mala, ndang wan mana fãre yina langaarha nãn malang na mæra chinan kan hai." 14 Tãrgha Yeeso ndanggãn, "Kaiya wayee, wun dãfegha tã ngwa kumarha, ni dãk langaarha?" 15 Tãrgha ndanggãn kanda, "Kwarama fa, nama inggun tã 'ya na ãarha ßa tã kwit hura, kësär yibød niifa kaldã ãn kãshiirha." 16 Fërang karapu nãn kanda ndãghãn, "Wad tã kãna naarha sã walgha ãnnarhami ahu hedghãn kaan. 17 Ndagha, 'Mbã mbød dãf ãnnaddãmi sã kyana wa. Mani naarha?" 18 "Ndãghãn, 'Yoo! Sãndi 'ya niya naarha. Niya fãlang biriukina dã ya, tãn fingya ni na mãmanggãn, iranggi ãnnannami sa hai tã karinna heu." 19 Ndaggi altenna, "Kai! Na ãngyasã na nggãngga tã ãnnarhami dãfangna dã yi huraya hangga. Yibũ, hãbu, saana tãk mbõnda na fa." 20 "Amma Faara ndanggãn, 'Sa nura! A fãdigdi ya na nda a kadã yibødwa. Karidi dãfangna dã ya nãn a tsaurha yi wun?" 21 Ngwalangga Yeeso pathdiya tã ndaarha, "Nãn tsaurha kee tã niifa wumangga kãna hai a altenggãn, amma a mbød Faara tã yaminni." 22 Ndagga Yeeso fatsahayighãn, "Niya ndang nda kun, a billadun tã yibød nun, tã 'ya nun ãnnarhami, tã kãm 'ya nun kala fa wa. 23 Kësär yibrha kaldã ãnnarhami, farha kãm kaldã lukkyã. 24 Kãla man wudikkya lee! Mba nda hãrfrha wa, mba nda hathla wa, mba nda tã kãn ãnnarhami ko biriukya wa, ko nanãn kee na Faara fërang ãnnarhami kanda. Sãngunsã mamnggit nun kaldã yi wudikkya wa? 25 Wunni ahur nun aten billadghãn na mbang chik ßenggãn, ko yi ßeena tal ahu kãshiirha? 26 A mbun a mbang ãna 'ya ngguchit kãla yandiya wa, kãn nun billarha aten fingya ãngya na mid nun? 27 "Kãla man fid dãfya na nda tsãrha. Mba nda na taara, ko pu kabãrha wa. Nanãn kee, niya ndang nda kun, ko kutëra Sulemanu tã mamnggitghãn 'wa wa ngwarha fa kãla tal ahur ndan wa. 28 Ana Faara a ngwang nda hwalirha fa na a hee kiya, hwalirha nasã aweeriya, a ßinda kãm njigha dã, sakkwa kun nãn ngwang kun fa? Kun fa yamid fãrkãkafek! 29 A nadun a numarha aten ãnnarhami ko ãn sarha wa, ma billadun aten ãnggini ya wa. 30 Nafiya sãngwa Faara na nda kadã tur ãnggini

Niifa fərang nda 'ya hangga kaan, nanda kada 'ya hangga a harghən kaan.” 49 Tərgəha ndagha Yeeso, “Bani hu kəshirha 6a tə ngwa kumarha na kəla waarha. Ana nggəmnəna ni kam njang nda də! 50 Na mbaptisəma səsəarha sə na nda a əneerha, billadi kaan na a əneekən nda! 51 Tamnggun ndaarha 6ang ni tsawud dədəmnggirha kəshirha 6a wa? Awo! Niya ndang nda kun, 6ani6a tə tsakhrha hai. 52 Nanən ya, ahu wure tal nafiya tuf nanda tsakhrha hai pəmgngən səri, nafiya mahan a tsan nafiya səri, nafiya səri kəm a tsan nafiya mahan. 53 China nən tsan wanggən. Wandī kəm nən tsan chin. Man nən tsan wutaradghən, wutaraddi kəm a tsan man. Thla6ərə nən tsan nu wanggən, nu wandī kəm nən tsan thla6ərghən.” 54 Tərgəha ndanggən fiya, “A nadun hashmbe a man həmnəda faara 6a, nun ndaarha ‘Na 'yaara 6ayi,’ 6agha hai. 55 A na bəreurha 6ayi manki pəlasarya ndon ‘Na kərtə a naarha sə,’ tərgha naghasə. 56 Fa thlərbuya! Mbangdun sənang kyaharra mbərha hai na a hweede tə fərahk-amshi, amma sənda ən bəngginiya sənggundun wa. 57 “Mani mbuwa nun numarha əna 'ya nun na ngga kun tə alten nun?” 58 Ndagha Yeeso, “Kəla ndam, a huhwad niifa sa, kadu kwamana na a tangsanggun pathlang nun a kwamana. A karna fa, dənən təsə a mbəd tə ngwa kumarha də. Tə ngwa kumarha kəm nən fərang sa wan səsalya. Wan səsalya kəm na nda muworha kəndə. 59 Niya ndorha, mba kyarha6a wa kəl tiina əndi kyo nanda heu.”

13 Nanən ya fīngya sə a mbədi, pəranggən nda Yeeso la6ar Nggalilaya ndana Mbilatus a 6əlang ngganda kanda. Tərgəha sodjaya 6əlangganda nafini a fardi nanda a fər satakh ndan a Faara. 2 Nggəmanngga Yeeso kanda, ndəghən, “Ka 6əlang nanda Nggalilayini kee, tamnggun ndaarha kalnda fiya na heu dimiyirha a Nggalili wa? 3 Awo! Niya pəranggən kun, a malanggun dimiyid nun wa, kun na heu nun a mərə kəla kanda. 4 Nduwa kəm, kəla nafini na kumkap uvadadi chana təndədi na dzang a tendan hai a Siluwan, 6əlanggən kanda, tamnggun ndaarha kalnda fiya na heu a Urshelima dimiyirha wa? 5 Awo! Niya pəranggən kun, a malanggun dimiyid nun wa, kun na heu nun a mərə kəla kanda.” 6 Tərgəha Yeeso fərang karapu nən kanda, ndəghən, “Wad niifa naarha sə na tə shibarha ahu hedghən, 6agha

6a ka a dakh wanggənən hai, walwa ko tətəl wa. 7 Tsaunən kee, ndanggən niifdi na a kəla hedda ha, ‘Kulo a weeriya hurarha mahan nggi a 6aarha ka kada wan shibadda 6a ya, 'wawi wal wee atənggən wa. Kyathlang də! Kama nda nəm malang sə 'wanggən mbərha hai ka?’ 8 Tərgəha tə kəla hedda ha ndanggən, ‘Pa6a, malang sə, hasang chehweerha ni mu, irang thlii 'walya ni mu ahu huraddiya. 9 A nggəddə a mbee tsaukwa sə, a nggətwa wa a kyathlanggəm də.” 10 Fardasə Yeeso a tsaharhaha a Kən Faara a far yibrha. 11 Na nuneefa sə ənangna ənkaheerha wan haarha fa, səfənggən yi hurarha kumkap uvada. Nəghən kəkə6a hai mbə mbang pəpənda sə wa. 12 Nana Yeeso ndən, aaghənən ndanggən, “Sa nudiya, kənonda ahu wan hadwa.” 13 Tərgəha dəfang haara nən teena, a mbədi tsu, pəpənggasə dəfang shilee nən Faara teena. 14 Tərgəha mamnda kən hwan Faardi səbgha hurghən də, kəsər ka kənangna Yeeso nudi a far yibrha. Ndanggən nafini na a mbədi, “Far taara mikki kamngga ana taara nəm, 6ama6a hu bəngginiya kənangganda kun mbə a far yibrha wa.” 15 Ndagga Chinəm kanda, “Fa thlərbuya kee! Ashe, mbun kwasang thladnun sə tə kwarnun dūn kyadang aama a far yibrha wa? 16 Nudiya chichid Ibrahim ni, kənangna Sheetan hai, a weeriya hurarha kumkap uvada. Ashe, mbə məməl kənanggəm a far yibrha wa?” 17 A kwasamaddi thləkna Yeeso la6ardiya, fīngya na a tsanggən a mbədi shidanggən kanda. Fīngya nafiya kəm, kəl əna wutəsəfayirha nda heu, kəsər ka ənwulteena əna nən. 18 Tərgəha ndagha Yeeso, “Na kutəryid Faara kəkən? Təma nda ni sakhkən sə? 19 Kutəryid talara nəghən kəla wan parsəna na wanggən ngguchit ahur wiya na heu, tərang na niifda sə həfanggən hai ahu hedghən. Mangga tsauka dəfrha, wudikkyə əna kənna nda ahu wuhwaryighən.” 20 Yeeso nggərgən tsakh mee, ndəghən, “Təma ni sakh Kutəryid Faara? 21 Nəghən kəla mekhna yangna nuneefa tə humbarha tasau mahan, tərgha mehen di wu chichadanggən.” 22 Kəsna Yeeso kwamana dənən Urshelima də, kyagha hu talya hai na manggən tə na ngguchit nagha a tsahang fiya ha. 23 Tsahangga niifa mee ha tə ndaarha, “Mala, nafiya ngguchit ni kee na wal yibrha?” Ndagga Yeeso kanda, 24 “Hab6ama na a kyon sa hai tə kwatminda na i'ya6a, kəsər na minna sə a sənunsə, nafiya hangga na a kada kyarha sa hai, mba nda mbangnda wa. 25 A thlid tuwure sə

'wadə teena nggəlangdə kwatminda, kun nggi kəm nun a isha a kəshi non a dək kwatminda di, non a ndaarha, 'Ture inang kwatminda kan hai!' Ndəghənggi kəm nən a nggəməng kun ndagha, 'Səngwi mbədi kyanun saba wa!'" 26 "Tərgəha nun a ndaarha, 'Haba! Kəm həbəm, sam təsə, har tsahannaha ahu talyi nan.' 27 Amma nən a ndangnda kun, 'Səngwi mbədi kyanun saba wa, ndəghama hai tə nggi, fa mbəlfeyini ya.' 28 "Anadun Ibrahim tə Ishaku tə Yakubu, tə annabiya na heu, ahu Kutəryid Faara, kun kəm nanda a rək kun, a mbədani nun a tərha tə kəd mee. 29 Nafiya a bərhəba a man kyad fara tə man həməndəghən, man ki pəlasarya tə man ki wufaya, tsawanda a mbəd mbənafarha fa ahu Kutəryid Faara. 30 A mbədaniya, fīngya na a samarha, nanda a tsaurha a mbee, fīngya na a mbee kəm, nanda tsaurha a samarha." 31 A kwasamaddi ngwalana Yeese labara, fīngya Farisaya baa nda ba ndang ngganda Yeese, "Thliu a mbədiya, kəsər Hirdus na midghənsə a bəloghən." 32 Tərgəha ndanggən kanda, "Damadə dūn pəranggən tə thlərū di tə ndaarha a weeriya ni a kyang ənkaheerha sə, tə kəm ni a kənanng nda fiya, abinda kəm wai kee, a shikka ndə ni a ngwalang tarna. 33 Ko nanən tsawee dafa a di mbeedə tə winna nda weeriya tə binda, dəgha shikka də. Kamngwa annabi mərgha a mbərha pak wa, kəl a Urshelima. 34 Sa! Urshelima! Urshelima! Fa bəl annabiya tə muk fiya thləna nda thləman nun ba. Sara kurmi na minna wumanggi kun kəla na diyarha ngwamang wanggighən a kamughən də, amma kardun fa! 35 Kulo mbiya wuri nun mbə niifa sə wa! Ni a pəranggən kun, mbun nggər na nggi wa, kəl fara ndanun tə 'Parkani tə bagha ba hu thləm Chinəm."

14 A far yibəd Yahudaya, dənə Yeese ka həb ənnarhami a minda ki mamnda tə Farisarha də, djang yirha nda fa. 2 A mbədi kəlagha hai niifa kət a mbedghən, saryighən tə haryighən həhəthla hai. 3 Tsahangga Yeese mee Farisayini tə fəsəngya ngyakhrha, "Ngyakhad Musa nggəmdafa a kənanngəm niifa a Far Yibrha wa?" 4 Amma nggasa nda titib. Kəsgha Yeese har niifdi, kənanngən ndanggən wiu fəyi wa 5 Tərgəha tsahangga Yeese mee kanda, "Ndam ahur nun na niifasə na tə wanggən nduwa thladghən, mukdə hu kwat aama hai afar yibrha, mbun dərhadə dūn kədang sə kəkər

wa?" 6 Mbangwanda kalasə wa. 7 Kəla na Yeese hai nafini mbunanda ba, wurnda mbəd tsaukyə na nggəngga, thləghang karapu də nən kanda sə ya. 8 "A mbud niifa sa ahu wutsəfayid kakhrrha də, ma tsaua a mbəd tsawud mamngya wa. Nən ba naarha mbunda niifa ba kalgha sa mu mamnggirha. 9 Anadə kee, niifdi mbuwa kun kyab, bagha ndorha, 'Fərang mbəd tsawud wa niifdiya.' Tərgəha a mbədiya na shilee kəsorha, na thliirha a mbəd tsaurha də na ngguchit. 10 Amma a mbunda sa, wuru mbəd tsaurha na ngguchit, a bəd niifda ba mbuwa sa nən ndorha 'Pashi, kulo mbəd tsaurha na ngga ya.' Tərgəha na wal mamnggirha a mbed shayiwa na heu mbuna nda ba. 11 Kəsər kala niifa manangga altenggən nanda tsawang nda ngguchit, yandi manangwawa altenggən kəm nanda manang nda." 12 Tərgəha ndangga Yeese niifdi aagha ndən, "A anna niifa ka həb ənnarhami ba, ko ngwannə wutsəfayirha fa, a mbunna pashiyi wa ba kee wa, ko wan manggiwa, tə hurfayiwə, tə tulayiwə fa kənaya wa. A ənanna kee, a fara səmən nanda a aah sa kanda nggima, teu əndə nda ənanngna kanda. 13 Amma a nanna a mbu fiya hu wutsəfayirha ba, mbuwu fa yamiya, tə nafiya mərna fandan, tə səfəngya tə kwamaya, 14 na wal parka, ko nanən mba nda mbang teukən wa, Faara ni a teukən afar thlid fiya sə hu mərə ənagha nggayirha." 15 Na niifasə tal ahur nafini na a həb ənnarhami tə Yeese səknən pathdiya, ndanggən, "Tə parkani niifa bagha həb ənnarhami yi mbənafarha fa hu kutəryid Faara." 16 Nggəməngga Yeese, "Na niifa sə ngwagha fa ənə wutsəfayirha nən manggən mbu fiya nən hangga. 17 A far wutsəfayiddi, thlən mafadghənən dəgha ndang nda nafini mbunən ba, 'Bama ba, kəsər ngwadi fa nanənya.'" 18 "Amma kanda na heu na nda a 'warha hai. Yi tal ndəghən, 'Hiidi heerha dini kəlang nda ba, hwanni sa a kəsana.'" 19 "Yandasə kəm ndəghən, 'Hiidi thlad hudaya nggarma tuf, niyi hu kwaman kəkərang kanda, hwanni sa a kəsana.' 20 Tahadghən kəm ndəghən, 'Kakhki ahu bəndiya, tsanən kee mbiya dərha də wa.'" 21 "Wudgha mafaddə ba pərang əngginanən turighən thləkna nafini. Tərgəha turidi səbgha hurghən də, ndanggən mafadghən, "Duwadə kəkər tər kwaman hudarha na tə kwaman sarya dəgha hu talya də, bəna ba tə fa yamiya, tə səfəngya, tə kwamaya tə nafiya mərna fandan hai." 22 Ndagha mafaddi, 'Paḃa, ngwalangdi

əndi ndaana, kulo mbiya takh mbərha.” 23 “Tərgha ndangga turidi mafadghən, “Duwadə turu kwaman hudaya dəgha hu talya də, ndangga kanda bāda bā tənə wurina ləghəttə. 24 Niya pəranggən kun, mbə niifa sə ahur nafini ‘wani mburha bā na taarang wutsəfayidda fa kyana ya wa.” 25 Fardasə, fiya hangga a mbu samad Yeeso, tərgha kyahargha hai ndanggən kanda, 26 “Kala niifa na midghən mbu samadna a nggəmgwa nggi kal yi chin nən tə man, nukkun tə wanggighən, wan manggighən həshya tə nishya, tə altenggən wa, mbə mbang tsaurha wan tə tsahanna wa. 27 Kala niifa mbangwa tərang kadidghən sə mbu samanna nən, mbə mbang tsaurha wan tə tsahanna wa.” 28 “Andam na niifa sə ahur nun na midghən sə tən kənna na dzang, mbənən ‘warha teena tsauka hai thlədanggən əngya hai na ngwalang təndədi ‘wan wa, kəlanggən tə na wudəbəla sə a harghən ngga na mbang ngwalang təndədi wa?” 29 A mbuhangda hai mbangwa mishilang wa, na fiya naarha waghən, 30 nanda a ndaarha, “Kələma kamshida hai katərangdə tənda hai mbangwa mishilang wa.” 31 “Nduwa kəm ana kutəra sə na midghənsə yanda tə shadghən kutəra. Mbənən tsaurha hai numagha kəlanggən tənə sodjayighən haru kumnggit kum mbang pa kəfarha tə ka yandəghən na bai tə sodjaya haru kumnggit səri wa? 32 A mbə a mbang wa, nən ‘warha teena thlən nafiya də ka yandəghən bəldə inggun da nda kadə kwaman tsawud dādəmggirha. 33 Nəghən kee kəm, kala niifa ahur nun a malangwa əngya nanən təghən heu wa, mbə tsaurha tə tsahanna wa.” 34 “Fəsə ‘yani na ngga, amma a tər mbəndəghən də, tə ma nəm nggərang mbəndəghən bə? 35 ‘Balwa targhənsə hu heerha na a məthlanggən wa, kəl iradə kee. “Yi na tə thləmad səkrha səkkənən.”

15 Nanən ya fa thlə tsamngya tə fīngya fa dimiya kanda heu a wumnda thləmad Yeeso bā ka a kang thləmada fa. 2 Amma Farisaya tə Fəsəngya ngyakhrha na nda a huhurumnda, “Kələman niifdiya kəl thlə fa dimiya fa tə kəm naghə a həbrha tə kanda.” 3 Tərgha Yeeso fərang karapu danən kanda ya. 4 “Ndam na niifasə ahur nun tə chauraya haru tal, sahadgha tal ahur ndan. Mbə malang kumnggit wutarihe kap wutarihe di a mbəd lafrha, dəgha ka kadə yandadə sahadgha kəl ma walangdəba wa? 5 A walang

dəba, tə wutsəfayirha nən a tərang a fad uradghən sə 6 dəgha wure də. Tərgha aah pashiyighən bā tə tulaya heu, ndanggən kanda, ‘Deemasə wutsəfayirha, walangdi chauraddi kyana sahadgha.’ 7 Niya pəranggən kun, nanda əna wutsəfayirha fa kaan kee a talara aten tə dimiyirha tətali malangga dimiyidghən, ma fīngyayini na kumnggit wutarihe kap wutarihe na tə kəkafek fa. 8 “Nduwa kəm ndam nuneefasə tə wudəbəl wurirha kum sahadgha tal. Mbənən njang patilla, ngwanggən mindədədə djb kadadghənən wa? 9 A walang də, nən a aah wukwayighən bā tə tulaya, ndanggən kanda, ‘deemasə wutsəfayirha fa, walangdi wudəbəldi kyana sahadgha.’ 10 Niya pəranggən kun, na wutsəfayirha fa sə kee, a mbed fa thləngya Faara aten tə dimiyirha tətali malangga dimiyidghən.” 11 Yeeso dəgha mbeedə tə pathla ndəghən, “Wad niifa narhasə tə wundəlayighən səri, 12 tə fewunda ndanggən chin, ‘Pəpa fəre yina langaarha bā.’ Tərgha chindi ndəghang kənaghənən kanda.” 13 Məngwa ha wa, təfewundədi ngwanggən ənggighən na heu, dəgha ahu chehweddə na inggun. A mbədi bəlanggən kənaghən də hu əngya kələra tə pateyirha. 14 A kwasamaddi ngwalana kənada hai keeghən, kyagha mirha hu chehweddə hai kaan, kəsangga yamirha. 15 Kadə taara nən ahar wan tə chehweddə, ndəghən nggi kəm fərang laf kələngarya nən. 16 Nən naarha kadə nggushir kələngaryini a ənagha mii, amma mbə niifasə fərangga ndən wa. 17 “Bana hutenggən bā, ndəghən, ‘Kai! Fa tarya pəpa heu kanda a nggaala tə ənnarhami kaan kulo nggi a mərə tə mirha! 18 Niya thliirha nanənya, wudi thləmad pəpa də, ndanggi; Pəpa, ənangdi dimiyirha Faara fa, ənodi fa kəm. 19 Kamngwi a aah nggina wan wa balwa, tsawe kee tal ahur fa tar yiwa.” 20 Thlidghənni, dəgha wal chin. Amma ndəghən bəldə inggun, naghəna chin də, dāghadə hwathlaghən fa; dāghadə dəgha wal wanggən, fəbānggən. 21 “Ndangga wandi, ‘Pəpa, ənangdi dimiyirha Faara fa, ənodi fa kəm, kamngwi a aah nggi nda wanwa balwa.” 22 “Amma chindi ndanggən mafayighən, ‘Damadə kəkər! Tərəma kabərha bā na ngga kalanggunun fa. Paman wulenduwa a wan harghən tə pakhma a sarghən. 23 Kəsama wan kwel bā, thlenggun uradghən, kim, əna wutsəfayirha nəm. 24 Kəsər wandi kyana ya mərdə, nggardə yibrha kəfa; sahadde walang dəm. Tərgha dənda mbeedə tə

wutsəfayirha fa. 25 “Katərana ənggina hai ya wanggən tə pamənda nəghən a hee, ndusang nən wure fa, sək dək kangkar nən, fiya a rəbrha. 26 Tərgha aah mafad wuri ndan nən 6a tal, tsahang mee nən ha, təma tsəgha hai. 27 Ndangga mafaddi, ‘Wan muwa ɓaɓha ɓa, tsu thlengdə urad wan kwel sə, kəsər wudda ɓa kanglang hai.’ 28 “Tə paməndədi səbgha hurghən də kaan kar kyarha nən fa wure hai. Kyagha chinśə, ləmggənən fa. 29 Amma ndanggən chin, ‘Kulo hail Huraya hangga nggi a ɔno taara kəla mafarha ‘wawi karo mee fa wa. Amma ‘wawa fəre ko wan ‘wala ɔna wutsəfayirha ni tə pashiyina wa. 30 Amma wunna wandəɓa kyawa ya, səbangga kənawa də afad səsəwaya thleng urad wan kwel na sə!’ 31 Ndangga chin, “‘Waana, ka fad dathla mbərha fa hai kəm kyab, ‘ya na yina heu yiwa ni. 32 Amma ‘yani kamngga ɔna wutsəfayirha nəm, tək mbənda nəm fa, kəsər wan mandī kyawa ya mərđə, nggərdə yibrha kəfa. Sahaddə walang dəm.”

16 Ndangga Yeeso fatsahayighən, “‘Wad tə kəna naarha sə na fiya a kiki mamnda tə targhən fa tə ndaarha nəghən a səbāng kənaghən də. 2 Aagha tə kənadi tə tərđi keeghən tsahang mee nən, ‘Path ma niya səkrha atenwa? Fəre kirassa tarwa ɔna nana, kəsər mba nggər tsaurha mamnda tə tərna ɓalwa.’ 3 Ndangga mamnda tə tərđi altenggən, ‘Mani ɔnaarha nanənya? Kulo na turina a rək nggi ahu tərna. Nggi mbiyi kanglang na a hudee wa, kee hu hwanda hai nən shideerha. 4 Səndi ‘ya niya ɔnaarha, a kəden nda hai ma tərna təna fiya thlə nggi fa ahur mindəndan.’ 5 “Tərgha aah fa kumaya turighənən tətəl, tətəl. Tsahang mee nən yi tal, ‘Kurmi na turina a takkwa sa kumarha?’” 6 Ndanggən, “Fədeerha kəthlikrha haru uvada.” Ndangga mamnda tə tərđi, “Thlu deleewar, tsawu hai kəkər, chirethlengga hai haru fada.” 7 Tərgha tsahang mee nən yi səri, ndanggən, “Kumarha kurmi a harwa?” Ndanggən, “‘Yawarha haru kum yi wan hwalirha.’” Ndanggən, “Thlu deleewar chirethlengga hai haru uvada.” 8 “Turidi fal mamnda tə tərđa nən keeghən mbuwa wa tə kəkafek fa ka thladwayidghən. Kəsər nafiya kəshiid weeriya hu tsawundan tə fiya yi kəshin ndan kalnda nafiya na tə kəkafekkirha thladwayirha.” (aiōnios g165) 9 Niya pəranggən kun, ɔnama taara tə kəna nun yi kəshidđiya tənun

wal pashiya, kəsər a fara ngwalanən hai, nanda thlə kun fa a talara pakwandə. (aiōnios g166) 10 “Niifa na fiya fərkəkafek təghən ahu ‘ya na ngguchit, tə kəkafekni kəm ahu ‘ya na manggən. Niifa mbuwana kəkafek sə a fadghən ahu ‘ya na ngguchit, mbə kəkafek sə kəm a fadghən ahu ‘ya na manggən wa. 11 A ɔnawun kəkafekirha hu kəsə kəna kəshiirha wa, wunni fərkəkafek tə kun aten kəna yi kəkafek na a talara? 12 A ɔnawun kəkafekkirha aten ɔn niifa wa, wunni fərang yi altennun kun? 13 “Mbə mafarha sə na ɔnang taara turaya səri wa. Tsaudə nən nggəm tal kar tahadghənən, nduwa kəm mananggən tal sar tahadghənən. Mbə ɔnaarha hai ɔnang taara nun Faara tə wudəɓəla kyab wa.” 14 Fərisaya na ngyingiyiləm tə wudəɓəla, sək nanda ənggini heu, nanda a chang yirha Yeeso fa. 15 Ndanggən kanda, “Kunni manang nda fannun a yid fiya, amma Faara səndə huryinun. ‘Ya nggəmna fiya kaan, ɔn tsandani a yid Faara. 16 “Ngyakhrha tə deleewar annabiya ndəna fiya takkwarha dəgha hu kəshiid Yahaya tə Mbaptisəma də. Ka a fərđi, ləɓərđi na ngga yi kutəryid Faara pərndan, nagha kowunni a kada kwamana na kyagha sa hai. 17 Nəghən pəpa nda talara tə hweede ngwalandə hai, ma ‘ya ngguchit hu deleewar ngyakhrha Faara kyagha də. 18 “Kala niifa kalgha nukkun hai nggərgghən kakhrrha ɔnanən kulafayirha. Niifa kəm kakhka nuneefa kalnanda hai, ɔnanən kulafayirha.” 19 Ndangga Yeeso kanda, “Na tə kəna sə, nən naarha kal kəɓarha fa na nggəngga ka fad dathla mbərha fa hai nən naarha tək mbəndayidghən fa. 20 A kwatkirəmnggən, na tə hwanda sə thləmnggənni Liyadzuru fadghən na heu wundəyani. 21 Na midghənsə nagha a dən fəfəsərri ɔnnaddəmi hərgħa hai ahar tə kənadi. Wudaya nanda naarha ɓarha ɓa nanda a nii wundiyini keeghən. 22 “Tsəgha fərđə hai mərgħa Liyadzuru, tərangga wangya thlənda Faara a thləmad Ibrahim də. Tə kənadi kəm mērgħa pangganda. 23 Ndəghən ahu hwanga a səsəarha, təranggən tenggən sə kəlagħa də, na Ibrahim nən də inggun tə Liyadzuru a thləmadghən. (Hadēs g86) 24 Tərgħa aaghənən də, ‘Pəpa Ibrahim a hadoyi fa, thlənu Liyadzuru ɓa ɓaɓha pang wan hargħən hu aama hai tsətse kənən mii hai mbidenggən sheneuna də, kəsər ni a səsəarha kaan ahu waddiya.’ 25 “Amma ndangga Ibrahim, ‘Waana ɗalu teena hai tsawudwa hu kəshiirha, walna ɔn kəshiirha

tækna mbända fa, Liyadzuru kəm səsədə. Amma kulo nanənya a tək mbända fa a mbədiya, sa a səsaaŋha. **26** Mbə kee ma wa, pathlang nan tə sa na kwarhasə manggən kudimnggən, fīngya na mindansə dərha thləmannun də amana nda mbang nda, tə kəmdā, ahur nun mbə niifa mbang tēdaarha thləmannan bā wa.’ **27** Ndagha tə kənadi, ‘Nənən kee, niya hwan sa pəpa, thlənu Liyadzuru a minda ki pəpa də; **28** kəsər na wanmanggina sə tuf həshya. Dəgha yihi thləman ndan, amana nda bārha hu səsaddā bā ya kəm.’ **29** “Ndangga Ibrahim, ‘Na ngyakhrha Musa sə, tə yi Annabiya, kang thləmanda kanda fa lee.’ **30** Ndagha tə kənadi, ‘Mbə kewa pəpa Ibrahim, amma a thlid niifa sə ahur mērya dēgha thləmandan də nanda fərkəkafek.’ **31** “Ndangga Ibrahim, ‘A səkkwanda ‘ya chirethna Musa tə yi Annabiya wa, ka thliina niifa sə ahur mērya, mba nda kang thləmarha fa wa.’”

17 Ndangga Yeeso fatsahayighən, “Əngya na kyang niifa hu dimiyirha hai nən bārha bā, amma kawa a niifdi bagha bā tēghən. **2** A nggushi waghang nda fən hārha ura mughangganda ahu wuri aama də, ma kyanggən tal ahur wangginia hu dimiyirha hai. **3** Yoo, kwarama altennun.” “A ənəd shadwa dimiyirha, yanang, a nda də cheeda hai, chahanggən də. **4** A ənədə dimiyirha fa sara məd hu parra fara, sara məd a wutta thləmad wa bā, ndəghən, ‘Cheeda hai,’ chahanggən də.” **5** Fathləngya Yeeso ndang ngganda, “Chighang fərkəkafek kan.” **6** Ndanggən kanda, “Ana fərkəkafek sə a fannun kəla wan parsəna, nun ndangnda dəfəddi na manggən ya, ‘Kədusə dā rarha hai hu wuri aama də,’ nən takkwa miwa. **7** “A ndam tal ahur nun na mafadghən sə na a hudang sə nduwa na a lafang chaukhrayighən. Nən ndangnda mafaddi a wuddāba a hee, “Boba nanən ya bā tsau hai hēbaana”? **8** A meghehdghən kamngwa a ndagha, ‘Fuweesə ‘wan ngwana fa kəla nggina ngwala hēbrha ni tə sarha adā hēb yiwa tə sarha wa’? **9** Nən usa mafaddi, kəsər ka ənənən taara ndangnanda ənagha wa? **10** Nuwun kee kəm, a ngwalang dūn əngya ndang nanda kun ənən, ndaama, ‘Mafaya ni kan kee, ənənən tar nan.’” **11** Nanən ya na Yeeso a dərha Urshelima də, tərghən kwamana kyagha tə ten sərək chehweed Samariya tə Nggalili. **12** Takh nən a kyarha hu tala hai, nafiya kum na tə wanhad termeerha bā nda bā isha nda də inggun

13 aaghən nda də tə urarha manggən, “Yeeso, Paḅa, a hadowan fa!” **14** Nanən kanda, ndəghən, “Damadə dūn kyadang fannun firistaya.” Kanda aten wiirha kee, kəla nda hai kənda. **15** Tal ahur ndan, kəla nən hai kəndə, wudgha bā, təranggən uradghən sə kaan nagha a fal Faara. **16** Baa bərgha hai a mbed Yeeso, usaghənən. Ndəghənggi kəm tə Samariyarha. **17** Tsakhka Yeeso mee, “Mbə kanda kum heu kəngga wa? Ai fīngya wutarihe? **18** Mbusə ko tə tətal wudgha bā baa usa Faara wa kəl rongdiya?” **19** Tərgha ndangga Yeeso, “Thliu sə wiu; fərkəkafekkid wa ni kənowa.” **20** Na fardā sə, Farisaya tsahang mee nda Yeeso, “A kwan na kutəryid Faara a bārha bā.” Nggəmmangga Yeeso kanda ndəghən, “Ai bād kutəryid Faara bā, mbun naghən tə yirha wa. **21** Mbə fiya ndaarha, ‘Kulo ndəghən ya,’ nduwa, ‘Kulo ndəghən taarha,’ wa. Kəsər kutəryid Faara nəghən ahur nun.” **22** Tərgha ndangga Yeeso fatsahayighən, “Na fara ḅayi na minnūn bā tēraa nang yirha Wan Niifa fa ko yi paara tal, amma mbun naghən wa. **23** Na fiya ndang nda kun, ‘Kulo ndəghən taarha!’ nduwa, ‘Kulo ndəghən ya!’ a dādūn də a samandan wa. **24** Kəsər Wan Niifa a far wuttəghən bā, nən naarha kəla kyatta ‘yaara na djaara hai a fərahk amshi tsuwar mbəya nən fa heu. **25** Amma nən a ‘wa taarang səsaaŋha fa dēdamən-dēdamən, tə kəm nafiya kəshiid weeriya nanda a karghən fa. **26** “Kəla ‘wanən katərarha hai a thlakh mbəd Nuhu, ḅanən naarha kee kəm a far wutta Wan Niifa bā. **27** Fiya a hēbrha tə sarha, həshya a kakhrha, kanda a fər nishya a chimaddə ta fardādə kyana Nuhu ahu kwambuwool hai. Tərgha bagha aam afa afa bā ḅəlanggən kanda də heu.” **28** Nəghən wai kee a thlakh mbəd Lutu. Fiya a hēbrha tə sarha, kanda a hiirha tə hengnda də, kanda a hēfrha tə tēnda. **29** Amma a fardi malna Lutu Sodom, irr nda waarha hai tə tsal waarha a talara, ‘yanggən kanda də heu. **30** “Bənən naarha kəla yandiya a far wutta Wan Niifa bā. **31** A fardi, mbə niifa naarha aten kənggən, tə karidghənsə a kən, mbə tēraa hai bagha harang wa. Tə kəm, mbə niifa dərha heedə ndagha nən wutta wure də ka dēgha har əngya wa. **32** Dalama teena hai tə ‘ya walgha nu Lutu! **33** Kala niifa nggəmmangga yiḅədgghən nən kədengnda, yi kədengga yiḅədgghən, dəfang nən də. **34** Niya pəranggən kun, a fədikdi na əndi a katərarha hai ya, nafiya səri kanda kalth ahu sərə tal, na nda a tēraa tal mal tal. **35**

Nishya səri a hə hwarma kyab, nanda təræa tal takhka tal. Na həshya səri naarha a hee, nanda a təræa tal mal tal nda.” 37 Tсахang mee nda, “A yanggi na əndi katərarha hai ya, Chinəm?” Ndanggən kanda, “Mbəd məræa 'ya, mbəd wumnda səkdıyani.”

18 Tərgħa Yeeso fərang karapu nən fətsahayıghən na a tsahanggən kanda ha a dənda mbeedə tə hwanda Faara kafad dathla mbərha fa hai, ma təkdə kanda wa. 2 Ndəghən, “Na tə ngwa kumarha sə hu tala mbə tərəm Faara wa, tə kəm njidəngwa 'ya tə fiya wa. 3 A hu taldi na numəræa sə nən naarha bərha thləmadghən bə tə hwanda, 'Nggo kumad kəkafekkirha a pathlang nan tə niifdi ya.’ 4 A hu katəradghən kardə fa. Amma akwasamadghən ndanggən altenggən, ‘Ko nanən mbi tərəm Faara wa tə kəm njidewa 'ya tə fiya wa; 5 kəsər ka nudi billagħa nggiya, niya ngwang kumad kəkafekkirha amanən nggər dahang minna də!’” 6 Ndagħa Chinəm, “Səghama 'ya ndana ndirwid tə ngwa kumaddi. 7 Ashe, Faara mbə mbang ngwang kumad kəkafekkirha nafiıghən wurnən, na a hwanggən nda yan fara tə fədikrha wa? Nən kukwasa hu dāng nda kanda sə wa? 8 Niya pəranggən kun, nən kəlarha hai walnda ngwa kumad kəkafekkirha kəkar. Amma, a wud Wan Niifa bə, bə nən wal fərkəkafekkirha ahu kəshiddiya wa?” 9 Aten fıngya na numarha na nda tə kəkafek fa na nda a sarang fıyadə, thləghangga Yeeso karapudi kanda sə ya. 10 Ndəghən, “Nafiya səri, kyanda hu Kən Faara də na manggən ka a hwan Faara nda. Tal tə Farisarha ni tahadghən kəm tə thlə tsamnda. 11 Tə Farisaddi thliıgha sə hwan Faara nən ka altenggən, ndəghən, ‘Faara usadi sa mbuwani kəla fıngya nafiya tsauka ngaarya, fa mbəlfeyya, kulafaya, tə kəm mbiyi kəla tə thlə tsamdədiya wa. 12 Ni kar aama sara səri ahu beena məd tə kəm ni fər tal ahu 'ya kum walni ha heu.’ 13 “Tə thlə tsamndədi ishgha də inggun. Mbə kəlarha talara dəwa, amma nagħa a dək kəfadghən ka səbrha hura ndəghən, ‘Faara a hadoyi fa, kulo nggiya tə dəmiyirha, dee sə!’ 14 “Niya pəranggən kun, tə ndaarha niifdiya mbə kəla tə Farisaddi wa, wiidə wuredə tə nggayid Faara a fadghən. Kəsər kala niifa manangga altenggən nanda a tsawangnda ngguchit, tə kəm niifa tsawangga fadghən ngguchit nanda a manang nda.” 15 Nagħa fiya a bərha bə tə wanggindan a

thləmad Yeeso bə ka dəfang parka nən kanda teena. Kəlanə fətsahayıghən hai kee, nanda a yanang kanda. 16 Amma Yeeso aah wanggina nən a thləmadghən bə, ndəghən, “Malaman wanggini na nggu-ngguchit bənda thləmanna bə, a 'yadəng dūn mana kanda wa. Kəsər kutəryid Faara yi tur ndan ni. 17 Niya pərang kəkafek kun, kala niifa thləwa wa kutəryid Faara fa kəla na wundakhnee ngguchit ənaarha wa, mbə tam kyarha sahai wa.” 18 Na mamnda Yahudaya sə, tsahang mee nən Yeeso, ndəghən, “Ka təmaləmda, mani ənaarha tənı wal yibrha mbuwa ngwalarha?” (aiōnios g166) 19 Ndangga Yeeso, “Mani na aah nggi ka niifa? Mbə ka niifa sə wa kəl Faara katenggən. 20 Sənnə 'ya ndana ngyakhrha Musa, a ənanna kulafayirha wa, a bəlna farha wa, a ngarna wa, a pərna 'ya aten ngga bəarha wa, no tsu hai tə muwa.” 21 Ndangga niifdi, “Ka nggi ngguchit lafdi əngginiya.” 22 Səkna Yeeso ndən, ndanggən, “Təho 'yaha tətəl. Həng ənggiwa də heu fərang wudəbəlghəna fa yamiya, na wal mbəd dəfrəghən a talara. A bəna bə bə mbu samanna.” 23 Səknən pathdiya, səbgha hurghən də kaan, kəsər niifani na tə kəna kaan. 24 Kəlangga Yeeso də, ndəghən, “Nən naarha pədaghən na a kyagħa tə kəna hu kutəryid Faara də! 25 Nən naarha pəpa na a kyagħa thləkhmu də tə kwad libra, ma tə kəna na a kyagħa hu kutəryid Faara də.” 26 Nafiya səkka pathdiya tsahang mee ndaha, “Anadə kee, wunni wal hərəkrha?” 27 Nggəmanngga Yeeso ndəghən, “Ya mbuwana fiya mbang ənaarha, na Faara mbang ənaghən.” 28 Ndangga Mbiturus, “Kulo kanya, malangdan əngginan heu mbudan samadwa!” 29 Ndangga Yeeso kanda, “Niya pərang kəkafek kun, mbə niifasə na malang wure, nduwa nukkun, nduwa wanmanggıghən, nduwa fa nggətyıghən, nduwa wanggıghən kəsər ka kutəryid Faara 30 na kədəng nda walla əngya hangga kal yi kətəm nən hu kəshiid weeriya wa. A talara kəm nən wal yibrha mbuwa ngwalarha.” (aiōn g165, aiōnios g166) 31 Tərgħa Yeeso dəgha tə Kum kap səri di man patu də, ndanggən kanda, “Dənəm Urshalima də, a mbədi 'ya chirethleng na annabiya hai aten Wan Niifa nən a ləghəttə. 32 Na nda a fəranggən nafiya mbuwa Yahudaya. Nanda a waghən, kyalanda təghən, chahang yakhrha nda fa tsadəghənda kaan tə kəm bəlangganda. 33 A far paara yi mahan nən a thliirha sə.” 34 Fətsahayıghən hwathlang ngwanda pathdā hai

ki Yeeso wa. Bəbeng nda ten laḅardi kanda, ndəghənni hwathlang ngwanda pathda hai nən a thləkṛha. **35** Ndusangna Yeeso Djariko fa, na kwamārha sə tsau a mii kwamana a hwanda. **36** Səknən fad fiya hangga a mbəradə, tsakh mee nən, mani katəragha hai? **37** Ndag ngganda, “Yeeso tə Nadzarat ndəna a mbəradə.” **38** Təranggən uradghən sə kaan, ndəghən, “Yeeso, Wan Ndauda a hadoyifa.” **39** Fingya na a mbee njarghənda a nggasgha hai. Amma nggərgħən tərəng uradghən sə kaan, ndəghən, “Wan Ndauda a hadoyi fal” **40** Ishgha Yeeso hai ndagha a ḅaa nda təghən thləmadghən ḅa. Nduwusnən ḅa tsahangga Yeeso mee, **41** “Mana midwa a ənoyi?” Nggəhangga kwamaddi, ndəghən, “Paḅa, na minna sə a namana ni hai.” **42** Ndagga Yeeso, “Yoo, no mana hai, fərkəkəfekkid wa kənodə.” **43** A mbədi kee, namana nən hai mbu samad Yeeso nən, nagha a fal Faara. Fiya heu na nanda əndi katəragha hai, fal Faara nda kəm.

19 Kyagha Yeeso hur Djariko hai, nən a mbəra mbeedə tə hur taldī. **2** A mbədi na niifasə thləmnggənni Dzakka, mamnda fa thlə tsamngyani tə kəm tə kəna ni. **3** Na midghənsə ana niifḅanən nanda aarha Yeeso, amma ka nanən kwakhmarha mbangwa nadghən wa, kəsər ka hangnda fiya. **4** Nanən kee, ḅadghənni mbeedə ḅagha tərāa ura ḅəfrha sə na manggən ka a naghənən tsaunən na Yeeso a mbəradə tə kwamandī. **5** Səlṇa Yeeso mbəḅadə, kəlagha ura ḅəḅaddasə ndanggən, “Dzakka, turu hai kəkər. Kəsər rong wa ni nggi a weeriya.” **6** Tərgħa hai kəkər thləghənən fa tə wutsəfayirha. **7** Nana fiya əndiya, katərang ngganda huhurumnda hai, tə ndaarha, “Kələma hai, tsaudə rong tə ‘ḅimirha.”” **8** Amma Dzakka thliigha sə ndanggən Chinəm, “Kuloḅa, Paḅa! A mbəḅiya nanənya, niya fərang mberra 'ya nani təghən ha a fa yamiya, a 'wadi huk niifa, niya tenggən katəra fada aten əndi thləni a hargħən.”” **9** Ndagga Yeeso, “A weeriya hərəkrha kyadə mindəḅa hai ya, kəsər niifḅiya kəm chichid Ibrahim ni. **10** Kəsər Wan Niifa ḅanən ḅa ka ḅagha kadə 'ya sahadgha, ka a hərgħanggən.”” **11** Na fiya aten ka thləmarha hai, ḅagha mbeedə tə thləghang karapu kanda sə, kəsər ndusangḅə Urshelima fa. Tə kəm fiya numanda tə ndaarha kutəryid Faara nən a ḅarhaḅa a səl nda Urshelima ḅə. **12** Ndəghən, “Wad kogna naarha sə wiigha hu chehweed nafiya ḅə inggun a ḅaa nda fadang

kutəra, wudgha ḅa. **13** Kapa nən wiirha, aah mafayighən nən ḅa kum, fərang wudəḅəla nən kanda hangga Wudəḅəl taara yi ndəre mahan. Ndaggən kanda, “Ənama shafilī sə kapa ni wutta ḅa.”” **14** Amma nafiyaghən tsandan. Nanən kee, thlən fiya nda a samadghən tə ndaarha, “Mbə minnan sə kamshidiya tsauka kutər nan wa.”” **15** “Ko nanən kee, fadang kutəryidda nda, wudgha wureḅa. Ka kyadghən wure hai, thlən farha nən a ang mafayighən nda ḅa na heu fərang nən wudəḅəla kanda, kəsər a sən 'yanən tə kurmi wal nanda chikrha atənggən. **16** Yi tal ḅagha ḅa ndanggən, ‘Alvari, ənadī taara tə wudəḅəlwa walḅi chikrha katəra kum.”” **17** Ndagga turighən, “‘Yauwa ka mafanna! Kəsər ka kəkəfekkid wa ənana ahu 'ya na ngguchit, tsawu kutəra aten tala kum.”” **18** “Yi səri ḅagha ḅa ndanggən, ‘Alvari, walḅi chikrha katəra tuf.”” **19** Nggəhangga turighən, “Sa, tsawu kutəra aten tala tuf.”” **20** “Tərgħa ḅagha tahad mafarha ḅa, ndəghən, ‘Alvari, kulo wudəḅəl wa ya; kənangḅi hu kukwasharra hai ḅibengḅi. **21** Təəmḅi sa, kəsər na ngyangthlang. Midwa ənka kaan, tə kəm na hath 'ya həḅwa nana.”” **22** “Ndagga turighən, ‘Niya nggo kumarha sə aten 'ya thləkna tə miwa, ka wuḅi mafarha! Kyanna sənda sə, niyi ngyangthlang, minna ənka, tə kəm, ni hath 'ya həḅwa ni? **23** Mani fərangwana ndən fa shafilīya a wuḅḅi ḅa təni ḅa thləghən tə chikrha?”” **24** “Tərgħa ndanggən fingya na kəkət a mbədi, ‘thlama wudəḅəlḅi na a hargħən fəranggunun tə kum ḅə.”” **25** “Ndag ngganda, ‘Alvari, ai na kumsə a hargħən!”” **26** “Nggəhanggən kanda, ndəghən, ‘Niya pəranggən kun kala niifa na tə 'yaha, nanda chighanggən. Amma yandī mbuwa tə 'yaha, ko yandī na ngguchit a hargħən nanda thlang nda. **27** Amma fa tsanggina mbuwana mindansə nggi a tsawu kutər ndan, ḅama tə kanda mbəḅa ḅa ya, ḅəlanggun kanda ḅə a mbenna.”” **28** Ngwalana Yeeso thlək pathḅiya, ḅagha mbeedə tə wiirha a Urshelima ḅə. **29** Ndusang nən talya Mbetafadi fa tə Mbetani na aten wumnda nanda aarha Wumnda ḅəḅya Dzaitun, thlən fatsahayighən nən səri, ndagha, **30** “Dama hu taldā ḅə na ngguchit a mbennun ni, a kyadun sa hai, ḅunun wal wan kwara kəkəna hai a mbədi, 'wawanda tərāa. Kwasaman ḅa. **31** A tsahang niifa mee kun 'kama nda nun a kwasang hai?”” Nḅaman Chinəm ndagha na midghən sə.”” **32** Fatsahayini səri thlənnanda,

dānda dā dānda walghən kəla thlēghang nən kanda. **33** Na nanda a kwasang hai kee, nafiya wan kwardi, tsahang mee nda kanda, “Kama nda nun a kwasang wan kwarda hai?” **34** Ndag ngganda kanda, “Chinəm ndagha na midghən sə.” **35** Bang nggənda Yeeso ba, lələbāngganda lukkindan kəsər kwarda sə, tərang ngganda Yeeso a kəsərghən sə. **36** Ndəghən aten wiirha, nagha fiya a lələbāng lukkindan hai aten kwamandi. **37** Bānən ba tsau tē kwamandi na yiyirakh tē wumnda dāfya Dzaitun fa. Tərgha fatsahayighən tē fiya na heu, tərang ngganda urandan sə na nda a fal Faara tē wutsəfayirha aten ənwulteena hangga nana nda. **38** Kanda a ndaarha, “Tə parkani kutərđi bāgha bā hu thlēm Chinəm!” “Tsawud dādemnggirha nagha a talara, tē manang nda thlēm Faara kəm!” **39** Fingya Farisaya na ahur fiya ndang ngganda Yeeso, “Mala, ndang fatsahayiwa nggasanda hai!” **40** Nggəmənggən kanda ndəghən, “Niya pəranggən kun, ka nggasna nda hai, ferya tafandan na nda a fal nggi.” **41** Bānən kakən Urshelima bā, nanən talđi, tanggən teena. **42** Ndəghən, “Andam kwang a weeriya, səndun 'ya na bāng tsawud dādemnggirha kun bā! Amma kulo mbiya bəbēng nda ma yinnun. **43** Na fara bayi na fa tsangginun a tərang hur shee kun teena muwangganda kun a mađufu hai 'ya bāng mbəya nda kun fa. **44** Nanda a dəghang kun hweede hai, kun tē wangginun na ahur talnun. Mbə 'yasə nanda a tahang wa, kəsər sənggun farđi bāna Faara thləmannun bā wa.” **45** Tərgha Yeeso kyagha a pəpal Kən Faara dē na manggən, katəranggən rəghang fiya dē na a heng əngyadē a mbədi. **46** Ndanggən kanda, “Nəghən chichirethlee hai tē ndaarha, ‘Kənnə nən tsaurha kən hwandəna,’ amma tsawanggun mbəd bəbed ngaarya.” **47** Ka fat paara fa, nən tsaharhaha a pəpal kən Faardi na manggən. Amma mamnda Firistaya, fasəngya ngyakhrha tē fingya mamngya na ahur fiya, nanda a kadā kwaman bəlləghən. **48** Ko nanən kee, walwanda kwamanggən wa, na nda a tərəm fiya na a kang thləmarha fa, kəsər labərgghən kyadē hutən ndan hai.

20 Farđa sə Yeeso a tsaharhaha a pəpal Kən Faara tē thlək labar Faara na mbənggən a fiya. Tərgha mamnda firistaya tē fa səngya ngyakhrha, tē fingya shingya, wuma nda thləmadghən bā. **2** Ndag ngganda, “Pəranggən

kan tē yanggi ngyahadyi na a əna əngginiya. Wunni furogha ngyahadfiya?” **3** Nggəməngga Yeeso kanda, ndəghən, “Nggima na Tsakhmee sə a miina. Pəremadghən, **4** mbaptisəma ənana Yahaya, Faara fərangga ngyakhrha wa, nduwa fiya wa?” **5** Tərgha tsə labara nda atənggən, ndaa nda, “A ndaa dəm, ‘Faara fərangga,’ nən a tsakh mee, ‘Kama fərwa nun kəkafek təghən?’ **6** Amma a ndaa dəm, ‘Fiya fərangga,’ fiya na heu nanda a mukəm tē ferya, kəsər fiya na heu nggəməndafa tē ndaarha, Yahaya annabi ni.” **7** Tsaunən kee, ndang ngganda, “Səngwan mbədi bānən sa bā wa.” **8** Ndangga Yeeso kanda, “Nggi kəm mbi pəranggən kun tē yanggi ngyahadyi niya əna əngginiya wa.” **9** Dəgha Yeeso mbēedə tē thlēghang karapu dī kanda sə ya, ndəghən, “Na niifa sə pagha dāfya inabi, dzəmənggənən fahudaya ha, wiigha hu chehwedə pak məngga ha. **10** Tsəna shifirha hai thlən mafadghən nən thləmad nafina dē nzməngga heddi a ənang ən heddi nda ha. Tərgha nafini nzməngga heddi dəghangganda mafadda dē wudangganda ko 'ya a harghən. **11** Nggərgghən thlən mafarha dē, dəkəkən nda kətəlāngganda wudangganda kula 'ya a harghən. **12** Nggərgghən thləndadē yi mahan, ənang wundərha nda fa muwangganda kəsha dē. **13** “Tərgha tē heddi ndəghən, ‘Mani ənaarha? Niya thlənang waana dē nggəməni kaan; asəmhə nanda fərang mamnggirha.’ **14** “Amma nana nafini nzməngga heddi wandi, tsə labara nda atənggən. Ndaa nda, ‘Yauwa! Kulo tē har langad heddiya, nggushi bəlang nəm, tənə heddi tsaurha yinəm!’ **15** Tərgha kyangganda sə ma heddi, bəlangganda. “Mana tē heddi ənang nda kanda? **16** Nən a barha bā bəlanggən nafina dē nzməngga heddi fəranggənən nafiya pak.” Səkna fiya ndən kee, ndaa nda, “A kaptangga Faara dē.” **17** Kəlangga Yeeso kanda hu yidsə ndəghən, “Labardi chirethleng nanda hai manən a ndaarha, “‘ferdi karna fa təngya, ndəghənni tsauka fer sar kənnə’”? **18** “Kala niifa mukka ten ferđi hai, nən hwasarha fa, amma yi mukna ferdi tenggən hai nən a tsarang dē.” **19** Fasəngya ngyakhrha tē mamnda firistaya kadā kwaman kəssa Yeeso nda a mbədi, kəsər səndasə karapudi thləknən ya a tendanni. Amma kanda kəm a tərəm fiya. **20** Nanda a lafghən, thlən fa harmuya nda dē, a tsawa nda kəla ka nafiya na tē kəkafek fa. Na mindansə a kəsəngganda Yeeso tē dimiyirha tənə nda dānggən ngwamna dē na tē səsəmənda ha. **21**

Fa harmuyini thlən nanda tsahang mee nda Yeeso tē ndaarha, “Mala, sēdānsē pathwa tē tsahadwaha nēghən mēmēl, sa kēm mba wurahasē wa, amma na tsahang kwaman Faara fiya ha tē kēkafekkirha. 22 Nēghən mēmēl a fannan ateng tsamnda nan Kaisar wa, nduwa awo?” 23 Kēlagha Yeeso hai na mindan dēfang takthleera, ndanggən kanda, 24 “Kyadeema pene di ki Romayini. Shishingnda wunni tē thlēm wunni atenggən?” 25 Nggēmangganda, “Yi Kaisar ni.” Ndanggən kanda, “Fəraman Kaisar 'ya tsauka yi Kaisar, tē kēm fəraman Faara 'ya tsauka yi Faara.” 26 A mbēdi kēm mbangwanda kēsang tē 'ya thlākənən a mbed fiya wa. Na ənwulteena nda tē tur nggēmndēdi nggēmang nən kanda pa, nggasa nda hai. 27 Fingya Sadukiyaya, ndagha mbē thliirha sē hu mēra wa, 6a nda thlēmād Yeeso 6a tē tsakh mee. 28 Ndang ngganda, “Mala, Musa chireethleng dā ndən kan hai tē ndaarha, ‘A mēr wanman niifa maldē nukkun hai kula nggōtta, na wanman tērang sē hu langaarha ka a nggēdanggən mērra wanman sē.’ 29 Nanən ya, na nafiya sē mād a wanmanggi. Tē pamēnda kakhka mērgħa kula wal wee. 30 Yi sēri tēranggən nudasē mērgħa kula wal wee. 31 Yi mahan wai kee. Kanda na heu mād tērang nda nudasē mēra nda kula nudi nggēdang kanda sē. 32 Akwasamadghən, nudi kēm mērgħa. 33 Nanənya, ahu thliirha sē hu mērra na nudi tsaurha yi wun tsauənən kanda heu mād, tērang nda nudasē?” 34 Ndangga Yeeso kanda, “A hu kēshiiddi ya hēshya a kakhrrha, kanda a fər nishya a chimaddē. (aiōn g165) 35 Amma nafiya kamngga a thlii nda sē hu mēra tē kēm tsawanda ahu kēshiirha na bāyi, hēshya mba nda kakhrrha wa, mba nda fər nishya a chimaddē wa. (aiōn g165) 36 Kanda kēm mba nda nggər mēra wa, kēsər na nda kēla fathlōngya Faara. Tsau nda wangya Faara kēsər thliinda sē hu mēra. 37 Amma aten labār dēfēddi na ngguchit kēsgha waarha, ko Musa ma kyaddā ndən a pəpal tē ndaarha, na thliirha sē ahu mēra, kēsər aaghən Chinəm, ‘Faara yi Ibrahim, Faara yi Ishaku tē kēm Faara yi Yakubu.’ 38 Mbē Faara ni yi mērya wa, amma yi fa yibya ni, ahu yighən kanda heu nanda tē yibrha.” 39 Fingya fasəngya ngyakhrha ndang ngganda, “Mala, thlākna pathla ngga!” 40 A mbēdi, mbē niifasē nggərgha tsahang mee balwa. 41 Tērgħa Yeeso ndanggən kanda, “Kən nanda ndaarha Kərēsti Wan Ndauda ni? 42 Ndauda tē

atenggən ndəghən ahu Dzabura, “Chinəm Faara ndanggən China, “Tsawu a yisəmannā 43 kəl ma tsawangdi fa tsanggiwa a kamu saryiwa.”” 44 “Aagħa Ndauda nden, ‘Chinəm.’ Kəkən kēm na nda ndaarha Wan Ndauda ni?” 45 Ndanggən fatsahayighən a mbed fiya, 46 “Kwarama tē Fasəngya ngyakhrha. Kanda na mindansē kal kabaya fa a nanda a wiirha hai a yid fiya. Na mindansē a ndangga fiya 'ya kanda ahu kasu. Na mindansē kēm a fərang mbəd tsaukya nda kanda na nggəngga ahu kəngya hwan Faara tē mbəya wut səfayirha. 47 Kanda ni na hēb langad nishya mēra chimayindan, na nda djib hwan Faara tēna fiya ndaarha ka nafiya ni kanda. Tur nafiniya na Faara səsang kanda kaan ma fingya.”

21 Tərangna Yeeso tenggənsə, na fa kənaya nən bāda 6a tē fəryindan kanda a irangnda ahu panjakwad Kən Faara hai na manggən. 2 Na nuneefa nən mēra chimadghən kēm tē yamirha fər yighən nən anini səri. 3 Ndagħa Yeeso, “Kəkafek niya pəranggən kun, fərrēdi ki nudi tē yamididiya kaldē yi fingya na heu. 4 Nafini na heu ya fərgħanda ahu hangnda 'ya na nanda tēghən ha, amma ndəghən nggi ahu yamidghən fərdē 'ya na a hargħən heu.” 5 Tērgħa fingya fatsahayighən katərang ngganda tsə labāra hai aten tən kən hwan Faardi na manggən tē ferya na nggəngga, sakhdang nanda sē tē ən fərya a Faara. Amma ndagħa Yeeso, 6 “Kēla nanun feryini ya, yoo! Na fargħən bāyi mbuwanda malang feera aten shadghən. Ko yanggini ahur ndan nanda a changgəlang kanda hai.” 7 Tsakh mee nda, “Mala, akwan na ənggini a katərarha hai ya? Tē kēm mani ən sakhrha na a sənansē nduwus bēndāba ya?” 8 Ndəghən, “Kwarama kanda, amana nda sakhdang kun. Kēsər fiya hangga na a barhāba ahu thlēmna na nda a ndaarha, ‘Nggini Kərēsti,’ tē ndaarha kēm ‘nduwus bēndāba.’ Ma mbudun samandan wa. 9 A tərəmdun wa, a səkduən labār yangya tē kakyathlanga. Kəkafekni a katəragħa ənggina hai ya 'wan, amma mii ngwaladghən balghən kula barha 6a.” 10 Tērgħa ndanggən kanda, “Tur nən thleng tur fa, kutəryirha kēm nən thleng kutəryirha fa. 11 Na kēshiirha a rəbrha fa kaan, tē mirha, tē patal a mbəya dēdamən. Na əntərəmgya a naarha sē tē kēm nun na ənsakrha yi wulteena hangga a fərahk amshi. 12 “Amma kapa na ənggini katərarha hai ya,

nanda a k̄sang kun, s̄sangganda kun. Nanda a d̄arha t̄ə kun ahu k̄angya hwan Faara d̄ə, t̄ə k̄əm muwangganda kun ahu pors̄əna d̄ə. Nanda a d̄arha t̄ə kun a mbed kut̄ərya d̄ə t̄ə ngwamnaya ka thl̄əmna. 13 Ənd̄aniya na f̄ərang kwamana kun p̄ər k̄əkafek nun atenna. 14 Amma ts̄aun̄ən kee, 'wama teena nggon fa ahur nun ma billadun t̄ə kwaman thlang fannun s̄ə a mbed fa ngwa kumaya wa. 15 K̄əs̄ər niya f̄ərang pathla kun t̄ə s̄ənda, ko tal ahur fa ts̄angginun mba nda mbang kyakhrang laḃarnun hai, nduwa ngaalangganda kun wa. 16 Ko fa ngḡət yinun, t̄ə wanmangginun, t̄ə hurfayinun, t̄ə pashiyi nun na nda a f̄ər kun. Na nda a ḃəlang nda f̄ingya k̄əm ahur nun. 17 Fiya na heu nanda a karkun k̄əs̄ər ka nggi. 18 Amma ko tal ahu was tennun mbus̄ə na a sahatta wa. 19 A k̄ər̄əs̄dun, nun a h̄ər̄əkr̄ha.” 20 “Anadun sodjaya t̄ərang nda hurshe Urshelima teena, a s̄əun̄s̄ə takh nda a chang hai. 21 T̄ərḡha f̄ingya na ahu Yahudiya, d̄aa nda wumngya s̄ə. F̄ingya k̄əm na a wup̄əri kya nda s̄ə, f̄ingya k̄əm, na hu talya a d̄ənda wup̄əri d̄ə wa. 22 K̄əs̄ər sayiddiya b̄ən s̄əsaarha ni, t̄ə l̄əgh̄ətt̄a ɔngya heu chireethleng nanda hai. 23 Kawama nishya na ahur, t̄ə f̄ingya na wanggindan a iirha! A fardiya, na s̄əsaarha a kyarha hu chehwedd̄a hai t̄ə s̄əbr̄ha hur Faara aten nafini ya. 24 Nanda a ḃəlang f̄ingya t̄ə thlaukh k̄əlara, k̄əs̄angganda f̄ingya tsawa nda pors̄əngya hu chehweeya d̄ə pak. F̄ingya mbuwa Yahudaya, nanda thl̄ə Urshelima s̄əssangganda k̄əl ma l̄əgh̄əd b̄ən ndan. 25 “Nun a na ɔn t̄ər̄əmngya a fad yanfaara, nd̄ərə t̄ə wuf̄əlngarya. A hu k̄əshiir̄ha k̄əm, na fiya a peela hai ka h̄əreenga k̄əs̄ər ka huf̄r̄ha t̄ə yanda wuri aama. 26 N̄ən a shiwiḃ fiya teena ka t̄ər̄əmnda, na k̄əf̄ayindan a haara ka ɔngya na a ḃarha hu k̄əshiir̄ha ḃa, k̄əs̄ər ɔngya na m̄əmangḡən a f̄ərahk amshi nanda a ts̄ə'ya fa. 27 A fardi, nanda a na Wan Niifa ḃayi ahu hash̄mbe t̄ə s̄əs̄əmnda t̄ə mamnggir̄ha kaan. 28 Ana ɔnggini a kat̄ər̄arha hai ya, thlema s̄ə t̄əranggun tennun talara s̄ə, k̄əs̄ər far h̄ər̄əkr̄ənun nduwus̄ə ḃa.” 29 Thl̄əghang karapu d̄a n̄ən kanda s̄ə ya, “K̄əlaman shiḃarha t̄ə d̄əfya na heu. 30 A h̄ər̄əmna nda kat̄ərang ts̄əts̄ətt̄a hai, kun t̄ə altennun s̄əndun̄s̄ə nduwus̄ə f̄əgr̄ha ḃa. 31 N̄əgh̄ən kee k̄əm, anadun ɔnggini a kat̄ər̄arha hai ya, s̄əndun̄s̄ə Kut̄əryid Faara nduwus̄ə d̄ə ḃa. 32 “Niya p̄ərang k̄əkafek kun, nafiya k̄əshiid weeriya mba nda a m̄əra wa, k̄əl kat̄ər̄ana ɔnggina hai ya 'wan. 33 Nda talara

t̄ə hweede nanda a ngwalarha, amma laḃarna mb̄ə tam ngwalarha wa. 34 “Kwarama, amana hur nun m̄əra t̄ə mb̄əna farha fa, t̄ə s̄ə ɔngya na t̄ərang kun in, t̄ə billad tsawud k̄əshiir̄ha. A mb̄ə kewa, ḃana fardi wal kun kula s̄ənd̄ənun s̄ə k̄əla takthleera. 35 K̄əs̄ər n̄ən ḃarha ten fiya ḃa heu na a tsaurhahu k̄əshiir̄ha. 36 Tsawama nggu-ngwa fa, k̄ətsar. Hwan Faara nun t̄ə nun wal h̄ər̄əkr̄ha aten ɔnggini na ḃa kat̄ər̄arha hai, amana shilee ḃa k̄əs̄ang kun isha a mbed Wan Niifa.” 37 Ka fad par fara fa, na Yeeso tsaharhaha hu Wuri Faara. Ka fad figr̄ha fa k̄əm n̄ən kyarha s̄ə, d̄əgha m̄ənda a wumnda nanda aarha Wumnda d̄əfya Dzaitun. 38 A tsar k̄ər̄ət, na fiya d̄ər̄ha hu K̄ən Faara d̄ə na mangḡən ka a s̄ək laḃargh̄ən nda.

22 Nan̄ənya, far Wuts̄əfayir̄ha yi Mburodi kula Mekhna, nanda aarha T̄ədaarha a nduwussa ḃa. 2 Mamnda Firistaya t̄ə famal̄əmngya ngyakhr̄ha nanda a kad̄a kwaman ḃəlang nda Yeeso ḃəḃee, k̄əs̄ər nanda a t̄ər̄əm fiya. 3 T̄ərḡha sheetan kyagha ahur Yahuda hai, nanda aarha Iskaryoti, tal ahur kumkap s̄əri di. 4 Yahuda d̄əgha thl̄əmad mamnda firistaya d̄ə t̄ə mamngya na a k̄əla K̄ən Faara ha na mangḡən, ndiya nda aten kwamana n̄ən a f̄ər Yeeso a kanda. 5 T̄ək mb̄ənda nda fa kaan, ngḡəma nda fa a f̄ərang wud̄əḃəla nda. 6 Yahuda k̄əm ngḡəmdafa kee, k̄əla sayidd̄a n̄ən fa mbuwana f̄iyas̄ə a f̄ər Yeeso n̄ən a kanda. 7 T̄ərḡha nduwusna far Wuts̄əfayidd̄a ḃa yi Mburodi kula Mekhna. Far d̄a na nda na sataka t̄ə wan kamnda yi T̄ədaarha. 8 Thl̄əngga Yeeso Mb̄iturus t̄ə Yahaya ndangḡən kanda, “Damad̄ə d̄un ngwang nda k̄əmfa d̄əm h̄əḃ ɔnnadmid ter wuts̄əfayid T̄ədaarha.” 9 Tsahang mee nda ha, “A yanggi na midwa s̄ə d̄an ngwadd̄a fa?” 10 Ndangḡən kanda, “A kyad̄un hur talda hai, ḃana niifa wal kun t̄ə tsulina ha. Mbuwama samadgh̄ən ta mind̄əda d̄ə n̄ən a kyarha sa hai.” 11 Ndanggun t̄ə wuridi, “T̄əmal̄əmnda ni tsakhka mee, ‘Na k̄ən rongya a yanggi, niya h̄əḃ ɔnnadmid T̄ədaarha s̄ə, t̄ə fatsahayina?’ 12 N̄ən a kyad̄ang k̄ənna kun na mangḡən, na t̄ə mb̄əd tsaukya s̄ə hangga. Ngwama fa a mb̄ədi.” 13 Wii nda d̄anda walgh̄ən m̄əm̄əl k̄əla p̄ərangna Yeeso kanda. Ngwandafa a mb̄ədi t̄ə ɔnnarhami yi wuts̄əfayid T̄ədaarha. 14 Ts̄əna sayidd̄a hai, Yeeso t̄ə wan thl̄ənggigh̄ən tsawa nda hai ka a h̄əḃ ɔnnarhami nda. 15 Ndangḡən kanda,

“Nəghən a kukwase fa na a həb ənnadmid Tədaarha ni tə kun kapa ni səsaarha. 16 Niya pəranggən kun, mbiya nggər həbghən bəlwə, kəl ma bəd ləghəttəghən bə ahu kutəryid Faara.” 17 Akwasamadghən təranggən wuhuleu aam inabi sə, usa Faara nən, ndanggən kanda, “Thlāma, ndəghaman hai. 18 Niya pəranggən kun, mbiya nggər sa aam inabi bəlwə, kəl ma bəd kutəryid Faara bə.” 19 Təranggən mburodi sə, usa Faara nən, kyanggən hai, fəranggənən kanda, ndagha, “Thlu fanna niya fər nda ka kun. Nama kee non a dāl nggi in.” 20 Nəghən kee kəm, akwasamad ənnaddami, təranggən wuhuleuda sə, ndagha, “Wuhuleudiya, yi weerənda kən pathnani ahu farna, irgha də ka kun. 21 Amma niifdi na a fər nggi kan nan a mbərha tal a həbrha. 22 Wan Niifa nən a mərə kəla tə ndana nda, amma ən kawa ni a niifdi tə fərgha ndən.” 23 Katərang ngganda tsahang mee ndan ha tə wunni ahur ndan na mbang əna tur əndiya. 24 Thliigha ngaala sə kəm a pathlang ndan tə wunni ahur ndan na a tsaurha manggən. 25 Ndangga Yeeseo kanda, “Kutərya fīngya səngwa Faara tə mamngya, nanda kyadang ngyakhrha fiya, tə kəm nanda tər fandan fa dāngya fīyasə. 26 Amma a tsaudun kee wa. Ameyedghən, yandi na manggən ahur nun tsauka kəla ndəghən ni ngguchit, tə kal mbeerha kəm tsauka kəla mafarha. 27 Yanggini manggən, yandi tsauka hai na a həbrha wa, nduwa yandi fərgha ənnarhami də wa? Mbə yandā ni tsauka hai na a həbrha wa? Amma niyi a pathlang nun kəla mafarha. 28 Kunni ishgha tə nggi ahu kəkərə sanifa. 29 Fərang di kutəryirha kun, kəla yandi fərəna Pəpa. 30 Tsaunən kee, nun a həbrha tə sarha a thləmanna hu kutəryidna tə kəm nun a tsaurha aten tsənggamngya, ngwang kumarha nun turya kumkap səri yi Isəreela.” 31 “Mbiturus, Mbiturus! Hwan sheetan kwamana na a kəkəranggən kun na heu kəla na tə hufərha pər wan hwalirha. 32 Amma hwanodi Faara teena Mbiturus, amana fərəkəfekkid wa kədiirha. A kyaharna bə, kalang wanman nggiwa sə kəm.” 33 Amma nggəmannga Mbiturus ndəghən, “Pəba, niyi nggungwa fa a dəm hu porsəna də kyab, ana ən mərəna ni, mərəm kyab!” 34 Ndangga Yeeseo, “Niya Purokən Mbiturus, kapa na diyarha tətəarha a fədikdiya na ngal səndəna katəra mahan.” 35 Tərgəha Yeeseo tsahang mee nən fətsahayighən, “Thlənni kun kula wudəbəla, kula ənnarhami, kula pakhma, kədeng dūn 'ya wa?’” Ndanda, “Awol!” 36 Ndanggən kanda,

“Amma nanənya ana wudəbəla sə a har nun kəsamadghən ha, tə kəm ənnarhami. A mbə thlaukh kəlara sə a harwa wa, heng luwudwa də hiina. 37 Nəghən chichireethlee hai tə ndaarha, ‘Wumangnda tə fa dīmiya,’ niya pəranggən kun tətani a ləghədgha atenna. Kəsər əndi chireethleng nanda hai atenna takhdə a ləghəttə.” 38 Ndangga fətsahayighən, “Pəba kuloḃa! Thlaukh kəlarya səri ya.” Ndangga Yeeseo kanda, “Tsəkdə kee.” 39 Kyagha Yeeseo sə kəla nən tə ənaarha, tərgha hu Wumnda dəfya Dzaitun sə tə fətsahayighən a samadghən. 40 Səlnən mbədəfə, ndanggən kanda, “Hwanama Faara amanun də mukrha hu kəkərə hai.” 41 Nduwusgha mbeedə ma kanda, bərgəha hai hwan Faara nən. 42 Ndagha, “Pəpa a nggəmnafa tərēe səsadədiya, mbə nggəmnanda hurna wa, amma 'ya nggəmnā hurwa ndəna məməl.” 43 Bəgha tə thlənda Faara thləmadghən bə a talara hai fərang kanglanggirha nən. 44 Ndəghən hu səsaarha kaan, dəgha mbeedə tə hwan Faara tə kəkəfekkirha naghā thləthləndəghən a tsətsaarha hweede hai kəla fara. 45 Thliinən sə ka hwan Faara, wudgha thləmad fətsahayighən də dəgha wal kanda a shiirha ka səbrha hura. 46 Tsahang mee nən kanda, “Kama nun a shiirha? Thləmasə hwan Faara nun amawanun mukrha hu kəkərə hai,” 47 Ndəghən aten thlək pathla bəgha fiya bə hangga, tə niifdi na nda aarha Yahuda. Nəghən tal ahur kumkap səri di, ndəghənni a kal mbeerha. Dəgha thləmad Yeeseo də ka a fəbənggən. 48 Tərgəha Yeeseo tsahang mee nən, “Yahuda ashe tə fəbrha na a fər Wan Niifa?” 49 Fətsahaya Yeeseo kəla na nda hai na 'ya sə na a katərarha hai tsahang mee nda Yeeseo, “Pəba, kyath kanda nan tə thlaukh kəlaryi nan wa?” 50 Tərgəha tal ahur ndan kyathlanggən thləmad mafad firis də na manggən a yi səma. 51 Ndangga Yeeseo fətsahayighən, “Malaman kanda!” Tsuwar thləmadda nən fa ki niifdi kyathlang nanda də kənanngən. 52 Tərgəha ndangga Yeeseo mamnda Firistaya, tə mamngya fa kəla Kən Faara ha na manggən, tə fīngya shingya bəgha bə ka ndəghən, “Tərwun nggi niyi təmbəng nun bərha bə tə thlaukh kəlarya, tə səsalya ka a kəsəwun wa? 53 Kətsar nggi a thləman nun a pəpal Wuri Faara kəsəwun wa, amma nanən ya sayid nun ni na Sheetan a əna taara tə kun.” 54 Tərgəha kəsəngganda Yeeseo dənda təghən minda ki Firis də na manggən. Mbiturus kəm mbu samandan nən də inggun

ma kanda. **55** Amma dzək na nda waarha a pəpal wuridi, tsawa nda hai kanda na heu a thləma waddi, ɓaɓha Mbiturus ɓa tsauka hai ahur ndan. **56** Tal ahur wangya nishya na ɓna taara ahur wuridi na Mbiturus nən tsau a thləma waddi. Irang yirha nən fa, ndəghən, “Niifdiya, kanda ni tə Yeeso.” **57** Amma Mbiturus ngalghənən ndagha, “Sa nudiya, nggi fa səngwi ndən wa.” **58** Tsəbaku na niifasə nagha Mbiturus, ndagha, “Sa kəm na tal ahur ndan.” Ndangga Mbiturus, “Sa pashi! Mbə nggi ni wa.” **59** Tsənən tsəbaku fadən, nggərga niifa ndaarha, “Mbə ngaala sə wa, niifdiya kanda ni təghən, kəsər tə Nggalarha ni.” **60** Ndagha Mbiturus, “Sa pashi! Səngwi ɓndi na a thləkrha ya wa!” Ndəghən kula nggəlang mighən tətaagha diyarha. **61** Chinəm kyahargha hai kəlanggən Mbiturus də. Tərga Mbiturus dāl teena nən hai tə ɓndi thləghang na Chinəm, “Kapa na diyarha tətaarha a fədik weeriya na a ngal səndəna katəra mahan”. **62** Tərga Mbiturus dəgha kəshaadə təgha kaan. **63** Fa kəlaya Yeeso ha katərang ngganda waghən hai na nda a dəkən kəm. **64** Kərangganda yidghən ana nda a tsahang mee ha, “Kulo, wunni dəkka sa.” **65** Nanda a 'yarghən tə laɓar sarfaya a ndəghən. **66** Dathna mbərha hai wumngga mamngya Yahudaya ɓa. Kandani na mamngya firistaya, tə fasəngya ngyakhrha. ʔa nda tə Yeeso a mbed ndan ɓa. **67** Ndag ngganda, “Ana sani Kərəsti, pəranggən kan.” Nggəmanngga Yeeso kanda, “A pərangdi ndən kun, mbun a fərkəkafek wa, **68** tə kəm a tsahangdi mee kun ha mbun a nggəresə wa. **69** Amma ka a weeriya, na Wan Niifa a tsaurha a yisəmad Faara na tə ngyakhrha ha heu.” **70** Kanda na heu tsahang mee nda ha, “Wan Faara ni sa wa?” Nggəmannggən kanda, “Pərdundən, nggini.” **71** Tərga ndaa nda, “Kama nəm nggər kadə pathya atənggən? Səkdəm ndən hai a mighən.”

23 Tərga mamngya Yahudayini heu thliinda tə Yeeso a mbed Mbilatus də. **2** Katərang ngganda dāhang nda fa, “Dəghan wal niifdiya a tsang teena nafinəm. Nagha a ndang nda kanda a teng nda tsamnda Kaisar wa, tə kəm wai ndəghənni Kərəsti, kutəra.” **3** Tsahangga Mbilatus mee Yeeso, “Sani na kutər Yahudaya wa?” Nggəmanngga Yeeso ndəghən, “Nəghən kee, kəla thləkna.” **4** Tərga ndangga Mbilatus mamnda firistaya, tə fiya na heu a mbədi, “Nggi nawi niifdiya tə dimiyirha fa wa.” **5** Dənda

mbeedə tə dāhang fa tə ndaarha, “Tsahadghən ha nəghən a tsang teena fiya a chehweed Yahudiya na heu. Katəranggen hai a Nggalili har ta mbəda ɓa ya.” **6** Səkna Mbilatus ndən kee, Tsakhmee nən tə ndaarha, “Tə Nggalarha ni wa?” **7** Səknən ndaarha kyagha Yeeso ɓa a mandi na Hirdus a ɓna kutəryirha sə, thlənanggən Yeeso a thləmad Hirdus də, kəsər a fardi nəghən a Urshelima. **8** Nana Hirdus Yeeso, tək mbənda nən fa kaan, kəsər ka kətəm na midghən sə a nang yirha nən fa. Aten əngya 'waa nən səkrha atənggən, na midghən sə a ɓna ɓnwulteeena nən. **9** Hirdus tsahang miya nən ha hangga, amma Yeeso kalwa sə wa. **10** Mamnda firistaya tə famaləmmngya ngyakhrha kanda a mbee kəkət a dāhang pathya fa. **11** Tərga Hirdus tə sodjayighən sarangganda də tə kəm waghənda. A mbədi kalang kəbarha nda fa yi kutəryirha, wudəngganda thləmad Mbilatus də. **12** Hirdus tə Mbilatus afar dani tsaunanda pashiyi, kəsər ka kətəm mba nda kalang ndan sə wa. **13** Mbilatus aah mamnda firistaya nən ɓa, tə mamngya tə fiya na həu. **14** Ndaggən kanda, “Beenun niifda ɓa ya tə ndaarha nəghən a tsang teena fiya. Nanənya, radi mu pathda haya tə tsakh miya tsahang ni a mbennun, walanggi tə 'ya na dimi tə ndanun wa. **15** Hirdus kəm nawa ndən tə dimiyirha fa wa, ndəghən dani wudəng nən thləmad nəm ɓa. Mbə 'yasə ɓnana kamshidiya tsəkka a ɓəlanggəm wa. **16** Nanən kee, niya tsadaghən kee kalghəni hai.” **18** Kanda heu tərang ngganda urandan sə tə ndaarha, “Bəlamam kamshidiya! Kalaman Mbarabas kan hai!” **19** Muwangganda Mbarabas kəndə ka təbənggidghən ɓna nən ahu taladə na manggən, tə ɓəlang nən niifa. **20** Mbilatus na midghənsə a kal Yeeso nən hai, nggərghən kalang kanda sə. **21** Amma karnda fa na nda a huhwarha tə ndaarha, “Tawaman də! Tawaman də!” **22** Katəra mahan Mbilatus a kalang kanda sə, “Kama nda? Dimiyid ma ɓna na kamshidiya? Nggi nawi ndən tə dimiyirha tsəkka a ɓəlang nggəm wa. Niya fərghən tsadaghən nda kalghən nda hai.” **23** Amma isha nda aten path ndan, na mindan sə tawangganda də. A kwasamadghən huhwan ndan kaldə mbərha mu. **24** Mbilatus kəm ɓnagha kəla na mindan. **25** Kal niifda nən hai tə muwang nanda hu porsəna də ka təbənggidghən ɓna nən, tə ɓəlang nən niifa kəla tsakhna nda. Fərang Yeeso nən kanda, kəla na mindan. **26** Na nanda a wiirha tə Yeeso, kəma nda tə niifa

nanda aarha Siman tē Sayirarha. Ndāghən ɓayi ahu tala na ngguchit, ngwabang tər kadidda nda fa, təranggən mbu samad Yeese nən. 27 Fiya hangga mbuwa samadghən, ahur ndan kəm nishya sē na a tərha tē huhwarha ka ndāghən. 28 Kyahargha Yeese hai, ndanggən kanda, “Nishya Urshelima, a tādun ka nggi wa, tama ka alten nun, tē wangginun. 29 Kəsər na fara ɓayi, ɓa nun ndaarha, ‘Fa parkayani kwarengya, tē hurya ‘wawa wa nggotta tē ɓee iwana wee iirha!’ 30 Tərgha “‘Na fiya a ndang nda wumngya, ‘Muwa ma tennan hai!’ Ndang ngganda mbəya na dangkam, dangkam, ‘Nggəlamam kan!’” 31 A əna fiya əngginiya ndāghən dəfrha ɓaldə nduwun, mani katərarha hai a hwardə?” 32 Nafiya səri, fa mbəlfeyya, wii nda tē kanda ka a ɓəlangganda kanda tē Yeese. 33 ʔa nanda mbəda ɓa na nda aarha Mbəd ʔalhwār Teena, a mbəda ni tawang nanda dē tē fa dimiya səri, tal a yisəmadghən tal kəm a yi kawadghən. 34 Ndagha Yeese, “Pəpa, chahanggən kanda dē, kəsər səngwanda əndi nanda a ənaarha wa.” Əna wura nda aten lukkighən. 35 Ishgha fiya hai kanda a kəlarha. Mamngini kəm kanda a waghən, nanda a ndaarha, “Hərghanggən fingya, a hərghanggən altenggən kəm lee, ana ndāghənni Kərəsti, Wurra Faara!” 36 Sodjaya kəm ɓa nda ɓa nanda a waghən. Fərang aam inabi nda sē na chichakh. 37 Ndang ngganda, “Ana kutər Yahudayani sa hərghang altenwa lee!” 38 Aman tenggən kəm chirethlengganda hai, “KUTƏR YAHUDAYA NI YA.” 39 Tal ahur fa mbəlfeyini tawangnda kanda dē təghən thləghang pathya nən sē na i'ikh nagha a ndang nda, “Mbə sani na Kərəsti wa? Hərghang altenwa tē kan kəm lee!” 40 Amma tahad tē mbəlfeddi djaranggən dē ndagha, “Mba tərəm Faara wa, sa walgha wadghənfa məməl təghən? 41 Ənangganda kəm məməl, kəsər kəna 'ya əna nəm ndə walnəm. Amma niifdiya mbə 'yasə ənanən na dimi wa.” 42 Tərgha ndagha, “Yeese, dalu nggi teena a ɓanna hu kutəryid wa ɓa” 43 Nggə mangga Yeese, “Niya puro kəkafek, a weeriya dəna naarha a thləmanna a talara.” 44 Fara a sərəkrha, tərgha wula nggəlanggən chehweerha heu, har yargha yanfaara hai. 45 Kəsər yanfaara malang dē djaara hai. Shishamardi na a mbədi na tsətsaɓa dē kaan hu kən Faara djargha hai səri. 46 Tərangga Yeese uradghən sē kaan ndagha, “Pəpa, ahu harwa hai niya fər yibənnə.” Thləknən ndən kee, mərgha. 47 Mamnda sodja di na kət a mbədi nanən əndi

katərāgha hai, fal Faara nən ndagha, “Kəkafek niifdiya ka niifa ni.” 48 Nafini ngwagha hai ka kəlarha, na nanda əndi katərāgha hai, kanda na heu wudə nda wuredə kanda a dək kəfayindan hu səbrha hura. 49 Amma nafini na heu səngga Yeese tē nishyini mbuwa samadghən ɓa, ka ahu chehweed Nggalili ɓa, isha nda dē inggun, nanda a kəlang əndi na a katərarha hai. 50 Na niifasə thləmnggənni Yisəfu, nəghən ahur mamngya na kənang pathla hai, ka niifa ni. 51 Nggə mngwa fa tē əndi kənang na nda hai wa. ʔaghən ɓa ahu tal Aramatiya na a chehweed Yahudaya tē kəm naghən a kəla kutəryid Faara fa. 52 Dəgha thləmad Mbilatus dē hwan mərri Yeese nən a panggən. 53 Tərgha təranggən hweede hai, fadanggən hu kabad pa mərri hai, dəfanggən hu kwadda hai rana nda ahu feera, yandi 'wa wanda pa mərri sē. 54 Far ngwarha ni fa yi yibrha Yahudaya, takh nda a kyarha hu far yibədda hai. 55 Nishyini ɓaa ɓa a samad Yeese ka a Nggalili ɓa, mbu samad Yisəfu nda, na ten kwadda nda, tē mbədi hunang nanda sa hai. 56 Tərgha wudə nda wuredə ngwa nda fa tē urdi tē fədeerha na sədghən mbənggən. Amma yibə nda a far Yibəddi ka fərang mamnggirha nda 'ya ndana ngyakhrha.

24 A hu katərad par fara yi ɓeena məd, a tsar kərət, nishyini tərang ngganda kariyi ni na sədghən mbənggən, ngwana nda fa dənda təghən a ten kwadda dē. 2 ʔa nda wal ferdi nggəlang na nda mii kwadda sē kwatərdə man patu dē. 3 Amma kyana nda sa hai, nawa nda mərri Yeese wa. 4 Nana nda a numarha aten əndi katərāgha hai kee, kula kanda səndasə na nafiya nda səri tē lukki ndan a chimnda fa nagha ahar yirha kəkət a thləman ndan. 5 Ka tərəm nda, nishyini kwangganda tən ndan a hweede hai, amma ndangga nafini kanda, “Kama nun a kadə tē yibrha, a pathlang mərɔya? 6 ʔalwa a mbədiya wa, thliida sē! ʔalama teena hai tē 'ya thləghang nən kun, ndāghən ɓaldə tē kun a Nggalili. 7 ‘Wan Niifa nən a mukrha ahar fa dimiya hai, tawangganda dē, a far paara yi mahan nən a nggər thliirha sē.’” 8 Tərgha dāl teena nda hai aten pathghən. 9 Wud nanda ɓa aten kwaddi, pərang ənggina nda heu a Kum Kap Taldi tē fingya fiya. 10 Nda Mairamu tē Magdaliya, tē Yowana tē Mairamu man Yakubu, tē fingya nishya nananda a mbədi, kanda ni pərangga ndən fa thləngya Yeese.

11 Amma fərwanda kəkafek tə path nishyini wa, keser tərgha nda path ndan kəla bəsharha ni. 12 Mbiturus thliighasə tawad dāgha ten kwadda də. Bərgha a mii kwaddi kəlagha sa də, na kabadda nən pang nandasə a man patu. Wudgha, ənwulteena nən tə əndi katəragha hai. 13 Nanənya tsu a fardi səri ahur nafiya na a mbu samad Yeeso kanda a kwaman dərha ahu tala də nanda aarha Imawus, na iundəghən mel məd tə Urshelima. 14 Kanda a tsə labara aten ənggini katəragha hai. 15 Na nanda a tsə labara aten ənggini kee, Yeeso tə altənggən dəgha thləman ndan də wii nda də. 16 Amma nggəlang nda yindan, amana nda kukwalang hai. 17 Tsahang mee nən kanda, “Laḅar ma nun a tsərha kee kun aten wiirha?” Isha nda hai kəkət, kəlagha Yeeso hai na hur ndan səsəba də. 18 Tal ahur ndan, na thləmnggən Kilobas, tsahang mee nən, “Sa ndəna ronga kee a Urshelima səngwa əndi katəragha hai a mbədi ahu bəngginiya wal!” 19 Tsakh mee nən, “Mani ənggini?” Nandang ngganda, “Ənggini tsəgha hai aten Yeeso tə Nadzarat. Annabini, ən ənadghən tə laḅarghən nəghən tə səsəmnda a mbed Faara tə fiya na heu. 20 Mamnda firistaya tə mamngginəm fər ndan a ngwang kumad mərri nda, tawangganda də. 21 Amma nan a numarha ndəghənni bagha hərghang nda Isəreela. Ma takhka ḅal, kulo, a weeriya bənggən mahan tə katərana ənda hai ya. 22 Mbə kee mawa, fiyinga nishya fərangnda ənwulteena kan. War nda aten kwadda də a tsar weeriya, 23 amma nawa nda mərrəghən sə wa. Ba nda ḅa ndang ngganda kan, nanda fathləngya Faara, ndaa nda naghən tə yibrha. 24 Tərgha fiyinga ahur nan dənda aten kwadda də ndaa nda nəghən kəla thləkna nishyini, amma ndəghən nggi nawa ndan wa.” 25 Nangga Yeeso kanda, “Hai, kama tsaunun nurya kee, mani kədiina fərkəkafekkid nun aten 'ya thləkna annabiya! 26 Ashe, kamngwa a səsagha Kərəsti aten inggini ya a kyagha ahu mamnggitghən də wa?” 27 Katəradghən tə Musa tə annabiya na heu, pərang dā ndən kanda 'ya thləkna deleewar Faara aten Kərəsti. 28 Ndusang nanda talda fa nanda a dərha sadə, tsəgha Yeeso kəla nən a mbəra mbeedə. 29 Amma hwanggənda kaan tə ndaarha, “Tsawu a thləman nan, tsət fiyrha hai, kulo yanfaara həmda hai.” Dəgha də tsauka tə kanda. 30 Tsau nən hai nən a həb ənnarhami tə kanda, təranggən mburodi sə, usa Faara nən, kyanggən hai fəranggənən kanda də. 31 Tərgha

ingga yindan də kukwalangganda hai, a mbədi kee sahadgha ma yindan. 32 Tsahang mee nda ndan, “Mbə tək dəm mbənda fa ahur nəm na nən a kalang kəmsə a kwamana, inang nən laḅar Faara kəm hai wa?” 33 Thliinda sə kəkər wudə nda Urshelima də. A mbədi danda wal Kum Kap Tal di tə fiyinga nafiya wumngga hai. 34 Nanda a ndaarha, “Kəkafek ni! Chinəm thliida sə har kyadang də fadghən Siman!” 35 Tərgha nafini na səri pər ənda nda katəragha hai a kwamana, tə kukwalang nanda hai kyang nən mburodi hai. 36 Kanda ḅal nda a tsə labara aten əndi kee, Yeeso tə altənggən ishgha a madufun ndan ndanggən kanda, “A fifiddun hai wal!” 37 Tər ma nda naghə fandan a rəbrha fa, kanda a numarha mənda-mənda na nanda. 38 Ndanggən kanda, “Kama tərəm nun? Kama kəm nun a kwana nggi ahur nun? 39 Kəla man haryina tə saryina. Nggi ni tə altenna! Tsuwarama nggi fa nawunun, kəsər mənda-mənda mbə thluwa sə a fadghən tə ala kəla nanun nggi təghən fa wa.” 40 Thləkna Yeeso əndiya, kyad haryighən nən tə saryighən a kanda. 41 Ko na nanda tə wutsəfayirha fa tə ənwulteena, ngwalangwanda fərkəkafek thliida sə wa. Tərgha tsahang mee nən kanda, “Na ənnarhami sə a har nun a mbədiya wa?” 42 Fərang təna nda fifi. 43 Thləghənən kiigha, kanda a kəlang nda. 44 Ndanggən kanda, “Ənda pərang ni kun ya nggi ḅaldə tə kun. 'Ya na heu kəl ma ləghəddə chirethleng nda hai a tenna ahu ngyakhrha Musa tə yi annabiya tə kəm Dzabura.” 45 “Tərgha dathlanggən hutən ndan də, tana nda sən 'ya na chichirethlee hai ahu dəleewar Faara.” 46 Ndanggən kanda, “Kulo, əndi chirethleng na nda hai ya, Kərəsti nən a səsəarha, nən a thliirha sə hu mərə a far paara yi mahan. 47 Mal dimiyirha tə chakhrəghən də nanda a pərgənən də ahu thləmnggən a kəshiirha na heu, nən a katərarha hai a Urshelima. 48 Kunni naghə əngginiya tə yinnun, pəramadghən. 49 Dəni thlənang Səsəna tə Pedənda kun ḅa ndana Pəpa. Amma tsawama a Urshelima, kəl nggəlang səsəmnda Faara kun a talara hai.” 50 Kya nən sə tə kanda ma Urshalima dənda mbərha də tsau tə Mbetani fa, a mbədi haranggən haryighən sə dəfang parka nən kanda teena. 51 Nanən a dəfang parka kanda teena, dəkka hai tə kanda tərang ngganda a talara də. 52 Tərgha dəfang shilee nda teena, wudə nda a Urshelima də lələgdə tə

wutsəfayirha kaan. 53 Ka fat paara fa na nda
naarha fal Faara ahu Wuri Faara.

Yahaya

1 Ka a katəradghən na Laḅar ḁa sə, na Laḅardi tə Faara, Laḅar di Faara ni. **2** Ka a katəradghən nəghən tə Faara. **3** Tə Laḅar ḁa ni ənana Faara əngya heu; mbə 'yasə əna nanda kula ndəghən wa. **4** Na Laḅar di fər yibrha a əngya heu ənana nda, yiḁəddi ya kəm kukwaryid fiya ni. **5** Na kukwaryiddi djaara hai hu wula, wuldi kəm mbə səsəmnda sə a fadghən wa. **6** Na niifa sə thlənna Faara ḁa, thləmnggən ni Yahaya. **7** Tə kalmee ni, ḁanən ḁa ka a kalmii kukwaryidda nən, təna fiya heu sək laḅar kukwaryiddi fərkəkafek nda tə kalmii di keeghən. **8** Mbə Yahaya tafadghən ndəna kukwaryiddi wa, amma ḁanən ḁa ka a kalmii kukwaryidda nən. **9** Ka kukwaryirha na a fərang kukwaryirha nən kowunni, nəghən ḁayi hu kəshiirha ḁa. **10** Na kukwaryiddi hu kəshiirha, ko nanən ənagha nda kəshiirha təghən, amma səngwa kəshiirha ndən wa. **11** 'Ba kukwaryiddi ahu chehweedghən ḁa, amma nafiighən thləwa ndan fa wa. **12** Amma kala nafiya thləgha kukwaryidda fa, fərkəkafek nda təghən, fərang ḁə kwamana kanda a tsawa nda wangya Faara. **13** Tsau nda wundakhnaya mbə ka nggət na niifa kanda wa, mbə tə nggəmnda niifa wa, amma tə nggəmnda Faara. **14** Laḅardi tsaudə niifa, tsaukən ahur nəm. Nadəm mamnggitghən, mamnggit wee na katenggən a thləmad chin, nəghən lələgḁa tə nggayirha tə kəkafek. **15** (Kal Yahaya mighən, təranggən uradghən sə tə ndaarha, "Niifda ni pərang ni kun ya, ndaa ni, 'Na niifa sə ḁayi a samad na kalgha nggi mu, kəsər nəghən sə kapa na nda nggət nggi.'") **16** Ka nggayidghən mulgha hai, nən naarha fərang parka kəm kətsar. **17** Fər Faara ngyakhrha a manki Musa, amma nggayirha tə fərkəkafek ḁaghən ḁa a manki Yeeso Kərəsti. **18** Mbə niifa sə 'wagha na Faara wa, amma yandi ndəghən tafadghən Faara ni, tə kəm nəghən a tsau ḁədemnggirha tə Chin, ndən kyadgha Faara. **19** Kulo kalmidi ki Yahaya ya a sayiddi thlənna Yahudaya Firistaya tə Lawiya a Urshalima ḁa, ka ḁa nda tsahang mee ha, "Wunni sa?" **20** Ngalwa Yahaya wa, amma kyagha pəpal ḁa ndanggən kanda, "Mbə nggini Kərəsti wa." **21** Tsahang mee nda, "Nanən kee, wunni sa? Sani Ilya wa?" Ndanggən kanda, "Mbə nggini wa." Nggəra nda tsahang mee, "Sani annabi di nan a kəlarha fa wa?" Ndanggən kanda,

"Awo." **22** Tərgha ndang ngganda, "Wunni sa? Nggərang kan sə ka ḁan pəranggən nafini thləngga kan ḁa. Mana mbang thləkrha a ten wa?" **23** Nggərangga Yahaya kanda sə tə laḅar annabi Ishaya, "Nggini urarha na a aah farha a kaheerha, 'Pəpənaman kwamangya ḁə a Chinəm.'" **24** Tərgha Farisayini thlənna nda ḁa, **25** tsahang mee nda ha, "Kama nda na a əna mbaptisəma a mbə sani Kərəsti, nduwa Ilya, nduwa Annabiddi wa?" **26** Nggərangga Yahaya kanda sə ndəghən, "Nggi tə aama ni əna mbaptisəma, amma na niifa sə kət a pathlang nun səngwa nun. **27** Ndəghanni na ḁayi a samad na di, nggi tafanna tsəkki na a kwasanggi sahad pahamnggən hai wa." **28** Katəragha ənda hai heu ya a Mbetani a pəm kufad Urdun, na Yahaya a əna mbaptisəma sə. **29** A bindayidghən nagha Yahaya Yeeso ḁayi thləmadghən ḁa, ndagha, "Kəlamən wan Kamnda Faara ya, na a tərang ḁimiyid kəshiirha ḁə! **30** Niifda ni pərang ni kun tə ndaarha, 'Na niifa sə ḁayi a samad na kalgha nggi mu, kəsər nəghən sə kapa na nda nggət nggi.'" **31** Nggi tafanna səngwi ndən wa, amma niyi a əna mbaptisəma tə aama təna nafiya Isəreelaya sənggən." **32** Tərgha ndagha Yahaya, "Nadi Səsəna ḁayi hai a talara kəla tətiliurha tsauka hai a fadghən. **33** Səngwi ndən wa, amma Faardi thləngga nggi ḁa ka ḁi əna mbaptisəma tə aama, ndəghən ndeegha, 'Niifdi nana Səsəna tərdə tenggən hai tsauka sə, ndəghən ni na a əna mbaptisəma tə Səsəna tə Pəḁənda.'" **34** Nadi əndi katəragha hai tə Yeeso, nəghən kee, kaldi mee tə ndaarha, niif diya Wan Faara ni." **35** A bindayidghən nggərga Yahaya isha a mbədi tə fatsahayighən səri a thləmadghən. **36** Nanən Yeeso a mbəradə, ndagha, "Kəlama Wan Kamnda Faara ya!" **37** Səkna fatsahayina ndən keeghən səri 'ya ndaanən, mbu samad Yeeso nda. **38** Kyaharna Yeeso hai, nanən kanda a mbu samadghən, tsahang mee nən kanda, "Mana minnun?" Ndangganda, "Rabbi, (ndarha ni Mala) na tə tsaurha a yanggi?" **39** Nggərangga Yeeso kanda sə, "Bama ḁa ḁun nəghən." A figrha ni mbu nanda samadghən ta mbəḁadə nanən sə tə tsaurha ngwalangga nda paara təghən. **40** Andərawus, wan man Siman Mbiturus nəghən tal ahur nafini səri səkka 'ya ndana Yahaya tə kəm mbuwa samad Yeeso. **41** Tsu kee tərga Andərawus kəḁa wanman nən Siman pəranggənən tə ndaarha, "Walang ḁan Kərəstidi." **42** Bagha tə Siman thləmad Yeeso

ba, Kolang na Yeeso ngga ndaghən, “Sani Siman wan Yahaya. Amma nanənya na nda a aah sa Kefas,” (ndəna Mbiturus). **43** A bindayidghən na mid Yeeso sə a dəgha Nggalili də. Na Filibus nən, ndanggən, “Mbuwu samadna.” **44** Filibus niif tə Mbatsaida tal nda Andərawus tə Mbiturus. **45** Walang na Filibus Nataniyel ndanggən, “Nadən niifdi chirethna Musa a tenggən ahu ngyakhrha, tə kəm chirethna annabiya a tenggən thləmmnggən ni Yeeso tə Nadzarat, wan Yisufu.” **46** Tsakhka Nataniyel mee ndaghən, “Nadzarat! Na 'ya sə ngga na kyarha ba a Nadzarat wa?” Nggərangga Filibus sə, “Boba ba naghən.” **47** Nana Yeeso Nataniyel bayi thləmadghən ba, ndanggən, “Kulo ka wan Isəreela ya na tə kəkafek fa.” **48** Tshangga Nataniyel mee Yeeso, “Kəkən sənna nggi?” Nggərangga Yeeso sə, “Nadi sa a kamu dəf shiḃaarha kapa na Filibus aah sa.” **49** Tərgħa ndagħa Nataniyel, “Mala, sani Wan Faara; Kutər Isəreela.” **50** Ndangga Yeeso, “Fərna kəkafek kəsər ka ndoni nadi sa a kamu dəf shiḃaarha wa? Na nggər na əngya kalgha fīngya yina mu ya.” **51** Nggərgħən ndaarha, “Niya puro kəkafek, na a naa talara indədə, tə fathləngya Faara a tərə sə tə tərə aten Wan Niifa hai.”

2 A far beena yi mahan, əna wutsəfayid kakhra nda ahu tala na nda aarha Kaana a chehweed Nggalili, tə kəm man Yeeso a mbədi. **2** Tərgħa mbu Yeeso nda tə fatsahayighən ahu wutsəfayid kahadda də. **3** Ngwalana aam inabi də hai, ndangga man Yeeso, “Mba nda tə aam inabi bal wa.” **4** Nggərangga Yeeso sə, “Nudiya ma njidangga kəm? Sayid na ba wa ba 'wan wa.” **5** Amma ndangga man Yeeso nafini na a ndək ənnarhami, “Kala 'ya thləghang nən kun ənama.” **6** A mbədi na tsulingya sə mikki tən nanda tə feera. Na Yahudaya naarha əna taara tə tsulinggini ka a tsabang fandan saadə. Kala tsulina nən tər kəthlikra kumnggit səri dəgha hu kumnggit mahan də. **7** Ndangga Yeeso nafini na a ndək ənnarhami, “Ləgdaman tsulinggini tə aama.” Lədgang ngganda kanda ta miighən sə. **8** Tərgħa ndanggən kanda, “Tsaama ha sə dang nggənnun mamnda ter də də ya.” Əna nda kee kəla thləghang nən kanda. **9** Mamnda terdi taarang nən aamdi kyakhrang nanda ahu aam inabi də, sənangwa mbəda hai kyanən sa ba wa, (ko nanən nafini na a ndək ənnaddami sən ndan). Tərgħa aah

wutsam ndə danən a man patu də ndanggən, **10** “Na fiya 'wa fər aam inabi na mbənggən, akwasamaddi saana fiya, a kyanggən yanda ba mbuwa wa mbənggən. Amma sa bəbengga yandi na mbənggən kəl nanənya!” **11** Yandiya ndəna katəra ənwulteena ənana Yeeso, ənaghən ndən a Kaana na hu chehweed Nggalili. Kyaddə mamnggidghən a mbədi, tə kəm fatsahayighən fərəkafek nda təghən. **12** A kwasamaddi dəgha Kafarnahum də heu nda man, tə wan manggighən, tə fatsahayighən, mənə nda ha ngguchit a mbədi. **13** Nduwusna far wutsəfayid Tədaarha hai, dəgha Yeeso a Urshalima də. **14** A pəpal Kən Faara, dəgha wal fiya a heng thlaaya də, tə chauraya, tə kataprakkyā yi sataka, tə fīngya tsətsau a fər mbeded wudəbəla. **15** Yamngga Yeeso wutəterha tə sakhrha rəghanggən kanda də ma Kən Faara, heu tə chauraya tə thlaaya, changgəlanggən mbəd mbeded wudəbəl də də welgha wudəbəlđi hweede hai. **16** Tərgħa ndanggən nafini na a heng kataprakkyā də, “Kyaman ənggina hai ma mbədiya, a tsawang dūn wuri Pəpa kasu wa.” **17** Tərgħa fatsahayighən dāl teena nda hai tə 'ya ndaana deleewar Faara, “Nggəmmndəna a wuri wa nəghən a kəsə sə a hurra kəla waarha.” **18** Tərgħa mamngya Yahudayini ndangganda Yeeso, “Ənwulten ma na kyadang nda kan tənən sənda sə na tə səsəmmnda əna əndiya?” **19** Nggərangga Yeeso kanda sə ndaghən, “Chaman Kən Faar də hai ya, ahu beena mahan niya nggər tənang sə.” **20** Tsahangga Yahudayini mee, “Tənang nggan Kən Faar də sə 'yahu hurarha kumnggit fada kap mikki, ndaana wai na nggər tənang sə hu beena mahan?” **21** Amma kən Faar di nən a thləkrrha pofadghən ni. **22** A kwasamaddi thliinən sə ahu mərə, fatsahayighən dāl teena nda hai thləkdə 'ya kiya. Fər nda kəkafek tə laḃar Faara, tə laḃardi thləkna Yeeso. **23** Nanən a Urshalima ahu wutsəfayid Tədaddi, fiya hangga nagħa ənwuteengya kyad nən fərəkafek nda təghən. **24** Amma nggəmmngwa Yeeso fa tə kanda wa, kəsər səndə fiya heu. **25** Mbə 'ya sə na nda thləghang nda a ten niifa wa, kəsər səndə hur niifa.

3 Na niifa sə thləmmnggən ni Nikodimus, tə Farisarha ni, mamnda ni ahu Yahudaya. **2** Bagħa thləmad Yeeso ba a fidikra ndanggən, “Mala, səndənsə sa təmaləmmnda ni thlənna Faara ba. Mbə niifa sə na mbang əna ənwulteena

Kəla yandi na a ənaarha ya wa a mbə nana Faara təghən ha wa.” 3 Nggərangga Yeeso sə, “Niya puro kəkafek, mbə niifa sə na kyarha hu kutəryid Faara də wa kəl nggər nanda nggədang hai.” 4 Tsahangga Nikodimus mee, “Kəkən na nda nggər nggədang nda niifa hai ndəghən suhur də? Kəkafek mbə nggər kyarha ahu shiwad man hai nggərgəhən nggədang hai yi səri wal!” 5 Nggərangga Yeeso sə tə ndaarha, “Niya puro kəkafek, mbə niifa sə na kyarha ahu kutəryid Faara də kanda kula nggədang hai hu aama tə Səsəna wa. 6 Thlufarha nən nggət thlufarha, amma Səsəna, nən nggət Səsəna. 7 A wulo teena ka ndoni, ‘A nggərgəha nda nggədo hai wa.’ 8 Na bəreurha piirha a mbəda də na midghən. Kəla na sək pidghən də, amma mba mbang pər mbədi ba nən sa ba tə mbədi nən a dərha sadə wa. Nəghən kee kəm mba mbang pər kwamandi na nda nggədang niifa hai hu Səsəna wa.” 9 Tsahangga Nikodimus mee, “Na əndi ənaarha hai kəkən ya?” 10 Ndangga Yeeso, “Sa təmaləmnda Isərelaya ni, amma sənangwa ənggina hai ya wa? 11 Niya puro kəkafek, nən a thlək ‘ya sən nən, nən sakh ‘ya kəm na nən, amma pa ya kardun thlə ənda fa pərang nən kun. 12 A puro di əngya na ahu kəshiirha, amma fər wa kəkafek wa. Kəkən na fərkəkafek a puro di labər əngya na talara? 13 Mbə niifa sə ‘wagha dərha talara də wa, amma kəl niifdi bagha hai a talara, ndəna Wan Niifa. 14 Kəla ‘wana Musa tərang nda dəbəl hultne sə a kaheerha, na nda a tərang nda Wan niifa sə kee kəm. 15 Nanən kee, kala niifa fərgəha kəkafek a Wan Niifdi nən a wal yibrha mbuwa wa ngwalarha. (aiōnios g166) 16 Kəsər Faara nggəmdə kəshiirha kaan fər nən Wanggən katənggən, kala niifa fərgəha kəkafek a ndəghən mbə tam mərə wa, amma nən a wal yibrha mbuwa ngwalarha. (aiōnios g166) 17 Thləngga Faara Wanggən hu kəshiirha ba mbə a ngwang kumarha nən wa, amma a walgha kəshiirha hərəkrha a fadghən. 18 Kala niifa fərgəha kəkafek a Wan Faara mba nda ngwang kumarha sə wa, amma kala niifa fərwa wa kəkafek ‘wa də teena ngwang də kumarha sə, kəsər fər wa kəkafek a Wan Faara katənggən wa. 19 Na Faara a ngwan kumarha fiya sə kəsər kukwaryirha kyadə hu kəshiirha ba, amma fiya nggəmdə wula kaan ma kukwaryirha, kəsər ən ənad ndan yi mbəfeerha ni. 20 Kala niifa na a əna tar mbəfeerha karnən kukwaryiddi, mbə baarha ahu kukwaryidda ba wa ka hərəenga

nadə tar mbəlfedghən kyaarha pəpal ba. 21 Amma kala niifa na tə kəkafek fa, ba nən ahu kukwaryidda ba, tənə fiya nəghən a pəpal tə ndaarha ‘ya nən a ənaarha nəghən a əna ‘ya na mid Faara.” 22 A kwasamad palthdiya, thliigha Yeeso tə fətsahayighən dənda chehweed Yahudiya də tsənda tsəbaku a mbədi nəgha a ənang mbəptisəma fiya. 23 Yahaya kəm a əna mbəptisəma a aam Ainon tsau tə Salim fa kəsər na aama sə kaan a mbədi, na fiya naarha barha ba ka ənang mbəptisəma nda kanda. 24 (Katəragha ənda hai ya kapa na nda mughang nda Yahaya ahu porsəna də.) 25 Thliigha ngəala sə a pathlang fətsahaya Yahaya tə niif Yahudiya a ten chilbi farha. 26 Nanən kee bagha fətsahaya Yahaya thləmadghən ba ndənggənda, “Mala, dālna niifdi teena ‘wana tsaurha təghən a pəm kufad Urdun, thləkna pathla a tenggən, nəghən a əna mbəptisəma fiya hangga a dərha thləmadghən də.” 27 Nggərangga Yahaya kanda sə, “Mbə niifa sə na wal ‘ya wa kəl fərang na Faara ndən hai na a talara. 28 Kun tafad nun səkdun əndi thləghang ni kun a pəpal, ‘Mbə nggini Kərəsti wa, ‘wa ni mbee ba ka a kalang mee ni fiya kapa nən barha ba.’ 29 A far wutsəfayid kəkrha, wuronga yi wutsəmdə ni. Pashirha dəgha hu kahad wutsəmdə də, nən kəlaghən ha, kang thləmaarha nən fa, nən tək mbənda fa a səkdə urad wutsəmdə. Wutsəfayiddi a weeriya yina ni, nanənya ləghəddə. 30 Təta ni nəgha aten chikrha kaan, nggi kəm ne a tsərha ngguchit.” 31 Yandi bagha hai a talara kaldə kowunni mu, yandi kyagha ba ahu kəshiirha kəm yi kəshiirha ni, tə kəm nən thlək əngya na hu kəshiirha kee. Amma yandi bagha hai a talara kaldə kowunni. 32 Nən naarha thlək ‘ya nanən tə səknən kəm, amma mbə niifa sə thləgha labərgəhən fa wa. 33 Kala niifa thləgha labərgəhən fa, səndəsə na Faara tə kəkafek fa. 34 Kəsər yandi thlənna Faara ba labər Faara ndən nən a thləkrha, kəsər fərang Faara Səsəna mbuwa ngwalarha. 35 Na Chindi nggəm Wanggən tə kəm fərang də əngya heu ahu haarghən hai. 36 Kala niifa fərgəha kəkafek a Wandi nən wal yibrha mbuwa wa ngwalaarha, amma kala niifa fərwa wa kəkafek a Wandi mbə tam wal yibrha wa, kəl səbrha hur Faara ndəna naarha a tenggən. (aiōnios g166)

4 Nanənya sən Yeeso sə Farisaya sək nda labəra atənggən nəghən a əna mbəptisəma a wal

fatsahaya ma Yahaya, 2 (ko nanən, mbə Yeeso ni na a əna mbaptisəma wa, amma fatsahayighən ni.) 3 Walang na Yeeso 'ya na Farisaya a thləkrha atənggən, thliigha mal Yahudiya nən wudgha a Nggalili də. 4 Tsawang də fa tətə a kyagha tə Samariya. 5 Bagha ahu tala ba na nda aarha Sikar na a chehweed Samariya, tsau tə pəpal də fa fərang na Yakubu wanggən Yisufu kətəm. 6 A hu taldı na Kwat aam Yakubu sə, təkna widdi Yeeso tsauka hai a thləmad kwat aamdı. Yanfaara a sərəkrha. 7 Bagha nu tə Samariyarha ka tsə aama ba, ndangga Yeeso, “Ənee aama ha see.” 8 (Ahu sayiddi Yeeso nəghən katənggən kəsər fatsahayighən kyanda hur tala hai ka danda hii ənnarhami.) 9 Kəsgha ənwulteena nudi ndanggən, “Sa tə Yahudarha ni, nggi nu tə Samariyarha. Kama nda na tsahe aam saarha?” (Kəsər Yahudaya na nda tsan Samariyaya.) 10 Nggərangga Yeeso sə, “A ndam kwang sənna fərfa Faara a sa, tə kəm tə wunni tsahowa aam saarha, kam ndangna a ənoghən ha, kam nən a fəro aam fər yibrha.” 11 Ndangga nudi, “Paḃa, mbə ən tsə aama sə a harwa wa kwat aamdı kəm ya nəghən kudimnggən. Na wal aam fər yibəddi a yanggi? 12 Kalna chinan Yakubu rangga kwat aamdı kansə ya, saagha, ndəghən tə wanggighən, heu tə chibəd məbiyighən wa?” 13 Nggərangga Yeeso sə, “Kala niifa saagha amdıya na hushimnda nggər kəsghən, 14 amma yi saagha aamdı niya fərang nda mbə hushimnda nggər kəsghən wa. Aamdı niya fərang nda nən a tsawang fa mbəd ngəttə aama na fərang yibrha pa kwandə.” (aiōn g165, aiōnios g166) 15 Ndangga nudi Yeeso, “Paḃa, fəree tur aamdı ya lee amawana hushimnda nggər kəs nggi tənı malang bərha ka tsə aama mbəda ba ya.” 16 Ndangga Yeeso, “Duwa də, də aah chimad wa bən ba.” 17 Nggərangga nuda sə, “Mbə chimad na sə wa.” Ndangga Yeeso, “Thləkna kəkafek ndana mbə chimadwa sə wa. 18 Pərna kəkafek, chimaya tuf 'wagha kahorha, niifdi nana təghən nanənya mbə chimadwa ni wa.” 19 Ndagha nudi, “Paḃa, mbə ngaala sə wa Annabi ni sa. 20 Nanən kee pəreekən, chichiya nən tərang nda shilee Faara teena a wumndədi ya, amma kun Yahudaya nduwun mbərha kamngga a tərang shilee nəm Faara teena a Urshalima ni.” 21 Nggərangga Yeeso sə, “Sa nudiya, furu kəkafek tə palthdi niya thləworha ya, na sayi bəyi mbuwa na fiya tərang shilee Pəpa in a wumndədi ya nduwa a Urshalima. 22 Kun Samariyaya nuwun a tərang

shilee 'ya teena səngwa wa nun, kan nan tərang shilee 'ya teena sən nan, kəsər na hərəkrha a kyarha ba a fad Yahudaya. 23 Amma na sayi bəyi, 'wadə teena bəda ba, fiya na tərang shilee Pəpa teena hu kəkafek na nda a tərang shilee teena hu səsəna tə kəkafek, kəsər tur nafina ni na Pəpa a kadaarha ya. 24 Faara səsəna ni, nafiya na a tərang shilee teena kəl a ənaghənda hu səsəna tə kəkafek.” 25 Ndangga nudi, “Səndisə Kərəsti na nda aarha Kərəsti nəghən bəyi. A bəda ba, bənən pərang əngya kan heu.” 26 Tərgha ndangga Yeeso, “Nggini Ndəghən.” 27 A sayiddi na nanda a ngwalang pathla kee, tərgha bagha fatsahayighən ba kəsgha ənwulteena kanda na nandan a ndikrha tə nuneefa. Amma mbə niifa sə tsakhka mee, “Mana midwa wa?” Nduwa “Kama na a ndikrha tə nudiya wa?” 28 Tərgha malangga nudi bəd tsə aamnggən a mii kwat aamdı dəgha hur tala də ndanggən fiya, 29 “Bamaḃa bən na niifa pəreegha əngya heu 'wani ənaarha! Tə ndəghən dani na Kərəsti?” 30 Nanən kee, kyagha fiya ba ahur taldı ba nda thləmad Yeeso ba. 31 Na inggini a katərarha hai ya, hwan nggəna fatsahayighən, “Mala, əno 'ya mii.” 32 Amma ndanggən kanda, “Na ənnarhami sə a haar na səngwa nun.” 33 Tərgha ndangga fatsahayighən ndan, “Na niifa sə bəngga ənnarhami ba wa?” 34 Ndagha Yeeso, “Ən nanna mii, a əna ənda ni ndeena niifdi thləngga nggi ba tə kəm ngwalanggi tərghən. 35 Mbə nduwun, 'Takh ndəree fəda a katərang ngganda haathla hai wa?” Niya ndang nda kun, inaman yid nun də kəlanggun heeya də ngga! Tsək nda haathla. 36 Ko nanənya tə haathla nən a wal kənaghən, nanənya ma hathlang də ənnarhami hai yi yibrha mbuwa ngwalaarha, tənə tə həfrha tə təhaathla əna wutsəfayirha kyab. (aiōnios g166) 37 Karapu di ya kəkafek ni, 'Niifa a həfrha, niifa pak a hathla.’ 38 Thlənni kun ka halth heerha də həfwa wa nun. Nafiya pak ənagha tardı, amma kun kəm tək dūn mbənda tardı fa əna nanda.” 39 Samariyaya hangga kyagha ba hu taldı fərgha kəkafek tə Yeeso kəsər ka palthdi kii nudi ndanən, “Pəree də əngya 'wani ənaarha heu.” 40 Bana Samariya yini thləmadghən ba, hwanggənda a tsauka tə kanda, əna bəena nən səri. 41 Kəsər ka ləbərghən səkna fiya, nggərgha fingya hangga fərəkafek tə Yeeso. 42 Ndangga Samariya yini nudi, “Fər nan kəkafek mbə ka palthwa kee wa, amma kəsər kan ma sək dən ndən tapan nan, kəkafek

səndənsə niifdiya ndəghən ni təhərhang nda kəshirha.” 43 A kwasamaddi əna nən beena səri dəgha mbeedə tə wiirha a Nggalili də. 44 Yeeso tafadghən 'wadə ndaarha mbə annabi wal mamnggirha ahu chehweedghən wa. 45 Ko nanən kee, səl nən Nggalili də, thləgha Nggalila yini ndən fa, kəsər nanda əngya heu ənənən a Urshalima hu wutsəfayid Tədaarha dənə nda sadə. 46 Nggərghən dərha tal Kaana də na a chehweed Nggalili, a mbədi kyakhrang nən aama tsauka aam inabi. A mbədi na mamnda sə na fad wanggən bəe a Kafarnahum. 47 Səkna niifdi mal Yeeso Yahudiya səl də Nggalili bə, dəgha thləmadghən də hwanggənən bəgha kənanang wanggən na tsau tə mii mərta fa a Kafarnahum. 48 Ndangga Yeeso, “Kun nafiya a nawun ənwuteengya tə ənsakhkya wa, mbun tam fərəkəfek wa.” 49 Ndagha mamndədi, “Pabə, ta wim kapa na waana mərə.” 50 Nggərangga Yeeso sə, “Na mbang wiirha. Na wan wa a kənda.” Niifdi fərəkəfek nən tə palth Yeeso wiigha wureedə. 51 Ndəghən bəldə hu kwamana, bə mafayighən walghən ndangganda, “Wan wa kəndə.” 52 Tsahang mee nun kanda sayiddi kən nən. Ndangganda, “Kalgha wanhadə ndən hai a bərarha yanfaara a sərəkra.” 53 Tərgəha chin wandi kəlagha hai na sayiddi məməl ndangna Yeeso, “Na wan wa a kənda.” Tərgəha ndəghən heu tə fa wurayighən fərəkəfek nda. 54 Ndən na ənwulteenə yi səri kyadna Yeeso mal nən Yahudiya dənən Nggalili də.

5 A kwasamadghən, dəgha Yeeso Urshalima də kəsər ka far wutsəfayid əntin Yahudaya. 2 A Urshalima tsau tə kwatkirəm chaukhraya fa na wutambarra aama sə na İbraniyaya aarha Mbetasda kang nanda tə məthləmngya tuf. 3 A ka məthləm nggini ya fəngya mbuwa kəkanglang, kwamaya, tə səfəngya tə fəngya mərta fandan hai ndənə nda hunaarha sə. 4 (Na nəfini naarha kəla far də fa na nda a rəbang nda aamdi. Kəsər sayi sayi na təthlənda Faara bərha bə rəbanggən aamdi. Kala niifa 'wagha ahu aamda hai nən wal kənda ahu kala tur yanggi wanharha.) 5 A mbədi na niifa sə na tə wanhaarha fa hurarha kumnggit mahan kap wuvada. 6 Nana Yeeso ndən kalth sənang də hai məndəha tə wanhadə tsahang mee nən, “Na midwa sə a kəna na wa?” 7 Ndangga haddi, “Pabə, mbə niifa sə na a deesə kee hu aamda hai a sayiddi tsənən

'ya fa wa. A nadi a kyarha sa hai, 'wagha niifa ma nggi.” 8 Tərgəha ndangga Yeeso, “Thliusə, tərang dənggəl wa wiina!” 9 Tsu a mbədi kee kəngga niifdi; təranggən dənggəlgəhən wiigha. Katəragha əndə hai ya a far yibəd Yahudaya. 10 Ndangga Yahudayini niifdi kəngga, “Far yibrha ni a weeriya, 'Yadə ngyahad nəm taara a far yibrha tə kəm məməlwə a tərangga dənggəl hunad wa sə wal!” 11 Amma nggərangga niifdi kanda sə ndəghən, “Niifdi kəneegha ndən ndeegha, a təranggi dənggəl na wi.” 12 Tsahang mee nda, “Wunni niifdi ndowa a tərangga dənggəlwə wiina?” 13 Niifdi kənanang nanda səngwa niifdi kənanang wa, kəsər Yeeso timdə ahur fiyadə na a mbədi. 14 A kwasamadghən də Yeeso naghən ahu Kən Faara ndanggən, “Kənnə nanənə, a nggərta əna dimiyirha wa a mbə kee wa na 'ya a wal sa kalgha yandə mu ya.” 15 Wiigha niifdi kadə Yahudayina nən ndanggən kanda Yeeso ni kənanang. 16 Nanən kee, kəsər ka ənggini na Yeeso a ənaarha a far Yibrha, katərangga Yahudayini mbəlfəeghən hai. 17 Ndangga Yeeso kanda, “Kətsar na Pəpa narha əna taara, nggima niyi kee.” 18 Nanən kee, kəsər ka tur palth yini thlək nən, tərgha Yahudayini dəndə mbeedə tə kadə kwamana na a bəlangganda. Mbə ka tədang nən ngyakhrha far yibəd Yahudaya teena wa, amma ka nda nən chin ni Faara, tə kəm tsawanggən fadghən məməl tə Faara. 19 Tərgəha pərang nggəna Yeeso kanda ndəghən, “Kəkəfek niya ndang nda kun, mbə 'yasə na wandi ənaarha tə altənggən wa; nən əna 'ya nanən na Chin ənaarha, kəsər kala 'ya na Chindi ənaarha wandi kəm nən ənaarha kee. 20 Kəsər Chindi nəghən a nggəm Wandi, nən kyadang əngya heu ənənən. Na chindi kəm nggər kyadang əngya na məmanggən kalgha yandiyə, tənun na ənwulteenə. 21 Kəsər kəla na Chindi thləng nda məryə sə fərang yibrha nən kanda, na wandi kəm fər yibrha a niifa nggəmna hurghən. 22 Kəmdaarha, mbə Chindi ngwang kumarha niifa wa, amma fərang də səsəmmnda ngwa kumarha Wanggən. 23 Təna kowunni fərang mamnggirha wandi, kəla na nda fərang mamnggirha Chindi. Amma kala niifa kargha fərang mamnggirha wanda fa, kar nən fərang mamnggirha chindi thləngga ndən bə. 24 “Niya pərang kəkəfek kun, kala niifa səkka palth na fərəkəfek nən a Faara thləngga nggi bə nən wal yibrha mbuwa ngwalaarha. Mbə ngwa kumarha sə a tendan wa, kəsər 'wanda

teena tādang nda mərri ahu yibrha dā. (aiōnios g166) 25 Niya pərang kəkafek kun, na fərgən baghai, nanənya ma 'wadə teena bādā ba. Na mərri a sək urad Wan Faara. Fingya səkka ndən na nda a wal yibrha. 26 Kəla nana Chindi tafadghən ndəghənni tə kwaman yibrha ha, nanən kee kəm fərang dā səsəmnda Wanggən naghā tə kwaman yibrha ha. 27 Tə kəm fərang dā səsəmnda na a ngwa kumarha nən kəsər ndəghənni Wan Niifa. 28 “A kəs ənwulteena kun a ten əndiya wa, kəsər na sayi baghai marya na ahu ten kwaya na nda a sək urad Wan Niifa. 29 Kya nda sə, fingya ənaghā ngga na nda a thliirha sə ahu yibrha dā mbuwa ngwalarha, fa mbəlfeyya kəm na nda a thliirha sə ngwang kumarha nda kanda sə. 30 Mbi mbang əna 'ya katenna wa; niya ngwa kumarha kəla thləye Faara. Ngwa kumanna yi kəkafek ni, kəsər nəghən a ten nggəmnda hur Faara thləngga nggi bā, amma mbə yi altenna ni wa. 31 “A nadi a fer shedawa a tenna, 'ya niya thləkrha mbə tsaurha yi kəkafek wa. 32 Amma ana niifa sə kəm fərgəha shedawa a tenna, səndisə palth di nən a thləkrha a tenna kəkafek ni. 33 “Thlən dūn fiya a thləmad Yahaya dā, ndəghənggi kəm pərangdā kəkafek kun. 34 Ko nanən kee mbərsa wii tə shedawa niifa a tenna wa, thləkni ndən kee tənun wal hərəkrha. 35 Yahaya nəghən kəla patilla na a kəsā fər kukwaryirha nən, tə kəm tək dūn mbənda labərgən fa ahu sayi ngguchit. 36 “Amma shedawa a tenna kaldē yi Yahaya. Kəsər tardi fərəna Pəpa a ngwalənggi, ndəghənni nani a ənaarha ya, ndən kyadgha ndaarha Pəpa ndən thləngga nggi bā. 37 Tə kəm Pəpa thləngga nggi bā, ndəghənni tafadghən na a fər shedawa atenna. 'Wawun sək uradghən wa nduwa nawunun tə yirha wa, 38 tə kəm labərgən tsaukwa ahur nun wa, kəsər fər wun kəkafek a niifdi thlən nən bā wa. 39 Nun naarha karata 'Deleewar Faara, kəsər nuwun a numad ndaarha ahurghən nən a fərang yibrha kun mbuwa ngwarha. 'Deleewar yina ni na a fər shedawa a tenna a kun. (aiōnios g166) 40 Ko nanən kee, kardūn fa a bən thləmanna bā tənun wal yibrha. 41 “Mbi thlə faala a fad nafiya wa, 42 kəsər səndi kun. Səndi sə mbə nggəmnda Faara sə ahur nun wa. 43 Bayi bā ahu thləm Pəpa, kar ngya nun fa; amma a bād niifa bā pak ahu thləm altənggən, nun a thləghən fa. 44 Kəkən nun fərkəkafek a nadun a thlə faala a ten kun ndan, amma mbuwun a kadā thlə faala

na a kyaarha bā a thləmad Faara katənggən wa? 45 “A numadūn niya huhwa kun a mbəd Pəpa wa. Niifa na a huhwa kun ndəna Musa, kyanun kya shang teena fa. 46 Andam fərdun kəkafek a Musa, kam fərdun kəkafek a nggi, kəsər chireelth dā 'ya a tenna. 47 Amma fər wun kəkafek atən 'ya chireelth nən wa, kəkən nun fərkəkafek a ten 'ya thləkni?”

6 A kwasamadghən, tādangga Yeeso wuri aam Nggalili teena na nda aarha wuri aam Tibariyas. 2 Fiya hangga mbuwa samadghən kəsər nanda ənwulteengya kənang nən fingya mbuwa wa kəkanglang. 3 Tərgəha Yeeso wumnda sə tsauka hai tə fətsahayighən a thləmadghən. 4 Wutsəfayid Yahudaya yi tādāarha nduwusda bā. 5 Kəlana Yeeso dā na fiya nən hangga a bārha thləmadghən bā, tsahang mee nən Filibus, “A yanggi nəm hii mburodi bā nəm fərang nda nafiniya kii nda?” 6 Tsahangna Yeeso mee Filibus kee ka a kəkəranggən, kəsər 'wadə teena səndə 'ya nən a ənaarha. 7 Nggərangga Filibus sə, “Ai ko wudəbəl rapathlaarha yi beena haru səri mbə heng mburodi bā na a walgha kowunni ngguchit ənaghā mii wal!” 8 Tərgəha tal ahur fətsahayighən na thləmnggən Andrawus, wanman Siman Mbiturus ndəghən, 9 “Kulo wundakhnee ya tə mburodi tuf ənana nda tə humbad wan hwaliirha na nda aarha mbale, tə tənə nggun-ngguchit səri, amma ma nən ənang nda fiya hangga kiya?” 10 Ndagga Yeeso fətsahayighən, “Ndaman fiya tsawa nda hai.” Na hwaliiya sə a mbədi tsawa nda sa hai, həshya ənanda haru kumnggit tuf. 11 Tərgəha harangga Yeeso mburodi yina sə usa Faara nən, ndəghang nggənda fiya dā tsauka hai. Ənaghā kee kəm tə təndi. Kowunni ənaghā mii kəla na midghən. 12 A kwasamaddi ənana fiya mii nggal nda, ndangga Yeeso fətsahayighən, “Wuma man katəbghən bā a səb 'ya dā wa.” 13 Nanən kee wumangga fətsahayighən katəbda bā lədagngən kutasya kumkap səri, wato kukutethla mburodi di tuf ənana nda tə humbarha kiina fiya. 14 A kwasamaddi nana fiya ənwulən di ənana Yeeso, katərang nggənda ndaarha hai, “Kəkafek Annabi dāni ya na a bārha hu kəshiirha bā.” 15 Kəlana Yeeso hai na mindan sə tətā a fadang nggənda kutəra, ngərgəha hai nggərgəghən təra wumnda sə katənggən. 16 Tsəna figrha hai, dəgha fətsahayighən a mii wuri aamdā dā. 17 Kya nda ahu kombuwol hai katərang nggənda

təḏang aamdi teena ka a dənda Kafarnahum də. Wula a tsərha hai Yeeso kula wutta 6a. 18 Tərgħa thliigha ɓereurha 6a naghā tsang 'ya aamda fa. 19 Hur nanda kombuwol ɗadə mel mahan nduwa faɗa, kəla nda hai Yeeso a wiirha a ten aama, ɓayi thləmad kombuwol ɗa 6a, tərma nda. 20 Amma ndanggən kanda, “Nggini; a tərəmdun wa.” 21 Tərgħa Fatsahayini na mindan sə a kyangganda ahu kombuwol ɗa hai, amma kəla nda hai tsu kee səl nda a mbədadə na mindan ɗərha saadə. 22 ɗalthna mbərha hai fīngya fiya wumngga hai a pəm wuri aamdi kəla nda hai kwambuwl tal ɓagħa mbəda 6a kee, Yeeso kəm kyawa ahur kombuwol ɗa hai tə fatsahayighən wa, amma wiigha fatsahayighən katen ndan. 23 Kombuwolya hangga ɓagħa 6a a Timbariyas, isha nda hai tsau tə mbədi kiina fiya mburodi ɗa sə a kwasamaddi usana Chinəm Faara. 24 Kəlana fiya də wumngga hai nawa nda Yeeso wa, nduwa fatsahayighən a mbədi wa, kya nda hu kombuwolyina hai, dənda Kafarnahum ɗa ka a kəda Yeeso nda. 25 ɗəna fiya walghən a pəm wuri aamdi, tsahang mee nda, “Mala, a kwan ɓana mbəda 6a ya?” 26 Nggərangga Yeeso kanda sə, “Niya pərang kəkafek kun, nuwun a kəda nggi, mbə ka sənang nun ənwulteengya hai wa, amma ka kii nun mburodi di nggal dūn. 27 A ənadun taara ka ənnarhami na a səbrha də wa, amma ənama taara yi ənnarhami na fər yibrha mbuwa ngwalaarha, na Wan Niifa a fərang kun. Kəsər Faara, na Chindi ndən fərangga kwaman fər yibrha.” (aiōnios g166) 28 Tərgħa tsahang mee nda, “Ma nan ənaarha na a təranggan hur Faara sə?” 29 Nggərangga Yeeso kanda sə, “Ya tətəl ni kee na mid Faara a ənon, fərama kəkafek a niifdi thlən nən 6a.” 30 Ndangganda, “Kyadang ənwulteena kan ana midwa sə fəro kəkafek nan. Mana a ənaarha? 31 Chichi yi nan kin nda manna a kaheerha, kəla nanən chichirethlee hai: ‘Fərang də mburodi kanda a talara hai a əna nda mii.’” 32 Ndangga Yeeso kanda, “Niya pərang kəkafek kun, mbə Musa ni fərangga mburodi di kun na a talara hai wa, amma na Pəpa naarha fərang ka mburodi kun hai a talara. 33 Ka mburodi yi Faara ndəghən ni ɓagħa hai a talara, na fər yibrha a kəshiirha.” 34 Ndangganda, “Paɓa, no naarha fərang tur mburodi di kan ya kəsar!” 35 Tərgħa Yeeso nggəranggən kanda sə, “Nggini mburodi yi fər yibrha. Kala niifa ɓagħa thləmanna 6a mbə miirha nggər kəsgħən wa, kala niifa fərgħa kəkafek tə nggi ɓalwa hushimnda kəsgħən wa. 36 Amma kəla pərang ni kun, nadun nggi, ta weeri ɗaɓa ya ɓalwun kula fərəkəkafek. 37 Kala nafiya fəree na Pəpa na nda ɓaarha thləmanna 6a, nggi kəm mbi tam kar kanda wa. 38 Kəsər ɓayi hai a talara mbə ka əna tar altenna ni wa, amma ka əna tar ɗa ni na mid Faara thləngga nggi 6a. 39 Əndani na mid niifdi thləngga nggi 6a ya, a sahad tal ahur nafini fəree nən 6a wa, amma a thlənggi kanda sə tə yibrha a far ngwala kəshiirha. 40 Kəsər 'ya na mid Pəpa ndəna kala niifa kəlangga Wanda də fərəkəkafek nən təghən, nən a wal yibrha mbuwa ngwalaarha, tə kəm ni a thləng sə a far ngwala kəshiirha.” (aiōnios g166) 41 Tərgħa Yahudayini katərangganda huhurumnda hai a tenggən kəsər ndanən, “Nggini mburodi yi fər yibrha ɓagħa hai a talara.” 42 Ndaa nda “Kamshidi ya mbə Yeeso ɗani na wan Yisufu, sən nəm nda man tə chin ya wa? Kəkən nən ndaarha, ‘ɓagħən hai a talara?’” 43 Nggərangga Yeeso kanda sə, “Malaman huhurumnda a pathlang nun. 44 Mbə niifa sə na ɓaarha thləmanna 6a wa kəl Pəpa thləngga nggi puwangga thləmanna 6a, nggi kəm niya thləng sə a far ngwala kəshiirha. 45 Nəghən chichirethlee hai ahu deleewarya Annabiya: ‘Kanda heu Faara ni a tsahang kanda ha.’ Kala niifa kangga thləmaarha Chinda fa, tə kəm tsahagħa a haargħən, nən ɓarha thləmanna 6a. 46 Mbə niifa sə naghā Chindi wa, kəl niifdi ɓagħa hai a thləmad Faara, ndən naghā Chindi. 47 Niya pərang kəkafek kun, kala niifa fərgħa kəkafek nəghən tə yibrha mbuwa ngwalaarha. (aiōnios g166) 48 Nggini mburodi yi fər yibrha. 49 Chichiyinun kin nda manna a kaheerha, amma mər nda heu. 50 Amma kulo mburodi yi fər yibrha ya ɓagħa hai a talara, kala niifa kiigha mbə mərə wa. 51 Nggini mburodi ɓagħa hai a talara yi fər yibrha. A kii niifa mburodi diya, nən a tsaurha pa kwandə. Mburodi diya thlu fadna ni, niya fəra təna kəshiirha wal yibrha.” (aiōn g165) 52 Tərgħa Yahudayini katərangganda ngāala hai a pathlang ndan aten əndi ndanən tsakh mee nda, “Kəkən na niifdi fərang thlu fadghən kəmya kim?” 53 Ndangga Yeeso kanda, “Niya pərang kəkafek kun, a kiiwun thlu fad Wan niifa tə kəm sa fargħə nun wa, mbun wal yibrha mbuwa ngwalarha wa. 54 Kala niifa kiigha thlu fadna tə sa farna, nən tsaurha tə yibrha fa mbuwa ngwalaarha, niya thləng kanda sə a far ngwala kəshiirha. (aiōnios g166) 55 Kəsər thlu fanna ka ənnarhami ni, farna kəm ka ən

saarha ni. **56** Kala niifa kiigha thlu fanna tē sa farna, nēn naarha a hurna nggi kēm ahurghēn. **57** Kēla na Chindī tē yibrha thlōngga nggi bā, kēsēr ka ndāghēnni nani tē yibrha, nāghēn kee kēm, kala yandī na a hēbrha a fanna, kēsēr ka nggi, nēn wal yibrha. **58** Yandīya ndēna mburodi di bāgha hai a talara, kala niifa kiigha mburodi di ya nēn wal yibrha pakwandē. Mbē tur mburodi dāni kiina chichiya nūn wa, ko nanēn kee mēr nda dē.” (aīōn g165) **59** Thlōkka Yeeso ānggini ya heu ya ahu sayiddi nanēn a tsaharhaha ahu kēn tsahad Yahudaya na a Kafarnahum. **60** Sēkna fa tsahayighēn ndēn kee, ndanda, “Tsahadda ha ya nāghēn pēdaghēn kaan. Wunni mbang kang thlōmaarha fa?” **61** Sēn Yeeso sē na fatsahayighēn a huhurumnda, ndanggēn kanda, “Tsahadda ha ya sēbang nēn hur nūn dē wa? **62** Ma nūn a numarha a nadūn Wan Niifa a tēra a mbēdadē bānēn sa bā? **63** Sēsēna katenggēn ni kee na fēr yibrha; mbē 'yasē na thlu farha mbang ānaarha wa. Palthdi thlōghang ni kūn Sēsēna ni tē kēm yibrha. **64** Amma ahur nūn na fīngya sē fērwa wa kēkafek tē nggi.” (Kēsēr Yeeso sēndē fīngya fērwa kēkafek tēghēn, tē kēm sēndē niifa na a fērglēn ka a bēlang ngganda.) **65** Dēgha mbēcēdē tē ndaarha, “Ndāghēn dāni ndang ni kūn mbē niifa sē na bāarha thlēmanna bā wa, kēl a fēre Pēpa kanda.” **66** Kēsēr ka palthdi thlōkna Yeeso ya, fa takkwayighēn hangga malang ngganda mbu samadghēn. **67** Tērgħa tsahangga Yeeso mēe kumkap sēridi, “Kūn kēm na minnūn sē wiirha wa?” **68** Nggērangga Siman Mbiturus sē, “Chinēm, a dān thlōma wūn dē? Sa ni na tē labār yibrha ha mbuwa ngwalaarha. (aīōnios g166) **69** Fēr dān kēkafek tē kēm sēndānsē sa ni tē Pēdēnda yi Faara.” **70** Tērgħa Yeeso nggēranggēn sē, “Nggi ndēn wurgha kūn kumkap sēri. Amma tal ahur nūn Sheetan ni.” **71** Nēghēn a thlōk labār Yahuda, wan Siman Iskaryoti, tal ahur kumkap sēri di, na a fērglēn a bēlang ngganda.

7 A kwasamadghēn, wiigha Yeeso hai ahur Nggalili, amma mbē midghēn sē a dēgha Yahudiya dē wa, kēsēr na mid Yahudaya sē a bēlangganda. **2** Nanēnya far wutsēfayid Chamngya yi Yahudaya nduwusda bā. **3** Tērgħa wan mangya Yeeso ndang ngganda, “Malang mbēdiya dēna Yahudiya dē tēna fatsahayiwa na ānwuteengya na a ānaarha. **4** Mbē niifa bēbēng 'ya hai nēn a ānaarha wa, ana midghēn sē sēngga

fiya ndēn wa. Nanēn nagħa a āna āngginiya, kyadāng fadwa kēsēhirha.” **5** Kēsēr ko wan manggighēn ni fēr wanda kēkafek a ndāghēn wa. **6** Tsaunēn kee ndangga Yeeso kanda, “Bawa yina sayi bā 'wan wa. Kūn kam kala sayi mēmēl ni a fad nūn. **7** Mbē nafiya kēsēhirha kar kūn wa, amma na nda a kar nggi fa, kēsēr ka ni naarha ndaarha na nda a āna tar mbēlfeeya. **8** Kūn daama hu wutsēfayidda dē. Mbiya dārha hu wutsēfayidda dē wa, kēsēr bā wa sayid na bā 'wan wa.” **9** Akwasamaddi thlōk nēn palth diya, tsauka a Nggalili. **10** Amma a kwasamaddi wiina wan manggighēn hu wutsēfayidda dē, dēgha Yeeso dē kēm, mbē a pēpal wa, amma bēbēe. **11** A hu wutsēfayiddi nagħa Yahudayini a kadāghēn, na nda a tsakhmēe, “Na niifdi a yanggi?” **12** A hu tērdi nagħa fiya a kikhēn fa. Fīngya a ndaarha, “Ka niifa ni.” Fīngya kēm a ndaarha, “Awo, nāghēn a nggābā fiya ni kee.” **13** Amma mbē niifa sē na mbang ndikrha a tenggēn a pēpal wa, kēsēr na nda a tērēm Yahudayani. **14** Kanda a madufud wutsēfayiddi, tērgħa Yeeso dēgha ahu pēpal Kēn Faara dē katēranggēn tsaharha ha. **15** Yahudayini kēsgha ānwulteena kanda tsakhmēe nda, “Kamshidiya 'wawa nda tsahang ha wa, kēkēn walnēn sēnda kiya?” **16** Nggērangga Yeeso kanda sē, “Ānggini niya tsaharha ha ya mbē yina ni wa, amma yi Faara ni thlōngga nggi bā. **17** Kala niifa wurgha āna 'ya na mid Faara, nēn a sēndasē tsahad na ha yi Faara ni, mbē yina ni wa. **18** Kala nafiya na a ndikrha yi altēndan, na mindan sē a falgha fiya kanda kee. Amma kala niifa na a āna taara ka a falgha fiya niifdi thlōngga ndēn bā, nēn pēr kēkafek, mbē nggābāarha wa. **19** Fērangwa na Musa ngyakhrha kūn wa? Amma mbē niifa sē ahur nūn ānagħa taara tē ngyahaddi wa. Kama na minnūn sē a bēleewun?” **20** Ndangga fiya, “Na ānkaheerha sē a fad wa, wunni na midghēn sē a bēloglēn?” **21** Nggērangga Yeeso kanda sē, “Ānadi ānwulteena tētal a far yibrha, kēsgha ānwulteena kūn. **22** Malang Musa ngyakhrha kūn yi thlee muwa (ko nanēn kyawa bā a mii Musa wa, amma yi chichiya nūn ni), kulo hai mbiya nūn thlee muwa a far yibrha. **23** Anadūn a thlee muwa a far yibrha, kēsēr amanun tēdang ngyakhrha Musa in, kama na hur nūn sēbrha dē tē nggi kēsēr ka kēnang ni niifa a far yibrha? **24** A ngwa dūn kumarha yi yirha wa, amma ngwama kumarha yi kēkafek.” **25** Fīngya na tē tsaurha a Urshalima

katərangganda tsahang mee ndan ha, “Mbə niif dani na mindan bəlang nda ya wa? 26 Kulo ndəghən ya! A ndikrha a pəpal, mbangwanda kalang sə tə 'ya dimi wa. Nduwa mamnggini fər nda kəkafek ndəghən Kərəsti wa? 27 Amma səndəm mbədi bəna niifdi saba ya. A bəd Kərəsti bə, mbə niifa sə na a sən mbədi kyanən saba wa.” 28 Nana Yeeso a tsaharhaha ahu pəpal Kən Faara, təranggən uradghən sə, “Nəghən kee, səndun nggi, tə kəm səndun mbədi kyani saba. Mbə nggi bəngga altenna bə wa, yandi thləngga nggi bə tə kəkafek ni tə kəm sənggun ndən wa. 29 Amma səndi ndən kəsər bayi bə a thləmadghən, ndəghən thləngga nggi a thləmad nun bə.” 30 Tərgəha mamnggini na mindansə a kəsangganda; amma mbə niifa sə mbangga dəfang haara fa wa, kəsər bəwa sayidghən bə 'wan wa. 31 Amma fīngya hangga ahur fiya wumngga hai fərəkəkafek nda təghən ndanda, “A bə Kərəsti bə, bənən əna ənwuteengya tə ənsakhkya hangga ma kamshidiya wa?” 32 Sək na Farisaya fad fiya a shishiwarha tə ndan aten Yeeso, tərgəha mamnda firistaya tə Farisaya thlən fa kəla Kən Faara nda a daa nda kəsang nda. 33 Ndagga Yeeso kanda, “Niya tsərha tsəbaku tə kun, a nggəryi wutta thləmad yanda də thləngga nggi bə. 34 Nun a kada nggi, amma mbun waleerha wa; mbədi nani sə mbun mbang dərha sadə wa.” 35 Ndagga Yahudayini ndan, “Na mid niifdi dərha yaadə ya, ndanən mbəm bənggal walang wa? Nduwa nən a dərha mbədadə welna nāfənəm saadə tə tsaurha ahur Helenaya, ka dəgha tsahang nda Helenaya ha wa? 36 Mana midghən ndaarha, ‘Nun a kada nggi, amma mbun waleerha wa,’ tə kəm, ‘Mbədi nani sə, mbun mbang dərha sadə wa?’” 37 A far ngwala wutsəfayiddi, ndəna manda far terdi, thliigha Yeeso sə təranggən uradghən sə ndəghən, “Ana niifa sə na tə hushimnda fa, bəgha thləmadna bə bəgha saarha. 38 Kala niifa fərgəha kəkafek a nggi, kəla ndana ‘Deleewar Faara, suhwadya na fər aam yibrha nən a ngətta bə ahurghən.” 39 A mbədiya na Yeeso a ndaarha Səsən Faara ni, na fīngya a thlərha fərgəha kəkafek a ndəghən. Amma fər wanda Səsəna 'wan wa, kəsər fərangwa Faara mamnggirha Yeeso wa. 40 Səkna fiya palthdi ndanən, ndaagha fīngya, “Kəkafek, niifdiya annabi dani.” 41 Ndaagha fīngya, “Ndəghən Kərəsti.” Nggərgəha fīngya tsakh mee, “Amma mbə ənaarha hai kee wa! Kəkən na Kərəsti kyarha bə a Nggalili bəa

42 Mbə ndaagha ‘Deleewar Faara, na Kərəsti a bəarha bə ahu turya Ndauda, nggətghən nda a Mbaitalami, tala tsauna Ndauda sə wa?” 43 Tsaunən kee, tsakhka mii fiya hai wumngga hai kəsər ka Yeeso. 44 Fīngya na mindan sə a kəsangganda, amma mbə niifa sə dəfangga haara fa wa. 45 Wudna fa kəla Kən Faara a thləmad mamnda firisya də tə Farisaya, tsahang mee nda kanda, “Kama kəsang ngwa nun bə?” 46 Nggərang ngganda mamngya firistaya sə tə Farisaya, “Mbə niifa sə 'wagha ndikrha kəla niifdiya wa.” 47 Ndagga Farisayini fa kəla kənda ha, “Kun kəm nggəbadə kun wa? 48 Na niifa sə tal ahur mamngya Yahudaya nduwa Farisaya fərgəha kəkafek a ndəghən? Awol!” 49 Amma nāfini wumngga hai shiwang nda kanda kəsər səngwanda 'ya aten ngyakhrha Musa wa. 50 Nikodimus 'wagha dərha thləmad Yeeso də, nəghən tal ahur ndan, tsakh mee nən, 51 “A hu ngyahad nəm məməl ni ngwang kumarha nəm niifa kəm kula ramu 'ya ha əna nən wa?” 52 Nggərang ngganda sə, “Bəgha bə a Nggalili kəm wa? A karatang na ‘Deleewar Faara ngga na səndasə tə ndaarha 'wawa Annabi kyarha bə a Nggalili wa.” 53 Tərgəha kowunni wudgha wure də.

8 Tərgəha Yeeso dəgha wumnda dəfya Dzaitun də. 2 A tsar kərət nggərgəghən wutta a pəpal Kən Faara də, wumngga fiya thləmadghən bə, tsauka hai naghə a tsahang kanda ha. 3 Tərgəha fa maləmnngya ngyakhrha tə Farisaya bəng nuneefa nda bə kəsang nanda a əna kulafayirha. Ishang ngganda a madufun fiya wumngga hai. 4 Ndaggganda Yeeso, “Mala, kəsang dən nudiya a əna kulafayirha. 5 A hu ‘Deleewar ngyakhrha Musa ndəghən tətani a muk tur nishyina nan ya tə ferya mərgəha. Nanənya, ma ndaana?” 6 Tsahang nanda tur miidi ya ka a dəfang takthleera nda, tənə nda wal kwamana a kəsang ngganda tə dimiyirha. Amma bərgəha Yeeso hai chirelthgha a hweede tə wan haarghən. 7 Dəna nda mbeedə tə tsahang mee ha, nggərgəghən thliirha sə ndanggən kanda, “Ana niifa sə ahur nun ənawa dimiyirha, katəranggən mukken hai tə feera.” 8 Nggərgəghən bəra hai naghə a chireethla a hweede. 9 Səkna nda kee ngəra nda hai tətəl, tətəl ka a ten shing ndən ndan dəgha hu yanda də na ngguchit. Mal Yeeso nda tə nudi kət a mbədi. 10 Tərgəha Yeeso nggərgəghən thliirha sə ndanggən nudi, “Nudiya ai kanda?

Asa tal ahur ndan mbangga nggo kumarha wa?" 11 Ndagga nudi, "Paɓa, mbə niifa sə wa." Tərga ndagga Yeeseo, "Ko nggini ma nggo yi kumarha sə wa, wiu fayiwa a nggərna əna dimiyirha wa." 12 Nggərga Yeeseo ndang nda fiya, "Nggini kukwaryid kəshirha. Kala niifa mbuwa samadna mbə tam wiirha hai hu wula wa, amma nən wal kukwaryid yibrha." 13 Ndagga Farisayini, "Na thlək pathla yi alten wa kee, mbə kəkafek sə hu 'ya na a thləkrha wa." 14 Nggərangga Yeeseo kanda sə, "Ko nanən nggini a thləkkən tə altenna, palthdi niya thləkrha atenna kəkafek ni. Kəsər səndi mbədi kyani saba tə mbədi niya dərha saadə. Amma kun sənggun mbədi kyani saba tə mbədi niya dərha saadə wa. 15 Nuwun a ngwe kumarha sə yi thlu farha, amma nggi mbə niifa sə ngwang ni kumarha sə wa. 16 Amma a ngwadi kumarha ma, 'ya niya thləkrha məməl ni, kəsər mbə nggi katenna na a ənaghən wa. Amma nggi tə Pəpa thləngga nggi ɓa na a ənaghən. 17 A hu dēleewar nyahad nun nəghən chichirethlee hai tə ndaarha, nafiya səri a fər nda sheeda kəkafek ni. 18 Nggi fərđi sheeda a tenna, Pəpa thləngga nggi ɓa kəm fərđə sheeda atenna." 19 Tərga tsahang mee nda, "Ai tsu?" Nggərangga Yeeseo kanda sə, "Tsaunən sənggun nggi wa, Pəpa ma mbun sənggən wa. Andam səndun nggi, nun sən Pəpa kəm." 20 Thləkka Yeeseo palthyini ya nanən a tsaharhaha a pəpal Kən Faara, tsau tə mbədi na nda dəf wudəbəl fəra sə a Faara. Amma kəsang ngwanda wa, kəsər ɓawa sayidghən ɓa wa. 21 Tərga nggərga Yeeseo ndang nda kanda, "Niya wiirha, ɓanun kada nggi, nun a mərə kee hu dimiyid nun. Mbədi niya dərha saadə mbun mbang dərha də wa." 22 Tərga tsakhka mamngya Yahudayini mee, "Na midghən sə a ɓəlanggən fadghən wa? Mani nən a ndaarha, 'Mbədi niya dərha saadə mbun mbang dərha də wa?'" 23 Nggərangga Yeeseo kanda sə, "Kun nuwun a hweede ɓa, amma nggi niyi a talara hai. Kun yi kəshirha ni, nggi mbə yi kəshidda ni ya wa. 24 Ndəghən dani ndang ni kun wu nun a mərə hu dimiyid nun; kəl a fərđun kəkafek tə ndaarha nggini ndani nggini, a mbə kee wa nun a mərə ahu dimiyid nun." 25 Tsahang mee nda, "Wunni sa?" Nggərangga Yeeseo kanda sə, "Nggini kəla ni naarha pərang nda kun ka kətəm. 26 Na fyinga əngya sə hangga na minna thləkrha a tennun, tə kəm ngwang kumarha ni kun sə a tenggən.

Amma mbiya ənaghən wa, kəsər thləkki 'ya kee sək ni hai a mii niifdi thləngga nggi ɓa, tə kəm tə kəkafek ni." 27 Amma səngwanda sə nəghən a thləghang 'ya kanda a ten Chin wa. 28 Ndaagha Yeeseo, "A sayiddi tərang nun Wan Niifa a ten kadiirha sə, a mbəda ni nun a sənda sə nggini. Mbə 'yasə ni mbang ənaarha tafanna wa, amma ni thlək 'ya tsahe na Pəpa ha kee. 29 Amma niifdi thləngga nggi ɓa nəghən a thləmanna; malwa nggi katenna wa, kəsər ni naarha əna əngya mbənanngga hur." 30 A hu sayiddi nən naarha thlək ənggini ya, fyinga hangga fərga kəkafek təghən. 31 Ndagga Yeeseo nafini fərga kəkafek təghən, "A kəsđun tsahad na ha kunni na fatsahayina yi kəkafek. 32 Nun a sən kəkafek, na kəkafek dī kəm a hərghang kun." 33 Nggərangganda sə, "Kan chichiya Ibrahim ni, 'wa wan tsau mafayirha aki niifa hu kəshiddiya wa. Kəkən na ndaarha na hərghang kan?" 34 Nggərangga Yeeseo kanda sə, "Niya pərang kəkafek kun, kala niifa na əna dimiyirha mafad dimiyirha ni. 35 Mafarha mbə mbəd tsawudghən ni ahu wure pakwandə wa, amma wan wure wurighən ni pakwandə. (aiōn 9165) 36 Ana Wanda ni hərghangga kun, kəkafek wal dūn hərəkrha. 37 Səndisə kun chichiya Ibrahim ni. Amma na minnun sə a ɓəleewun, kəsər laɓar na kyawa hur nun hai wa. 38 Niyi a pərang 'ya kun kedee na Pəpa, amma kun nuwun a əna 'ya ndang na chinun kun." 39 Ndagganda, "Ibrahim ni chinan." Nggərangga Yeeseo kanda sə, "Ana wangya Ibrahim ni kun, kam ənadun ənggini ənana Ibrahim. 40 A meghedghən na mid nun sə a ɓəleewun ka pərang ni kəkafek kun pəree na Faara. Ənawa Ibrahim kee wa. 41 Nuwun a əna ənggini ənana china." Nggərangga nafini Yeeseo sə, "Kan mbə wangya mətərya ni wa, Chinan tal ni ndəna Faara tafadghən." 42 Ndagga Yeeseo kanda, "Andam Faara ndəna chinun, kam nggəmdun nggi fa, kəsər ɓayi ɓa a thləmad Faara nanənya, kulo nggiya. ɓayi ɓa tə səsəmda altenna wa; amma ndəghən thləngga nggi ɓa. 43 Mani mbuwa nun a sənang ənda hai niya thləkrha? Kəsər mbun a mbang kərəs sək tsahad na ha wa. 44 Kun yi chinun, sheetan ni, na minnun sə a əna əndanun na midghən. Ka a katəradghən tə ɓəl farha ni, djiɓangwa 'ya tə kəkafekkirha wa, kəsər mbə kəkafek sə a fadghən wa. Anadə a nggaɓaarha, pər nən ən ənadghən, kəsər tə nggaɓaarha ni, chin fa nggaɓaya kəm. 45 Ka pərang ni kəkafek kun,

ndən kar nun fərkəkafek tə nggi! **46** Wunni ahur nun na mbang kyad 'ya 'wani əna dəmiyirha a tenggən? A nadi a pər kəkafek, kama nda mbuwa nun fərkəkafek tə nggi? **47** Niifa na yi Faara nən sək ya na Faara a thləkrha. 'Ya ənagha ndən mbuwa nun a səkkən kəsər mbə yi Faara ni kun wa." **48** Ndagga Yahudayini, "Nənən kee, kəkafek ni nda nan tə Samariyarha ni sa naa tə ənkaheerha fa." **49** Nggərangga Yeesso kanda sə, "Mbə ənkaheerha sə a fadna wa, ni fərang mamnggirha Pəpa, amma kun sardun nggi. **50** Mbəyi a kadan mamnggirha altenna sə wa; amma na yanda sə na midghən sə a maneegha nda, ndəghənni tə ngwa kumarha. **51** Niya pərang kəkafek kun, kala niifa kəsgha labarna ha, mbə tam mərə wa." (aiōn g165) **52** Ndagga Yahudayini, "Nənəya səndənsə na tə ənkaheerha fa! Mər Ibrahim tə kəm mər annabiya, amma nana a ndaarha, kala niifa kəsgha labar wa ha mbə tam mərə wa. (aiōn g165) **53** Na a ndaarha kalna chinan Ibrahim wa? Mərdə, annabiya kəm mər nda. Naa a ndaarha wunni sa?" **54** Nggərangga Yeesso kanda sə, "A manang di altenna, mamnggid diya mbə a mii 'ya wa. Amma pəpa ndanun ndəghənni Faar nun, ndəghənni na a maneerha. **55** Ko nənən sənggun ndən wa, amma səndi ndən. A nda di səngwi ndən wa, niya tsaurha tə nggəbaarha kəla kun, amma səndi ndən tə kəm kəs di labarghən ha. **56** Chinun Ibrahim kukwasang də fa ka a naa bəd na nən bə. Na də ndən, tə kəm təkdə mbənda fa." **57** Ndagga Yahudayini "Səlwa hurad wa kumggit tuf wa, kəkən na ndaarha nanna Ibrahim?" **58** Nggərangga Yeesso kanda sə "Niya pərang kəkafek kun, kapa na nda nggət Ibrahim, niyi səl" **59** Thləkna Yeesso palthdi ya kee, haar ferya nda ka a mukən nda. Amma bəbeegha Yeesso kyagha sə ma Kən Faara.

9 Nana Yeesso a wiirha hai, na niifa nən nggət nanda kwamarən. **2** Tsahangga fatsahayighən mee, "Mala, yanggini ənagha dimiyirha nggət nanda niifdiya kwamarən, ndəghən wa nduwa fa nggətyighən?" **3** Ndagga Yeesso kanda, "Mbə niifdiya nduwa fa nggətyighən ənagha dimiyirha wa, amma nggət na ndan kwamarən tənə nda kyad tar Faara a tenggən. **4** Nənən bəlgə yanfaara sə, tətə ni a fad nəm a əna tar niifda nəm thləngga nggi bə. Fədikrha a tsərha hai, mbuwana niifa mbang əna taara a

fədikrha. **5** Nani hu kəshiirha, nggini kukwaryid kəshiirha." **6** Tərgəha chakh yakhrha nən hweede hai, tətənannggən tabrha tə yahadghən, kəmanggən a yid niifdi. **7** Ndaggən niifdi, "Duwa də də tsabang yidwa də ahu wutambar Siliyom" (Siliyom ndaarha ni thlənda) tərgəha dəgha niifda də tsabanggən yidghən də, wudgha bə naghə a na mana hai. **8** Tulayighən tə fingya nafiya na naarha naghən a hwanda tsakh mee nda, "Mbə niifda ni ya na tsaurha hai naghə a hwanda wa?" **9** Ndagha fingya ndəghənni. Fingya kəm ndanda, "Awo, mbə ndəghən ni wa thlənən ndən kee." Amma ndəghənggi naghə a ndaarha, "Nggini niifdi." **10** Tsahang mee nda, "Mani nənəya na a naa mana hai?" **11** Ndaggən kanda, "Niifdi na nda aarha Yeesso tətənanngga tabrha kəmee kənən a yidna ndeeghən, "Duwa hu kufad Siliyom də tsabangga yidwa də." 'Diyadə tsabanggi yidna də, hərəm ni tsabang yidna də, kəlee hai kee nggi a na mana hai!" **12** Tsahang mee nda, "Nəghən a yanggi nənəya?" Nggəranggən kanda sə, "Səngwi mbədi nanənsə wa." **13** Tərgəha dənda tə niifdi tamngga kwamarən a thləmad Farisaya də. **14** A far yibəd Yahudaya ni tətənanang na Yeesso tabaddi inang nən yid niifda də. **15** Tsəunən kee, Farisayini kəm tsahang mee nda kwamaddi walgha kənda. Ndagga niifdi kanda, "Tətənannggən tabrha kəmee kənən a yidna, dənə tsabang nda də kəlee hai kee nggi a na mana hai!" **16** Ndagha fingya Farisaya, "Niifdiya bəwa bə a thləmad Faara wa, kəsər nəghən a əna taara a far Yibrha." Ndagha fingya, "Amma kəkən na tə dimirha əna ənwulteena kəla yandiyə?" A mbədiya tsakhka mii ndan hai. **17** Tərgəha nggərgəha Farisayini tsahang mee niifdi, "Tsəu nən inang də yidwa də, sa a naa mana hai, mana mbang ndaarha aten niifdi kənəwa ya?" Nggəranggən kanda sə, "Annabi ni." **18** Yahudayini fərwanda kəkafek kwamarha ni niifdiya kaar na a naa maana hai nənəya wa, thlən farha nda a aah fa nggətyighən nda bə. **19** Tsahang mee nda kanda, "Wanun niya wa? Ndawun nggət wun ndən kwamarən, kəkən nən a naa maana hai nənəya?" **20** Nggərangga fa nggətyighən kanda sə, "Səndənsə wanan ni ya tə kəm nggətgəghən ndən kwamarən. **21** Amma kan kam səngwan kwamandi wal nən, nən a na maana hai nənəya wa, nduwa niifdi inangga yidghən də wa. Tsahaman mee lee, mbə wundakhne

ni wa, nən mbang thlökkən tə miighən.” 22 (Thlökna fa nggətyighən ndən kee kəsər na nda a tərəm Yahudaya, kəsər nggəmnda fa tə ndaarha kala niifa ndagha Yeeso Kərəsti ni na nda a rəghang də ma kən tsahad Yahudaya.) 23 Ndən ndaana fa nggətyighən, “Mbə wundakhne ni wa; tsahaman mee.” 24 Nggərgha nda aah niifda 6a nggət na nda kwamarən kaar, ndangganda, “Fərang mamnggirha Faara pər kəkafek na, kəsər səndansə niifdi kənogha ya tə dimirha ni.” 25 Nggəranggən kanda sə, “Tədimirha ni nduwa mbə tədimirha ni wa mbi sənda wa. Amma 'ya sənni sə, kaar niyi kwamarən, nanənya nggi a na mana hail!” 26 Tərgəha tsahang mee nda, “Mani ənə nən? Kəkən inang nən yidwa də?” 27 Nggəranggən kanda sə, “Wadi teena pərangdi ndən kun, nggəmnnggun fa wa. Mani na mid nun a nggər wun səkkən fadən? Nduwa kun kəm na mid nun sə a tsawun fatsahayighən wa?” 28 Tərgəha 'yarghən nda, ndanda, “Sa ndəna tə tsahadghən, amma kan fatsahaya Musa ni. 29 Səndansə ndik Faara tə Musa, amma niifdiya səngwan mbədi kyanən saba wa.” 30 Nggərangga niifdi kanda sə, “Kulo ənəwulteenə a weeriya! Ine yidna nən də amma ndən sənggun mbədi kya nən saba wa? 31 Səndəm sə Faara mbə kang thləmaarha fadimiya fa wa, amma nən kang thləmaarha nafiya fa na a fərang mamnggirha tə kəm ənə 'ya nda na midghən. 32 Ka ənəna nda kəshiirha 'wa wum sək ndaarha na niifasə 'wagha inang yid kwamarha də wa. (aion 9165) 33 A mbə 6ana niifda 6a a thləmad Faara ya wa, mbə mbang ənə 'ya kiya wa.” 34 Nggərang ngganda sə, “Sa nggət nanda tədimirha, na midwa sə a tsahangga kan ha wa?” A mbədi kee rəkkən nda kəshaadə ma kən tsahadda ha. 35 Səkna Yeeso ndaarha rək ndən, dəgha wal niifdi ndanggən, “Fərna kəkafek tə Wan Niifa wa?” 36 Nggərangga niifda sə, “Pa6a, wunni niifdi? Pərekən tənə fərkəkafek a ndəghən.” 37 Ndagga Yeeso, “Nanənya nannan, ndəghənni na a kalo sə nanənya.” 38 Tərgəha ndagha niifdi, “Chinəm, fərdi kəkafek.” A mbədi kee tərang shilee nən Yeeso in. 39 Ndagga Yeeso, “Bani ka ngwa kumarha hu kəshiirha 6a, tənə kwamaya na maana hai fingya na a naa maana hai tsawa nda kwamaya.” 40 Fingya Farisaya na tsau tə thləmadghən sək nanda kee tsahang mee nda, “Yo! Naa a ndaarha kan ma kwamaya ni wa?” 41 Nggərangga Yeeso kanda sə ndəghən, “Ana kwamaya ni kun, kam mbuwun tə dimiyirha fa

wa. Amma nanənya nuwun a ndaarha nuwun a naa maana hai, dimiyid nun tsaudə.”

10 Dəgha Yeeso mbeedə tə ndaarha “Niya pərang kəkafek kun, kala niifa kyagha hu chibəd chauraya hai mbə tə kwatkirma wa, amma kyagha sa hai tə mbərha pak, ngaara ni tə kəm təfasa farha. 2 Amma niifdi kyagha sahəi tə kwatkirma ndənə tə laf chauhkrayini. 3 Təkəla kwatkirəm də ha nən a inanggən hai, chauhkrayini sənda uradghən. Nən aah chaurayighən tə thləm ndən kyanggən kanda kəshaadə. 4 A kyang də yighən chauhkraya kəshaadə heu, nən a naarha a mbee mbu samadghən nda, kəsər sənda uradghən. 5 Amma mba nda mbu samad ronga wa, kəkafek na nda daarha ma thləmadghən kəsər sənang ngwanda urad ronga hai wa.” 6 Tə karapu thləghang na Yeeso la6ardi kanda sə ya, amma sənangwanda ten karapu də hai ndənən wa. 7 Nanən kee, nggərgha Yeeso ndaarha, “Niya pərang kəkafek kun, nggini kwatkirəm chauhkrayini. 8 Nafiya heu 'wagha 6a ma nggi ngaarya ni tə fa fasa faya, amma chauhkrayini kangwanda thləmaarha kanda fa wa. 9 Nggini kwatkirəm di; niifa kyagha 6a tə thləmanna nən a wal həkərha. Na nda a kyarha sahəi kya nda sə, na nda a lafrha. 10 Na ngaara kyarha də ka dəgha ngaara, 6əl farha nən tə kəm səbānggən əngya də. 'Ya 6eegha 6a ka a fər yibrha ni, yibrha na lələgdə. 11 “Ka niifa ni nggi mbāngga lafrha. Niifa mbāngga lafrha nən fər yibədghən ka chaurayighən. 12 Tə laf wudə6əla, mbə təlafrha ni wa, tə kəm mbə yighənni chauhkrayini wa. A nadə məmeere bayi, nən daarha mal chaurayina nən. Tərgəha məmeere di nən kəsang kanda həhathlanggən kanda də. 13 Tə laf wudə6əldi daa nən kəsər 6anən ka laf wudə6əla 6a kee, mbə 'yasə djidāngga tə chauhkrayini wa. 14 “Nggini təlafrha na ngga, səndi chaurayina, chaurayina kəm sənda nggi, 15 kəla sənna Chindi nggi; nggi kəm səndi Chindi tə kəm fərdi yibədna ka chauhkrayini. 16 Na fingya chaurayina sə mbuwa ahur chibəd diya. Tətani kəm a 6ee6a tə kanda. Na nda kang thləmaarha uradna fa, na nda a tsaurha chibrha tal, təlafrha kəm tal. 17 Kəsər ka əngginiya ndən nggəmna Chindi nggi, kəsər nggəmdi fa a fər yibədna ni, tənə nggər thləghən 6a. 18 Mbə niifa sə na thlang sə a harna wa, kəsər nggi tə altənna ni na a fərgən. Na səsəmnda sə a harna na a fərgən ni, tə kəm nggəryi

thlèghàn 6a. Səsəməndə diya thləyi ndən ahar Pəpa.” 19 Thləkna Yeeso labardi kee, nggərgħa mii Yahudayini tsakhrha hai səri. 20 Fingya hangga ahur ndan ndanda, “Na ənkəheerha sə a fadghən, tə kəm təpəbirha ni. Kama nda nun kang thləmaarha fa?” 21 Amma nagħa fingya a ndaarha, “Niifa na tə ənkəheerha fa mbə thlək pathla kiya wa! Kəkən na ənkəheerha inang yid kwamarha də?” 22 Nanənya ndəri mbiirha ni, a Urshalima na nda a əna wutəfəyid fər Kən Faara. 23 Yeeso a wiirha hai hu kən Faardi a mbarha na nda aarha Məthləm Sulemanu. 24 Tərgħa Yahudayini wuma nda a thləmadghən heu, ndang ngganda, “Pakwandə na mal kan ahu wula? Ana sa ni Kərəsti pəranggən kan a pəpal lee.” 25 Nggərangga Yeeso kanda sə, “Pərangdi ndən kun, amma fər wun kəkafek wa. Əngya ənani ahu thləm Pəpa ndən kyadgha ndaarha tə wunni nggi. 26 Amma fər wun kəkafek wa, kəsər mbə chaurayina ni kun wa. 27 Chaurayina na nda sək 'ya niya thləkrha, səndi kanda, tə kəm na nda mbu samadna. 28 Fərang di yibrha kanda mbuwa ngwalaarha, mba nda tam mərə wa, mbə niifa sə na thlang kanda sə a harna wa. (aiōn g165, aiōnios g166) 29 Pəpa fəreegha kanda kaldə kowunni heu, mbə niifa sə na mbang thlang kanda sə a haar Chindi wa. 30 Nggi tə Chindi nan tal.” 31 Nggərgħa Yahudayini har ferya 6a ka a mukəkən nda. 32 Amma ndangga Yeeso kanda, “Kyadəng di tarya kun hangga na nggəngga a thləmad Pəpa 6a. Aten yanggini na minnun muk nggi kamanggən?” 33 Nggərang ngganda sə, “Mban a muk sa ka əngya na nggəngga ənana wa, amma ka labər sar farha ənana a Faara, kəsər sa niifa ni kee, nana a məməlang fadwa tə Faara.” 34 Nggərangga Yeeso kanda sə, “Mbə nəghən chichireethlee hai ahu dəleewar Ngyahad nun ndaana Faara, ‘Ndayi, faarya ni kun!’ 35 Mba tam ngal ‘Deleewar Faara wa, a ndik Faara tə nafini, aah kanda nən faarya, 36 nggi kam, Pəpa wurgha nggi thlən nən nggi hu kəshiirha 6a. Kəkən nun ndeerha sardi Faara kəsər ka ndaani, ‘Nggini Wan Faara’ wa? 37 A fərdun kəkafek a nggi wa, a mbi a takkwa 'ya ndeena Pəpa a ənee wa. 38 Amma a ənadi kanda, ko nanən fəreewun kəkafek wa, kamdə a fərkəkafek nun tə ənwultenggini ənani, tərgħa nun a səndasə tə kəm kukwalang nggun hai tə ndaarha Pəpa nəghən a hurna, nggi kəm ahur Pəpa.” 39 Na mindansə a nggərgħa nda kəsang nda, amma thlə farha nən a haar ndan.

40 Tərgħa Yeeso wudgha samaarha də a pəm kufad Urdun də a mbədədə 'wana Yahaya əna mbaptisama sə. Tsauka a mbədi 'wan. 41 Bagħa fiya thləmadghən 6a hangga. Ndanda, “Ko nanən 'wawa Yahaya əna ənwulteena wa, amma əngya heu 'wana Yahaya thləkrha a ten niifdiya kəkafek ni.” 42 A mbədi fiya hangga fərgħa kəkafek a Yeeso. Yeeso.

11 Na niifa sə thləmnggənni Liyadzuru mbə kanglangwa. Nəghən tə tsaurha a Mbetani tal nda Mairamu tə Marthla. 2 Mairamu diya ndəna wanman na Liyadzuru na kalth hadghən, ndəghənni irangga urdi Chinəm fa a sargħən panggən də tə was tenggən. 3 Wutarayini kyab na a wanmanggi ya thlənanang labara nda Yeeso də tə ndaarha, “Chinəm, niifdi tə nggəm nana mbə kanglang wa.” 4 Səkna Yeeso labardi ndəghən, “Wanhad diya mbə a bəlang wa. Katəra nən hai kee ka a manangganda Faara, tə kəm walgha Wanggən mamnggirha a fadghən.” 5 Nggəm Yeeso Marthla tə wanman, tə kəm Liyadzuru. 6 Ko nanən səkdə ndaarha mbə Liyadzuru kanglang wa, nggərgħən tsaurha yi beena səri a mbədi nanən sə. 7 Tərgħa ndanggən fətsahayighən, “Taama wudəm Yahudiya də.” 8 Ndagga fətsahayighən, “Amma Mala, ahu bənggini mbərgħa də na mid Yahudaya sə muk sa tə ferya, na midwa sə a nggərgħa wutta mbədədə?” 9 Ndagga Yeeso kanda, “Mbəna sayi kumkap səri ahu paara wa? Niifa na wiirha hai a yanfaara mbə kisaara wa, kəsər nəghən a na maana hai tə kukwaryid kəshiddiya. 10 Amma ana niifa a wiirha hai a fədikrha, nən kisaara, kəsər mbə tə kukwaryirha wa.” 11 A kwasamaddi thləknən palthdiya, dəgha mbeedə tə ndang nda kanda, “Pashid nəm Liyadzuru a shii beena; amma niya dərha mbədə də di mekhneeng sə.” 12 Ndagga fətsahayighən, “Chinəm, ana nən a shii beena, nən a kənda.” 13 Yeeso nəghən a ndaarha ni mərna Liyadzuru, amma fətsahayighən na nda a numad ndagħa Yeeso nəghən a shii beena ni. 14 Tərgħa pəranggənən kanda a pəpal, “Mər Liyadzuru. 15 Kəsər ka kun mbuwa ni a mbədi təkdi mbənda fa, kəsər nun a fərkəkafek, nanən katərana ənda hai ya mbi a mbədi wa. Amma tama thləmadghən də.” 16 Tərgħa Toma (na nda aarha Mudaarha), ndanggən shayighən fətsahaya, “Taama dəm də kəm, dəm mərə heu tə Yeeso.” 17 Səlna Yeeso də, 'wanda teena pang nda Liyadzuru tə beena

fada. 18 Mbetani naghən tsau tē Urshalima, Yeeso sē, “Mbē ndoyi a fərna kəkafek na a naa sēldē kilomita mahan. 19 Yahudaya hangga ngganda ferda dē. Tərgħa kəlagħa Yeeso talara dē ndəghən, “Pəpa, usadi sa səkna hwardəna. 20 Səkna Marthla ndaarħa Yeeso bagħai, kyagħa kəshaadē dəgha hwardəghən fa, amma Mairamu tsauka a wuri. 21 Ndagga Marthla Yeeso, “Chinəm, andam kwang naa a mbədiya, kam mərwa wanmana wa. 22 Amma sēndi sē ko nanənya na Faara furo kala 'ya tsahang nana.” 23 Ndagga Yeeso Marthla, “Na wanmuwa a nggər thliirħa sē.” 24 Nggarangga Marthla sē, “Ha'i, sēndisē nən a nggər thliirħa sē a mii ngwala kəshiirħa na mər̄ya a thliirħa sē.” 25 Ndagga Yeeso, “Nggini na thleng mər̄ya sē, nggini yibrħa. Kala fīngya fərgħa kəkafek a nggi ko mər̄na nda na nda a thliirħa sē. 26 Yandi balgha tē yibrħa fərgħa kəkafek a nggi mbē tam mərə wa. Fərna kəkafek tē palthdi ya wa?” (aiōn g165) 27 Ndagga Marthla, “Ha'i, Chinəm, fər̄di kəkafek sani Kər̄sti, Wan Faara, na a barħa hu kəshiirħa bā.” 28 Akwasamaddi ndaana Marthla kee, wudgha aah wanman nən Mairamu a man patu dē ndanggən, “Ba mala bā, na midghən sē a naa sanən.” 29 Səkna Mairamu kee, thliigha kəkar dəgha walghən. 30 Səl wa Yeeso hur tal dā hai wa, amma tsaukwa a mbədi kəma nən tē Marthla. 31 Yahudaya na tsətsau a thləmadghən ahur minda kanda a nggabghən, kəlana nda hai thliidā sē kəkar kyagħa kəshaadē, mbu samadghən nda tamngganda ndaarħa dənən ka tərħa aten kwaarħa dē. 32 Səl̄na Mairamu a mbədādē na Yeeso sē nanən ndən, fəlgha hai a mbədghən ndanggən, “Chinəm, a ndam nagħa a mbədiya, kam mər̄wa wanmana wa.” 33 Nana Yeeso ndən a tərħa, tē fīngya Yahudaya mbuwa samadghən bā kanda kəm a tərħa hadanggən fa, səbgha hurghən dē billagħa kaan. 34 Tsakhka Yeeso mee, “Panggun a yanggi?” Ndag ngganda, “Bōbā bā nagħən.” 35 Təd Yeeso. 36 Ndagħa Yahudayini na kəkət mbədā, “Kəlama hai nggəmdā ndən kaan!” 37 Amma fīngya ndang ngganda ndan, “Niif diya inang dē yid kwamarħa dē a mbədi taarħa. Mbuwa nən mbang 'yadang mər̄ra Liyadzuru fa wa?” 38 Nggarəghən hur Yeeso səbrħa dē kaan dəgha tenkwaddā dē. Kəbeerħa ni nggəlang nanda miighən tē feera. 39 Ndagga Yeeso kanda, “Kwatəra man ferda dē.” Amma Marthla wanman niifdi mərgha ndanggən Yeeso, “Chinəm, nanənya nən sərħa, kəsər mərghən tē beena fada.” 40 Nggarangga Yeeso sē, “Mbē ndoyi a fərna kəkafek na a naa mamnggit Faara wa?” 41 Nanən kee kwatərang ngganda ferda dē. Tərgħa kəlagħa Yeeso talara dē ndəghən, “Pəpa, usadi sa səkna hwardəna. 42 Səndisē kəsar na sək hwardəna, amma thlək ni yandiya ka nafini na kəkət a mbədiya, tənə nda fər̄kəkafek, sənə nda sē sa thləngga nggi bā.” 43 Ngwalang na Yeeso thlək palth diya, təranggən uradghən sē kaan ndəghən, “Liyadzuru kyo bā!” 44 Niifdi mərgha kyagħa bā, nda harghən tē sarghən kəkəna tē djarra kəbād paarħa, raḅang nda yidghən tē kəbād paarħa. Ndagga Yeeso kanda, “Kwasaman hai wiighal!” 45 Tsaunən kee, Yahudaya hangga na a thləmad Mairamu naa nanda əndi katəragħa hai fər̄kəkafek nda təghən. 46 Amma fīngya ahur ndan dənda thləmad Farisaya dē dā nda pərang 'ya kanda ənana Yeeso. 47 Tərgħa mamnda firistaya tē Farisaya aah farħa nda wumang ngganda kognaya hai. Tsahang mee nda ndan, “Ma nəm a ənaarħa? Kəkafek niifdiya ənadē ənwulteengya hangga. 48 A malang dəm nagħa a dərħa mbeedē, tsəbaku kowunni nən a fər̄kəkafek təghən. Tərgħa na Romaya a barħa bā, na nda a thlang Kən Faarnəm na chahal heu tē nafinəm.” 49 Amma tal ahur ndan na nda aarħa Kayafa mamnda firis ni ahu huraddi ndəghən, “Sənggun 'ya nun a thləkrħa wa! 50 Sənggun sē wa a nggushi mər̄na niifa tal ka fiya, ma bəlang ngganda fiya dē kahad.” 51 Laḅardi thləkna Kayafa ya mbē yi altenggən ni wa. Tsaunən ndəghən ni firis na manggən a sayiddi, thlək nən ndaarħa bāna Yeeso mərə ka Yahudaya. 52 Mbē ka Yahudaya kee wa, amma ka a wumanggən ten wangya Faara bā heu welgha hu kəshiirħa dē. 53 Nanən kee ka a fardi, ndən katərang na mamngya Yahudaya kədə kwamana a bəllang ngganda Yeeso. 54 Tsaunən kee, nggərwa Yeeso wiirħa hai a pathlang Yahudaya a pəpal wa. Mal Urshalima nən dəgha a mbərħa dē tsau tē kaheerħa fa, ahu tala na nda aarħa Ifraimu, tsauka a mbədi tē fatsahayighən. 55 Nanənya nduwus far wutsəfayid Tədaarħa bā yi Yahudaya, fiya hangga ahu chehweddi kahad 'wanda teena dənda Urshalima dē beena hangga kapa na far wutsəfayiddi baarħa bā ka a tsabang ngganda alten ndan dē. 56 Na nda a kədə Yeeso, kanda kəkət ahu Kən Faara na nda a tsahang mee ndan, “Kəla wun hai kən? Mbē a baarħa hu wutsəfayiddā bā wa?” 57 Nanənya mamnda firistaya tē Farisaya pərang ndan fiya

tə ndaarha, kala niifa nagha Yeeseo, pərghənən, tənə nda kəsang nda.

12 Takhkən beena mikki a əna Wutsəfayid Tədaarha nda, dəgha Yeeseo Mbetani də tsauka a minda ki Liyadzuru, niifdi thleng na Yeeseo sə ahu mərə. **2** Fughang ngganda Yeeseo sə. Marthla ndəna a fər ənnarhami də, Liyadzuru kəm nəghən ahur nafini həbgha ənnarhami tə Yeeseo. **3** Tərgħa Mairamu təranggən kwalaba urdi sə na sədghən mbənggən na tə wudəbəla fa əna nanda tə 'ya na nda aarha nardi, iranggən a kəsər sar Yeeseo hai panggən də tə was tenggən. Tərgħa ləghədgha hur mindədi tə mbənda səd urdi di. **4** Amma tal ahur fatshayighən na nda aarha Yahuda Iskaryoti, (na a fər Yeeseo), **5** ndəghən, “Na urdi di tə wudəbəla fa kaan ya, səldə wudəbəl rapathlaarha yi paara haru mahan. Kamdə a hiigha də, fərang wudəbəlghənda fa yamiya.” **6** Thlək nən palthdi ya mbənana fa yamiya a hadang fa wa, amma ngaara ni, nanən ndəghən ni na a kəs wudəbəl ndan ha, nən naarha ngaara hasə dānggən altenggən sə. **7** Nggərangga Yeeseo sə, ndanggən, “Malang, tənən dəfang də ka far panna. **8** Kətsar na fa yamiya naarha ahur nun, amma mbun naarha tə nggi kətsar wa.” **9** Wumna Yahudaya hai hangga sək nanda ndaarha də Yeeseo mbəda də, thlii nda heu ka da nda naghən, mbə ndəghən katenggən wa amma Liyadzuru thleng nən sə ahu mərə. **10** Tərgħa mamngya firistaya kədə kwaman bəlla Liyadzuru nda kəm, **11** kəsər ka ndəghən ni Yahudaya hangga malgha kanda fərkəkafek nda tə Yeeseo. **12** Dalthna mbərha hai, fiya hangga wumngga Urshalima ba ka wutsəfayid tədaarha, sək ndaarha nda na Yeeseo a kwamana bayi Urshalima ba. **13** Nanən kee, kya shii temburu nda kya nda sə də nda hwathlagħən fa tərang ngganda urad ndan sə na nda a ndaarha, “Falama Faara! Tə parka ni niifdi bağa ba ahu thləm Chinəm. Tə parka ni Kutər Isəreela!” **14** Walgha Yeeseo wan kwaara tərgha kəsərgħən sə, kəla chireethleng nanda hai, **15** “A tərəm dūn wa nafiya Isəreela. Kəlama də Kutər nun bayi taarha, a kəsər wan kwaara.” **16** A katəradghən fatsahayighən sənangwa nda ənda hai ya wa. Amma akwasamaddi manang nanda Yeeseo, a dāl teena nda hai əndi katəragħa hai ya 'wan nda chireethla atenggən. Tə kəm ənang ənda nda fa ya. **17** Fiya wumngga hai na nda tə Yeeseo a sayiddi aah nən Liyadzuru a ten

kwaarha, thleng nən sə ahu mərə, kanda ni na a pəranggən fīngya də əndi ənana Yeeseo. **18** Ndəghənni ənagħa ndən kyana fiya ba hangga ka hwathlagħən nda fa kəsər ka ənwulteena ənanən. **19** Tərgħa ndangga Farisayini ndan, “Mbə 'ya sə nəm mbang ənaarha wa. Kəlama hai, kəshiirha heu dən nda də a samadghən!” **20** Na nafiya Nggirkaya sə ahur nafini bağa ka tərang shilee Faara teena a far wutsəfayid Tədaarha ba. **21** Dənda thləmad Filibus də, bağa ba a Mbatsaida na a chehweed Nggalili. Ndang ngganda, “Mbarkama, na minnan sə a nang yirha nan Yeeseo fa.” **22** Dəgha Filibus ka pəranggən Andrawus də. Tərgħa kanda kyab dənda thləmad Yeeseo də pəranggən nda. **23** Nggərangga Yeeseo kanda sə ndəghən, “Bad sayi ba nanənya na a manang ngganda Wan Niifa. **24** Niya pərang kəkafek kun, a həfang ngwanda wan hwaliirha hai mərgha wa, nən tsaurha katenggən. Amma a mərdə nən fər wiya hangga. **25** Niifa na a nggəm yiḃədghən nən a kədeng nda, niifa kəm kargħa yiḃədghən hu kəshiddiya nən wal yibrha mbuwa ngwalarha. (aiōnios g166) **26** Kala niifa na a əne taara, tətə ni a mbu samadna nən, kala mbərha nani sə ndəna mafadna naarha sə. Kala niifa na a əne taara, na Pəpa a manang nda. **27** “Nanənya na yiḃədna tə billaarha, mani mbang ndaarha? Ndo a ndee ‘Pəpa, hərye ahu sayi səsaddiya?’ Amma ənda ni bəni ba kamanggən ya! **28** Pəpa, manang thləm wa!” Tərgħa sək urarha nda hai a talara, tə ndaarha, “Wadi teena manang di, niya nggər manang nda.” **29** Fiya wumngga hai səkna nanda uraddi, tamngga fīngya ndaarha tər'yaana ni, fīngya kəm a ndaarha təthlənda Faara ni a kalang sə. **30** Tərgħa ndagħa Yeeseo, “Uraddi ya bənən ba ka kun ni, mbə ka nggi wa. **31** Nanənya sayi ni na a ngwang kumarha nda kəshiirha, nanənya kəm na nda a rək kutər kəshiddiya. **32** Nggi kəm, a tərən nda talara də ma kəshiddiya, niya ndusang fiya thləmadna ba.” **33** Thlək nən ndən kee ka a kyad kwaman mərəghən nən. **34** Ndangga fiya wumngga hai, “Ndangga Deleewar Ngyahad nəm kəm na Kərəsti a tsaurha pakwandə. Kama na ndaarha na Wan Niifa a mərə? Wunni ‘Wan Niifdi’ 'wan?’ (aiōn g165) **35** Tərgħa nggərangga Yeeseo kanda sə, “Na kukwaryirha narha tə kun yi sayi ngguchit kee. Weema hai ahu kukwaryiddi ndəghən bəldə tə kun, amawana wula tsərha hai. Niifa na a wiirha hai ahu

wula mbə sən mbədi nən a dərha sadə wa. **36** Fərama kəkafek tə kukwaryiddi ndəghən bəldə tə kun, tənun tsaurha wangya kukwaryiddi.” Akwasamaddi thlək nən ənggini ya, wiigha Yeeso fayighən bəbenggen fadghən ma kanda. **37** Ko nanən nən yakh əna ənwulteengya a yid ndan, balgha nda kula fərkəkafek təghən. **38** Katərana ənda hai ya ka a ləđang ngganda ‘ya ndaana annabi Ishaya tə ndaarha, “Chinəm, wun fərgha kəkafek tə labar nəm? Wunni pərang na Chinəm səsəmmnggitghən?” **39** Ndəghən dani mbangwa nanda fərkəkafek kəsər annabi Ishaya ‘wadə teena pər də ndan tə ndaarha, **40** “Kwamang Chinəm yid ndan, tə kəm tsang də hur ndan kakrak, amawa nanda naa maana hai, tə kəm sənang ngganda hai, bə nda thləmanna bə kənang nggi kanda.” **41** Thləkna Ishaya palthdi ya kəsər nadə mamnggitghən, ndən thlək nən ‘ya a tenggən. **42** Fingya hangga ahur mamnggini fər nda kəkafek təghən. Amma kanda a tərəm thləkkən a pəpal, kəsər amana Farisaya rək kanda ma kən tsahad Yahudaya. **43** Kanda mindan sə a falgha fiya kanda ma yi Faara. **44** Tərgha tərangga Yeeso uradghən sə ndəghən, “Kala niifa fərgha kəkafek tə nggi mbə nggi kateenna fəree nən kəkafek wa, amma fər nən kəkafek tə niifdi thləngga nggi bə. **45** Kala niifa nagha nggi, nadə niifdi thləngga nggi bə. **46** Bani bə kəla kukwaryirha hu kəshiirha, nanən kee kala niifa fərgha kəkafek tə nggi mbə tam naarha hu wula wa. **47** Kala niifa səkka labarna ənawa taara sə wa, mbi ngwang kumarha wa. Kəsər bayi bə ka bi ngwang kumarha kəshiirha wa, amma a hərghang nggi. **48** Amma kala niifa kargha nggi fa tə kəm thləwa labar na fa wa, na niifa sə na a ngwang kumarha sə. Labar di thləkni, ndəna nda a ngwang kumarha sə, a far ngwala kəshiirha. **49** Mbiyi a thlək ‘ya tə səsəmmnda antennə wa, amma Chindi thləngga nggi bə ndən ndeegha thlək ənda ni niya thləkrha. **50** Səndisə a nadi a əna taara tə ‘ya ndənən nən bəng yirha bə mbuwa ngwalarha. Nanən kee, niyi a thlək kala ‘ya ndeena Chindi.”

(aiōnios g166)

13 Kapa na wutsafayid Təđaddi baarha bə, sən Yeeso sə sayid benggen yi mal kəshiddiya wudgha thləmad Chin də nduwus dəbə. Nggəm də fətsahayighən ahu kəshiddiya, kyadang də nggəmmnda kanda pakwandə. **2** A sayiddi na Yeeso tə fətsahayighən a həb ənnarhami a

figrha, ‘wad Sheetan teena kyadə hur Yahuda Iskaryoti hai wan Siman ka a fər Yeeso nən. **3** Sən Yeeso sə Chindi fərang də əngya heu ahu harghən hai, tə kəm səndasə bəghən bə a thləmad Faara, nən a nggər wutta thləmad Faara də. **4** A sayiddi na nanda a həb ənnarhami, thliigha Yeeso sə kədanggen luwudghən hai na manggen kən ən pafarha nən mu. **5** Irr aama nən ahu ndaro hai, katəranggen tsabang nda sar fətsahayighən də nagha pang nda saryi ndan də tə ən pafaddi kən nən a mughən. **6** Bana Yeeso thləmad Mbiturus bə, ndangga Mbiturus, “Chinəm, Sa ni tsabang sarna də wa?” **7** Nggərangga Yeeso sə, “Nanənya mba sənang ənda hai niya ənaarha ya wa, amma a mbee bə na sənggən.” **8** Ndagga Mbiturus, “Sa, mba tam tsabang sarna də wa.” Nggərangga Yeeso sə, “A tsabanggi sarwa də wa, mba nggər tsaurha tətsahad na wa.” (aiōn g165) **9** Ndagga Siman Mbiturus, “Chinəm, mbə sarna katənggen na tsabang də wa, amma tsabəe haryina də tə tenna kəm.” **10** Nggərangga Yeeso sə, “A ‘wad niifa teena fandə, chilbi fadghən də. Balwa midghən sə fanda wa, kəl a tsabanggen saryighən də kee. Kun nuwun chahal, amma mbə kun heu wa.” **11** Kəsər səndə niifdi na a fərghən, ndən ndənən, “Mbə kun heu ni na chahal wa.” **12** Akwasamaddi ngwalang na Yeeso tsabang saryi ndan də, kalang nggən luwuddi na manggen tsauka hai. Tsahang mee nən kanda, “Səndun əndi ənani ya wa? **13** Nun aah nggi ‘Mala’ tə kəm ‘Chinəm,’ məməl ni, kəsər ndəghən də nani. **14** Nanən kee, Nggini Chinəm tə Təmaləm ndənun tsabang di saryi nun də, kun kəm kamdə na a tsabang nggun sar ndan də. **15** Əna ni kee kəsər kun ma a ənon kəla ənang ni kun. **16** Niya pərang kəkafek kun, mafarha mbə kal turighən wa, təthlənda kəm mbə kal niifdi thləngga ndən bə wa. **17** Nanənya hərəm nun sən ənggini ya, a əna dūn taara sə nun wal parka. **18** “Mbə aten nun heu niya thlək labardi ya wa, səndi fingya yini wurni hasə. Amma tətani a ləghədgəha labar Faara ndaagha; ‘Yandi na a həb yadna kyakhree də fa bə.’ **19** Niya pəranggen kun nanənya kapa nən katərarha hai, a katəra də hai nun a fərkəkafek tə ndaarha nggini Kərəsti. **20** Niya pərang kəkafek kun, kala niifa thləgha yandə fa thlənni də thlənən nggi fa; tə kəm kala niifa thləgha nggi fa thlənən niifdə fa thləngga nggi bə.” **21** Akwasamaddi thlək nən palthdiya, billadə Yeeso fa kaan ahurghən

ndaghən, “Niya pərang kəkafek kun, niifa tal ahur nun nən a fər nggi.” 22 Tərgħa naghə fətsahayini a kəlang ndan, wulgha tendan tə wunni nən a thləkrha. 23 Tal ahur fətsahayini nggəmna Yeeso tsau a thləmadghən. 24 Tərgħa ndangga Siman Mbiturus yandi nggəmna Yeeso kaan, “Tsahang mee wunni nən a thlək pathla a tenggən.” 25 Nanən kee ndusangga tətsahaddi Yeeso fa ndanggən, “Chinəm, wunni niifdi?” 26 Nggərangga Yeeso sə, “Yandi niya fərang kyad mburodi tawang ni hu aam kyakhna hai ndəghənni.” Tawanggən kyad mburodi ahu aam kyakhna hai fəranggənən Yahuda wan Siman Iskaryoti də. 27 Hərəm na Yahuda thlə kyad mburodi di kee, kyagħa Sheetan ahurghən hai. Tərgħa ndangga Yeeso Yahuda, “Əndi na midwa ənaarha, ənogħən wed.” 28 Amma ahur ndan mbə yandə sə səngga təmani ndang na Yeeso kee wa. 29 Tsaunən Yahuda ni tə panjakwa wudəbəla ha, fīngya ahur fətsahayini tamngganda ndaarha na Yeeso a ndang nda a dəgha heng ənnarhami kanda bə ka wutəfayiddi, nduwa a dəgha fərang wudəbəla fa yamiya. 30 Hərəmma Yahuda thlə mburodi di kee kyagħa hai kəkər a fədikkdi. 31 Akwasamaddi wiina Yahuda ndagħa Yeeso, “Bad sayi bə na Wan Niifa a dərha hu mamnggidghən də, kəsər a fadghən ni na nda a manang nda Faara. 32 A wal Faara mamnggirha a fadghən, Faara tə altenggən nən a fərang mamnggirha Wandī, tsu kee na Wandī a wal mamnggirha. 33 Kun wanggina, takhən sayi ngguchit kee niya tsaurha tə kun. Nun a kadə nggi, amma kəla ndang ni mamngya Yahudaya, niya pəranggən kun kee kəm nanənya. Mbədi niya dərha sadə, mbun mbang dərha sadə wa. 34 Niya fərang weerənda ngyakhrha kun, nggəmama ndan. Kəla nggəmni kun, tsaudə tətə a nggəm ndan nun. 35 A nadun a nggəm ndan, na fiya heu səndasə fətsahayina ni kun.” 36 Tsahangga Siman Mbiturus mee, “Chinəm, dənə yaadə?” Nggərangga Yeeso sə, “Mbədi niya dərha sadə, mbun a mbu samadna nanənya wa, amma tsəbaku ndən nun a mbu samadna.” 37 Tsahangga Siman Mbiturus mee, “Chinəm, mani mbuwa ni mbang mbu samad wa nanənya? Ngwadi fa a məri ka sa.” 38 Nggərangga Yeeso sə, “Na a mərə ka nggi? Niya pəro kəkafek, kapa na kilngaara tətəarha na a ngaal səndəna kətəra mahan.”

14 Nandangga Yeeso fətsahayighən, “A billadun wa. Fərama kəkafek a Faara, tə kəm fərama kəkafek a nggi. 2 A wuri ki Pəpa na kəngya sə hangga. A mbə nanən kee wa, kam pərang di ndən kun. Niya dərha mbəda də ka di tansang mbərha kun sə. 3 A didi tangsang mbərha kun sə, niya wutta bə bi dərha tə kun thləmanna də. Tənun tsaurha a mbədi nani sə. 4 Mbədi niya dərha sadə səndun kwamana.” 5 Nandangga Toma, “Chinəm səngwan mbədi na a dərha sadə wa, kəkən nan sən kwamana?” 6 Nandangga Yeeso, “Nggini kwamandi, nggini kəkafek di, tə kəm nggini yibəddi. Mbə niifa sə na dərha thləmad Chin dadə wa kəl tə thləmad na. 7 A səndun nggi, nun sən Pəpa. Nanənya səndun ndən, tə kəm nadun ndən.” 8 Tərgħa Filibus ndanggən, “Chinəm kyadang Chindi kan, tənə ten nan dathla.” 9 Nggərangga Yeeso sə, “Məndi ha tə kun, amma Filibus bəlgħa kula sən nggi? Kala niifa naghə nggi nadə Chindi. Kama nda na tsahə mee, kyadang Chindi kan?” 10 Fərwa kəkafek niyi hu Chindi, tə kəm Chindi ahur na wa? Labardi niya pərang nda kun mbə labar altenna ni wa. Amma Chində ni na a hurna, na a əna targħən. 11 Fəreema kəkafek a nda di niyi hu Chindi, Chindi kəm ahur na. Nduwa kəm fərama kəkafek tə nggi a ten ənwulteengya nanun ənani. 12 Niya pərang kəkafek kun, kala niifa fərgħa kəkafek tə nggi nən a əna tur tardi ənani. Nun a əna əngya na məmanggən kalgha fīngya yina mu ya, kəsər niya dərha thləmad Chində də. 13 Kala 'ya hwan nun hu thləmma niya ənaghən, tənə Chindi wal mamnggirha a fad Wandī. 14 Kala 'ya hwan nun ahu thləmma, niya ənanggən kun. 15 “Ana dūn a nggəm nggi, nun a əna taara tə 'ya pərang ni kun. 16 Niya hwan Pəpa, ndəghən kəm nən a nggər fərang Təthlaara kun na a tsaurha tə kun pakwandə. (aiōn q165) 17 Ndənə Səsənə yi kəkafek. Mbə kəshiirha a thləghən fa wa, kəsər 'wawa nda naghən wa nduwa səngganda wa. Amma kun səndun ndən, kəsər nəghən tə kun tə kəm nən narha tə kun. 18 Mbiya mal kun kəla wumirya wa, niya bərha thləmad nun bə. 19 A mbee sheddə bəlwə kəshiirha nggər na nggi wa, amma kun nun a na nggi. Nanən niyi tə yibrha kun kəm nun a tsaurha tə yibrha. 20 A fardi nun a səndasə niyi ahur Pəpa, kun kəm ahur na, nggi ahur nun. 21 Nafiya səkkə 'ya ndani əna taara nda sə, kanda ni nggəmnngga nggi. Nafiya nggəmnngga nggi, na Pəpa a nggəm

kanda, nggi kəm niya nggəm kanda, kyadang fanna ni kanda.” 22 Tərgha Yahuda (Mbə Yahuda Iskaryoti wa) ndəghən, “Chinəm, kama na kyad fadwa a kan kee mbə a kəshiirha kahad wa?” 23 Nggərangga Yeeso sə, “Nafiya nggəmnngga nggi, əna taara nda tə 'ya ndani. Na Pəpa a nggəm kanda, niya baarha thləmad ndan ba tsawi tə kanda. 24 Yi nggəm ngwa nggi mbə a əna taara tə 'ya ndani wa. Laḃardi sək nun ya mbə nggi thləkka ndən wa, amma yi Pəpa ni thləngga nggi ba. 25 Pərang ni ənggini kun ya nggi ɓaldə tə kun. 26 Amma təthlaara, na Səsəna tə Pedənda, na Pəpa a thlərang ba ahu thləm na, nən a tsahang əngya kun ha heu, ɗalang ənggina nən kun in pərang ni kun. 27 Mal di kun tə ɗədemnggirha. ɗədemnggid na ni fərang ni kun. Fərang ni ndən kun mbə kəla na kəshiirha fəra wa. A ɓillaḃun wa tə kəm a tərəm ɗun wa. 28 Sək ɗun 'ya ndaani, 'Niya wiirha tə kəm niya nggər wutta thləmad nun ba.’ A nggəm ɗun nggi, nun a əna wutsəfayirha kəsər niya ɗərha thləmad Chin ɗadə, kəsər Chin di kalɗə nggi mu. 29 Pərang ni ndən kun nanənya kapa nən katərərha hai, kəsər a katəra ɗa hai nun a fərəkəkafek. 30 Mbiya nggər kalang kun sə hangga wa, kəsər kutər kəshiddiya nəghən ɓaghai, mbə 'ya sə nən mbang ənaarha a tenna wa. 31 Amma niyi a əna 'ya ndeena pəpa, təna kəshiirha səndasə nggəm di Chindi. Thlema sə tama wiim ma mbədiya.”

15 ɗəgha Yeeso mbeedə tə ndang nda fatshayighən, “Nggini ka ɗəf inabidi, Pəpa ndəna təheddi. 2 Kala wuhwaara mbuwa nggəta, na Pəpa a kyathlang ɗə. Amma kala wuhwaara na a nggəta, na Pəpa a tansang, tənən nggər chik nggəta kaan. 3 'Wanda teena tangsang nda kun tsauḃun chahal kəsər ka laḃardi pərang ni kun. 4 Tsawama ahur na, nggi kəm niya tsaurha ahur nun. Kəla mbuwa na wuhwara mbang nggəta katənggən, kəl a naɗə a fad kulghən. Kun kəm nuwun kee, mbun mbang əna 'ya ngga wa kəl a naḃun ahur na. 5 “Nggini ɗəf inabi, kun ni wuhwarya. Ana niifa ahur na, niya naarha ahurghən, nən a nggət wan ɗəfya hangga. Amma a mbə tə nggi wa, mbə mbang əna 'ya wa. 6 A mbə niifa ahur na wa, nəghən kəla wuhwar ɗəfirha kudmang na nda ɗə hwargha, ɓaghā fiya ɓa wumang ngganda hwaridghən, muwangga nda hu waddə, ɗjang ngganda ɗə. 7 Amma anaḃun ahur na, laḃar na

kəm ahur nun, nun hwan kala 'ya na minnun, na nda a fəranggən kun. 8 Ana ɗun a fər wan ɗəfya hangga, na Pəpa wal mamnggirha, nən a kyad ndaarha kun fatsahayina ni. 9 Nggəmdī kun kəla nggəmna Pəpa nggi. Nanən kee tsawama a ten nggəmdə di kyadang ni kun. 10 A kəsḃun laḃarna ha, nun a tsaurhahu nggəm ndəna, kəla kəs ni laḃar ɗa ha pəree na Pəpa, tsauḃi kəm ahu nggəm ndəghən. 11 Pərang ni ənggina kun ya tə nun wal tur wutsəfayid na, wutsəfayid nun kəm tsauka lələgɗa. 12 Kulo 'ya ndang ni kun ya, nggəmama ndan kəla nggəmni kun. 13 Mbə nggəmda sə kalgha yandiya wa, na a fərgħa niifa yibəɗghən ka pashiyighən. 14 Pashiyina ni kun, ana ɗun a əna əndi pərang ni kun. 15 ɓalwi nggər aah kun mafayina wa, kəsər mafarha səngwa 'ya na turighən a ənaarha wa. Ameyedghən, niya aah kun pashiyina kəsər pərang di əngya kun heu pəree na Pəpa. 16 Mbə kun wurgha nggi wa, nggi ndən wurgha kun, ndanggi kun ɗaamadə ɗun fər wan ɗəfya hangga na tsaurha pakwandə. Tərgha kala 'ya hwanang nun Pəpa hu thləmna nən a fəranggən kun. 17 Kulo 'ya ndang ni kun ya, nggəmama ndan. 18 “A tsan kəshiirha kun, a sənunsə tsandə nggi kapa nən tsan kun. 19 Andam kun yi kəshiid ɗa ni ya, kam nggəm kəshiirha ənggən. Amma tsaunən mbə yi kəshidda ni kun ya wa, wur yi kun sə hu kəshiirha, ndəghənni tsanna kəshiirha kun. 20 ɗalama teena hai tə pathla ndang ni kun, mbə mafarha kal turighən wa. A səsənda, kun kəm na nda a səsang kun. Andam ənanda taara tə 'ya ndang ni kanda, kam ənanda taara tə 'ya pərang nun kanda kəm. 21 Na nda a ənang tur ənggina kun fa heu ya kəsər ka thləmna, kəsər səngwanda niifdi thləngga nggi ɓa wa. 22 Andam ɓawi ɓa ɓi kalang kanda sə wa, kam mbə dimiyirha sə a fad ndan wa. Amma nanənya, mba nda fəlmee aten dimiyindan wa. 23 Kala niifa tsangga nggi, tsan nən Pəpa kəm. 24 Ənadi əngya hangga ahur ndan 'wawana niifa ənaarha. Andam ənawi ənggini ya wa, kam mbə dimiyirha sə a fad ndan wa. Amma nanənya nanda ənggini ənani, ko nanən kee tsan nda nggi tə Pəpa kəm. 25 Ləghəɗ laḃardi na chichireethlee hai ahu ngyahad ndan, ndanən, ‘Tsan nda nggi fa, kula nggi əna 'ya dimi.’ 26 Amma a ɓa təthlaara ɓa, Səsəna na a tsahang kəkafekkid laḃar Faara kun ha, niya thlərang nda kun ɓa aki Pəpa, nən a pər 'ya heu a tenna.

27 Kun kəm nun a pəranggən fīngya ənggini ənani kəsər ka a katəradghən nuwun tə nggi.

16 “Pərang ni ənggini kun ya amawa nun kyathla hai ma kəkafek. 2 Na nda a rək kun ahu kəngya tsahad Yahudaya. Mbə ngaala sə wa, na sayi bayi kala niifa bəlangga kun nən a numad ndaarha tar Faara nən a ənaarha. 3 Na nda a əna əngginiya, kəsər səngwanda Chin di nduwa nggi wa. 4 Pərang ni ənggini kun ya, a tsə sayi hai, nun a dāl teena hai tə ndaarha 'wadi pəranggən kun. Pərang ngwi ənggini kun ya ka a katəradghən wa kəsər bəl yi tə kun. 5 “Amma nanənya niya wiirha a thləma niifda də thləngga nggi ba, mbə niifa sə ahur nun tsahegha mee dini yaadə wa. 6 Kəsər ka pərang ni ənggini kun ya ndən ləghədna hur nun tə səbrha hura. 7 Amma niya pərang kəkafek kun, nən a tsaurha ngga a fad nun a wiidi. Kəsər a wii yi wa mbə təthlaara a baarha ba wa, kəl a wii di. Amma a wiidi, niya thlənənggən kun ba. 8 A bəda ba, nən a kyadāng kəkafekkirha nafiya kəshiddiya aten dimiyirha, nggayirha tə ngwa kumarha. 9 Aten dimiyirha, kəsər kar nda fərkəkafek tə nggi. 10 Aten nggayirha, kəsər niya wiirha thləmad Chinda də, mbun a nggər na nggi bəlwa. 11 Aten ngwa kumarha, kəsər 'wad Faara teena ngwang də kumarha kutər kəshiddiya. 12 Na əngya sə hangga na minna pərang nda kun, amma mbun mbang kəsgən ha nanənya wa. 13 A bəd Səsən kəkafek ba, nən a kyadāng kwaman kəkafek kun heu. Kəsər mbə labar altənggən nən a pərang kun wa, amma nən a pər 'ya sək nən, tə kəm nən a pərang 'ya kun bəlgha bayi. 14 Nən a fəree mamnggirha, kəsər nən tərang 'ya thlək ni Pəranggənən kun. 15 Kala 'ya tsauka yi Pəpa yina ni. Ndəghən dā ndani, na Səsəna a pərang 'ya ndani kun ndani. 16 “Akwasamad sayi ngguchit mbun a nggər na nggi wa, akwasamad sayi ngguchit kəm nun a nggər na nggi.” 17 Fīngya fətsahayighən ndang ngganda ndan, “Ma midghən ndaarha ndang nən kəm, 'Akwasamad sayi ngguchit mbun a na nggi wa, akwasamad sayi ngguchit kəm nun a nggər na nggi'? Tə kəm ndəghən, 'Niya dərha thləmad Chinda də'?” 18 Dənda mbeedə tə tsakh mee, “Ma nən a ndaarha 'Akwasamad sayi ngguchit'? Sənanngəm ənda hai nən a thləkrha ya wa.” 19 Sənannga Yeeso hai na mindan sə tsahang mee aten labardi thlək nən, ndanggən kanda, “Nuwun a tsahang mee ndan ha aten

labardi ndaani, 'Akwasamad sayi ngguchit mbun a na nggi wa, tə kəm Akwasamad sayi ngguchit nun a nggər na nggi'?” 20 Niya pərang kəkafek kun, nun a tərha tə səbrha hura, kəshiirha kəm nən a əna wutsəfayirha. Na hur nun a səbrha də, amma na səbrha hur nun a tsaurha ən wutsəfayirha. 21 Ana nuneefa a nggəta hai nən tək hatta fa kaan, kəsər bəd sayid nggəttəghən ba. Amma a nggədang də wufar wee hai, na hatta nggəttədi mbədang nda, kəsər ka wutsəfayirha nggəddə wufar wee hu kəshiirha hai. 22 Nən a tsaurha kee tə kun. Nanənya sayid səbrha hur nun ni, amma niya nggər na kun, nun a tsaurha tə wutsəfayirha fa, mbə niifa sə na thlang wutsəfayid nun hai wa. 23 A fardi mbun a nggər tsahe 'ya wa. Niya pərang kəkafek kun, na Pəpa a fərang kala 'ya kun hwanang nun hu thləmna. 24 Pa ka weeriya 'wawun tsakh 'ya tə thləmna wa. Hwanama nun a waala, tənə wutsəfayid nun ləghəta. 25 “Thləkki əngginiya tə karapuya. Amma na sayi bayi niya nggər kalang kun sə a pəpal a ten Pəpa, mbiya nggər thlək karapu wa. 26 A fardi nun a hwan əngya ahu thləmna. Mbə nggi ni a nggər hwan Pəpa a meyed nun wa. 27 Chindi tafadghən nəghən a nggəm kun, kəsər nggəmdun nggi tə kəm fər dūn kəkafek tə ndaarha bayi ba a thləmad Faara. 28 'Bayi ba a thləmad Chindi ahu kəshiid dāba ya, nanənya niya mal kəshiddiya wudi thləmad Chinda də.” 29 Tərga ndagha fətsahayighən, “Yauwa! Nanənya na a tsə labəara a pəpal mbə tə karapu wa. 30 Nanənya səndənsə sənna əngya heu. Kamngwa a nggərga niifa tsaho mee ha wa. Ndəghən dani fər nan kəkafek tə ndaarha bəgha ba a thləmad Faara.” 31 Nggərangga Yeeso kanda sə, “Fər dūn kəkafek nanənya wa? 32 Amma na fərgən bayi, nanənya ma bəda ba, nun a weela hai, kowunni nən a daarha wuri keeghən də. Nun a mal nggi katenna. Amma mbiyi katenna wa, kəsər nagha Pəpa a thləmanna. 33 Pərang ni ənggini kun heu ya tənun wal dədemnggirha ahur nun. Nun a səsaarha kaan ahu kəshiid diya. Amma 'wadi teena kal di kəshiirha mu.”

17 Akwasamaddi ngwalang na Yeeso thlək əndiya, kəlagha talara sə hwan Faara nən ndəghən, “Pəpa bəd sayi ba na a manang nda Wandī, wandī kəm manoghən. 2 Kəsər fərang na səsəmda aten kowunni, tənən fər yibrha mbuwa ngwalarha a nafini fərang na. (aiōnios

g166) 3 Kwaman dā na yi wal yibrha sē mbuwa ngwalarha ya, a sən sa nan, Faara yi kəkafek, tē Yeeso Kərasti thlənang na hu kəshiirha 6a. (aiōnios **g166**) 4 Manang di thlēmwa hu kəshiirha, tē ngwalang nda tardī fəree na a əne. 5 Nanənya, Pəpa, mane a mbed wa tē tur mamnggiddi nani tēghən kapa na nda əna kəshiirha. 6 'Wadi teena kaldi mee atenwa a nafini fəree na ahu kəshiddiya. Nafiwa ni, fərenna kanda ənanda taara tē palth wa. 7 Nanənya sēndasə kala 'ya nani tēghən ha kyaghən 6a a haar wa, 8 kəsər laḅardi pəree nana pərang di ndən kanda. Thlən ndan, tē kəm sēndasə ḅayi 6a a thləmad wa, fər nda kəkafek sa thlōngga nggi 6a. 9 Niya a hwanda ka kanda, mbiyi a hwanda a kəshiddiya wa, amma a nafini fəree nana kəsər nafiwa ni. 10 Kala 'ya nani tēghən yiwa ni, tē kəm kala 'ya nana tēghən ha yina ni, ni wal mamnggirha a fad ndan kəm. 11 Nanənya ḅalwa tsawud na sē hu kəshiirha wa, amma na nda ahu kəshiddiya, nggi kəm niya dərha thləmad wa dē. Pəpa tē Pedənda, lafu kanda tē səsəmnda thlēmwa, thləmdi fəree nana, tēna nda tsaurha tal kəla nanəm tal. 12 A sayiddi nani tē kanda, lafdi kanda tē səsəmnda thlēmwa, thləm di fəree nana. Kələdi kanda ha, tē kəm mbusə sahadgha wa kəl tal ahur ndan kee, kəl yandi wurgħa fadghən a sahadgha. Sahad nən ka a ləghadgha laḅar Faara na chichirethlee hai. 13 Nanənya niya dərha thləmad wa dē. Amma thlək ni əngginiya nggi ḅaldə ahu kəshiirha tēna nda wal wutəsfayirha lələgdə ahur ndan kəla nani tēghən ha. 14 Fərangdi laḅar wa kanda kəshiirha kəm kardə kanda fa, kəsər mbə yi kəshiirha ni kanda wa, kəla nani mbə yi kəshiirha ni nggi wa. 15 Mbi a hwan sa a tərangga kanda ma kəshiirha wa, amma ndəghang kanda hai tē tēmbəlfeddi. 16 Kanda mbə yi kəshiddi ni ya wa, kəla nani mbə yi kəshiddi ni ya wa. 17 Tsawang kanda chahal tē kəkafekkid wa, kəsər laḅar wa kəkafek ni. 18 Kəla thləna nggi hu kəshiirha 6a, thləndi kanda kəm ahu kəshiirha dē. 19 Kəsər fər di fanna kəla ən sataka kəsər ka kanda, tēna nda naarha chahal hu kəkafekkid wa. 20 Mbiyi a hwanda ka kanda kee wa, amma a fīngya heu fərgħa kəkafek tē nggi hu laḅar ndan. 21 Pəpa niya hwanda a tendan heu a tsawa nda tal, kəla nana ahur na nggi kəm ahur wa. Ngwa tsawa nda tal ahur nəm tēna kəshiirha fərkəkafek sa ni thlōngga nggi 6a. 22 Fərangdi mamnggiddi kanda fəree nana, tēna nda tsaurha tal kəla

nanəm tal. 23 Niya naarha ahur ndan, sa kəm ahur na, tēna nda tsaurha tal kula ən 'yaara fa, tēna kəshiirha sēndasə sa ni thlōngga nggi 6a tē kəm nggəmna kanda kəla nggəmna nggi. 24 Pəpa, na minnasə nafini fəree na ya, a na nda a thləmanna a mbədi nanisə, tēna nda naa mamnggiddi fəree nana, kəsər nggəmna nggi kapa na nda əna kəshiirha. 25 Pəpa na tē nggayirha, ko nanən səngwa kəshiirha sa wa, amma sēndi sa; nafini ya kəm sēndasə sa ni thlōngga nggi 6a. 26 Kyadang di sa kanda kəla nana, niya naarha pəranggən kanda. Tēna nggəmdədi nggəmna nggi naarha tē kanda tē kəm nee ahur ndan."

18 A kwasamaddi ngwalang na Yeeso hwan Faardi, mal Urshalima nən tēdanggən suhwad Kidron teena heu tē fatsahayighən. A pəm suhwaddi na hed dāfya dzaitun sē, kyagħa sahai tē fatsahayighən. 2 Yahuda fərgħa ndən kəm sēndə mbədi, kəsər na Yeeso yakh naarha wumnda hai tē fatsahayighən a mbədi. 3 Nanən kee, dəgha Yahuda ahu hedda dē tē sodjaya a samadghən, tē fa kəla Kən Faara, thlənang na mamngya Firis 6a tē Farisaya. Kəs nda patilla ha, tē tochi, tē kari yanda. 4 'Wad Yeeso teena sēndə əndi dəgha katərərha hai tēghən, kyagħa pəpal 6a tsahang mee nən kanda, "Wun nun a kadaarha?" 5 Nggərang ngganda sē, "Yeeso Tē Nadzarat." Ndagga Yeeso kanda, "Nggini ndəghən." Yahuda təthlərbu di kət a pathlang ndan. 6 A sayiddi ndana Yeeso, "Nggini ndəghən," wuda nda samarən, samarən fəla nda hweede hai. 7 Nggərgħən tsahang mee kanda, "Wun nun a kadaarha?" Ndag ngganda, "Yeeso Tənadzarat." 8 Ndagga Yeeso kanda, "Ndaggi kun nggini ndəghən. Ana nggi nun a kadaarha, malaman nafiniya wii nda." 9 Katəra nən hai kee ka a lədagngən laḅar di ndanən, "A hur nafini fəree na mbusə kədeng ni wa." 10 Tərgħa Siman Mbiturus kədagngən thləukħ kəlargħən sē kyathlanggən thləmad mafad Firis dē na manggən a yi səma. (Thləm mafaddiya Malkus). 11 Amma ndangga Yeeso Mbiturus, "Wudang thləukħ kəlar di hu kənggən hai. Mbuwani mbang saarha tē wuhuleu səsəarha fəree na Pəpa wa?" 12 Tərgħa Sodja yini, tē mamndə ndan tē fa kəla Kən Faara kəsang ngganda Yeeso kənanng ngganda. 13 'Wa dərha nda tēghən thləmad Hanana dē, kəsər thləḅər Kayafa ni na manda firis a sayiddi. 14 Kayafa

ndən ndangga fyinga mamngya Yahudaya, məməl ni a mərgha niifa tal ka fyinga fiya. 15 Tərgha Siman Mbiturus mbu samad Yeese nən, niifa tal ahur fatsahayighən kəm mbu samad Yeese nən. Tətsahad di ki Yeese ya sən firis ndən na manggən, ndəghənggi kəm kyagha hu chelleeru firis də na manggən tə Yeese. 16 Amma Mbiturus ishgha hai a kwakirma. Tahad tətsahad di sənna firis ndən na manggən, wudgha, kalanggən nuda sə na a kəla kwakirma ha, a kyagha hai tə Mbiturus. 17 Nudi na a mii kwakirma ndanggən Mbiturus, “Sa mbəna tal ahur fatsahayighən wa?” Ndangga Mbiturus, “Awo, mbə nggini wa.” 18 Kəsər na mbiirha sə, mafaya hur minda tə fəkəlaya ha kanda a tək waarha fa. Mbiturus kəm a thləman ndan a tək waarha fa. 19 Tərgha firis na manggən tsahang mee nən Yeese aten fatsahayighən tə tsahadghən ha. 20 Nggərangga Yeese sə, “Thləkki ləbaara a kəshiirha a pəpəl. Ni naarha tsaharha ha hu kən tsahad Yahudaya, tə Kən Faara nəm yakh wumnda sahai. Mbə 'yasə thlək ni bəbēe wa. 21 Kama nda na a tsahe mee ha? Tsahang mee fyinga səkka fanna. Sənda 'ya ndani.” 22 Ndana Yeese kee, tal ahur mamnggini na tsau təghən fa mbi Yeese nən, ndanggən, “Na nggərang nda firis sə na manggən kiya wa?” 23 Ndangga Yeese, “Ana 'yasə thlək ni na dimi puruwun. Amma ana kəkafek thlək ni, kama mbina nggi?” 24 Tərgha Hanana thlənanggən Yeese a thləmad Kayafa də na mamnda firis kəkəna. 25 Nana Mbiturus kət a tək waarha fa, tsahang mee nda, “Sa mbəna tal ahur fatsahayighən wa?” Ngalgha Mbiturus ndəghən, “Awo mbiyi ahur ndan wa.” 26 Tal ahur mafaya manda firis na hurfidghən ni niifdi kyathlang na Mbiturus thləmadghən də, tsahang mee nən Mbiturus, “Mbə nadi kun təghən ahu hed dzaitun wa?” 27 Nggərgħa Mbiturus ngaalghən. Tsu kee tətəagħa diyarha. 28 A tsar kyang na nda Yeese sə a minda ki Kayafa dēnda təghən minda ki Mbilatus də ngwamnad Romaya. Kyawa nda təghən a minda ki ngwamna də hai wa. Na mindan sə a tangsang ngganda fad ndan chahal tēna nda hēb ənnadmid tēdāarha. 29 Nanən kee kyagħa Mbilatus thləmad ndan bā tsakh mee nən, “Ma ənana kamshi diya huhwa nun ndən?” 30 Nggərang ngganda sə, “A əna wa kamshidi 'ya mbuwa ngga ya wa, kam bəwan ndən bā wal!” 31 Ndangga Mbilatus kanda, “Daama də təghən dūn ngwang kumarha tafad nun tə yinun

ngyakhrrha.” Nggərangga Yahudaya sə, “Ai, fərang ngwanda səsəmda kan na a bəlanggan niifa wa.” 32 Kətərana ənda hai ya ka a lədag ngganda ləbardi ki Yeese sakh nən tə kwaman mərəghən. 33 Tərgha Mbilatus nggərgħa hur minda hai, aah Yeese nən də tsahang mee nən, “Sani kutər Yahudaya wa?” 34 Nggərangga Yeese sə, “Tsakh mii hutən wa niya wa, nduwa na fyinga sə purowa ləbāra aten na wa?” 35 Nggərangga Mbilatus sə, “Mbə tə Yahudarha ni nggi wa, nafiwa ni, tə mamngya firistaya bəgha tə sa thləmad na bā. Mani ənana?” 36 Ndangga Yeese, “Kutər yidna mbə yi kəshiid dā ni ya wa. Andam kutəryid na yi kəshiddā ni ya, kam na fatsahayina a yanda amawana Yahudaya kəseerha. Amma kutər yidna mbə yi kəshiddā ni ya wa.” 37 Ndangga Mbilatus, “Ashe kutəra ni sa wal!” Nggərangga Yeese sə, “Sa ndagħa, kutəra ni nggi. Nggət na nda nggi hu kəshiddi ya ka tardi ya, a thlək kəkafek ni. Kala niifa na midghən kəkafek, nən kee thləmaarha fa.” 38 Tsahangga Mbilatus mee, “Mani kəkafek?” Tərgha kyagħa Mbilatus kəsha də ndanggən Yahudayini wumngga hai, “Mbə 'ya sə dimi wal ni a fad kamshidiya wa. 39 Amma na əntin nun sə kala fər wutsəfayid Tēdāarha, ni kalang niifa kun hai tal kənanang nanda ahu porsəna. Na mid nun sə a kalang kutər Yahudaya ni kun hai wa?” 40 Amma tərang ngganda urad ndan sə, “Mbə niifdiya wa, Mbarabas na mid nan!” Mbarabas kəm tə fasa farha ni.

19 Tərgha Mbilatus fər Yeese nən a sodjaya tsadaghən nda. 2 Taksaagħa sodjaya ənfatta teena tə ndaaha pang nggənda teena. Tərgha bā nda bā tə kabāarha tur yi kutəryirha kalang nggənda fa. 3 Bā nda thləmadghən bā na nda a ndang'ya yi waa farha, “Alvari, kutər Yahudaya!” Mbiighən nda. 4 Nggərgħa Mbilatus kyaarha bā ndanggən Yahudayini, “Nanənya niya kyang Yeese kun bā, na minna sə a sənunsə kəsang nggi tə dimiyirha fa wa.” 5 Kyagħa Yeese sə tenggən fəfada tə ndaaha, tə tur kabad kutəryirha a fadghən, ndangga Mbilatus kanda, “Kələma niifdiya.” 6 Nana mamngga firistaya ndən tə fa kəla Kən Faara tərang ngganda urad ndan sə, “Tawaman də! Tawaman də!” Ndangga Mbilatus kanda, “Damadə dūn tawang də tafan nun, nggi kam nawi ndən tə 'ya na dimi fa wa.” 7 Tərgha Yahudayini nggərang ngganda sə, “Na ngyahad nəm sə, 'ya ndaana ngyahaddi kamdə

a mærga, kəsər aaghən fadghən Wan Faara.” 8 Səknə Mbilatus kee nggərgəhən chik tərəmda. 9 Nggərgəhən kyaarha tə Yeese ahu chelleru də tsahang mee nən ha, “Bagha ba a yanggi?” Amma nggərangwa Yeese sə wa. 10 Ndangga Mbilatus, “Karna fa a kaleegha sə? Səngwa sə niyi tə səsəmda ha na a kal sani hai nduwa tawo wanda də wa?” 11 Nggərangga Yeese sə, “A mbə Faara fərowa səsəmda wa mbə 'ya sə na mbang əneerha wa. Yandi fərga nggi ahu harwa hai kal də sa dimiyirha.” 12 Hərəm na Mbilatus sək labərđi ya na midghən sə a kal Yeese nən hai, amma Yahudayini na nda a tərang urad ndan sə, “A kal na niifda hai ya, mbə pashid Kaisar ni sa wa. Kala niifa ndaagha kutəra ni təsar Kaisar ni.” 13 Səknə Mbilatus labəryini kee, kyagha ba tə Yeese. Tərga Mbilatus tsauka aten tsənggam ngwa kumarha sə, a mbərha na nda aarha “feera na ngga”, lbraniyaya na nda aaghən “Nggabbata.” 14 A far demnda wutsəfayid Tədaarha ni yanfaara a sərəkrha. Ndangga Mbilatus Yahudayini, “Kələma kutər nun ya!” 15 Amma Yahuda yini tərang ngganda urad ndan sə, “Bəlaman, bəlaman, tawaman dəl” Tsahangga mbilatus mee kanda, “Na mid nun sə tawang nggi kutər nun də wa?” Nggərangga mamnda firistaya sə, “Mbə kutər nan sə pak wa kəl Kaisar.” 16 Tərga Mbilatus fərang Yeese nən kanda ka a tawang ngganda də. Nanən kee wi nda tə Yeese. 17 Təranggən kadidghən tafadghən a mbərha də na nda aarha mbəd balhwad teena. lbraniyaya na nda aaghən, “Nggolggota.” 18 A mbəda ni tawang na nda Yeese saadə tə nafiya səri, tal a yisəmadghən, tal kəm a yikawadghən. 19 Chirelthgha Mbilatus tə ndaarha, “YEESO TƏNADZARAT, KUTƏR YAHUDAYA.” Tawang ngganda chireethdi a man ten kadiddi. 20 Yahudaya hangga karatangga chireelth di kəsər mbədī tawang na nda Yeese saadə nəghən tsau tə Urshalima fa. Chireelth diya ənagha ndan tə mii Yahudaya, tə mii Romaya, tə kəm mii Helenaya. 21 Tərga mamngya firistaya ndang ngganda Mbilatus, “A chireethleng na hai ‘Kutər Yahudaya wa,’ amma chireethleng hai, ‘Niifdiya ndanggən fadghən kutər Yahudaya ni.’” 22 Nggərangga Mbilatus kanda sə, “Ya chireethleng ni hai, chirethleng di hai.” 23 Akwasamaddi tawang na sodja yini Yeese də, harang ngganda karidghən ndəghang ngganda hai mbədghən fadā kowunni tə yighən. Ənagha nda kee kəm tə kabadghən tsəna nda a uradghən hai tə sarghən də. 24 Ndangga sodja yini ndan, “A njarang dām kabad dādə ya wa, amma tama əna chacha nəm a tenggən tə wunni a həbang.” Katərana ənda hai ya ka a lədang ngganda 'ya ndaana Deleewar Faara, “Ndəghang ngganda karidna hai a pathlang ndan, əna chacha nda aten kabad na.” Ənda ni ənana sodjaya. 25 Nafiya ishgha tsau tə kadidda fa nda man Yeese, tə wanman, Mairamu nu Kilobas, tə Mairamu magdaliya. 26 Nana Yeese man tə tətsahaddi keeghən nggəm nən kət tsau təghən fa, ndanggən man, “Kulo wanwa ya.” 27 Tərga ndanggən tetsahaddi, “Kulo muwa ya.” Ka fardi dəgha tətsahaddi tə man Yeese wuri keeghən də. 28 Sən Yeese sə nanənya ngwalang də targhən. Ka a ləghədgha 'ya ndaana Deleewar Faara, ndəghən, “Na hushimnda fanna.” 29 Na kəthlikrha sə a mbədī lələgda tə aam inabi chichakh. Nanən kee tətənanang ngganda soso tə aam inabi na chichakh, pang ngganda hu səsəala nzang pang ngganda Yeese mii sə. 30 Taarang na Yeese ndəghən, “Ngwala dəl!” Tərga kwanggən tenggən hai kal yibədghənən hai. 31 Nanənya demnda far wutsəfayid Tədaarha ni, a dalth mbərha hai ndəna far yibəddi, Kəsər mamnda Yahudayini mbə mindan sə nagha mərya nafini aten kadiirha a far yibəddi wa, kəsər far yibəddi fara ni na manggən. Tərga Yahudayini hwan Mbilatus nda a hwasang ngganda ndələngya nafini, tə kəm tərang ngganda məryina hai. 32 Dəgha sodjaya də da nda hwasang ndələngya nafini səri tawang na nda kanda də tə Yeese. 33 Amma ba na nda thləmad Yeese ba kəla nda hai 'wadə teena mərdə hwasang ngwa nda ndələnggighən wa. 34 Tal ahur sodja yini kulth Yeese nən tə peela a kəlarghən tsu kee kyagha aama ba tə faara. 35 Niifdi nagha ən di katəra hai ndən pərga ndən. Əndi pər nən kəkəfek ni, pər nən ndən kee tənun fərkəkəfek. 36 Katəra na ənda hai kee ya ka a ləghədgha labər Faara ndaa nən, “Mbə alghən sə tal hwasagha wa.” 37 Na labər Faara sə kəm ndaagha, “Na nda a kəlang yandi kuthlang na nda.” 38 Akwasamad əngginiya, Yisufu niif Aramatiya tətsahad Yeese ni bəbēe kəsər nəghən a tərəm Yahudaya, bagha thləmad Mbilatus ba na a fərang kwamana nən a dəgha tərang mərri Yeese hai. Fərang na Mbilatus kwamana, dəgha də təranggən mərri Yeese hai aten kadiddi. 39 Niifdi na nda aarha Nikodimus 'wagha dərha thləmad Yeese

də a fədikrha, takkwa də Yisufu kəsdə urdi ha na nda aarha mur tə alos səlna hadghən kilo kumnggit mahan. **40** Tərgha nafini kyab ya fəđang ngganda mərri Yeeso hu kabaaarha na pəpet irang urdi nda fa kəla na Yahudaya ənaarha. **41** A mbədi tawang na nda Yeeso sə na heerha sə, ahu heddi na kwad mərri sə rana nda, 'wawa na nda pa mərri sə. **42** Tsaunən far dēmnda far yibəd Yahudaya ni, nanən na kwarha sə tsau a mbədi, Pang ngganda Yeeso a mbədi.

20 A tsar kərət a far ladi, mbərha liwid-liwid, Mairamu Magdaliya dəgha ten kwad Yeeso də, kəlagha hai kwatərang nda fer dādə na a mii kwaddi. **2** Tərgha thliigha tə daarha thləmad Siman Mbiturus də tə tətəhaddi nggəmna Yeeso ndanggən kanda, “Tərang nda Chinəm sə ahu kwaarha, sənggum mbədi dəfang na nda sadə wa.” **3** Tərgha nda Mbiturus tə tahad tətəhaddi katəranganda dərha a ten kwadda də. **4** Kanda kyab kəs daarha nda, amma yandi tətəsarha kaldə Mbiturus daarha 'wagha a ten kwadda də. **5** Bərgha hai kəlagha hu kwadda də na kabad pa mərda nən, amma kya wa hur kwadda də wa. **6** Tərgha Mbiturus bagha a ba a kwasamarha, kyagha hur kwadda hai. Na kabad pa mərda nən a mbədi. **7** Tə kəm na kabadda nən fəđang na nda ten Yeeso sə ta a man patu. **8** Tərgha yandi tətəsarha 'wagha ten kwadda də ma Mbiturus kyagha hur kwadda hai kəm, nanən ənggini heu ya fərkəkafek nən. **9** Pa ka wəriya sənang ngwanda 'ya hai ndana 'Deleewar Faara, na Yeeso a thliirha sə hu mərri wa. **10** Tərgha fətsahayini wudə nda wure də. **11** Amma Mairamu Magdaliya ishgha a ten kwaddi nagha a tərha. Ndəghən aten tərha bərgha hai kəlagha hur kwadda də. **12** Na fa thləngya Faara nən səri tə lukkyə fa pəpet-pəpet kanda tsətsau a mbədi pang nanda Yeeso sə, tal a man tenggən tal a man sarghən. **13** Tərgha tsahangga fa thləngya Faara mee nudi, “Sa nudiya mani na a tərha?” Ndanggən kanda, “Tərang nda yina Chinəm sə, səngwi mbədi dəfang na nda saadə wa.” **14** Ndəghən a nggəlang miighən kee, kyahar nən hai kəlagha hai Yeeso kət. Amma sənangwa hai Yeeso ni wa. **15** Tərgha tsahangga Yeeso mee, “Sa nudiya, mani na a tərha? Wun na a kadaarha?” Tamnggən ndaarha tətəara ni na ahur heddi. Ndanggən, “Ana sa ni tərangga, pəre mbədi dəfang na saadə di tərang

ba.” **16** Tərgha ndangga Yeeso, “Mairamu!” Kyahargha Mairamu man thləmad Yeeso də ndəghən tə mii Aramaya, “Rabboni!” Ndaarha ni “Mala”. **17** Ndangga Yeeso, “A tsuwar na nggi fa wa, kəsər dāwi thləmad Pəpa də 'wan wa. Amma dūwa thləmad wan manggina də ndangga kanda, niya dərha thləmad Chinda də tə yinun China, Faar na tə kəm yinun Faara.” **18** Tərgha Mairamu dəgha thləmad fətsahayina də ndanggən kanda, “Nadi Chinəm!” Pərang labar də nən kanda ndang na Yeeso. **19** Tsu a fardi a figrha a far ladi, fətsahaya Yeeso wumnda hai a mbərha tal, chang ngganda kwaminda a tendan də, kəsər na nda a tərəm Yahudaya. Kula səndəndan sə kəla nda hai Yeeso kət a mādufun ndan ndəghən, “A tsauka dədemnggirha tə kun.” **20** Akwasamadghən thlək nən labardi ya kyadang haaryighən nən kanda tə kəlarghən. Tərgha fətsahayini ləgdə nda tə wutsəfayirha, kəsər nanda Chinəm. **21** Ngərgəgha Yeeso ndang nda kanda, “A tsauka dədemnggirha tə kun. Kəla thləna Pəpa nggi ba, niya thlən kun kee kəm.” **22** Tərgha peng bəreurha nən kanda fa ndəghən, “Thlaama Səsəna tə Pədənda. **23** Kala niifa chahang nun dimiyidghən də, chahang ndan də, kala niifa kəm chahang ngwa nun dimiyidghən də, mba nda chahanggən də wa.” **24** Ahu sayiddiya, Toma tal ahur fətsahayini na thləm bəshadghən Mudəarha, mbə ahur ndan wa a sayiddi ba na Yeeso ba. **25** Nanən kee, ndang ngganda, “Nadan Chinəm.” Amma ndangga Toma kanda, “Mbi fərkəkafek wa kəl a nadi kwat kusa di a haarghən, pang nggi haar na sadə tə kəlarghən wa mbi tam fərkəkafek wa.” **26** Akwasamad bəena uvadə fa tsahayini kanda a mbərha tal, Toma kəm nəghən ahur ndan kwaminda chicha. Amma kula səndəndan sə kəla nda hai Yeeso kət a mādufun ndan ndəghən, “A tsauka dədemnggirha tə kun.” **27** Tərgha Yeeso ndanggən Toma, “Pang wan haar wa mbəda hai ya, kəlang harna. Tsəwaru kəlar na fa, təna malang ngaala, fərkəkafek na.” **28** Ndangga Toma, “Yina Chinəm, tə yina Faara!” **29** Ndangga Yeeso, “Ka nana nggi ndən fər na kəkafek? Fa parkaya ni nafiya nawa nggi, amma fər nda kəkafek.” **30** Əna Yeeso ənwulteengya hangga a yid fətsahayighən chireethleng ngwana nda hai ahu dēleewar diya. **31** Amma chireethleng na nda ənda hai ya tənun fərkəkafek tə ndaarha Yeeso ni Kərəsti,

Wan Faara. A hu ferkakafekkid nun a ndaghən, nun a wal yibrha ahu thləmnggən.

21 Tsəbaku kyadna Yeeseo fadghən a fatsahayighən a mii wutambar Tibariya. Katəraghən hai kiya. **2** Nda Siman Mbiturus, tə Toma na nda aarha Mudarha, tə Nataniyel bağha ba a Kaana yi Nggalili, tə wangya Dzabadi, tə fīngya fatsahaya səri, kanda heu a mbərha tal. **3** Tərgħa ndagħa Siman Mbiturus, “Dəni ka təmnda də.” Ndagħa fīngya fatsahaya, “Kan ma nan a dərha də a samadwa.” Wii nda, tərə nda hu kombuwol hai. Amma a fədikdi mbə 'yasə kəs na nda wa. **4** A tsar kərət, ishgha Yeeseo a mii kəkəshbangnda, amma fatsahayighən kukwalang ngwa nda hai təwunni wa. **5** Tərgħa ndangħa Yeeseo kanda, “Wundəlaya, tənə sə a haar nun wa?” Nggərang ngganda sə, “Awo.” **6** Ndagħa Yeeseo kanda, “Muwa man panggam nun hai tə man yisəmad kombuwol di nun a waala.” Nanən kee muwang ngganda hai kəla ndang na Yeeseo kanda, kəs tənə nda mbang ngwa nda kahang nda ahur kombuwol da ba wa kəsər ka hang nda tənə. **7** Tərgħa tətəhaddi nggəmna Yeeseo kaan ndanggən Mbiturus, “Chinəm ni!” Hərəmna Siman Mbiturus səkrha, “Chinəm ni,” kalanggən luwudghən kəsər kalang da hai. Tərgħa pərgħa ahu aamda hai a mii kəkəshbangnda də. **8** Fīngya fatsahaya dənda man patu də tsau tə kəkəshbangnda ahu kombuwol. Na nda a kahang panggam da sə na lələgda tə tənə. Kəsər mba nda inggun tə chehweerha wa, kəla thlətta saara haru kumnggitghən mahan. **9** Səl na nda kəkəshbangnda də, na tsal waarha nda a mbədi tə tənə a tenggən tə kəm mburodi. **10** Ndagħa Yeeseo kanda, “Bama ba tə fīngya təngya kəs nun kukuling ya.” **11** Tərgħa Siman Mbiturus kyagħa hu kombuwol hai kahanggən panggam di a mii kəkəshbangnda də. Nəghən lələgda tə təngya na məmanggən haru tal tə kumnggit tuf kap mahan, heu tə hang nda tənggini thluwus wa panggam di wa. **12** Ndagħa Yeeseo kanda, “Bama ba bun həb ənnarhami.” A hur fatsahayini mbusə ndengga yidghən tsahang mee nən, “Wunni sa wa?” Kəsər səndasə Chinəm ni. **13** Tərangħa Yeeseo mburodi sə fəranggənən kanda, ənagħa kee tə təndi kəm. **14** Nanənya sar Yeeseo yi mahan ni nən naarha kyad fadghən a fatsahayighən a kwasamaddi thleng nanda sə ahu mərə. **15** A kwasamaddi ngwalang

nanda həb ənnarhami tsahangħa Yeeseo mee Mbiturus, “Siman wan Yahaya, nggəmna nggi ma fīngyayini ya wa?” Nggərangħa Mbiturus sə, “Ha'i, Chinəm, sənnasə tafadwa nggəmdi sa.” Ndagħa Yeeseo, “Fərang ənnarhami wan chaurayina.” **16** Nggərgħa Yeeseo tsahang mee yi səri, “Siman wan Yahaya, nggəmna nggi wa?” Nggərangħa Mbiturus sə, “Ha'i, Chinəm, sənnasə tafadwa nggəmdi sa.” Ndagħa Yeeseo, “Lafu chaurayina.” **17** Nggərgħa Yeeseo tsahang mee yi mahan, “Siman wan Yahaya, nggəmna nggi wa?” Səbgħa hur Mbiturus də ka tsahang na Yeeseo mee yi mahan aten ndaarha, “Nggəmna nggi wa?” Ndaggən, “Chinəm sənnə əngya heu, sənnasə kəm nggəmdi sa.” Ndagħa Yeeseo, “Fərang ənnarhami chaurayina. **18** Niya puro kəkafek, a sayiddi nana wundəlarha, na ngwarha fa dənə a mbərha də na midwa, amma a suhur na, na harang haar yiwa sə nggowa niifa fa dəgha tə sa a mbərha də mbuwa na midwa dərha saadə.” **19** (Thləkna Yeeseo ndən kee ka a kyad tur kwaman da nən na Mbiturus a mərə sə ka mananggən thləm Faara.) Tərgħa ndanggən, “Mbuwu samanna.” **20** Kyahargħa Mbiturus hai na tətəhadda nən nggəmna Yeeseo kaan a mbu samad ndan. Yanda ni təngsangħa Yeeseo fa a sayiddi na nanda a həb ənnarhami yi Wutsəfayid Tədaarha tsahang nən mee Yeeseo, “Chinəm wunni na a fər sa?” **21** Nana Mbiturus ndən, tsahang mee nən Yeeseo, “Chinəm, niifdiya wu?” **22** Nggərangħa Yeeseo sə, “Ana minna sə malang nggi tə yibrha ta far wuttənə ba, ma njidowa? Sa mbuwu samanna.” **23** Tərgħa laḅardi ya welgha də a mii fa takkwaya Yeeseo tə ndaarha tətəhaddi ya mbə a mərə wa. Amma ndawa Yeeseo mbə a mərə wa, 'ya ndanən, “Ana minna sə malang nggi tə yibrha ta far wuttənə ba, ma njidowa?” **24** Tətəhadda ni ya, nagħa ənggini heu, chirethleng nən hai tə kəm 'ya ndanən kəkafek ni. **25** Na fīngya əngya sə hangħa ənana Yeeseo. A ndam chirethleng nda kanda hai heu, kam mbə kəshiirha mbang kəs deleewar yina ha chirelth nanda wa.

Tar fathlängya

1 Tiyafulus ahu deelewar na 'wani chirethleu dā chirethleu di änggina hai katēra na Yeeso ənaarha heu tē tsahadghən ha, **2** ta fardadē tərang nanda talara dā kapa na nda tərang nda talara dā kalang dā fathlänggighən sē tē thlarra Səsəna tē Pədānda. **3** A hu bēndi kumnggit fadā a kwasamaddi tawang nanda dā kyaddē fadghən a fathlänggighən sayi-sayi tē kəm ahu kwamangya hangga kyadāng nən ndaarha kanda nəghən tē yibrha fa. A hu benggini ya pərang dā labāra kanda aten kutəryid Faara. **4** Ndəghən baldē tē kanda ahu sayiddi na nanda a hēb ənnarhami ndanggən kanda, “A mal dūn Urshalima wa kəl a thlənang Pəpa əndi kun ba ndanən. Dalama teena hai 'wadi pərang əndi kun ya. **5** Ənagha Yahaya mbaptisəma tē aama, amma ahu bengya na bayi tē Səsəna tē Pədānda na nda a ənang mbaptisəma kun.” **6** Tərgha wumngga fathlänggighən hai a thləmadghən na nda a tsahang mee ha “Chinəm na a kal Isərela hai nanənya nggərgha wudang kutəryirha kan ha wa?” **7** Ndanggən kanda, “Faara katenggən ndəna tē səsəmda əna bengya, amma fərang ngwanda kwaman səndəghən kun wa. **8** Amma a bad Səsəna tē Pədānda aten nun ba kun nagha ndən tē yid nun, nun a wal səsəmda na a pər labar na nun a fiya ko a yanggi ni a Urshalima, tē chehweed Yahudiya, tē Samariya dəgha ta mii ngwala kəshiirha dē.” **9** A kwasamaddi thləknən ängginiya, tərang ngganda talara sē, kanda a kəlang nda, timngga hu hashmbe dē. **10** Nana nda a tutuk yirha talara dē ka a naghən nda. Kula səndə ndan sē kəla nda hai nafiya səri tē lukkyā fa pəpet kəkət nagha a pathlang ndan. **11** Ndangganda kanda, “Nafiya Nggalili, kama na nun kəkət a kəlarha talara dē? Yeeso tərang nda ma kun dənda təghən talara dē. A fara səmən kəm kəla nanun ndən a wiirha, nən a nggər wutta ba kee!” **12** Fa thlängya Yeeso na nda a wumnda dəfya Dzaitun katərana ənda hai ya, wuda nda Urshalima dē na iundəghən takh dē a səl mel tal. **13** Tərgha kya nda hu kənda dē tənna nda aten shadghən nana nda sē tē tsaurha. Kulo thləm nafini ya na a mbədi: Mbiturus, tē Yahaya, tē Yakubu, tē Andrawus, tē Filibus, tē Toma, tē Mbatalomi, tē Mattiyu, tē Yakubu wan Halfa, tē Siman (təsərək chehweedghən) tē Yahuda wan Yakubu. **14** Wuma nda hai heu na nda

naarha hwan Faara, tē fingya nishya hangga, heu tē Mairamu man Yeeso, tē wan mangya Yeeso həshya. **15** Na fardā sē wumna fatakkwaya Yeeso hai takh nda a səl haru tē kumnggit səri, tərgha Mbiturus thliigha sē ndaagha: **16** “Wan manggina, kamdē a ləghədgha 'ya ndana deelewar Faara aten Yahuda, dəgha dē tē fa kəla Kən Faara ha na manggən ka a kəsang ngganda Yeeso. 'Wad Səsəna tē Pədānda thləkkən kətəm a mii Kutəra Ndauda. **17** Yahuda nəghən tal ahur nəm, yi wurna nda ka əna tar dā nəm ya təghən.” **18** (Yahuda hiidē heerha tē wudəbəl di thlənən ka thlərbuyidghən, mukka hai tē man tenggən, dalthgha hurghən kyagha hadighən kəshi. **19** Labar mərəghən weldā dē kəkar a fiya heu na a Urshalima, dəfang thləma nda mbədi tē mii Aramaya “Akeldama,” ndaarha ni “Pəpal Fara.”) **20** Dəgha Mbiturus mbeedē tē ndaarha, kəsər nəghən chichireethlee hai hu deelewar Dzabura tē ndaarha, “Ngwa tsauka wurighən kwadwure; ko niifa ahurghən tē tsaurha tē kəm, Ngwa tərangga niifa pak mamnggitghən.” **21** “Tsaunən kee, tətani a wur niifa nəm na a tsaurha a mbəd Yahuda. Tətani kəm niifa ni na narha tē kəm ka a sayiddi heu nanəm tē Chinəm Yeeso. **22** Ka a fardi ənang na Yahaya mbaptisəma ta bagha fardā ba tərangna nda ma thləman nəm dənda təghən talara dē. Kala niifa wur nəm nən a wum teena tē kəm hu pər labar thlid Yeeso sē ahu mərri.” **23** Aah thləm nafiya nda səri: Yisufu na thləmnggən Mbarsaba na nda aarha kəm Yustus tē Mattes. **24** Tərgha hwan Faara nda aten niifa kamngga a wura nda, ndaa nda, “Chinəm sa səngga hur nafiya heu, ahur nafini səri ya kyadāng yandi kan wur nana, **25** a tsauka tē thləndəwa a megheed Yahuda tē thlərbu ahu tar wa, kəsər kardē kan fa dəgha mbədādē kamangga fa.” **26** Tərgha əna wura nda aten ndan, wur Mattes nda tsauka tē thlənda Yeeso tē fingya na kumkap tal.

2 A far wutsəfayirha na nda aarha pentikos, wumngga fatakkwaya Yeeso hai a mbərha tal. **2** Kula səndəndan sē sək fad 'ya nda a riirha kəla bəreu 'yaara a fərahk əmshi hai lədānggən wuridi nana nda sē tsətsau. **3** Tərgha na 'ya nda kəla sheneu waarha kyagha sē a pathlang ndan a ndəkrhadē tē kəm tərgha ten nggindan hai. **4** Lədāngga Səsəna tē Pədānda kanda heu tē kəm katərang ngganda ndikrha hai tē fingya miiya dədamən-dədamən, kala yandi fərangna

Səsəna tə Pədənənda kanda. 5 Yahudaya na a Nadzarat niifdi kyadang na Faara kun tə ndaarha tərəm Faara, bağha 6a ahu chehweeya dədamən ka niifani, ənadə ənwuteengya məmanggən tə na nda ahu Urshalima a sayiddi. 6 Sək na fiya ənsakhkya ahur nun kun tə altennun səndunsə. 7 wumngga hai riirha əndi kee, tərgha daa nda 23 Faara fərgha niifdiya a kun tə səndəghən, 6a ka 6a nda na əndi katəragha hai. Kəsangga kun kəm tə thlarra fa mbəfəeya bəlanggun ənwulteena kanda kəsər ko wunni səkdə kanda tə taurha də aten kadiirha. 24 Amma Faara a ndikrha tə miyi ndan a mii fatakkwaya thleng də sə ahu mərri tə kəm thliidə sə tə hangga wumngga hai. 7 Əna ənwulteena nda, yibrha, kəsər mbə mərri mbang kəsgən ha tsakhmee nda, “Nafini heu naa a ndikrha ya, a kwarha wa. 25 Ndauda kəm thləkdə pathla mbər Nggalilaya ni wa? 8 Kəkən kəm kowunni atənggən ndəghən, “Nadi Chinəm kətsar a thləmanna. Kəsər nəghən a yisəmanna, mbi ahur nəm a sək 'ya nanda ndikrha tə miighən? tərəm nda wa.” 26 “Nanən kee, na hurna a 9 Kulo kan kəm ya Fartiyaya, tə Mediyaya, tə ləghəttə tə wutsefayirha, Tə kəm na miina a Elamayaya, tə nafiya chehweed Mesofotamiya, falghən! Na fanna a yibrha tə mbərsaarha. 27 tə Yahudaya, tə yi Kafadokiya, tə yi Fantus, tə Kəsər mba mal nggi ahu kwad mərri wa, Tə yi Asiya, 10 tə yi Firijiya, tə yi Famfiliya, tə yi kəmdə mba nggəmfə tə Pədənduwa məthgha Masar, tə kəm yi na tsau tə chehweed Libiya wa. (Hadēs 986) 28 Kyadenna kwaman yibrha, dəgha Sayirin də. Rongya bağha 6a a Roma, Na ləgdeerha tə mbənafa a thləmad wa.” 29 11 Yahudaya tə kəm fingya kyahargha hai na Kun wanmanggina numama aten əndiya, mbə takkwa Yahudaya Kərəstaya, tə Larabəya. Kəm Ndauda a ndikrha a altənggən ahu palthdi heu səkdəm nafiniya a ndikrha tə mii nəm ndani ya wa, kəsər mərdə pangganda, tə kəm aten əngya na məmanggən ənana Faara! 12 ten kwadghən bəlgən a thləmannəm. 30 Amma Kanda heu na ənwulteena nda tsangga teena nanən ndəghənggi annabini tə kəm sənda sə kanda, tsahang mee nda fandan, Tur mani ndangga Faara har tə dəf mee, tə ndaarha nən ya?” 13 Amma fingya na ahur fiya wumngga a tərang niifa ahu chichiyyighən tsawanggən hai na nda a waa farha ndaa nda, “Kanda ahu tsənggam nggən. 31 Nana Ndauda əndi heu tərangna mbaala kanda in!” 14 Tərgha bağha katərarha hai a mbəe thlək pathla nən Mbiturus thliighasə tə fathləngya kum kab aten thlid Kərəsti sə ahu mərri tə ndaarha taldi, tərənggən uradghən sə ndənggən fiya mal wa ndan hu kwarha wa tə kəm mbə thlu wumngga hai, “Kun heu kaama thləmaarha hai fadghən a məthla wa. (Hadēs 986) 32 Faara thleng ngga, wanmanggina Yahudaya tə fingya na tə də Yeeso sə ahu mərri kəm heu na dəm ndən tsaurha a Urshalima! A sahad dūn aten əndiya kəkafek ni. 33 Nanəya fərang nda mbəd tsaurha tərang mbaala kanda teena. Mbə kəkafek ni yi tsənggam mamnggirha a talara a yisəmad wa! Tsar ni 'wan ya. Mbə mbaala tərang fiya Faara. Kəla ndana Chindi nən a fərang Səsəna teena a tsar kiya wa. 16 Awo, 'ya nanun a fərang tə Pədənda, fəranggənən kan kəm ndəghən fiya 'wad annabi Djoyel thləkkən kətəm.” 17 bəngga əndə 6a nun a naarha tə səkrha a “Ndagha Faara, a mii ngwala kəshiiirha, niya weeriya. 34 Kəsər Ndauda tafadghən 'wawa təra fərang Səsəna fiya heu. Wangginun nda həshya talarə də wa, amma ndəghən, Chinəm ndənggən tə nishya na nda a thlək 'ya ndana Faara, China, “Tsawu a yisəmanna. 35 Kəl a tsawang Wundəlayi nun na nda a na əngya kyadang ni di fa tsənggiwa, A kamu saryi wa.” 36 “Nanən kanda, Tə kəm shinggi nun na nda a səsəniirha. kee, ngwa tsauka tə sənda ko wunni a Isərela tə 18 Ko aten mafayina ni nda nishya tə həshya ndaarha Faara ənagha Yeeso diya tawang nun heu, Niya fərang səsəna kanda ahu bəngginiya, də a tsauka ndəghənni Chinəm tə kəm Kərəsti.” Tə kəm nanda a pər 'ya ndani. 19 Niya kyad 37 Səkna nafini ləbardə ki Mbiturus tsuwar hur ndan nən fa, ndəngganda Mbiturus tə fingya fa ənwulteena hai a frakh amshi, Tə ənsakhrha thlənggini, “Wan manggina ma nan a ənaarha?” hangga a hweede, Fara tə waarha, tə kəm 38 Nggərangga Mbiturus kanda sə, “Kowunni hashmbe tə ine na tikdik. 20 Na nda a tsawang ahur nun tətani a malənggən dimiyidghən yanfaara wula, Ndəre kəm tsauka yiḃə kəla fara, kyahargha thləmad Faara 6a, ənang mbəptisəma Kapa na mamnggit far Chinəm bərha 6a. 21 Kala nda ahu thləm Yeeso Kərəsti yi chakh dimiyirha, niifa aagha thləm Chinəm, Nən wal hərəkra.” tə nun wal fərri Səsəna tə Pədənda. 39 Thləkna 22 Nafiya Isərela, kaama thləmarha hai! Yeeso tə

nda pathdiya ka kun tē wangginun tē fīngya mbuwa wa Yahudaya tē nafiya na Faara a aarha 6a kēm.” 40 Yiyang thlōmaarha nēn kanda teena; tē fīngya pathya hangga tē kēm hwan kanda nēn, “Hērgħa man fannun ahu kēshiid weeriya yi mbēlfeerha.” 41 Fīngya thlēgha palth Mbiturus kēm ānang mbaptisēma nda kanda, a fardiya chik nda tē fiya fērgħa kākafek takh nda a sēl haru kumnggitghēn mahan. 42 Wum teena nda tē fīngya fatakkwaya Yeeso, dēf teena nda tē tsahad fa thlēngya Yeeso ha tē tsau dēdemnggirha tē ndan hu kyang nda mburodi hai tē hwan Faara. 43 Ko wunni tērēm Faara nēn, kēsēr fathlēnggini a āna ānwuteengya hangga. 44 Fa takkwaya Yeeso tsawa nda a mbērha tal ndēghang ngganda ānggindan hai na nanda tēghēn ha heu. 45 Heng ngganda ānggindan dē ndēghang wudēbēlghēnda a fiya na tē billarha. 46 Ka fad dāthla mbērha fa hai na nda dēfang shilee Faara teena ahu Kēn Faara na a Urshalima. Na nda narha wumnda hai ahur wurayindan na nda a kyang mburodi hai hēb ānnarhami nda tē wutsēfayirha tē hura tal. 47 Na nda narha fal Faara nagħa shili ndan sē a fad fiya heu. Ka parra fara fa na Chinēm narha chighang fīngya kanda walgha hērēkrha. Na nda narha fal Faara nagħa shili ndan sē a fad fiya heu. Ka parra fara fa na Chinēm narha chighang fīngya kanda walgha hērēkrha.

3 Na fardā sē nda Mbiturus tē Yahaya kanda diye a Kēn Faara dē na manggēn a sayid hwanda na fiya ānaarha yi yarra yanfaara hai. 2 Ndusang nanda Kēn Faara fa na a Urshalima, na niifa sē sēfēnda ka nggātēghēn hai na nda narha dēfang nda a kwatkirēm Kēn Faara na manggēn na nda aarha “Kwatkirma na ngga,” ka nagħa a hwanang nda fiya na kyarha a pēpal Kēn Faara 6a na manggēn. 3 Nanēn nda Mbiturus tē Yahaya takh nda a kyarha Kēn Faara dē hwanang wudēbēla nēn kanda. 4 Nda Mbiturus tē Yahaya irang yirha nda fa, ndangga Mbiturus, “Kēlang kan!” 5 Sēfēndēdi kēlanggēn kanda ngga na midghēn sē a fērang wudēbēla nda. 6 Amma ndagħa Mbiturus, “Mbē wudēbēla sē a haar na a furoyi wa. Amma 'ya nani tēghēn ha ndēn niya furorha. A hu thlēm Yeeso Kērēsti tē Nadzarat, thliu sē wiinal!” 7 Tērgħa Mbiturus kēs hargħēn nēn yisēma, thlēnggēn sē. A mbēdi tsu saryighēn tē kukwathladghēn nagħa kanglēng. 8 Thliigha sē harat ishgha kēt

tē saryighēn. Katēranggēn wiirha hai, kyagħa kēn Faara dē tē kanda nagħa a wiirha hai tē pēra sē, nagħa a fal Faara. 9 Fiya heu nagħēn nda a wiirha hai ndēghēn a fal Faara. 10 Kanda kēm kukwalang ngganda hai ndēghēnni na tsaurha a mii kwakirēm Kēn Faara na manggēn, na hwanda wa, tērgħa ānwulteena kēsānggēn kanda, ka āndi naa nanda. 11 Na sēfēndēdi tsēb tē Mbiturus tē Yahaya ha, fiya heu kēsāngga ānwulteena kanda mbēna nda thlēmandan 6a a mbērha dē na nda aarha Mēthlēm Sulemanu. 12 Nana Mbiturus ndēn kee, ndānggēn kanda, “Nafiya Isērela, kama na teena wulang kun kee? Kama kēm nun a kēlang kan kēla tē sēsēmnda alten nan ni nduwa ka takkwa nan Faara ngga ndēn ānagħa ndēn na kamshidi a wiirha ya wa? 13 Faara yi Ibrahim tē Ishaku tē Yakubu, Faara yi chichiyinēm ndēghēnni manangga mafadghēn Yeeso ndēn kēnangga niifdiya. Yeeso dani fēr nun ka a bēlang ngganda, kar nun a mbed Mbīlatus, na midghēn sē kwang a kalghēnēn hai. 14 Kardun tē Pedēnda tē, tē nggayirha fa, a megħedghēn kadā kalla niifda nun hai na bēl farha. 15 Bēlanggun tē fēr yibrha, amma thlēngga Faara sē hu mērra. Kan ni kēm nagħa ndēn!” 16 “A hu fērēkākafekirha hu thlēm Yeeso, ndēn walna niifdi kēnda ya, kun kēm 'wadun teena sēndun sēfēnggidghēn sē. Fēr kākafek hu thlēm Yeeso ndēn kēnangga a yid nun.” 17 “Nanēnya shayina, sēndisē 'ya āna nun kun tē mamnggid nun a Yeeso ka yamid sēnda ni. 18 Amma Faara nēghēn a lēdang nda āngya ndana annabiya aten Kērēsti tē ndaarha nēn tēta ni na sēsarha aten āngginiya. 19 Nanēn ya malaman dimiyid nun, kyakħrun a thlēmad Faara 6a, tēna nda tsabang dimiyid nun dē. 20 Na fargħēn bāyi bāna Chinēm hunang hur nun hai. Nēn a nggēr thlēnang Yeeso kun hai, Kērēsti wur nēn. 21 Tētani a tsauka a talara, pa bagħa sayid dāfa nanda a wudang ānggina 6a heu ndana Faara a mii annabiya tē pedēnda kētēm.” (aiōn g165) 22 Ndagħa Musa, “Chinēm, Faara nun nēn a thlēng annabi kun sē kēla nggi ahur nafi nun. Kaaman thlēmarha fa ahu āngya nēn a pērang kun heu. 23 Kala niifa kargħa kang thlēmarha annabi dā fa ya na nda a ndēghang hai tē nafiya Faara.” 24 Ka aten Samaila 6a, annabiya heu thlēk nda ānggini na a katērarha hai a weeriya. 25 Kun chichiya annabi yina ni, nuwun sē kēm ahu dēf mii di ndāngna Faara chichiya nun. Kēsēr ndangga Faara Ibrahim, “A fad chichiya

na nafiya kashiirha a wal parka.” 26 “Thleng na Faara mafadghən sə, ‘waghən thlənanggən kun də Isarelaya, ka a fərang parka nən kun, kyakhrang nən kun 6a ahu tar dimiyid nun.”

4 Nana Mbiturus tə Yahaya a kalang fiya sə, fīngya firistaya yi Yahudaya, tə mamnda fa kəla Kən Faara ha na manggən, tə fīngya sadukiya 6a nda wal kanda. 2 Mamnggini ya billad nda kaan ka nana Mbiturus tə Yahaya a tsahang fiya ha tə ndaarha ahu thlēm Yeeso na thliirha sə tə yibrha ahu mərə. 3 Kəsang ngganda kanda, nanən tsə figrha hai muwang ngganda kanda a kəndə kəl a tsar. 4 Amma fiya hangga səkka laḅar ndan fər nda kəkafek, chikka hang nda həshya takh nda a səl haru kumnggitghən tuf. 5 Dalthna mbərha hai mamngya Yahudaya heu tə shingya tə fa maləmngya ngyakhrha wuma nda hai a Urshalima. 6 Hanana mamnda firis na manggən a mbədi, tə Kayafa, tə Yahaya, tə Aledzanda, tə fīngya hurfaya firis na manggən. 7 Kyang ngganda nda Mbiturus 6a tə Yahaya tsahang mee nda kanda, “Tə tur yanggi səsəmnda, nduwa kəm tə thlēm wun ənənun əndiya?” 8 Tərgħa Mbiturus lələgdə tə Səsəna tə Pədənda ndanggən kanda, “Kun mamngya tə shingya chehweed nəm, 9 nun a tsahang mee kan ka əna nan ‘ya ngga aten səfəndədi ya wa? Na min nun sə a sən kwaman də nun walnən kənda wa? 10 Ngwa pərang nggəni kun a pəpəl tə nafiya Isərela heu, tə ndaarha wal nən kənda tə səsəmnda thlēm Yeeso Kərəsti tə Nadzarat. Niifda ni tawang nun də, thleng na Faara sə ahu mərri. 11 Laḅar Yeeso ni thlək na nda ahu dəleewar Faara, nda nən, Fərdi kar na fa təngya, ndən tsauka fər sar kənna. 12 Mbə wal hərəkrha sə a ki niifa pak wa! Mbə thləma sə ahu kashiirha fər na nda a fiya, nəm wal hərəkrha sə wa.” 13 Wulangga teena mamnggini ka nana nda həhəsyid nda Mbiturus tə Yahaya. Sənda sə kəm fathlənggini səri ya pakhtəduya ni, karatawa nda wa. Dəl teena nda hai kaar na nda tə Yeeso. 14 Amma na nanda a na niifdi kərang nanda kət a thləman ndan, mbə ‘yasə na nda mbang thləkrha wa. 15 A mbədi kee ndang ngganda nda Mbiturus tə Yahaya a mal kənda nda. Tərgħa kokhnayini ndang ngganda ndan, 16 “Ma nəm a ənaarha tə nafiniya? Mbəm ngaala tə ndaarha ənawa nda ənwulteena wa, fiya heu a Urshalima sənda sə kee. 17 Amma a nggər nda

pər laḅardiya wa, tama kəs thləman ndan nəm a nggər nda pər laḅara ahu thləm Yeeso wa.” 18 Tərgħa aah fathlənggina nda 6a ndang ngganda kanda a nggər nda kala sə tə kəm tsaha nda ha ahu thləm Yeeso wa. 19 Amma Mbiturus tə Yahaya nggərang ngganda kanda sə ndanda, “Tamnggun ndaarha na mid Faara sə a fərang mamnggirha nan kun ama ndəghən wa? 20 Mban tam malang pər ‘ya na nan tə sək nan wa.” 21 Nggər nanda yiyang thləmaarha kanda teena, kal kanda nda hai. Wulangga kwamana kanda na a tsətsəl kanda nda, kəsər fiya heu kanda a fal Faara aten əndi kataragħa hai. 22 Niifdi kərang nanda tsauka ənwulteena huradghən kaldə kumnggit fədə. 23 Kal na nda kanda hai, Mbiturus tə Yahaya dənda thləma fīngya fatakkwaya də pərang ənggina nda kanda ndana mamnda firistaya tə shingya. 24 Sək nanda palthdi, tərangga fatakkwayini urad ndan sə ka a hwan Faara nda, ndaa nda, Chinəm sani na tə ngyakhrha ha ənagħa talara tə hweede, wuri aama tə kəm əngya heu na ahur ndan. 25 Ka kətəm thləkna pathla Səsəna tə Pədənda tə mii mafadwa Ndauda na chichid nan, tə ndaarha, “Kama na nafiya mbuwa Yahudaya tə səbrha hura? Kama na nda a mbəttə hai aten numad əngya ka? 26 Kutərya kashiirha ngwanda fa ka yanda, Wum kutərya hai na nda a tsan Chinəm tə Kərəstidghən.” 27 Hirdus tə Mbuntus Mbilatus tə fiya mbuwa Yahudaya tə nafiya Isərela ahu wupəri diya wumang nda tendan kar nda mafadwa Yeeso tə pədənda, wurna na. 28 Kəkafek, kala ‘ya əna nanda nəghən tə sənduwa kəla ndana ka kətəm nən a kətərarha hai tə səsəmnggit wa tə nggəmduwa kəmda. 29 “Nənənya, Chinəm suwu mbəlfed ndan, fərang kanlanggirha kan mafayiwa na a pər laḅar wa nən. 30 Pəpərang harwa də yi səsəmnda kənda, tə kəm yi əna ənwuteengya ahu thləm mafadwa Yeeso tə Pədənda.” 31 A kwasamaddi hwan na nda Faara, mbədi na nanda sə rəbgha fa, na nda heu lələgdə tə Səsəna tə Pədənda. Tərgħa pər laḅar Faara nda tə kanglang nggirha. 32 Fatakkwayini heu hur ndan tə numad nda tal ni. Tə kəm ‘ya nana nda təghən ha mbə niifa ndaarha yighənni katənggən wa, na nda ndəghang nda ənggindan hai a pathlang ndan. 33 Fa thlənggini tə səsəmnda pər nanda laḅar thlid Chinəm Yeeso sə ahu mərri, mamnggit nggayid Faara nagħa aten kowunni ahur ndan. 34 Mbə yamirha sə a fandan wa, kəsər nafiya

na tē pēpalya tē wuraya ha heng nda kanda dā 35 6a nda 6a tē, tē wudābēldi fēranggēnda fathlēngya ndāghang nggēnda nafiya mbuwa tēghēn ha. 36 Kēla, Yisufu, na fa thlēngya aarha Mbarnaāba, ndēna wan tē shik farha. Tē Lawirha ni bāghēn 6a a Sayifurus. 37 Na pēpal ghēn sē henggēn dā bāgha 6a tē wudābēlghēn fēranggēnēn fathlēnggini ndāghang nggēnda nafiya mbuwa na 'ya sē a har ndan.

5 Na niifasē thlēmmggēn ni Hananiya, thlēmmukkun kēm Shafratu, henggēn pēpal dā. 2 Tē sēnda nukkun sē, bēbēe nda ha ahur wudābēldi a altēnggēn. Amma bāgha 6a tē tahadghēn dēfanggēn hai a mbed fa thlēnggini. 3 Tērgħa ndagħa Mbiturus, “Sa Hananiya, kama nda na malang nda Sheetan kyagħa hurwa hai, na nggābāng nda Sēsēna tē Pēdēnda fa na bēbēng nda tahad wudābēl heddi a alten wa. 4 Kapa na hengdē mbē yiwa ni wa? A kwasamaddi heng nadē kēm, wudābēlghēn mbē yiwa ni ēna taara na sē kēla na midwa wa? Kama na ēna ēndiya kee? Mbē kanni nggābāngna fa wa, amma a Faara ni.” 5 Sēkna Hananiya pathdiya, fēlgha hai mērgħa, nafiya heu sēkka ndēn kēm kēsangga hērenga kanda. 6 Thliigha wundēlaya 6a fadāng nggēnda tē kabād pa mērra tēranggēnda dā nda pang nda. 7 Tsēbaku kyagħa nukkun 6a, kula ndāghēn sēn ēndasē katēragħa hai. 8 Tsahangga Mbiturus mee, “Pērekēn, sa tē Hananiya ēnda wal nun ahu pēpaldi heng nun dē?” Ndāghēn, “Nēghēn kee.” 9 Tērgħa ndangga Mbiturus, “Kama nun numa 'ya kiya wumanggun mee ka a kēkēranggun Sēsēn Chinēm? Kulo! Sar nafini pangga chimadwa a kwatmindā, nanda a tērorħa kēsħaadē kēm.” 10 A mbēdi tsu kee fēlgha hai a mbēndan mērgħa. Bana wundēlayina 6a, 6a nda walghēn mēmēra tērang nggēnda kēsħaadē dā nda pang nda tsau tē chimadghēn fa. 11 Kēsgha hērenga fatakkwaya Yeeso heu tē fīngya sēkka labardi. 12 Fa thlēnggini ēnanda ēnsakhkya tē ēnwuteengya hangga kyadgha sēsēmnda Faara. Fa fērkākafekkya kētsar na nda naarħa wumnda hai ahu Kēn Faara na manggēn a mbērhā na nda aarħa, Mēthlēn Sulemanu. 13 Mbē niifa sē a kēsħi na midghēn wum teena tē kanda wa, ko nanēn fiya a fērang mamnggirħa kanda. 14 Hēsħya tē nishya hangga katērang nggēnda fērkākafek hai a Chinēm. 15 Kēsēr ka ēnwultēnggini ēnana fa thlēnggini, nagħa fiya a kyang haaya 6a hunang nggēnda kanda hai

a mii kwamana fīngya ahu sērya tē dēnggēlyā tēna shishingnda Mbiturus bārħa ten fīngya 6a a na dē a mbēradē. 16 Fiya hangga wumngga hai bāgha nda 6a ahu talya na tsētsau tē Urshalima fa, kanda a bārħa 6a tē haya, tē fīngya na tē ēnkaheeya fa, kanda heu wal nda kēnda. 17 Tērgħa firis na manggēn tē nafiyighēn heu na nanda tē kanda, nafiniya Sadukiyaya ni na nda a sērgħang fathlēnggini fa. 18 Kēsang nggēnda kanda, muwang nggēnda kanda ahu pōrsēna dē. 19 Amma a fidikrħa bāgha tēthlēnda Chinēm 6a inanggēn kwatmingya pōrsēn dā dē, kyanggēn kanda hai. Tērgħa ndanggēn kanda, 20 “Daama ahu Kēn Faara dē na manggēn dūn pēr labar weerēnda yibēddiya a fiya!” 21 Dālthna mbērhā hai, fathlēnggini kya nda ahu pēpal Kēn Faara dē na manggēn kēla thlēghang na tē thlēnda Faara kanda. Katērang nggēnda tsaharħa ha. Firis na manggēn tē fīngya nanēn tē kanda aah kognaya nda 6a heu tē shingya Isērela. Tērgħa thlēn farħa nda ahu pōrsēna dē dā nda bārħa 6a tē fathlēnggini. 22 Amma sēlna nafina dē thlēn nanda dūwa nda wal kanda a kēn pōrsēndi wa, wudā nda thlēmad mamnggina dē ndaa nda 23 “Dē dān dē dān wal kwatmin pōrsēndi chicha, fa kēlaya ha kēkēt a mii kwatkirēm di. Amma inang nan hai kyanan sadē, walwan niifa sē wal!” 24 Sēkna mamnda fa Kēn Faara ha tē mamngya firistaya kee, tērgħa wulangga teena kanda tēna mii ngwala ēndi a ēnaarħa kēn ya. 25 Tērgħa bāgha niifa 6a ndanggēn kanda kulo nafini muwang nun kanda ahu pōrsēna dē kēkēt a pēpal Kēn Faara na manggēn kanda a tsahang fiya ha. 26 Tērgħa mamnda fa kēla Kēn Faara ha tē nafiyighēn dēnda dē ka a dānda bārħa 6a tē fa thlēnggini. Amma mbē tē kanglēnggirħa wa, kanda a tērēmnda na dē fiya muk kanda tē ferya. 27 Tērgħa 6a nda 6a tē fathlēnggini isħa nda a mbed kognaya ka a tsahangga mamnda firistaya mee kanda ha. 28 Ndanggēnda kanda, “Yanang dān kun a pēpal tē ndaarħa a nggērdūn tsaharħa ha tē thlēmdiya wa, amma kulo hai tsahang dūn fiya ha hangga a Urshalima, har kun a puwang hakked mērra niifdi kan fa 6a ya.” 29 Amma Mbiturus tē fīngya fathlēngya nggērang nggēnda kanda sē ndaa nda, “Tētani a fērang mamnggirħa nan Faara ama ngyakhrħa niifa. 30 Faara yi chichi yinan thlēngga Yeeso sē ahu mēra, a kwasamaddi bēlang nun ahu taurħa dē aten kadiirħa. 31 Tērangga Faara a yisēmadghēn dē, tsawanggēn mamnda tē kēm

tə hərəkrha, ka a inanggən kwaman chakh dimiyirha də tə chakh dimiyirha a nafiya Isərela. **32** Kan kəm nadan əngginiya kəkafek ni, na Səsəna tə Pədənda kee kəm, fərang na Faara nafiya na sək mighən.” **33** Səknə ndan kee, səbgha hur ndan də kaan na mindan sə a bəlang ngganda kanda. **34** Amma tə farisarha sə ahur ndan na thləmnggən Ngamaliya, təmaləmnəda dəlewar ngyakhrha Musa, na fiya heu a fərang mamnggirha thliigha sə ahur kogna yini ndagha a kyagha nafari kəshaadə 'wan. **35** Tərgəha ndanggən kanda, “Kun nafiya Isəreela, kwarama tə əndi na minnən ənaarha a nafari ya! **36** Huraya mbərgəha də na niifa sə kyagha bə na nda aarha Tudas, tsawanggən altenggən kəla manda niifa. Nafiya takkwagha ndən takh nda a səl haru kumnggit fada. Amma bəlang ngganda, weleng ngganda fa takkwayighən də, tsauka mii ngwalan ndan ni. **37** A kwasamadghən kəm a sayyid thlətta fiya, Yahuda tə Nggalilarha kyagha bə ləm fiya nən fa mbusamadghən nda, ndəghənggima bəlang ngganda, nafiya heu mbuwa samadghən weleng ngganda kanda hai.” **38** “Nanənya, niya pəranggən kun kalama nafina hai ya, malaman kanda wii nda, ana numandan tə tar ndan yi farha ni mbə təra hai wa. **39** Amma ana numandan tə tar ndan yi Faara ni mbə kwamana sə a 'yadənggunun nafina fa ya wa, nun a wal altennun kee a yanda tə Faara.” **40** Palthdi keeghən tsuwardə kanda tərgha aah fa thlənggina nən bə, tsadə kanda nən. Tərgəha ndangganda kanda ma nggər nda ndikrha tə thləm Yeeso wa, a mbəra kal kanda nda hai. **41** Tərgəha thliigha nda sə a mbed mamnggini na nda a na wutəfayirha tə ndaarha tsək nda a səsanda ka thləm Yeeso. **42** Ka fad dathla mbərha fa hai na nda narha dərha a Kən Faara tə kəm kya nda wure-wure na nda a tsaharhaha tə pər labar Faara tə ndaarha Yeeso ndəna Kərəsti wa.

6 A far yini na fatakkwaya Yeeso aten chikrha, tərgha fīngya Yahudaya na a ndik mii Helenaya na a hūhurumnda aten Yahudaya na a ndik mii Aramaya tə ndaarha mba nda dāng nu mər yindan sə hu ndək ənənarhami wa. **2** Tərgəha fathlənggini kumkap sərīdi wumang ngganda fa takkwayina bə heu ndaa nda, “Məməlwə wa na a mal pər labar Faara nəm, kyam hu tar ndək ənənarhami də wa. **3** Nanən ya wanmanggina, wurama həshya məd ahur nun na lələgdə tə

Səsəna tə kəm na tə huteena fa. Nəm a fərang tardī kanda ya **4** kəm dəm mbeedə tə hwan Faara tə tsahad labar Faara ha.” **5** Palthdi thlək nanda mbenanggən fiya heu wumngga hai, wur nafina nda ya: Istifanus, niifa ni na tə fərəkəfək fa lələgdə tə Səsəna tə Pədənda, tə Filibus, tə Mburokoras, tə Nikano, tə Teman, tə Mbarminas, tə Nikalas niif Antakiya mbə tə Yahudarha ni wa amma kyagha hu takkwa Yahudaya hai, nanən ya tsaudə kərəsta. **6** Nafari məd ya kyadang nggənda fa thlənggini hwan Faara nda dəfang haara nda kanda teena. **7** Welgha labar Faara a mbəya də hangga. Nagha fatakkwaya a chikrha kaan a Urshalima, tə kəm firisya hangga yi Yahudaya fərgəha kəkafek tə Yeeso. **8** Istifanus nəghən lələgdə tə nggayid Faara tə səsəmnəda kəm, ənadə ənwultengya tə ənsakhkya hangga ahur fiya. **9** Amma fardə sə fīngya nafiya ahu Kən Faara bə na ngguchit na nda aarha yi fiya hərgəhang nanda kanda hu mafayirha, katərang ngganda ngaala hai təghən. Na Yahudaya sə bəgha bə a Sayirin tə Aledzandəriya tə kəm chehweed Kilikiya tə Asiya. **10** Mbusə ahur ndan na mbang tsan huten Istifanus tə Səsən Faara na atenggən wa. **11** Tərgəha shighang ngganda fīngya fa bəbēe a nggəbang ngganda Istifanus fa tə ndaarha, “Səkdən ndən a ndik labar sar farha a Musa tə Faara.” **12** Thlənggən hur fiya, tə shīngya tə fa maləmnəgya deleewar ngyakhrha Musa. Kəsang ngganda Istifanus dənda tēghən a mbed kogneya də. **13** Nggəbang ngganda fa tə ndaarha, “Niifdiya kətsar nən narha thlək 'ya dīmi aten kən hwan Faara na manggən tə kəm ngyakh Musa. **14** Kəsər sək dən ndən a ndaarha Yeeso tə Nadzarat nən chang Kən Faara hai na manggən tə kəm mbedənggən əntin Musa hai malang nanda kəm hai.” **15** Kogna yini heu irang yirha nda Istifanus fa, kəsər pəmnnggən nəghən a chimnda fa kəla yi təthlənda Faara.

7 Tərgəha Firis na manggən yi Yahudaya tsahang mee nən Istifanus, “Palth yiniya kəkafek ni wa?” **2** Nggəmangga Istifanus ndəghən, “Wan manggina tə chīnggina, keema thləmaarha fa! Faara tə mamnggitghən dədə thləmad chichid nəm İbrahim də ndəghən bəldə a Mesopotamiya kapa nən dərha Haran də tə tsaurha.” **3** Ndagga Faara, “Malang chehweed nggəttəwa tə hurfayiwa, dənna ahu chehweed dədə niya saworha.” **4** Nanən kee

malangga Ibrahim chehweed Kaldiyayini tsauka a Haran. A kwasamaddi merna chin, thlènannga Faara ahu chehweddà ba mbèdi nanun sè tē tsaurha ya. **5** Amma Faara fèrangwa langaarha a mbèdiya wa, ko dèf saara tal yi chehweerha. Dèf Faara miighèn a ndèghèn tē chichiyighèn na báyì a samadghèn nèn a fèrang chehweddì kanda ko nanèn mbè wanggighèn sè wa. **6** Nandangga Faara Ibrahim, “Na chichiyiwa a tsaurha ahu chehweerha pak, èna tar mafayirha nda sèsangganda kanda yi hurarha haru fada. **7** Amma niya sèsang chehweddì kyangga kanda ahu tar mafayirha hai, a kwasamadghèn na nda a kyarha sè fèree mamnggirha nda a mbèdiya.” **8** “Faara kəm fèrang dèf mee nèn Ibrahim yi thlee muwa a fardì. Nanèn tsauna Ibrahim chin Ishaku, thleng muwa nèn a far beena wuvada. Tsauka Ishaku chin Yakubu, tē kəm tsauka Yakubu chin chichiya Isèrela kumkap sèri.” **9** “Kəsər chichiini na nda a sèrghang Yisufu fa, hengganda a Masar dè kèla mafarha. Amma Faara nèghàn tēghèn ha **10** kyanggèn sè ahu billadghèn heu. Fèrang sènda nèn Yisufu tē kəm naghà fadghèn pet a mbed Fir'auna kutər Masar; nanèn kee fadangga Fir'auna tsauka ngwamna hu chehweed Masar tē kəm mamnda ahu wuri kutəryidghèn.” **11** Tèrgha miirha kyagha hu chehweed Masar hai tē yi Kan'ana. Nagha sèsaarha sè kaan, tèrgha chichiyinəm ngwalagha ènnarhami hai a haar ndan. **12** Sèkna Yakubu ndaarha balgha hwarma sè a Masar, thlèn wanggighèn nèn dè dā nda hiirha ba, kanda tsauka chichiyinəm. **13** Wuttè ndan dè yi sèri, Yisufu chalmang fadghènən wan manggighèn, kyadàng wanmanggighèn nèn Fir'auna. **14** Tèrgha Yisufu thlèngga dè a chin, Yakubu, tē hurfayighèn a ba nda a Masar ba, kanda heu kumggit məd kap tuf. **15** Tèrgha Yakubu dègha Masar dè. Mèrgha a mbèdi ndèghèn tē chichiyinəm. **16** Mər yindan tərangganda kanda a Shekem dè pangganda kanda ahu kwaddi hiina Ibrahim a haar wangya Hamor. **17** Nduwusna sayidda ba na Faara a lèdàng nda 'ya ndanèn a Ibrahim, hang nda nàfinəm a Masar chikka kaan. **18** Tèrgha nggèrgha nda èna kutèra a pak a Masar sèngwaa Yisufu. **19** Kutər diya huk dè nàfinəm naghà a ngyabàng nda fa nggètya a muwangganda wufar waya dè nggèt nanda ka a mərə nda. **20** A hu sayiddi nggèt nda Musa, wundakhne ngga a yid Faara. Kèrghəna fa nggètyighèn ahur minda yi ndèree mahan. **21**

Dèfang nanda a kəshaadè, malghènda wutarad Fir'auna təranggən kèrghənən tsauka yighèn. **22** Tshang thladwayid Masarya nda Musa ha heu, ndèghèn nggi kəm nèghèn tē səsəmnda fa hu labara tē ən ènadghèn. **23** Tsəna Musa hurarha kumggit fada, na midghèn sè a weng tala nèn nafiyyighèn, nafiya Isèrela. **24** Na wan tē Masar nèn a dèghang nda tē Isèrela dè. Dègha dè danggèn tē Isèrela dā sè, bəlanggèn tē Masar dī. **25** Tamngga Musa ndaarha na nafiyyighèn a sènda sè tē ndaarha na Faara a èna taara tēghèn ka a hèrghanggèn kanda, amma sèngwa nda sè wa. **26** Dalthna mbarha hai nggèrghèn weng tala kanda faddèn dègha wal Isèrelaya sèri a kanda ndan a yanda. Midghèn sè a ndèghanggèn kanda hai, ndanggèn kanda, “Kun nàfiniya, nuwun a wanmanggi. Kama nda nun a yanda tē ndan?” **27** “Amma yandì na a dèghang nda shadghèn dè puwanggèn Musa man patu dè ndanggèn, wunni tsawowa kutèra nan, tē ngwa kumarha aten nan? **28** Na a bəleerha kèla bəlang na tē Masar dī bərarha wa?” **29** Səkna Musa ndən kee, dāagha mal chehweed dā nən dègha tsau ronggirha a chehweed Mediyan nggèt wangya həshya nən səri a mbèdi. **30** “A kwasamad hurarha kumnggit fada, təthlènda Faara bəgha thləmad Musa dè ahu kəsəa waarha ahu dəfrha ngguchit a kaheerha na tsau tē wumnda Sənai fa. **31** Nanèn ndən kee, kəsgha ənwulteenə ndən a mbèdi. Nduwus nən dè ka dègha kəlang nda, sək urad Chinəm nən, ndanggèn, **32** Ngginì Faara yi chichiyiwa, Faara yi Ibrahim, tē Ishaku tē Yakubu.” Təramngga Musa naghà fadghèn a rəprha fa, nggərwa fadghèn ndang nda a dègha kəlang nda bal wa. **33** “Tèrgha Chinəm ndanggèn, Kədàng paham wa hai, kəsər ishgha a mbəd tē Pedənda. **34** Nadi səsaddi na nàfina a saarha fa a Masar. Səkdì tendan ndən bəni bə a bī hèrghang nda kanda. Nanèn ya dūwa dè, kəsər niya thlən sa a wudana Masar dè.” **35** “Musa dāni kar nanda tē ndaarha, ‘Wunni tsawowa kutèra nan, tē tē ngwa kumad nan?’ Musa dāni thlèang na Faara dè dègha tsaurha kutèra ndan tē kəm tē hərəkrə ndan a mii thlènda Faara kyadàng nən fadghèn ahu dəfəddi kəsgha waarha a kaheerha. **36** Kyanggèn kanda sè ahur Masar tē ənsakhkya tē ənwulteenə hangga ənanən. Kyagha tē kanda tē hur wuri aama na yībā, tē kəm tē hur kaheerha yi huraya kumggit fada.” **37** “Musa tafadghèn ndanggèn nafiya Isèrela, ‘Na Faara a thlèang

annabi kun ba kēla nggi ahur nafi nun.’ **38** Na Musa ahur fiya wumngga hai a kaheeddi, tē tēthlenda Faara ndik dē tēghən tē chingginəm a Wumnda Sənai. Thlādē laḃara ba yi yibrha fərang nən kəm.” **39** Amma chingginəm kar nda sək miighən fa. A megheghən karghənda fa ndaa nda ahur ndan a nggushi wudnanda a Masar dē. **40** Ndangganda Haruna, Tangsang faarya kəm sē na a naarha a mben nəm, kəsər sənggum əndi walgha Musa diya wa kyangga kəm ba a Masar. **41** 41 Əna daharha nda kēla wən thlaarha, ənang sataka nda na nda a əna wut səfayirha a əndi ənana nda. **42** Tərgħa Faara kyahargha ma kanda malanggən kanda na nda a fərang mamnggirha wufəlngaarya na a fərahk amshi tsawa nda faar yindan. A hu dēleewar annabiya nəghən chichirethlee hai, Nafiya Isərela, a nggini nun a bēe satakhkya bā tē ən fərya, Ahu hurayini kumnggit fadā a kaheeddi wa? **43** Awo, nggəmənda hur nun nəghən hu takkwa dāhaa yinun Mbəd paa dāhad Molek Tē wufəlngaar dāhad Rifan, Tē əngya tak sanun tē har nun non a fərang mamnggirha kanda. Nanən kee niya dərha tē kun hu tar mafayirha dē A mbərha dē inggun ma Mbabila. **44** “Chichiyinəm tərang nda cham hwan Faara a kaheeddi. Ənagħa ndan məməl kēla kyadang na Faara Musa. **45** Thlənə nda cham dāḃa, chichiyinəm na a kamu Djeshiwa tahang nda ha bā thlē nanda chehweddī a haar nafini mbuwa Yahudaya rəghang na Faara kanda dē. Tsauka cham dī a mbədī ta thlakh mbəd Kutəra Ndauda dē.” **46** Walgha Ndauda nggayirha a mbed Faara, hwanggənən na a tənang mbəd tsaurha nən Faara sē yi Yakubu. **47** Amma Sulemanu ni təngga ndən. **48** Ko nanən kee, Faara Amshi mbē tsaurha ahur minda tənna niifa tē haarghən wa. Kēla ndana annabi, **49** Ndagħa Faara, “‘Na tsənggam nggina a fərahk amshi, Chehweerha ndənə mbəd dəf sarna. Tsakhka Chinəm mee, Nun mbang tənə Kən Faara sē ngga kee wa? Nun mbang tənə mbəd yibrha sē kee wa? **50** Mbē tē haryi na ni ənani nda talara tē hweede wa?’” **51** “Kun nafiya mbuwa wa sək ‘ya! Na huryinun kakrak mbun sək path kəkafek wa. Pa kwandē nun narha kar Səsənə fa tē Pedənda? Chichiyinun ənanda kee, kun kəm nuwun kee! **52** Aah ma thlēm annabi tal səsangwana chichiyinun! Bəlang nda fīngyayini thlėkka laḃar ḃad ka niifdā bā Kərəsti fər nun tē kəm bəlang nun. **53** Thlēmən kee

kar nun ngyakhrha Faara fa, ko nanən thlėwun ndən bā a haar fa thlėngya Faara.” **54** Ndengga mamngya Yahudayini pəmnggindan hai ka səbrha hura sək nanda palth Istifanus. **55** Amma Istifanus lələgdā tē Səsənə tē Pedənda, kəlagħa talara sē na kukwaryid Faara nən a yanda hai, tē kəm na Yeeso Kərəsti nən kət a yisəmad Faara. **56** Ndagħa, “Kulodē, nadi talara indādē haang Wan niifa kət a yisəmad Faara!” **57** Tərgħa nggəlang ngganda thlēmāyi ndan tē haryi ndan na nda ahuhwaarha. Da nda thlēmādghən dē **58** rəghang ngganda sē ma talđi katərangganda mukkən hai tē ferya. Fīngya mamngya Yahudaya tsangga ndən kədangganda kabayindan hai dəfang ngganda a mbed wundəlarha na nda aarha Shawulu. **59** Muk na ndan, hwangga Istifanus Faara, “Chinəm Yeeso, thlu yibəd na.” **60** Bərgħa hai tē wadədghən, təranggən uradghən sē, “Chinəm, a kəsna dīmīyid ndan ha wa!” Ndanən kee mərgħa.

8 Shawulu nggəmdafa a bəllang ngganda Istifanus. A fardā ni katərana səsarha ḃarha ten fatakkwaya Yeeso bā a ahur Urshalima, wel nda hai kanda heu a chehweed Yahudiya dē tē Samariya. Kəl fa thlėnggini kee ndən takhka. **2** Tərgħa fīngya nafiya na a tərəm Faara pang ngganda Istifanus tēnda kaan atənggən. **3** Amma Shawulu katəranggən səsang fatakkwaya Yeeso hai. Na midghənsə a kwanggən kanda hai. Nən kyarha wure-wure nagħa a kəsang həshya tē nishya ka a muwanggən kanda ahu porsənə dē. **4** Fīngya weleng na nda kanda hai na nda narha pər laḃar Faara kala mbərha ndən nda sadē. **5** Filibus dādē hu wupəri Samariya dē, pərdē laḃar Kərəsti a mbədī. **6** Fiya wumngga hai hangga kang nda thlēmārha fa ngga, kəsər na mindan sē a sək laḃarghən nda tē kəm na ənwuteengya nda ənənən. **7** Ənkaheeya hangga kyagħa sē tē huhwaarha a fad fīngya fiya. Fiya hangga mərna fandan hai tē səfəngya wal nda kənda. **8** Ko wunni ahu wupəridi kəl əna wut səfayirha kəsər ka əndi katəragħa hai. **9** Na niifa sē a wupəri dī tē kulaarha thlēmnggən Siman nən əna əngya na fərang ənwulteena Samariyayini. Nən narha ndaarha mbē tē kalləghən sē wa. **10** Nafiya Samariya heu, yi na manggən tē na ngguchit, na nda narha ndaarha, “Niifdiya səsəmənda Faara tē pamənda ni atənggən.” **11** Na nda kan thlēmārha fa kəsər ka ənwuteengya nən narha ənaarha ka kətəm. **12** Amma fər nanda kəkafek a

Filibus pər nən Laḅara na mbənggən a kanda yi kutəryid Faara tə kəm aten thləm Yeeso Kərəsti, ərang mbaptisəma nda kanda, həşya tə nishya. 13 Siman tə tafadghən fərdə kəkafek tə palth Filibus, ərang mbaptisəma nda. Katəranggən mbusamad Filibus hai kala mbərha ndənən sadə, nanən ənwulteengya tə ənsakhkya na Filibus a ənaarha wulangga teena. 14 Fa thlənggini na a Urshalima səkna nda ndaarha nafiya Samariya thlənda laḅar Faara fa, tərgha thlənang ngganda nda Mbiturus tə Yahaya a mbəda də. 15 Səlna nda də, hwanang Faara nda kanda teena na wal Səsəna nda tə Pədənda, 16 Kəsər Səsəna tə Pədənda terwa tendan hai 'wan wa, ko nanən ərang nda mbaptisma kanda hu thləm Chinəm Yeeso. 17 Tərgha Mbiturus tə Yahaya dəfang haara nda kanda teena, wal Səsəna nda tə Pədənda. 18 Nana Siman fathlənggini fər nda Səsəndi hu dəf haara teena, fərang wudəlbəla nən kanda, 19 ndagha "Nggima fəreema tur səsəmdədi ya, tənən narha kala niifa dəfang ni haara teena wal Səsəna nən tə Pədənda." 20 Amma ndagha Mbiturus, "Sa tə wudəbəl wa mərəma, tamngga ndaarha na mbang heng fərfa Faara sə tə wudəlbəla wa, wal 21 Ma njiḁowa hu tardiya, kəsər hurwa mbə məməl a mbed Faara wa. 22 Malang tar mbəlfed wa hwan Chinəm na. Asəmha nən choho ən mbəlfedda də na ahurwa, 23 kəsər nadi sa hur wa səsəbadə tə kəm thluro dimiyirha." 24 Tərgha nggəma ngganda Siman ndagha, "Hwaneema Chinəm teena nadə tal ahur ənggini thlək nun ya wal nggi." 25 A kwasamaddi taarang nanda Mbiturus tə Yahaya mbənda laḅar Faara fa tə pər laḅar Chinəm, wuda nda Urshalima də. A hu kwamana pər laḅar da nda na mbənggən ahu talya Samariya. 26 Nanənya, tə thləngnda Chinəm ndanggən Filibus, "Thliu sə turu kwamana dəgha a man ki pəlasarya də hu kaheerha, kyagha ḅa a Urshalima dəgha Nggaza də." 27 A mbədi kee thlii wiigha, dəgha kəmarha tə mamnda niifa tə Habasha tə dəf wudəbəl kwatamnda Habasha na aarha Kandis. Niifdiya dənən Urshalima də ka dəgha dəfang shilee Faara teena. 28 Nanən a wutta wuredə tsau ahu keke pərshe nəghən a karata deleewar annabi Ishaya a tərang uradghən sə. 29 Ndagga Səsəna tə Pədənda Filibus, "Wiudə da kəsang muwa niifdi na tə keke pərshidi." 30 Tərgha Filibus dagha thləmadghən də sək fadghənən a karata deleewar annabi Ishaya, ndangga Filibus, "Sərang na ənda hai

na a karatarha ya wa?" 31 Nggəma nggən, "Awo, kəkən ni sərang hai? Kəl ma fəle niifa ndən hai." Tərgha aah Filibus nən a dəgha tsaurha təghən. 32 Niifdi nəghən a karata mbərha ahu deleewar Faara tə ndagha: "Dəgha nda təghən a mbəd thlee urarha də kəla chaukhrarha. Kəla na kamnda narha tib a nadə tsəb ahu haara kanda a tsadang wasghən də, Mbangwa inang mighən hai wa. 33 Kyala nda təghən, Ngwang ngwanda kumad kəkafek fa wa. Mbə niifa sə mbang kala sə aten chichiyighən wa, Kəsər tərang nda yiḁadghən ma kəshirha." 34 Mamnda tə Habashadi ndanggən Filibus, "Annabi diya path wun nən a thləkrha? Yighən wa nduwa yi niifa pak?" 35 Tərgha Filibus katəranggən pərang laḅara na mbənggən aten Yeeso, katəranggən hai a mbədi karatana niifda sə. 36 (Kanda ahur wiirha nduwang ngganda aama fa, ndagha niifdi, "Kulo, aama ya. Mani a 'yadə mbaptisəma fa?" 37 Ndagha Filibus, "A fər na kəkafek tə hurwa heu, niya ənorha." Nggəma ngganda niifdi ndəghən, "Fərdi kəkafek Yeeso Kərəsti Wan Faara ni.") 38 Fər ngyakhrha nən a isha nda hai. Tərgha kanda kyab təra nda hai kya nda ahu aam da hai, ərangga Filibus mbaptisəma. 39 Kyana nda sə ahur aamdi Səsən Chinəm təranggən Filibus wiigha təghən, niifdi kəm nggərwa naghən wa, amma wii fadghən nən tə mbənafa. 40 ʼBa Filibus kyagha ḅa ahu wupəri Adzotus. Fər laḅara nən na mbənggən a mbədi tə fingya talya hangga a kwamana ta səlgə Kaisariya də.

9 Shawulu tə hufirha hura aten dərha mbecdə tə səsang nda fatakkwaya Chinəm kəl bəlang nən kanda, dəgha thləma mamnda firis də. 2 Kada deleewar nən, ka a dəgha təghən kən tsahad Yahudaya də na a Ndimaska, a dədə wal fatakkwaya Chinəm nən a kəsang kanda nda həşya tə nishya, ḅagha kərang kanda a wupəri Urshalima. 3 Takh nən a ndusang Ndimaska fa, djargha kukwaryirha tenggən hai a fərahk amshi hai. 4 Fəlgə hweeda hai sək urarha nən a ndang nda, "Shawulu! Shawulu! Kama nda na a səseerha?" 5 Ndagha Shawulu, "Wunni sa, Chinəm?" Nggəma ngganda uraddi, "Nggini Yeeso, na a səsang nda!" 6 "Nanən ya thliusə dəna hu wupəri də, na nda a puro 'ya na a ənaarha." 7 Nafini na wiirha tə Shawulu ka ənwulteena na nanda mbangwa nda kala sə wa, kanda a sək urad niifa, amma mba nda a naghən wa.

8 Thliina Shawulu sə a hweede, amma inang nən yidghən hai mbangwa na mana hai wa. Kəs haarghən nda kya nda təghən hur wupəri hai. 9 Əna beena nən mahan mbə namana hai wa. A hu benggini ya ənawa 'ya mii wa, sawa aama wa. 10 A Ndimaska na tə takkwa Yeeso sə thləmnggən ni Hananiya. Aaghəna Faara ahu səsəniirha, “Hananiya!” Nggəmənggən, “Kulo nggi ya Chinəm!” 11 Ndangga Chinəm, “Thliusə dənə minda ki Yahuda də na a mii kwamandi na nda aarha kwamana na ndip, tsakh mee na tənə niif Tarsus sə a mbədi na thləmnggən Shawulu. Nanən ya nəghən a hwan Faara. 12 A hu səsəniirha kyadəng di niifa na nda aarha Hananiya dənən dəfang haara teena tənən nggər na mana hai.” 13 Nggəməngga Hananiya ndəghən, “Chinəm, səkti laɓar kamshidiya aten səsəarha nən a fərang nda nafiya na chahal a Urshalima! 14 Bənən Ndimaska ɓa tə deleevar fərang na firis na manggən ka ɓagha kəsang nda fatakkwaya Yeeso na a Ndimaska.” 15 Amma ndangga Chinəm Hananiya, “Duwadə dā əna 'ya ndani. Kəsar Shawulu wurra kari tarna ni ka dəgha tə laɓarna a finginga də mbuwa Yahudaya, tə kutərya tə nafiya Isərela kahad. 16 Nggi tafanna niya kyadəng əngya heu nən a saarha fa ka nggi.” 17 Nanən kee dəgha Hananiya də dəgha wal Shawulu. Dəfang haara nən teena ndanggən, “Wan mana Shawulu, Chinəm Yeeso walgha sa a kwamana nana a ɓarha mbəda ɓa ya. Ndəghən thləngga nggi ɓa tənə nggər na mana hai tə kəm ləgdowa Səsəna tə Pedənda.” 18 Tsu a mbədi kee, 'ya kəla ɓar dəfrha mukka hai a yid Shawulu, nggərgħən na mana hai. Tərgħa thliigha sə ənang mbaptisəma nda. 19 A kwasamadghən əna 'ya nən mii wal kanglanggirha nən. Shawulu məngga ha a Ndimaska tə fatakkwaya Yeeso. 20 Tsu kee katarənggən pər laɓar Faara ahu kəngya tsahad Yahudaya naghə a ndaarha Yeeso Wan Faara ni. 21 Kala fiya səkka ndən kəsgha ənwulteenə kanda, tsakh mee nda, “Mbə niifdani na a sasang tə ɓəlang nda fa takkwa Yeeso a Urshalima wa? Mbə ɓanən ɓa ka a kəsənggən kanda tsawa nda porsəngya mamngya firis wa?” 22 Pər laɓar Faara na Shawulu a ənaarha aten dərha mbeedə tə kanglanggirha. Yahudaya na a Ndimaska mbəngwanda ngaal əngya kyad nən tə ndaarha Yeeso ndənə Kərəsti wa. 23 A kwasamad bəngya hangga, kənanngga mamngya Yahudaya hai a ɓəlang ngganda Shawulu. 24

Amma səkka Shawulu palthdi kənannganda hai atənggən. Nda yan fara tə fədikrha na nda narha kəlagħən fa a kwatkirəm wupəridi ka a ɓəlangganda. 25 Amma a fədikrha fatakkwaya Yeeso kyang ngganda kəsħaadə fərgħənda hai hu kutasa tə kwaarha na a fad kad talɗi. 26 Səlna Shawulu a Urshalima də midghən sə na wumngga hai tə fatakkwaya Yeeso, amma kanda a tərəmənggən. Nggəm ngwanda fa tə takkwa Yeeso ni wa. 27 Tərgħa Mbarnaɓa ɓagħa təghən thləmad fa thləngya Yeeso ɓa, pərənggənən kanda kwamandi nana Shawulu Chinəm ahu kwamana nən a dərha Ndimaska də. Pərəngga Mbarnaɓa ndən kanda kəm əndi ndangna Chinəm Shawulu tə pər laɓar Faara ənanən tə kanglanggirha ahu thləm Yeeso a Ndimaska. 28 Tərgħa fa thlənggini thlə Shawulu nda fa. A kwasamadghən nən narha kəsar a thləman nda a Urshalima, naghə a pər laɓar Faara tə kanglanggirha ahu thləm Chinəm. 29 Nən narha ngaala tə Yahudaya na a ndikrha tə mii Helenaya, kanda kəm a kadə kwamana na a ɓəlang ngganda. 30 Səkna fatakkwaya Yeeso ndən, tərəng ngganda dənəda təghən Kaisariya də puwang ngganda hu talghən də, na Tarsus. 31 A fardani fatakkwaya Yeeso wumngga teena na a Yahudiya, tə Nggalili tə Samariya wal nanda tsawud dədemnggirha, na nda a tsərha tə chikrha hu kəlanglanggirha. Tsaukwa fatakkwaya Yeeso tə tərəm Faara tə tək mbənda Səsəna fa tə Pedənda. 32 Na Mbiturus a wəng mbəya hai hangga, ɓagħa ahu tala ɓa na nafiya Chinəm sə na nda aarha Lidda. 33 A mbədi ɓagħa wal niifa na nda aarha Iniyas mərna fadghən hai kalth hu sərə hurarha wuwada. 34 Ndangga Mbiturus, “Iniyas, Yeeso Kərəsti kənəda thliusə tərəng dənggəlwal!” Tsu a mbədi kee thliigha sə. 35 Tərgħa hang nda fiya na a Lidda tə Sharon kyakhra nda thləmad Chinəm ɓa na nanda Iniyas a wiirha hai. 36 Na tə takkwa Yeeso sə a Ndjoppa thləmnggənni Taɓita, tə mii Helenaya na nda aaghən Ndokas. Nən əna nggayirha a fiya tə dāng nda fa yamiya sə kəm. 37 A hu sayiddi hadgha mərgħa. Ngwang nanda fa ka dā nda pang nda hunang ngganda hai ahur kənna tən nanda aten shadghən. 38 Nanən na Lidda tsau tə Ndjoppa fa sək ndaarha nda na Mbiturus a Lidda, thlən nafiya nda də səri ka dā nda hwənggən, ndang ngganda, “Usaai ɓəɓa kəkər!” 39 Mbuwa Mbiturus samad ndan də, hərəm nən ndukrha də, dənəda təghən ahur

kən dādə na aten shadghən. Ləđang nu mərya kəndi kanda a tərha na nda kyad lukkyā tə shishamarya imangna Taḅita kanda sə nanən tə yibrha. 40 Ndangga Mbiturus kanda a kya nda hai ma kəndi. Tərgħa mbərgħa hai hwan Faara nən. Kyahargħa man thləmad mərda də ndəghən, “Thliu sə Taḅita.” A mbədi kee inanggən yidghən hai! Nanən Mbiturus thliigha səl! 41 Kəsgħa Mbiturus hargħənən thlenggən səl. Tərgħa aah nu məryina nən 6a tə fīngya fatakkwaya Yeeso, kyadānggənən kanda nəghən tə yibrha. 42 Səkkā fiya laḅardi ahur talḁi heu, tə kəm fiya hangga fərgħa kəkafek a Chinəm. 43 Məngga Mbiturus ha a Ndjoppa ḁi, tsauka a ki Siman tə huna paama.

10 A Kaisariya na mamnda sodja Romaya səl thləmnggən ni Koneliwus, ndəghən ni mamnda aten sodja haru na nda aarha, Wum ten sodja Italiyaya. 2 Tə tərəm Faara ni, kəla fīngya na ahur mindəghən. Nən yakħ fəra a fa yamiya tə kəm nən yakħ hwan Faara. 3 Na fardasə yarna faara hai, səsəniigha tə ndaarha nadə tə thlənda Faara ḅayi thləmadghən 6a. Aaghəna tə thlənda Faara, “Koneliwus!” 4 Kəlangga Koneliwus də tə hərəenga, ndanggən, “Paḅa mani?” Ndangga tə thlənda Faara, “Hwanduwa tə fərrəwa a fa yamiya thlə Faara ndən tsaudə ən daalani in a fadghən! 5 Nanənya thlənu fiya a Ndjoppa də ḁa nda oh niifa 6a na thləmnggən Siman Mbiturus. 6 Tsaukən a ki Siman, tə huna paama na tə tsaurha a mii wuri aama.” 7 Wiina tə thlənda Faara, aagħa Koneliwus mafaya wurighən 6a səri tə kəm sodja tal tə takkwa Faara, ahur fīngya na a ənang taara. 8 Fərang ənda nən kanda katəragħa hai thlənanggən kanda a Ndjoppa də. 9 A bindayidghən nana fathləngya Koneliwus a ndusang nda wupəri ḁa fa, tərgha Mbiturus a mbərha səl na dangkam ka dəgha hwan Faara. Məməl yanfaara a sərəkrha, 10 kəsgħa miirha ndən na midghən səl a əna 'ya nən mii. Amma na nanda a furha, tərangga beena də kyadāngga Faara ənwulteena. 11 Na fərakħ amshi nən indadə, 'ya kəpakħ manggən ḅayi hweede hai tə kudma fada. 12 A hu əndi na kəpakħ wu na mafi ya səl dədamən-dədamən, tə əngya na wiirha tə hura tə wudikkya kəm. 13 Tərgħa ndangga urarha hai, “Thliusə, Mbiturus, bulu kanda kiina.” 14 Ndagħa Mbiturus, “Mbə tam narha hai wa, Chinəm. Ka nani 'wawi kii 'ya 'yadana

ngyakħrha Yahuda yinan wa.” 15 Nggərgħa uraddi kala səl, “A anna 'ya tsəḅang na Faara də ən tsanda wa.” 16 Əndi kyadāng na Faara katəra mahan nanən ndən. Tərgħa əndi na kəpakħ nggərgħən wutta talara də. 17 Tsauka Mbiturus hu billarha, ndəghən tə mana əndi a ndaarha kyadna Faara ya. Tərgħa a mbədi nafini thlənna Koneliwus walang nda mindədi isha nda a kəshi a mii kwatkirma. 18 Tsakh mee nda tə mbədani na Siman Mbiturus səl. 19 Nana Mbiturus a numarha aten əndi na nən, ndangga Səsəna tə Pedənda, “Bad nafiya 6a mahan kanda a kadā sa. 20 Thliu səl turu hai, dəna də tə kanda a karna fa wa. A billadna wa kəsər nggi thləngga kanda.” 21 A mbədi kee tərgha Mbiturus hai ndəghən, “Nggini niifdi nun a kadāarha. Kama nda ḅanun 6a?” 22 Ndanggan nda, “Koneliwus mamnda sodja Romaya thləngga kan 6a. Ka niifa ni nən tərəm Faara yi Isərela Yahudaya heu na nda fərang mamnggirha. Tə thlənda Faara tə Pedənda ndangga a dəna minda keegħən də tənən sək laḅar wa.” 23 Tərgħa Mbiturus aah nafina nən 6a tsawa nda ronggighən a fidikdi. Dalthna mbərha hai dəgha də saman ndan, mbuwa fīngya fatakkwaya Yeeso kanda ḅagħa 6a a Ndjoppa. 24 Dalthna mbərha hai səla nda Kaisariya də. Koneliwus a kəla kanda fa kəsər aahdə hurfayighən 6a tə fīngya pashiyighən. 25 Kyana Mbiturus mində ḁahai kee, əna Koneliwus thləmadghən də ra kurma nən hai a mbədgħən fərang mamnggirha nən. 26 Amma Mbiturus kəs hargħənən səl ndanggən, “Thliu səl! Niifa ni nggi kee kəla sal!” 27 A mbədi kee thliigha Koneliwus səl, tsəl laḅara nda kanda kyab kya nda hu kənda də wumna fiya sa hai hangga. 28 Ndangga Mbiturus kanda, “Səndun səl ngyakħrha Yahudaya nggəm ngwa fa kəla nggi ḅee minda ki niifa 6a mbuwa tə Yahudarha kəla yandiya wa. Amma Faara kedee ḁa ndən a numadi aten niifa tə ndaarha ən tsandani wa. 29 Nanən kee thlən nanda farha də a ḅee 6a karyi fa wa. Nanənya pəremadghən əndi aah nun nggi 6a.” 30 Ndagħa Koneliwus, “Beena fada mbərgħa də nggi a hwan Faara ahur kənna məməl yar yan fara hai. Kula səndəna səl, na niifa ni kət tə luwudghən a chimnda fa a mbenna. 31 Ndeegħən, ‘Koneliwus, sək Faara hwanduwa, tə kəm nadə fərrəwa a fa yamiya! 32 Nanən kee, thlənu nafiya a Ndjoppa də ḁanda aah Siman Mbiturus 6a. Nəghən tə tsaurha a minda ki Siman, tə huna paama na tə tsaurha a mii

wuri aama.' 33 Nanən kee ndən thlənni farha dā kōkar, nāghən ngga a bāna ba. Nanənya kulo kām ya heu, a mbēd Faara ka a sāk əngya nan heu purona Faara." 34 Tərgħa ndagħa Mbiturus, "Nādī ndən ngga Faara mbə wura ha sə wa. 35 Amma nən thlə fiya fa ahu chehweeya heu na a tərəmnnggən kanda kām a əna 'ya na mēməl. 36 Səndisə səkđun labara na mbənggən thlənang nanda nafiya Isərela dā tē ndaarha na tsawud dādemnggirha sə a thləmad Faara ahu thləm Yeeso Kərəsti, na Chinəm heu. 37 Səndūn 'ya katəragħa hai a chehweed Yahudiya, əndiya 'waghən katəragħa hai a Nggalili a kwasamaddi katərang na Yahaya tē Mbaptisəma pər labar Faara aten mbaptisəma. 38 Mbə ngaala sə wa səndūn sə Faara ndən fadāngga Yeeso tē Nadzarat tē Səsəna tē Pedənda tē səsəmnda kām. Tərgħa Yeeso nagħa a wiirha hai tē əna nggayirha tē kənang nda fiya heu djithlang na Sheetan kanda hai, kəsər na Faara təghən ha. 39 "Kām fa thləngya Yeeso nadəm ənggini ənanən heu tē yid nəm a chehweed Yahudiya tē wupəri Urshalima. Bəlāngganda tē taurha dā aten kadiirha. 40 Amma a kwasamad beena mahan thlengga Faara sə ahu mərri. Tərgħa Faara malānggən kyad fadghənən, 41 mbə a fiya heu wa, amma a kām 'wana Faara wura a tsauka kəmni nagħa ndən. Kəmni həbgha tē saarha tē ndəghən a kwasamaddi thliinən sə ahu mərə. 42 Ndānggən kām a pər labar Faara nəm ko a yanggi ni kyad ndaarha nəm ndəghən ni wurna Faara a tsauka tē ngwa kumarha heu tē fa yiba tē mərya. 43 Ndəghənni thləkna annabiya pathla a tenggən kətəm, tē ndaarha kala niifa fərgħa kəkafek a ndəghən na Faara a chahang dimiyid ndan kanda dā ahu thləmnnggən." 44 Nana Mbiturus aten thlək ənggini ya, tərgħa Səsəna tē Pedənda aten nafina hai səkka labardi. 45 Yahudaya mbuwa samad Mbiturus fərgħa kəkafek a ənwulteena nda tē ndaarha fərri Səsəna tē Pedənda irdə aten fīngya hai mbuwa Yahudaya, kām. 46 Kəsər sək nda fandan a ndikrha tē miiya dādamən-dādamən na nda a fal Faara. Tərgħa Mbiturus tsakh mee nən, 47 "Mani 'yadāng mbaptisəma nafina fa tē aama ya, nanən thlənda Səsəna tē Pedənda kəla kām?" 48 Nanən kee ndagħa Mbiturus a ənang Mbaptisəma nda kanda ahu thləm Yeeso Kərəsti. A kwasamadhən hwangga Koneliwus ndən a məngga ha tē kanda.

11 Tsəbaku fa thlənggini tē fīngya fatakkwaya Yeeso na tē tsaurha a Yahudiya sək ndaarha nda fīngya mbuwa Yahudaya thlənda labar Faara. 2 Bana Mbiturus Urshalima ba, nafiya thləng nanda muwa kanda na nda a kikighən fa ndaa nda, 3 "Kyanna a minda ki nafiya hai thləwa muwa tē kām həb ənnarhami tē kanda!" 4 Tərgħa Mbiturus pərang nggənən kanda a pəpal 'ya katəragħa hai heu. 5 Ndəghən, Fardā sə a Ndjoppa, nani a hwan Faara, tərēegħa beena dā na 'ya ni kəpakh tē kudma fadā a fərahk əmshi bāgha thləmadna hai. 6 Kəlang ni əndi na kəpakh, na mabiya ni dādamən-dādamən na a wuri tē yi kaheerha, tē fīngya a kakhrrha tē hura, tē wufikkyā. 7 Sək urarha ni tē ndaarha, "Thliusə Mbiturus, bulu kanda kiina." 8 Nggəmānggi ndee, "Mbə tam narha hai wa, Chinəm. Ka nani 'wawī kii 'ya 'yadana ngyakhrha Yahudayi nan wa." 9 Nggərgħa uraddi kala sə yi səri, "A anna 'ya tsabang na Faara dā ən tsanda wa." 10 Katəragħa ənda hai ya sara mahan kapa na əndi na kəpakh na tē mabiyyini wutta talara dā. 11 A sayiddi kee nafiya mahan thlən nanda kanda ba a Kaisariya nduk nda mindəda ba nani sə. 12 Ndeegħa Səsəna a kardī wiirha fa tē kanda wa. Wan mamnggini mikki dāfeegħa dā, dan kyarha minda ki niifda hai tsakhka kan. 13 Pərang labar tē thlənda Faara nən kan bāgha walghən a minda keegħən, ndang nən, "Thlunu farha a Ndjoppa dūn ndang nda Siman Mbiturus a bāgha ba. 14 Nən a puro kwamandi na Faara a həworħa heu tē nafiya wuri wa!" 15 Tərgħa dəgha Mbiturus mbeedə tē ndaarha, A mbədi di mbeedə tē pərang Labardi kanda na Mbənggən. Katərang ni hai kee, tərgħa Səsəna tē Pedənda atendan hai, kəla 'wanən təra tennan hai. 16 Tərgħa dāl teena ni hai tē palth Chinəm ndanən, "Ənagħa Yahaya mbaptisma tē aama, amma na nda a ənang mbaptisma kun tē Səsəna tē Pedənda." 17 Nanən kee, nanən fərang Faara fīngyayini mbuwa Yahudaya tur fərrədi fərang nən kan sayiddi fər nan kəkafek a Chinəm Yeeso Kərəsti, wunni nggi na ngaalang nda Faara? 18 Hərəm nanda səkəkən kee, wulangga 'ya kanda na a thləgha nda. Katərang ngganda fal Faara hai ndaa nda, "Faara kām fərang dā fīngya mbuwa Yahudaya kwamana na malang ngganda dimiyid ndan wal yibrha nda mbuwa ngwalarha." 19 Nanən ya, fatakkwaya Yeeso wel nda hai ka səsarha a kwasamaddi bəlang nanda Istifanus.

Dənda də inggun ta Finikiya də tə Sayifurus tə Antakiya na a chehweed Suriya. Pər laḅar Faara nda a Yahudaya katen ndan kee. 20 Fingya fatakkwaya Yeeso thliigha a Sayifurus tə Sayirin dənda Antakiya də, katərang nda pər laḅara hai na mbənggən aten Chinəm Yeeso a fingya mbuwa Yahudaya. 21 Səsəmnda Chinəm nəghən tə kanda ha, fiya hangga fərga kəkafek kyahar nda thləmad Chinəm 6a. 22 Səknə fatakkwaya Yeeso na a Urshalima laḅardi, thlənanngganda Mbarnaḅa a Antakiya də. 23 Səl nən 6a nanən nggayid Faara tə kanda, tək mbənda nən fa, ndanggən kanda a tsawa nda kəsar tə kəkafek fa a Chinəm. 24 Mbarnaḅa ka niifa ni, nəghən lələgdə tə Səsəna tə Pedənda tə fərkəkafek fa kəm. 25 Tərga Mbarnaḅa dāgha Tarsus də ka dāgha kada Shawulu. 26 Dənən walang nda ḅagha təghən Antakiya 6a. Kanda kyab tsawa nda a mbədi hurarha tal kanda tə fatakkwaya Yeeso na nda a tsahang fiya ha hangga. A hu tal Antakiya ni 'wana nda aah fatakkwaya Yeeso Kərəstaya. 27 A hu sayiddi, thliigha fingya annabiya a Urshalima dənda Antakiya də. 28 Tal ahur ndan na thləmnnggən Anggabus thliigha sə a fara tal ahu tsawundan hai thlək ndaarha nən na miirha na kyarha hu chehweed Romaya hai kahat. Ləghədgha palth di ya a thləkh mbəd kutəryid Kalaudiyus. 29 Fa takkwayini kii Yeeso na a Antakiya kənanngganda hai na nda a dāng nda shayindan sə na a Yahudiya. Ko wunni fər 'ya nən nggəmna hurghən. 30 Əndə əna nanda ya, thlənanngganda Mbarnaḅa də tə Shawulu a dāng ən fəryi ndan nda shingya fatakkwaya Yeeso də na a Urshalima.

12 Məməl ahu sayiddə niya katərang na Kutəra Hirdus kyang fingya fatakkwaya Yeeso hu səsəarha hai. 2 Fər Yakubu nən wan man Yahaya a ḅəlanngganda tə thləukh kəlaara. 3 Nanən əndi ənanən mbənanng də mamngya Yahudayini, dāgha mbeedə kəsanggən Mbiturus kəm. Katəragha əndə hai ya ahu sayid Wutsəfayid Mburodi kula Mekhna. 4 Muwanggən hu porsəna də nāgha sōdjaya kumkap mikki a kəlaghən ha, na nda a mbedəghən ha sōdjaya fada-fada. Na mid Hirdus sə a ngwang kumarha nən sə a mbed fiya a kwasamaddi ngwalana wutsəfayiddi. 5 Amma nana Mbiturus ahu porsəndi, nāgha fatakkwaya Yeeso a hwan Faara kaan atənggən. 6 A fədikdi

kapa na mbərha dathla hai na Hirdus a ngwang kumarha Mbiturus sə, Mbiturus kalth a shiirha kənanng nda hai tə wuyiwurya səri, a pathlang sōdjaya səri kəkət atənggən tə fingya sōdjaya kəm kəkət a kəla kwatkirəm porsən də ha. 7 Kula səndəndan sə kyagha tə thlənda Chinəm ḅa djargha kukwaryirha hai ahu kən porsəndi. Tsang 'ya nən fa a kakh pəniighən mekhneנגgen sə ndanggən, "Thliusə kəkər!" Wuyiwur yini na a tsəḅad haaryighən tsama nda hai. 8 Tərga ndangga tə thlənda Faara, "Kəlanng luwudwa tə paham wa." Ənagha kee. Ndagga tə thlənda Faara, "Nanənya kawang kootod wa fa mbu samadna na." 9 Tərga Mbiturus mal porsən də nən mbu samadghənən. Amma ahu sayiddi wu tamnggən ndaarha nəghən a səsəniirha ni. Səngwa sə kəkafekni əndi na a katərarha hai wa. 10 Mbəranngganda mbəd fa kəlaya hai səri, ḅa nda kwatkirəm də ḅa əna nanda tə dəḅəlyə na a kyarha kəshaadə. Ingga də heu tafadghən. Kya nda kəshaadə. Katərang ngganda wiirha hai ahur kwaman taldi, tərga tə thlənda Faara kula səndəndan sə sahadgha ma yidghən. 11 Tərga wudna hutən Mbiturus ḅa ndəghən, "Nanənya səndi sə mbə ngaala sə wa Chinəm thlənanngga təthləndəghən ḅa ka a həryeghən a haar Hirdus tə əngya heu na mid Yahudaya a əneegha nda fa." 12 Sənanng nən hai kee, dāgha minda ki Mairamu də man Yahaya na nda aarha Markus, a mbədi wumna fiya sa hai kanda a hwan Faara. 13 Ishgha a mii kwatkirəm di dəkənanng. Kyagha mafad wutararha ḅa na nda aarha Ruda ka ḅagha nggəmanng nda addi na a kwatkirəm di. 14 Sənanng nən urad Mbiturus hai, tək mbənda nən fa kaan. A meghedghən na a inanggən kwatkirma hai, wudgha hur minda də ka dāgha pəranggən fiya heu tə ndaarha, "Mbiturus kət a kwatkirma!" 15 Ndagganda, "Kyahar na hutən wa?" Djib pərrəghən nən. A mbədi nda nda, "Təthlənda Faarghən ni!" 16 Amma dāgha Mbiturus mbeedə tə dək kwatkirma. Inang nanda kwatkirma hai nana ndan kəsgha ənwulteena kanda. 17 Sahangga Mbiturus haara kanda a nggasa nda hai. Pərang kwaman də nən kanda hərgəhang na Chinəm na nən ahu porsəndi. Ndaggən kanda, "Pəraman ndəghən Yakubu tə fingya wan mangginəm əndi katəragha hai." Tərga dāgha mbərha də pak. 18 Dalth na mbərha hai, wulangga teena sōdja yini aten əndi katəragha hai tə Mbiturus. 19 A kwasamaddi ndaana

Hirdus a kadaghən nda walang ngwa nanda, ra mu sodja yina nən ngga. Fər kanda nən a bəlang ngganda kanda mbədi. A kwasamadghən thliigha Hirdus a Yahudiya dāgha Kaisariya dā tsəgha tsəbaku a mbədi. **20** Nanənya səb hur Hirdus dā tə nafiya Taya tə Sidən. Thlən farha nda dā ka dā nda kada kwaman tsawud dādəmmnggirha təghən, kəsər mbərsagha nda tə ənnarhami na hu chehweedghən. Nafini thlənna nda dā kada thlaara nda a har Mbilatus, tə dāng nda Hirdus sə. **21** Səlna fardā bā nanda wuma nda hai təghən, kalangga Hirdus kaḃad kutəryidghən fa tsauka ahu tsənggamnggən sə thləghang pathla nən kanda sə. **22** Səkna fiya ndən tərang ngganda urandan sə ndaa nda, “Urad faarani mbə yi niifa ni wa.” **23** Tsu a mbədi kee, ka fal waana Hirdus Faara dəkka təthlənda Chinəm ndən tə wan haarha, nagha waaya a kiighən pa mərgha. **24** Amma Laḃar Faara na Mbənggən kəl dərha mbee dā nagha fatakkwaya Yeeso a chikrha kaan. **25** Ngwalang nanda Mbarnaḃa tə Shawulu 'ya ḃangga kanda Urshalima bā, wudā nda Antakiya dā, taḃangganda Yahaya ha dā na nda aarha Markus.

13 A hur fatakkwaya Yeeso na a Antakiya na annabiya sə tə famaləmmngya: Nda Mbarnaḃa ni tə Siman na nda aarha “Təimnda,” Lusiyos təsarirarha, tə Maana tsəgha sə tal tə kutəra Hirdus Antipas tə Shawulu. **2** Fardəsə na nafiniya a tərang shilee Chinəm teena, tə kar aama, ndagha Səsəna tə Pedənda, “wureema nda Mbarnaḃa tə Shawulu kəsər ka taara na manggən na minna a əneegha nda.” **3** Nanən kee a kwasamaddi ngwalang nanda kar aama tə hwan Faara, sang haara nda kanda teena yi parka thlən kanda nda. **4** A kwasamaddi thlənna Səsəna tə Pedənda nda Mbarnaḃa tə Shawulu, dānda wupəri Salukiya dā, təra nda hu kombuwol hai dānda a wutambar Sayifurus dā. **5** Səl nanda Salamis dā kya nda hu kən tsahad Yahudaya dā pər laḃar Faara nda a mbədi. Na Yahaya Markus a samad ndan nagha a dāng kanda sə. **6** Weng ngganda talyina hai kahat na ahu wutambar chehweddi ta Pafos dā. A mbədani wal nanda təmutu Yahudarha sə, annabi tə nggaḃaarha na thləmmnggən Mba Djeshiwa. **7** Nəghən a ənang taara ngwamna, Sardiyus Mbulus sə, niifa ni na tə sənda kaan. Thlən farha nən dā dā nda aang nda Mbarnaḃa bā tə Shawulu, kəsər na midghən

sə a sək laḃar Faara nən. **8** Amma Alimas, təmutu di (thləmmnggən ni tə mii Helenaya), ndanggən ngwamna di a kang dā thləmaarha nda Mbarnaḃa fa tə Shawulu aten 'ya nanda a thləghang nda wa. Na midghən sə kyakhranggən hutən ngwamna dā hai a fərdə kəkafek wa. **9** Tərgha Shawulu na nda aarha Mbulus, nəghən lələgdā tə Səsəna tə Pedənda, kəlanggən təmutu di hu yidsə ndanggən, **10** “Sa wan Sheetan ni, tə tsan əngya heu na nggəngga! Naa lələgdā tə ən hukya tə mbəlfəerha kəm. A kwan na a malang ishang nda fiya ma takkwa kəkafekkid kwaman Chinəm? **11** Nanənya, na Chinəm a ḃang səsəarha a tenwa bā, Na a tsaurha kwamarha. Na a məndaha mba a na yanfara wa.” Tsu a mbədi kee wufiirha tə wula tərgha atənggən hai, nagha a wiirha hai tədək-tədək nagha a kada niifa na a kəs harghənən tənən kyadāng kwamana. **12** Nana ngwamna əndi katəragha hai, fərkəkafek nən, kəsər kəs ənwulteena ndən ahu tsahaddā ha sək nən aten Chinəm. **13** Tərgha Mbulus tə ka wiyyighən mal Pafos nda, təra nda ahu kombuwol hai dānda Pərngga dā na hu chehweed Pamfiliya. A mbədani malna Yahaya Markus kanda wudgha Urshalima dā. **14** Amma nda Mbarnaḃa tə Mbulus wii nda tə saara a Antakiya dā na a chehweed Pishiidiya. A far yibrha Yahudaya kya nda hu kən tsahad Yahudaya dā tsawa nda hai. **15** A kwasamaddi karatang nanda deelewar ngyakhrha Musa tə yi annabiya, mamnggini na tə kən tsahaddā ha thlənang farha nda kanda dā tə ndaarha, “Wan manggina, ana laḃara sə a mii nun a kan, thləgha madghən!” **16** Thliigha Mbulus sə, təranggən harghən sə ka a nggasa nda hai ndəghən, “Nafiya Isəreela, tə kun fingya mbuwa Yahudaya na a tərəm Faara, keema thləmaarha fa. **17** Faara yi nafiya Isəreela ndən wurgha chichiyyi nəm, malang dā kanda a dānda mbeedə ahu sayiddi na nanda a chehweed Masar. Tərgha tə səsəməndəghən na kanglang kyanggən kanda sə ahu chehweddi. **18** Kərəsgħa tə kanda ahu hurarha kumnggit fadā a kaheerha. **19** Ndəghən ənagha ndən bəlang nanda chehweeya dā məd na a Kan'ana fərang chehweddi nən Isəreela tsauka langaad ndan.” **20** Ənggini heu ya ənadə huraya 450. “Akwasamadghən, fərangga Faara fa ngwa kumaya kanda əna kutəryirha nda aten ndan ta hu sayid annabi Samaila dā. **21** Tərgha nafini hwan kutəra nda, fərangga Faara Shawulu wan Kish kanda, turya Mbenjemen.

əna kutəryirha nən yi huraya kumnggit fada. 22 Amma kəɗangga Faara Shawulu hai fadanggan Ndauda a meyedghən, niifda ndana Faara, 'Ndauda wan Djeeshi tur niifda ni na mid hurna; nən əna əngya heu na minna a əneeghən.'" 23 "Ahu turya niifda ni ya, ɓang na Faara təhərəkra ɓa, Yeeso ɗa ni ndana Faara nən a thləɗang ɓa! 24 Kapa na Yeeso ɓarha ɓa, Yahaya pəɗɗa laɓar mal dimiyirha tə kəm mbaptisma a nafiya Isəreela heu. 25 Takhna Yahaya a ngwalang nda targhən tsakh mee nən, 'Nuwun a numad ndaarha nggini Kərəsti wa? Awo, amma nəghən ɓayi a samanna, tsikki na a kwasanggi sakh pahamnggan hai wa.' 26 Wan manggina, kun wangya Ibrahim, tə kəm kun fɪngya mbuwa Yahudaya na a tərəm Faara, laɓar hərəkrə ɗi ya thləɗang nandan kəm ɓa! 27 Nafiya Urshalima tə mamnggi ndan kukwalang ngwanda Yeeso hai wa, tə kəm sənang ngwanda laɓar annabiya hai na nda karatang nda kala far yiɓɗ Yahudaya wa. A meyedghən ɓəlang ngganda Yeeso ka a ləɗang ngganda əngya ndaana annabiya. 28 Ko nanən kəsang ngwanda tə 'ya dimi wa, ndang ngganda Mbilatus a ɓəlang ngganda. 29 Ngwalang nanda ləɗang nda əngya heu ndaana deleewar aten mərəghən, tərang ngganda hai aten kadiddi pang ngganda ahu kwadda hai ra nanda ahu feera. 30 Amma Faara thlenggan sə ahu mərɾa! 31 Ahu ɓəngya hangga kyad fadghənən a nafiɪni mbuwa samadghən ka a Nggalili ɓa ta Urshalima ɗə. Kanda ni nanənya na a pəranggan nafiɪnəm. 32 Nanənya ɓanan ɓa ka a ɓan pərang laɓardi kun na Mbənggan ya: 'ya ndaana Faara a chichiɪi nəm tsauɗə kəkafek a thlakh mbəɗ nan, 33 tsauənən thleng Faara Yeeso sə. Kəla nanən chichirethlee hai ahu deleewar Dzabura yi səri tə ndaarha, 'Waana ni sa, A weeriya tsauɗi tsu.' 34 Kəsər ndagha Faara nən a thleng sə ahu mərɾa, ɓalwa nggər mərə wa. Nəghən chichirethlee hai kee ahu deleewar Faara ndaanən, 'Niya furo parkaddi tə Pəɗanda ndang ni Ndauda.' 35 A mbərha hu deleewar Dzabura pəɗɗa ndən a pəpal tə ndaarha, 'Mba malang nda tə Pəɗənduwa məlthgha hai ahu kwarha wa.'" 36 "Kəsər a kwasamaddi ngwalang na Ndauda tardi na mid Faara a thlakh mbəɗghən, mərgha pang ngganda ahu kwat mərɾa chichiyighən, məlthgha thlu fadghən hai. 37 Amma niifdi thleng na Faara sə ahu mərə məlthwa thlu fadghən hai wa. 38 Tsaunən kee wan manggina, na minna sə a sənunsə ahu Yeeso ɗiya ndən nanan a pərang ndaarha kun, nun a wal chakh dimiyid nun sə. 39 Kala niifa fərgha kəkafek təghən nən a wal hərəkrha a mbed Faara, 'ya mbuwana ngyakhrha Musa mbang ənaarha. 40 Kwaramal! A nggəmdun fa 'ya ndaana annabiya katəragha hai tə kun wa. Kəsər ndagha nda, 41 'Kaama thləmaarha hai, kun na a waa farha, nama ənwulteena murun ɗə! Kəsər niya əna 'ya a thlakh mbəɗ nun, 'ya mbuwa nun fərəkəkafek təghən ko pərang na niifa 'ya kun atenggan.'" 42 Na nanda Mbulus tə Mbarnaɓa a kyarha hai a kən tsahad Yahudaya, hwangga nafiɪni kanda a nggəra nda wutta ɓa ɓanda pərang laɓara kanda aten əngginiya a far yibrha na ɓayi. 43 Welna fiya hai, Yahudaya hangga tə fɪngya mbuwa Yahudaya kyagha hu takkwa əntin Yahudaya hai mbu samad nda Mbulus nda tə Mbarnaɓa. Nafiɪni səri ya ndang ngganda kanda a ɗənda mbeedə tə mbərsaarha tə nggayid Faara. 44 Kyahar na far yiɓɗ Yahudaya ɓa faddən, fiya hangga kaan a wupəri ɗi wuma nda thləman ndan ɓa ka a sək laɓar Chinəm nda 45 Nana mamngya Yahudaya wumngga hai, na nda a sərəkra, na nda a ngaal əngya ndaana Mbulus. 46 Tərgha nda Mbulus tə Mbarnaɓa kula hərəeɗga ndang ngganda kanda, "Kamɗə kwang a pərang laɓar Faara nan kun, nanən kardun ndən fa tə kəm kəlang ɗun fad nun kamngwa a wal yibrha nu mbuwa ngwalaarha wa, nanənya nan a kyaharra thləma fɪngya ɗə mbuwa Yahudaya. (aiōnios g166) 47 Kəsər kulo əndi ndang na Chinəm kan ya: 'Dəfang ɗi kun a tsawun kukwaryirha a fɪngya mbuwa Yahudaya, a ɓang hərəkrha nun fiya ɓa ta mii ngwala kəshiirha ɗə.'" 48 Səkna fɪngya yina ndən mbuwa Yahudaya, tək mbənda nda fa usa Chinəm nda ka laɓarghən. Fɪngya wurna nda ka yibrha mbuwa ngwalaarha fərəkəkafek nda. (aiōnios g166) 49 Nanən kee laɓar Chinəm welda ɗə ahu chehweddi kahat. 50 Tərgha mamngya Yahudayini shik nishya nda na a tərəm Faara na fiya a fərang mamnggirha kanda, tə mamngya na ahur wupəri ɗi. Shighang ngganda fiya fa, thleng ngganda nda Mbulus fa tə Mbarnaɓa rəghang ngganda kanda sə ma taldi. 51 Amma nda Mbulus tə Mbarnaɓa ɗəghang ngganda tənidda ɗə na a saryi ndan a tsauka yiɪi thləmaarha ni aten ndan, ɗənda Ikoniya ɗə. 52 Fa takkwaya Yeeso na a Antakiya tək mbənda nda fa tə kəm ləɗɗa nda tə Səsəna tə Pəɗanda.

14 A Ikoniya, nda Mbulus tē Mbarnaḅa kanda kyab kya nda hu kēn tsahad Yahudaya dē kēla sēsən nanda sahai. Pēr laḅar Faara nda tē sēsəmnda har fiya hangga Yahudaya tē fīngya mbuwa Yahudaya fērḱəkafek nda. **2** Amma fīngya Yahudayini kargha fērḱəkafek fa, shik fīngya yina nda mbuwa Yahudaya kyakhrang ngganda hutēn nggindan hai ma fa takkwaya Yeeso. **3** Tsawa nda Mbulus tē Mbarnaḅa a mbēdi ḅeena hangga, dēnda mḅeedā tē pēr laḅar Chinēm kula ḅereenga. Chinēm Yeeso fērang dē sēsəmnda kanda a ḅna ḅnwulteengya nda hangga, ahu ḅna 'ya kiya kyadāng dē ndaarha fiya laḅardi kēkafek ni. **4** Fiya na a wupēri di tsaha nda hai pēmnggēn sēri, fīngya a samad Yahudayini, fīngya kēm fērḱəkafek nda tē laḅar nda Mbulus tē Mbarnaḅa. **5** Tērgħa Yahudaya tē fīngya mbuwa Yahudaya heu tē mamnggi ndan kēnang ngganda 'ya hai na nda a ḅnang ndaa nda Mbulus tē Mbarnaḅa, na mindan sē a kēsang ngganda kanda muk kanda nda tē ferya. **6** Sēkna fathlēngya Yeeso laḅardi kee daa nda tē yīḅād ndan. Dēnda hu chehweed Likoniya dē, ahu wupēri Listra dē tē Ndarḅe tē fīngya talya. **7** Pēr laḅar dā nda na Mbēnggēn a mbēdi. **8** Na nanda Mbulus tē Mbarnaḅa a Listra ḅa nda wal niifa sēfēna sarghēn. Ka nggētēghēn hai nēghēn kee, 'wawa mbang wiirha wa. **9** Nēghēn a kang thlēmaarha Mbulus fa nanēn a pēr laḅar Faara. Kēlang na Mbulus hu yid sē naghēn na fērḱəkafek sē a fadghēn na a wal kēnda nēn. **10** Tērgħa Mbulus tēranggēn uradghēn sē aaghēn ndanggēn, "Thliu sē!" Tērgħa niifdi thliigha sē harat katēranggēn wiirha hai. **11** Fiya na kang thlēmaarha Mbulus fa na nanda ḅndi ḅnanēn tērang ngganda urad ndan sē ndaa nda tē mii nda yi Likoniyaya, "Faarya ni nafini ya, ḅanda thlēmad nēm ḅa ahu thlu farha!" **12** Ahu numad ndan Mbarnaḅa Ndzeyus ni thlēm faara yi Nggirkaya, Mbulus kēm tsaunēn ndēghēn ni na a fēr laḅara, aaghēn nda Hemes. **13** Firis yi kēn Ndzeyustēn nanda a kēsēr wupēri di, ḅagħa ḅa tē thlarha tē shiīya na tē fiirha fa a kwatkirēm wupēri dā ḅa, kēsēr ndēghēn tē fiya heu na mindan sē a ḅnang sataka nda kanda. **14** Amma sēkna nda Mbarnaḅa tē Mbulus ḅndi na a katērarha hai, njarang ngganda lukki ndan dē kēsēr mbēnang ngwa ḅndi kanda na mindan ḅnagħa wa, daa nda hur fiya dē na nda ahuhwaarha tē ndaarha, **15** "Kun nafiniya, kama nun a ḅna ḅndiāya?

Nafiya ni kan kēla kun! Bang nan laḅara kun ḅa na Mbēnggēn na a kyakhrun hai malanggun. **16** Kētēm malang dē fiya heu tērang shilee nda faarya teena na mindan, **17** amma 'wawa mal kanda kula ndēghēn kyad fadghēn tē ḅna nggayirha a fiya tē ndaarha ndēghēn ḅnagħa kēshiirha kahat wa. Na ḅngya sē nēn naarha dāl kēm in, kēla yaara nēn narha bang kēm hai tē parkad ḅnnarhami tē kēm lēdanggēn hur nun tē wutsēfayirha." **18** Amma ko nanēn kee, nda Mbulus tē Mbarnaḅa pērpēr 'yadāng na ndan nafina fa a ḅnanda sataka kanda wa. **19** Amma fīngya Yahudaya ḅagħa nda ḅa a Antakiya tē Ikoniya fiya wumngga hai sēk mii ndan nda, muk Mbulus nda, kahang ngganda kēsēr tala dē, tamngganda ndaarha mērdē. **20** Hērēmna fatakkwaya muwang madufu, tērgħa thliigha sē wudgha hur wupēri dē. **21** Akwasamaddi pēr nanda Mbulus tē Mbarnaḅa laḅar Faara a Ndēḅe, wal nda fiya hangga malangga ḅimiyid ndan, wuda nda Listēra dē, tē Ikoniya, tē Antakiya na hu chehweed Mḅisidiya. **22** Kanda a fērang kaali fatakkwaya, na nda yiyang thlēmaarha kanda in na a isha nda hu fērḱəkafekkid ndan tē shembe. Ndangganda kanda, "Kēl tē sēsaarha kaan ndēnēm kyārha hu kutēryid talara dē." **23** Akwasamaddi wurang na nda Mbulus shingya sē hu kēngya hwan Faara, hwan Faara nda tē kar aama aten ndan na a tsauka Faara tē kanda fēr nanda kēkafek tēghēn. **24** Tērgħa kya nda tē chehweed Mḅisidiya dēnda Famfiliya dē. **25** Pēr nanda laḅar Faara a Pērngga, dēnda Ataliya dē. **26** A mbēdani ya kya nanda hu nggirggi aama hai wuda nda Antakiya dē, a mbēdani kaar hwanang nanda Faara kanda in tē ndaarha a lafgha nggayid Faara kanda ahu tardī ngwalang nanda ya. **27** Sēl nanda ḅa wumangganda fatakkwaya hai pēr ḅnda nda heu ḅnana Faara aten ndan, tēkēm inang kwamana fīngya mbuwa Yahudaya kwaminda fērḱəkafek hai. **28** Mēna ndaha a mbēdi kanda heu tē fatakkwaya.

15 Na nanda Mbulus tē Mbarnaḅa a Antakiya na a Suriya, ḅagħa fīngya nafiya ḅa a Yahudiya, katērang ngganda tsahang Kērēstaya ha tē ndaarha, "Tēta ni a thlēng muwa nda kun, kēla tsahang na ḅntin Musa kēm ha, a mbē kee wa, mbun wal hērēkrha wa." **2** Nda Mbulus tē Mbarnaḅa ngaal nda pēdagħēn tē kanda. A kwasamadghēn, thlēn nda Mbulus

nda tē Mbarnaḅa tē fīngya fa fērkēkafekkya a ɛngginiya, **18** Kyad nən ka kētəm.” (aīōn q165) **19** Urshalima dē, a thlēmā fathlōngya Yeeso dē tē shīngya aten palthdī. **3** Thlēmna fa fērkēkafekkya a Urshalima dē, isha nda hai a kwamana ahu talya Finikiya tē Samariya, pērang nggōnda kanda tē ndaarha fīngya mubuwawa Yahudaya fēr nda kēkafek a Faara. A ten palthdīya fa fērkēkafekkya kēl ɛna wutsəfayirha. **4** Sēl nanda Urshalima dē, nda Mbulus tē Mbarnaḅa thlēgha fa fērkēkafekkya kanda fa heu tē fathlōngya tē shīngya. Pēr ɛnda nda ɛnana Faara tē kanda. **5** Amma fīngya nafiya na a takkwa Farisaya thlii nda sē ndaa nda, “Tēta ni a thlēng muwa nda nafiini mbuwa Yahudaya tē kēm takkwa ngyakhrha deleewar Musa nda.” **6** Fathlēnggini tē shīngya tsawa nda hai ka tsē laḅara nda aten palthdīya. **7** A kwasamaddi ndik nanda atēnggēn kaan, thliigha Mbiturus sē ndēghēn, “Wan manggina, sēndūnsē kaar yi wurgha Faara nggi ahur nun sē, ka a pērang laḅar Faara ni fīngya mbuwa wa Yahudaya tēna nda sēk Laḅardi na Mbēnggēn fērkēkafek nda. **8** Faara, ndēghēnni sēngga hur kowunni, kyaddē ndaarha thlēdē kanda fa fērang nən Sēsēna kanda tē Pedōnda kēla fērang nən kēm. **9** Wurwa ha sē a pathlēng nēm tē kanda wa, kēsər tsuthlēng dē hur ndan dē kēsər ka fērkēkafekkid ndan. **10** Nanən kee, kama na minnun sē kēkērang nda Faara nun dēfang rēfrha na haaghēn a urad nafiya mbuwa wa Yahudaya fērgħa kēkafek, mbuwana kēm nduwa chichiyinēm mbang ngwanda tērang wa? **11** Awo! Fēr dēm kēkafek tē ndaarha ahu nggayid Chinēm Yeeso ni wal nēm hērēkrha, kēla wal nanda.” **12** Fiya wumngga hai nggasa nda hai tētip, na nda a kang thlēmaarha nda Mbarnaḅa fa tē Mbulus na nanda a pērang pathla kanda aten ɛnsakhkya tē ɛnwultēngya, ɛnana Faara tē kanda ahur nafiini mbuwa wa Yahudaya. **13** Ngwalana nda, tērgħa thliigha Yakubu sē ndēghēn, “Wan manggina, Keema thlēmaarha fa. **14** Siman Mbiturus saghang dā ndən kēm kwaman dī na mid Faara a wurgha hasē ahur nafiini mbuwa Yahudaya tsawa nda yighēn. **15** Kyaharrē dā hai ki nafiini mbuwa wa Yahudaya mēmēldē tē laḅar annabiya na chichirethlee hai ahu deleewar Faara tē ndaarha.” **16** “Akwasamad ɛndīya niya wutta ḅa, Nggēryi tēnang wuri Ndauda. Chada hai niya nggēr tēnang, Nggēryi thlēng nda sē. **17** Fiya takhka na nda kadā Chinēm, Fīngya mbuwa wa Yahudaya heu aah ni a tsawa nda yina, Ndagħa Chinēm kee, ɛnagħa

tə fɪŋya hangga na nda a tsahang fiya ha tə pər laɓar Chinəm a kanda. **36** A kwasamad bɛngya ndangga Mbulus Mbarnaɓa, “Tam wudum dɛm weng tala fatakkwaya Yeeso na ahu tal yini 'wanəm pər laɓar Chinəm sə, dɛm na kanda tənəa nda kən.” **37** Na mid Mbarnaɓa sə a tahang ngganda Yahaya Markus ha dɛ. **38** Amma Mbulus mbə midghən sə a tahang ngganda Yahaya Markus haadɛ wa, kəsər maldɛ kanda a Pamfiliya tə kəm kardɛ fa na a dɛnda mbeedɛ tə tardɛ. **39** A mbədi kya nda hu ngaala hai kaan pa dɛgha nda hai. Tərangga Mbarnaɓa Yahaya Markus kya nda hu kombuwol hai dɛnda Sayifurus dɛ. **40** Amma Mbulus wur Sila nən wii nda, fa fərəkəkafekky hwan nggayid Chinəm nda a təranggən kanda dɛ dɛdem. **41** Kya nda tə Suriya tə Kilikiya ka dɛ nda fərang kanglanggirha fatakkwaya Yeeso.

16 Nda Mbulus tə Sila 'wa dərha nda Ndarɓe dɛ a dɛnda Listəra dɛ. A mbədi na tə tsaharha ha sə, thləmnggənmi Timoti man tə Yahudarha ni fərgha kəkafek, amma chin tə Helenarha ni. **2** Fa takkwaya Yeeso na a Listəra tə Ikoniya kanda a falghən. **3** Nanən kee, na mid Mbulus sə a tahang ngganda Timoti haadɛ, thləng muwanən kəsər ka Yahudaya na a mbədi, kowunni səndəsə chin tə Helenarha ni. **4** A sayiddi nanda a wiirha, na nda a takkwa tala-tala kanda a thləghanggən fiya 'ya kənang na fathləngya hai tə shingya na a Urshalima na a laf kanda nda. **5** Fa takkwaya Yeeso na nda aten chikrha hu fərəkəkafek tə hang nda fiya kafad dalthla mbərha fa hai. **6** Mbulus tə ka wiyyighən weng ngganda chehweed Firijiya hai tə Nggalatiya, kəsər Səsəna tə Pedənda 'yadang dɛ thlək laɓar Faara kanda fa a chehweed Asiya. **7** Səlnanda mii chehweed Misiya, tər mindan sə dərha a Mbitiniya dɛ, amma Səsən Yeeso nggəməngwa kanda fa wa. **8** A megshedghən, kya nda tə Misiya səla nda a Turuwas dɛ. **9** A fədiḱrha, səsəniigha Mbulus tə niif Makidoniya kət nagh a hwanggən tə ndaarha, “Bo Makidoniya ɓa, ɓa dɛng nda kan sə.” **10** Nanən kee, ngwan fa ka a dən Makidoniya dɛ, tə numad ndaarha Faara aagha kəm a dɛm thləghang Laɓara na Mbənggən a kanda. **11** Kyan ahu kombuwol hai a Turuwas, dən Samutarki dɛ, dalthna mbərha hai tərən hai a Niyapolis. **12** Thlen a mbədi dən Filibi dɛ manda wupəri na ahu chehweed Makidoniya. Wupəri ni tənna kutəryid Roma; tsawan yi

beena hangga a mbədi. **13** A far yiɓəd Yahudaya dən kəsər wupəri dɛ dɛ a mii kufaarha, a mbədi nan a numad ndaarha nan a wal mbəd hwan Faara. Tsawan hai, katəranggan kalang nishya sə wumngga hai a mbədi. **14** Tal ahur nishyini na a kang thləmaarha kan fa thləmnggən Lidiya na heng kabaya na tə wudəɓəla fa, ɓaghən ɓa a wupəri Tayatira, nən tərang shilee Faara teena. Chinəm inanggən hurghən dɛ thlə laɓar Mbulus nən fa. **15** Ənang mbaptisəma nda heu tə nafiya wurighən, hwan kan nən a dən wuri keeghən dɛ ndəghən, “A nggəmdun fa tə fərəkəkafek ni nggi a Chinəm, ɓama ɓa ɓun tsaurha a wuri kyana.” Djib hwan kan nən pa dən dɛ. **16** Na fardɛ sə kan diye a mbəd hwan Faara dɛ, kəman tə mafad wee nuwun nəghən tə ənkaheerha fa yi kularha. Walang dɛ kəna turighən sə kaan ahu tar kuladdi. **17** Nən takkwa samad nan nagh a ahuhwaarha tə ndaarha, “Nafiniya mafaya Faara Amshi ni, ɓa nanda ɓa ka a pərang kwaman wal hərəkrha nda kun!” **18** Bɛngya hangga nən naarha ndaarha kee. Tərgha Mbulus səbgha hurghən dɛ, kyahargha hai ndanggən ənkaheddi, “A hu thləm Yeeso Kərəsti nduwu hai təghən!” Tsu kəe ndəkka hai təghən. **19** Kəlaana turid mafad wee nuwun dɛ hai kwaman walləndan nggəldɛ, kəsang ngganda Mbulus tə Sila dɛnda tə kanda ahu kasudɛ a mbed fa ngwa kumaya dɛ. **20** Dənda tə kanda a mbed mamngya fa ngwa kumaaya dɛ, ndaa nda, “Nafiniya Yahudaya ni, na nda tsang teena nafinan kaan. **21** Na nda tsahang əntingya kanha mbuwa məməl tə kəm Romaya.” **22** Fiya wumngga hai a mbədi katərang ngganda har nda Mbulus tə Sila tə yanda, mamngya fa ngwa kumaaya ndanggən fɪngya fiya a kədang ngganda kanda hai tawalth, dək kanda nda. **23** A kwasamaddi dək nanda kanda muwang ngganda kanda hu porsəna dɛ ndang ngganda fa kəla mbəda ha a kəla kanda nda ha ngga. **24** Tə kəla kən porsən dāha kəm hərəm nən səkkən kee muwanggən kanda a kambərhadɛ kaan pang ngganda saryindan ahu dəfrha hai. **25** A manad fədiḱrha nda Mbulus tə Sila na nanda a hwan Faara tə aagha amshe yi fal Faara, nagh a fɪngya porsəngya a kang thləmaarha kanda fa. **26** Kula səndəndan sə, rəbgha chehweerha fa heu tə sar kən porsən di. Tsu kee kwat mingya porsən di heu ina nda dɛ, wuyiwurya kənang nanda porsəngya sə heu kwasa nda hai **27** Mehenna tə kəla mbəda ha a beena,

kəla hai kwatmingya heu inda də. Kəđanggən thlau kəlarghən sə na midghən sə a bəlanggən fadghən, ahu numadghən tamnggən ndaarha porsənggini heu kyanda sə. **28** Amma tərəngga Mbulus uradghən sə kaan ndanggən, “A ənang na wundərha fadwa fa wa, kan heu nan a mbədiya!” **29** Tə kəla porsən da ha ndaagha a bəng patilla nda ba, mbəngga a kənda də bərgħa hweeda hai tə kurumnggən a mbəd nda Mbulus tə Sila, nagħa fadghən heu a rəbrħa fa. **30** Kyagħa tə kanda kəshaaba tsahang mee nən kanda, “Kun mamngya, mani ənaarħa tənī hərəkrħa?” **31** Nđang ngganda, “Furu kəkafek a Chinəm Yeeso, na wal hərəkrħa heu tə wuriwa.” **32** Tərgħa pərang lafar Chinəm nda tə fīngya heu na a minda keegħən. **33** A fədīkđi wu tə kəla porsən dāha haranggən kanda, tsabəng wundəyi ndan nən kanda də. A mbədi kəm ənang mbatisəma nda heu tə wurighən. **34** Tərgħa bağħa tə kanda minda keegħən ba fərang ənnarħami nən kanda. Nđəghən tə fa wurayighən heu na nda a əna wutəfayirħa kəsər kanda heu fər nda kəkafek a Faara. **35** Dəltħna mbərħa hai, thləngga fa ngwa kuma yini farħa a thləmad tə kəla porsən dādə tə ndaarħa: “Kalu həshyina hai ya.” **36** Tə kəla porsən dāha ndanggən Mbulus, “Fa ngwa kumaaya thləngga ba a kal sa ni hai tə Sila. Nanənya weema ahu dədəmnggirħa.” **37** Amma nggərangga Mbulus nafina sə thlən nanda kanda ba, “Dək nda kan a pəpal kula kanda ngwang kumarħa kan sə, muwang ngganda kan ahu porsəna də kan kəm wangya Romaya ni kan. Nanənya na mindan sə kee ween bəbēe? Kəkafek mbə ənaarħa hai kee wa! Ndaaman kanda a ba nda ba tafandan ba nda kal kan hai.” **38** Nafini thlən nanda ba dənda də da nda pəranggən fa ngwa kumaaya, sək nanda ndaarħa nda Mbulus tə Sila wangya Romaya ni tərma nda. **39** Banda hu kən porsən da ba hwan kanda nda a chahanggən nda kanda də, kyang ngganda kanda sə ma porsən di mal wupəri da nda. **40** A kwasamaddi kya nanda Mbulus sə tə Sila ahu porsən di, dənda wuri ki Lidiya də. A mbədani wumna nda sa hai tə fatakkwaya Yeeso fərang kanglanggirħa nda kanda a wii nda.

17 Kya nanda Mbulus tə Sila tə Amfipolis tə Apoloniya, ba nda Tasalonika ba na kən tsahad Yahudaya sə. **2** Kəla səsənnə Mbulus sa hai kyagħa hu kən tsahad Yahudayina də, a

far yibəd Yahudaya katəra mahan a miighən a miighən tsə labara nən tə fiya ahu deleewar Faara. **3** Pərang nggənnən kanda a pəpal 'ya ndana deleewar Faara tə ndaarħa Kərəsti səsaaədə tə kəm thliida sə hu mərə. Nđanggən kanda, “Yeeso di niya pərang nda kun ya Kərəsti da ni.” **4** Fīngya Yahudaya nggəmnđa fa wum teena nda tə nda Mbulus tə Sila, kəla ənana Helenaya hangga na a tərəm Faara tə man nishya na tə thləma in. **5** Amma nagħa Yahudayini a sərəkħa, da nda wumang fa thləməngya ba ahu kasu, thliigha kakyathlanga sə a wupəri di. Da nda minda ki Djasən də na nda a kədə nda Mbulus tə Sila ka a kyang ngganda kanda ahur fiya ba wumngga hai. **6** Amma nawa nanda kanda, kahang ngganda Djasən ba tə fīngya fatakkwaya Yeeso ba nda tə kanda a mbed mamngya wupəri da ba na nda ahuhwaarħa, “Nafini ya kanda ni na a tsang teena fiya hu kəshiirħa kahat nanənya kulo kanda ya. **7** Djasən thlədə kanda fa a minda keegħən. Kanda heu kar nda əna taara tə ngyakħrħa Kaisar, na nda a ndaarħa wai na kutəra sə pak, yandi na nda aarħa Yeeso.” **8** Sək nanda kee, fiya wumngga hai tə mamngya wupəri di səbgha hur ndan də tsangga teena kanda. **9** Tərgħa ndang ngganda Djasən tə fīngya a fər wudəbəla nda a malang ngganda kanda wii nda. **10** Tsəna fidīkrħa hai, Fa takkwaya Yeeso thlənang ngganda nda Mbulus tə Sila a Mberiya də. Səl nanda a mbədə də, kya nda ahu kən tsahad Yahudaya də. **11** Nafiya Mberiya kal nda Tasalonikaya hakkilo, kəsər thlənda lafar da fa tə haara kikyab na nda naarħa huleu lafar Faara kətsar təna nda sən kəkafekkid palthđi pərang na Mbulus kanda. **12** Yahudaya hangga fərgħa kəkafek, kəla ənana Helenaya, man nishya na tə thləma in tə həshya hangga. **13** Səkna Yahudaya na a Tasalonika ndaarħa na Mbulus a pər lafar Faara a Mberiya, dənda mbədədə kəm, da nda shighang fiya fa wumngga hai təna nda thləng yanda. **14** Fa takkwaya Yeeso na a mbədi thlənang ngganda Mbulus a mii wuri aama də, amma nda Sila tə Timoti tsawa nda a Mberiya. **15** Nafini dəfangga Mbulus a Atina də ndanggən kanda da nda pərang ndaarħa Sila tə Timoti ba nda walghən wed. **16** Nana Mbulus a kəla kanda fa a Atina, thleegħa hurghən nanən talđi ləghəddə tə dāhaya. **17** Nanən kee, dəgha hu kən tsahad Yahudaya də ka dəgha tsə labara tə kanda tə Helenaya na a tərəm Faara. Ka fad

dathla mbərha fa hai nən naarha dərha hu kasu də nagha a kalang fingya sə wal nən a mbədi. 18 Fingya fa maləmnnya Abikuriyaya tē Sətokiya katarang ngganda ngaala hai tēghən ka pərang nən labar Yeeseo kanda tē thliidghən sə ahu mər̄ra. Nanən kee tsakhka fingya mee, “Mana tē pəpethdi a ndaarha ya?” Tē kəm ndagha fingya, “Na midghən sə pər labar weerənda faarya nən.” 19 Tərgha dēnda tēghən ahu wum ten fa sēngya dē a mbərha na nda aarha Aropaggus ndang ngganda, “Pərang labara kan ngga aten weerənda tsahadda ha kyawa bāna bā tēghən ya. 20 Nana a lədag thləman nan tē palthya pak, na minnan sə a sən ənggina nan ya ngga.” 21 (Atinaya heu tē rongya na tē tsaurha a mbədi na nda naarha tsaurha hai kee kəl tsə labara aten weerənda palthdi kyagha bā.) 22 Thliigha Mbulus sə ahu wum tendi na a Aropaggus ndəghən, “Nafiya Atina! Nadi kun nafiya ni na mindan tərang shilee faarya teena hangga. 23 Kəsər a nadi a wiirha hai ahur taldi ya ni naarha kəlang nda ənggini nun naarha tərang shilee kanda teena, tē kəm nadi mbəd nji sataka tē chireethla a man tenggən tē ndaarha, ‘A Faara sēngwa wa nəm’. Tur faardi nun a tərang shilee teena sēngwa wa nun, ndəghənni ni a pərang nda kun.” 24 “Faardi ənagha kəshiirha tē əngya heu na ahurghən ndəghənni Chinəm yi talara tē hweede, mbə tsaurha ahu kənnā tēnnā fiya wa. 25 Mbəm fərang ‘ya tē haara wa, mbə kada thlaara a haar niifa wa, kəsər ndəghən tafadghən nən fərang yibrha fiya tē fingya əngya heu. 26 A fad niifa tatal ndən ənanən turya fiya dēdamən-dēdaməm ahu kəshiirha kahat. Kapa nən əna kanda sēndə sayi kamngga tē kanda tē kəm mbərha kamngga a tsawa nda sə.” 27 “Ənana Faara ndən kee tēna fiya kadaghən asəmha na nda walang ngganda, ko nanən mbə inggun ma kəm wa.” 28 “Kəsər nəghəm tē tsaurha ahurghən, tē wiirha hai, ndən nanəm sə a weeriya.” Kəla ndaana fa amshiiyi nun, “Kəm wanggighən ni.” 29 “Tsaunən kəm wangya Faara ni, məməlwā numam tē ndaarha Faara nəghən kəla dāharha taksa fa mbər əngya tē dēbəla, nduwa feera nduwa dər̄rha wa. 30 Kətəm djidangwa Faara tē yamid sēnda fiya wa, amma nanənya ndanggən fiya heu ko a yanggini a malang ngganda dahayi ndan kyakhra nda thləmadghən bā. 31 Kəsər dēfang dē fara hai nən a ngwang kumarha kəshiirha yi kəkafek tē

haar niifdi wur nən. Kyadang dē niifdi kowunni a pəpal tē thleng nən sə ahu mər̄ra.” 32 Hərəm nanda sək labara aten thliirha sə ahu mər̄ra, fingya waghən nda, fingya ndanda, “Na minnan sə a nggərgha pərang palthdi kan ya.” 33 Tərgha malgha Mbulus kogna yini. 34 Amma fingya mbu samadghən nda tsawanda fa fər̄kəkafekkya. A hur ndan na Ndiyonisiiys sə nəghən tal ahur kogna yini, tē nuneefa kəm na thləmnnggən Ndamaris tē fingya hangga.

18 A kwasamadghən, malgha Mbulus Atina dēgha a Koronti dē. 2 A mbədi wal tē Yahudarha nən sə na thləmnnggən Akila, wan chehweed Pontus. Bəghən bā a Italiya kanda tē nukkun Pərisila, kəsər kutəra Kəlaudiys ndanggən Yahudaya heu a mal Roma nda. Dəgha Mbulus dē ka a na kanda nən, 3 kəsər nanən targhənni taksa chaama kəla na nanda, tsauka a thləman ndan əna taara nən tē kanda. 4 Kala Far Yibrha nən tsə labara tē Yahudaya tē Helenaya ahu kən tsahad Yahudaya, na midghən sə a ləm kanda nən fa. 5 Bāna nda Sila bā tē Timoti a Makidoniya, dēfgha Mbulus teena hu pər labar Faara hai, nagha a kyadanggən Yahudaya tē ndaarha Yeeseo ndəna Kərəsti. 6 Amma ngaalang ngganda Mbulus na nda a ‘yarghən, dəghanggən tinid dā dē na a fad luwudghən ndanggən kanda, “A tsauka hakked nun atennun! Mbə dimiyirha sə a fanna wa. Nanənya niya dər̄ha a ki nafiya dē mbuwa wa Yahudaya.” 7 Tərgha Mbulus mal kən tsahad Yahudayina nən dēgha minda ki Titiiys Djustus dē, tē tərang shilee Faara teena. Na kwatkirəm nggən tal tē kən tsahadda fa. 8 Tərgha Kəripus mamnda kən tsahad Yahudaya, heu tē wurighən fər̄ nda kəkafek a Chinəm. Fingya Korontiyaya hangga səkka ndən fər̄kəkafek nda ənang mbaptisəma nda kanda. 9 Fardā sə a fidikrha kyadangka Faara ‘ya Mbulus ahu səsəniirha, ndanggən, “A tərəmna wa; duwa mbeedə tē labar wa, a nggasna hai wa. 10 Niyi tē sa ha, mbə niifa sə dək sa nduwa əno ‘ya nən fa wa, kəsər na nafina sə hangga ahu wupər̄idi ya.” 11 Nanən kee, tsauka Mbulus yi hurarha tal tē mbeera, nagha a tsahang labar Faara kanda ha. 12 Amma a thlakh mbəd̄di na Nggaliyo ngwamna a chehweed Akaya, wumangga Yahudaya tendan ka a thlengganda Mbulus fa bā nda tēghən mbed ngwamna bā ka a ngwang kumarha nən sə. 13 Ndanda, “Niifdiya nəghən a ləm fiya fa a tərang shilee

nda Faara teena ahu kwamana 'yadana ngyahad nām.” 14 Nana Mbulus a kalgha sē kee, ndangga Nggaliyo Yahudaya, “Kun Yahudaya, a ndam kāsanggun kamshidiya tē dimiyirha fa nduwa ənadē 'ya na manggən mbuwa wa ngga, kam niya kang thlēmaarha kun fa. 15 Amma nanən nəghən aten tsakh mee ni ahu laḅara tē aten thlēmngya tē kām ngyahad nun, ngwalaman palthdi tafad nun, mbi ngwa kumarha aten əngya kiya wa.” 16 Nanən kee, rəghanggən kanda dē ma kən ngwa kumaddi. 17 Tərgha kyakhrang ngganda Sostanus teena mamnda kən tsahad Yahudaya dəkəkənda a kwatkirəm kən ngwa kumaddi. Amma djiḅangwa 'ya Nggaliyo wa. 18 A kwasamad əndiya mēngga Mbulus ha a Koronti. Tərgha mal fatakkwaya Yeeso nən kyagha hu kombuwol hai, mbugha nda Pəriskila tē Akila samadghən, dēna nda Suriya dē. (Kapa nən wiirha thlėrdang dē tenggən dē a Kankiriya kəsər ka dēfimee ənanən.) 19 Səla nda a Afisa dē, a mbēdi malgha Mbulus Pəriskila hai tē Akila. Tərgha ndəghənggi tafadghən kyagha ahu kən tsahad Yahudaya dē ka a tsē laḅara tē Yahudayini. 20 Hwanggənda a mēngga ha, amma kargha fa. 21 Amma kapa nən wiirha ndanggən kanda, “A nggəm Faara fa, niya nggər wutta ḅa.” Tərgha kyagha ahu kombuwol hai mal Afisa nən. 22 Tərnən hai a Kaisariya, dēgha ka ndang'ya fatakkwaya Yeeso dē na a mbēdi a mbərgħa a Antakiya dē. 23 A kwasamaddi mənən ha a Antakiya, thliigha dēgha mbəya dē hangga a Nggalasiya tē Pilisiya, nagha a dāng nda fatakkwaya Yeeso sē na a tsawa nda tē kanglanggirha hu chinəm. 24 Na tē Yahudarha sē thlēmnggənni Apolos, ḅagha Afisa ḅa. Nggətgha ndan a wupəri Aledzandariya, tē mbərmee ni sēndē laḅar Faara kaan. 25 Tsahang nda kwaman Chinəm ha, tē kām nəghən a tsahang fiya ha tē mbənafarha fa. Tsahadghən ha aten Yeeso nəghən māməl. Ko nanən, mbaptisəma yi Yahaya ndən sənən kee. 26 Katəranggən ndikrha hai tē kanglanggirha hu kən tsahad Yahudaya. Səkna nda Pəriskila tē Akila ndən aaghən nda a minda kyandan dē pərang kwaman Faara nda māməl. 27 Nana mid Apolos dərha a Akaya dē, fatakkwaya Yeeso chighang kanglanggirha nda tē kām chireethleng ngganda fatakkwaya Yeeso dē na a mbēdi tēna nda thlėghən fa. Sələnən mbədādē, thlar fīngya nən kaan fərgħa kəkafek tē nggayid Faara. 28 Kəsər kaldē Yahudayina mu ngaal nən

tē kanda hu yid fiya hangga, kyadanggənən kanda tē ndaarha hu deleewar Faara Yeeso ni Kərəsti.

19 Nana Apolos a Koronti, tər Mbulus kwamana ahu chehweddi dēgha Afisa dē. A mbədani dənən wal fatakkwaya Yeeso sē. 2 Tsahang mee nən kanda, “Fər nun kəkafek thlėdun Səsəna tē Pedənda fa wa?” Nggərang ngganda sē, “Awo, kyawan sən ndaarha na Səsənasē tē Pedənda wa.” 3 Tsakhka Mbulus mee, “Tur yanggi mbaptisəma ənang nanda kun?” Nđang ngganda, “Mbaptisəma yi Yahaya.” 4 Ndagħa Mbulus, “Mbaptisəmad Yahaya yi mal dimiyirha ni. Nđanggən fiya a fərəkəkafek nda tē niifa na ḅayi a samadghən, ndəna Yeeso.” 5 Sək nanda kee, ənang mbaptisəma nda kanda ahu thlēm Chinəm Yeeso. 6 Dəfang na Mbulus haara kanda teena, ḅagha Səsəna tē Pedənda tendan hai, na nda a ndikrha tē miia pak tē kām na nda thlėk laḅara ḅagha hai a thlėmad Faara kəla annabiya. 7 Kanda həshya kumkap səri ni. 8 Tərgħa Mbulus kyagha hu kən tsahad Yahudaya dē nagħa a pər laḅar Faara tē kanglanggirha yi ndəree mahan, nagħa a ləm kanda fa tē thlėghang laḅar Kutəryid Faara kanda. 9 Amma fīngya kar nda laḅargħən fa. Na nda a ndikrha mbuwa ngga a pəpal aten kwaman Chinəm. Malangga Mbulus kanda, wiigha tē fatakkwaya Yeeso dē nda naarha tsē laḅara kəsər a mbəd tsaharha ha na a Təranus. 10 Huraya səri kanda a ənaarha kee, tēna Yahudaya tē Helenaya na tē tsaurhahu chehweed Asiya sək laḅar Chinəm. 11 Fərang Faara səsəmmnda Mbulus a əna ənwulteengya nən na məmanggən. 12 Ko ən pa farha nduwa shishimar tsuwargħa ndən fa, a dāng ndan haaya dē, na nda kənda tē kām ənkaheeya na a fad ndan a kyarha sē. 13 Fīngya wumten Yahudaya na a wiirha hai tala-tala kanda a kyang ənkaheeya sē katərang ngganda əna taara hai tē thlēm Chinəm Yeeso. Na nda a ndaarha, “Niya a ndorha hu thlēm Yeeso, na Mbulus a pər laḅargħən, kyosəl!” 14 Wangya həshya mād yi Skiva mamnda firis Yahudaya kanda na a əna əndiya. 15 Fardasē nggərangga ənkaheddi kanda sē, “Səndi Yeeso, tē kām səndi Mbulus, amma wunni kun?” 16 Tərgħa niifdi na tē ənkahedda fa pərgħa tendan dē har kanda nən yanda kal kanda nən mu heu. Dək kanda nən kya nda sē tē dərha ahur mindədē tawalth tē wundiya fa a fad ndan. 17

Səkna Yahudaya ndən tə Helenaya na tə tsaurha a Afisa, tərma nda heu, fərang mamnggirha nda thləm Chinəm Yeeso kaan. **18** Fingya hangga fərgħa kəkafek kya nda pəpal 6a na nda a thlək ən mbəlfeyya ndan. **19** Fa kulaya hangga kyagħa 6a tə deleewar kulayid ndan njang ngganda dā a yid fiya. Kirasang nanda deleewar kula yini nən səl wudəbəl rapathlaarha yi 6eena haru kumnggidghən tuf. **20** Nanən kee, laḅar Chinəm aten dərha mbeedə fiya hangga kaan a fərkəkafek. **21** A kwasamad əndi katəragħa hai ya, mid Mbulus dərha Urshalima dā, nən a kyagħa tə Makidoniya tə Akaya. Ndəghən, “A kwasamaddi dini mbəda dā, tsaudə tətə a di Roma dā.” **22** Thlən nafiya nən dā səri na a dāng sə nda Timoti tə Irastus a 'wa nda mbee, a Makidoniya dā, ndəghənggi tsəgha tsəbaku hu chehweed Asiya. **23** Məməlla sayiddi thliigha kakyathlaanga aten takkwa kwaman Chinəm. **24** Tə 6əla na nda aarha Ndemetiriyus, na 6əl kən dahad Artemis nggu-ngguchit tə wurirha, walang dā tar wudəbəla fa 6əlyə sə hangga. **25** Wumanggən kanda thləmadghən 6a tə fingya na a əna tur tardī, ndanggən kanda, “Wayə, səndunsə nəghəm a wal wudəbəla ahu tar di kyanəm ya.” **26** Kəla nanun ndən tə kəm səknun na niifdiya Mbulus a ləm fiya fa hangga a Afisa di ya tə chehweed Asiya heu. Ndəghən, faarya ənana niifa mbə faarya ni wa sam. **27** “Na wad sə mbə ka tar nəm na thləmnggən a weela dā katənggən wa, amma kən dahad Artemis nən a səbrha dā, tə kəm Artemis tafadghən na nda a dəfang shilee teena ahu chehweed Asiya heu tə kəshiirha, nən a kədeng mamnggidghən.” **28** Sək na ndan kee, səbgha hur ndan dā katərang ngganda ahuhwaarha hai, “Atemis yi Afisaya nən tə mamnggirha!” **29** Tsəbaku hur wupəri heu tsə teena nda. Kəsangga fiya nda Nggayus tə Aristakus kawīya Mbulus a Makidoniya 6a, kowunni kəl daarha mbəd wumteena dā. **30** Na mid Mbulus sə a kyagħa hur fiya dā wumngga hai, amma karang fatakkwayə Yeeso fa. **31** Ko fingya mamngya na hu chehweddī, pashiya Mbulus, thlənang laḅara nda dā a kyadə a mbəd wumten dā dā wa. **32** Fiya wumngga hai na nda ahu tsə teena. Fingya na nda ahuhwaarha aten 'ya tətəl, fingya aten 'ya pak. Fiya hangga səngwanda əndi 6angga kanda mbəda 6a wa. **33** Yahudayini puwang ngganda Aledzanda a mbeedə, na a thlək 'ya nən a fiya. Təranggən hargħən sə na a nggasgha fiya hai ka kalanggən

kanda sə aten 'ya wumangga kanda hai. **34** Amma sənang nanda hai tə Yahudarha ni, kanda heu tərang ngganda urad ndan sə na nda a mbeela fa yi sayi səri tə ndaarha, “Atemis yi Afisaya nən tə mamnggirha!” **35** Tə chirethla wupəri di nggasanggən fiya hai wumngga hai ndəghən, “Nafiya Afisa, kəshiirha heu sənda sə wupəri Afisa ndəghənni tə Mamnda Artemis ha, tə shishing ndəghən mukka hai a talara a kəm. **36** Tsaunən kee, mbə ngaala sə ahu palthdi ya wa, nggasama hai a ənadun 'ya kula numaarha wa. **37** Ba dūn tə nafini mbəda 6a ya, mbə ngaar nanda a kən dahad nəm wa tə kəm sar wa nda dahadnəm wa. **38** A nadə Ndemetirus tə fa taryighən na nda tə billaarha aten kowunni, na kən ngwa kumarha sə, dənda dā dā nda huhwaarha. **39** Ana 'ya sə pak na minnun a thluwun daama təghən a mbed shingya wupəri dā. **40** Kəla nanənya, nəghəm ahu waarha a nadəm a mbeela fa kiya wa kəsər ka əngya na a wiirha hai a weeriya. Nanən mbə ten palth kakyathlang dā sə ya wa, mbə 'yasə nəm thləkrha aten əndi nun a ənaarha nanənya wa.” **41** A kwasamaddi ngwalang nən palthghən kal fiya nən hai.

20 Ngwalana kakyathlaanga, tərgha Mbulus aah fatakkwayə Yeeso nən, a kwasamaddi fərang nən kanglanggirha kanda, dəgha Makidoniya dā. **2** Dəgha mbəya dā hangga nagħa fərang kanglanggirha fatakkwayə Yeeso tə palthya hangga tə səgha a Helas dā. **3** Tsauka a Helas yi ndəree mahan. Nanən a ngwarha fa nən a tərə ahu kombuwol hai ka a dəgha Suriya dā, ashe Yahudayini kənanang nda hai na a ənang 'ya nda fa, tərgha wudgha kyagħa tə Makidoniya. **4** Nda Sufata wan Farus a Mbiriya, tə Aristakus, tə Sakundus, nafiya Tasalonika, tə Nggayus niif Ndarḅe, tə Timoti, kanda nda Tikikus tə Tarofimus, nafiya Asiya, na mindan sə a dənda Suriya dā təghən. **5** Nafiniya 'wa nda mbeedə kəla kan nda fa a Torawus. **6** Ngwalana wutsəfayid mburodi kula mekhna thlen a Filibi tə nggirggi, akwasamad 6eena tuf dān wal fingyayini a Torawus tsawan a mbədi yi 6eena mād. **7** A katəra thlətta 6eena wuman hai ka a ndəghanggan mburodi hai. Tərgha Mbulus pərang laḅar Faara nən kanda. Na midghən sə mal kanda a dalth mbərha hai dəgha mbeedə tə pər laḅar Faara ta manad fidikrha dā. **8** A hu kəndi tənna nda aten shadghən wumnan

sa hai na patillaya sə hangga. **9** Na niifa sə tsauka hai a kwat konna thlömnggən Yutikus, na beena a səsang nda a sayiddi na Mbulus a pər laḅar Faara. Tərgha tərangga beena Yutikus də, mukka hai a kwat kəndi tənna nda aten shadhən yi mahan, tərang ngganda sə məmərə. **10** Nanən kee, tərgha Mbulus hweeda hai, bərgha ten wanda hai fəbanggən, ndagha, “A billadun wa, ɓalghən tə yibrha.” **11** Tərgha nggərgħən wutta talara sə kyanggən mburodi da hai kyan heu. Dəgha mbeedə tə pərang laḅar Faara kanda har dalthgha mbərha hai a wiigha. **12** Tərgha nafini tərang ngganda wundələddi wure də tə yibrha na nda a əna wutsəfayirha. **13** Wiigha Mbulus tə saara a Asus də. Kan kəm dan mbədədə tə nggirgi ka a təranggan. **14** Dənən wal kan a Asus, təranggan tə nggirgi a Mitilin də. **15** Dalthna mbərha hai thlen tə nggirgi sələn Kiyos də. Nggərna mbərha dathla hai tədan a Samos də. A kwasamad beena tal sələn a Militus də. **16** Mbə mid Mbulus sə a ishgha hai a Afisa wa, kəsər mbə midghən sə a mbədgha hai a Asiya wa, nəghən a yawiirha na a səlgha a Urshalima də wed, a nadə a ənaarha hai a far Wutsəfayid Pentikos. **17** A Miletus ni thlənna Mbulus farha də a ang shingya Kən Faara nda ɓa na a Afisa ɓa nda walghən. **18** Ba nanda walghən, ndanggən kanda, “Kun tafad nun səndun tur tsawud na a sayiddi nani tə kun ka a fardi dəfang ni sarna a chehweed Asiya hai. **19** Ənangdi taara Chinəm kula manang alteena tə thlee hura kəm, ko nanən saadi kəkərfa fa tə tar mbəlfērha əneena Yahudaya fa. **20** Səndun sə karwi pərang 'ya kun na thlar kun wa, tə kəm tsahangdi kun ha a pəpal tə wure-wure. **21** Pərangdi ndən Yahudaya tə fingya mbuwa Yahudaya na a malangganda dimiyid ndan kyakhra nda thləmad Faara ɓa fərkəkafek nda a Chinəm Yeeso.” **22** “Nanənya, Səsəna tə Pedənda a shik nggi, ka a di Urshalima də, səngwi əndi dəgha katərərha hai tə nggi a mbədi wa. **23** 'Ya sənni sə kee kala wupəri dənī saadə na Səsəna tə Pedənda naarha kəs thləmanna tə ndaarha nda dərha hu porsəna də tə səsəarha na nda a kəla nggi fa. **24** Amma nggi mbiyi a kəlang yibənnə kəla 'ya ni wa, na minna sə kee a ngwalanggi tardi fəree na Chinəm Yeeso a ənee, tar pər Laḅara na Mbənggən yi nggayid Faara.” **25** “Nanənya, səndisə mbusə ahur nun pərang ni laḅar Kutəriyid Faara na nggər na nggi wa. **26** Tsaunən kee, niya pərang

ndaarha kun a weeriya mbə hakked niifa sə atenna wa. **27** Pərangdi 'ya kun heu na mid Faara a sənggunən.” **28** Kələma altənnun ha tə nafiya fərangna Səsəna tə Pedənda kun a laf kanda nun. Tsawama kəla falafya nafiya Faara. Chibədghən ni hiinən tə far Wanggən. **29** “Səndi sə a kwasamaddi malni kun, na məmereeya a kyarha hur nun hai mba nda a mal chibədđi wa. **30** A hur nun kəm na fingya sə na a thliirha sə thlək palth nggəbaarha nda ka a kyang ngganda fingya sə ahu fərkəkafekkiddi, tənə nda mbu samandan. **31** Nanən kee kwarama! Dalama teena hai hurarha mahan 'wawi malang kəs thləman nun nda fidikrha tə yanfaara tə aam yirha wa.” **32** Nanənya wumangdi kun tə Faara tə laḅar nggayidghən, na mbang tənang kunsə fərang langaarha nən kun heu tə fingya dəfang nən haara teena. **33** “Wawi suna wudəbəl niifa nduwa karidghən wa. **34** Səndunsə ənayi taara tə harna kərni fadna sə tə fingya nani tə kanda. **35** A hu əngya ənani heu, kyadāng di ndən kun tə ndaarha, tətə ni a əna taara nun kiya tənun thlar fingya mbuwa təghən ha. Nam a dāl teena hai tə palth Chinəm Yeeso ndaanən, 'Nagha parka sə kaan hu fəra ma thlərha.”” **36** A kwasamaddi ngwalang nən laḅara, bərgha hai tə kanda heu hwan Faara nda. **37** Kanda heu muk tərha nda fəbghən nda. **38** 'Ya səbangga hur ndandə kaan kəsər ka laḅargħən ndanən mba nda a nggər nang yirha fa wa. Tərgha dəfang ngganda ahu nggirgi də.

21 A kwasamaddi mal nan kanda, kyan hu nggirgi hai dan Kos də. Dathna mbərha hai sələn Rodes də thlen a mbədi kəm dan Pataara də. **2** Dan wal nggirgi na a dərha Finikiya də, kyan sa hai wen. **3** Akwasamad di na nan Sayifurus mbəran də tsanggan a man kodnan də, dan Suriya də. Təran hai a Taya, mal nggirgi da nan ka haarang ngganda rəfrha hai ahurghən. **4** A mbədi wal fatakkwaya nan tsawan tə kanda yi beena məd. Nagha Səsən Faara a shik kanda ndang ngganda Mbulus a dədə Urshalima də wa. **5** Amma ləghədna ben tsawud nan tə kanda, wudan ɓan wal nggirgidi dan mbeedə tə winnan. Fa takkwayini heu kanda tə nishyindan tə wanggindan dəfang ngganda kandə ma wupəriđi. A mii wuri aamdi ɓəran hai hwan Faara nan. **6** A kwasamad di ndək nan hai tə ndan, kyan hu nggirgi hai kanda kəm wuda nda wure də. **7** Dan mbeedə

tə winnan a Taya sələn Tolemayis də, a mbədi ndang'ya nan fa fərkəkafekkyā. Tsawan tə kanda yi beena tal. **8** Dalthna mbərha hai, nduwan Kaisariya də, tsawan a minda ki Filibus tə pər lafar Faara. Nəghən tal ahur nāfini məd wur nanda na a ndək ənnaarhami də. **9** Na wutarayighən sə fada na nda thlək 'ya na a katarərha hai a mbee. **10** A kwasamaddi tsau nan a mbədi yi beena hangga bagha annabi ba a Ndjudiya thləmnggən ni Anggabūs. **11** Bana Anggabūs thləman nan ba, təranggən ən kənda mu Mbulus, kəranggən saryighən tə haryighən təghən. Tərgha ndəghən, “Ndagha Səsen Faara, ‘Na mamngya Yahudaya a kənan nda tə ən kən muwa kəla yandiyā a Urshalima fəranggənda nafiya mbuwa wa Yahudaya.” **12** Səknan ndən kee, kan tə fīngya fatakkwaya na a mbədi, hwan Mbulus nan a dədə Urshalima də wa. **13** Amma ndagha Mbulus, “Kama nun a tərha? Kun a thləng hurna! Nggi ngwadi fa mbə ka muweeghanda hu porsəna də a Urshalima kee wa, amma a məri ka Chinəm Yeeso.” **14** Mbang ngwanan kyakhrang hurghən hai, ndan kee, “Kəl 'ya ənana Faara.” **15** Akwasamad əndiyā ngwanggan rəf yinan dan Urshalima də. **16** Fīngya fatakkwaya na a Kaisariya mbunda samannan. Dənda tə kan minda ki Manason də, tə Sayifurus tal ahur fatakkwaya kətəm. **17** Səl nan Urshalima də thləgha fatakkwaya kan fa ngga. **18** Dalthna mbərha hai, kan nda Mbulus dən thləmad Yakubu də, shīngya Kən Faara heu na nda a mbədi. **19** Ndangga Mbulus 'ya kanda pərang 'ya nən kanda heu ənana Faara ahur nafiya mbuwa wa Yahudaya ahu tərghən. **20** Sək nanda əndi kee fal Faara nda. Tərgha ndang ngganda Mbulus, “Nannan, wan man, Yahudaya hangga fərgha kəkafek, kanda heu tər mindan sə a takkwa ngyakhrha Musa. **21** Amma pərang ndan kanda tə ndaarha, na tsahang Yahudaya ha na tə tsaurha ahur fīngya mbuwa wa Yahudaya a malangganda tsahad deleewar Musa. Nana a ndang nda kanda a thləng nda muwa wanggindan wa nduwa kəm takkwa əntin nəm nda wa. **22** Nanənya ma nəm ənaarha? Kəsər na nda a sək ndaarha kəkafek banna ba.” **23** Nanən kee əno 'ya nan a thləworha. Na nafiya sə fada a thləman nəm a mbədiya dəfgha mee. **24** Duwadə tə kanda ahu Kən Faara də yi Yahudaya də wumteena tə kanda ahu tsuthlang kanda də tə kəm tii wudəbəl thlərəttə ndan. A ənanna kee na fiya sənda sə palthdi na nda a səkrha atenwa nggaabarha ni, sa kəm əna taara na tə 'ya ndaana ngyakhrha Yahudaya. **25** “Amma fatakkwaya mbuwa Yahudaya, chireethləng dan kanda də tə ndaarha: A malang ngganda əna 'ya mii thləng nanda dāharha, tə saa faara, tə kii mabi tefrəng nanda uradghən tə kulafayirha.” **26** Dalthna mbərha hai harangga Mbulus nāfini tsabanggən fadghən də heu tə kanda. Tərgha dəgha hu Kən Hwan Faara də yi Yahudaya ka a pərang ndaarha nən kanda bad far ləghəttə bən tsabrha fandan ba, fardə ni na nanda a əna sataka a kowunni ahur ndan. **27** Takhna bəndi məd a ləghəttə, fīngya Yahudaya bagha ba a chehweed Asiya na Mbulus nda ahu Kən hwan Faara yi Yahudaya. Shik fiya nda a kəsang ngganda, **28** tərang ngganda urad ndan sə, “Nafiya Isəreela, daaman kan sə! Niifdani ya na tsahang fiya ha heu ko a yanggi ni aten tsan nāfinəm tə ngyakhrə nəm tə mbədiya kəm. Mbə kee ma wa ba də ba tə Helenaya a kən də ba ya nagha a səbang nda mbədə də na tsətsabədə ya. **29** Nanda Trofimus tə Afisarha ahu wupəri tə Mbulus tamngga nda ndaarha ba Mbulus təghən kən hwan Yahudaya ba.” **30** Thliigha wupəriđi kahad na nda a kyarha ba a mbəya ba dədamən. Kəsang ngganda Mbulus kahang ngganda kəsha ba ma kən hwan Faardi nggəlang ngganda kwatkirma kəkar. **31** Nana mindan a bəlang ngganda, səlgha labara thləmad mamnda sodjaya Roma də tə ndaarha wupəri ahu tsəteena. **32** Tsu kee har fīngya sodjaya nən tə mamnggindan dāa nda mbədə də wumna fiya sa hai. Nana fiya mamnda sodjadi tə sodjayighən, malang ngganda dək Mbulus. **33** Ndagha Mamnda sodja yini a kəsang ngganda kənan ngganda tə wuyiwurya səri. Tərgha tsakh mee nən tə wunni ndəghən mani ənənən. **34** Fīngya ahur fiya wumngga hai thlək 'ya nda kiya, fīngya kəm pak. Nanən mamnda sodja di walwa kəkafekkid palthdi wa kəsər ka mbeela, ndəghən a dānda tə Mbulus a mbəd tsawud sodjaya də. **35** Dəna Mbulus a mbəd tərə sə, kakyathlaanga mulda hai kaan, tərgha tərangga sodja yini ura ka hang nda fiya. **36** Fiya wumngga hai na a mbu samad ndan tərang ngganda urad ndan sə na nda a ndaarha, “Bəla man, bəla man!” **37** Na sodja yini a dərha tə Mbulus a mbəd ndan də, tsahang mee nən mamnda sodja yini, “na nggəm fa a kaloyi sə wa?” Nggərangga mamnda sodja də sə, “Mbang na mii Helenarha wa? **38** Mbə sa ni tə Masar di

thlengga yanda tã kãm bangga fa bøl faaya haru kumnggidghøn fada a kaheerha ba ahu benggini mbørgħa dã wa?" 39 Nggarangga Mbulus sã, "Nggi tã Yahudarha ni, bayi ba a Tarsus na a chehweed Silisiya, wupëri na manggøn. Niya hwan sa, male kalanggi nafina sã ya." 40 Wal nøn kwamana a haar mamnda sodja di, ishgha a mbød tãra tãrang haara nøn fiya sã a nggasa nda hai. Nggasa nanda hai, ndanggøn kanda tã mii Aramayarha:

22 "Kun na wanmanggina tã chinggina keema thlëmaarha fa përang øndani kun katøragħa hai, ka kyadàng ndaarha ni kun øna wii 'ya na dimi wa." 2 Søk nandan kalang dã kanda sã tã mii Aramayarha, nggørgħanda nggasa titib. 3 Tørgħa Mbulus ndanggøn kanda, "Tã Yahudarha ni nggi, nggøtgha nda nggi a Tarsus, a wupëri Silisiya. Manggi sã a Urshalima, a kamu Nggamaliyel ni tsaha ni øngya heu aten ngyakhrha tã øntin chingginøm. Sørækdi fërang mamnggirha Faara, kãla nanun a ønaarha a weeriya. 4 Sësang di nafiya na a takkwa kwaman Yeeso. Nggi a fër kanda a bølång ngganda kanda, nggi a kønang nda fiya hëshya tã nishya, muwanggi kanda ahu porsøna dã. 5 Mamnda Firistayini tã kwagnaya hëu na nda pør 'ya atenna. Kësør a haar ndan ni thlønì deleewar di a banggøni wanmangginøm ba Yahudaya na a Ndimaska. Døni mbødadø ka kësanggi fatakkwaya, a bëe tã kanda a Urshalima ba, ka a sësang ngganda kanda." 6 "Nani aten kwamana, takhdi a sãla Ndimaska dã yanfaara a sørækrrha, tørgħa djargħa kukwaryirha a mbødã hai nani sã. 7 Føli hweeda hai søk urarha ni a ndeerha, 'Shawulu, Shawulu, kama nda na a sësøerha?" 8 "Nggini na Yeeso tã Nadzarat na a sësang nda." 9 Nafini na a thlëmadna nanda kukwaryiddi, amma sønangwanda uraddã hai na kalee sã wa. 10 "Tørgħa tsakh mee ni ndee, 'Chinøm, ma ni ønaarha?" Ndagħa, 'Thliusø, kyo ahur Ndimaska hai, a mbødani nanda pøro 'ya na a ønaarha." 11 "Kwamadi ka djarra kukwaryiddã hai, nafini nani tã kanda ndøn kësgha harna ahur Ndimaska dã. 12 Na niifasø tã tsaurha a mbødi thlemnggøn Hananiya, bagħa thlëmanna ba. Niifani na a tãrang shilee Faara teena tã køkafekkirha tã kãm a laf ngyahad nøm, Yahudaya hëu a falghøn. 13 Bagħa thlëmanna ba ndeegħøn, 'Wanmana Shawulu, no mana hai! Tsu a mbødi kee nee a naghøn." 14 Tørgħa

ndagħa Hananiya, "Faara yi chichiyinøm wurdø sa ka a søn 'yana na midghøn tã kãm na Nggayid Yanda na søk uradghøna. 15 Na a tsaurha tã pør lafargħøn dã a fiya heu aten 'ya naa nana tã søk nana. 16 Nanønya mana a këljaarha? Thliusø øno mbaptisøma nda tsabø dimiyid wa nda dã tønã naarha aah thløm Chinøm." 17 "Wud ni a Urshalima dã, nggi a hwan Faara ahu køn Yahudaya kyadøegħa Faara 'ya ahu sësøniirha. 18 Na Yeeso ni a ndeerha, 'Thliu sø këkar! Malu Urshalima wed, kësør nafini a mbødya mba nda føkøkafek tã lafardì na a thløkrrha atenna ya wa." 19 Nggi kãm ndee, "'Chinøm, nafini ya søndasø ni naarha dørha hu køn tsaharha dã tøtal, tøtal nggi a kønang tã døk fingya førgħa køkafek a sa. 20 Bølång nanda tã pør lafær wa Istifanus, nggi tã altenna kæt a mbødi, kønang pama ni kanda mu, nggi kãm këlågħa karid nafina ha bølångga." 21 "Tørgħa Chinøm ndeegħøn, 'Duwadø, niya thløn sa a mbørha dã iunggøn a thlëmad nafiya dã mbuwa wa Yahudaya." 22 Nafini wumngga hai kang thlëmaarha nda Mbulus fa ta mii ngwala palthghøn ba. Tørgħa tãrang ngganda urad ndan sã, "Weema tã niif diya døn bølång nda! Kamngwa a mal kamshi dã nøm tã yibrha hu këshiiirha ya wa!" 23 Na nda a huhwarha kanda a muwang parkoyindan dã, nanda a thleng tøniiirha sã. 24 Nanøn kee, mamnda Sodja Romadi ndagħa a dända tã Mbulus a mbød tsawud sodjaya dã a tsahang mee nda ha tsadagħan nda tã wutøteerha, ka a søn 'ya nda kataragħa hai na fiya a huhwarha kee. 25 Amma a kwasamaddi kønang nanda ka tsadagħøn nda, tørgħa ndangga Mbulus mamnda sodja na kæt a mbødi, "Ashe nøn mømøl ndana ngyakrrha a tsadã niifa nda tã Romarha, sa kula ngwang kumarha sã wa?" 26 Søkna sodja Roma yi ndøn kee, tørgħa døgħa thlëmad mamndødã dã ndanggøn, "Mana ønaarha miya? Niifdiya fa tã Romarha ni," 27 Tørgħa mamndødi ndanggøn Mbulus, "pøre køkafek, tã Romarha ni sa wa?" Nggamangga Mbulus, "Ghøng." 28 Tørgħa ndagħa mamndødi, "Nggi fa tiidi wudøbøla hangga ka a tsawi tã Romarha." Ndagħa Mbulus, "Nggi nggøtta tã Romarha ni." 29 Nafini na mindan sã a tsahang mee nda ha nggørandã samarha dã tsu. Mamndødi tã altenggøn sønønønsø Mbulus tã Romarha ni tøramngga, kësør 'wadø teena ndadø a kønang ngganda tã kãm tsadagħønda. 30 Dalthana mbørha hai mamndødi na midghøn a

sən kəkafekkid huhwad Yahudaya aten Mbulus, tərgha kwasanggən hai, aah mamngya firistaya nən tə kognaya heu a wuma nda 6a. Tərgha bağhafa tə Mbulus ishanggən a mbendan.

23 Tərgha Mbulus irang yirha nən kognayina fa ndagha, “Kun wanmanggina, ngwalangdi tarna a Faara ahu kwamana na məməl heu ta weeri dā 6a ya.” **2** Səknə Hananiya palthdi keeghən kee ndanggən nafini na tsau tə Mbulus fa a mbighənda. **3** Tərgha Mbulus ndanggən, “Na Faara a mbi sa, sa fad kənna ni kəmonda tə penti pəpət, tsaua a mbədi nana a ngwe kumarha sə aten ngyakhrha, amma sa tə altenwa hwasang na ngyahaddi ndana a ndək nggi ndal!” **4** Fingya na kəkət tsau tə Mbulus fa ndang ngganda, “Firis na manggən yi Faara ndəna 'yaara?” **5** Ndangga Mbulus kanda, “Wanmanggina səngwi sə ndəghənni firis na manggən wa, kəsər ndagha deleewar Faara, ‘A thləkna 'ya na dimi aten mamnda nafiwa wa.’” **6** Kəlaana Mbulus hai, fingya kognaya Sadukiyaya ni, fingya kəm Farisaya, təranggən uradghən sə ndagha, “Wanmanggina, tə Farisarha ni nggi, chichiyina wai kee. Niyi ahu kəkərə kəsər ka nana mbərsad na aten thliirha sə ahu mərə.” **7** Ndana Mbulus kee, thliigha kakyathlaanga sə a pathlang Farisaya tə Sadukiyaya, ndəkka kognayina hai mbədghən səri. **8** Kəsər ndagha Sadukiyaya mbə thliirha sə hu mərə wa, mbə fathləngya sə wa, nduwa səsəngya, amma Farisaya fər nda kəkafek tə ənggini həu. **9** Tərgha thliigha kakyathlaanga sə kaan, fingya fa maləmgya ngyakhrha Musa na Farisaya thlii nda sə kət ngaala nda tə kanglanggirha. Ndanda, “Nawan 'ya na dimi a fad niifdiya wa. Ana səsəna ni nduwa, təthlənda Faara ndikka təghən wu?” **10** Kakyathlang di mul dā hai kaan har mamnda sodja di tərəmgga na dā nda thlusang nda Mbulus hai kushir-kushir. Ndanggən sodja yini a dā nda tərang Mbulus tə kanglanggirha ma thləmad ndan, 6a nda təghən mbəd tsawud sodjaya 6a. **11** Tsəna fidikrha hai ishgha Chinəm kət a thləmad Mbulus ndanggən, “Ishiu tə kanglanggirha, kəla pərna laḅarna a Urshalima, tsawo dā fa tətə a pərghəna a Roma.” **12** Dalthna mbərha hai, kəangga Yahudayina hai tə dāf mee mba nda a həbrha nduwa saarha wa kəl ma bəlang nda Mbulus. **13** Nafini ənagha tar mbəlfeddi kal nda kumnggit fadā. **14** Dənda thləmad mamngya

firistaya dā tə shingya ndanda, “Kənanğ dan hai tə dāf mee tə ndaarha mban a həbrha tə sarha wa kəl ma bəlang dan Mbulus. **15** Nanənya, kun tə kognaya ndaman mamnda sodjaya a bağha təghən a mbed nun 6a, kəla na minnun sə a nggərwun tsahang mee ha ngga, kanggi kəm nan nggungwa fa a bəlanggan kapa nən 6arha 6a.” **16** Amma səknə yangan Mbulus pathla di kənanğ nanda hai, dəgha mbəd tsawud sodja yina dā pərang nggənən Mbulus. **17** Tərgha Mbulus aah tal nən ahur sodja Romayini ndanggən, “Duwa tə wundəladdi a thləmad mamnda dā na pathla sə na midghən pərang nda.” **18** Nanən kee, sodjadi təranggən wundəladdi dəgha təghən thləmad mamndəda dā. “Mbulus wan tə porsəndiya, ndən aagha nggi, hwan nggi nən a bəe tə wundəladdi a thləmad wa 6a ya, kəsər na 'ya sə miighən nən a pərərha.” **19** Tərgha mamndədi kəsanggən har wundəladdi dəgha təghən man patu dā, tsahang mee nən ha, “Mani a mii wa?” **20** Ndagha, “Mamngya Yahudaya kənanğ nda hai nanda hwan sa dəna tə Mbulus a mbed kognaya dā a binda, kəla na mindan sə a nggərgəha nda tsahang mee ha ngga. **21** Amma a nggəməng kanda fa wa, kəsər fiya kal nda kumnggit fadā tsəb nda hai ka a bəlang ngganda. Nanənya dāf nda mee mba nda a həbrha tə sarha wa kəl ma bəlang nda. Na nda a kəla sa fa kee a nggəmana fa,” **22** Tərgha mamndədi kəs thləmadghənən ndanggən, “Ma pərang nən niifa tə ndaarha thləyəd nan wa.” **23** Tərgha aagha mamnda sodja yini səri ahur sodjayighən ndanggən kanda, “Ngwama fa kəsər nun a dərha Kaisariya dā a fidikrha, tə sodjaya haru kumnggit səri, tə sodjaya a kəsər pərsaya kumnggit məd, tə sodjaya na yanda tə peela haru kumnggit səri. **24** Kadaman pərsaya Mbulus sə nən a tərha dūn təghən thləmad Ngwamna Felis dā kula 'ya tsəwərgən.” **25** Tərgha chireelth deleewar dā nən ya a ngwamna: **26** A har Kalaudiyus Lisiyas, a Alvəri, Ngwamna Felis. Nda 'ya fa hangga. **27** “Kamshidiya, kəsang Yahudaya, takh nda a bəlang, diya dā tə sodjaya kəkər thlanggi sə, kəsər səkdı ndaarha tə Romarha ni. **28** Na minna sə a sən 'ya ni ənanən ndən dəni təghən a mbed kognə yindan dā. **29** Walanggi əndi ndana nda ənadə nəghən aten ngyahad ndan ni, amma əndi nda nanda ənadə tsəkkwa a kənanğ ngganda nduwa bəlang ngganda wa. **30** Ndee nanda kənanğ nda mee na nda a bəlang

nda, ndən thlənang ni a thləmad wa 6a kəkar. Tə kəm ndang nggi nafini huhwaagha ndən a pəro ənda nda ənənən.” 31 Nanən kee, sodja yini tərəngganda Mbulus a Antifatis dā a fidikrha kala ndang nanda kanda. 32 Dalthna mbərha hai mal sodjaya na a tər pərsaya dānda mbee dā təghən, kanda nggi kəm wudā nda mbəd tsawud sodjaya dā. 33 Səlna sodja yini na tər pərsaya a Kaisariya dā, fərang deleewar dā nda ngwamna, mal Mbulus nda a harghən. 34 Karatang na ngwamna deleewardi, tsahang mee nən Mbulus tənən tē tsaurha a manggi. Səknən ndaarha nən a Kilikiya, 35 ndagha, “Niya ko thləmaarha fa a bad nafina 6a huhwagha sa.” Tərga ngwamna ndagha a kəsgən nda ha ahu porsəna na a wuri ki Hirdus tən nən.

24 Akwasamad beena tuf tərgha mamnda Firis Hananiya 6agha 6a tē fīngya mamngya Yahudaya, tē kəm tē tēngwa kumarha nanda aarha Tartulus, a huhwa Mbulus nda a mbed ngwamna. 2 Aah nanda Mbulus a kəndā, katərang ngga Tartulus huhwa Mbulus hai a mbed ngwamna ndagha, “Alfari, tsaudan dādemnggirha kaan a kamuwa, kəsər sa na kəlarha mbeedā, mbedeng na əngya hai ahu chehweddiya.” 3 “Kəsər ka ənggini na heu ya, Alfari, nan tē usaarha kaan a thləmadwa dā. 4 Amma mbə midna sē a dāhanggi midwa dā wa, hwanni sa a kee thləmaarha na fa tē 'ya niya pərorha aten niifdiya. 5 Walang dān kamshidiya na pəpeethla sē miighən, nən 6arha tē kakyathlaanga a pathlang Yahudaya 6a ko a yanggini ahu kəshiddiya. Ndəghənni mamnda aten Nadzaraya ndəna nafiya na mbu samad Yeeso. 6 Har ma na midghən sē a kyalgha tē Kən Faara na a Urshalima, ndəghənni kəsang nan. 8 A ranna mu palthdā ha ya na walang kəkafekkidghən tafadwa.” 9 Yahudaya kəm kənang nda pama kanda mu, nggəma nda fa tē ndaarha nəghən kee. 10 Fərang na ngwamna kwamana Mbulus a kalgha sē, ndagha, “Alvari, səndi sē sani tē ngwa kumarha yi chehweddiya yi huraya hangga; tē wutsəfayirha niya kyang altenna sē. 11 A rad na mughən ha ngga na sēnda sē kalwa beena kumkap səri dāni Urshalima ka hwan Faara dā wa. 12 Nafiya huhwagha nggi nawa nda nggi a ngaala tē niifa ahu Kən Faara na a Urshalima wa nduwa kəm thlenggi kakyathlanga ahu kən tsahad Yahudaya wa, nduwa kəm ahu wupəri wa. 13 Mba nda mbang

kyadō 'ya huhwana nda nggi atənggən wa.” 14 'Ya tal nggəmni fa atənggən, niya takkwa Faara yi chichiynəm tē kwamandi nda nanda mbə kəkafek ni wa, tē kəm niya fərkəkafek ahu 'ya chireethleng nanda ha a deleewar ngyakhrha Musa tē deleewar Annabiya. 15 Fərđi kəkafek a Faara, kəla ənana nafini ya, tē ndaarha na thliirha sē ahu mərri, nda nafiya ənagha nggayirha tē fa mbəlfeyya. 16 Nanən kee, djitiirha na a tsawi tē nggayirha a mbed Faara tē fiya. 17 “A kwasamad huraya hangga, 6ee Urshalima 6a tē ən fərri nafina a fa yamiya tē kəm əna sataka ni a Faara. 18 Nafini huhwaagha nggi nanda nggi ahu Kən hwan Faara na a Urshalima nani a ngwalang tsabang altenna dā. Mbə fiya sē wumngga hai a thləmanna wa tē kəm mbə kakyathlaanga sē wa. 19 Amma na fīngya Yahudaya sē 6agha 6a a chehweed Asiya a mbədi, ana 'yasə a mii ndan na nda a thləkrha atenna, kamdā nanənya a na nda a mbədiya. 20 Tsahang mee nafini na a na a mbədiya dimiyid ma walna kognaya Yahudaya atenna, 21 ana palth dāni thləkni na tətāl keeya, tərang ni uradna sē a mbed ndan tē ndaarha, ‘A ten palth thliirha sē hu mərri na nanda a ngwee kumarha sē a mbed nun a weeriya.” 22 Felis kəm səndā əngya hangga aten kwaman Yeeso, ishənggən ngwa kumaddi ndagha, “Kəl ma bad mamnda Lisiyaya 6a 'wan ndən ni a ngwalang ngwa kumad nun.” 23 “Ndangga Felis mamnda sodja Romaya a kəla Mbulus nən ha, amma malənggən kal farha nən hai tē kəm a 'yadāng dā kwamana pashiyighən a fərang 'ya nda na midghən wa.” 24 Akwasamad 6əngya ngguchit, 6agha Felis 6a tē nukkun Durusila tē Yahudarha. Thlən farha nən a 6a nda 6a tē Mbulus, kang thləmarha nda fa thlək nən pathla aten fərkəkafek a Kərəsti Yeeso. 25 Nana Mbulus a tsə labara tē kanda aten nggayirha, tē kəs alteena, tē kəm ngwa kumarha na 6ayi. Kəsgha hərəenga Felis ndagha, “Tsəkdā kee nanənya wiu. A waldī kwamana niya nggər aagha sa 6a. 26 Na midghən sē a fərangga Mbulus wudə6əla, nanən kee nagha a thlən farha a thləmadghən dā atənggən, atənggən nagha a tsə labara təghən.” 27 A kwasamad hurarha səri, Pokiyus Festus tsaukwa ngwamna a meghed Felis. Felis kəm na midghən sē a wal nggayirha nən a mbed Yahudaya malənggən Mbulus ahu porsəna.

25 Akwasamad mbeena mahan səl̄na Festus a Kaisariya ɓa ka a kəs targhənnən yi ngwamna, thliigha a Kaisariya dɔgha Urshalima dɔ. **2** A mbədani huhwaana mamngya firistaya tɔ fingya mamngya Yahudaya Mbulus a mbedghən. **3** Hwan Festus nda kəkar a wudang ngganda Mbulus Urshalima dɔ kəsər ngwanda fa a tsəbghən nda fa a kwamana ka ɓəlang ngganda. **4** Amma Festus nggəranggən kanda sɔ ndagha, “Kəs nda Mbulus ha a Kaisariya, nggi tafanna tsəbaku niya dərha mbəda dɔ. **5** Fingya mamngginun mbu samadna nda dɔ nda thlək 'ya atənggən, a ənadə 'ya na dimi huhwa ghənun.” **6** A kwasamaddi tsaunən mbeena uvada nduwa kum tɔ kanda, wudgha a Kaisariya dɔ. Dalthana mbərha hai kyagha kən ngwa kumadghən dɔ ndagha a ɓang Mbulus ɓa. **7** Səl̄na Mbulus ɓa, Yahudayini ɓagha ɓa a Urshalima thlii nda sɔ muwang ngganda madufu, na nda a dāhang palthya fa, mbuwa kəkafek. **8** Amma Mbulus ngaal ənggina nən thlək nanda atənggən ndagha, “Ənaye 'ya na dimi aten nyakhrha Yahudaya, nduwa a Kən hwan Faara na a Urshalima, nduwa a Kaisar wa.” **9** Tərgha Festus, na midghən sɔ a əna 'yanən na a mbənanggən Yahudayini, ndanggən Mbulus, “Na midwa sɔ a dɔna Urshalima dɔ di nggo kumarha sɔ aten əngginiya wa?” **10** Nggəmangga Mbulus, “Nanənya niyi a kən ngwa kumad Kaisar, mbəda niya kamngga a ngwee kumarha nda sɔ. Mbə 'yasə na dimi ənang ni Yahudaya fa wa, sa tɔ altenwa ma sən̄nasə. **11** Ana 'yasə na dimi ənani kamngga a ɓəleewun, karwi fa wa. Amma ana palthyini deheena Yahudayina fa ya mbə kəkafek sɔ wa, mbə niifa sɔ tsəkka a fərang nggi nən kanda wa. Niyi a hwan Kaisar!” **12** A kwasamaddi kənan̄g na Festus pathla hai tɔ kogna yini, ndanggən Mbulus, “Hwanna a nggərḡha huhwad wa a mbed Kaisar dɔ, na dərha mbed Kaisar dɔ.” **13** A kwasamad ɓəngya ngguchit, Kutəra Anggiripa tɔ wan man Mbanis ɓanda Kaisar ɓa ka ɓa nda ndang Festus aalee. **14** Nanən na nda a məndaha a mbədi, tsəgha Festus laɓara aten ngwa kumad Mbulus tɔ kutəra. Ndagha, “Na niifa sɔ a mbədiya malena Felis ahu porsəna. **15** Nani a Urshalima, mamngya firistaya tɔ fingya shingya Yahudaya huhwanda niifdiya na a ngwang kumad mər̄ra ni sɔ. **16** Ndaggi kanda, mbə əntin Romaya ni kənan̄g nggəm niifa kapa nəm ngwang kumarha wa, kəl ma fərang dəm kwamana kalgha sɔ aten əndi huhwa na ndan kamanggən ka a thlanggən fadghən sɔ.” **17** “Ba nanda tɔ nggi mbəda ɓa ya, mbəd wii hai tɔ palthdi wa, amma dalthna mbərha hai thlən farha ni ɓee niifda nda ɓa. **18** Thliina nafina sɔ huhwaagha ndən, mbə pathla sɔ na dimi thlək nanda atənggən niya kya numaarha wa. **19** Ameyedghən, na palthya sɔ yi ngaala thlək nanda aten takkwad ndan tɔ kəm niifa mərḡha na nda aarha Yeeso na Mbulus a ndaarha nəghən tɔ yibrha. **20** Wuleegha 'ya na a ənee na a ramu palthdi ni ha ya, tsakh mee ni tənən nggəm fa dɔgha Urshalima dɔ dɔ nda ngwang kumarha sɔ a mbədi aten palth yini ya. **21** Amma ndagha Mbulus a malghən nda ahu porsəna, kəl sayiddi ngwalang na Kaisar ngwang kumarha. Nanən kee fərḡhəni a kəsghən nda ha ta sayiddi niya thlənanggən Kaisar dɔ.” **22** Tərḡha Anggiripa ndanggən Festus, “Na minnasə a sək fad niifda ni ya tafadna.” Nggərangga Festus sɔ, “A ɓinda na sək fadghən.” **23** Dalthna mbərha hai sɔla nda Anggiripa ɓa tɔ Mbanis tɔ karid kutəryid ndan fa nagha fiya a fərang mamnggirha kanda, mamngya sɔdjaya tɔ mamngya wupəri di a samad ndan. Thləngga Festus farha a kya nda ɓa tɔ Mbulus. **24** Ndagha Festus, “Kutəra Anggiripa, tɔ fingya na a mbədiya, nadun niifdiya! Yahudaya heu huhwan ndan a mbenna a Urshalima tɔ mbədiya kəm na mindansə a ɓəlang ngganda. **25** Amma kəlang ni nawi 'ya ənanən tsəkka a ɓəlang ngganda wa. Nanən kee, ndəghən a dɔ Kaisar ngwang kumarha sɔ, ndən ndani niya thlənang a Roma dɔ. **26** Amma mani a chireethleng nda Kaisar dɔ? Kəsər mbə pathla sɔ tefen kəsang ni təghən wa. Nanən kee, ndən ɓani təghən mbennun ɓa heu, mbə kəla sa mawa kutəra Anggiripa, a radəm mughən ha ngga, niya wal 'ya niya chireethleng nda hai. **27** Kəsər ahu numadna mbə məməl thlənang nda niifa na ahu porsəna a Kaisar dɔ kula 'ya dimi atənggən wa.”

26 Tərḡha ndangga Anggiripa Mbulus, “Fəron̄da kwamana na a kalana sɔ.” Tərangga Mbulus haarghən sɔ katəranggən ndikrha hai ndəghən, **2** “Kutəra Anggiripa, pet fanna a weeriya mbang ni isha a mbedwa ka a kyanggi altenna sɔ aten palthya thləkna Yahudaya atenna. **3** Nanən sənang əntin Yahudaya hai tɔ fingya əngya na nanda a ngaalang nda teena. Nanənya niya hwan sa

kørsu kee thlëmaarha na fa. 4 “Yahudaya heu sända tur tsawud na ka nggi ngguchit, ka a katëradghën a kyanan, tã këm a Urshalima. 5 Ka këtëm sända nggi na nda mbang thlëk 'ya atenna, ana mindan sã, ahu takkwa kækafekkid nan, tã Farisarha ni nggi. 6 Nanënya niyi a mbedwa ka a ngwee kumarha na kësär fërdi kækafek tã 'ya ndangna Faara a chichiyinëm ka këtëm. 7 Nda fëdïkrha tã yanfaara tur yinëm kumkap sari dëfang nda shilee Faara teena kaan, kanda a këla parka fa ndanën. Kutëra Anggiripa, kësär ka numaddiya, fingya mamngginëm ndën huhwaanda nggi. 8 Mani nën naarha sã ahur nun na ndaarha mbë ãnaarha hai thlengga Faara mërya sã wa? 9 “Wadi numad ndaarha a ãna 'yani heu ni mbang ka a 'yadã thlëm Yeeso ni tã Nadzarat. 10 ãndani ãnani a Urshalima. Tã sësëmnda mamnda firistaya muwangdi fatakkwaya Yeeso ahu porsëna dã. Har ma nggëmdi fa a bëlang nda kanda. 11 Saara hangga ni naarha kyarha hu kën tsahaya Yahudaya dã ka a sësang ngganda kanda, tã këm ni naarha thlëghang palthya kanda fa na dimi. A hu tãbënggid na a tendan, ni dërha hu chehweed këshi dã nee a sësang kanda.” 12 “Fardasë nggi ahu kwaman dërha Ndimaska dã, nggungwa fa tã sësëmnda mamnda firistaya. 13 Yanfara a sëräkrha, Alvari, nani hu kwamana, na kukwaryirha ni a talara hai, kukwaryidghën kaldë yanfaara, djargha tenna hai tã kawiyina. 14 Kan heu fëlan hweeda hai, sæk urarha ni tã mii Aramiya, 'Shawulu, Shawulu, kama nda na a sësëerha? Nëghën pëdagghën a fadwa a yana aten 'ya na minna.’ 15 “Tërgha tsakh mee ni, ‘Wunni sa Chinëm?’ Ndagha Chinëm, ‘Nggini Yeeso na a sësang nda. 16 Nanënya thlius! Këdö ni fanna ka a furo taara ni (mafayirha ni) tã këm përandã na nana tã 'ya niya kyadorha. 17 Niya hërworha a haar nafiwa tã fingya mbuwa Yahudaya. Niya thlën sa a thlëmad ndan dã, 18 dã inang yiyi ndan dã tã këm kyakhrangga kanda ahu kukwaryirha bã. Thlangga kanda sã a haar Sheetan bana tã kanda a thlëmad Faara bã tãna nda wal chakh dimiyirha a thlëdang ngganda kanda ahur nafiya Faara hai fërgha kækafek a nggi.” 19 “Nanën kee, Kutëra Anggiripa, nggëm di fa tã sësënididi bagha hai a talara. 20 ‘Wayi katërang përläbar Faara hai a Ndimaska, tã a fingya na a Urshalima tã chehweed Yahudiya heu tã këm nafiya mbuwa Yahudaya, tã ndaarha a malang ngganda dimiyid ndan

kyakhra nda thlëmad Faara bã a ãna ãngya nda kyadgha ndaarha malang nda dimiyid ndan. 21 Ndëghanni kësëena Yahudaya a pëpal kën Faara na a Urshalima na mindan sã a bëleegha nda. 22 Amma ded Faara sã tã weeri bã ya, ndën nani kët a mbëdiya ka a përangghëni wundakhnaya tã shingya. Përangdi ndën kanda 'ya ndaana annabiya tã Musa nën a katërarha hai. 23 Kækafekni Kërësti nën a sësaarha, nën a 'wa thliirha sã ahu mëra, nën a bang kukwaryirha nafiyyighën bã tã fingya mbuwa Yahudaya.” 24 Mbulus kula ngwalang palthghën kee tërgha Festus tërangghën uradghën sã ndëghën, “Sa Mbulus kyahar hutën wa! Karatadwa mulda hai kyakhrang dã hutën wa hai.” 25 Nggërangga Mbulus sã ndëghën, “Kyaharwa hutenna hai wa, Alvari, 'ya niya thlëkrha kækafek ni. 26 Sën kutëra änggina sã ya, ndën niya kal farha hai tã thlëkrëghën. Sëndisë kutëra Anggiripa sëndë änggini niya thlëkrha heu ya kësär ãna wa ndan bëbëe wa. 27 Kutëra Anggiripa fërna kækafek tã annabiya wa? Sëndisë fërna kækafek.” 28 Tërgha ndangga Anggiripa Mbulus, “Tamngga ndaarha a sayi ngguchit kiya na mbang lëm nggi fa tsawi Kërësta wa?” 29 Ndangga Mbulus, “Ko sayi ngguchit nduwa bëena hangga, niyi a hwan Faara tã ndaarha mbë sa katenwa wa, heu tã fingya na a kee thlëmaarha fa a weeriya tsawa nda këla nggi, amma mbë tã wuyiwurdi ya wa.” 30 Tërgha kutëra, tã ngwamna tã Mbanis tã fingya tsau nanda a mbërha tal wii nda. 31 Mal kända nda, na nanda a ndikrha tã ndan, ndanda, “Niifdiya mbë 'yasë ãnanën tsækka a bëlanggëm wa, nduwa muwang nggëm ahu porsëna dã wa.” 32 Kutëra Anggiripa ndangghën Festus, “A mbë nggërna kamshidi huhwaarha a mbed Kaiser wa, kam nëm a kalghën hai.”

27 Sëlina fardã bã ngwan fa dän Italiya dã ahu kombuwol, Mbulus tã fingya porsënaya fër kanda nda a haar mamnda sodja Romaya hai na nda aarha Djuliyos nëghën tal ahu sodjaya na a haar Kaiser. 2 Kya nan ahu kombuwol hai a Adëramitiyom, na a dërha ahu fingya talya dã na chehweed Asiya, thlii wiirha nan a ten wuri aamdi. Aristakus niif Tasalonika na a chehweed Makidoniya nëghën ahur nan. 3 Dalthna mbërha hai sëlän a Sidon dã, Djuliyos ãnang nggayirha nën Mbulus malangghën dëgha wal pashiyighën tãna nda fërang 'ya na midghën. 4 Mal nan Sidon, nagha bëreurha a tsang hura kan fa,

dān dā tsau tē wutambar Sayifurus fa tēnan hārēkrha ma bēreudi. 5 Mbērang nan wuri aamdā hai na a Silisiya tē Pamfiliya, sēlan a Mira dā na a chehweed Lisiya. 6 A mbēdani walna mamnda Sodja Romaya di kombuwol yi Aledzandēriya na dārha Italiya dā, kyanggēn kan sa hai. 7 Əna bēngya nan hangga a kwamana kēsər naghan a wiirha samma-samma pērpər səl nan a Kēnidus dā. Malang ngwana bēreudi kan dārha mbeedā, kyan tē man fad wutambar Kēriti na tsau tē Salmoni fa. 8 Pērpər mbērang nan mbēdā hai 6an mbērha 6a na nda aarha, mbēd harghang nda kombuwol, tsau tē tal Lasiya fa. 9 Mbēd dān hai kaan a mbēdi, tsauka wiin nan pēdaghēn kēsər nanənya mbər kar aama dā. Nanən kee, kēsgha Mbulus thlēman ndan ndaghēn, 10 “Waya, ahu widdi kyanəm ya na ən tərēmnda sē a mbee nanənya, kombuwol nēm tē rēfēnnēm na nda a sēbrha dē kaan, heu tē yibya hangga na nda a sahatta.” 11 Amma mamnda sodja Romaya di kardā kang thlēmaarha Mbulus fa kəl yi tē hur kombuwoldi tē niif Kombuwoldi. 12 Nanən mbēd hārēkrha nggirggi Likiya mbē ngga na a ənagha nggirggiya fēgrha sē wa, kēsər ka ən diya, hang ndəndan ndanda a nggushi dēnda mbeedā tē wiirha tēna nda sēla Finikiya dē anadē a ənaarha hai əna fēgrha nda a mbēdi. Finikiya mbēd isha nggirggiya ni na a Kēriti na a man kii pēlasarya tē hēmnda yanfaara fa tē kēm man kii wufaya tē hēmnda yanfaara fa. 13 Katērang na bēurha 6arha 6a a man kii pēlasarya 6a, tamngganda ndaarha wal nda əndi na mindan; tērgħa kwasang ngganda nggirggi ndan hai wii nda tē mii wuri aam Kēriti. 14 Tsəbaku, bēurha 6agħa 6a kaan a wutambar dā 6a a man kii wufaya tē man kyad fara. 15 Kəsangga bēre ‘yaardi nggirggi dā hai mbangwa nji teena ahu bēre dādē wa, malanggan kee nagħa bēreudi a pughang kandē. 16 Mbērang nan wutambar dā hai ngguchit na nda aarha Kauda, pērpər mbang nan kēnang nda nggirggi dā hai na ngguchit na a saman nan. 17 A kwasamaddi kahang nanda Nggirggi dā 6a na ngguchit kēnang ngganda sakħkya a fad kombuwol di na manggēn amanən dē fēla dē. Na nda a tərēmnda na dā nda dārha hu chehweed Sərtis dē. 18 Nana aamdī a əna kudufulla, nagħa a tētēnang kan, dālthna mbērha hai katērang ngganda thlahang fīngya rēf yinan haadē na ahur nggirggi di ahu aama dē. 19 Afar bēena yi mahan muwang ngganda fīngya kari taara

dē yi nggirggi dī. 20 Bēngya hangga kyawa yanfaara 6a wa, nduwa wufēlngaarya, nagħa bēurha a piirha kaan, numan tē ndaarha mban a hārēkrha wa. 21 A kwasamaddi mēnna nafina ha na ahur nggirggi di kanda kula wal ənnarhami, tērgħa Mbulus thliigha sē a mbēd ndan ndaghēn, “Waya, a ndam kwang kee dūn thlēmaarha fa kēla ndangni kun a mal dūn wutambar Kēriti wa, kam kya wum hu səsaddā hai ya wa. 22 Amma nanənya, niya ndang nda kun kēsəama, kēsər mbē niifa sē na a kēdēng yibēdghēn wa, kəl nggirggi di kee ndən nēm a kēdēng nda. 23 Fēdik di mbērgħa dē tē thlēnda Faara nani yighēnni tē kēm niya tērang shilee teena ishēd a thlēmadna, 24 ndēghēn, ‘A tərēmna wa, Mbulus. Na isha a mbēd Kaisar nggo kumarha nən sē. Faara hu nggayidghēn fērdē hārēkrha a fīya heu ka sa.” 25 Nanən kee kēsəama kēsər fērdi kəkafek a Faara nən a katērarha hai kēla pēree nən. 26 Amma tētani a puwangga bēurha kēm a wutambarra dē. 27 A fidik kumkap fādā nagħa bēreudi aten puwang kandē a ten wuri aam Adēriyatik, a manad fidikrha fa hur nggirggi yini sēnang ngganda hai takhdān a ndusang chehweerha fa. 28 Kəkērang ngganda kudim ndaghēn sēldē saara haru tē kumnggit səri. Tsəbaku nggērgħa nda kəkērang nda kudim ndaghēn kēla nda hai saara kumnggit wutarihe. 29 Ka tərēmnda nadē nggirggidi dək ferya fa, kal dēbēlya nda hai fādā na hēhaagħēn a kamu wuri aamdā hai tē man samadghēn ka a ‘yadāng wiirha nən fa, hwan Faara nda a dālthgha mbērha hai wēd. 30 Tērgħa fa hur nggirggi di na mindansē a dā nda, tēra nda hu kombuwol dā hai na ngguchit kēla nanda a kal dēbēla hai na haagħēn a man mbee. 31 Amma ndangga Mbulus mamnda sodjadi tē fīngya sodjaya, “A ishwa nafini a thlēmad nggirggidi ya wa, mbun a hārēkrha wa.” 32 Nanən kee sodja yini thlēng nggand sahad kombuwoldi kēsgha ndən ha malghēnda hwagħa dē. 33 Takħna mbērha a dāthla hai ndangga Mbulus kanda heu a hēb ənnarhami nda. Ndaghēn, “Bēngya kumkap fādā mbērgħa dē nuwun ahu billarha kaan ənawun ənnarhami wa. 34 Niya ndang nda kun nanənya, ənama ‘ya mii tēnun wal kanglanggirha. Mbē niifa sē na a kēdēng ko was tenggēnni wa.” 35 Tērgħa tēranggēn mburodi sē usa Faara nən a mbēndan heu. Kyanggēn hai nagħa a kiighēn. 36 Wal kanglanggirha nda əna ənnarhami nda

mii. 37 Kan heu haru səri tə kumnggit məd kap mikki na ahur nggirggidi. 38 Ngwalang nanda həb ənnaarhami, thlahang ngganda haad nggirggida ha də na nda a irang wan hwalirha də ahur wuri aama hai. 39 Dalthna mbərha hai, sənangwanda chehwedda hai na nanda sə wa. Amma na mbəd tsəchelhomnda, ndanda a nggushi dəna nda tə nggirggidi a mbədədə ananda a mbang nda. 40 Tərgha thleng ngganda sakhkini na tə dəbəl yini həhaaghən mal kanda nda ahu wuri aamdı, tə kəm kwasangganda sakhkina hai na kyakhrang nda nggirggidi. Tərgha thlengganda shishamarda sə na a mbed nggirggidi a bəreurha tənən puwang kanda a mii kəkəshbangnda də. 41 Amma nggirggidi tsuwar chehweerha nən kyagha kamughən də mbangwa tsə 'ya fa wa. Tərgha nggirggidi nagha a fəladə ka kudufulla aamdı. 42 Sodja yini na mindan sə a bəlang ngganda porsən nggini ama nanda pəpeethla hərgha nda. 43 Amma mamnda sodja Romadı na midghən sə a hərghanggən Mbulus karanggən kanda fa. Ndanggən kanda yi mbangga aama 'wa pəra nən pəpelthgha a mii kəkəshbangnda də. 44 Tərgha ndanggən fyinga kəs katako ndan nduwa kukutathla nggirggidi. Kanda heu hərgha nda səla nda mii kəkəshbang nda də.

28 A kwasamaddi hərək nan kan a kəkəshbangnda, ndən sək nan tə ndaarha nan a wutambar Malta. 2 Nafiya wutambar di ənang nggayirha nda kan kaan. Thlən nda kan fa, dzəghang waarha nda kan sə, kəsər na 'yaara a baarha heu tə mbiirha. 3 Damma Mbulus hwarirha ba, nanən a sang nda hu waarha hai kyagha kwadwasaarha sə ka thlerra waddi billagha ndən, kətghənən a haarghən. 4 Nafiya wutambar di na huthlin da nda nggawal-nggawal a haar Mbulus ndangganda ndan, “Niifdiya tə bəl farha ni, ko nanən hərək də ahu wuri aama, faar ngwa kumarha mbə a malang tə yibrha wa.” 5 Amma Mbulus yiranggən huthlin da də mukka ahu waarha hai ko 'ya walghən. 6 Fiya a numad ndaarha nən a həthla hai nduwa fəlgħa hai mərgha. Amma tsəna nda tsəbaku mbə 'yasə walgha ndən wa, nggerang ngganda numad ndan hai ndanda kamshidiya faara ni. 7 Tsau tə mbədi katərana ənda hai tə Mbulus na wure sə manggən yi Pubiliyus, mamnda wutambar di. Thlə kan nən fa a minda keeghən tə wutsəfayirha, beena mahan ndəghən a fərang

ənnaarhami kan. 8 Chin Pubiliyus ahu səra, fadghən bəe tə kəm fau a billaghən. Kyagha Mbulus thləmadghən də, hwan Faara nən, sang haara nən fa kəngga. 9 Katərana ənda hai kee, tərgha haaya na ahu wutambar di ba nda ba wal kənda nda. 10 Nagha nafini a fərang mamnggirha kan ahu kwamangya hangga. Takh nan a wiirha, fərang əngya nda kan hangga na minnan. 11 A kwasamad ndəree mahan kyan hu nggirggi Alidzandariya tsauka hai a wutambardi a ndəri mbiirha. Na nggirggidi tə tənda mudad faarya Kasto tə Polus. 12 Kya nan Sirakus hai əna beena nan mahan a mbədi. 13 Thlen dan Rigiym də. Dalthna mbərha hai piigha bəreurha ba a man ki pəlasarya. Akwasamad beena səri sələn Putiyoli də. 14 A mbədi dan wal fyinga fatakkwaya, hwan kan nda əna beena nan məd tə kanda a dan Roma də. 15 Səkna fatakkwaya ndaarha naghan bayi, thlii nda hwathla kanda fa hu Kasu Apiyus, fyinga kəm ba nda wal kan a mbərha na nda aarha Kən rongya mahan. Nana Mbulus nafini kee usa Faara nən wal kanglanggirha nən. 16 Səl nan a Roma də, malangganda Mbulus tsauka hu kən rongya katenggən tə sodjadi na a kəlaghən ha. 17 Akwasamad beena mahan, aagha Mbulus shingya Yahudaya ba. Wumna nda ba, ndangga Mbulus kanda, “Wanmanggina, ko nanən mbə 'ya sə ənang ni nafinəm fa nduwa əntin chichiye nəm wa, kəseegha nda a Urshalima fər nggi nda a Romaya. 18 Tsahe mee nda ha ngga, na mindan sə a kal nggi nda hai, kəsər mbə 'ya sə ənani tsəkka a bəleegha nda wa. 19 Amma mamngya Yahudaya kara nda fa, tsaweeghən fa tətə a di a mbed kutəra Kaisar dəgha ngwee kumarha sə, ko nanən bəwi mbəda ba ya ka huhwa nafinani wa. 20 Nanən kee, ndən kada ni kwamana a na kunni ka a kalanggi kunsə kiya, kəsər kəneegha nda tə wuyiwurdi ya aten niifdi na Isərelaya a kəlarha fa, Kərəsti. Fərdi kəkafek 'wadə teena bəda ba.” 21 Ndag ngganda, “Wal wan deleevar a Yahudiya ba atenwa wa, mbə nafinəm Yahudaya bagha ba a mbədi thləkka 'ya atenwa nduwa tsəgha labara mbuwa ngga atenwa wa. 22 Amma na minnan sək 'ya nan fərna kəkafek atenggən, kəsər sən dan sə fiya ko a yanggini a thlək 'ya dimi aten takkwad Yeeso.” 23 Fardəsə ngwa nda fa kanda hangga ka da nda wal Mbulus, ba nda mbəda ba nanən sə tə tsaurha. Ka a tsar tə figrha də, ndəghən a thləghang lafar kutəryid Faara kanda. Na

midghən sə a ləm kanda nən fa ka a thlə Yeeso
nda na fa. Ənaghən taara tə deleewarya Musa
tə yi annabiya. **24** Fingya nggəm nda fa tə
laɓarghən, amma fingya fər wa nda kəkafek
wa. **25** Nggəmgwa nda fa tə ndan wa katərang
ngganda wiirha hai a kwasamaddi ngwalana
Mbulus palthghən tə ndaarha, “Pər Səsəna tə
Pədənda kəkafek a chichi yinun ndanən ahu
deleewar Ishaya, **26** ‘Duwa thləmad nafina
də ndangga kanda, Nun sək 'ya amma mbun
a sənang hai wa; Nun a na 'ya amma mbun
kukwalang hai wa. **27** Kəsər hur nafiniya nəghən
kakrak; Mba nda sək 'ya tə thləma yi ndan wa,
Tə kəm nggəlang nda yiyi ndan. Kam nandan tə
yiyi ndan, Səgha nda kəm tə thləma yi ndan,
Sənang ngganda hai tə hur ndan, Kyakhra
nda hai, Kənanngi kanda.’ **28** Tsaunən kee, na
minna sə a sənunsə 'wanda teena thlənang
nda laɓar hərəkrha Faara a fingya də mbuwa
wa Yahudaya, na nda a kang thləmaarha fa!”
29 Hərəm nən ndaarha kee, tərgha thliigha
Yahudaya sə na nda a ngaala kaan a pathlang
ndan. **30** Hurarha səri Mbulus tsau ahu mindədi
nanən a tiirha, nagha a thlə fiya fa heu ɓagha
thləmadghən ɓa. **31** Kula tərəm nda ndəghən
a pər laɓar kutəryid Faara tə tsaharhaha aten
Chinəm Yeeso Kərəsti, mbə niifa sə mbangga
'yadəngən fa wa.

Romaya

1 Nggi na Mbulus, mafad Yeeso Kārēsti, aah na nda nggi ka a tsawi tēthlēnda Yeeso, wuwura ka a pər laḅar Faara ni. **2** Laḅardi na mbənggən ya ndən dāfina Faara miighən ka kəṭəm a mii annabi yighən, kəla nanən chichireethlee hai hu deleewar laḅar Faara tēpēdānda. **3** Laḅardi na Mbənggən ya aten Wanggən ni, Chinəm Yeeso Kārēsti, ahu thlu farha turya Ndauda ni. **4** Kyad ndan a pəpal tē ndaarha Laḅardi na Mbənggən ya aten Wan Faara ni thliigha sē ahu mēra tē sēsəmn̄da Sēsəna tē Pēdānda. Ndəghən ni na Yeeso Kārēsti na Chinəm. **5** A fadghən ni ndən wal nəm nggayirha tē aarha na a tsawi tē thlēndəghən tēni aah fiya ḅa a fərkəkafek nda tēghən na a fərang mamnggirha nda thlēmnggən. **6** Tsuwar yandi kun fa ya, kun aah na nda a tsawun yi Yeeso Kārēsti. **7** A kun heu na a Roma, nggəmna Faara, aagha kun a tsawun nafiyyighən tēpēdānda. Ngwa tsauka nggayirha tē tsawud dāfēmnggirha yi Faara na yinəm china tē kəm Chinəm Yeeso Kārēsti a tsauka tē kun. **8** A katəradghən niya 'wa usa Faara ahu Yeeso Kārēsti ka kun heu, kəsər na nda a thlək laḅar fərkəkafekkid nun ko a yanggi ni hu kəshiirha. **9** Kəsər Faara niya ənang taara tē hurna tətali ahu pər Laḅarghən na Mbənggən yi Wanggən, ndən shedagha nggi tē ndaarha ni naarha dāl kun in kətsar ahu hwanda Faara niya ənaarha, **10** kala sayi a nadi a hwan Faara. Niya hwan Faara tē ndaarha, ana nggəmn̄da hurghən ni, a wal kwamana ni di thlēm̄ad nun dē. **11** Kəsər nəghən a kukwashe fa a na kun ni a dānggi kun sē tē fərra sēsəna na a fərang kaali nən kun. **12** 'Ya na minna, nda nggi tē kun a fərang kaali nəm ndan hu fərkəkafek. **13** Shayina na minna sē a sənunsē, saara hangga nggi a ngwarha fa a na a di thlēm̄ad nun dē, amma walwi kwamana wa. 'Ya tərna minna thlēm̄ad nun dē ka di haathla ahur nun kəla əna ni ahu fīngya mbuwa Yahudaya. **14** Na hakked fiya sē a tenna, fiya na a wupəri tē fīngya mbuwa a wupəri, fīngya na tē sēnda tē fīngya mbuwa tē sēnda, tēta ni a pərang laḅarghən ni kanda heu. **15** Nəghən a kukwashe fa na a pərang Laḅaara ni kun na Mbənggən a kun na tē tsaurha a Roma. **16** Kəsər shidēe wa pər laḅar Faara ni wa, kəsər sēsəmn̄da Faara ni na a əna taara ka a hərghanggən kowunni fərgħa kəkafek. 'Waghən

aten Yahudaya təkəm dəgha ten fīngya dē mbuwa Yahudaya. **17** Kəsər ahu Laḅar dā ni na Mbənggən ya kyadna Faara nggayiddi, nəm wal nggayiddi 'yahu fərkəkafek, ka a katəradghən tē mii ngwaladghən dē. Kəla nanən chichireethlee hai ahu laḅar Faara tē ndaarha, "Niifa na tē nggayirha fa nun tsaurha tē fərkəkafek fa." **18** Kəsər kyad Faara səbrha hurghən hai a talara, aten yamid takkwa Faara, tē tar mbəlfēerha na fiya a ənaarha na nanda a kar kəkafek fa ka tar mbəlfed ndan. **19** Kəsər 'ya nəm mbang sēnda aten Faara nəghən a pəpal a fad ndan, kəsər Faara ndən kyadangga ndan kanda a pəpal. **20** Ka əna nanda kəshiirha ən ənad Faara mbuwa nəm naarha, kəla sēsəmn̄dəghən yi pakwandē, tē targhən, nad yirha ndən a pəpal, sənang dūn əngya hai əna nanda. Nanən kee mbə 'ya sē na fiya mbang ndaarha wa. (aidios g126) **21** Ko nanən sēnda Faara, mbangwa nda tərang shilee in tē ndaarha ndəghən ni Faara wa, nduwa usaghən nda wa, amma numad ndan tsaudē mere kee, hur ndan yi nuryirha kəm tsaudē wulghən. **22** Tamngganda ndaarha na nda ndəndəl ashe nurya ni kanda. **23** Kyakhrang ngganda mamnggit Faara hai mbuwa mēra tē dāharha na kəla niifa na mēra, tē kəm dāhaya na kəla wudikkyā, māḅiya, tē fīngya na kakhrha tē hura kəla nda hulthne tē tusalya. **24** Tsaunən kee malangga Faara kanda dēnda mbeedē tē əna tar dimiyirha tərna mindan. Nanən kee, na ndaa əna ən tsanda a pathlang ndan. **25** Kyakhrang ngganda kəkafekkid Faara hu nggaḅaarha dē. Na nda a tərang shilee əngya teena əna nanda ma Faara tafadghən, tsauka ndəghən ni tsəkka a fal ghēnda pakwandē. Atsaukake. (aidion g165) **26** Nanən kee, ndəghən dāni malang na Faara kanda dēnda mbeedē tē suna əna tar ən shilee tē ən tsanda. Nishyi ndan kəm mbedəng ngganda hunarha hai nuneefa tē həshneefa tsauka məməl ka kya nanda əna kəshiirha, ahu hunarha hai tē shayi ndan nishya, kamngwa wa. **27** Tsaunən sunan ndan kyadē hur ndan hai, tərgha həshya kəm malang ngganda hunarha hai tē nishya kamngga ka kya nanda əna kəshiirha. Nagha həshya a əna ən shilee tē ndan. Ahu əna 'ya kiya aang nda tsətsəlla alten ndan fa ḅa. **28** Tsaunən numawa nda tē ndaarha kamdē a kəs sēnda Faara nda ha na nanda tēghən ha wa, malangga Faara kanda dēnda mbeedē tē numad əngya kamngwa wa a ənaghən nda. **29** Na nda lələgdā tē kala tur yanggi mbəlfēerha, tē dimiyirha tē

sunā, tē tsan ndan, tē sērakkirha, tē bēl farha, tē yanda, tē hukrha, tē kēs ndan hur tē kiki farha. **30** Na nda sēb thlōma, na nda a kar Faara fa, tē 'yar farha, tē taala, na nda kada kwaman tar mbēlfeerha, tē yamid fērang mamnggirha fa nggētyindan. **31** Mbē hakkilo sē a fad ndan wa, mba nda tē kēkafek fa wa, mba nda nggēm ndan wa, tē kēm mba nda hādang ndan fa wa. **32** Sēndasē tē ndaarha, ndagha ngyakhrha Faara, fīngya na a ēna ēnggini ya kamdē a mēra nda. Amma mbē ka a na nda a dērha mbeedē tē ānaghēn kee wa, amma kēnang paama nda fīngya yina mu na a ēna kanda.

2 Nanēn kee, mbē 'yasē na mbang ndaarha wa, ko wunni sa, sa na a ngwang kumarha niifa sē pak. Kēsēr a sayiddi na a ngwa kumarha aten niifa, na a ngwang kumarha fad wa ni sē. Kēsēr sa tafadwa na a ngwa kumaddi na a ēna tur ēnggini kēm. **2** Nanēnya sēndēm sē ngwa kumad Faara aten nafiya na a ēna tur ēngginiya mēmēl ni. **3** Sa na niifa mere. Sa na a ngwang kumarha fīngya sē na a ēna tur ēngginiya. Amma sa tafadwa a ēnarha kee. Tamngga ndaarha na hērōkrha ma ngwa kumad Faara wa? **4** Nduwa dēm na hang nda nggayid Faara, tē munyadghēn, tē yamid huf hurghēn nēn a ēnaarha atenwa wa? Ashe sēngwa sē tē ndaarha nggayid Faara atenwa ndēn nēn a kyōrha hu kwaman kwa pēma bē wa? **5** Amma ka kakrakkid tenwa tē kakrakkid hurwa, na a wumang sēbrha hura altenwa fa hai a far sēbrha hur Faara, a far ngwa kumad nggayid Faara nēn a kyārha pēpal bē. **6** Na Faara a teng kowunni aten 'ya ēnanēn. **7** A fīngya na a nji teena tē ēna nggayirha, kada mamnggirha nda tē manang alteena tē yamid mērra, kanda ni na Faara fērang yibrha kanda mbuwa ngwalarha. (aiōnios g166) **8** Amma fīngya na a nggēm alten ndan, kar nda fērēkafek fa kēl takkwa mbēlfeerha na sēbrha tē hufhrha hura sē aten ndan. **9** Na bīllarha tē sēsarha a kēla fīngya fa na a ēna mbēlfeerha, nēn a 'waarha tē Yahudaya ta ten fīngya dē mbuwa Yahudaya. **10** Amma fīngya na a ēna nggayirha na Faara a fērang mamnggirha tē tsawud dēdemnggirha, nēn a 'waarha tē Yahudaya a dēgha ten fīngya dē mbuwa Yahudaya. **11** Kēsēr Faara mbē wura hasē wa. **12** Fīngya ēnagha dimiyirha sēngwanda Deleewar Musa wa, na nda a ngwang kumarha kanda sē aten dimiyirha ēna nanda

mbē tē ngyakhrha Musa wa. Amma fīngya ēnagha dimiyirha sēnda Deleewar Musa, na nda a ngwang kumarha kanda sē tē 'ya ndaana Deleewar dī. **13** Mbē sāk 'ya ndaana Deleewar ndēna tsang fīya tē nggayirha fa a mbed Faara wa, amma ēna taara tē 'ya ndaana Deleewar. **14** Fīngya mbuwa Yahudaya mba nda tē Deleewar ngyakhrha Musa wa, kanda tafad ndan kyad ndan a pēpal 'ya kamngga a ēna nda tē 'ya kamngwa a ēna nda, ko nanēn fērang ngwanda deleewar ngyahad Musa kanda wa. **15** ēn ēnan ndan kyaddē ndaarha ēndi ndaana Deleewar dī nēghēn chichireethlee hai ahur ndan. A hu numad ndan a fara sēmēn nēn ndang kanda ēnawa nda ngga wa, a fara sēmēn kēm ndanggēm kanda ēnanda ngga. **16** Laḅar dāni na Mbēnggēm ya niya pēra, na fara bāyi na Faara, ahu Kērēsti Yeeso, a ngwang kumarha kowunni ahu 'ya na bēbēe na ahur ndan. **17** Kun na a aah fad nun Yahudaya kun a mbērsaarha tē Ngyahad Faara, non a taala tē Faara. **18** Sēndūn 'ya na midghēn, sēndūn 'ya na mēmēl kēsēr tsahang nda kun ha aten ngyahaddi. **19** Sēnnasē sani tēkēs kēkalad kwamaya ha, tē kēm sani kukwaryid fīngya na hu wula, **20** tē tsētsēl nurya, tē tsahang nda wundakhnaya ha, kēsēr ahu ngyahaddi ya na lēlēgdā tē sēnda tē kēm kēkafek. **21** Sa na a tsahang niifa ha, mba a tsahang alten wa ha wa? Sa na a pēr laḅar Faara tē ndaarha a ngaarna wa, amma sa mba a ngaara wa? **22** Sa na a ndang nda fīya a ēnanda kulafayirha wa, mba a ēna kulafayirha wa? Sa na a tsan dāharha, amma mba a ngaara hu kēn dāharha wa? **23** Sa na a taala tē ngyakhrha, mba a sēbang thlēm Faara dē tē hwasang nda 'ya ndaana ngyahaddi wa? **24** Kēla nanēn chichireethlee hai hu deleewar Faara, “Ka pusususuyid nun ni, na fīngya mbuwa Yahudaya a sēbang thlēm Faara dē.” **25** Thlee muwa nēghēn ngga, a nanna a takkwa 'ya ndaana ngyakhrha. Amma a hwasang na 'ya ndaana ngyakhrha tsauna kēla thleewa muwa wa sam. **26** Ana fīngya thlee wa muwa a ēna taara tē 'ya ndaana Faara, mbēna Faara tsawang kanda kēla nafiya thleegha muwa wa? **27** Ai, Yi mbuwa tē Yahudarha thlee wa muwa kēsgha ngyakhrha Faara ha ngga nēn a nggo kumarha sē sa na tē Yahudarha thleegha muwa na tē ngyakhrha Faara ha amma ēnawa taara sē wa. **28** Mbē 'ya na a kēshi ndēna tsaworha tē Yahudarha wa, mbē thlee muwa yi pam farha nēm a naarha wa. **29** Awo, ka tē Yahudarha

ndəna niifa na tsawudghən məməl tə Faara. Thlee muwa yi kəkafek ndəna thlee muwa yi hura hu Səsəna, mbə tə əna taara tə 'ya na chichireethlee hai hu ngyakhrha wa. Niifa na kəla kiya nən kadā faala a har Faara, mbə falla fiya wa.

3 Nanən kee, mani chighəd tsaurha tə Yahudarha? Mani ngga hu thlee muwa? **2** Ai nəghən sə kaan hu kwamangya hangga. Yi tal, Yahudaya ndən fərang nanda laḅar Faara kanda. **3** Amma ana fīngya sə mbuwa tə fərkəkafek wu? Yamid fərkəkafekkid ndan tsaudə mbə Faara naarha tə kəkafek fa kəsər ka fīngya nafiya mbuwa tə kəkafek fa wa? **4** Sam mbə kee wa, Faara nəghən tə kəkafek fa, ko nanən kowunni nən nggaḅaarha. Kəla nanən chichireethlee hai, “A səngga fiya sə na kəkafek sə a fadwa, a kalna sə, tə kəm na a thlang fadwa sə hu ngwa kumarha.” **5** Amma ana yamid nggayid nəm ndən na a kyad nggayid Faara a pəpal, ma nəm ndaarha? Nəm a ndaarha na yamid nggayirha sə a fad Faara ka kyad nən səbrha hurghən aten nəm wa? Niyi a kala sə kəla na niifa ndikrha fa. **6** Ko ngguchit! A nadə kee, kəkən na Faara tsaurha tə ngwang kumarha kəshirha? **7** Na niifa ngaala tə ndaarha, “A tsau nggaḅad na nən kyad kəkafekkid Faara a pəpal chik mamnggit ghənən, Kama nda na nda nggər ngwe kumarha sə tə ndaarha tə dimirha ni nggi?” **8** Kama mbuwa nəm ndaarha, “Taama əna mbəlfēerha nəm tənə əngya na ngga kyarha ḅa ahurghən?” Kəla na fīngya thlək əngya yi səb thləma na nda a ndaarha, məməl ni a ngwang kumarha nda kanda sə. **9** Yo, ma nəm ndaarha mbiya? Kəm na Yahudaya kal dəm fīngya fiya wa? A yanggi! Ko ngguchit! ‘Wa dəm teena thlək dəm ndən tə ndaarha, Yahudaya tə fīngya mbuwa Yahudaya heu na tə aibe fa, tə kəm kanda heu na nda a kamu səsəmənda dimiyirha. **10** Kəla nanən chichireethlee hai ahu ‘Deleewar Faara tə ndaarha, “Mbə niifa sə na tə nggayirha fa wa, ko tətāl. **11** Mbə niifa sə na a sənang hai wa, mbə niifa sə kəm na a kadā Faara wa. **12** Kanda heu kang nda kəsəra Faara, kanda heu tsau nda nafiya kee mere. Mbə ka niifa sə wa ko tətāl. **13** Ka urad ndan nəghən kəla kwat mərəra tsahai, tsau sheneu ndan yi hukrha. Laḅar ndan nəghən kəla yarhafəd hulthne. **14** Yakh nda ‘yar farha, tə ndikrha i'ikh. **15** Yakh nda ḅəl farha ka ka, **16** Kala mbərha ndəna nda

sadə kəl səbrha hura tə səb əngya. **17** Səngwa nda kwaman dədəmənggirha wa. **18** Mba nda tərəm Faara wa sam.” **19** Nanənya səndəm sə tə ndaarha kala ‘ya ndaana ngyakhrha, nəghən aten fīngya na a kamu ngyakhrha, ənana ndan kee ka amawana fiya kala sə, tə kəm ḅənggən kəshirha ḅa heu a kamu ngwa kumad Faara ḅa. **20** Tsaunən kee, mbə niifa sə na tsaurha kula dimiyirha a yid Faara ka nanən a əna ‘ya ndaana ngyakhrha wa, ‘ya na ngyakhrha a ənaarha a sənəmsə tə ndaarha ənadəm dimiyirha. **21** Amma nanənya, a malang dəm ngyakhrha səndəm nggayid Faara, ngyakhrha tə annabiya fər nda shedawa atənggən, **22** Nggayid di ki Faara ya, nəm walghən hu fərkəkafek a Yeeso Kərəsti tə fīngya heu fərgha kəkafek, mbə kyad dədəməmənggirha sə pathlang nda Yahudaya tə nafiya mbuwa Yahudaya wa. **23** Kəsər fiya heu ənanda dimiyirha, kədinda ma kutəryid Faara. **24** Amma fərəra nggayid Faara a fiya ka ni, kowunni waldə tsaurha kula dimiyirha a mbed Faara hu pəla ənana Kərəsti Yeeso. **25** Fər Faara Yeeso a tsauka sataka hu tər hakked dimiyid nəm, kəsər hu irra far satakh kən də na nda a chahang dimiyid ndan fiya də hu fərkəkafekkid ndan. Ənana Faara kee ka a kyad nggayid ghənən, ka a ləḅənggən kərəssəghən na a malənggən dimiyiddi ‘wana nda ənaarha kaar. **26** Ənanən kee ka a kyad nggayidghən nən hu kəshiid weeriya, a kyad ndaarha nən nəghən tə nggayirha fa təkəm hərghənggən fīngya yini fərgha kəkafek tə Yeeso. **27** Ma nəm a taala atənggən? Mbə ‘ya sə wa. Kama ni nanəm a taala? Ka kwaman laf ngyakhrha Musa wa? Awo, kəl tə fərkəkafek. **28** Kəsər fər dəm kəkafek tə ndaarha hu fərkəkafek ni ndəna niifa tsaurha kula dimiyirha fa a mbed Faara, mbə tə takkwa ngyakhrha wa. **29** Ndo Faara yi Yahudaya ni katen ndan kee wa? Mbə Faarani yi fīngya kəm mbuwa Yahudaya wa? Ha'i yi ndan Faara ni kəm, **30** Tsaunən na Faara tal kee. Nən a tsawang nafiya kəm thleewa muwa tsawa nda chahal a fadghən hu fərkəkafek. **31** Tsaunən kee, kar nəm ngyakhrha fa tə fərkəkafek wa? Mbu ənaarha hai kee wa, amma nəm a kəs ngyahadda ha.

4 Yo, manəm ndaarha aten, ndəghən na Chichid nəm hu thlu farha? Ma wal nən sə atənggən? **2** Ana kəkafek ni Ibrahim waldə hərəkrha hu əna taara, na ‘yasə wal nən na a əna taala nən sə, amma mbə a mbed Faara wa. **3** Ma

ndaana deleewar Faara? “Fər Ibrahim kəkafek a Faara, kəsər ka kee naghən tē nggayirha fa a mbed Faara 4 Nanənya a əna niifa taara, wudəbəla na nda a teng nda mbə fəra ni wa, amma yi kəna targhən ni. 5 Amma na nafiya a naarha tē nggayirha fa, mbə ka taryinda wa, amma kəsər ka fərkəkafekkid ndan tē Faara na chahang dimiyid ndan fiya dē. 6 Kəla ndaana Ndauda parkayid dī fərang nanda niifa ndangna Faara naghən tē nggayirha fa, mbə ka taara ənanən wa. 7 Fa parkaya ni nafini chahang nanda dimiyid ndan kanda dā, təkəm tsəbāng nanda dimiyid ndan. 8 Tsau parka aten niifa mbuwana Chinəm tam dāl dimiyidghən in.” 9 Nanənya, na parkaddi ya aten nafiya thleegha muwa kee nuwa? Nduwa heu tē fīngyayini thleewa muwa wa? Kəla nəm a ndaarha ahu labar Faara na chichireethlee hai, “Thlə Faara Ibrahim fa kəsər ka fərkəkafekkidghən.” 10 Aten mani ndang nanda kee? Ndang nanda kee akwasamaddi thleng nanda muwa wa, nduwa kapa na nda thleng muwa wa? Mbə a kwasamaddi thleng nanda muwa wa, amma kapa na nda thleng muwa. 11 Thlee mudi ənanən ənsakhrha ni, tsauka nggayidghən ndəghən kula thlee muwa. Nanən kee, tsaudə china yi səsəna a fīngya heu fərgħa kəkafek ko thlee wanda muwa wa, na nda a tsaurha tē nggayirha fa kəsər ka fərkəkafekkid ndan. 12 Tə Ibrahim kəm chin fa thlee muya ni, mbə fa thlee muya kee wa, amma fīngya takkwagħa tur fərkəkafekkidghən kapa nən thlee muwa. 13 Mbə hu ngyakhrha dāfna Faara miighən nən a fərang langad kəshiirha Ibrahim tē wanggighən wa, amma kəsər ka nggayirha kyagħa bə hu fərkəkafek. 14 Andam dāfmi Faara naghən aten nafiya na a takkwa ngyakhrha, kam fərkəkafek mbə hu 'ya wa na dāfmidī kəm a tsaurha mere. 15 Kəsər ngyakhrha nən bāng səbrha hura bə, amma a mbərha mbuwana ngyakhrha sə mbə aibe naarha sə wa. 16 Tsaunən kee, dāfmee mbərsaghən aten fərkəkafek. Tsaudə hu nggayirha ni fərang nanda chichiya Ibrahim heu, mbə a fīngya na a takkwa ngyakhrha wa amma a fīngya na tē fərkəkafek tur yi Ibrahim. Ndəghənni tsauka yinəm chiina heu. 17 Kəla nanən chichireethlee hai, “Tsawo dī chin chehweeya hangga,” Ndəghənni na yinəm chiina a a mbed Faara fər nəm kəkafek təghən, Faara na fər yibrha a mərya, na aah əngya bə mbuwa sə na nda sə. 18 Fər Ibrahim kəkafek aten shiteena,

ko nanən mbə 'yasə kamngga na a shiteena nən wa, na a tsauka chin chehweeya hangga, kəla ndaana deleewar Faara, “Na chichiya wa a tsaurha hangga kəla wufəlngaarya.” 19 A hu sayiddi səl hurad Ibrahim haru, amma mbid wa fərkəkafekkidghən dəwa nanən fadghən suhur dē takhdə a mərə, Saratu kəmda mbərang dē hurad nggəttəghən hai. 20 Malwa fərkəkafekkidghən ndən wa, Wulang ngwa teena tē dāfmi Faara wa, Fərkəkafekkidghən lədag dē tē səsəmda, nagħa a fal Faara. 21 Fərdə kəkafek tē ndaarha na Faara tē səsəmda na a əna əndanən dāf nən miighən kamanggan. 22 Ndəghən dā ənagħa ndən, “Kirasang nanda, Nəghən tē nggayirha fa.” 23 Ndaddi “Kirasang nda naghən tē nggayirha fa” chireethleng ngwanda hai ka ndəghən katənggan wa, 24 amma ka kəm ni, na Faara a kirasang nggayirha, kəm fərgħa kəkafek a ndəghən thlengga Yeeso Chinəm sə hu mərə. 25 Fər na ndan a mərgħa ka dimiyid nəm. Thleng nda sə tē yibrha kəsər ka a tsawum kula dimiyirha a mbed Faara.

5 Tsaunən kee, tsau nəm kula dimiyirha fa a mbed Faara hu fərkəkafek, nəm a tsau dādemnggirha tē Faara hu chinəm Yeeso Kərəsti, 2 A hurghən ni wal nəm kwaman fərkəkafek ahu nggayid dādə ish nəm sə nanənya. Nanən kee, nəghəm a taala hu shiteena yi mamnggit Faara. 3 Mbə kee mawa, nəghəm a əna wutsəfayirha hu səsad nəm, kəsər səndəmsə na səsəarha bāng kərəsta bə, 4 kərəsta nən bāng hakkilo bə na ngga, hakkilo na ngga kəm nən bāng shiteena bə. 5 Mbə shiteena kyang kəm hu shilee hai wa, kəsər nggəmda Faara irang dā ndən kəm hur nəm hai hu Səsəna tē Pədənda, fərang nanda kəm. 6 A hu məməlla sayi, kəm baldə kula naarha tē səsəmda fa, mərgħa Kərəsti ka fa dimiya. 7 'Yani na pədagħən na a mərgħa niifa kəsər ka niifa natə nggayirha fa. Ko nanən asəmħa na niifa sə na mbang ndeng yidghən a mərgħa ka məsələmda niifa. 8 Amma kyadāng Faara nggəmdəghən kəm tē ndaarha, kəm baldə fa dimiya, mərgħa Kərəsti ka kəm. 9 Tsaunən wal dām tsawud nafiya mbuwa tē dimiyirha fa a mbed Faara ka irra far Kərəsti dē, sakwata nanənya, na nda a hərgħang kəm ka ndəghən hu səbrha hur Faara dē. 10 A nadə, a sayidda ni nanəm a əna təsaryirha tē Faara ndən tangsang nanda pathlang nəm tē Faara hu mərə Wanggən, sakwata nanənya 'wanda

teena tangsang nda pathlang nām tē Faara, nām a wal hārēkrha ka tsawud Wanggēn. **11** Mbē ka yandī kee ya wa, amma kām nām āna wutsāfayirha tē Faara, hu Chinām Yeeso Kārēsti, kāsēr ndāghēn ni taksangga pathlang nām tē Faara. **12** Tsaunēn kee, kēla kyana dimiyirha hu kēshiirha bā tē fad niifa tal, dimiyiddi ya ndān bāngga mērra bā. Nanēn kee, tsau mērra aten kowunni hu kēshiirha, kāsēr kowunni ānadā dimiyirha. **13** Kāsēr kapa na nda fēr ngayakhrha, na dimirha sē hu kēshiirha, amma mbē kirasang nda dimiyirha sē aten kowunni a mbē ngayakhrha sē wa. **14** Heu tākē ka a sayid Adamu dēgha hu sayid Musa dē, āna mērra kutēryirha aten fiya heu, ko aten fīngya ānawa dimiyirha kēla ānana Adamu kar nēn mii Faara fa. Na Adamu kēla Kārēsti bālgħa kula bārha bā. **15** Amma mbē fērrēdi tal ya wa, aten dimiyid Adamu tē nggayid fērra Faara. Kāsēr kākafek ni mēr fiya dē hangga ka dimiyid niifdi tal taarha. Amma mul nggayid Faara hai, nanēn kee fērrāghēn ni ka a fiya hangga hu nggayid niifdi tal ya, Yeeso Kārēsti. **16** Fērra nggayid Faara mbēm kākārang nda tē 'ya na dimiyid niifa tal bāng nda bā wa. Ngwa kumad Faara takkwaghēn dimiyirha tal bāngga mēra bā, amma fērrēdi takkwaghēn aibeya hangga tsangga fiya kula dimiyirha fa. **17** Kāsēr ānadā ka aibed niifa tal, ānana mērra kutēryirha aten kowun ka niifdi talya, tsaudē fīngya walgha nggayid Faara hangga tē fērrāghēn ka yi nggayirha na nda a āna kutēryirha tēghēn hu tsawud ndān tē niifdi tal na Yeeso Kārēsti. **18** Tsaunēn kee, ka aibed niifa tal bāng dē mērra ten fiya bā heu, nāghēn kee kām kāsēr ka tar nggayid niifa tal ndēn tsawangga kām nafiya mbuwa tē dimiyirha fa a mbed Faara, bāngga kal farha bā hu tsawud fiya heu. **19** Kāsēr kēla nanēn ka yamid fēr mamnggid niifa tal ndēn tsangga fiya hangga tē dimiyirha, nāghēn kee kām kāsēr ka fēr mamnggid niifa tē nafiya hangga na nda a tsaurha tē nggayirha fa. **20** Fēr nanda ngayakhrha tēna aibe chikrha. Amma a chik dimiyirha, na nggayirha a chikrha kaan, **21** Nanēn kee kēla ānana dimiyirha kutēryirha tē mērra, nāghēn kee kām na nggayirha a āna kutēryirha hu nggayidghēn na a bānggēn yibrha bā mbuwa ngwalarha hu Yeeso Kārēsti na Chinām. (aiōnios

g166)

6 Manēm ndarha mbiya? A dēm mbeedā tē āna dimiyirha tēna nggayirha mula hai wa? **2** Sam, mbē tam ānarha hai wa, kām mārgha ka dimiyirha, kākēn nām nggēr tsaurha ahurghēn? **3** Nduwa sēnggun sē wa, kām heu ānang nanda mbaptisēma kām tē Kārēsti Yeeso, ānang nanda mbaptisēma kām hu mērrāghēn dē. **4** Pangganda kām tēghēn hu mbaptisēma pang ngganda kām tēghēn, tsaudēm tal tēghēn, nāghēm tal kām hu mērrāghēn, kāsēr kēla thlēng nanda Kārēsti sē hu mērra tē mamnggit Chindi, nāghēm kee kām na tsawum hu weerinda tsaurha. **5** Tsaunēn nāghēm tal tēghēn ahu mērrāghēn, nām a thliirha sē kām hu yibrha dē kēla ānanēn. **6** Sēndāmsē suhurra fad nām tawang nda dē tēghēn aten kadiirha, amawana dimiyirha wal sēsēmnda aten nām, amawa nām tsaurha mafad dimiyirha. **7** Kāsēr kala niifa mārgha hārēk dē ma dimirha. **8** Nanēnya a mēr dēm tē Kārēsti, fēr dēm kākafek tē ndaarha nām a tsaurha tēghēn **9** Sēndāmsē hārēmna Kārēsti thliirha sē hu mērra, mbē a nggēr mēra bālwa, bālwa sēsēmnda mērra sē a tenggēn wa. **10** Mērdi mēr nēn, mārghēn katēra tal, hwasanggēn sēsēmnda mērra, amma nanēnya nanēn tē yibrha fa, tsaukēn tē mamnggit Faara. **11** Nanēn kee, kun kām tsawaman fad nun nuwun mēmēra hu sēsēmnda dimiyirha, amma nuwun tē yibrha fa hu tsawud dādēmnggirha tē Faara hu Yeeso Kārēsti. **12** Tsaunēn kee, a malangdūn dimiyirha āna kutēryirha nēn tē thli faddi kyanun na mēra ya wa, non a takkwa ān mbēlfēddi na midghēn wa. **13** A fērdūn kala mbēd njid fannun ka ān tar mbēlfēerha nun yi dimiyirha wa. A mēyedghēn, fēraman fad nun Faara heu, kāsēr mēr dūn, amma nanēnya nuwun tē weerinda yibrha. Nanēn kee, ānama taara kamngga tē fad nun heu ka mamnggit Faara. **14** Kāsēr mbē dimiyirha nggēr tsaurha turi nun wa, kāsēr mbun a kamu ngayakhrha wa, amma a kamu nggayid Faara. **15** Manēm ndaarha? Nām a āna dimiyirha kāsēr mbēm a kamu ngayakhrha wa amma a kamu nggayirha? Sam, mbē tam ānaarha hai wa. **16** Sēnggun sē tē ndaarha a fēr dūn fad nun a kala niifa non a fērang mamnggirha kēla mafarha wa? Tsau dūn mafad niifdi nun a fērang mamnggirha, ko mafad dimiyirha ni kun, na a dārha tē kun hu mērra dē, nduwa fēr mamnggirha a Faara na a dāng kun hu nggayirha dē. **17** Usa dēm Faara. Kaar tsau dūn mafaya a dimiyirha, amma nanēnya tē

hura tal thlədun ɛndi tsahang nanda kun ha. 18 Nanənya hərəghang nda kun sə hu tsawud mafayid nuna hu dimiyirha, tsaudun mafaya yi nggayirha. 19 Niyi a kalang kun sə kəla na niifa kaala sə, kəsər səndisə kədi dun hu thlufarha. Kəsər kəla 'wanun fər fad nun kəla mafaya a ɛn tsanda nəm a naarha, tə kəm non a chik dərha mbeedə tə ɛna tar mbəlfəerha, nəghən kee kəm nanənya kəl a fər fad nun nən tsawun mafaya a nggayirha, ka a tsawun nafiya na wuwura chahal yi Faara. 20 A sayiddi tsau nun mafaya a dimiyirha, mbə 'yasə njidəngga kun tə nggayirha wa. 21 Ma wal nun sə tə ɛnggini ɛna nun fardi kəsna shilee kun nanənya? Mii ngwala ɛnggini heu ya mərri ni. 22 Amma nanən hərəghang nda kun hu tar dimiyirha tsaudun mafaya Faara, nun a tsaurha chahal tə yibrha mbuwa ngwalarha. (aiōnios g166) 23 Kəsər kəna dimiyirha mərri ni, amma fərri Faara ndəna yibrha mbuwa ngwalarha hu Kərəsti Yeeso Chinəm. (aiōnios g166)

7 Shayina, səndunsə ngga, kəsər niyi a ndikrha tə nafiya səngga ngyakhrha tə ndaarha ngyakhrha nən naarha tə səsəmda fa aten niifa ɓalgha hai tə yibrha. 2 Hu sakrha ndagha ngyakhrha, nuneefa kakhka nəghən a kamu ngyakhrha chimadghən a ɓal da hai tə yibrha, amma a mər chimadghən ɓalwa ngyakhrha kakhrha sə atənggən wa. 3 Nanən kee, a ɓal chimadghən hai, a kakh də niifa pak ɛnadə kulafayirha. Amma a mər chimadghən ɓalwa a kamu ngyakhrha kakhrha wa, tə kəm ɛnawa kulafayirha a kakh də niifa pak wa. 4 Nanən kee, shayina, kun kəm mər dun hu ngyakhrha ahu fad Kərəsti. Tsaudun yi yandi thləng nanda sə hu mərri, tənun tsaurhahu kwamana na ngga na a mbənənggən Faara. 5 Kəsər a sayiddi nanəm ahu thlufarha, na ngyahaddi naarha shik sunad dimiyid nəm, nən ɛna taara hu thlu fad nəm, tar nəm heu nən ɓang mərri ɓa. 6 Amma nanənya hərəghang nda kəmsə hu ngyahaddi, kəsər mər dəm ka ndəghən ɓalwa səsəmdəghən a ɛna taara aten nəm wa. Nanənya nəm a ɛnang taara Faara hu weerinda kwamana hu Səsəna tə pədənda, mbə ahu hurad chirethla ngyakhrha wa. 7 Manəm ndaarha mbiya? Ngyakhrha tafadghən dimiyirha ni wa? Awo, ko ngguchit. Kəsər ngyakhrha ni ɛnagha ndən sənni dimiyirha. A ndawa ngyakhrha, “A sunad na ɛn niifa wa,” kam səngwi ɛndi na nda

ndaarha suna wa. 8 Amma tə ngyahadda ni, ndən wal na dimiyirha kwamana shik nən kala tur yanggi suna alteena na ahur na. Kəsər a mbə tə ngyahaddi wa, kam na dimiyirha məmərri. 9 Tamnggi tə yibrha fa a sayiddi səngwani ngyakhrha, amma ɓana ngyakhrha ɓa, thliigha dimiyirha sə tə yibrha, tərgha nggi məri. 10 Walang di tə ndaarha ngyahaddi kwang ndən kamngga ɓagha ɓa tə yibrha, a meyedghən ɓagha ɓa tə mərri. 11 Wal dimiyirha kwamana hu ngyahaddi, hukdə nggi kəsə mərri nən fa. 12 Nanən kee, na ngyahaddi chahal, ɛngya ndənən nəghən chahal, tə nggayirha fa təkəm nəghən ngga. 13 Amma 'ya na ngga ndəna kəsə mərri fa wa? Awo ko ngguchit. ɛna dimiyirha taara tə 'ya na ngga kəsə mərri nən fa, ka a kyad ndirwid ghənən yi dimiyirha a pəpal. ɛnagha dimiyirha taara tə ngyakhrha Faara na ngga ka lədaŋgən ɛn mbəlfedghən. 14 Səndəmsə ngyakhrha yi səsəna ni, amma nggi mbiyi chahal wa. Henda də kəla mafarha a dimiyirha. 15 Sənangwi ɛnda hai ɛna ni wa. Kəsər ɛndi na minna a ɛne ɛnawi ndən wa, amma ɛndi kar ni ndən niya ɛnarha. 16 Amma a ɛnadi ɛndi mbuwana minna a ɛne, nggəmdi fa tə ndaarha na ngyahaddi ngga. 17 Kəla nanən, mbə nggini tafanna a nggər ɛnagghən wa, amma dimiyid dani na ahur na a ɛnagghən. 18 Kəsər səndisə tə ndaarha mbə 'yasə ngga tsauka ahur na wa, hu dimiyid na yi thlufarha. Kəsər tər minna sə na a ɛna 'yani na ngga kwang, amma mbi mbang ɛnagghən wa. 19 Kəsər mbiyi a ɛna ɛnggini na ngga na minnasə wa, amma mbəlfəerha ndən ni ɛnaarha kətsar. 20 Nanənya a ɛnadi ɛndi mbuwana minna a ɛne, mbə nggini tafadna a ɛnagghən wa, amma dimiyirha ni natə tsaurha ahur na, na a ɛnagghən. 21 Nanən kee walang di tə ndaarha na ngyahaddi a ɛna taara. Ana minna sə ɛna 'ya ni na ngga, na mbəlfeddi narha tsau tə nggi fa. 22 Nggi ahur na sə na minnasə ngyahad Faara kaan 23 Amma nadi ngyakhrha pak a ɛna taara ahur na. Ngyakhrha a yanda tə ngyahaddi na a hutenna. Tsawedə hu porsəna yi ngyahad dimiyirha na a ɛna taara ahur na. 24 Tsaudi ɛn kawa. Wunni hərəye ahu faddi na a mərri ya? 25 Kəl usaarha a Faara, hərəyegha hu Yeeso Kərəsti Chinəm. Nanən kee, nggi tafadna hu hutenna mafad ngyakhrha Faara ni nggi, amma ahu thlu fadna yi dimiyirha mafad ngyakhrha dimiyirha ni nggi.

8 Nanən kee, mbə ngwa kumarha sə aten fyinga na yi Kərəsti Yeeseo wa. **2** Kəsər hu Kərəsti Yeeseo ngyahad Səsəndi na fər yibrha hərəwo də hu ngyahad dimiyirha tə mərə. **3** Kəsər 'ya mbuwana ngyakhrha mbang ənaarha kəsər ka kədiina thlu farha, Faara əna də ndən. Thlən Faara Wanggən bə katenggən na kəla thlu fad nəm yi dimiyirha ka a tsauka satakh dimiyirha, tə kəm walenggən səsəmnda dimiyirha də na hu thlu farha. **4** Əna na Faara kee kəsər kala 'ya ndana ngyakhrha a ənam tənən ləghəttə a tennəm, kəm mbuwana tsawud nəm yi thlu farha, amma yi Səsəna. **5** Fyinga na a tsaurha hu yi thlu farha na hakkilon ndan naarha aten 'ya na mid thlufarha, amma fyinga tsauka yi Səsəna na hakkilon ndan naarha aten 'ya na mid Səsəna kee. **6** Ana hakkilo aten thlu farha nən bəng mərə bə, amma ana hakkilo aten Səsəna nən bəng yibrha bə tə tsawud dədəmnggirha. **7** Hakkilo na thlufarha a əna taara təghən tsaudə nəghən a yanda tə Faara, fərwa altenggən tə tsahad ngyakhrha Faara wa, təkəm mbə mbang wa. **8** Ndən anagha ndən fyinga bəlgəha a kamu dimiyid thlufarha mba nda tam əna 'ya na a mbənannggən Faara wa. **9** Kun kam mbə tsawud thlufarha nanun sə wa, amma yi Səsəna, ana kəkafek ni na Səsən Faara tsau ahur nun. Ana niifasə mbuwa tə Səsən Kərəsti, mbə yi Kərəsti ni kanda wa. **10** Amma ana Kərəsti ahur nun, ko nanən na fannun a mərə kəsər ka dimiyirha, na Səsəndi fər yibrha kəsər ka nggayirha. **11** Ana Səsən Faara thlengga Kərəsti sə hu mərə ahur nun, ndəghənggi thlengga Kərəsti sə hu mərə nən a fərang yibrha fannun na məmərə kəsər ka Səsənggən na ahur nun. **12** Nanənke, shayina na taara sə a har nəm, amma mbə ka a tsawum kəla na mid thlu fannun wa. **13** Kəsər ana tsawud thlu farha nanun sə, nun a mərə, amma a nadun hu tsawud səsən di təkəm bəlanggun tar dimiyid nun, nun a wal yibrha. **14** Kəsər fyinga na Səsən Faara a naarha tə kanda, wangya Faara ni. **15** Səsən di thlənun mbə tsang kun mafaya wa, tənun tsaurha tə hərənga fa faddən wa, amma Səsən di thlənun tsang də kun wanggighən. Nanənya nəm aaghən "Abba, Pəppa." **16** Səsən di tafadghən nəghən a fər shedawa heu tə yinəm səsəna tə ndaarha wangya Faara ni kəm. **17** Tsaunən kəm wanggighən ni, tsau dəm fa har langaayighən. Kəkafek, kəm heu tə Kərəsti tsau dəm fa har langaaya mamnggit Faara. A nadəm a wum teena hu mamnggidghən, nəm a wumteena kəm hu səsadghən. **18** Niyi a naghən, səsəarha nəm a saarha fa nanənya, mbəm kəkərang tə mamnggiddi na nda a kyadang kəm a mbee wa. **19** Kəkafek, əngya heu ənana Faara kukwasang kanda fa na a bəgha fərdə bə na Faara a kyad tə mingya ni ka wangya. **20** Kəsər əngya ənana Faara wulang teena kanda na a sən ənda nda na mindan, mbə tə nggəmnda hurghən wa. Faara ndən tərna midghən a naghə sə kee hu shiteena **21** tə ndaarha, əngya ənənən a wal hərəkrha nda hu tar mafayirha yi məthla hai, na a wal mamnggid wal alteena nda yi wangya Faara. **22** Kəsər səndəmsə tə weeri də bə ya əngya ənana Faara heu na nda chichim hatta farha fa, kəla hatta nggəttə. **23** Mbə əngya ənana Faara kee ndəna chichimnda wa, amma heu tə kəm na tə Səsəna fa tsauka katəra fərfa Faara, nəm chichimnda kəm, nanəm a kəla Faara fa tsawanggən kəm wanggighən, təkəm hərəhanggən pofad nəm. **24** Kəsər hu shiiten dani ya walnəm hərəkrha. Amma a nadəm əndi nəm a shiteena kamanggən, bəlwə shiteena ni wa. Wunni nggər shang teena əndi 'wanən waala? **25** Amma a nadəm a shang teena əndi nawa nəm, nəm kərəsta kəlaghənəm fa. **26** Na Səsəna kee kəm, nən dāng kəmsə ahu kədin nəm. Kəsər sənggum 'ya nəm hwanang Faara atenggən wa, amma səsən di tafadghən a meyed nəm nən hwanang kəmsə tə huhurumngya tə labərya mbuwa nəm mbang pəra. **27** Faara səngga 'ya na ahur nəm səndə numad Səsəna, kəsər na Səsəna a hwan Faara a meyed nafiya na chahal aten 'ya na mid Faara. **28** Səndəmsə tə ndaarha hu əngya heu na Faara əna taara ngga ka fyingayini nggəmngga ndən, aah nanda kan a əna 'ya nda na midghən. **29** Kəsər fyingayini 'wana Faara sənda ka kətəm, tsawang də kanda a na nda kəla wanggən, tənə Wandi tsaurha wan 'warha ahur wan manggighən. **30** Fyingayini wurna Faara, kanda ni kəm aah nən, fyingayini aah nən, ndən tsawang nən kanda kəm nafiya na chahal a mbedghən, fyingayini tsawang nən kanda nafiya na chahal a mbedghən, kanda ni kəm manang nən. **31** Ma nəm ndaarha aten ənggini ya? Ana Faara tə kəm wunni mbang əna təsaryirha tə kəm? **32** 'Yadawa Faara Wanggən wa, amma fərdə ndən ka kəm heu, mbə fərang əngya kəm heu tə haara tsahai wa? **33** Wunni mbang huhwa nafini wurna Faara? Faara tafadghən ndagha mba nda tə aibe fa wa. **34** Wunni tsəkka na a ndagha na niifasə tə aibe

fa? Mbə Kərəsti Yeeso ni, mərgha, thleng nanda sə hu mərə tə yibrha, na tə tsaurha a yisəmad Faara, ndəghən ni na a hwan Faara ka kəm. **35** Wunni tsəghang kəmhai tə nggəmda Kərəsti? Səsaarha, nduwa billarha, nduwa miirha, nduwa yamirha, nduwa kakyathlaanga, nduwa mərta? **36** Kəla nanən chichireethlee hai, tə “Kəsər ka sa ni kyanəm hu mərta hai kətsar, tərgha nda kəm kəla chaukhrarha na nda thleng uradghən,” **37** Awo, ahu ənggini heu ya kal dām ndaarha nafiya ni walgha həbrha kee, yandiya nəghən ahu niifdi nggəmməga kəm. **38** Səndisə mbə 'yasə na ndəghang kəmhai tə nggəmdəghən wa, ko mərta ni ko yibrha, ko fa thləngya Faara, ko ənkaheeya, ko nanənya, ko a far bīnda, ko səsəmgəya dādāmən dādāmən na a talara, **39** ko nzang, ko kudimnggən, ko ngguchit hu 'ya ənana nda, tsəkka na mbang tsahang kəmhai tə nggəmda Faara hu Kərəsti Yeeso Chinəm wa.

9 Kəkafek niya thləkrha mbə niya nggəbaarha wa, hutenna, hu Səsəna tə Pedənda, nən fər shedawa, **2** tə ndaarha thlee hurna kaan, təkəm niyi tə səbrha hura kətsar. **3** A ndam kwang shiwed nda, ndəyenda hai tə Kərəsti Kəsər nafina, kanda na turyina, **4** nafiya Isəreela. Kanda ni tsawang nən kanda wanggighən, kyadəng mamnggitghən nən kanda, dāfimee nən tə tə kanda fərang ngyakhrha nən kanda, fərang də kwaman tərang shilee teena yi kəkafek, tə kəm thlə dāfmi ghən nda. **5** Kanda na chichi yindan, Ibrahim, tə Ishaku tə Yakubu. Yeeso tafadghən nanən hu thlu farha turya Isəreela ni. Niya hwan Faara, na a əna kutəryirha heu, a fal thləm nggənəm pakwandə. A tsaukwa kee. (aion g165) **6** Mbə kədiina lafar Faara wa. Mbə fiya heu na turya Isəreela na Isəreelaya wa. **7** Mbə turya Ibrahim ni heu wangya Ibrahim wa. Amma a meyedghən kəla ndaana deelewar Faara, “Tə Ishaku ndəna nda a kirasang nda tur yiwa.” **8** Nəm mbang ndaarha, mbə tsaurha turya Ibrahim, ndəna bəng tsaurha bə wangya Faara wa, amma kəl wangya dāfimee ndəna nda kirasang kanda hu turya Ibrahim. **9** Kulo əndi ndaana dāfmi Faara ya, “A məməlla sayi niya wutta bə, na Saratu a nggət wee həshin.” **10** Wandiya chichid nəm ni na Ishaku. A sayiddi kahang nən Rəfkatu nggəddə mudaya. **11** Kapa na nda nggət mudayini nduwa kapa na nda əna 'ya ngga nduwa mbuwa ngga tənə wurra Faara tsaurha kəla tərna midghən. **12** Mbə tə

taara wa amma təghən aah nən fiya, pərang ndan tə ndarha, “Na təpamənda a ənang taara təfeewunda.” **13** Kəla nanən chichireethlee hai, “Nggəmdi Yakubu, kardī Isuwa fa.” **14** Yo, manəm ndaarha? Əna Faara yamid nggayirha wa? Awo ko ngguchit! **15** Kəsər ndangga Faara Musa, “Kala niifa wurni na a hadəng nggi fa, ndəna a hadēe fa, təkəm kala niifa wurni na a hadēeghən fa ndənən a hadēe fa.” **16** Nanən kee mbə aten əndi na mid niifa nduwa shembədgən wa, amma ka hadəng na Faara fa. **17** Kəsər ndangga deelewar Faara Fir'auna, “Tsawo ni kutəra tənī kyad səsəmdəna ni a fadwa, təkəm a pər thləmna nda a Kəshiirha kahad.” **18** Tsaunən kee, na Faara hadəng niifa fa nggəmda hurghən, təkəm tsanggən hur niifa kakrak tərna midghən. **19** Na mbang ndeerha, “Mani bəlna Faara a naa kəm tə aibe fa? Wunni kar ənda fa na mid Faara?” **20** Amma wunni sa niifa tə wasa in, na mbang ngaala tə Faara? 'Ya tən nanda nən ndang nda niifdi təngga ndən, “Kama nda tənna nggi kiya?” **21** Akwasamadghən heu, mbə tə tənda bərha tə tabrha mbang kyakhrang tabrha hai kəla tərna midghən, təkəm nən mbang əna taara tə ta'alla tabrha tal tən bəya nən səri, tal bəd sakhdaarha, tahadghən yi əna taara kee wa. **22** Andam na Faara, ana midghənsə nən kyad səbrha hurghən tə səsəmdəghən a pəpal, amma tə kərəsta kaan aten fīngyayini na səbrha hurghən a narha tendan tsəka a mərə nda. **23** Təkəm na midghən sə a kyad mamnggidghən, a fīngya nən a hadəng fa, tə fīngya dəf nən ka kətəm ka mamnggidghən. **24** Nəghəm kəm ahur nafini wur nən, ahu Yahudaya tə fīngya mbuwa Yahudaya. **25** Kəla pər nən hu deelewar Hodzaya, “Nafini mbuwa nafina, niya aah kanda nafina. Təkəm fīngya nggəmdə ngwa ni, niya aah kanda nafiya nggəmdəni.” **26** Tə kəm, “Məməl a mbəddi ndangna nda kanda, 'Mbə nafina ni kun wa,' a mbəda ni kəm na nanda aah kanda, 'Wangya Faara na tə yibrha fa.'” **27** A ten Isəreela tərang annabi Ishaya uradghən sə ndəghən, “Ko na hang nda nafiya Isəreela kəla wuchehweed wuri aama, kəl tahad ndan ni kee na wal hərəkrha.” **28** Kəsər na Chinəm a ngwang kumarha kəshiirha kəkar mbə kukwasa wa. **29** Kəla 'wana annabi Ishaya thləkrha, “A mbə malang na Chinəm na manggən chichiya kəm hai wa, kam tsawang nda kəm kəla Sodom, nam kəla Nggomara.” **30** Manəm ndaarha, mbiya? Nafiya mbuwa Yahudaya kadə wanda

nggayirha wa, amma wal ndan, ndəna nggayirha hu fərkəkafek. **31** Amma Isəreela kadan nda nggayirha tsauka hu takkwa ngyakhrha, walwa nda kwamana na a ləfang ngganda 'ya ndana ngyakhrha wa. **32** Ma ənagha ndən kee? Kəsər ish wanda aten fərkəkafek wa amma aten taara əna nanda. Tsəunən kee, kii saara nda tə, “fer kii sardi.” **33** Kəla nanən chichireethlee hai, “Dəfang di feera hai a Sihiyona na kyang fiya hu kii saara hai tə feera na a fəlanggən kanda hai, kala niifa fərgħa kəkafek təghən, mbə kyarha hu shilee hai wa.”

10 Shayina, əndi na minna tə hwan Faara na a walgha nafina Isəreelaya hərəkrha. **2** Ni fər shedawa tə ndarha na mindan ənang taara Faara, amma sənangwa nda hai wa. **3** Hərəm nən naarha sənangwa nda nggayid Faara hai wa, na mindan sə kadə yi alten ndan, fər wanda alten ndan hu nggayid Faara wa. **4** Kərəsti ndəna nggəl mii ngyakhrha, kala niifa fərgħa kəkafek nən naarha tə nggayirha fa. **5** Chirelthgha Musa aten nggayirha tsauka yi ngyakhrha: “Kala niifa ənagha əngginiya a əna taara nən sə.” **6** Amma nggayirha tsauka hu fərkəkafek ndəghən, “A ndanna ahurwa, ‘Wunni a təra talara də?’” Ka dəgha bərha hai tə Kərəsti. **7** “Nduwa, ‘Wunni a dərha mbəd tsawud mərəya də?’” Ka dəgha thleng Kərəsti sə hu mərta. (Abyssos g12) **8** Amma ma nən a ndaarha? “Na labardi tsau tə sa fa; nəghən hu miwa tə hurwa,” ndəna labar fərkəkafek nəm a pəra. **9** A pər nan tə miwa tə ndaarha, Yeeso ndəna Chinəm, tə kəm fərna kəkafek ahurwa tə ndaarha thleng Faara sə ahu mərta, na wal hərəkrha. **10** Kəsər tə hura ni na niifa fərkəkafek ndəna tsaurha məməl a mbəd Faara, tə mee kəm nəm pərgħən ndənəm wal hərəkrha. **11** Kəsər ndagħa deleewar Faara, a “Kala niifa fərgħa kəkafek təghən mbə kyarha hu shilee hai wa.” **12** Kəsər mbə tsawud dədamən nggirha sə a pathlang Təyahudarha tə fingya mbuwa Yahudaya wa, kəsər Chinəm dani tal, ndəna chinəm heu, ndəghən ni na fər parka a kala niifa aagħa ndən. **13** Kəla ndaana labar Faara, “Kala niifa aagħa thləm Chinəm nən wal hərəkrha.” **14** Amma kəkən nanda aaghən kanda kula fərkəkafek? Kəkən nanda fərkəkafek aten niifdi 'wawa nanda sək labargħən? Kəkən nanda səkkən a pərang ngwa niifa ndən kanda wa? **15** Kəkən na niifa pər labar Faara a thlən ngwa nda kanda wa? Kəla nanən chichireethlee

hai, “‘Ya ni na ngga a nafini bəgha bə tə Labara na Mbənggən.” **16** Amma mbə Isəreelaya heu fərgħa kəkafek tə Labardi na Mbənggən wa. Kəsər ndagħa Ishaya, “Chinəm, wun fərgħa kəkafek tə labardi sək nən a mii nan?” **17** Nanən kee, kyagħa fərkəkafek bə hu sək labara, səkrha kəm labar Kərəsti ni. **18** Amma tsakh mee ni, “Səkkwa nda Labardi wa?” Kəkafek sək ndan. Kəsər “Sək nda urad ndan hu kəshiirha heu, sək fiya labar ndan tə mii ngwala kəshiirha də.” **19** Amma nggəryi tsakh mee, “Sənangwa na Isəreelaya hai wa? ‘Wagħa Musa ndaarha, ‘Ni kyang kun hu səkrha hai tə nafini mbuwana chehweed nun tal, tə kəm niya səbāng hur nun də tə nurya nafiya.” **20** Tərgħa tərangga Ishaya uradghən sə ndəghən, “Waled nafiya kadə wa nggi, kyadāng di fadna nafiya tsakhkwa nggi”. **21** Amma aten Isəreela ndəghən, “Hu parra fara heu tərang di harna sə a nafiya mbuwa fər mamnggirha tə fingya na tendan kakrak”.

11 Niya tsakh mee, karna Faara nafiighən wa? Awo, ko ngguchit! Nggi tafad na tə Isəreelarha ni, chichit Ibrahim, turya Mbenjemen. **2** Karwa Faara nafiighən wur nən ka kətəm wa. Sənggun əndi ndana labar Faara aten hwan nda Faara ənana annabi Iliya aten Isəreelaya ndanən, **3** “Chinəm, bəlang nda annabi yiwa heu, fəlang nda mbəd fər satakh kiiwa də, takhkən nggi katenna kee, nggi ma min ndan sə bəleerha.” **4** Ma nggərang na Faara sə? Nggəranggən sə tə ndaarha, “Dəfang di fingya də kumnggitghən məd 'wa wagħa tərang shilee dahad Mba'al teena”. **5** Nəghən kee kəm hu kəshiid weeriya na fingya sə takhka, wurna nda kanda ka nggayirha. **6** Wurrə di ki Faara ya kəsər ka nggayidghən ni, mbə aten taara ənana nda ngga wa. Kəsər ana wurra Faara nəghən aten 'ya ənana fiya, bəlwa nggayidghən tsaurha ka nggayirha wa. **7** Kən mbiya? Kədgəng Isəreela əndi nən a kadaarha. Kəl nafiya ngguchit ni kee ahur ndan wur nanda walgha, amma fingya takhka tsə tendan kakrak, **8** kəla nanən chichireethlee hai tə ndaarha, “Fərang Faara səsən yamid sənda kanda, mbə yindan namana hai wa, thləmad ndan kəm mba nda sək 'ya wa, ta weeri dəba ya.” **9** Ndagħa Ndauda, “Ngwa tsauka wutsəfayid ənnad ndan mii ka takhthleera tə lashi, fer kii saara, tə 'ya na mid ndan a wudgha tendan də. **10** Ngwa wulgha yindan ama nanda namana hai,

kəbgha kəsər ndan pakwandə.” 11 Niya nggər tsakhmee, kiina Isəreelaya saara, mbangwa nda thliirha sə wa? A yanggi, ko ngguchit. Kəsər ka dimiyid ndan, səl hərəkrha ten fyinga də mbuwa Yahudaya ka a kyang ngganda Yahudaya hu sərəkkirha hai. 12 Amma ana dimiyiddi ənana Isəreelaya bang də parka kəshiirha 6a, təkəm, ka kədiina nda, bang də parka fyinga 6a mbuwa Yahudaya, nanən kee, na hang nda parkaddi ya a tsaurha kəkən a kyahar nda thləmad Faara 6a. 13 Nanənya niyi a ndikrha tē kun mbuwa Yahudaya. Tsaunən nggini tē thlənda Yeeso yi fyinga mbuwa Yahudaya, niyi a taala tē tarna, 14 hu shiteena kiya ni kyang shayina Isəreelaya hu sərəkkirha hai, tēni hərghang fyinga ahur ndan. 15 Kəsər a tsau karrə ndan nən bang kwaman shaulirha 6a a pathlang Faara tē kəshiirha, na thlən ndan fa tsaurha kəkən? Nən a tsaurha wal yibrha ni a fyinga mərgha. 16 A fər nda katəra mburodi ngguchit a Faara na chahal, na mburodi heu tsaurha chahal. Ana thlar dərfa chahal, na wuhwar yini naarha chahal kəm. 17 A kyathlang nda wuhwarya də panəm, tərang ngganda wuhwar dəfəd dzaitun na a kaheerha, wumang ngganda kanda kahrha. Kun mbuwa Yahudaya, nuwun kəla dəfəd dzaitun yi kaheerha, kun ni wumang nanda tē kul di ya, ndəna Yahudaya, a fad ndan ni nun a wal parkaya Faara. 18 A tər dūn fad nun kaldūn fyinga wuhwar yini kyathlang nanda kanda də wa. A ənādun kee, a sənunsə, dānggun thlar də sə wa, amma thlar dāni dāngga kun sə. 19 Na ndaarha, “Ai kyathlang nda wuhwar də də tēna nda wumang nda kan.” 20 Nəghən kee, kyathlang nanda kanda də kəsər fər wanda kəkafek wa, amma kun ish dūn ngga hu fərəkafek. Nanən kee, ma tal dūn wa, amma tərmana Faara. 21 Kəsər a malangwa Faara ka wuhwar di wa, kun kəm mbə malang kun wa. 22 Tsaunən kee, kəla nana Faara tē hadang nda farha ni fa təkəm nəghən ngyangthlang. Nəghən ngyangthlang a fyinga mbuwa fərəkafek təghən, amma nən naarha tē hakkilo fa a kun a nadūn naarha a dərha mbeedə tē fərəkafek təghən. Amma a malang dūn fərəkafek təghən na nda kyathlang kun də ma kul di. 23 A dəwa nafiya Isəreela mbeedə tē yamid fərəkafek wa, na nda a wumang kanda, kəsər na Faara tē səsəmnda fa na a nggəghən wumang kanda. 24 Kun mbuwa Yahudaya nun kəla dəfəd dzaitun yi

kaheerha kyathlang nanda də, nggəra nda wumang kahrha kanda tē yi wure pa nanda. Əndi ənanda ya mbu hu əntin kahrha dəfya dzaitun wa. Nanən kee, na Yahuda yini kəla dəf dzaitun yi wure, nən kukwasang Faara fa nggəghən wumang wuhwar yini kyalthgha də hu kul dəf yi ndan sə. 25 Nanən kee shayina, a nzm dūn ndaarha nuwun tē thladwayirha fa wa, mbə miina sə a tsawun tē yamid sēda aten kəkafekkiddi na 6əbeə ya wa. Fyinga Isəreelaya na ten ndan kakrak, amma kəl a kyad nafiya 6a hangga mbuwa Yahudaya hu kutəryid Faara də. 26 Ahu kwamana kiya na Isəreelaya heu a wal hərəkrha. Kəla nanən chichireethlee hai, “Təhəkrha nən a kyarhəba a Sihiyona, nən a kyakhrang yamid takkwa Faara 6a na ahu Yakubu. 27 Dəfmiina ni tē əna ni tē kanda tē ndaarha niya chahang dimiyid ndan kanda də.” 28 Nafiya Isəreelaya hangga nanənya a tsaurha təsarya Laḅara na Mbənggən, tənən dāng kun sə. Amma kanda ni nggəmna Faara, parkayid chichi yindan. 29 Kəsər fərfa Faara tē aadghən mbə tam kyakhrang hai wa. 30 ‘Wanun tsaurha nafiya mbuwa manang Faara, amma nanənya hadang nda kun fa ka yamid fər mamnggit ndan. 31 Nanən kee, kanda kəm kar nda mii Faara fa na nda hadang Faara fa kəla hadang na Faara kun fa. 32 Kəsər kənanang Faara kowunni ka kar mii ndan fa tēna nda hadang Faara fa heu. (eleēsē g1653) 33 Ai kudimnda thladwayirha tē sēda Faara! Mbəm mbang kəkərang nda ngwa kumadghən wa, təkəm kwamənggən kal də sēda niifa mu. 34 Kəla ndaana deleewar Faara, “Wun ‘wagha sən hur Chinəm? Wun ‘wagha tsaurha pashid shawaradghən?” 35 “Ma ‘wana niifa fərang Faara tsauka tēta a tenggənən?” 36 Kəsər a fadghən ni 6a, tē ahurghən təkəm a ndəghən ni na əngya heu. Ngwa tsauka mamnggirha yighən ni pakwandə. Atsaukake. (aiōn g165)

12 Nanən kee, shayina, kəsər ka nanəm a hadang Faara fa, niya hwan kun, fərama fad nun sataka yi wal yibrha na chahal tē ən thlərha a Faara. Kwaman dāni ya nun a tərang shilee Faara in yi kəkafek. 2 A nggəm dūn fa dūn mbeedə tē əna ən kəshiddiya wa, amma malaman Faara kyakhrənggən hutən nun hai tsawun weerinda nafiya. Hu kiya ndən nun a sən ‘ya na mid Faara a fad nun, ndəna ‘ya na ngga, na lələgdə mbənanngga Faara. (aiōn

g165) 3 Kəsər ka nggayiddi fəree na Faara niya ndang nda kowunni ahur nun, a numadun tē alten nun kal yandā nən mu kamngga a non wa, amma kowunni numagha ngga, mēməl tē kəkərri fərkəkafek fərang na Faara kun. 4 Kēla nana mbəd njiya sē hangga ahu farha, kala mbəd njirha kəm mbə tar ndan heu tal wa. 5 Nəghən kee kəm, ko nanən nəghəm hangga, nəghəm tal hu Kərestī. Kala niifa kəmni ndan. 6 Nəghəm tē fərri Faara dādāmən aten nggayirha fərang nanda kowunni ahur nəm. Ana fərri nəm yi thlək 'yani ndana Faara na bəbee, tətani a ənaghən nəm tē fərkəkafekkiddi nanəm təghən ha. 7 Ana yi əna tar Faara ni, kəl a ənaghən nəm, ana tar tsaharha ni ha, kəl a tsəham ha ngga. 8 Ana fərri nun yi fərang kaali ni ndan ni, kəl a dēm mbeedə tē fər kaali. Ana yi fəra ni, kəl a fərem tē haara tsahai a kowunni. Ana yi mamnggirha ni, ənoghən tē thladwayirha. Ana yi hadang nda ndan ni fa, ənoghən tē wutsəfayirha. 9 Ngwa tsaukwa nggəm ndə nun yi kəkafek. Tsanama ən mbəfeerha, dama mbeedə tē əna 'ya na ngga. 10 Nggəməma ndan kēla nuwun a wan manggi, fəraman mamnggirha ndan ma yandī nun a ənang nda alten nun. 11 A tsauna səsahwa wa, a meyedghən ənang taara Chinəm tē hurwa heu. 12 Ənama wutsəfayirha hu shiteena, kərsaama hu səsarha, non naarha hwan Faara kətsar. 13 Ndəgha man 'ya hai nanun təghən ha tē nafiya Faara na chahal ana 'yasə na mindan. Nama a thlə rongya fa tē hura tal. 14 Fəraman parka nafiya na a kar kun fa, fəraman parka kanda a shiwang dūn kanda wa. 15 Ənama wutsəfayirha tē fīngya na a əna wutsəfayirha; naama a tərha tē fīngya na a tərha. 16 Tsawama dādēm tē ndan. A talđun kaan wa, amma fərama fannun wumteena nun tē pakhtadıya. A tərna fadwa na ndədəl wa. 17 A nggərang dūn ndan sē mbəfeerha tē mbəfeerha wa. Ənama 'ya kamngga a yid fiya. 18 Ənama 'ya nun mbang ənaarha, na a tsawun dādēm tē kowunni. 19 Shayina a nggərang dūn haara ndan sē wa, amma malaman səbrha hura Faara. Kəsər nəghən chichireethlee hai, “Nggərri haara mu yina ni, nggini a ənaghən,” Chinəm ndagha kee. 20 A meyedghən, “Ana təsar wa a miirha; fərang ənnarhami, a nadə a hushimnda fərang 'ya saagha. Ahu kiya na a wumang tsal waarha teena.” 21 A malang dūn mbəfeerha kal kun nən mu wa, amma kalama mbəfeerha mu tē əna nggayirha.

13 Kowunni tēta ni na a fərang mamnggirha nən mamngya, kəsər bəgha kutəryirha bə a haar Faara, mbədī na fīngya a əna mamnggirha sē Faara ndən dāfgha kanda sē. 2 Nanən kee, kala niifa na a əna kakyathlanga tē mamngya nəghən a əna kakyathlanga tē 'ya dāfna Faara hai, təkəm fīngya na a ənaarha kee na nda a kyang fandan hu ngwa kumarha hai. 3 Kəsər mamngya mba nda tərmanng nda fīngya na a əna 'ya mēməl wa, amma kəl fīngya na a əna aibe. Na midwa sē a tsawana kula tərəm kutərya wa? Əno 'ya na mēməl, kanda kəm na nda a manorha. 4 Kəsər mamngya fa tarya Faara ni ka a dangganda kun sē. Amma a nanna a əna aibe, kəkafek na a tsaurha tē hərəenga, kəsər mbə ka ni na manda kəs thlaukh kəlara ha wa. Mafaya Faara ni kanda, na nda tsətsəl fīngya səbangga hur Faara dē ənagha mbəfeerha. 5 Nanən kee tsaudə tēta a fərang mamnggirha nun mamngya, mbə ka tsətsəlla Faara wa, amma ka nagha ten nun tonsong. 6 Ndəghən dani nun naarha tii tsamnda, kəsər mamngya fa tarya Faara ni, na nda fər sayin ndan hu əna tar kutəryirha. 7 Teeman kumarha kowunni na a takkwa kun. Ana tsamnda alten nun ni teeman dē, ana tsamnda rəfyinun ni fəramadghən. Fərang mamnggirha niifa kamngga, təkəm tərman shilee niifa in kamngga. 8 Ma takkwa niifa kun kumarha wa, kəl kumad nggəm ndan kətsar, kala niifa nggəmngga kowunni ləđang dē 'ya ndana ngyakhrha. 9 Kəsər ndagha ngyakhrha, “A ənanna kulafayirha wa, a bəlna farha wa, a ngaarna wa, a sunanna 'ya wa,” tē fīngya ngyakhkya wum ngganda heu ahu ndaarha, “Nggəmu tuladwa kēla nggəmna altenwa.” 10 Nggəmnda mbə ənang 'ya tularha fa mbuwa ngga wa. Tsaunən kee, nggəmnda ləghəta 'yani ndaana ngyakhrha. 11 Ənama əndiya, kəsər səndun sayiddi nanəm sē nanənya. Bəd sayi bə na mekh nun sē a beena, kəsər sayiddi na nanda a hərghang kəm nduwus dāba ma sayiddi 'wa nəm fərkəkafek sē. 12 Tsə fədikrha inggun, takh mbərha a dathla hai. Taama malang nggəm əngya nəm ənaarha hu wula, kalang nggəm karid yandənəm yi kukwaryirha. 13 Tama tsawum nafiya kamngga na ahu kukwaryirha, mbə tē yakh kadā tək mbənda fa tē nggaala tē mbaala wa, mbə tē əna 'ya nggəmna hura tē kulafayirha wa, mbə tē yanda tē sərəkkrirha wa. 14 A meyedghən, tsawama kēla Chinəm

Yeeso Kərəsti. A nggəmdun fa numon aten ən mbəlfērha na mid thlu farha wa.

14 Thlama fīngya fa kədiina fərkəkafekkid ndan, təkəm a ngaal dūn tē kanda aten 'ya na nanda a numarha nəghən məməl nduwa mbə ngga wa. **2** Fərkəkafekkid niifa nggəməng dəfa a həb komani nən, amma niifa kədiina fərkəkafekkidghən kəl ən hudaarha nən ənarha mii. **3** Niifa na həb kala tur ənnaarhami a sarang də niifa də mbuwa həb kala tur ənnaarhami wa. Kəmda niifa kəl shii kyakhna nən həbrha a ngwang na kumarha niifa na a həb kala tur ənnaarhami wa, kəsər 'wad Faara teena thləda ndən fa. **4** Wunni sa na ngwang kumarha mafad niifa? Turi ndan ni ndəna kəlang nda tē ish nda nduwa fəl nda hai. Na nda a mbang isha, kəsər Chinəm ndəna mbang ishang kanda sə. **5** Nəghən kee kəm, na fīngya saghang paara fara sə kaldə fara səmən. Fīngya a numarha kəm kala paara fara nəghən tal. Kowunni ahu numad ndan na nda səndasə. **6** Kala niifa tərangga fara sə kaldə fīngya fara, ənənən kee a mananggən Chinəm. Fīngya na əna kala tur ənnaarhami, əna nanda kee ka a mananggən Chinəm, tsəunən na nda usa Faara kapa na nda həb ənnaarhami. Fīngya kəm na kar həb fīngya ənnaarhami kəm, nana mindansə a əna 'ya nda na mbənanng nda Chinəm kəsər na nda naarha usa Faara. **7** Kəsər mbəm a tsaurha ka alten nəm wa, təkəm mbəm a mərə ka alten nəm wa. **8** A tsau dəm, tsau kəm ka Chinəm, a mər dəm, mərghəm ka Chinəm. Nanən kee, ko tsau nəm tē yibrha fa, ko mər nəm, kəm yi Chinəm ni. **9** Kəsər kakee, ndən mərəna Kərəsti nggərgən thliirha sə tē yibrha ka tsauka Chinəm yi fa yibya tē mərəya kyab. **10** Kama nda na fərang aibe shadwa? Kama nda na sarang shadwa də? A sənəm sə kəm heu nəm a isha a mbed tsəngəm ngwa kumad Faara. **11** Nəghən chichireethlee hai tē ndaarha, “A tsau də niyi tē yibrha fa, ndagha Chinəm, kala wadeerha nən a bəra hai a mbed na, kala shenēurha kəm nən a pərgən tē miighən fal Faara nən.” **12** Nanən kee kowunni ahur nəm nən a pər əndi ənənən tē miighən a Faara. **13** Tsəunən kee, tama malang nggəm ngwang kumarha ndan sə. A meyedghən, numo tē ndaarha a dəf na fer kii saara nduwa 'yahu kwamana na a fəlanggən shadwa hai wa. **14** Səndisə tē ndaarha Chinəm Yeeso, mbə 'yasə mbuwa tē paarha fa wa. Amma ana niifa sə ndagha na 'yasə mbuwa chahal,

a fadghən ni ndən mbuwa nən chahal. **15** A billa shadwa kəsər ka ənnaarhami na həbrha, mbə tsawud nggəm ndan nana sə wa. A tsau ənnaarhami na həbrha səbanggən shadwa də mərəna Kərəsti kamanggən wa. **16** Tsəunən kee a malang na 'ya na a həbrha tsauka ən shilee a Kərəsti wa. **17** Kəsər kutəryid Faara mbə labar həbrha ni tē saarha wa, amma yi nggayirha ni, tē tsau dədəmnggirha tē wutsəfayirha hu Səsəna tē Pedənda. **18** A nanna a ənang taara Kərəsti kiya nən mbənanng Faara təkəm na fiya thləghən fa. **19** Nanən kee taama ndənggəm yid nəm əna 'ya nəm na bang tsawud dədəmnggirha bə tē fər kaali a ndan. **20** A weleng na tar Faara də ka ənnaarhami wa. Ənnaarhami heu na nda chahal, amma mbə ngga wa a tsau ənnaarhami na niifa həbrha kyang niifa hu kii saara hai wa. **21** A nggushi malangna kii thluwa nduwa sa aam inabi na nduwa əna 'yana pak na kyang shadwa hu kii saara hai. **22** Nanən kee kala fərkəkafekkid wa aten əngginiya kəsəwun ha pathlang wa tē Faara. Tə parka ni niifdi fərangwa aibe fadghən tē ndaarha nəghən ngga. **23** Amma a nanda tē ngaala aten 'ya na nda həbrha, na Faara a ngwang kumarha kanda sə a həb ndan, kəsər ənawa ndan hu fərkəkafek wa. Kala 'ya mbuwa hu fərkəkafek dimiyirha ni.

15 Kəm natə tē shembe fa hu fərkəkafek tama thlar fīngya nəm mbuwa tē shembe fa, a nggəm dəm alten nəm wa. **2** Kowunni ahur nəm əna əngya nən na a mbənanngən tuladghən, tənə nda wal kaali hu fərkəkafek. **3** Kəsər Kərəsti nggəm ngwa alten nggən wa, amma kəla nanən chichireethlee hai tē ndaarha, “Tur 'yarrə di əno nanda fa wuddə tenna bə.” **4** Kəsər kaar ənggini chireethleng nanda hai heu, ka a tsahang ngganda kəm ha ni, kəsər a tsawum tē shiteena hu kərəsta tē fər kaali fərang na Labar Faara kəm. **5** Faara na fər kərəsta tē kaali fərang tur hutən dā nən kun na a tsawun tē ndan kəla ənana Kərəsti Yeeso, **6** tənə numad nun tē urarha tal tənun tərang shilee Faara in na Chindi yi Chinəm Yeeso Kərəsti. **7** Thlama ndan fa, kəla yandi thləna Yeeso kun fa ka a manang ngganda thləm Faara. **8** Kəsər niya ndang kun tē ndaarha tsau Kərəsti mafarha yi Yahudaya a meyed kəkafekkid Faara, ka a ləghədgha dəfmi di fərang nən chichi yi nəm, **9** təkəm tənə fīngya ni mbuwa Yahudaya tərang shilee Faara in kəsər ka hadang nanda fa. Kəla nanən

chichireethlee hai tē ndarha, “Tsaunən kee, niya fal sa ahur fīngya mbuwa Yahudaya, niya aah amshe yi fal thlēm wa.” **10** Nggərgħən ndaarha, “Ənama wutsəfayirha kun mbuwa Yahudaya, tē nafiyyighən.” **11** Nggərgħən ndaarha, “Falama Chinəm, kun mbuwa Yahudaya heu, ngwa manangga fiya heu.” **12** Ndagha kəm, ndagha Ishaya, “Niifa ahu turya Djeeshi a thlidsə, na a ɓarha ɓa ɓagha əna kutəryirha a ten fīngya yini mbuwa Yahudaya, na shiiten ndan a naarha a tenggən.” **13** Ngwa tsauka Faara yi shiteena, ladənggən kun heu tē wutsəfayirha tē tsawud dədemnggīrha hu fərkəkafekkid nun təghən, tēna shiiten nun tsərha tē səsəmda Səsəna tē Pəfənda. **14** Shayina nggi tafadna səndi sə nanənya nuwun lələgda tē nggayirha təkəm sənda tē tsahang ndan ha. **15** Ko nanən chireethleng di kun də a pəpal kaan aten fīngya əngya ka a nggaryi dalang nggən kun in, kəsər ka nggayiddi fəre na Faara, **16** tsawee nən tē tar Kərəsti Yeeso a fīngya mbuwa Yahudaya. Fəree də tar firistayirha a pər laɓar Faara ni, tēna fīngya mbuwa Yahudaya tsaurha sataka ən thlərha a Faara, tsawang na Səsəna tē Pəfənda kanda chahal. **17** Tsaunən kee waldī ən taala hu Yeeso Kərəsti hu tardī niya ənang nda Faara. **18** Mbi əna yamid thləmaarha ndiyi aten 'ya pak wa kəl 'ya ənana Kərəsti a fadna hu kyadang kwamana fīngya mbuwa Yahudaya a fərkəkafek nda tē Faara hu laɓarna tē taara niya ənaarha, **19** tē səsəmda ən sakhkya tē ənwultengya, heu kəm tē səsəmda səsən Faara. Nanəm kee ka a Urshalima ɓa dəgha Ilirikum də, pər dī Laɓara na Mbənggən yi Kərəsti. **20** Kətsar nən naarha kukwase fa na a pər laɓar Faara ni a mbərha səngwa nanda Kərəsti sə, ama wani chik tənda a mbədi mbukh na niifa sahai. **21** A meyedghən kəla nanən chichireethlee hai, “Fīngya pərang ngwa nanda laɓargħən kanda tēna nda naghən, təkəm fīngya 'wa wa səkkən tēna nda sənang hai.” **22** Əndā kəseeğha hai ya səl wani kyanun də. **23** Amma nanənya ngwalang di tarna hu chehweeyini ya, tsaunən huraya hangga tər minna na a na kun ni. **24** Ngwadi fa a əne kee a sayiddi dənī Səpen də. Niyi a shiteena a na kun ni ana dī a mbəradə na a thlar nggi nun hu winna a mbəda də, a kwasamaddi tək ni mbənda tsaurha fa tē kun yi sayi ngguchit. **25** Nanənya, niyi hu kwaman dərha Urshalima də kəsər a dī thlar nafiya Faara na chahal a mbədi. **26** Kəsər kən hwan faarya

na a Makidoniya tē Akaya tər hur ndan a fərang ngganda fa yamiya na ahur nafiya Faara na chahal a Urshalima. **27** Na nda tē wutsəfayirha fa a ənaghən nda, tsawang də kanda fa kəla kumarha ni a fad ndan. Kəsər a tsaudə Fīngya mbuwa Yahudaya wal nda yi ndan səsən parka yi Yahudaya, fərang na Yahudaya kumarha kanda na a ndəgha nda tē kanda əngya yi parkaya. **28** Nanən kee, akwasamaddi ngwalang ni tardī ya səndisə kowunni waldə yighən, niya weng tala kun a nadi a mbəra Səpen də. **29** Səndisə a dədi thlamad nun də, niya ɓarha ɓa lələgda tē parkad Kərəsti fa. **30** Niya hwan kun, shayina, hu Chinəm Yeeso Kərəsti təkəm tē nggəmda fər na Səsəna, deemasə tē hwan Faara kaan kəsər a nggi. **31** Hwaneema Faara sə tənī wal hərəkrha a haar nafiya mbuwa takkwa Faara na chahal a Yahudiya, kəsər thlaara niya fəra tsauka ən thlərha ni a fad ndan. **32** Nanən kee, a nggəm Faara fa niya səla thləmad nun də tē wutsəfayirha fa, yiɓi a thləmad nun. **33** A tsauka dədemnggid Faara tē kun heu. Atsaukake.

16 Niya ndang nda kun kulo wan manəm Fibi ya ka nuneefa ni. Nəghən a əna taara hu kun hwan Faara na a Kangkiriya. **2** Thlamadghən fa hu thlēm Chinəm hu kwamana kamngga a thlə niifa nəm fa na chahal. Ana thlaara sə na midghən damansə, kəsər ndəghən tafadghən nən yakh dang nda fiya sə, təkəm heu tē nggi. **3** Ndaman 'ya Pərisila fa tē Akwila, pashiya tarna ni hu Kərəsti Yeeso, **4** heng nda yiɓəd ndan də kəsər ka nggi. Mbə nggini katenna na a usa kanda wa, amma heu tē fa takkwaya mbuwa Yahudaya. **5** Ndaman 'ya fatakkwaya fa na yakh wunda hai a wuri kya ndan. Ndaman 'ya pashid na fa Ipenetus, ndəghən ni 'wagha thlə Kərəsti a chehweed Asiya. **6** Ndaman 'ya Mairamu fa, ndəghən ishgha kaan hu ənang taara kun. **7** Ndaman 'ya Anduronikus tē Djuniya hurfid na tē Yahudarha muwang nanda kan kyab hu pərsəna. Sən fiya kanda kaan ahur fathləngya Yeeso, kanda 'wagha fərkəkafek a Kərəsti ma nggi. **8** Ndaman 'ya Amfiliyatus fa, pashid na hu Chinəm. **9** Ndaman 'ya Urbanus fa pashid tar nan hu Kərəsti təkəm ka pashid na Sitakis. **10** Ndaman 'ya Apeles fa, sənna fiya nggayidghən hu Kərəsti. Ndaman 'ya fa wuraya Aristobulus fa. **11** Ndaman 'ya wanmana fa kan ndan Yahudaya, Hiradiyon. Ndaman 'ya fa wuraya Narkisus fa na hu Chinəm. **12** Ndaman

'ya Tarafina fa tē Tirayifusa, Nishyini ya na nda a əna taara kaan hu Chinəm, tē Farsis, tahad nuneefa kəm ənagha taara kaan hu Chinəm. **13** Ndaman 'ya Rufus fa na wuwura hu Chinəm, tē man, tsauka iya kəm. **14** Ndaman 'ya Asinkiritus fa, tē Fileggon, tē Hermes, tē Paturobas, tē Hermas, tē fīngya shayinəm heu na a wumteena tē kanda. **15** Ndaman 'ya Filologgus fa, tē Djuliya, tē Niriyus, tē wanman na nuwun, tē Olīmfas, tē kəm fa fərəkəkafekkya heu na a wumteena tē kanda. **16** Ndaman 'ya ndan fa tē fəbrha yi na chahal. Fatakkwaya Kərəsti heu kanda a ndang 'ya kun fa. **17** Niya hwan kun shayina, kwarama tē nafiya na ɓarha ɓa tē tsakh teena hai ahur nun, na kyang kun hu kii saara hai, mbuwa məməl tē tsahaddi wal nun. Nama inggun ma kanda. **18** Kəsər tur nafini ya mba nda a ənang taara Chinəm Kərəsti wa, amma kəl 'ya na mid ndan kee. Na nda naarha huk fiya tē mii mbənda. **19** Kowunni səkdə laɓar fər mamnggid nun a Chinəm. Nanən kee niyi lələgdə tē wutsəfayirha kəsər ka kun. Amma na minnasə a tsawun tē ndəndəlyirha aten 'ya na ngga, a kyang dūn tennun hu tar mbəlfēerha hai wa. **20** Faara na tē tsawud dāfēmnggirha fa nən a ishang Sheetan hai a tsauka a kamu saryi nun. Ngwa tsauka nggayid Chinəm Yeeso tē kun ha. **21** Timoti pashid tarna, a ndang 'ya kun fa, Nda Lusiyus, tē Djasen, tē Sosifata hurfayina Yahudaya kəm a ndang 'ya kun fa. **22** Nggi, Tertiys, tē chirelthgha deleewar diya a ndang 'ya kun fa hu Chinəm. **23** Turina Nggayus nan wumnda hai a minda keeghən, a ndang 'ya kun fa. Irastus, tē kəs wudəbəl tala ha, tē wan manəm Kwartus kanda a ndang 'ya kun fa. **24** Ngwa tsauka dāfēmnggid Chinəm Yeeso Kərəsti tē kun ha heu. Atsaukake. **25** Nanənya mamnggirha yi Faara ni, ndəghən tsəkka na a fərang kaali nən kun hu fərəkəkafek, aten Laɓara na Mbənggən thlək ni aten Yeeso Kərəsti, tē kəm kyatta kəkafekkid əndi na ɓəbee ka kətəm. (aiōnios g166) **26** Amma nanənya pər ndan, kəla chirelth na annabiya sək fiya ndən heu, kəla ndana Faara yi pakwandə, təna fīngya mbuwa Yahudaya səkfən fərəkəkafek nda fərang mamnggirha nda. (aiōnios g166) **27** Ngwa tsauka fər mamnggirha yi Faara na tē thladwayirha fa pakwandə, hu Yeeso Kərəsti. Atsaukake. (aiōn g165)

1 Korontiyaya

1 Kyagha deleewar dāba ya ahar Mbulus aah na Faara ka a tsauka tēthlōnda Kārēsti Yeeso tēkēm wan manēm Kastanisū, **2** a fatakkwaya Faara na a Koronti, a kun aah na Faara a tsawun nafiyyighən na chahal hu Kārēsti Yeeso. Kēla ənənən a fiya heu ko a yanggini na a aah thlēm Chinām Yeeso Kārēsti, yindan Chinām tē yinēm. **3** Ngwa tsauka nggayirha tē tsawud dēdemnggirha yi Faara na Chindī tē Chinām Yeeso Kārēsti tē kun. **4** Kātsar ni naarha usa Faar ka kun, kēsər nggayidghən fərrəghən a kun, tsau nun nanənya yi Kārēsti Yeeso. **5** Kēsər ka nanun hu Kārēsti wal dūn əngya na nggəngga hangga, hu laḃara tē sēndə nun heu, **6** ndən kyadgha ndaarha 'ya pərang ni kun aten Kārēsti kəkafek ni. **7** Nanən kee kədeng nggun fərra səsəna nanun a kēla wutta Chinām Yeeso Kārēsti fa ḃa a kukwasang kun fa wa. **8** Nən a kəs kun ha ngga non kanglang kula ən 'yaara a fad nun ta fardā dē na Chinām Yeeso Kārēsti a wutta ḃa. **9** Faara ndən na a əna əndiya, kēsər nəghən tē kəkafek fa a əna əndā nən ndənən, kēmdā aah dē kun a mbən ndan nun fa tē Wanggən, Chinām Yeeso Kārēsti. **10** Hwanni kun, hu thlēm Chinām Yeeso Kārēsti, a tsawun dēdem tē ndan. Ana tsakhrha sē a pathlang nun wa. A meyedghən a nagha mii nun tal. Wuma ma teena ngga, nagha numad nun tal tē 'ya na mid nun ənaarha tal. **11** Kēsər fīngya nafiya ḃagha ḃa a wuri ki Kuluwi pərenda ndaarha a pəpal, shayina, nuwun a yanda tē ndan. **12** 'Ya niya ndaarha, fīngya a ndaarha, “Nggi yi Mbulus ni,” fīngya a ndaarha, “Nggi yi Apolos ni,” fīngya a ndaarha kēm, “Nggi yi Mbiturus ni,” nduwa, “Nggi yi Kārēsti ni.”” **13** Ndee tsakh Kārēsti hai wa? Mbulus ni tawang nanda dē ka kun wa? Nduwa ənangganda Mbaptisəma kun hu thlēm Mbulus wa? **14** Usadi Faara ənang ngwa ni mbaptisəma niifa tal ahur nun, kəl Kəribus tē Nggayus, **15** nanənya mbə niifa sē na ndaarha ənangganda mbaptisəma kanda hu thlēmna wa. **16** (Ha'i, ənangdi mbaptisəma nafiya wuri Istifanus ma, amma a mbə fīngya yini ya wa mbi sēnda tē ənangdi mbaptisəma niifa pak wa.) **17** Ai, thlən ngwa Kārēsti nggi ḃa ka ḃi əna mbaptisəma wa. Thlən nən nggi ḃa ka ḃi pər Laḃara na Mbənggən, mbə tē thladwayid sēnda niifa wa, ka tərēmnda nadē fiya tsē teena aten

səsəmnda mərri Kārēsti aten kadiirha. **18** Laḃar mərri Kārēsti aten kadiirha, laḃar nuryirha ni a fīngya na hu kwaman sahatta, amma kēm walgha hərəkrha sēndəmsə səsəmnda Faara ni. **19** Nəghən chichireethlee hai tē ndaarha “Niya tsawang thladwayid niifa na ndəndəl mere, tē kēmdā niya dēfang sēnda fīngya na tē sēnda fa kaan man patu dē.” **20** Ai nafini na ndəndəl? Ai famalēmngya ngyakhrha? Ai fīngya na a ndaarha sēnda 'ya? Kyad wa Faara ndaarha thladwayid kəshididiya nuryirha ni wa? (aiōn g165) **21** Nanən kee, ahu thladwayid Faara, ahu thladwayid kəshiirha sangwa ndan wa. Mbənang dē Faara ahu nuryid pər laḃardi ka a hərəhanggən fīngya fərgha kəkafek. **22** Yahudaya kanda a kadā ənsakhkya, Helenaya kēmdā kanda a kadā thladwayirha, **23** Kēm a pər laḃar Kārēsti mərgha aten kadiirha, mbənang ngwa Yahudaya wa, Helenaya a ndaarha kēmdā mbə ka 'ya ni wa. **24** Amma fīngya aah na Faara kanda hu hərəkrha ḃa, Yahudaya tē Helenaya kyab, Kārēsti ndəna səsəmnda Faara tēkēm thladwayid Faara. **25** Ahu 'ya nēm a kəlang nda tar nuryirha ni ənana Faara ya kaldē ndəndəlyid thladwayid niifa mu, mərri fad Faara hai kaldē kanglanggid niifa mu. **26** Shayina, dalama teena hai a sayiddi aah nanda kun. Mbuwun hangga na ndəndəl hu yid fiya hu kəshididiya, mbuwun hangga na mamngya wa, mbuwun hangga na wangya mamngya wa. **27** A meyedghən Faara nən wur əngya kəlang na kəshiirha ən nuryirha ni kəsər ka fərang shilee nən fīngya ndagha na nda ndəndəl, tēkēm nən wur əngya mbuwa tē səsəmnda fa ka fərang shilee nən fīngya ndagha na nda tē səsəmnda ha. **28** Faara wurdə əngya karna kəshiirha, tē əngya ndədfang ngwa kəshiirha, ka a kyadənggənən kəshiirha əndi kəlang nanda ka 'yani mbə 'yani a yidghən wa. **29** Nanən kee, mbə niifasə na taala a mbed Faara wa. **30** Wumang Faara kun tē Kārēsti Yeeso. Tsang Faara Kārēsti a tsauka thladwayid nēm, A fadghən ni na wal nēm nggayid Faara fa, tē tsaurha chahal tē wal pəla. **31** Nanən kee kēla ndana deleewar Faara, “Kala niifa na midghən taala tēta ni a talgha tē 'ya ənana Chinām.”

2 A sayiddi ḃani thlēmān nun ḃa shayina, pəranggi laḃar Faara kun na ḃəḃee tē mbang mee tē thladwayirha wa. **2** A sayiddi tsauni tē kun, mbə 'ya sē na minna wa, kəl laḃar Yeeso Kārēsti tē mərreghən aten kadiirha. **3**

Bani thlɛmad nun ɔa, mɛr fadna hai, fadna a rɛprha fa kaan tɛ tɛrɛmnda, 4 tsahad na ha tɛ pɛr labar Faara anani nɛghɛn a pɛpal. Mbɛ tɛ thladwayid thlufarha tɛ mbang nda mee wa, mbɛrsayi tɛ sɛsɛmnda Sɛsɛna tɛ Pɛɔɔnda. 5 Tsaha ni ha tɛ pɛr Labar Faara kee kɛsɛr amana fɛrkɛkafekkid nun naarha aten thladwayid niifa amma hu sɛsɛmnda Faara. 6 A nadi ahur nafiya shingga hu fɛrkɛkafek, ni tsɛ labara tɛ thladwayirha, amma mbɛ tur thladwayid kɛshiirha wa, nduwa a kutɛrya yi kɛshiirha mbuwa kwas mbɛtta wa. (aiɔn g165) 7 Amma thladwayid di ni a thlɛkrha ya thladwayid Faara ni na ɔɔɛɛ. Thladwayidghɛn yi wulteen na ni na ɔɔɛɛ. ɔnagha Faara ndɛn kapa na nda ɔna kɛshiirha ka mamnggid nɛm. (aiɔn g165) 8 Amma kutɛrya kɛshiid weeriya kukwalang ngwa nda hai wa; andam kukwalang nda hai kam tawang ngwanda Chinɛm dɛ tɛ mamnggid wa. (aiɔn g165) 9 Kɛla nanɛn chichireethlee hai, “Mbɛ yirha sɛ nagha ndɛn wa, mbɛ thlɛmarha sɛ sɛkka ndɛn wa, tɛkɛm mbɛ huteena sɛ numagha ndɛn wa, ɛngginiya ndɛn ɔnana Faara a finginga nggɛmngga ndɛn.” 10 Amma a kɛmni pɛr na Faara ɛnggini 'yahu Sɛsɛnggɛn. Kɛsɛr Sɛsɛnggɛn ndɛn kadagha ɛngya heu na ɔɔɛɛ kudimnggɛn yi Faara. 11 Mbɛ niifa sɛ na sɛn numad niifa wa, kɛl sɛsɛn niifdi tafadghɛn, nɛghɛn kee kɛm mbɛ niifa sɛ na sɛn numad Faara wa kɛl Sɛsɛn Faara. 12 Thlɛdɛm Sɛsɛn Faara, mbɛ sɛsɛn kɛshiirha wa, tɛnɛm sɛn ɛngya fɛrangna Faara kɛm. 13 Nanɛn a pɛrang ɛnggini kun ya, mbɛm a ndikrha tɛ thladwayid thlu farha wa. A meyedghɛn, nan a ndikrha tɛ labara fɛrang na Sɛsɛna kan, nan a ɔna taara tɛ labar Sɛsɛna ndɛn nan a pɛr kɛkafekkid Sɛsɛna. 14 Niifa mbuwana sɛsɛndi tɛghɛn fa, mbɛ thlɛ ɛngya yi Sɛsɛn Faara wa. Kɛsɛr ɛn nuryirha ni a fadghɛn tɛkɛm mbɛ sɛnang kanda hai wa, kɛsɛr tɛ Sɛsɛna ni nɛm sɛnggɛn. 15 Niifa na tɛ sɛsɛn di nɛn mbang kɛkɛrang ɛngya heu, amma niifa mbuwa tɛ sɛsɛn di mbɛ niifa sɛ na mbang kɛkɛrang wa. 16 Kɛsɛr, “Wunni sɛn numad Chinɛm? Wun sangga 'ya ngga na mbang tsahang ha?” Amma kɛm numad nɛm yi Kɛrɛsti ni.

3 Shayina, a sayiddi nani tɛ kun mbiyi a kalang kunsɛ kɛla nafiya na tɛ sɛsɛna wa. Niyi a kalang kunsɛ kɛla nafiya na yi kɛshiddiya nduwa nuwun kɛla wufar waya hu Kɛrɛsti. 2 Kɛrdi kun tɛ mbee, mbɛ tɛ jaarha wa, kɛsɛr

ngwa wun fa tɛ 'ya na kakrak wa. Pa nanɛnya ɔal wun kula ngwarha fa. 3 Balwun tɛ tar thlu farha ha. A nadun a sɛrɛkrha, kun a yanda tɛ ndan, ndɛn kyadgha ndaarha mbun tɛ sɛsɛn di wa, nuwun kɛla nafiya kɛshiddiya. 4 A nda niifa ahur nun “Nggi niyi takkwa Mbulus,” yandi kɛm a ndaarha, “Nggi niyi takkwa Apolos,” mbɛ nuwun a ɔnaarha kɛla nafiya kɛshiddiya wa? 5 Akwasamadghɛn, wunni Apolos? Wunni Mbulus? Kɛm mafaya Faara ni kee ahurghɛn ni thlɛ nun Labara na Mbɛnggɛn. Kowunni ahur nɛm ɛnadɛ tardɛ fɛrang na Chinɛm kɛm. 6 Nggi ndɛn hɛfangga wiidda hai. Apolos ndɛn irangga aama mu. Amma Faara ndɛn na tsang sɛ. 7 Nanɛn kee, mbɛ niifdi hɛfgha ndɛn tɛ yandi irangga aama ndɛn ɛnagha 'ya wa, amma Faara na a tsang ɛngya sɛ heu. 8 Nda tɛ hɛfrha, tɛ yandi irgha aama mu na numad ndan tal, nanda a wal kɛna tar ndan mɛmɛl hu tar ndan. 9 Kɛsɛr kan kyab fa tarya Faara ni, kun ndɛna hed Faara, tɛnda Faara. 10 Kɛsɛr ka nggayid Faara na a tenna, nggini mbuhangga tɛndɛda hai kɛla tɛ mbang tɛnda. Nanɛnya finginga ni a njirha sɛ. Amma kala niifa na a njirha sɛ tɛta ni a kwargha. 11 Mbɛ niifasɛ pak na nggɛr mbukh tɛndɛda hai ma yandi 'wa nanda mbuhwang hai wa, ndɛna Yeeso Kɛrɛsti. 12 Kala niifa njigha aten mbukh tɛndɛdiya tɛ tɛfasa, nduwa tɛ wurirha, nduwa tɛ ferya na nggɛngga, nduwa tɛ dɛfrha nduwa tɛ hwaliirha nduwa tɛ kofa, 13 amma a far ngwa kumarha, na nda kuchiɔang kala tur taara ɔnana tɛtɛndɛdi pɛpal sɛ. Tɛ waarha na nda kɛkɛrang tur nggayid tar niifa. 14 A ɔal tɛndɛdi sɛ, na tɛtɛndɛdi a wal kɛnaghɛn. 15 A i tardadɛ, mbɛ 'yasɛ na tɛtɛndɛdi a waala wa. Amma na tɛ tɛtɛndɛdi a wal hɛrɛkrha, amma kɛla niifa hɛrɛkka tɛ hur sheneu waarha. 16 Sɛnggunsɛ kun tafad nun wuri Faarani, tɛkɛm Sɛsɛn Faara nɛghɛn ahur nun wa? 17 A sɛɔang niifa Kɛn Faara dɛ, na Faara a ɔɛlang nda niifdi. Kɛsɛr Kɛn Faara nɛghɛn chahal, kun tafad nun Kɛn Faara ni. 18 A nggaɔa niifa fadghɛn hai wa. A nanna a numad ndaarha na ndɛndɛl kɛla nana kɛshiirha, tsang fadwa nurgghɛn tɛna ɔa tsaurha ndɛndɛl, (aiɔn g165) 19 Kɛsɛr thladwayid kɛshiddiya nuryirha ni hu yid Faara. Kɛla nanɛn chichireethlee hai, “Nɛn kɛsang thladwayid niifa hu ndɛndɛlyid ndan.” 20 Tɛ kɛm, “Chinɛm sɛndasɛ numad nafiya na ndɛndɛl ka ni kee.” 21 Nanɛn kee a taldun aten niifa wa. Kɛsɛr ɛngya heu yinun ni,

22 ko Mbulus, nduwa Apolos, nduwa Mbiturus, nduwa kashiiirha, nduwa yibrha, nduwa mærra, nduwa ængya nananya, nduwa ængya na bayi. ænggini heu ya yinun ni, 23 kun yi Kæræsti ni, Kæræsti kæm yi Faara ni.

4 Numama aten nan tæ ndaarha fatarya Kæræsti ni kan, dæfang nanda kan aten kækafekkid Faara na bæbee. 2 Niifa dæfang nanda aten 'ya kamdæ a tsauka tæ kækafek fa. 3 'Yani ngguchit a fanna a ngwe dūn kumarha sæ nduwa ngwa kumad niifa. Nggi ma ngwang nggi kumarha altenna wa. 4 Ndawi ko ænadi 'ya mbuwa ngga wa, mbi ndaarha kæm ænadi 'ya na ngga wa. Chinæm ndæn na a ngwe kumarha sæ. 5 Nanæn kee a 'wadun teena ngwang kumarha nun niifa farghæn kula barhaaba wa, kælama wutta Chinæm fa 6a. Ndæghæn ni na a kyang ængya kæshaaaba na bæbee hu wula, chalæm numad kowunni næn. A mbædaniya na kowunni a wal faala kamngga a har Faara. 6 Shayina, Kæsær ka kun ni ænani taara tæ Apolos tæ nggi a tsauka ænsakhrha, ka tsahanggæn kun ha tæma na labardi na chichireethlee hai a ndaarha, "A mbærang dūn ænda hai chireethleng nanda hai wa." Na minnasæ a malanggun ndaarha tal ahur nan kaldæ shadghæn mu. 7 Wunni ndowa kalna fingya? Mbæ Faara ni furowa ængya nana tæghæn ha wa? Anadæ kee kama na a taala aten ængya nana tæghæn ha kæla mbæ Faara færowa ndæn wa? 8 Nuwun a numad ndaarha 'wadun teena wal dūn ængya na mid nun. Nuwun a numad ndaarha nananya 'wadun teena tsaudun fakænaya. Katærang dūn tsau kutæryirha hai hu kutæryid Faara kula kan. A ndam kwang katærang dūn tsau kutæryirha hai, kæl tsau kutæryirha næm heu tæ kun. 9 Niyi a numarha naghæn kæla kyad na Faara ndæn a pæpal tæ ndaarha kan fathlængya Yeeso dænggæl mee ni ahu ængya heu, kæla porsænaya kæsang nanda kanda hu yanda dæna nda bælang kanda, tsau dæn kæshiiirha heu njang nda yirha kan fa, fathlængya Faara tæ fiya. 10 Nurya ni kæm ka nanæn hu Kæræsti, amma kun nuwun ndændæl tæ Kæræsti. Mbæ kanglanggirha sæ a fad nan wa, amma kun nuwun tæ kanglanggirha fa. Sarang nda kan dæ, amma kun manang nda kun. 11 Nanænaya ma miirha a kæs kan tæ hushimnda, kukwasharya ni a fad nan, kanda a dæk kan tækæm mbæ wuri nan sæ wa. 12 Kan a æna taara ngga tæ har nan. A shiwang nda kan nan

dæfang parka kanda teena, a sæsang nda kan nan Kæræsta. 13 A thlæk nafiya 'ya mbuwa ngga aten nan, kan nan thlæk 'ya na ngga aten ndan, nan kæla ten kiræfrha hu yid kæshiiirha tæ kæm nan kæla dæng ngwa mbærha hu yid fiya heu pa weeri dæba ya. 14 Mbæ ka a færang shilee ni kun chireethleng ni kun dæ wa, amma a kæs thlæmad nun ni kun kæla wanggina nggæmni. 15 Ko nuwun narha tæ fatsahaya ha kumnggit kum hu Kæræsti amma mbuwun tæ chingya hangga wa, kæsær nggini chinun hu Kæræsti Yeeso pær ni Labaara na Mbænggæn a kun. 16 Kæsær kee, niya hwan kun, tsahama tæ nggi. 17 Kæsær ndæghæn dani, thlænang ni Timoti kun dæ waana na tæ kækafek fa nggæmni hu Kæræsti, næn a dælang kwaman takkwa Kæræsti kun teena, kæla tsaha ni ha hu kæn hwan Faara ko a yanggi ni. 18 Fingya ahur nun kanda a taala, kæla mbiya nggær wutta thlæmad nun dæ wa. 19 Amma tsæbaku a nggæm Faara fa niya nggær wutta thlæmad nun dæ, di na nafini na a tærang tendan sæ, tæ sæsæmnda mani sæ a fad ndan. 20 Kæsær kutæryid Faara mbæ labæara ahu mee kee wa, amma yi sæsæmnda ni. 21 Yanggi na minnun? A bæe bæ tæ wutæteerha ka a tsætsæl kun ni wa, nduwa bæe bæ tæ hur nggæmnda tæ sæsæn sammayirha wa?

5 Pærendan næghæn kee tæ ndaarha ahur nun na fingya sæ na a æna kulafayirha, kamngwa a nagha sæ ko ahur nafiya sængwa Faara wa. Nagha niifa a hunaarha hai tæ nu chin. 2 Non a taala tæghæn, amma kamdæ nagha æn sæbrha hura ni tæ æn shilee, Ræghaman niifda dæ ya ma hur nun. 3 Ko nanæn mbi a thlæmad nun nanænaya wa, niyi a thlæmad nun hu sæsæna. Ahu thlæm Chinæm Yeeso 'wadi teena ngwang di kumarha niifdi ænagha ændiya, kæla niyi a thlæmad nun. 4 Sayiddi wum nun hai hu thlæm Chinæm Yeeso, niyi a thlæmad nun hu sæsæna tæ sæsæmnda yi Chinæm Yeeso, 5 Færama niifdiya a Sheetan tæna faddi keeghæn na dimi mæra na a walgha yi bædghæn hærækrha a fara na Chinæm a wutta bæ. 6 Mbæ tallæ nun ngga wa. Ashe, sænggun sæ mekhna ngguchit a kurdang dæm tæ humbarha næn safang heu wa? 7 Iraman hur mehen dimiyid dædæ, tænun tsaurha chahal. Tærga nun a tsaurha kæla weerinda mburodi ænana nda kula mekhna, kæla sænni nuwun kee. Kæsær Kæræsti tsauka wan kamnda Wutsæfayid Tædaarha, ænanda sataka sæ. 8 Tsænæn kee, tama æna wutsæfayidda næm mbæ tæ mburodi yi hura

mekhna yi kar ndan fa tē mbōfeerha wa, amma tē weerinda mburodi na kula mekhna na ngga yi kōkafek, 9 'wa ni chireethleng kun dā kaar yi, ndanggi kun a wum dūn teena tē nafiya na a ʾəna kulafayirha wa. 10 Mbiyi a ndaarha fīngya fērwa kōkafek na a ʾəna dimiyid kulafayirha, tē suna, tē ngaara, tē takkwa dāharha wa. Anadā kee kēl tētani a mal kēshidda nun ya. 11 Amma nanənya niya chireethleng kun dā tē ndaarha a tam dūn wum teena tē niifa ndagha kērəsta ni mbē naghā ʾəna kulafayirha, tē suna, tē takkwa dāharha, tē 'yar farha, tē tēnggal mbaala, tē ngaara, a kyadūn hēb ʾənnarhami tē tur nafini ya wa. 12 Ma djidegha tē ngwang kumarha fīngya mbuwa yinəm? Mbē fīngya na ahur nēm ndē nun ngwang kumarha kanda sē wa? 13 Faara ndən na ngwang kumarha fīngya mbuwa yinəm. Ndagha Deleewar Faara, rəghama tēmbəlfeddi ya ahur nun.

6 Ana 'yasə a pathlang nun tē shadwa kērəsta, kama nun dərha thləmad fa yamid kōkafekkya dē ngwang kumarha nda kun sē? A meyedghən mani mbuwa nun dərha mbed nafiya Faara dē na chahal? 2 Nduwa sēnggun sē na nafiya Faara na chahal ni a ngwang kumarha kēshirha wa? Ana kunni a ngwang kumarha kēshirha, tsək kun na a ngwa kumarha nun aten 'ya ngguchit wa? 3 Sēnggun sē tē ndaarha nēm ngwang kumarha fathlāngya Faara sē wa? Sakwata əngya tsauka yi tsawud kēshiddi ya wal 4 Ana ən huhwarha sē, kama nun dərha tēghən mbed fangwa kumaya dē mbuwa nafiya Faara? 5 Pər ni ndən kee ka a kyon hu shilee hai. Mbē niif nun narha sē na tē thladwayirha ahur nun na mbang ngwang kumarha kun sē a pathlang nun tē ndan Kērəstaya wa? 6 Amma a meyedghən na niifa huhwa shadghən a mbed nafiya fērwa kōkafek! 7 A huhwa dūn ndan a mbēdiya kyaddā ndaarha 'wadūn teena fēldūn hai kaan. Mbē nggushi nggēmang na ʾəndi huhwa nanda sa atēnggən wa? Mbē nggushi kērəs na huk sa nda wa? 8 A meyedghən kun tafad nun ni na a ʾəna 'ya mbuwa ngga tē kēm non a huk shayi nun fa fēr kōkafekkya! 9 Sēnggunsē tē ndaarha nafiya fa mbōfeeya mba nda wal kutəryid talara wa? A huk dūn alten nun wa. Fīngya na a ʾəna dimiyid kulafayirha, nduwa fīngya na a takkwa dāharha, nduwa susuwaya, nduwa hēshya na a hunarha hai tē ndan hēshya, 10 nduwa ngaarya, nduwa nafiya na tē suna, nduwa fa sa mbalya, nduwa

nafiya na 'yar farha, nduwa fa fasa farha, ko tətāl ahur ndan mbusə na kyarha hu kutəryid Faara dē wa. 11 Fīngya ahur nun 'wanda ʾənaarha kee. Amma nanənya tsabang nda kun dē, nuwun chahal, tsaudun māməl a mbed Faara ahu thləm Chinəm Yeeso Kērəsti təkēm Səsən Faar nēm. 12 Fīngya ahur nun ndagha nda, “Waldi kwamana na a ʾəna əngya ni heu”, amma mbē əngya heu na ngga a fadwa wa. Ko nanən kēm, “Waldi kwaman ʾəna əngya ni heu”, mbi tam tsaurha mafad komani wa. 13 Nduwun, “Ənagha anda ʾənnarhami ka hura, hura kēm ka ʾənnarhami na Faara a bəlang kanda kyab.” Əna wanda farha ka kulafayirha wa, amma a Chinəm, Chinəm kēm ka farha. 14 Na faara a thleng kēm sē hu mərə tē səsəmdəghən, kēla thleng nən Chinəm sē hu mərə. 15 Sēnggunsē fannun mbəd njiya Kērəsti ni wa? Kəkən na niifa tərang mbəd njiya Kērəsti tsawanggən mbəd njiya susuwarha? Mbē tam ʾənaarha hai wa. 16 Sēnggunsē wa, kala niifa wumangga fadghən tē susuwarha, tsau nda farha tal wa? Kəsər chireethleng nda hai, “Kanda kyab tsau nda farha tal.” 17 Amma kala niifa wumngga teena tē Chinəm, tsau nda tətāl hu səsəna. 18 Malaman kulafayirha, kala fīngya dimiyirha na fiya a ʾənaarha tsuwar wa fad ndan fa wa. Amma fīngya na a ʾəna dimiyid kulafayirha, ənang nanda dimiyirha fandan fa. 19 Sēnggunsē fad nun kən Səsəna tē Pedənda ni na ahur nun fərang na Faara kun wa? Mbē yi altēnnun ni kun wa, amma a Faara, 20 tiigha kaan aten nun. Tsaunən kee mana man thləm Faara tē pofad nun.

7 Nanənya aten billad nun chireethlee nun 6a. Nəghən ngga a tsuwar niifa nuneefa fa wa. 2 Amma kəsər amana niifa kyarha hu kəkərə kulafayirha hai, kala hēshneefa tsauka tē nukkun, tē kēm kala nuneefa tsauka tē chimadghən. 3 Chimarha lədānggən yighən 'ya kamngga yi kakhra a nukkun, nudi kēm waikee a chimadghən. 4 Kəsər mbē nudi naarha tē səsəmda fadghən wa, kēl chimadghən, nəghən kee kēm chimadghən mbē naarha tē səsəmda fadghən wa kēl nukkun. 5 A 'yadang dūn fannun ndan wa. Ənamadghən tē nggəmda hur nun fa dēgha hu sayi dē ngguchit, tənun kəsang altēnnun ngga hu hwan Faara. Akwasamadghən a nggər wun parha hai kəsər amawana Sheetan huk kun ka yamid kērəssē nun. 6 Pərang ni ənggini kun 'yahu shawara, mbē ngyahang ni

kun sahai wa. 7 Andam na fiya heu kēla nggi hu Chinām. A naa tē altenwa a sayiddi aah na kwan. Amma kowunni ahur nun tē yighān fēra Chinām sa 6a, nanānya mafad Kērēsti ni sa. fērang na Faara, niifa tal tē tur yandi fēra ha 23 Hiigha nda kun 6a pēdagħan, nanān kee a ya, tahadghān kēm tē tur yandi fēra ha taarha. tsauduṇ mafaya fiya wa. 24 Shayina, koma nana 8 Aten fīngya 6algha kula kakhrha tē fīngya niifasē a tsauka tē Faara kēla nanān a sayiddi mērna chimayi ndan, niya ndang nda kanda aah nān ndān 6a. 25 Nanānya aten tsakh miiwa a nggushi tsau nanda kula kakhrha kēla nani. aten wutaraya 6algha kula kakhrha. Mbē 'yasē 9 Amma a mba nda a mbang kēs alten ndan pāree na Chinām a thlēghang nggi kanda wa. wa, kamdē a kahaa nda amawa nanda kyarha Amma Chinām ka hadang ni fa fēree dē sēnda hu susuwayirha hai. 10 Nafiya kakhka niya na fiya fērkākafek tēghān, ndān niya thlēworha ndang nda kanda mbē labār altēna wa amma ya. 26 Kēsər ka sēsaarha nasē a weeriya, niyi a yi Chinām, ma ndēk nuneefa hai tē chimadghān numarha a nggushi tsauna niifa kēla nanān. 27 wa. 11 Amma a ndēkdā hai tēghān, kēl tēta Ana kakhrha sē a atenwa, a ndēk dūn hai wa, A tsauka kee kula kakhrha, nduwa nggērgħa nda mbē kakhrha sē atenwa wa, a kadanna kakhrha tangsang mii ndan tē chimadghān. Chimarha wa. 28 Amma a kakh na ānawa dīmiyirha wa, kēm a tamdē kal nukkun hai wa. 12 A fīngya ko wutararha ni kakhka ānawa dīmiyirha wa. niya ndang nda kanda, mbē Chinām ndagħa kee Amma fīngya kakhka na a kyarha hu billarha wa, ana yandi sē na tē nukkun fērwa wa kākafek hai hu tsawud ndan, nana minnasē a hērgħang tē Chinām a nggēmđā fa a tsauka tēghān, a nggi kun hu billad diya. 29 'Ya niya thlēkrha tē Chinām a nggēmđā fa a tsauka tēghān, a tamdē kalghān hai wa. 13 Nuneefa kēm natē shayina, takhka bēngya ngguchit. Nanānya ta mbeedē fīngya kakhka na nda a tsaurha kēla mbeedē fīngya kakhka na nda a tsaurha kēla 14 Chimarha fērwa kākafek tē Chinām nān a 'wa wanda kakhrha wa; 30 fīngya na a tērha na nda tsaurha kēla mba a tērha wa, fīngya narha chahal kēsər ka nudī keegħān, nuneefa natē wutsāfayirha fa na nda a tsaurha kēla mba kēm fērwa kākafek tē Chinām nān a narha nda tē wutsāfayirha fa wa, fīngya hiigha āngya chahal a fad chimadghān. A mbē kewa mbē na nda a tsaurha kēla mbē 'yasē a har ndan wanggiwa narha chahal wa, amma nanānya tsau na a kēsa nda ha wa; 31 fīngya na mindan ān nda chahal. 15 Amma ana mid chimaddi nduwa kēshiirha, 6a nanda naarha kēla mbē 'yasē na nudī fērwa wa kākafek tē Chinām na midghān a kēsa nda ha wa. Kēsər kēshiddiya kēla sēn sē ndēkrha hai tē ndan, malaman kanda ndēgha nām ndān nān a ngwalārha. 32 Na minnasē nda hai. Tsaunān chimarha nduwa nuneefa na nduwun hai tē billarha. Niifa mbuwa tē kakhrha kērēsta mbē tēta ni a tsawa nda wa, kēsər aana nān billarha kee tē āngya na mid Chinām, Faara kēm a tsawun dēdēm. 16 Sa nuneefa kēkēn tēkēm kēkēn nēn ānaarha na a tēkka Chinām sēnnasē na mbang hērgħang chimadwa wa? Sa mbēnda fa. 33 Amma niifa natē kakhrha nān chimarha kēkēn sēnnasē na mbang hērgħang billarha tē ān kēshiirha, kēsər midghānsē na a nda nuwa wa? 17 Kowunni ahur nun dēgha tēkka nukkun mbēndafa, 34 tsakh hutenggēn mbeedē tē tsaurha a mbēdi dēfona Chinām hai sēri. Nunefa mbuwa tē kakhrha, nduwa sahai, tē kēm tsawana kēla kyana Faara 'wa aah wutararha nān billarha tē tar Chinām, kēsər na sa 6a. Əndā pērang ni kēn hwan Faarya heu. midghānsē nagħa chahal hu farha tē sēsēnggēn. Amma nuneefa natē kakhrha nān billarha tē ān 18 Na niifasē 'wagħa teena thlee dē muwa a kēshiirha, kēsər nān āna 'ya na a mbēnanggēn sayiddi aah na ndan wa? A nggērdē tsaurha chimadghān. 35 Thlēk ni ndān kee ka a danggēn kula thlee muwa wa. Na niifasē thleewa muwa kun sē, mbē a ndelth kunni wa, amma ka a sayiddi aah na ndan wa? A thlee dē muwa 6al nagħa tsawud nun mēmēl kula tsakh huteena wa. 19 Mbē 'yani thlee muwa wa, yamid thlee hai hu ānang taara Chinām. 36 Ana niifa sē muwa kēm mbē 'yani wa. Takkwa 'ya ndana kadagħa wee nuwun ka kakhrha, nagħa ānang Faara ndān kamngga. 20 Kowunni ahur nun 'ya wutaraddā fa mbuwa ngga har mbērgħa tsauka kēla nanān a sayiddi aah na Faara kun. sayid kahadghān dē, a 6algha midghān sē a 21 Mafarha ni sa a sayiddi aah na nda sa wa? kahānggēn, nān mbang kahang nda, mbē 'yasē A billad na wa. A nanna mbang wal kwaman dīmi a hurghān wa. 37 Amma ana niifasē kēm altenwa, kadū. 22 Ana mafarha ni sa a sayiddi ishgha hu numadghān ngyahang ngwanda sahai aah na Chinām sa 6a, walna alten wa nanānya

wa, nən mbang kəsang nda altenggən, mbə kakhra wa, ənədə ngga. **38** Nanən kee niifa kahangga kyamadghən ənədə 'ya na ngga, yandi kəm kahang ngwa wa ndən na məməl kaan. **39** A ɓal chimad nuneefa hai tsaudə nukkun. A mər chimadghən nən kal farha hai kakh niifa nən tərna midghən, amma a nggəmdə Chinəm. **40** Amma hu numad na nən narha tə wutsəfayirha a tsaudə kəla nanən, hu numad kəm niyi tə Səsən Faara fa.

8 Nanənya aten ənnarhami pang nanda dāharha. Səndəmsə “Kəm heu nəghəm tə huteena fa.” Amma huteena nən ɓang taala ɓa, nggəmda nən ɓang taksaarha ɓa. **2** A tər niifa fadghən səndə 'ya, ɓalghən kula sən 'yasə kamngga a sənggənən. **3** Amma kala niifa nggəmnngga Faara, sən Faara ndən. **4** Aten həb ənnarhami pang nanda dāharha, səndəm sə hu kəshiddiya dāharha mbə a mii 'ya wa, tə kəm mbə Faara sə pak wa, amma kəl tətəl kee. **5** Kəsər ko nanən na fyinga sə na nda aarha faarya a talara tə hweede, kəla nanən na faarya sə hangga tə chinəm kəm hangga, **6** amma a fad nəm Faara tətali ni, ndəghənni na Chindi ənagha əngya heu, ahurghən ni nanəm sə. Kəmda Chinəm tətəl ni kee, ndəna Yeeso Kərəsti, ahurghən ni əna nanda əngya heu, ahurghən ni kəm nanəm sə. **7** Amma mbə kala niifa na tə sənda əndiya wa. Fyinga səsəngga hai tə tar dāharha a həb nda ənnarhami na nda numad ndaarha ənnarhami ni pang nanda dāharha. Tsauna numad ndan mbə kudimnggən wa, na nda a naghən tsənda paarha fa həb nanda ənnaddami, a mbədiya na fad ndan mərə hai. **8** Ənnarhami mbə dāng kəm tsau thləmad Faara də wa. A həb wum ndən wa mbə 'yasə nəm kədeng wa, A həb dəm ndən mbə 'yasə nən chighang kəm wa. **9** Amma kwarama nadə tsawud alten di kyanun ya kyathlang fyinga hai mbuwa tə shembe tsawun ən kii saara a kanda. **10** Kəsər anad niifa sa, sa səngga 'ya a həb ənnarhami pang nanda dāharha, mbənən wal kaali a kədi hutenggən həb ənnarhami kəm Pang nanda dāharha wa? **11** Nanən kee kəsər ka sənduwa shadwa mbuwa tə shembe a mərə, kyana Kərəsti mərə ka ndəghən. **12** Ahu ənang dimiyirha shad nun fa kiya, ndə nun ənang dimiyirha Kərəsti fa kəsər ənang dūn wundərha hutenggən fa kədiigha. **13** Tsau nən kee, ana 'ya niya həbrha a kyang shadna hu dimiyirha

hai, mbi tam nggər kii thluwa wa, ka amawa ni kyang shadna hu dimiyirha hai. (aiŋ g165)

9 Mbiyi tsahai wa? Mbə təthlənda Yeeso ni nggi wa? Nawī Yeeso na Chinəm wa? Mbə kəsər ka tarna ni tsaunun yi Chinəm wa? **2** A mbə təthlənda Yeeso ni nggi a fyinga wa, təthlənda Yeeso ni nggi a kun. Kəsər kun ndən tsauka shedawa a tenna tə ndaarha nggi təthlənda Chinəm ni. **3** Ənda ni nggərang fyinga sə ya a tsahenda mee aten mamnggit na. **4** Kamngwa na a wal ənnarhami nan tə saarha a harnun wa? **5** Kamngwa na a wen hai tə nishyi nan kərəsta kakh nan, kəla fyinga fathləngya Yeeso, tə wanmangya Chinəm tə Mbiturus ənaarha wa? **6** Nduwa nggi tə Mbarnaɓa ni kee na əna taara həbənggan fad nan wa? **7** Wunni əna tar sodja nagha a həbəng fadghən? Wunni həf hed inabi mbə kii wan dəfyighən wa? Wunni tə chibrha, kədənggən sa ɓithlaarha? **8** Nani a pərghən kee ka nggəmda hur niifa wa? Mbə kee ndaana deleewar ngyakhrha Musa wa? **9** Kəsər nəghən chichireethlee hai ahu deleewar ngyakhrha Musa, “A pang na pupusa mabi mii a sayiddi na nanda a pər hwarma wa.” Billagha Faara aten kwel kee wa? **10** Mbə nən a ndikrha aten nan wa? Kəkafek kəsər ka kəmni chirethleng nanda hai. Kəsər kamdə yandi hudagha tə yandi pərangga də na nda a shiiten wal ənnarhami. **11** A həf dān wid səsəna ahur nun, mul nən hai a halth dān ənnarhami kəla yi kəshiddiya a fad nun wa? **12** A dāng dūn fyinga sə pərangga laɓar Faara kun, kamngwa na a wal thlaara nan kal kanda nan wa? Amma 'wa wan wal kwamana kee wa. A nggushi kərəs nan tə kala 'ya nanan təghən ha heu ma tsawan fer kii saara a Laɓaara na mbənggən yi Kərəsti. **13** Sənggunsə, fyinga na a əna taara hu Kən Faara na nda wal ənnarhami hu Kən Faara wa, kəmda fyinga na a əna taara a mbəd nji sataka a mbədani na nda wal yi ndan hu ən sataka wa? **14** Nəghən kee kəm, ndagha Chinəm nafiya na a pər Laɓaara na Mbənggən a mbədə ni na nda wal thlaara. **15** Amma nggi kam mbusə ko tətəl ahur kwamanggini ya ənani taara sə wa, mbə ka nani a chireethleng hai a əneegha nda kee wa, kəsər a nggushi mər ni ma 'yadee taala nda fa tə tarna. **16** Ko nanən pər Laɓaara na Mbənggən mbə 'yani kamngwa a əna taala ni təghən wa. Tsaunən ndən kyana Faara fəreerha a ənee. Ən kawa ni a fanna a pər wii Laɓardi na Mbənggən ya wal! **17**

Andam niyi a ənaghən tē altenna kam niya wal tiirha. Amma mbi wura hasə wa, kəsər Faara ndən dəfeegha ndən hu haar na hai. **18** Mani kəna tarna? Pər Labaara na mbənggən tēka ni ənaghən. Mbə tē altenna niya pər Labardi na Mbənggən ya wa. **19** Ko nanən niyi tē altenna mbiyi a har niifa wa, tsaudi mafarha a fiya heu ka a ɓanggi fiya ɓa hangga a thləma Kərəsti ɓa. **20** Anadi tē Yahudaya, tsawanggi fanna kəla Təyahudarha ka a ləmənggi Yahudaya thləma Kərəsti ɓa. Anadi tē fiyinga na a takkwa ngyakhrha Yahudaya, tsawi kəmda niifa na a takkwa ngyakhrha. Ko nanən mbiyi a takkwa ngyakhrha wa, ənani kee tēni ɓang nafini na a takkwa ngyakhrha thləmad Kərəsti ɓa. **21** A sayiddi nani tē fiyinga mbuwa Yahudaya kanda mbuwa takkwa ngyakhrha, tsawi kəmda kəla yi mbuwa takkwa ngyakhrha tēni ɓang kanda thləmad Kərəsti ɓa. Amma karwi ngyahad Faara fa wa, niyi a əna taara tē ngyakhrha Kərəsti. **22** A sayiddi nani tē fiyinga kədiina fərəkəfekkid ndan, tsaudi kəla kanda, kəsər na minnasə a ləmənggi fa yamid fərəkəfekkyia thləmad Kərəsti ɓa. Tsaudi kəla kala əngya turya fiya heu, kəsər ko tē kəkən ni a hərghang nggi fiyinga. **23** Ənani əngya heu ka a pər Labaara ni na Mbənggən tēni wal yina parka. **24** Sənggunəsə tē ndaarha ahu pəpəla daarha kowunni nən kyarha hu daarha hai wa, amma niifa tal ni kee na a həɓang nda wa? Nanən kee nama a darha kee tənun wal kənaghən. **25** Kala nafiya na a ɓashad pəpəla daarha na nda tsaharha ngga. Na nda ənaarha kee tənə nda wal kənaghən mbuwa mənda ha, amma kəm nəm ənaarha kee tənəm wal kənaghən yi na tsaurha pakwandə. **26** Tsaunən kee, mbiyi a darha kula mbərha niya dərha sadə wa, mbiyi a yanda kəla tē yanda tē dəwumnda na dək ɓereurha wa. **27** Tsətsəl ni fanna ne kəla tē pəpələd daarha, na a tsaharha na a tsauka ka 'ya. A mbə kee wa, niyi a tərəmnda akwasamaddi pər ni labar Faara a fiyinga, nggi tē altenna ɓa nda rək nggi.

10 Shayina, mbə minnasə a tsauka kula səndənun wa, chichiyyi nəm kar wiigha nda heu akamu hashmbe, kya nda tē wuri aama. **2** Ənang nda mbaptisəma kanda heu ka takkwa Musa ahu hashmbidi tē wuri aamdi. **3** Kanda heu həb nda ənnadda mii na yi səsəna, **4** kanda heu kəm san nda aamdi na yi səsəna. Kəsər saagha nda aama ahu feera na yi səsəna

yandi wiigha tē kanda, ferdi kəm ya Kərəsti ni. **5** Amma takkwa Faara mbənda fa tē fiyinga wa, nanən kee ɓəlangganda kanda pangganda kanda a mbəya dədamən a kaheerha. **6** Nanənya katərana ənggina hai ya ka tsauka ənsakhrha aten nəm, amawa nəm əna tar mbəfeerha kəla əna nanda. **7** Nanən kee a tərang shilee dāhaya teena kəla ənana fiyinga ahur ndan. Nəghən chichireethlee hai, “Nafini tsau nda hai həɓa nda, saa nda, thlii nda sə ɓasha nda.” **8** A ənadəm kulafayirha kəla ənana fiyinga ahur ndan wa, kyangga fiya 23,000 hu mərə hai paara tal. **9** Kamngwa a kəkərang nggam Kərəsti, kəla ənana fiyinga mər nanda də ka kətta huthlingya wa. **10** A huhurum dūn kəla ənana fiyinga wa, ɓəlangna təthlənda Faara yi mərə kanda. **11** Katərana ənggina hai tē kanda ya ka tsauka ənsakhrha a kəm. Chireethleng nanda hai ka a kəs thləmad nəm nən kəm ɓalgha hai hu kəshiid weeriya. (aiṓn g165) **12** A numad na ish na ngga, kwaru nadə fəla hai. **13** Mbə kəkərra sə hu tsawud nun nanənya pak ma yandi 'wana fiyinga saarha fa wa. Na Faara tē kəkəfek fa. Mbə fərang kəkərra kun kalgha kun mu wa. A wal dūn kəkərra, nən kyado kwaman kyarha sə tənə kərəsta. **14** Nanən kee shayina kun nggəmni, naama inggun ma takkwa dāhaya. **15** Niyi a ndikrha tē nafiya na ndəndəl. Kəlaman tafad nun ana əndi niya thləkrha kəkəfek ni. **16** Wuhuleu di hwan nəm Faara a dəf parka nən sahāi, mbə wum teena ni hur saa far Kərəsti wa? Kii nəm mburodi di kyang nəm hai, mbə nanəm a tsau dədemnggirha tē fad Kərəsti wa? **17** Kəsər mburodi tal ni, kəm na hangga farha tal ni, kəsər kəm heu nəm a kii mburodi di tal. **18** Numama aten nafiya Isəreela. Mbə na nanda tal wumngga hai kiigha thlu sataka fər nanda a mbəd nji sataka wa? **19** Ma niya ndaarha? Ənnarhami fərang nanda dāharha ndəna 'ya wa, nduwa dāharha ndəna ka 'ya wa? **20** Awo, niyi a ndaarha satakh kini ya, fərang nggandan ənkaheeya, mbə a Faara wa. Mbə minna sə kəm non a wum teena tē ənkaheeya wa. **21** Mbun saarha tē wuhuleu Chinəm nggər wun saarha tē wuhuleu ənkaheeya kəm wa. Mbun həb ənnarhami a mbəd həb ənnadmid Chinəm, nggər wun həb yi ənkaheeya kəm wa. **22** Nana mid nəm nzəwar mii Chinəm tənən sərəkhrha wa? Kal nəm ndən shembe wa? **23** Na fiyinga sə na nda ndaarha, “Malenda kwamana a əna komani” amma mbə əngya heu na ngga

a fadwa wa. Ndagha na, “Malenda kwamana a əna komani” amma mbə komani na mbang dosə wa. **24** A billad na tə 'ya na ngga a fadwa kee wa, amma numo aten 'ya na ngga a fingya fiya. **25** Nanən kee, kyama thluwa heu na nanda a heng də hu kasu, kula kun tsakh mee tə 'ya karna mid nun. **26** Kəsər ndagha 'Deleewar Faara, “Kəshiiirha tə əngya na hurghən heu yi Chinəm ni.” **27** Ana niifasə fərwa wa kəkafek tə Faara aagha kun ka həb ənnarhami də a minda keeghən na midwa sə a dəna də, həbama kala ənnarhami na a mbed nun kula kun tsakhmee tə 'ya karna mid nun. **28** Amma a ndang niifa kun, “Ənnaddami ya, yi pa dəharha ni,” a həb dūn wa, kəsər ka niifdi pərangga ndən kun, kəsər ka 'ya karna mid nun. **29** Niyi a ndaarha ka numad niifdi aten 'ya na ngga tə mbuwa ngga, mbə yiwa wa. Kama na numad niifa 'yade wal alternna fa? **30** A usadi Faara aten ənnad na mii, kama nda na nda thlək 'ya mbuwa ngga atenna ka həb ənnarhami usa ni Faara atənggən? **31** Nanən kee kala 'ya nun a saarha, nduwa həbrha, nduwa 'ya nun a ənaarha, ənamadghən heu kəsər ka mamnggit Faara. **32** A tsaudun fer kisaara a Yahudaya nduwa fingya mbuwa Yahudaya, nduwa fatakkwaya wa. **33** Ənama kəla niya ənaarha. Mbi əna 'ya na mbəneeghən wa, amma ni əna əngya kamngga a mbənanggən fiya təna nda wal hərəkrha.

11 Tsahama nggi kəla tsaha ni Kərəsti. **2** Niyi a fal kun kəsər nun naarha dal nggi teena, kəsər kəsdun tsahaddəha tə kəkafek 'wani tsahang kun ha kəla malang ni ndən kun ha. **3** Amma na minnasə a sənunsə turi həshneefa ndəna Kərəsti. Turi nuneefa kəm ndəna chimarha, turi Kərəsti kəm ndəna Faara. **4** Kala həshneefa hwangga Faara nduwa thləkka 'ya kyadna Faara tenggən nggənggəla sarang də turighən də. **5** Kala nuneefa hwangga Faara nduwa thləkka 'ya ndaana Faara tenggən tsahai, sarang nən turighən də nəghən tal a thlərdang də tenggən də. **6** A mbə mid nuneefa sə kənanggən tenggən wa, nən mbang tsadang was tenggən də. Amma tsaunən ən shilee a fad nuneefa a tsadang də was tenggən də, nduwa thlərdanggən də, kamdə a kənanggən tenggən. **7** Kamngwa həshneefa lələbanggən wasghən wa, kəsər nəghən kəla tə kəm mamnggit Faara ni. Amma nuneefa nəghən a kyad mamnggit həshneefa. **8** Kyawa həshneefa 6a a fad nuneefa

wa, amma nuneefa ndən kyaghən 6a a fad həshneefa. **9** Əna wanda həshneefa ka nuneefa wa, amma ənagha nda nuneefa ka həshneefa. **10** Kəsər ka fathləngya Faara, a lələbangga nuneefa tenggən a kyad ndaarha nən nəghən a kamu səsəmnəda chimadghən. **11** Amma hu Chinəm mbə nuneefa naarha katənggən kula həshneefa wa, həshneefa kəm mbə naarha katənggən kula nuneefa wa. **12** Kəsər ənagha nda nuneefa a fad həshneefa, həshneefa kəm nuneefa nggətgha ndən, ənggini heu ya Faara ndən ənagha ndən. **13** Kəlamən tafad nun. Məməlni ana nuneefa a hwan Faara mal tenggənən tsahai? **14** Ən tiina tsahang da ndən kəm ha tə ndaarha ən shilee ni ana was ten həshneefa həling. **15** Nəghən ngga a fad nuneefa ana was tenggən dzang, kəsər fərang nanda wasa dzang ka a kənanggən tenggən. **16** Ana niifasə na tə ngaala mii atənggən, mbə əna 'ya sə dədamən hu kən hwan Faara wa. **17** Aten əngginiya, fal yi kun wa. Mbə ka 'yasə ngga hu wum ndənun hai wa, nəghən ka kee. **18** A kətaradghən səkdī ndaarha a wum dūn hai hu kən hwan Faara nun kyad dədamən nggirha, niyi a ndaarha nəghən kəkafek. **19** Kəsər tətani a nagha kyad dədamən nggirha sə a pathlang nun, təna niifa sənang fingya hai na ahur nun na tə kəkafek fa kaan. **20** A sayiddi wum nun hai heu a mbərha tal mbə nana mid nun ənnad mid Chinəm wa, **21** kəsər a nadun a həbrha fingya kəl yi ndan kee ndən na nda ənaarha mii mba nda həbrha tə fiya wa. Nanən kee niifa tal tə miirha fa, niifa tal kəm tərangga mbaala in. **22** Mbə wurayinun sə mbuwa nun həbrha tə saarha sə wa? Nduwa nun a fərang shilee fingya mbuwana 'yasə a har ndan na ahur kən hwan Faara? Mani ndang nda kun? A fal kunni wa? Kəkafek mbə ahu yandīya wa. **23** Əndi fərang ni kun ya, thləyi ndən 6a a har Chinəm, tə ndaarha, Chinəm Yeeso a fədikdi fər na ndan təranggən mburodi sə, **24** akwasamaddi usa nən Faara, kyanggən hai, ndəghən, “Fadna ni ya, fər nanda kəsər ka kun. Nama naarha ənaarha kee tənun dal nggi teena.” **25** Nəghən kee kəm akwasamad ənnadda mii, təranggən wuhuleurha sə ndəghən, “Wuhuleu diya yi weerinda dəfmiina ni tə kun ənana nda tə farna, nama naarha ənaarha kee kətsar tənun dal nggi teena.” **26** Kala fara kii nun mburodi diya tə saarha tə wuhuleu di ya, nanun a pər mərəra Chinəm ni də, kəl a nggər də wutta 6a. **27** Nanən kee, kala niifa kiigha mburodi di ya, saagha

tə wuhuleu diya na yi Chinəm kamngwa wa ənadə dimiyid sarang nda far Chinəm də. 28 Kəl kəlang na niifa fadghən ngga kapa nən kii mburodi di tə saarha tə wuhuleu di. 29 Kala niifa kiigha mburodi di tə saarha tə wuhuleu di fərangwa mamnggirha Chinəm, aang nən ngwa kumad Faara tenggən fa 6a. 30 Ndən ənagha ndən fingya ahur nun mba nda tə shembe wa, tə kəm mba nda kanglang wa, fingya ma mər nda də. 31 Amma a kəlang dəm fad nəm ngga 'wan, mba nda ngwang kumarha kəmsə wa. 32 Ana Chinəm ni a ngwang kumarha kəmsə, tsətsəl nanda kəm amawa nəm mərə heu tə kəshirha. 33 Shayina, a wum dūn hai heu kun a həb ənnaarhami, kələma ndan həbun heu. 34 Ana niifa sə na miirha a kəsə, əna 'ya nən mii a wuri, amawa nun aang ngwa kumarha fad nun fa 6a. Aten fingya əngya kəm a badiḡa ḡani kyadang kwamanggən kun.

12 Nanənya shayina aten fərfa Səsəna mbə minna sə a tsawun kutunggən wa. 2 Səndunsə sayiddi nanun kun kula kyarha hu kərəstayirha hai, sakḡ dāng nda kun hu kwamangya hangga non a takkwa dahaya mbuwa kalasə. 3 Nanən kee na minnasə a sənunsə tə ndaarha mbə niifasə na Səsən Faara a shikkən na mbang ndaarha, “Shiwang nda Yeeso wa.” Mbə niifasə kəm na mbang ndaarha, “Yeeso Chinəm ni,” kəl nanən tə Səsəna tə Pedənda. 4 Na tur fərfa səsəna sə dādāmən, amma Səsən da ni tal fərgha ndən. 5 Na kwaman tər tarya sə hangga, amma Chinəm tal ni. 6 Na tarya sə hangga, amma Faara tətəl ni na shik kanda heu hu ko yanggi ni. 7 Kowunni ahur nəm waldə fərfa Səsəna ka a danggən kəmsə heu. 8 Na Səsəndi fər ləbar thladwayirha niifa, a niifa pak kəm fərang ləbar sənda nən. 9 Səsən dani na fərang fərkəkəfek niifa, Səsən dani kəm na fərang səsəmnda niifa yi kənanng nda haarha. 10 Na Səsəndi fərang nda niifa səsəmnda yi əna ənwultengya, a niifa pak kəm fərang pər əngya kyad nən, a niifa kəm səsəmnda yi hwathlang nda Səsən Faara hai tə səsəngya pak. Niifa pak kəm fərang mbang ndikrha tə tur miiya dādāmən tə pər 'ya nda nanda tə tur miiya pak. 11 Ənggini heu ya Səsən dani tal na a ənaghən tə kəm fərang nggənən kowunni kəla tərna midghən. 12 Kəla nana thlu farha tal, faddi kəm tə mbəd njiya hangga, ko nanən na mbəd njiyini hangga, farha tal ni, nəghən kee kəm tə

Kərəsti. 13 Kəsər ənangganda mbaptisəma kəm heu tə Səsəna tal a tsawun farha tal, Yahudaya nduwa nafiya mbuwa Yahudaya, mafaya nduwa nafiya mbuwa mafaya, fərang nda Səsəndi kəm tal a sam. 14 Nanən kee mbə mbəd njirha tal ni hu faddi wa, amma mbəd njiya hangga. 15 Andam na saara a ndaarha, “Mbə haara ni nggi wa, mbiyi hu farha wa,” mbə nzang tsaurha fa mbəd njirha hu faddi wa. 16 A ndaa thləmaarha kəm, “Tsaunən mbə yirha ni nggi wa, mbə mbəd njirha ni nggi hu faddi wa,” mbə 'yadang tsaurha fa a nagha mbəd njirha hu faddi wa. 17 Andam farha heu yirha ni, kəkən na naa 'ya? A tsau faddi heu thləmaarha, kəkən na sək 'ya? 18 Amma fad nəm heu nəghən tə mbəd njiya hangga, dəfang Faara kala mbəd njirha a mbərha na midghən tsauka sə. 19 Ana faddi heu tə mbəd njirha tal, na tahad faddi tsaurha kən? 20 Kəla nanən mbəd njiya hangga ni, amma farha tal. 21 Mbə yirha ndang nda haara, “Njidəwa 'ya tə sa wa.” Nduwa teena ndanggan sarya, “Njidəwa 'ya tə kun wa!” 22 Mbə kee mawa, mbəd njirha nəm a naarha mbə tə shembe wa ndən tsauka kadghən. 23 Mbəd njiya nəm a naa kanda kəla kədi shili ndan ma fingya, kanda dani nəm fərang mamnggirha. Mbəd njiya kəm mbuwa nəm a naarha nəm laf kanda ngga. 24 Mbəd njiya na ngga hu yirha mbə 'yasə nəm ənang kanda wa. Taksa Faara farha tsanggən fingya məd njiya mbuwa tə shilee fa na nda tə mamnggirha, 25 tənə wum teena naarha sə, na nda a laf ndan ha ngga. 26 A wal mbəd njirha tal wundərha fa, kanda heu na nda tək hattəghən fa, a fal nda mbəd njirha tal, kanda heu na nda əna wutsəfayirha. 27 Kun heu fad Kərəsti ni, kowunni kəm mbəd njidghən ni. 28 Kulo mbəd njiya ya dəfang na Faara kanda ahur kən hwan Faara, yi tal fathləngya Yeeso, yi səri ndənə annabiya, yi mahan ndənə fatsahaya ha, tə fingya na əna ənwultengya, tə fingya na tə fəra yi kənanng nda haya, tə fathlarya, tə fingya na a laf fiya hu kən hwan Faara, tə fingya na ndikrha tə miiya pak. 29 Fiya heu ni na fathləngya Yeeso wa? Fiya heu ni na annabiya wa? Fiya heu ni famaləmnəngya wa? Fiya heu ni na əna ənwultengya wa? 30 Fiya heu ni natə fəra yi kənanng nda haya wa? Fiya heu ni natə fəra yi ndikrha tə miiya dādāmən wa? Fiya heu ni na mbang kyakhrang ndikrha hai wa? 31 Amma a nggushi kukwasang na fəra kun fa

na mam, niya kyadāng kwamana kun na ngga kalgha yanda mu ya.

13 Ko mbang ni ndikrha tē miiya yi fiya, nduwa tē yi fathlāngya Faara, amma a mbē nggēmnda sē ahur na wa, tsaudi kēla ndēndolong nduwa huho'yok na riirha kee. **2** Ko niyi tē fērra thlāk āngya kyadna Faara, nggi a sēnang kulish āngya hai heu, ne tē huteena fa, tē fērkākafek fa ngga, ni mbang kyakhrang mbēd tsawud wumnda hai, amma a mbē nggēmnda sē ahur na wa, niyi mere kee. **3** A fērdi āngya nani tēghēn ha heu a fa yamiya, ko fērni fadna njegha nda dē tē yibrha, a mbē nggēmnda sē ahur na wa, mbē 'yasē chiyē nēn wa. **4** Na nggēmnda tē kērēsta fa tē nggayirha, mbē nggēmnda sērēkrha wa, mbē taala wa, tēkēm mbē tērang altēnggēn sē wa, **5** mbē naarha ngyangthlang wa, mbē wurahasē wa, mbē hufirha hur wēd wa, mbē kēs ndan ha wa. **6** Mbē nggēmnda āna wutsēfayirha tē tar mbēfēerha wa, amma kēl nēn āna wutsēfayirha tē kākafekkirha. **7** Nggēmnda nēn kērēsta ko hu mani, tē fērkākafek ko hu mani, tē shiteena ko hu mani, tē ndiyirha ko hu mani. **8** Mbē nggēmnda tam ngwalarha wa. Amma thlāk āngya kyadna Faara, tē ndikrha tē miiya, tē huteena yi sēnda heu bānēn ngwalarha. **9** Kākafek lēghādwa sēndā nēm wa, tēkēm thlāk āngya kyadna Faara mbē lēlēgdā wa. **10** Amma a fara bāna yandā bā na lēlēgdā, yi mbuwa lēlēgdā nēn a mbēradē. **11** A sayiddi nani wundakhne, ni ndikrha kēla wundakhne. Ni numarha kēla wundakhne, sēndāna kēm yi wundekhneyirha ni. Amma a sayiddi shing ni, malang dī ēn wundekhneyirha. **12** Nanānya nēghēm a naa āngya kēla nēm kēlang kanda hu tolokar, amma na fara bāyi bā nēm naa kanda yirha tē yirha. Nanānya mbē sēndē nēm lēlēgdā wa, amma na fara bāyi bā nēm sēn āngya heu, kēla sēnna Faara kēm ngga. **13** Nanānya tsau ānggini na mahan ya, ndōna fērkākafek, shiteena tē nggēmnda. Amma yandi na manggēn ahur ndan ndōna nggēmnda.

14 Ngwa tsauka nggēmndē nun a mbee, tēkēm kukwasangga fērra Sēsēna tē Pedānda kun fa, mbēma kēla yi thlāk 'ya ndaana Faara wa. **2** Kala niifa na a ndikrha tē miiya pak mbē a ndikrha tē fiya wa, amma tē Faara, mbē niifasē na sēn ēndi nēn a ndikrha wa kēsēr nēghēn a thlāk 'ya na bēbē tē sēsēmnda Sēsēna. **3** Amma

yandi na a thlāk 'ya ndaana Faara nēghēn a fērang shembe fīngya, fērang kaali nēn kanda, nggab kanda nēn. **4** A ndik niifa tē miiya pak, dāng nēn fadghēn sē. Amma a thlāk niifa 'ya ndaana Faara nēn a dāng kēn hwan Faara sē tēnēn dērha mbēedē. **5** Na minnasē kun heu a ndiyun tē miiya pak, amma ndik 'ya ndaana Faara ndēn tērna miina. Niifa na a ndik 'ya ndaana Faara kaldē niifa na a ndikrha tē miiya pak, kēl ana niifasē na a kyakhrang 'ya hai na a thlākhrha tēna fiya heu na ahur kēn hwan Faara wal kaali. **6** Nanānya shayina a bāadi thlēmān nun bā ne a ndikrha tē miiya pak, ma nēn chighang kun? Amma a bāng dī 'ya kun bā kedēe na Faara, nduwa sēnda nduwa 'ya ndēe nēn a thlākēn ni nduwa tsahad labar Faara ha ndōna dāng kunsē. **7** Nēghēn kēla āngya mbuwa tē yibrha fa kēla nda mbēmbeerha nduwa perima, kēkēn na niifa kukwalang ēnda hai na perima a ndaarha nduwa mbēmbeerha mbē kēl kyana urad ndan sē dēdamēn wa? **8** A kyawa pii kodwomnda sē kaan yi aah farha wa, wunni ngwarha fa a ka yanda dē? **9** Nēn naarha kee tē kun kēm. A ndik dūn tē mee sēngwa nēm, kēkēn na niifa sēn ēndi na a thlākhrha? Na a ndikrha kee hu bēreurha dē. **10** Na tur miiya sē hangga hu kēshiiirha, kanda heu na nda ngga. **11** A mbi a sēk tur miidi wa, tsaudi ronga a niifdi na a ndikrha, niifdi na a ndikrha kēm ronga ni a fadna. **12** Nēghēn kee kēm tē kun. Tsaunēn na fērra Sēsēna a kukwasang kun fa kēl ndēng nun yid nun fēr shembēd nun nēn tēnun dāng kēn hwan Faara sē dērha mbēedē. **13** Nanān kee, kala niifa na a ndikrha tē tur miiya, kēl a hwan Faara nēn na a fērang sēnda nēn yi kyakhrang nda 'ya hai thlāk nanda. **14** Kēsēr a hwan dī Faara tē tur miiya pak, sēsēnna ni na a hwanda, amma sēngwi ēndi niya thlākhrha wa. **15** Nanān kee mani ānaarha? Niya hwan Faara tē sēsēna, niya hwan Faara kēm tē sēndāna. Niya aah amshe tē sēsēna, niya aah amshe kēm tē mee sēnni. **16** Kēsēr a nanna a fal Faara ni kee tē sēsēna, kēkēn na fīngya sēnang hai na a fal Faara heu tē kanda? Kēkēn na nda wum teena tē sa hu usaarha tsaunēn sēnangwanda ēnda hai na a thlākhrha wa? **17** Usadna ngga, amma dāngwa fīyasē na a sēk sa wa. **18** Usadi Faara mbang ni ndikrha tē tur miiya pak ma kun heu. **19** Amma hu wumten fatakkwaya hai a nggushi thlāk ni mee tuf sēkkēna fiya ma thlāk palthya ni haru kum tē miiya mbuwana fiya sēkrha. **20**

Shayina, a numadun kēla wundakhnaya wa. A meyedghən tsawama kēla wufar waya hu tar əna mbəlfērha, amma tsawama tə numad shingya. 21 Nəghən chichireethlee hai ahu Deleewar Faara, “Niya kalang nafina sə tə tur miya pak, tə barmi rongya. Amma ko nanən mba nda kee thləmarha fa wa.” Chinəm ndagha kee 22 Ndikrha tə tur miya pak ənsakrha ni, mbə yi fa fərkəkafekkya ni wa, amma a nafiya fərwa kəkafek. Thlək 'ya ndana Faara yi fa fərkəkafekkya ni, mbə yi nafiya ni fərwa kəkafek wa. 23 A tsaudə, wum fatakkwaya hai na nda heu a ndikrha tə tur miya pak, ana rongya sə nduwa fingya sə fərwa kəkafek kyagha ahur nun 6a, mbəna nda ndaarha kyaharna hutən nun wa? 24 Amma anadun heu a thlək 'ya kyadang na Faara kun, tərgha fingya sə fərwa kəkafek nduwa fingya səngwa 'ya na a katərarha hai kyanda hur nun 6a, na nda a naa dimiyid ndan a pəpal ngwang kumarha nda fandan sə tə 'ya thlək nun. 25 Na nanda a kathləmaarha hai 'ya na 6əbēe ahur ndan kyadə kəshaafə, na nda 6əra hai tə wadəd ndan fərang mamnggirha nda Faara, ndanda “Kəkafek Faara nəghən ahur nun.” 26 Nəghən kee shayina, a wumdun hai heu ka a fal Faara nun, niifa tal a aah amshe yi fal Faara, tal kəm a tsaharhaha, tal a pər 'ya kyadangna Faara, tal a ndikrha tə miya pak, tal a kyakhrang ənda hai thlək nanda. Amma ənggini heu ənanun ya tətani a chik kun heu nən. 27 Ana fingya sə na ndikrha tə miya pak, a tsauka nafiya səri, a padidə hai nafiya mahan. A nanda a ənaghən, ənaghənda tətəl tətəl, niifa tal kəm a pər əndi thlək nanda. 28 Amma a mbə niifa sə a mbədi na a pər əndi thlək nən wa, tsaudə tətə a nggasa nda tip ahu kən hwan Faara na midghən ndikrha tə miya, a ndikka kee a fad ndan tə Faara. 29 A nagha annabiya səri nduwa mahan na a thlək 'ya kyadna Faara, fingya kəm a kəkərang əndi thlək nanda. 30 Ana niifasə kyadangna Faara 'ya tsau hai, yandi 'wagha katərang ndikrha hai nggasgha hai. 31 Hu kwamana kiya, kun heu na Faara kyadang 'ya kun tətəl tətəl, kowunni kəm nən wal tsaharhaha tə fər kaali. 32 Dalama teena hai, annabiya na a thlək 'ya kyadangna Faara kanda na nda laf səsən ndan malang kwamana nda shayindan. 33 Kəsər Faara mbə yi tsə teena ni wa, amma yi tsawud dədəmnggirha ni, kēla nanən hu wumnda nafiya Faara hai na chahal. 34 A tsauka nishya tətip a wum fa

takkwaya hai, məməlwə na a kala nda sə wa. Kəl a fər altendan nda, kēla ndaana ngyakhrha. 35 Ana 'yasə na mindan a sənggənda, tsahang mee nda chimayi ndan a wuri. Kəsər ən shilee ni kalgha nuneefa sə hu kən hwan Faara. 36 Katəragha laḅar Faara hai tə kun wa? Nduwa kun katen nun ni kee səl nən thləmad nun də? 37 Ana niifasə tərgha fadghən annabi ni, nduwa nəghən tə fərfa Səsən Faara, a sənggasə əndi niya chireethleng hai Faara ndən ndeegha kee. 38 A kukwalangwa niifa ənda hai ya wa, ndəghənggi ma mba nda a kukwalang hai kəm wa. 39 Nanən kee shayina, a kukwasangga thlək əngya kun fa kyadna Faara, təkəm a 'yadang dun ndikrha niifa fa tə miya pak wa. 40 Amma tətə ni a əna əngya nun heu ngga, tə kəm məməl.

15 Nanənya shayina, niya dālang Laḅardi kun in na Mbənggən 'wani pərang nda kun, thlənun ish nun təghən ngga. 2 Hu Laḅar dani na Mbənggən ya nun wal hərəkrha, a kəsḅun laḅar daha ngga pərang ni kun. A mbə kee wa, fərkəkafekkid nun mere ni. 3 'Ya thləni 6a ndən pərang ni kun tə ndaarha, mərgha Kərəsti ka dimiyid nəm, kēla ndaana Deleewar Faara, 4 pang nda, thlengganda sə hu mərfa akwasamad beena mahan kēla ndaana Deleewar Faara. 5 Kyaddə fadghən a Mbulus. Tərgha a dəgha kyad fadghən a kumkap səri di. 6 Akwasamadghən, kyaddə fadghən a shayinəm kalgha haru tuf hu sayi tal, hangga ahur ndan 6algha nda hai, fingya kəm shinda beena. 7 Tərgha dəgha kyadang fadghən Yakubu, təkəm a fathləngya Yeeso heu, 8 a mii ngwaladghən heu, 6agha thləmad na 6a kəm, ko nanən niyi kēla niifa nggət nanda hu sayi kamngwa wa. 9 Kəsər nggini ngguchit ahur fathləngya Yeeso heu, tsəkki na a aah nggi nda təthlənda wa, kəsər səsang di fiya na a takkwa Faara. 10 Amma kəsər ka nggayid Faara ni tsauni kēla nani ya, nggayiddi əne nən tsauka mere wa. Ənadi taara kaan kaldi kowunni ahur ndan, ko nanən mbə nggini a ənaghən wa, amma nggayid Faara ni na tə nggi ha. 11 Yo, ko nggini nduwa kanda, naghan a pər laḅar Faara ni, ndəghən dani fər nun kəkafek. 12 Amma a pər nda laḅar Faara tə ndaarha thlid Kərəsti sə hu mərfa, kəkən na fingya ndaarha ahur nun mbə mərfa thliirha sə wa? 13 A mbə mərfa thliirha sə wa, thliiwa Kərəsti sə wa. 14 A thliiwa Kərəsti sə wa, pər laḅar Faara nan a ənaarha mere ni,

færkækafekkid nun kəm mere ni. 15 Tərgha fər dēm shedawa nggaḅang nda Faara fa, kəsər ndaghəm thleng Faara Kərəsti sə hu merra. Amma mbə kəkafek sə ahu 'ya thlək nan wa a mbə mər̄ra a thliirha sə wa. 16 Kəsər a mbə mər̄ya a thliirha sə wa, ko Kərəsti ni thliiwa sə wa. 17 A thliiwa Kərəsti sə wa, fər̄kækafekkid nun mere ni, ta weeri dā ḅa ya ḅal wun hu dimiyid nun. 18 Tərgha fīngya kəm mər̄gha hu Kərəsti, mər̄ nda dā. 19 Ana shiiten nəm hu Kərəsti nəghən kəla tsawud nəm katenggən kee, nəm kal fiya heu na a hadangganda kəm fa. 20 Amma kəkafek thleng nda Kərəsti sə hu mər̄ra, ndəghən ni katəra nakhda wan dər̄f̄rha aten nafiya shiigha ḅeena. 21 Tsaunən kyagha mər̄ra ḅa a fad niifa, thliirha sə hu mər̄a kəm kyaghən ḅa a fad niifa. 22 Kəla kyana mər̄ra ḅa a fad Adamu, nəghən kee kəm kala niifa tsauka yi Kərəsti na nda a fərang yibrha. 23 Amma na nda a thleng kowunni sə tətakkwa, Kərəsti ndəna katəra nakhda wan dər̄f̄rha, a tərgha fīngya na yighən a fara nən a wutta ḅa. 24 Tərgha akwasamadghən a ḅagha mii ngwaladghən ḅa, a nadə a wudang kutəryiddi Faara ha na Chindi, akwasamaddi weleng nən kutəryirha dā, tə mamnggirha tə səsəmnda. 25 Tsaudə tətə a ənagha Kərəsti kutəryirha ishənggən fətsənggighən hai tə sarghən. 26 Təsəara yi mii ngwalərha na nda a ḅəlang ndəna mər̄ra. 27 Kəsər ndagha Deleewar Faara, “Dəfang Faara əngya heu a kamu mamnggitghən ḅa.” Ndanən “əngya heu na nda a kamu mamnggitghən,” Faara tafadghən mbə a hura wa, ndəghən ni dəfangga əngya heu a kamu səsəmnda Kərəsti. 28 Tərgha, nana əngya heu a kamu mamnggitghən, Wandī kəm nən a tsaurha a kamu mamnggit Faara, Faara fərangga mamnggirha Wanggən tsauka aten əngya heu, ndəghən ni a tsaurha aten əngya heu ko a yanggini. 29 Nanənya a mbə mər̄ya a thliirha sə wa, mana fīngya yini ənaarha ənang nanda mbəptisəma kanda a meyed mər̄ya. A mbə mər̄ya a thliirha sə sam wa, kama na nda ənang mbəptisəma fiya ka kanda? 30 Kama nən kyang fad nəm hu səsəarha hai kətsar? 31 Kətsar ni naarha ka kəfarha tə mər̄a, shayina, kəla nanən kəkafek ni naarha taala aten nun hu Kərəsti Yeeso tsauka Chinəm. 32 A yandī tə māḅi heeya a Afisa, ahu shiiten niifa, ma chiye nən? A mbə mər̄ya a thliirha sə wa, “Taama kim sam, kəsər a ḅinda nəm a mər̄a!” 33 A huk nda kun wa:

“Tsaurha tə fa mbəfēeya na nda səḅang ka niifa dā.” 34 Wudaama hu numad nun ḅa na ngga, malaman əna dimiyirha. Kəsər fīngya ahur nun səngwanda Faara wa. Thlək ni ndən kee tənə shilee kəsang kun. 35 Amma na fīngya a tsakhmee ndanda, “Kəkən na nda thleng mər̄ya sə? Na nda thliirha sə tə tur yanggi farha?” 36 Sa nura! 'Ya həf na mbə kyarha sə tə yibrha wa kəl a mər̄dā. 37 'Ya həf na kəm, mbə ndəna kad əndī na a kyarha sə wa, wiirha ni kee, ko yi wan hwaliirha, nduwa tur wiirha pak. 38 Amma Faara ni na fərang farha wiirha kəla tər̄na midghən, kala wiirha tə tur yighən farha. 39 Mbə thluwa tur tal wa. Fiya tə tur yi ndan, māḅiya tə tur yi ndan, wudikkya tə tur yi ndan, təngya kən tə tur yi ndan. 40 Na farha sə yi talara, na farha sə kəm yi hweede. Amma mamnggit yi talara pak, mamnggit yi hweede kəm pak. 41 Yanfara tə mamnggitghən, ndəree tə yighən, wufəlngarya tə yindan. Na mamnggit wufəlngaara sə kəm pak ma shadghən wufəlngaara. 42 Na thlid mər̄ya naarha kee. 'Ya həfang nanda hai nən məthla, 'ya thleng nanda sə kəm mbə tam məthla wa. 43 Na nda həfang hai kula mamnggirha, na nda thleng sə kəm tə mamnggirha. Na həfang hai kula shembe, na nda thleng sə tə shembe. 44 Na nda həfang hai hu thlufarha, na nda thleng farha sə hu səsəna. Ana thlu farha sə, na farha sə kəm yi səsəna. 45 Nəghən chichireethlee hai, “Adamu katəra nanda ənaarha, tsaudə niifa tə yibrha.” Amma Adamu nggəlgəha mee kəm ndəna fər yibrha yi səsəna. 46 Amma mbə yi səsəna ni 'wagha wa, yi thlufarha 'wagha kapa yi səsəna. 47 Katəragha nda əna niifa hu kəshiirha, tə pəpər chehweerha; amma niifa yi səri ḅaghən ḅa a talara hai. 48 Fīngya na yi chehweerha na nda kəla niifdi əna nanda tə chehweerha, fīngya na yi talara na nda kəla niifdi na a talara. 49 Tsaunən nəghəm kəla niifdi əna nanda tə chehweerha, a fara səmən ḅa nəm tsaurha kəla niifdi na a talara. 50 'Ya niya pərang kun shayina, mbə ənaarha hai thlufarha tə fara wal kutəryid Faara nən wa, nəghən kee kəm məthla mbə har langaad 'ya mbuwa məthla wa. 51 Kama thləmaarha hai, niya pərang 'ya kun na ḅəḅee. Mbəm a shiirha heu wa, amma kəm heu na nda a kyakhrang kəm hai, 52 hu shibrha yirha, hu ngwala sək pii kodwomnda. A pinda kodwomnda, fīngya mər̄gha na nda a thleng kanda sə tə farha mbuwa məthla, kəm natə yibrha fa na nda a kyakhrang kəm hai. 53 Faddi

kyanəm na mæthla ya tæta ni na a kyakhrang ngganda hai hu farha dæ mbuwa mæthla hai, farha na mæra kəm tæta ni na a kyakhrang ngganda hai hu farha dæ mbuwa mæra. **54** A kyakhrang nda fadda hai kyanəm na mæthla 'yahu yandadæ mbuwa mæthla hai, tækəm faddi kyanəm na mæra ya kyakhrang ngganda hu yandadæ mbuwa mæra, a fardæ ni labardi na chichireethlee hai a læghætta, “Kal ndan mærra mu, bælång nda. **55** Sa mæra kalwanda sa mu wa? Sa mæra ai yar hafæd wa?” (Hadēs 986) **56** Dimiyirha ndæna yar hafæd mærra, sæsəmmnggit dimiyirha ndæna Deleewar ngyakhrha. **57** Amma malaman usaarha tsauka yi Faara, fərangga kwaman kal farha kəm mu hu Chinəm Yeeso Kərəsti. **58** Tsaunən kee, shayina nggəmni, ishama ngga. A tsang 'ya kun fa wa. Kətsar nama yakh əna tar Chinəm, kəsər sændunsə taara nun a ənaarha hu Chinəm mbə tsaurha mere wa.

16 Nanənya aten tsakh mii nun aten wudəbəla wumang nun hai a nafiya Faara na chahal a Urshalima. Na minnasə a ənaghənun məməl kəla ndang ni nafiya Faara na a Nggalatiya. **2** A katəra paara yi beena mæd kowunni ahur nun kada 'ya nən, nagha a dəfang dæ kala 'ya wal nən ha, mbə kəl a bəniḃa a wum 'ya nun wa. **3** A badiḃa niya thlən nafini nggəmna hur nun wur nun, chireethleng deleewar ni kanda sə a dənda tæ yinun fəra a Urshalima dæ. **4** A nadæ məməl ni a diyadæ, na nda mbang mbu samadna. **5** Niya weng tala kun ḃa, akwasamaddi weng ni chehweed Makidoniya hai, kəsər niya kyarha tæ Makidoniya. **6** Asəmha niya tsərha tsəḃaku a kyanun, a nadæ a ənarha hai ngwalagha fəgrha nggi a mbædi, tənun deerha sə kala mbərha niya dərha saadæ. **7** Mbə nggəmnda hurna ni a nadi a mbæridæ nanənya naa kunni kee wa, na minnasə a nggəm Chinəm fa mənihā a thləmad nun. **8** Amma niya naarha a Afisa ta far wutsəfayid Pentikos dæ, **9** kəsər inenda kwamana hai manggən yi taara na ngga, ko nanən na fa sarya sə hangga. **10** A ḃad Timoti ḃa, ngwa kal farha nən hai a thləmad nun, kəsər ndəghənggi ma nəghən a əna tar Chinəm kəla niya ənaarha. **11** A sar niifa ndən wa. Anadæ a wutta thləmanna ḃa fəraman 'ya nən a kəsa ha ḃa, kəsər niyi a kəlaghən fa tæ fīngya shayinəm. **12** Aten shadnəm Apolos, fərang dī kaali na a dəgha wal kun tæ fīngya shayinəm, amma mbə midghənsə dəgha wal kun nanənya wa. Nən

a ḃaarha ḃa a waldæ kwamana. **13** Tsawama nggungwa fa, ishun ngga hu fərkəkafek, non tæ kaali fa tæ shembe. **14** Kala 'ya nun a ənaarha ənamadghən tæ nggəmnda. **15** Sændunsə tæ ndaarha wuri Istifanus kanda ni 'wagha thlə labar Faara a Akaya, fər nda fad ndan ka a ənang taara nda nafiya Faara na chahal. Hwanni kun shayina, **16** fəraman mamnggirha tur nafini ya, tækəm a kowun wumngga teena hu tardī ya tæ səsəarha ka ndəghən. **17** Ənadī wutsəfayirha ḃana Istifanus ḃa tæ Fartunatus, tæ Akaikus, tsawee dafa kəla kun ḃagha ḃa. **18** Kəsər ən kaali ni a fadna kaan, kəla nananda a kun. Tur nafiniya kamdæ a wal faala nda. **19** Kən hwangya Faara na a Asiya kanda a ndang'ya kun fa, nda Akila tæ Mbərəskila, heu tæ fatakkwaya na wumnda hai a minda kya ndan kanda a ndang'ya kun fa kaan hu thləm Chinəm. **20** Shayinəm heu na a mbædiya kanda a ndang'ya kun fa. Ndaman 'ya ndan fa tæ fəbrha yi nggəmnda na chahal. **21** NGGI MBULUS NDƏNA A CHIREETHLENG NDA ƏN'DA HAI YA TƏ HARNA. **22** Ana niifasə mbuwa a nggəm Chinəm tsaudæ shiwang nda. Bəḃa, Chinəm. **23** A tsauka nggayid Chinəm Yeeso tæ kun. **24** A tsauka nggəmdəna tæ kun heu hu thləm Kərəsti Yeeso.

2 Korontiyaya

1 Kyagha deelewar dāba ya a har Mbulus, tēthlenda Yeeso Kārēsti wurna Faara, tē wan manēm Timoti, a nafiya Faara na a Koronti, heu tē nafiya Faara na chahal a Akaya. **2** A tsauka nggayirha tē dādemnggid Faara Chinēm tē yi Chinēm Yeeso Kārēsti a nagha tē kun. **3** Parka yi Faara ni, Chin Chinēm Yeeso Kārēsti, Chindi na fiya haḍang fa, tē nggab farha. **4** Nggab kēm hu sēsad nēm heu, tē nēm mbang nggab fīngya ahu sēsaarha na nanda sē, tē tur nggabirha kēm wal nēm a fad Faara. **5** Kēsēr kēla mul na sēsad Kārēsti hai a kēm, nēghen kee kēm mul nggabre nēm hai ka Kārēsti. **6** A nadan a sēsaarha, nan a saghēn fa ka nggabre nun, tē hārēkrē nun, a wal dān nggabirha, wal nan ndēn ka nggabre nun, na a fōrang kārēsta kun hu tur sēsaddi nēm a saarha fa ya. **7** Na shiiten nan tē kun kanglang, sēndansē kēla nanun a wum teena tē kan hu sēsad nan, nuwun kee kēm a wum teena tē kan hu nggabre nan. **8** Shayina, mbē minna sē a tsawun tē yamid sēnda wa, aten sēsaarha saanan fa a Asiya. Sēsaadan kaan, kalgha kan mu, har takh dān a mēra. **9** Kan ndaghan kee nan a mēra. Amma katēra nēn hai kee kēsēr a malanggan mbērsarha tē alten nan mbērsan tē Faara, na a thleng mērya sē. **10** Ndēghēn hērgghang kan sē hu tur sēsad mērrē diya, ndēghēnni kēm na a nggēr hērgghang kan. Ndēghēn ndēn shang nan teena fa nēn a nggēr hērgghang kan, **11** a sayiddi nun a dāng kansē tē hwan Faara aten nan. Nanēn kee, fiya hangga na nda a usa Faara a meyed nan, kēsēr ka parkaddi ānang nanda kan, thlēna Faara hwanda fiya hangga āna nanda a tennan. **12** 'Ya ānagha ndēn nanan a taala, fēr huten nan shedawa tē ndaarha tsawud nan hu kēshiddiya nēghēn chahal tē hura tal mbē kēla tsawud nan tē kun mawa, ānaghan ndēn tē mbērsarha tē nggayid Faara, mbē tē thladwayid kēshiirha wa. **13** Chireethleng ngwan 'ya kun dē mbuwa nun mbang karatang sēanggun hai wa. Niyi a shiteena tē ndaarha, a fara sēmēn bānun a sēnang hai ngga, **14** kēla katērang nun sēnang ānggina hai ya. A fara na Yeeso a wutta bā bānun sēnang ānggina hai ngga, non a taala tē kan, kēla nanan kēm a taala tē kun. **15** Kēsēr nggēmdi fa kee, ndēghēn ni na katēra bārha thlēmad nun bā, na a wal parka nun katēra sēri.

16 Na minnasē a weng tala ni kun a nadi a dārha Makidoniya dē, nggēryi kyarha tē thlēmad nun a nadi a wutta bā a makidoniya, na minnasē kēm a deewun sē a nadi a dārha Yahudiya dē. **17** Nun a numad ndaarha hu ngwad dī kyana ya sēngwi 'ya niya ānaarha wa? Nduwa nuwun a naghēn ngwa ni fa yi thlu farha, a ndee, “Yo” nggēryi wutta bā ndee, “Awo” wa? **18** Kēla nana Faara tē kēkafek fa, 'ya nanan a thlēghang nda kun mbē naarha a pathlang “Yo” tē “Awo” wa. **19** Kēsēr Wan Faara, Yeeso Kārēsti, nggi, tē Sila tē Timoti pērang nan labārgghēn kun, mbē “Yo” sē tē “Awo” wa, 'ya tsauka yi Faara “Yo” ni kēsar. **20** Kēsēr dāfmi Faara heu nēghēn lēlēgdā hu Kārēsti, tē ndarha “Yo”, tē kēm hu Kārēsti nēm ndaarha, “Atsaukake”, a mamnggit Faara. **21** Faara ndēn wumangga kan tē kun ishim tē shembe hu Kārēsti. Ndēghēnni wurgha kan, **22** ndēghēn dāfangga njaara kēm fa hu ndaarha kēm yighēn ni. Tē kēm ndēghēn ni fōrangga Sēsēnggēn kēm ahur nēm hai hu ndaarha kala 'ya ndaanēn bā nēm walghēn a mbee. **23** Faara ndēna shedawanna ndani kēsēr a nggēr dī chighang sēsaarha kun wa ndēghēn wudwa ni Korinti dē. **24** Mbē nanan a ngyabang kun hu 'ya hai nun a fērēkafek tēghēn wa, amma nanan a āna taara heu tē kun, kēsēr ka wutsēfayid nun, aten kēkafekkid nun ni kēm, ish nun tē shembe.

2 Nanēn kee, niyi a numad ndaarha mbi nggēr weng tala kun na a dāng sēbgha hura ni kun dē wa. **2** Kēsēr a sēbang dī hur nun dē, wunni takhka na a fēre wutsēfayirha nēn, a mbē kun sēbang ni hur nun dē wa? **3** Ndēn dā Chireethleng ni kun dē kēla ni tē ānaarha, nēn dē tsaurha a bā dī bā, a sēb hurna dē tē fīngyayini na fēree wutsēfayirha wa. Kēkafek sēndūn sē heu wutsēfayid na nēn kyarha bā ahu wutsēfayid nun. **4** Kēsēr chireethleng nggi kun dē nggi hu bīllarha har tē amyirha kaan, mbē ka a kyanggi kun hu sēbrha hura hai wa, awo, kēsēr ka a kyadāng nggēmndēna ni kun. **5** A bāng niifa sēbrha hura bā, mbē nggi katenna bāng nēn ndēn bā wa, amma bāng nēn ndēn kun bā. **6** Niifdiya, tsētsēlla ānang na fiya hangga ahur nun tsāk dē kee. **7** Nanānya, a nggushi chahang nun ndēn dē, tē kēm nggab wunūn, nadē sēbrha hura kaan kalghēn mu. **8** Kēsēr kakee, niya hwan kun, nggēra man kyadāng nggēmndē nun. **9** Āndi ānagha ndēn

chireethleng ni kun dā tēni sēndasē tēnun mbang kārēsta tē kēkārēdi ya, nōn kēm a ēna taara tē 'ya ndang ni kun. 10 A chahang dūn dimiyirha kowunni dā, nggi kēm chahang di ndēn dā. Ēndi chahang ni ndēn dā kamanggēn, ana 'yasē pak kamngga a changgēnēm dā, kēsēr ka kun ni chahang ni ndēn dā a mbed Kārēsti. 11 Ēnani kee nadē Sheetan dathlang kēm fa. Tsaunēn sēndēm thladwayidghēn heu. 12 A sayiddi bāni a Toruwas bā ka bi pēr Lābāara na Mbēnggēn yi Kārēsti, wal di ine Chinēm kwamana hai. 13 Amma hunawa hurna hai wa kēsēr dēwi wal wanmana Titus a mbēdi wa. Nanēn kee mal fīngya fatakkwaya ni di Makidoniya dā. 14 Usaarha a Faara na dāng kēmsē tē wal hēbrha hu Kārēsti. Faara kēm a dāng kēmsē hu pēr sēnda Kārēsti nēm ko a yanggini, sēndēdiya kēm nēghēn kēla sēd urdi. 15 Kēsēr a fad Faara kēm sēd Kārēsti ni hu fīngya walgha hērēkrha, tē fīngya sahadgha. 16 A wumten fīngya, sēd mērra ni, a fīngya kēm, sēd yibrha ni. Wunni tsēkka na a ēna tur tardā nēn ya? 17 Mban a tsām Lābār Faara ka a wal chikrha nan kēla na fīngya hangga ēnaarha wa. A meyedghēn, naghān a thlōk Kārēsti a mbed Faara tē kēkafek, kēla nafini thlōnna nda kanda bā a thlōmad Faara.

3 Nēm a nggēr fal ten nēm fādēn wa, nduwa na mid nan deelewar faala a kun, nduwa a haar nun wa? 2 Kun tē altēnnun kunni deelewar nan, yandi chireethleng nanda hai ahur nun, kēsēr kowunni a sēnggēnēn, tēkēm karatanggēn. 3 Kyad dūn ndaarha kun deelewar ni bāgha bā a kii Kārēsti, kēsēr ka tar nan, mbē yandi chireethleng nanda hai tē ashilee wa, kēl yandi na tē Sāsēn Faara na tē yibrha. Mbē aten feera wa, kēl yandi na ahur fiya. 4 Hēhasyid diya ndēn nanēm tēghēn hu Kārēsti a mbed Faara. 5 Mbē 'yasē nēm mbang kyatta tē ndaarha tē mbang ndē nan ni nana ēna tardī ya wa. Mbang ndē nan kyaghēn bā a haar Faara. 6 Ndēghēn ni fōrangga mbang nda kan hu tsawud nan fa tarya wēerēnda dāfmee mbē tē yandi na chichireethlee hai wa, amma yi Sāsēna, kēsēr chireeth di, nēn bēl farha, Sāsēna kēm nēn fēr yibrha. 7 Ana tardī bāng mērra bā chireethleng nanda hai aten feera, bādā bā tē mamnggirha kaan har mbangwa Isēreelaya kēlang yid Musa wa kēsēr ka kukwaryidghēn padīgha hai kaan, ko nanēn mbērdā dā. 8 Mbē

mamnggit tar Sāsēna kal yandi mamnggirha ya wa? 9 Ana tardī na a bāng ngwa kumarha fiya tē mamnggirha kaan kiya, taara na a bāng nggayirha bā nēn a naarha manggēn kaan. 10 Kēsēr 'ya kaar na tē mamnggirha fa kaan, mbē mamnggirha sē a fadghēn nanēnya wa, a kēkārang dēm tē mamnggirha nanēm tēghēn nanēnya. 11 Ana 'ya na mbēradē tē mamnggirha fa, yi pakwandē, kēkafek nēn naarha tē mamnggirha fa kaan. 12 Tsaunēn nēghēm tē shiteena kiya, mbē tērēmnda sē a fad nan wa. 13 Mban kēla Musa wa, lēlēbāngga yidghēn amana Isēreelaya naa mamnggit djarra kukwaryiddi na a mbēradē. 14 Amma tsē hur ndan kakrak tē weeri dāba ya, bāgha lēlēbrha ten dā sē a nanda karata deelewar nyakhrha. Kēl hu Kārēsti ni kee katēnggēn ndēna lēlēbrha ten di haara dā. 15 Ta weeri dāba ya, kala sayi a nanda a karata deelewar nyakhrha Musa, lēlēbēddi ya nēn nggēlang hur ndan. 16 Amma a sayiddi kyaharna niifa thlōmad Chinēm bā, na lēlēbēddi a haara dā. 17 Chinēm ndēna Sāsēna, kala mbērha na Sāsēn Chinēm sē, a mbēdā ni na wal alteena sē. 18 Kan heu harang nanda lēlēbēd dā dā a tēnnan naghān a kyad mamnggit Chinēm, na kyakhrang kan hai tsawan kēla ndēghēn, hu mamnggirha yi chikrha, kēsēr bāghēn bā a fad Chinēm na Sāsēna.

4 Nanēn kee, ka hadāng nēm Faara fa ndēn na nēm tē tardī ya, mbē fad nēm a mēra hai wa. 2 Kar dān tar ēn shilee fa na bēbēe, mban hukrha wa, nduwa nggabān hai tē lābār Faara wa, a meyedghēn naghān a pēr kēkafekkirha a pēpal. Nan pēr kēkafek a mbed Faara kowunni na tē kēkafek fa nēn a sēnggēnēn. 3 Ko nana lābardi nan a pēra nēghēn bēbēe, nēn naarha bēbēe kee a fīngya na a sahatta. 4 Sheetan faara yi kēshiddiya tsang dā hur nafiya fērwa kēkafek kakrak, amawa nanda naa kukwaryid lābāra na Mbēnggēn na a kyad mamnggit Kārēsti, ndēghēn na kēla Faara. (aiōn g165) 5 Kēsēr lābāra na Mbēnggēn nan a pēra mbē yi alten nan ni wa, nan a pēr ndaarha Yeeso Kārēsti ndēna Chinēm, kan kēm mafayinun ni kēsēr ka Yeeso. 6 Kēsēr Faara ndēn ndagha, “Ngwa yangga kukwaryirha hai hu wula,” ndēghēn ni yangga hai ahur nēm, ka a fōrang kukwaryid sēnda nēn kēm aten mamnggit Faara hu yid Kārēsti. 7 Amma nēghēm tē tur kēnadi 'yahu wuchihulteya, ka a kyad mamnggit ēnwulten sēsēmnda dā nēn

ya kyaghən 6a a thləmad Faara mbə a fad nan wa. 8 Səsang nda kan ko tē manggi ni, amma kalwanda kan mu wa, ko səngwa nan 'ya nan a ənaarha, malang ngwan shiiten nan wa. 9 Səsang nda kan, amma kar wa Faara kan wa, dāghang nda kan hweede hai, amma bəlang ngwanda kan wa. 10 Kətsar nəghəm a wiirha hai tē mər̄ra Yeeso ahu farha, tənəm kyad tsawud Yeeso a fad nəm. 11 Kəm balgha tē yibrha fa, kətsar tsawud mər̄ra nanəm sə kəsər ka Yeeso, tənə nda naa tsawud Yeeso hu faddi kyanəm ya yi mər̄ra. 12 Nanən kee, mər̄ra nəghən a əna taara ahur nan, amma yibrha nəghən a əna taara ahur nun. 13 Nəghən chichireethlee hai tē ndaarha, “Fər̄di kəkafek, ndən kal ni sə.” Tsaunən nəghəm heu tē səsən fər̄kəkafek, ndən fər̄ nan kəkafek kəm kal nan sə. 14 Kəsər səndəm ndaarha ndəghən ni thlengga Chinəm Yeeso sə hu mər̄ra, nən a thleng kəmsə heu tē Kərəsti, nən a bəng kəm a mbedghən 6a heu tē kun. 15 Ənggini heu ya ka a dānggən kun sə ni, kəla na nggayid Faara a weela ten fiyadə hangga, na usaarha a naarha sə kaan yi manang nda Faara. 16 Tsaunən kee, mər̄wa fad nan hai wa. Ko nanən fad nəm na yi mər̄a nən səbrha də, amma a hura na fad nəm naarha nggəra hai kala parra fara. 17 Səsaddi kyanəm ya nəghən ngguchit mbə kwas mbəra də wa. Ndəghən ni na a walang mamnggirha kəmsə mbuwa ngwalarha mbuwa nəm mbang sakhkən. (aiōnios g166) 18 Kəsər mbə əngya na yirha a naarha ndən nəm a kəlang wa, kəl fīngya mbuwa nəm naarha. Kəsər əngya nəm a naarha mba nda kwas mbəradə wa, fīngya mbuwa nəm naarha kəm, nən tsaurha pakwandə. (aiōnios g166)

5 Kəsər səndəmsə a chang nda chamdā hai kyanəm yi kəshiddiya, na tən ndənəm sə a thləmad Faara, kənna a talara mbuwa tam chaarha hai yi pakwandə, tən ngwana niifa tē haara. (aiōnios g166) 2 Kəsər hu chamdi ya nəm chichimnda, nagha a kukwasang kəm fa kyangganda kəm hu wurida hai kyanəm na a talara kəla kalla lukrha. 3 Kəsər a ngwang nda kəm fa təghən, mba nda 6a wal kəm tawalth wa. 4 A sayiddi bəl nəm hu chamdi ya, nəm naarha chichimnda kəsər ka billarha nanəm sə, kəsər mbə nana minnəm sə a kalang ngganda luwudda hai a fad nəm ya wa, amma ka a ngwang ngganda kəm fa tē yi talara, kəsər 'ya na məmərə nən wal yibrha. 5 Faara ndən ənagha

kəm a tsawum kiya, ndəghən fərangga Səsəna kəm a meyd ən dəfrha də, kəsər ka 'ya na bəyi a mbee. 6 Tsaunən kee, nəghəm tē həhasyrha fa kətsar. Səndəmsə tē ndaarha, tsawud nəm hu kəshiddi ya, nəghəm ndəndəgha hai tē Chinəm. 7 Kəsər tsawud fər̄kəkafekkirha nanəm sə, mbə yi naarha tē yirha wa. 8 Nəghəm tē həhasyrha fa tē kəm na mid nəm sə ndəkrha hai tē faddi ya, dəm tsaurha tē Chinəm a talara. 9 Nanən kee na mid nəm a əna 'ya nəm na a mbənanggən, ko nəghəm hu faddi ya, ko mbuwum sə wa. 10 Kəsər kəm heu tətə ni a wuməm hai a mbed tsənggam ngwa kumad Kərəsti, kəsər kowunni nən a wal kəna əndi əna nən hu faddi ya, ko nəghən ngga, ko mbə ngga wa. 11 Nanən kee, hərəm nəm sən tē mani tərəm Chinəm, nəghəm a djitiirha a ləm fiya nəm 6a. Kəsər sən Faara kəm kwarkwar, niyi a shiiten ndaarha səndun kan ahur nun. 12 Mbə nanan a nggər fal fad nan a kun wa, amma ka a fərang kwamana nan kun non a taala tē kan, tənun nggərang fīngya yina sə na a taala tē 'ya nəm a naarha tē yirha kee, ma yi hura. 13 A tsaudə kəla sauta nəm ni, kəsər ka Faara ni, ana huten nan məməl, kəsər ka kun ni. 14 Nggəmnnda Kərəsti ndən kyadangga kwamana kəm, kəsər səndəmsə, mər̄ niifa ka fiya heu, tsaunən kee mər̄ nda də heu. 15 Mər̄ nən ka fiya heu, tsaunən kee fīngya balgha hai mba nda tsaurha ka fad ndan bəl wa, amma a niifdi mər̄gha ka kanda, nggər nanda thleng sə. 16 Nanən kee, nanənya ta mbeedə, mban nggər tər niifa yi kəshiirha ni wa. Ko nanən kaar tərghan Kərəsti kee, amma nanənya mban nggər ənaarha kee wa. 17 Nanən kee, kala niifa na hu Kərəsti, tsaudə weerənda niifa, hurad əngya heu mbər̄ dādə, kyad weerəndəghən 6a. 18 Ənggini heu ya Faara ndən ənagha ndən, ndəghən ni ənangga shaulirha kəm təghən hu Kərəsti, fərang tar shaulirha nən kan a fiya, 19 Shauli Faara kəshiirha ta fadghən hu Kərəsti, kirasang ngwa dimiyid fiya aten ndan wa, ndəghən fərangga labar shaulirha kəm. 20 Nanən kee, fathləngya ni kəm yi Kərəsti, kəla na Faara a ndikrha tē kəm. Nan a hwan kun a meyd Kərəsti, shaulima tē Faara. 21 Səngwa Kərəsti dimiyirha wa, kyang Faara hu dimiyirha hai kəsər ka kəm, tənəm wal nggayid Faara.

6 Nanan a əna taara tē Faara naghan a hwan kun a thlədun nggayid Faara mere wa. 2 Kəsər ndəghən, “Səkti fadwa a sayid nggayirha,

thlardi sa a far wal hærakrha.” Niya ndang nda kun, nananya nun a wal nggayid Faara, nananya këm far wal hærakrha. 3 Mbë mid nan sê a tsawang nggan kowunni ên kii saara wa, ka amawa nanda 'yar tar nan. 4 Amma a meyedghen, ahu 'ya nan a ânàarha heu nan kyad fad nan fa tarya Faara. Kan a kërêsta tê sêsaarha, tê kêtëlla, tê billarha, 5 tê sa dêkrha fa, tê kênda hu porsêna, tê wal wundêrha fa, tê kêtëlla tê taara, tê yamid bëena, tê miirha, 6 tê naarha chahal, tê sênda, tê kërêssa tê nggayirha, hu Sêsêna tê Pedênda na tê kan ha, tê nggêmnda, 7 tê pâr kâkafekkirha, tê sêsêmnda Faara. Kês dãn karid nggayirha ha a har yisêma tê yikawa. 8 Kanda a manang nda kan, kanda këm a kyala tê kan, tê sêbang thlêm nan dâ, tê fal kan. Têrga nda kan fa nggabâya ni, amma nan thlêk kâkafek. 9 Sên fiya kan, têr kan nda kêla sêngwanda kan wa, kêla naghan a mii mêra, ko nanên kee naghan tê yibrha fa, tsêtsêl nda kan, ko nanên kee bêlang ngwanda kan wa, 10 hu sêbrha hura, parang kan tê wutsêfayirha fa. Hu yamiiya, kan këm a ênang kêna fiya hangga. Mbë 'yasê a har nan wa, kan ni këm na tê ângya ha heu. 11 Kun Korontiyaya, përang dãn kâkafek kun a pëpal, tê këm na hur nan tshahi a kun. 12 Bêbengwan hura kun wa, kun ndên bêbengga hura kan. 13 Niyi a ndikrha tê kun nananya kêla wanggina, kun këm inaman hur nun dâ a kan. 14 Ma wum dũn teena tê nafiya fêrwa kâkafek wa. Kêkên na tar nggayirha wumnda hai tê yi mbêlfeerha? Nduwa, na kukwaryirha tsaurha tê wula? 15 Pashid Kêrêsti ni Sheetan wa? Na 'yasê wumangga nafiya na a takkwa Chinêm tê fingya fêrwa kâkafek wa? 16 Yanggi dêfmee ni a pathlang nda kên Faara tê dâharha? Kêsêr këm wuri Faara ni na tê yibrha fa. Kêla ndana Faara, “Niya tsaurha tê kanda ha, wii hai këm ahur ndan, niya tsaurha Faara a kanda, kanda këm tsawa nda nafina.” 17 Tsaunên kee, “Kyama sê ahur ndan, wura man fad nun dâ ma kanda, Chinêm ndên ndagha kee, A tsuwar dũn 'ya fa na tê paarha fa wa, nggi këm niya thlê kun fa, 18 tsawi china a kun, kun këm tsawun wanggina nda hêshya tê nishya, Chinêm na tê sêsêmnda ha heu ndên ndagha kee.”

7 Tsaunên kee Shayina, nanên nêghêm tê dêfmi yini ya, kêl a tsawum chahal ma ângya mbuwa chahal na sêbang fad nêm dâ, tê sêsêna

këm. Taama tsawum lâlêgda chahal na a fêrang mamnggirha Faara. 2 Niya ndang nda kun inaman hur nun kandê. Mbë niifa sê ânang nan aibe fa wa, mbë niifa sê sêbang nan 'ya fa wa, mbë niifa sê huk nan wa. 3 Ndawi kee ka a fêrang aibe ni kun wa. Kêsêr 'wadi teena përang di ndên kun nggêm dãn kun kaan, mbë 'yasê na ndêghang këm hai wa, ko hu mêra ni, mêrêm kyab nduwa wal yibrha kyab. 4 Nggêm di fa tê kun kaan, niyi a taala tê kun kaan. Waldi kaali kaan. Hu sêsad nan heu niyi lâlêgda tê wutsêfayirha. 5 Kêsêr ko a sayiddi banaan chehweed makidoniya bâ, yib wan wa, amma wal billarha kan kaan, a kêshi kakyathlanga, ahur yi nan hêreenga. 6 Amma Faara, ndêghên na fêrang kaali fiya na tê sêbrha hura, wal dãn kaali tê bád Titus bâ. 7 Mbë ka bád Titus bâ kee ndên nan a âna wutsêfayirha wa, amma waldê kaali a fad nun. Përang dâ ndên kan tê ndaarha na mid nun sê na nggi, tê sêbrha hura ânânun aten ânggini katêragha hai, tê fêr ten nun na a dêewun sê. Ên dâni ya nggêrga fêree wutsêfayirha kaan. 8 Kêsêr ko sêbang ni hur nun dâ hu dêleewar di chireethleng ni kun dâ, ânawi masêndi kee têghên wa, ko nanên kaar ânadi masêndi kee, kêla ni hai dêleewar di sêbang dâ hur nun dâ, amma yi bëena ni ngguchit kee. 9 Nananya niyi tê wutsêfayirha fa, mbë ka sêbang ni hur nun dâ wa, kêl sêbrha hur nun kyang dê kun hu kwamana hai. Amma sêbrha hura ânânun ndên malang nun dimiyid nun, kêsêr tur yandâ ni na mid Faara a naghâ nafiighên têghên fa, nanên kee ânang ngwa 'ya kun fa mbuwa ngga wa. 10 Kêsêr sêbrha hura yi têrêm Faara ndêna kyang niifa hu mal dimiyirha hai wal hærakrha nên, mbë masêndi kee sê wa, amma sêbrha hura yi kêshiirha nên bang mêrra bâ. 11 Tur yandi sêbrha hura ya nêghên hu kwamana na mid Faara. Bangga 'ya kun bâ na ngga, kyang dâ kun hu âna ângya hai na ngga, na mid nun sê kyadâng nda fiya ânadũn 'ya mêmêl. Sêb hur nun dâ aten dimiyirha. Na mid nun sê a âna 'ya nun ndaana Faara. Na mid nun sê nggêr âna 'ya na ngga. Na mid nun sê a âna 'ya nun mbênangga Faara. Na mid nun sê a tsêtsêl kowunni nun ânagha aibe. A hu ânggini heu ya kyad dũn ndaarha nuwun tê kâkafek fa. Ânadũn ângya heu kamngga hu palthdiya. 12 'Ya ânagha ndên chireethleng ni kun dâ, mbë a ten niifdi ânagha aibe wa nduwa këm aten niifdi ânang nanda aibe fa wa, amma a kyadâng

ngganda kun a mbed Faara hu fər alten nun a kan ənənun. **13** Hu ənggini heu ya wal dan kaali. Hu chighəd kaali di wal nan, tək dan mbənda fa nanan Titus a əna wutsəfayirha, kəsər ka kun heu fərangga kaali, huna hurghən hai. **14** Kəsər ko ndang ni, niyi a taala tə kun, fəree wun shilee wa. Kəla ni naarha pərang kəkafek kun, kyaddə ndaarha taala niya ənani a tennun a Titus kəkafek ni. **15** Nanən kee nggəmda Titus aten nun nəghən aten chikrha, kala sayiddi nən dāl teena hai tə kun hu mamnggirha nun fərang nda, təkəm thlənun ndən fa tə dā shilee hai tə fər mamnggirha kaan. **16** Niyi tə wutsəfayirha, kəsər mbərsadi tə kun kaan.

8 Nanənya shayina, na minnan sə a sən ən danun ɓang na nggayid Faara hu kən hwan Faara nafiya Makidoniya ɓa. **2** Kəsər kətəl nda fa kaan hu səsarha kya nanda sahai, amma ka nana nda tə wutsəfayirha fa kaan ndən ənagha ndən fər nanda tə hura tsahai, ko nanən fa yamiya ni kanda kaan. **3** Kəsər səndisə fərgha nda hu 'ya na nanda təghən ha, har kalgha kanda mu. Kanda tə fad ndan, **4** hwanda kan kaan ka a wal kwaman fəra nda ka dāng ngganda nafiya Faara sə. Təna nda wal kwaman kyarha hur nafiya hai na a thlar nafiya na chahal na hu chehweed Yahudaya. **5** Kaldə 'ya kya nəm shiteena atənggən, katərang ngganda 'wa fər alten ndan a Chinəm, tərgha a fər alten ndanda a kan kəla na mid Faara a əna nda. **6** Kəla nan hai kee hwan dan Titus kəla 'wanən katərang hai, a dəgha mbeedə ngwalənggən əna tar nggayiddi ahur nun. **7** Tsaunən nuwun a əna 'ya ngga kiya hu fərəkəkafek, hu labəara, hu sənda, tə njiteena, tə nggəmdə nun a kan, kəl a dūn mbeedə tə əna tar nggayiddi ya kəm. **8** Mbiyi a ndaarha tsaudə tətə a ənaghənun wa, amma nana minna sə a kəkərang nggi kəkəfekkid nggəmdə nun ni, tə kəkərang nda djiten fīngya. **9** Kəsər səndun nggayid Chinəm Yeeso Kərəsti, ko nanən tə kənani, tsaudə tə yamirha kəsər ka kun, kəsər hu yamidghən, ndənun a tsaurha tə kəna ha. **10** Kulo 'ya niya ndang nda kun ya. A kwasarha, kun 'wagha fəra, nggər wun tsaurha nafiya 'wagha djiteena tə ənaghən. **11** Nanənya ngwalaman tardi katərang nun hai. Djiteena kyad nun a katəradghən a məməlgha tə fərrənun. Fərama 'ya kamngga tə wallə nun ha. **12** Kəsər anadə tə nggəmda hur nun, na nda a thlə fərrədi, hu 'ya nana niifa

təghən ha, mbə hu 'ya kəm mbuwa na niifa təghən ha wa. **13** Mbə niyi a ndaarha a dāng ngganda fīngya sə kun a kətəlla fa wa, amma ka a nagha 'ya məməl, **14** nanənya ana 'yasə a harnun kəl thlar fīngya yina nun tə 'ya na mid ndan. Təna nda thlar kun hu wallə ndan ha tə 'ya na mid nun a fara səmən kəm, a mbədiya komani məməldə, **15** kəla nanən chichireethlee hai tə ndaarha, “Yandi wumangga hai hangga, wumang ngwa hai kalgha 'ya na midghən wa, yandi wumangga hai ngguchit kəm, kədeng ngwa 'ya na midghən wa.” **16** Usadi Faara, kəsər ka nggayidghən tsawang nən hur Titus məməl kəla na mid na ənaarha a kun. **17** Mbə nggəm nən fa tə hwandə nan kee wa, amma tərna midghən dərha thləmad nun də tafadghən. **18** Kəlama hai ya thlənang dan shad nan də a samadghən, falna nafiya kən hwan Faara heu ka targhən yi pər Labar Faara nən a ənaarha. **19** Wurna fiya ndən na ahu kən hwan Faara nagha a takkwa kan ahu əna tar nggayiddi nanan a ənaarha kəsər ka manang nda thləm Chinəm, tə kyad djiten nan yi thlaara. **20** Naghan a dā 'yaara hai, tə kwamandi nan a ənaarha tə fərrədi. **21** Kəsər na minnan sə a əna 'ya nan məməl mbə a mbed Chinəm kee wa amma a mbed fiya kəm. **22** Naghan kəm a thlənang tahad shad nan də a samad nafini səri ya. Saara hangga kan a kəkərang targhən, na taara a kukwasang fa tə kəm na kəkafek sə a fadghən. Nəghən a kukwasang fa kaan a dəgha thləmad nun də ka a thlar kun nən, kəsər ka nən fa mbəsa nən tə kun. **23** Titus kəm, pashid tərna ni ahur nun, kəla fīngya shayi nan, thlən nanda kanda hu kəngya hwan Faara də, yi manang nda Kərəsti. **24** Tsaunən kee, kyadəama tur nggəmdə di nanun təghən ha a nafini ya a kəngya hwan Faara heu, tə ndaarha kəm taala nan a ənaarha a tennun kəkafek ni.

9 Mbə kəl chirethleng ni kun də aten thlaara a nafiya Faara na chahal a Urshalima wa, **2** səndisə nəghən a kukwasang kun fa a furun. Niyi a taala atənggən a nafiya na a chehweed Makidoniya. Niyi a ndaarha, “Nafiya Faara na a chehweed Akaya ngwanda fa ka a kwasarha a fər yi ndan thlaara nda.” Tur djiten di nanun təghən ya thləng də fīngya sə hangga. **3** Amma niya thlənang shayina də ya, kəsər nadə tallə nan aten nun tsaurha mere, tənun tsaurha nggungwa fa, kəla ndani aten nun. **4** Kəsər a ɓad

nafiya Makidoniya ba a samadna, bagha wal kun ngwa wun fa wa, na shilee a kəsang kan, sakwata kun, kəsər ka nggəm nan fa tē kun. 5 Tsaunən kee, niyi a numarha kamdā a hwan shayina nan ya a weng tala nda kun kapa na sayiddi barhaḃa, ka a ngwalang ngganda ngwarha fa aten fəra tē hura tsahai dāf nun mee kaman nggən. A tsauka fərrədi tē hura tsahai mbə tē ngyabrha wa. 6 Dalama teena hai tē laḃardiya, “Amma kala niifa həfgha ngguchit nən hathla ngguchit, amma kala niifa həfgha hangga, nən hathlang hai hangga.” 7 Kowunni ahur nun fərgħa kəla tərna hurghən, mbə tē ndaarha a səndi kee wa nduwa tē ngyabrha wa, kəsər Faara na midghən tē fəra tē wutsəfayirha. 8 Na Faara a fərang parka kun hangga kalgha 'ya na mid nun, kəsər kətsar a wal kala əngya nun hangga na mid nun ənaarha hu əna taara na ngga. 9 Kəla nanən chichirethlee hai hu Deleewar Faara, “Hu fəra na harghən tsahai, fərang dē fa yamiya tē haara tsahai, nggayidghən mbə tam ngwalarha wa.” (aiḃn g165) 10 Faara ndəna a fər wiirha a tē həfrha, ndəghən ni na a fər ənnarhami ka a həḃəm, nəghən kee kəm nən a fərang kun nggərgħən chik wallu nun ha, halth nggayirha nun hangga. 11 Kətsar na Faara fərang kəna kun hu kwamangya hangga, tənun fəra tē haara tsahai kala sayi. Nanən kee fiya hangga na nda a usa Faara hu fəra nun a thlərang kanda dē a harnan. 12 Tardi nun a ənaarha ya, mbə ka a danggən nafiya Faara sē na chahal katen ndan wa, amma na fiya hangga a chik usarha a Faara. 13 Tar nggayiddi kyanun ya, kyad nən fərkəkafekkid nun ni, na fingya a manang thləm Faara kəsər nggəm dūn fa tē laḃar Kərəsti, kəmda kəsər ka fərrənun haara tsahai ərang nun kanda tē fingya. 14 Kanda kəm nanda a hwanang Faara kun sē, na nda naarha dāl kun teena kəsər ka nggayid Faara kalgha mbərha mu kyadang nən kun. 15 Taama usa Faara nəm kəsər ka nggayid fərrəghən kalgha mbərha mu!

10 Nggi Mbulus tafadna niya hwan kun tē sammayirha tē hakkilo tur yi Kərəsti, nggi na nda aarha, “Bayirha” a nadi a thləmad nun, amma, “tē ndeethla” a mbi a thləmad nun wa. 2 Niya hwan kun a nggehe dūn hu ngyangthlanggirha hai a ḃa dī ḃa wa, kəsər səndisə niya naarha ngyangthlang aten nafini na a numarha tē ndaarha əndi nan a ənaarha ya

yi kəshiirha ni. 3 Ko nanən nəghəm hu kəshiirha, mban a yanda kəla na kəshiirha ənaarha wa. 4 Kəsər karid yanda nanan təghən ha, mbə karid yanda kəshiirha ni wa, yi səsəmda Faara ni, na changgəlang mbəya hai na kəkanglang tē ngaala yi nggaḃarha. 5 Kan nan changgəlang kala 'ya hai na 'yadā sənda Faara, nan wudang kala tur yanggi huteena ḃa nagħa a əna taara tē 'ya ndaana Kərəsti. 6 Nagħan nggungwa fa kəm a tsətsəl kowunni nan kargħa əna taara fa tē 'ya ndaana Kərəsti, a hərəm dūn lədagħ 'ya ndaana Kərəsti. 7 Nuwun a kəlang əndi na yid nun a naarha kee. A nggəm niifa fa tē ndaarha ndəghən nggi yi Kərəsti ni, ngwa ngərgħa numarha ngga, kəla nanən yi Kərəsti ni, kan kəm nan kee. 8 Nanən kee, ko ənani taala aten səsəmggid dī fərang na Chinəm kan ka a dang nggan kun sē, mbə waleng nggan kun dē wa, mbə shilee a kəseerha wa. 9 Mbə minnasə a nzmnggənun tē ndaarha nana minna sē a tərmannggi kun tē deleewar yina wa. 10 Kəsər ndagħa fingya, “Deleewar yighən na nda haagħan tē shembe kaan, amma a kəma dūn hai yirha tē yirha mbə həhasasə sē a fadghən wa, tē kəm mbə 'ya sē hu laḃargħən wa.” 11 Tur nafiniya kamdā a səna nda sē tē ndaarha 'ya nanan a thləkrha hu deleewar nan a sayiddi mbuwa nan a thləmad ndan, ndəghən dani nan a thləkrha a sayiddi nanan a thləmad ndan. 12 Kəsər kan billa wan na a məməlang nggan fad nan tē fingya na mindan puwang fad ndan mbeedə wa. Amma tur fingya na kəkərang fad ndan tē ndan, tē kəm məməlang ngganda fad ndan tē ndan, mba nda ndəndəl wa. 13 Amma kan mban taala kal mbəra nən mu wa, kəl nan taala tē taara kyadang na Faara kan a pəpal, wumngga heu tē kun kəm 14 Mban dərha dē inggun hu taala wa, kəla 'wa wan weng tala kun wa, kəsər kan 'wagħa dərha thləmad nun dē tē Laḃaara na Mbənggən yi Kərəsti. 15 Mban taala kalgha mbərha mu ahu taara ənana fingya wa. Amma nan a shiteena nana fərkəkafekkid nun aten chikrha, na tar nan a chik dərha mbeedə a pathlang nun kəm, 16 tənən mbang pər laḃar Faara hu chehweeya na inggun ma kun. Kəsər mban taala aten taara 'wana nda ənaarha a mbəd tar niifa wa. 17 Amma, “Kala niifa na a taala, tətə ni a talgha tē Chinəm.” 18 Kəsər mbə niifa na a fal fadghən ndən na nda nggəm fa təghən wa, kəl yandi fal na Chinəm.

11 Niyi a shiteena tē ndaarha kērsaama tē nuryid na. Kērsaama tē nggi! **2** Niya sērārha aten nun kēla na Faara sērārha. Nuwun kēla wuronga dēf ni miina nun a kakh chimarha tal, ndēna Kērēsti. **3** Amma niyi a tērēmnda, nēn dē naarha kēla kyadāng na huthne ndēndalyid nggābarha Hauwawu, nadē numad nun sakhdāng kun malanggun kākafekkid 'ya na chahal ndaana a Kērēsti. **4** Kēsēr nun yakh thlē nafiya fa pēpa na bāng labār Yeeso kun bā pak ma yandi Yeeso pērāng nan kun, nduwa thlē sēsēna nun pak ma sēsēn di thlēnun, nduwa Labaara na Mbēnggēn ma yandi 'wa nun thlēra a har nan. **5** Mbiyi a numad ndaarha nafini nun aarha “Mamngya fathlēngya Yeeso” kal nda nggi wa. **6** Ko nanēn tsahe wanda kwaman ndikrha ha wa, niyi tē sēnda. Kyadāng dān ēndi kun 'yahu kwamangya hangga. **7** Pērāng di Labār Faara kun na Mbēnggēn tēka. Manang ngwi tenna wa, kēsēr ka a manang ngganda kun. ēnadi dimi wa? **8** Nani a ēna taara tē kun, na fīngya kēn hwan Faara dēesē, nēn naarha kēla niya fasa kanda ka a ēnang taara ni kun tēka. **9** A sayiddi nani a thlēmad nun billayi kun a dēewun sē ēna minna wudābēla wa. Fa takkwaya bāgha bā a Makidoniya fēreenda 'ya na minna. Tsauki billarha a kun kaar wa, tēkēm mbi tam tsaurha billarha a kun wa. **10** Kēla nana kākafekkid Kērēsti ahur na, mbē niifasē hu chehweed Akaya heu na mbang ndeerha a malang nggi taala wa. **11** Kama nda niya ndaarha kee? Nggēmngwa ni kun wa? Sēn Faara sē nggēmdi kun. **12** Niya dērha mbēdē tē ēna 'ya ni yakh ēnaarha. Tēni 'yadāng kwamana nafina fa na a ndaarha na nda mēmēl tē kan hu ēnggini na nda a taala atēnggēn. **13** Nafiniya fa nggābaya fathlēngya Yeeso ni, na nda a nggābā fiya hai hu tar ndan, tērgħa nda fad ndan kēla fathlēngya Kērēsti. **14** Ma wulang teena kun wa, kēsēr ko sheetan ni tē altēnggēn tērdē fadghēn kēla tēthlēnda kukwariyirha ni. **15** Kēsēr kakee, mbē ānwulteena ni wa, a tēr mafayighēn fad ndan hai kēla mafaya nggayirha. A mii ngwaladghēn na nda a wal kēnaghēn mēmēl tē 'ya ēnana nda. **16** Niya nggēr thlēkēn, a tēr niifa nggi nura ni wa. Amma a tērdūn nggi kee, kēl thlē nggi nun fa kēla nun thlē nura fa, kēsēr tēni taala ngguchit. **17** Ahu taala niya ēnaarha, mbiyi a kaala sē kēla na Chinēm ēnaarha wa, a meyēdghēn niyi a ndikrha fa kēla yi nuriyirha. **18** Tsaunēn fiya hangga a taala tur yi thlu farha, nggi kēm niya ēnaarha kee. **19** Kēsēr kun nuwun ndēndēl kaan, amma kun a tsaurhahu wutsēfayirha tē nurya. **20** Kākafek, kun a mbang tsaurha tē niifa kyangga kun hu tar mafayirha hai, nduwa huk kun nēn, nduwa tsēgha hasē tē kun, nduwa tērānggēn tēnggēn sē, nduwa mbi kun nēn hu kēmēegha. **21** Na shilee kēseerha a nadadi kēdi dān ma ēna ēnggina nan ya, ana niifasē na a taala aten 'ya nggi kēm ni ēnaarha kee, niyi a ndikrha fa kēla nura. **22** Nafiya Ibraniyaya ni kanda wa? Nggi kēm niyi kee. Nafiya Isērelaya ni kanda wa? Nggi kēm niyi kee. Turya Ibrahim ni kanda wa? Nggi kēm niyi kee. **23** Mafaya Kērēsti ni kanda wa? Niyi a ndikrha fa kēla tēpabirha, amma kaldi kanda tsaurha ka mafarha. Kaldi kanda ēna taara kaan, kēnenda hu pōrsēna saara hangga, saadi dēkrha fa tē wutēterha, tē kēm kēsar takhdi a mēra saara hangga. **24** Sara tuf tsadā na Yahudaya nggi tē wutēterha kumnggit mahan kap wutarihe. **25** Sara mahan kanda a dēk nggi tē sēsāala, sara tal kanda a mbēmba nggi tē ferya. Sara mahan nggirggi aama timda hai, nggi ahurghēn. 'Wadi mēnda pari hu wuri aama. **26** Kēsar nggi hu wiirha, sēsāadi tē aam afa afa tē kēm a haar fa fasa faaya, sēsāadi a har nafina Yahudaya tē nafiya mbuwa Yahudaya, sēsāadi hu wupēriya, sēsāadi a kaheerha, sēsāadi hu wuri aama, sēsāadi a har nafiya ndagħa fēr nda kākafek ashe fa fēr kākafekkya fa nggābaya ni. **27** Kētēl di fa kaan, kulo yamid shibēna saara hangga. Saadi miirha fa tē hushimnda, saara hangga ni naarha kula ēnnarhami. Kēsē mbiirha saara hangga tē yamid ēn kaala fa. **28** Ma fīngya yini ya, kala parra fara ni billarha tē laf fa takkwaya hu kēn hwan Faara heu. **29** Wunni mbuwa tē shembe, tēkkwa ni yamid shēmbēdghēn fa? Wunni kyagħa hu dimiyirha hai billawa nggi fa? **30** A ēna di taala, niyi a taala aten fīngya ēngya kyadgha yamid shēmbēd na. **31** Faara chin Chinēm Yeeso Kērēsti, tsauna faala ka manggēn pakwandē, sēndasē mbē nggābarha niya thlēkrha wa. (aiōn g165) **32** A Ndimaska ngwamna di na a kamu kutēra Aretis, dēf dē nafiya a kwakirēm wupēri Ndimaska kēsēr a kēseegħa nda, **33** amma dēfēegħa nda hu kutasa hai fēr nggi nda hai tē kwad halth maana yi Ndimaska hēryi ma ndēghēn.

12 Tsawee dafa tōta a di mbeedā tē ʾana taala. 'ya nani tēghān ha heu tē altenna ka a danggi kun sē. A nggēmđi kun kaan, nun thlahang nggēmndā dā hadā wa? **16** Nun a nggēm fa tē nggi, tē ndaarha tsaukwi haghān a kun wa. Amma na niifa ndaarha ʾanang ni thlērbuyirha kun, wal yi kun tē kwaman nggaabarha. **17** A hur nafini thlēnang ni kun dē na yandā sē hukka kun wa? **18** Hwandī Titus a dēgha thlēman nun dē, thlēndī wanma nēm dē a samadghān. Nduwa huk na Titus kun wa? Mbē Sāsēna tal na a laf kēm wa? Mbē kwamana tal nēm a takkwarha wa? **19** Nuwun a numad ndaarha nan a thlang fad nan sē a har nun wa? Awo, naghan a ndikrha kēla na mid Kērēsti ndiyim a mbed Faara. Shayina nggēm ni, kala 'ya nēm a ʾanaarha, nan a ʾanaghān ka a danggēn kun sē. **20** Kēsēr niyi a tērēmnda, a badiḡa, mbi ḡa wal kun kēla na minna wa, kun kēm mbun ḡa wal nggi kēla na mid nun wa. Niyi a tērēmnda asēmha nagha yanda sē, tē sērākḡa, tē hufriha hura kaan, tē nggēm alteena, tē sēb thlēma, tē kiki ndan, tē manang alteena, tē kakyathlanga. **21** Niya tērēmnda a nggār di wutta thlēmad nun dē, na Faar na a tse ngguchit a mbed nun, tē kēm sēbgha hurna dē kēsēr ka fingya ʾanagha dimiyirha kaar, malang ngwanda dimiyid ndan wa, ʾen tsanda, tē ʾana kulafayirha, tē ʾen shilee kyana nda sahai.

13 Yandīya ndēna wii tal na yi mahan a thlēmad nun dē. Kēla ndaana deleevar Faara, “Tōta ni a kyagha 'ya ḡa a mii shedawayā sēri nduwa mahan.” **2** Hu wii tal na yi sēri 'wadi teena kēsdi thlēmad nafini ʾanagha dimiyirha tē fingya heu a malangganda ʾana dimiyirha. Nanənya mbuwani a thlēmad nun, niya nggār kēs thlēmad nun, kēsēr a badiḡa mbē niifa sē hārēkrha ma tsētēlla wa. **3** Na minnun sē a kyadāng ndaarha ni kun na Kērēsti a ndikrha tē nggi. Mbē kēdēng nēn shembe hu ʾen ʾanadghān a fad nun wa, amma nēghān tē sēsēmnda fa ahur nun. **4** Ko tawang na nda dē hu yamid shembe aten kadiirha, amma tē sēsēmnda Faara ni nanən tē yibrha fa. Ko nanən mbēm tē shembe ahurghān wa, amma tē sēsēmnda Faara nēm a tsaurha tēghān ahu taara nan a ʾanaarha a kun. **5** Kēkəraman fad nun ko nuwun a takkwa Yeeso Kērēsti tē kəkafek, nama naarha kəkərang nda fad nun. Sēnggun sē tē ndaarha na Yeeso Kērēsti ahur nun wa? Amma a mbē Kērēsti ahur nun wa, tsaudē fēldun hai hu kəkərrēdi. **6**

12 Ko nanən mbē a deesē wa, niya ndikrha aten ʾangya kedēe na Chinēm kēla sēsēniirha tē ʾangya na ḡēē. **2** Sēndī niifa hu Kērēsti huraya kumkap fadā mbērgḡa dē tērang nanda talara dē yi mahan. Ko hu farha ko mbē hu farha wa, mbi sēnda wa, kēl Faara ndən sēngga ndən. **3** Kēla ndaani, sēndī niifdiya, ko hu farha ni, ko mbē hu farha wa, mbi sēnda wa, amma Faara ndən sēngga ndən, **4** kula sēndāghēsē tērangga Faara a mbērha dē na ngga a talara. Sēkdē ʾangya mbuwa nēn mbang thlēkrha, tur ʾangginī mbuwa na niifa mbang kalasē atēnggēn. **5** Ni taala aten niifdiya, amma mbi taala a altenna wa, kēl aten yamid shēmbēd na. **6** Kēsēr ko nana mid na taala, mbi tsaurha nura wa, kēsēr kəkafek ndən niya thlēkrha. Amma mbiya ndikrha kaan atēnggēn wa, kēsēr mbē minna sē a falgha niifa nggi ma 'ya nanən hu tsawud na wa, nduwa sēk nēn ahu laḡar na wa. **7** Kēsēr ni dē taala tē ʾnwtlēngginī kedēe na nda, thlēnən nda ndaha ḡa hu thlu fadna, tēthlēnda Sheetan ni thlēnna nda ḡa ka ḡagha sēsēerha tē kēm 'yadē taala nēn fa. **8** Katēra mahan nggi a hwan Faara ka a ndāgheghān hai tēghān. **9** Amma nggēreghān sē, “Nggayid na tsuwodē, sēsēmnggit na nēghān manggēn hu yamid shēmbē.” Tsaunən kee, niya nggār taala kaan tē wutsēfayirha aten yamid shēmbēd na, tēna sēsēmnggit Kērēsti tsaurha a tenna. **10** Tsaunən kee, nggēmđi fa tē yamid shēmbēd na, tē 'yaara, hu kētēlla fa, hu sēsāarha, hu ḡillarha kēsēr ka Kērēsti. A sayiddī mbuwa ni tē shēmbē, hu sayiddī ni, ni naarha tē shēmbē. **11** ʾnadī nuryirha, amma kunni keegha sahai. Kunni kēm kamngga a fal nggi nun. Ko nanən mbiyi a mii 'ya wa, tsauka tē ndaarha mamngya fa takkwaya Yeeso na yinun kal nda nggi wa. **12** Tsaunən kee, ʾnadī ʾnwtlēnggya hangga ahur nun, kērēs ni hu ʾana tar na. ʾnwtlēngginī ya pēr ndan tē ndaarha nggi tēthlēnda Yeeso ni yi kəkafek. **13** Hu yanggi kwamanggi ni kyadgha ndaarha mbuwun tal tē fingya kēn hwan Faara? Kēsēr ka karang ni kun fa a thlar ḡun nggi tē wudēḡēla wa? Nanən kee, chehema dimid dādē ya! **14** Nanənya, ngwadi fa na weng tala ni kun yi mahan. Mbiya kētēlang kun wa, kēsēr kun ndēna minna, mbē wudēḡēl nun wa. Kamngwa wundakhnaya tēr rēfēd chingginan nda wa, amma chingya ndēna tēr rēfēd wangginan. **15** Nanən kee, ni tēk mbēnda fa a ḡēlang di

Niyi a shiteena nun a sēndasə fəlwum hai hu kəkərđi wa. 7 Amma naghan a hwan Faara nun də ʔna 'ya mbuwa ngga. Mbə ka a naghə fiya ndən tsauka kəla pedna fad nan hu kəkərrəđi wa, amma a sənunə ʔnadun ʔndi kamngga, ko nanən asəmha nəghəm a naghən fəldəm hai. 8 Kəsər mbə 'yasə nəm ʔnang nda kəkəfek fa wa, amma kəl a kəkəfek kee. 9 Nan naarha tə wutsəfayirha fa a mban tə shembe fa wa, amma kun nuwun tə shembe fa. Naghan a hwan Faara a tsawun lələgdə kəla nanun kaar. 10 Ndəghən dani niya chireethleng ʔnggini kun hai ya nggi kula naarha a thləmad nun, kəsər a bədibə, nən bə tsawee fa ne ngyangthlang a kun ni tə səsəməndəđi fəree na Faara a fərang kaali ni kun, mbə a weleng nggi kun də wa. 11 A mii ngwaladghən shayina, kəl fara səmən. Djitima tsawun lələgdə kəla nanun kaar. Səghama hwandəna. A tsauka numan nun tal tə ndan, tsawama dədəm tə ndan, hu tsaurha kiya Faara na tə nggəmənda tə dədəmnggirha nən tsaurha tə kun. 12 Ndaman 'ya ndan fa tə fəbrha yi nggəmənda na chahal. 13 Nafiya Faara na chahal heu a ndang'ya kun fa. 14 Ngwa tsauka nggayid Chinəm Yeeso Kərəsti, tə nggəmənda Faara, tə wumten tsawud dədəmnggit Səsəna Tə pedənda tsauka tə kun heu.

Nggalatiyaya

1 Kyagha deleewar daḃa ya a har Mbulus, tæthlænda Yeeso Kæræsti, mbæ nafiya nduwa niifa aagha nggi wa, amma Yeeso Kæræsti tæ Faara na Chindi, thlengga Yeeso sæ ahu mærra. **2** Shayina na heu na a thlæmanna kanda a ndang 'ya fatakkwaya kængya hwan Faara fa na a Nggalatiya. **3** A tsauka nggayirha tæ dædemnggirha yi Faara na Chindi tæ Chinæm Yeeso Kæræsti tæ kun. **4** Ndæghænni færgħa yibædghæn ka dimiyid næm a hærghanggæn kæm ahu kæshiid mbælfeddi nanæm sæ ya, kæla sakħna Faara na Chindi. (aiōn g165) **5** Færaman mamnggirha Faara pakwandæ. Atsaukake. (aiōn g165) **6** Kæs ænwulteena nggi. A hu bængya ngguchit na minnun sæ a malanggun Faara wurgha kun tæ nggayid Kæræsti kækær. Tærgħa minnun kyaharra hu weerinda “Laḃara dæ na Mbænggæn” pak. **7** Amma kækafek mbæ “Laḃara sæ na Mbænggæn” pak wa, amma na nafiya sæ na a tsang teena kun na mindan sæ a mbedeng ngganda kækafekkid Laḃara hai na Mbænggæn yi Kæræsti. **8** Amma ko kæmni, nduwa tæthlænda Faara a talara hai, a pærang laḃar Faara kun pak ma yandiya, na Faara a shiawang nda. **9** Kæla 'wa nan teena pær dæn ndæn kætæm, niya nggær pæranggæn kun, a pærang niifa laḃara kun pak ma yandi pærang nan kun ya, na Faara a shiawang nda. **10** Nana minnasæ a thlægha fiya nggi fa wa, nduwa Faara wa? Nduwa tamnggun ndaarha nana minna sæ a thlæk 'ya ni na a mbænanggæn fiya wa? Awo, andam niyi a thlæk 'ya na a mbænanggæn fiya kee, kam tsauki mafad Kæræsti wa. **11** Shayina, na minna sæ a sæunsæ, laḃardi na Mbænggæn pær ni kyawa ḃa a mii niifa wa. **12** Mbæ a har niifa thlæni laḃardiya wa, tæ kæm mbæ niifa ni tsahegha ndæn ha wa, Yeeso Kæræsti tæ altenggæn kedeegha ndæn. **13** Sæk dūn tur tsawud na kaar tam ni a takkwa Yahudaya, sæsang ni fatakkwaya Faara, har na minna sæ na a ḃælanggi kanda. **14** Sændunsæ kal di fīngya shayina tsænæn sæ hu takkwa Yahudaya aten særæk æntin chichiya næm. **15** Amma Faara tæ nggæm ndæghæn wurghæn nggi kapa na nda nggæt nggi, aah dæ nggi hu nggayidghæn, tækdæ mbænda fa **16** kedæe Wanggæn tæni pær laḃara atenggæn a pathlang nafiya mbuwa Yahudaya. Katæra næn hai kee, tsahanggi mee niifa wa. **17** Dæwi Urshalima dæ a thlæmad fathlængya dæ

'wagħa ma nggi wa, amma kæs kwamana ni a chehweed Arabiya dæ, tsæḃaku wudī a wupæri Ndīmaska ḃa. **18** A kwasamad huraya mahan ndæn dæni a Urshalima dæ, di na Mbiturus. Tsawi tæghæn yi bængya kumkap tuf. **19** Nawi fīngya fathlængya wa kæl Yakubu wanman Chinæm. **20** Ændi chireelth ni kækafek ni, mbiyi a nggaḃarha wa, a mbed Faara thlækni ndæn. **21** A kwasamadghæn wii ahu Chehweed Suriya dæ tæ Kelikiya. **22** A sayiddi fatakkwaya Yeeso na ahur Kæn hwan Faara na a Yahudiya, sængwanda nggi tafan ndan wa. **23** Sæk fiya ndaarha, “Niifda ni tamngga sæsang kæm ya ndæghænni na a thlæk laḃar farkækafek na midghæn ḃælæng nda kaar.” **24** Fal nda Faara kæsær ka nggi.

2 A kwasamad huraya kumkap fadæ nggæryi wutta a Urshelima dæ. Nggi tæ Mbarnaḃa wudgha dæ, tahang nggan Titus hadæ kæm. **2** Dæghī mbædadæ kæsær Faara ndæn kedeegha ndæn ahu sæsæna 'ya na midghæn a æne. Sæl ni a mbæda dæ tsawan hai tæ shīngya Kæn Faara ḃæḃee. Thlæghang Laḃar dani kanda na Mbænggæn yandi pærang ni fīngya mbuwa Yahudaya. Na minna sæ a sænīsæ nadæ pæpæla dæn na tsaurha mere. **3** Pashid wiid na Titus, ko nanæn tæ Helenarha ni, mbæ niifa sæ ndangga tætani a thleng muwa nda wa. **4** Thliigha laḃar dæ sæ ya kæsær ka fīngya shayinæm fa nggaḃaya kyagħa ḃa ḃæḃee. Kyana nda ḃa ka sæḃang ngganda wal alteena dæ nanæn tæghæn ahu Yeeso Kæræsti, na mindan sæ a tsawang ngganda kæm mafaya. **5** Amma nggæmang ngwan kanda fa ko ngguchit wa, kæsær na minnan sæ a kæs kækafekkid laḃar dæ nan ha na mbænggæn ya ka kun. **6** Amma fīngya kamngga a na nda mamngya, mbæ 'yasæ djidægha tæ wunni kanda wa. Mbæ Faara a tattaha wa. A hur mamnggini mbæ 'yasæ chik nanda aten laḃar na wa. **7** A meyedghæn, tær nda ndaarha færena Faara taara na a pærang laḃar dæ ni na mbænggæn ya a fīngya mbuwa Yahudaya, kæla færang næn taara Mbiturus a pær laḃara næn na mbænggæn a Yahudaya. **8** Kæsær Faar dani ænagħa taara ahur Mbiturus kæsær a tsauka tæ thlænda Yeeso a Yahudaya, ndæghæn ænagħa taara kæm ahur na a tsawi tæthlænda Yeeso a nafiya mbuwa Yahudaya. **9** Nda Siman Mbiturus, tæ Yakubu, tæ Yahaya kandani sænna nda færang nanda mamnggid fatakkwaya kanda, thlæ kanda fa kan tæ Mbarnaḃa tæ hura tætal. Nggæm dæn fa a dæn

thlæghang labara Faara fyinga mbuwa Yahudaya, kanda kəm dānda a thlēmā Yahudaya dā. 10 Ndangga nda kan a nan naarha dāl fa yamiya in kee, nggi kəm əndā ni na mina a әнеe ya ka kətəm. 11 Bana Mbiturus a Antakiya 6a, tərgha yanang di hu yidghən sə, kəsər ka 'ya әнеanən mbuwa ngga. 12 Kapa na fyinga yini thlənna Yakubu kanda səla 6a, na Mbiturus yakh həb әнеnarhami tə fyinga mbuwa Yahudaya fərgha kəkafek. Amma a kwasamaddi səlna nafina 6a, tərgha kyanggən fadghən mu nggərwa həb әнеnarhami tə fyinga yini mbuwa Yahudaya wa, kəsər nəghən a tərəm nafiyyini na mindansə a thleng muwa nda nafiya mbuwa Yahudaya. 13 Nanən kee, fyinga Yahudaya na Kərəstaya takkwanda thlərbuyid Mbiturus, tsang teena nda Mbarna6a kyangganda hu thlərbuyid ndan hai. 14 Amma kəla ni hai mba nda a takkwa kəkafekkid labar Faara wa, ndanggi Mbiturus a mbed ndan heu, “Tsəunən tə Yahudarha ni sa, malangga takkwa ngyakhkya Yahudaya tsawana kəla nafiya mbuwa Yahudaya. Kama kəm na a kyang nafiya mbuwa Yahudaya ahu әнеtin Yahudaya hai?” 15 “Kəm kyab Yahudaya nggətgha kəm, mbə fa dimiya kəla nafiya mbuwa Yahudaya wa. 16 Təkee, səndəm sə mbə niifa narha chahal a mbed Faara ka nanən a takkwa deleewar ngyakhrha Musa wa, amma kəl fərkəkafek a Yeeso Kərəsti. Nanən kee, kəm kəmdā fər dām kəkafek a Yeeso Kərəsti nəm a naarha chahal hu Kərəsti mbə takkwa ngyakhrha wa, kəsər a nadəm a әне taara tə ngyakhrha mbə niifa sə na naarha chahal a mbed Faara wa. 17 Ana min nəm sə tsawum chahal a mbed Faara hu fərkəkafek tə Kərəsti, 6a nda wal kəm tə dimiyirha kəsər ka malang nəm takkwa ngyakhrha. Kyad nən ndarha kyang na Kərəsti kəm hu dimiyirha wa? Awo, ko ngguchit.” 18 “A nadi a nggər tənang nda әнеya chang ni hai kaar, tsaudi tə dimiyirha. 19 Kəsər ka tsahad ngyakhrha Musa tsaudi məmərə aten ngyahaddi, malang di әне taara tə 'ya na midghən təni tsaurha yi Faara. 20 Tawang nda suhurra fadna dā tə Kərəsti. Nanənya mbə nggini tə tsaurha wa, amma Kərəsti ni na tə tsaurha ahur na. Nanən kee, tsawuddi nani sə təghən yi farha yi kəshiddiya fər ni kəkafek tə Wan Faara, nggəmnngga nggi, fər nən altenggən ka nggi. 21 Kalwi kəshibū tə nggayid Faara fa wa, kəsər әне dām a wal nggayirha hu ngyakhrha, tsaudə mərgha Yeeso ka kee.”

3 Kun nurya Nggalatiyaya, wun mbəlfēegha kun? Kyadang di ndən kun a pəpal mərra Yeeso Kərəsti aten kadiirha. 2 Nanənya na minna sə a tsahang mee ni kun tətāl kee. Thlənun Səsən Faara ka labar ngyakhrha Musa wa, nduwa fər nun kəkafek ka labara sək nun aten Kərəsti wa? 3 Tur nuryid mani әне na nun ya? Katərang nggun tsawun nun hai hu Səsən Faara, amma kama na minnun sə ngwalang nda hu tar thlu farha? 4 Səsən nun aten әнеya hangga tsaudə ka kee wa? Kəkafek ni tsaudə ka kee wa? 5 Niya nggər tsahang mee kun ha, fərang na Faara səsən nggən kun, әне әнеwultengya nən ahur nun, kəsər ka nanun a takkwa ngyakhrha wa, nduwa kəsər ka fər nu kəkafek tə labara səknun aten Kərəsti wa? 6 Kəlaman Ibrahim, “Fərdə kəkafek tə Faara, ndən thlədang na Faara ahu tar nggayidghən hai.” 7 A sənunsə, nafiya fərgha kəkafek a Faara tsau nda wangya Ibrahim. 8 Labar Faara na chichirethlee hai ka kətəm kyaddə ndaarha fyinga mbuwa Yahudaya, na Faara thlə kanda fa kəsər ka fərkəkafekkid ndan. Ndən pərang na Faara labara Ibrahim na mbənggən tə ndarha, “Na fiya heu a wal parka hai a fadwa”. 9 Nanən kee, fyinga fərgha kəkafek tə Kərəsti na nda a wal parka heu nda Ibrahim, kəsər ka fərkəkafekkidghən. 10 Amma kala nafiya mbərsagha tə ngyakhrha shiwang nda kanda. Kəsər nəghən chichireethlee hai tə ndaarha, “Kala niifa әнеwa taara tə 'ya na ahu ngyakhrha Musa heu shiwang nda.” 11 Nanənya nəghən a pəpal tə ndarha mbə niifa wal nggayirha a nadə a takkwa ngyakhrha Musa wa, kəsər ndagha deleewar Faara, “Kala niifa natə nggayirha fa, nən a wal hərəkrha a fərdə kəkafek tə Faara.” 12 Kwaman fərkəkafek nəghən pak ma takkwa ngyakhrha, kəla ndanən, “Kala niifa әнеagha taara tə 'ya ndana ngyakhrha nən wal yibrha.” 13 Amma nanənya Kərəsti pəl dā kəm ama shiwid takkwa ngyakhrha, tərang dā dimiyid nəm dā, a kwasamaddi tawang na nda dā a ten kadiirha, kəsər nəghən chichirethlee hai tə ndaarha, “Kala niifa waghang nanda dā a urad dəfrha shiwang nda a mbed Faara.” 14 Ahu Kərəsti Yeeso ni, fərangna Faara parka a nafiya mbuwa Yahudaya tə tur parka fərang nən Ibrahim, kəm na fa fərkəkafekkya, hu kəkafek tənəm wal Səsəna tə Pedənda dəfna Faara miighən. 15 Shayina, niya fərang әнеsakhrha kun aten әнеya səsən nun sahai, әне nafiya sə səri kənanngga

'ya hai təkəm nggəm nda fa a tsauka kee, mbə niifa sə na mbedəng hai wa nduwa fahwanggən dā wa. 16 Faara dāf dā miighən tē Ibrahim a chichiyighən. Ndawa 'Deleewar Faara, "Chichiya wa," a fiya hangga, amma "Chichidwa," tal ni kee. Chichiddiya Kərəsti ni. 17 'Ya niya ndaarha, dāf Faara mee tē Ibrahim təkəm tsaudə kee. 'Bagha nda ba tē ngyahad Musa akwasamad huraya 430, mbə mbang mbedəng nda dāfimi dānana Faara kətəm wa. 18 Andam tsaudə əna taara nəm tē ngyahad Musa tənəm wal parkaya Faara, kam parka yini ya mbə barha thləmad nəm ba kəsər dāfmi Faara wa. Amma Ibrahim aten dāfmi Faara ni wal nən parka. 19 Ana dā kee, kən bāna nda ba tē tsahad ngyakhrha Musa? Chik na ndan tē tsahadda ha ya ka a kyad dimiyid fiya nən a pəpal. Bāna nda ba tēghən a kyat ndarha nən na nda a əna taara sə ta fardadə na chichiya Ibrahim a barhaḅa, nanən ndəghən ni dāfna nda miidi atənggən. Fathlōngya Faara ndən fərgha ngyahaddi ya, a har niifa hai na a pathlang nda niifa tē Faara. 20 Nanənya tē tsaurha a pathlang nəm nən thlaara ana fiya hangga a kənanang pathla hai. Amma Faara na tal ənawa taara tē tətsaurha a pathlanga, a sayiddi dāf nən mee a Ibrahim wa. 21 Na ngyakhrha əna təsaryirha tē dāfmi Faara wa? Awo, sam mbə kewa! Kəsər andam na ngyahaddi fər weerinda yibrha, kam nəm wal nggayirha hu ngyakhrha. 22 Amma ndagha deleewar Faara, kəshiirha heu na nda a kamu səsəmnda dimiyirha, nanən thlədəm dāfmi Faara yi hərəkrha hu fərəkəkafek tē Yeeso Kərəsti. 23 Amma kapa na sayid fərəkəkafek barhaḅa, ngyahaddi ya kənanang dā kəm kəla porsənaya, kəl sayiddi na fərəkəkafek a kyarhaḅa. 24 Nanən kee, ngyakhrha kəlagha kəm ha kapa na Kərəsti barhaḅa, ndəghən lafgha kəm tənəm tsaurha tē nggayirha a mbed Faara hu fərəkəkafek. 25 Nanənya bāna fərəkəkafek ba, mbə ngyakhrha ni a kəla kəm ha balwa. 26 Nanənya tsaudun ka wangya Faara kəsər ka fərəkəkafekkid nun hu Yeeso Kərəsti. 27 Kəsər kun heu ənang nanda mbaptisəma kun hu Yeeso Kərəsti tsaudə kaldun Yeeso Kərəsti fa. 28 Balwa aarha sə tē Yahudarha nduwa fīngya mbuwa Yahudaya wa, mafarha nduwa niifa mbuwa mafarha wa, həshnefa tē nuneefa wa. Nanənya kun heu nuwun tal hu Yeeso Kərəsti. 29 A tsaudun yi Kərəsti, tsaudun ka wangya Ibrahim. Nun a har langad əndi dāfna Faara miighən aten Ibrahim.

4 Niya a ndaarha, tē har langaarha a bəldə wundakhne, kalwa mafarha wa, ko nanən əngya heu na ahur wuri di yighən ni. 2 Nən narha ahar niifa kərang ngga sə ta far dādə dāfna chin miighən. 3 Nəghən kee kəm tē kəm kapa nəm sən kwaman Kərəsti, nəghəm kəla wundakhnaya, mafaya ni kəm hu səsəmngya səsən kəshiddiya. 4 Amma a sayiddi bāna fardā ba, tərgha thlənanggən wanggən ba nggətna nuneefa, nggətna nda kamu ngyakhrha Musa. 5 Ka a hərghanggən fīngya na a kamu ngyakhrha tənən tsang kəm wangya Faara. 6 Nanənya tsau nəm wanggighən, ndəghən ni thlənang na Faara Səsən wanggən ahur nəm hai. Səsən diya aaghən Faara, "Abba, Pəpa." 7 Nanən kee, bal wa mafarha ni sa wa, amma wan Faara. Tsaunən wee ni sa yi Faara, tsawod Faara tē har langadghən. 8 Kaar, səngwa nun Faara, nun naarha tərang shilee dahaya in təkəm tsawun mafaya a fīngya əngya mbuwa faarya. 9 Amma nanənya səndun Faara, nduwa ndam kəm sən Faara kun, kama nda nun nggər wutta ahu səsəmnda səsəngya kəshiirha dā mbuwa tē shembe? Kama nun nggər tsaurha mafaya a ndəghən fadən? 10 Nun kəs bəngya ha, tē ndəriya tē sayi tē huraya. 11 Niya a tərəmnda ka kun. Tsaudə səsanna mere ni sani fa ka kun. 12 Niya hwan kun shayina, tsawama kəla nggi, kəsər nggi tsaudi kəla kun, mbə 'yasə 'wanun əne fa mbuwa ngga wa. 13 Səndunsə sayiddi nana fadna bēe, ndən pərang ni labara kun na mbənggən a katəra bəd na ba. 14 Ko nanən beerha faddi kyana billa dā kun fa kaan, malee wun nduwa kar nggi nun fa wa. A meydghən thlədun nggi fa kəla təthlənda Faara a talara hai, nduwa Yeeso Kərəsti fa tafadghən. 15 Tək dūn mbənda fa kaan a fardi! Nanənya, ai wutsəfayiddi əna nun ka nggi? Səndisə a fardi anadə a ənaarha hai kam kədang dūn yi yi nun hai fəree kənun. 16 Tsaudi təsar nun kəsər thləghang ni kəkafek kun wa? 17 Nafiniya kəs nda kun ha ngga, amma mbə hu kwamana na ngga wa. Mbə mid ndan sə a wum teena nun tē nggi wa tənən naarha kala 'ya heu non naarha dərha thləman ndan dā. 18 Ana niifasə na midghən sə a ənang 'ya nən kun na ngga nəghən ngga; malaman kanda ənaghən nda kətsar, mbə kəl nani a thləmad nun wa. 19 Kun wanggina, katəra səri ni nanənya niya tək hatta nggətənun fa, tē kəm niya dərha mbeedə tē tur səsaddiya kəl ma tsau Kərəsti ahur nun. 20

Andam kwang niyi a thləmad nun nanənya, kam niya kyakhrang uradna hai. Kəkafek billadi kaan ka kun. **21** Pəremadghən, kun na minnun sə takkwa ngyakrha deleewar Musa, səkkun əndi ndana ngyahaddi wa? **22** Kəsər nəghən chichirethlee hai tə ndarha, wangya Ibrahim səri ni həshya, tal wee nggət na mafarha, tahadghən kəm wan nudi na tə altenggən. **23** Wan mafad nudi, nggətgha ndan kəla nanda nggət wundakhnaya. Amma tahad wandi na nggət na nudi na tə altenggən nggətgha ndan hu dəfəra mii Faara. **24** Nishyini kyab ya tsau nda ən sakhrha aten dəf mii Faara səri. Nuneefa yi tal, Hadjara, ndən tsauka wumnda Sənai thləna fiya ngyakhrha sə kyangga kanda hu mafayirha hai. **25** Nanənya Urshalima nəghən kəla wumnda Sənai ahu chehweed Arabiya, kəsər ndəghən tə wangghighən tsau nda mafaya hu ngyakhrha. **26** Amma tahad nudi, Saratu ndəna ameyed Urshalima na a talara, nəghən tə altenggən, təkəm manəm ni. **27** Kəsər nəghən chichirethlee hai tə ndarha, “Əno wutsəfayirha sa nuneefa na kwarenga mbuwa nggəta, tərang urad wa sə huhwana sa 'wa wagha tək hatta ngəta fa, kəsər wangya nudi malna chimadghən tsənda hangga, kal nda wangya nudi na chimadghən sə.” **28** Nanənya shayina, kun kəmda wangya dəfmee ni kəla Ishaku. **29** Kəla nanən kaar wandi nggət nanda yi thlu farha thləng də wanda fa nggət nanda tə səsəmda Səsən Faara. Ta weeribə ya nəghən kee. **30** Amma ndagha laḅar Faara kən? “Rəwu mafad nudiya tə wanggən, kəsər mbə wan mafad nudi har langaarha kyab tə wan nudi mbuwa mafarha wa.” **31** Nanən kee shayina, mbə wangya mafad nudi ni kəm wa, amma wangya nudi ni mbuwa mafarha.

5 Kəsər Yeeso Kərəsti ndən hərghangga kəm tənəm tək mbənda fa tə wal alten nəm. Nanən kee, ishama tə kanglanggirha hu fərkəkafek. A nggəm dūn fa nggər wun tsaurha mafayirha hu ngyakhrha Musa wa. **2** Kama thləmarha hai, nggi, Mbulus, niya ndang nda kun, a nggəmdūn fa thləng muwa nda kun wa, tsaudə mbə 'ya sə dāng na Kərəsti kun sə wa. **3** Niya nggər ndang nda kun, kala niifa nggəmgga fa thləng muwa nda, tsaudə tətə ni takkwa ngyahad Musa nən. **4** Kunna na minnun a wal hərəkhrha nun a mbed Faara non a takkwa ngyakhrha deleewar Musa, tsaudə kyang dūn alten nun sə hu takkwa Yeeso Kərəsti, nuwun inggun ma nggayid Faara. **5**

Amma kəm na hu Səsəna nəghən a kukwasang kəm fa ka a thlə nggayid Faara nəm tə fərkəkafek dəf nən miighən. **6** A nadəm a takkwa Yeeso Kərəsti nda thləng nanda muwa kəm nduwa thləngwa nda kəm wa mbə 'yasə ahurghən wa. 'Ya kamngga ndəna fərkəkafek tə nggəm ndan kee. **7** A katəradghən kun a dərha mbeedə kaan, wun 'yadāngga takkwa kəkafek kun fa? **8** Huwuddiya ḅawa ḅa a thləma Faara aagha kun wa. **9** Mekhna ngguchit nən safang nda mburodi. **10** Mbərsadi tə Chinəm ndən mbuwa nun sək mii niifa pak ma yina. Yandi na a billa kun ya na nda ngwang kumarha sə, ko ndəghənni wun. **11** Shayina, andam ḅal yi a pər laḅar Faara aten thlee muwa, kəla ndana fīngya niyi a ənaarha, kama ḅalna nda a səsəerha? Andam ḅalwi a pər laḅar hərəkhrha hu kadid Kərəsti wa kam tsaukwī ən kii saara a fīngya. **12** Niyi a ndaarha nafini na a billa kun ya a nggushi tsau nanda fīrya. **13** Shayina, aah nanda kun ka a wal alteena nun, amma a tsawang dūn wal alten di ya tsawun hu səsəmda dimiyirha wa. A meyedghən ngwa tsaukwa nggəmda ahur nun non a ənang taara ndan. **14** Kəsər ngyakhrha Deleewar Musa nəghən aten laḅara tal, ndəna, “Nggəmu tuladwa kəla alten wa.” **15** Amma ana dūn a kət ndan, kun a kii ndan. Kwarama, nun a ḅəlang nda ndan. **16** Nanən kee niya ndang nda kun ana Səsən Faara a laf kun, mbun əna tar thlu farha wa. **17** Kəsər 'ya na mid thlu farha mbə ndəna mid Səsən Faara wa, Səsən Faara kəm mbə midghən sə 'ya na mid thlu farha wa. Kanda kyab na nda a yanda tə ndan, nanən kee, mbun mbang əna 'ya na minnun wa. **18** Amma ana Səsən Faara ni a kəla kun ha, mbun nggər naarha a kamu ngyakhrha Musa wa. **19** Tar thlu farha nəghən a pəpal, ḅereukirha, tə kulafayirha, tə suna ən kəshiirha, **20** tə takkwa dāharha, tə thlərəfīrha, kar ndan fa, tə sərəkkirha, tə səbrha hura, tə nggəm alteena, tə ndəkhrha hai tə ndan. **21** Tə kəs ndan hur, tə sa mbaala, tə fīngya əngya, niya kəs thləman nun kəla 'wani ənang nda kun kaar, tə ndarha nafiya na a əna tur əngginiya mba nda wal kutəryid Faara wa. **22** Amma 'ya na Səsən Faara ənaarha ndəna, nggəmda, tə wutsəfayirha, tə tsau dədəmnggirha, tə kərəsta, tə hakkilo tə nggayirha, tə kəkafekkirha. **23** Tə sammayirha, tə kəs alteena, mbə ngyakhrha sə 'yadagha əngginiya wa. **24** Fīngya na yi Yeeso Kərəsti tawang nda ən thlu farha də tə ən

mbəlfeyya heu aten kadiirha. Balwanda nda a takkwa tur əngginiya wa. **25** A tsau dām yi Səsən Faara, tama wiim hai kəm tə Səsən di. **26** Ana dām a taala wa. Ana dām a səbāng hur ndan də wa. Ana dām a suna ən fiya wa.

6 Shayina, a nadun niifa kyadə hu tar dimiyirha hai, kun na tə Səsəna tə Pedənda wudaman hu kwamana ba na ngga. Amma ənamadghən tə sammayirha, kəsər nun də mukrha hu kəkərri hai kəmda. **2** Daman ndan sə, anadun a dāng sə ahu 'ya kiya lədāng nun ngyahad Kərəsti. **3** Ana niifa a numad ndaarha ka niifa manggən, amma mbə kewa, huk nən altenggən. **4** Kowunni kəkəranggən targhən, a nagha a taala a tafadghən, mbə kəl kəkərang nən altenggən tə shadghən wa. **5** Kəsər kowunni nən a tər rəfəd altenggən. **6** Kala niifa tsahang nanda labar Faara ha, nən ndəghang ənggighən hai na ngga tə niifdi tsahangga ha. **7** A ngga ba dūn altennun wa. Kəsər mba ndəndəlang nda Faara fa wa. Na niifa wumang ənnarhami ahu 'ya həf nən. **8** Kəsər yandi həfgha yi thlu farha, nən a dāng ahu mərri də. Amma a həf də yi Səsəna tə Pedənda nən a dāng ahu yibrha də mbuwa ngwalarha. (aiōnios g166) **9** Nanən kee, a təkda kəm tə əna əngya na ngga wa. Kəsər a təkwa kəm mal əngya nəm na ngga nanəm a ənaarha wa, na sayi bayi ba nəm halh yi parka. **10** Nanən kee, a wal dūm kwamana, tama dānggəm fiya sə heu, kəla shayinəm na hu Kərəsta. **11** KƏLAMAN TUR CHIREELTH 'DI NA MƏMANGGƏN NIYA CHIREETHLENG KUN DƏ TƏ HARNA **12** Nafiyini na a taala tə alten ndan, kanda ni na a ngyabāng thlee muwa kun fa na mindansə ana kanda nda ngga. Na nda a ənaarha kee kəsər na nda a tərəm səsaddi na nda a kyarha sahai kəsər ka kadid Yeeso. **13** Ko nafini thleng nanda muwa kanda, mba nda a takkwa 'ya ndaana ngyakhrha deleewar Musa wa. Na mindan sə a thleng muwa nda kun tənə nda narha taala tə ndaarha kanda kyangga kun hu thlee muwa hai. **14** Amma nggi kəm mbi tam taala tə alterna wa, kəl aten kadid Chinəm Yeeso Kərəsti. Kəsər sunanna heu tauda də aten kadiddi, Suna ən kəshiirha heu kəm mərda ahur na. **15** Mbə 'ya sə hu thleegha muwa nduwa niifa thlee wa muwa wa, 'ya kamangga kee a tsauka niifa weerənda nggətta. **16** Ngwa tsauka dədemnggirha tə nggayid Faara tə fīngya takkwagha əndi thlək ni ya, kəmda aten ka

nafiya Isəreela yi Faara. **17** A kwasamadghən, a nggər dūn billa nggi aten ənggini bal wa, kəsər kwad wundəyini na a fadna ya, kyaddə ndarha mafad Yeeso ni nggi. **18** Nggayid Chinəm Yeeso Kərəsti, a tsauka tə səsən nun, shayina. Atsaukake.

Afisaya

1 Kyagha deelewar dāba ya a har Mbulus, wurna Faara ka a tsauka tēthlōnda Yeeso Kārēsti. Niyi a chireethleng nafiya Faara dā na chahal a Afisa, nafiya na a dārha mbeedā tē fērkāfek fa ahu Yeeso Kārēsti. **2** Ngwa tsauka nggayirha tē tsawud dādemnggirha yi Faara na yinām China tē Chinām Yeeso Kārēsti a tsauka tē kun. **3** Tsau faala yi Faara tē Chin Chinām Yeeso Kārēsti. Fērangga parka kām a talara hai tē kala Sāsēn parka hu Kārēsti. **4** Kapa nān āna kēshiirha, nggām Faara kām wurdā kām ahu Kārēsti a tsawum chahal kula ān 'yaara hu yidghān. **5** Faara 'wadē teena kētām na a tsawum fa wurayighān tē wumang nda kām a thlēmādhān bā tsawum wanggighān ahu Yeeso Kārēsti. Āndāni na midghān ya a ānagha, ka a mbānanggān kaan. **6** Nanān kee faala ma Faara kēsār ka mamnggit nggayidghān fērang nān kām tēka ahu Wanggān nggām nān. **7** Kēsār ka far Kārēsti ndān wal nām pēla, ndāna, chahang nda dimiyid nām kām dā. Kēsār ka nggayidghān mulgha hai, **8** fērang nān kām hangga heu tē thladwayirha tē sēnda. **9** Nanānya kyadāng Faara sēndāghān kām na bābēe aten Kārēsti, 'ya ānanān ka a lēdānggān 'ya na midghān ahu Kārēsti. **10** A lēghād sayi, na Faara a āna āngya heu na midghān, na Kārēsti a wumang āngya heu na a talara tē na a hweedē nagha a harghān. **11** Kēsār ka nanām hu Kārēsti, thlō dām langaarha a har Faara, kēsār kētām 'wadē teena wurdā kām, tsānggān āngya āna nda kēla na midghān ānaarha. **12** Taama kām Yahudaya 'wagha shiteena tē Kārēsti tama tsawum fal mamnggitghā nām. **13** Nanānya kun mbuwa Yahudaya sāk dūn lābār kēkafek dī kām, lābārdi na mbānggān yi hārēkrha. A sayiddi fār nun kēkafek tē Kārēsti, fērang Faara Sāsēna kun tē Pedānda kēla dāf nān miighān kētām, tsaudā kēla ānsakhrha na kyat ndarha kun yighān ni. **14** Sāsēn tē pedānda ndān kyadāngga ndarha kām dāf Faara miighān a nafiyyighān, ndān kyadāngga ndaarha kām na Faara a fērang alteena fīngya tsauka yighān. Taama fal mamnggitghān nām. **15** Nanān kee, sāk ni lābār fērkāfekkid nun fār nun a Chinām Yeeso, tē kām nggām ndānun a nafiya Faara na chahal, **16** malānggwi usa Faara ka kun wa. Ni naarha hwan Faara ka kun kētsar, **17** hwan Faara ni Faara yi Chinām

Yeeso Kārēsti, tē Chindī na manggān, fērang Sāsēna nān kun yi thladwayirha tē sēnda tēnun chik sānggān ngga. **18** Niya hwan Faara a inānggān hur nun dā na kukwaryidghān nun, tēnun sēn tēmani shiiten dī aah nān kun ka kamānggān, tē kām sēn hangnda mamnggit parkayidghān dāf nān miighān a nafiyyighān na chahal. **19** Niya nggār hwanda kām tēnun sēn mamnggit sāsēmndāghān kalgha mbārha mu, na a āna taara ahur nām, kām fērga kēkafek. Sāsēmndādī na āna taara ahur nām, nēghān tal tē mamnggit sāsēmndādī. **20** Ndān ānagha taara ahu Kārēsti a sayiddi thleng nanda sē hu mārā, tē kāmda fērang dē tsānggam tsaurha a yisēmādhān a talara. **21** A mbēda ni na Kārēsti a āna kutāryirha sē aten kutārya heu tē sāsēmnda, nduwa tē shembe tē kutāryirha. Nēghān tē thlēmā kalgha thlēmā mu heu na nda a fēra, mbē hu kēshiiddi kee ya wa, ta hu kēshiirha dē na bāyi (aiōn g165) **22** Faara dāfang dē komani a kamu sar Kārēsti, tsau dē teena yi kutāryid āngya heu, ka a thlar Kēn hwan Faara nān **23** na fadghān, nēghān lēlōgdā hu Kārēsti, kēla nanān tē alēnggān lēdāng nān āngya heu.

2 Kētām nuwun mēmāra hu sāsēna, kēsār ka kar mii nun fa tē dimiyirha. **2** Takkwa dūn kwaman kēshiddiya āna taara nun tē 'ya na mid ānkaheerha. Ndāghān ni na a āna kutāryirha hu kēshiirha, tē kām na Sāsēnggān tē sāsēmnda fa aten kowunni mbuwa āna taara tē 'ya na mid Faara. (aiōn g165) **3** Kām heu nēghām kee kētām, kām a takkwa 'ya na mid thlu fad nām, nēghām a takkwa 'ya na mid fad nām tē numad nām kee, hu kiya kēsār ka ān ānad thlu farha, kām kaar bād sārba hur Faara a tēnnām bā kēla nanān aten fīngya wāngya kēshiddiya. **4** Amma na niifa hadāng Faara fa kaan, tē kām nggēmndāghān a kām muldahai, **5** ko nanām mēmāra ka dimiyid nām, fērang yibrha nān kām sē heu tē Kārēsti. (Kēsār ka nggayid Faara ni hārghang nanda kun.) **6** Thlēnggān kām sē tē Kārēsti Yeeso, fērang mbād tsaurha na kām a talara tēghān. **7** ānana Faara āndiya kēsār ka kēshiirha na bāyi a kyad nggayid ghānān mbuwa nām mbang sakhkān, nadā kāmhai tē nggayid dī keeghān kyadāng nān kām hu Yeeso Kārēsti. (aiōn g165) **8** Kēsār ka nggayid Faara ni wal nun hārēkrha hu fērkāfek. Yandiya mbē ka 'ya āna nun yi alēn nun ni wa, fērra Faara ni **9** mbē ka āna taara wa, nadā niifa taala. **10** Kēsār kām karid tar Faara

ni, ananən hu Yeeso Kərəsti tənəm əna taara na ngga, 'wanən fərang kəm ka kətəm a anam. **11** Tsaunən kee, dalama teena hai tē tsawud nən kətəm kun mbuwa Yahudaya ni nggətgha kun aah nanda, “nafiya thleewa muwa” a mii fingya aagha fad ndan, “nafiya thleegha muwa” (kulo hai mbiya thlee mu diya, yi thlu farha ni kee na nda ənaarha tē haara.) **12** Dalama teena hai a sayiddi nanun ndəndəgha hai tē Yeeso, rongya ni kun mbuwun ahur nafini wurna Faara wa. Mbuwun ahur dəf miidi wa, tsawud nun hu kəshiddiya mbuwun tē shiteena tē kəm mbuwun tē Faara wa. **13** Amma nanənya nuwun hu Kərəsti Yeeso, kun kətəm nuwun inggun tē Faara, amma nanənya bāda bā tē kun tsau tē ndəghən fa ahu far Kərəsti. **14** Kəsər kərəsti tafadghən bāng dē tsawud dādemnggirha kəm bā. Wumang nən Yahudaya tē fingya mbuwa Yahudaya tsawa nda nafiya tal, hu farghən irang nən dē aten kadiirha, changgən kalman dā hai ndəghangga kanda hai tsawangga kanda təsaryi. **15** Malanggən əna taara tē ngyakhkya Musa wumanggən Yahudaya tē fingya mbuwa Yahudaya tsawa nda nafiya tal. ananən ndən kee ka a tsawum hu dādemnggirha. **16** ananən kee kəm ka a tangsanggən pathlang ndan kyab tē Faara. A tsawa nda farha tal hu mərřəghən a ten kadiirha. Ndəghang dē kanda hai tē tsawud təsaryiddi nana nda sē kətəm. **17** Bā dābā tē pərang lābara kun na mbənggən yi tsawud dādemnggirha, a kun mbuwa Yahudaya na inggun tē Faara, tē Yahudaya kəm na tsau tē Faara fa. **18** Kəsər ka Kərəsti ni kəm kyab nəm mbang dərha thləmad Pəpa dē hu Səsəna tal. **19** Nanən kee, kun mbuwa Yahudaya, mbə rongya ni kun bālwa, kun nafiya ni na tē altendan heu tē nafiya Faara na chahal. Kun wangya wuraya na yi Faara. **20** Kun heu nuwun kəla kənna tənna nda aten mbukhrha kənna hai anana fathləngya Yeeso tē annabiya, Yeeso Kərəsti tafadghən ndəna fer sar təndədi. **21** A hurghən ni Wumna təndədi heu tsəgha sē tsauka Kən Faara chahal yi Chinəm. **22** A hurghən ni kəm tənna nda kun heu ka a tsawun a mbərha na Faara sē tē tsaurha tē Səsənggən.

3 Tsaunən kee, nggi Mbulus wan porsəna ka Kərəsti Yeeso ka kun mbuwa Yahudaya. **2** Səndisə səkdun lābara aten nggayid Faara fəree nən tar diya ka a thlar kun ni, **3** kəla 'wani chireethleng 'ya hai kədəna Faara ənwulteena

ananən. **4** A karatang dūn əndi chireethleng ni hai, nun a walang 'ya sənni aten Kərəsti. **5** Amma kaar əndi na bəbēe ya pərangwandan fiya wa, kəla pərang na Səsəna tē Pədənda fathləngya Faara tē annabiya na chahal, **6** ndəna, pər lābara na Mbənggən yi Yeeso Kərəsti, fingya mbuwa Yahudaya tsau nda fa har langaarha kəla kəm Yahudaya. Kəm tē kanda tsau dēm thlu farha tal. Kanda kəm na nda wal yindan kənaghən ahu dāfimi Faara a kəm hu Yeeso Kərəsti. **7** Tsawed nda fa tətə a əna tar pər lābarda ni na mbənggən hu fərra nggayid Faara tē səsəmdəghən na a əna taara ahur na. **8** Ko nanən nggini ngguchit ahur nafiya Faara na chahal, nggini fəree nanda nggayid diya ka a pər lābar dāni ahur nafiya mbuwa Yahudaya aten Kərəsti mbuwa nəm mbang kirasang nda kənaghən. **9** Wurna nda nggi ka thləghang nggəni fiya heu kwaman di na bəbēe bəbēng na Faara ka kətəm, anagha əngya heu. (aiōn g165) **10** Na midghən sē nanənya nafiya na hu Kən hwan Faara, a pər sənda Faara nda dādāmən-dādāmən a kutərya tē səsəmda ha a talara. **11** Ənda na midghən Faara ya ka kətəm, lədang dē 'ya na midghən hu Yeeso Kərəsti Chinəm. (aiōn g165) **12** Kəsər ka fərkəkəfekkid nəm a ndəghən, nanənya ndənəm mbang dərha thləmad Faara dē kula hərəenga. **13** Nanən kee, niya hwan kun, a mər fad nun hai ka səsaddi niya səsarha fa ka kun ya wa, səsaddiya kəsər ka a manangganda kun. **14** Kəsər ka kee niyi a bəra hai tē wadəd na a mbed Chindi, **15** ahurghən ni na fa wurayighən heu na a talara tē hweede a wal ka thləm ndan sē. **16** Niya a hwanggən a fərang mamnggit kənaghənən kun tənən fərang shembe nən tsawun tē səsəmda Səsənggən a hur nun, **17** tənə Kərəsti tsaurha ahur nun hu fərkəkəfek. Niya hwan Faara a non kanglang, kəmda non a tsərha hu nggəm ndan **18** tənun wal səsəmda sənang nda hai, kun tē fingya na chahal heu, tənun sən hangnda nggəmda Kərəsti, ndəna kəthləng ndəghən tē nzanggidghən, tē kudimnggidghən. **19** Tē kəm a sən nggəmda Kərəsti nun, ko nanən mbəm sənang hai heu wa, ləgdun ngga tē sənda Faara. **20** Mamnggirha heu yi Faara ni, na səsəmdəghən a əna taara ahur nəm, heu tē əngya mbangwa nəm hwanda, nduwa numawa nəm. **21** A tsauka mamnggirha tē Faara ahu Kən hwan Faara tē kəmda Yeeso Kərəsti pakwandə! Atsaukake. (aiōn g165)

4 Tsaunən kee, kēla nani hu porsəna kəsər ka Chinəm, niya hwan kun tsawama tē ndan hu kwamana aah na nda kun kamanggən. **2** Kətsar tsawama məsələmnda nafiya tē sammayirha, tē kərəsta. Munyaama tē ndan hu nggəmnda. **3** Ndeeman yid nun laf wumten dā nun ha kyanun fərang na Səsəna kun, ahu dādəmnggiddi wumangga kun heu. **4** Thlu farha tətāl ni, Səsəna tē Pedənda kəm tətāl ni, kēla na shiteena aah nanda kun kamanggən tətāl ni, **5** na Chinəm tal, fərkəkafek kəm tətāl ni, tē mbaptisma tətāl. **6** Faara tal Chin kowunni heu, na aten əngya heu, ahu heu kəmdā. **7** Amma fərang Kərəsti nggayirha kowunni ahur nəm. **8** Kēla ndana laḅar Faara, “A sayiddi tər nən talara sē har dē porsəngya haadē, Fərang dē ən ənaarha fiya dādāmən-dādāmən.” **9** (Mani ndarha “tərdē talara sē”? Nəghən a kyad ndaarha tərda hai ta kamu chehweerha dē. **10** Niifdi tərgha hai, ndəghənni kəm tərgha talakh talara sē, ka a ləgdanggən talara tē hweedē heu.) **11** Ndəghənni kəm fərangga fīngya fathləngya Yeeso, fīngya annabiya, fīngya fa pər Laḅara na Mbənggən, fīngya pastoya tē famaləmnəngya, **12** ka a ngwanggən nafiya Faara fa na chahal ənang taara nda yi tənang nda fad Kərəsti, **13** Nən a dərha mbeedē kee kəl a səl wumten nəm hu fərkəkafek tē sən Wan Faara tsawum lələgdā tsəkka yi Kərəsti. **14** Tərgha mbəm a nggər tsaurha kēla wundakhnaya wa, nduwa tsawum kēla fīngya na nanda tsang teena kanda tē tur tsaharhaha na a kyakhrang hutən ndan hai, nafiya na ndəndəl kanda a nggāḅa kanda tē huk kanda tē 'ya əna nanda. **15** Ameyedghən, a pər kəkafek nəm hu nggəmnda, manəm sē heu ahurghən ndəghənggi na teena, ndəna Kərəsti. **16** Kəsər ndəghənni wumangga mbəd njiya farha heu chik tsərha nda kala mbəd njirha əna tərghən nda hu nggəmnda. **17** Niya ndang nda kun, niya nggər ndang nda kun hu thləm Chinəm, tē ndaarha a nggər dūn tsaurha kēla nafiya mbuwa Yahudaya wa, mbuwana numad ndan məməl **18** hutən ndan lələgdā tē wula. Ndəghang nda kanda hai tē yibrha na Faara a fəra, kəsər ka yamid səndəndan, tē hur ndan na kakrak. **19** Mbə shilee sē a yid ndan wa fər nda fad ndan ka tar kulafayirha, na nda sunad kala ən tsanda. **20** Mbə kee tsaha nun aten Kərəsti wa. **21** Səndisə pərang nda laḅara kun atenggən tsau nən nafiighən ni kun, tsahang nda kun ha aten kəkafek na ahu Yeeso. **22** Nanən kee, malaman dīmiyid nun tē ən ənad nun yi kaar, ən ənaarha na səḅang kun dē kəsər ka nggəm əngya mbuwa ngga. **23** Ngwa kyakhrangga səsəna numad nun hai. **24** Tərama weerənda tsaurha ənana Faara na kēla altenggən, yi nggayirha, tē tsaurha yi kəkafek chahal. **25** Tsaunən kee, malaman nggāḅaarha, kowunni nagha a thləghang kəkafek nən tuladghən, kəsər kəm ni ndan heu. **26** A səḅ hur nun dē, a nggəmdūn fa kyangga səbrha hura kun hu dīmiyirha hai wa, tē kəm a nggəm dūn fa həmnəga yanfaara hai hur nun səsəḅa dē wa. **27** Amma a malang dūn kwamana Sheetan wa. **28** Niifa na a ngaara a nggərdə ngaara wa. Ameyedghən əna taara nən yi kəkafek tē harghən, tənən wal 'ya ha a fəranggən fa yamiya. **29** A kyad laḅara ḅa mbuwa mbənggən a mii nun wa, kəl tur laḅara na mbənggən na fər kaali yi taksarha tē ndan, hu ənaarha kiya nən dang nda nafina sē na a səkḅən. **30** Kwarama nun dē səḅang hur Səsəna Tē Pedənda dē yi Faara na tē yibrha. Dalama teena hai a tsauka Səsəndi shedawa aten nun na a kyad ndarha a fara səmən nun a wal alten nun hu dīmiyirha. **31** Ndəghama hai tē tur laḅaara na i'ikh, tē hufrha hura, tē səbrha hura tē yanda, tē 'yar farha tē səḅ thləma tē kala tur yanggi kaara. **32** Ənaman nggayirha ndan, non a hadang ndan fa, non a chahang dīmiyirha ndan dē kēla chahang na Faara dīmiyid nun kun dē hu Kərəsti.

5 Tsaunən kun wangya Faara ni nggəm nən, tsahama tsaurha kēla ndəghən, **2** tē kəm tsawama yi nggəm ndan, kēla nggəmnə Kərəsti kəm, fər nən fadghən ka kəm, sataka na sədghən mbənggən, sataka yi Faara. **3** Amma ahur nun a sək nda ko laḅar kulafayirha wa, ko tur yanggini, nduwa nagha suna sē ahur nun wa, kəsər kamngwa tē nafiya Faara na chahal wa. **4** Nəghən kee tē laḅara na mbuduhul tē palthya yi nuryirha nduwa na i'ikh kamngwa tē kun wa. Ameyedghən nama narha usa Faara. **5** A sənunsə tē ndaarha, niifa na a əna pəteyirha nduwa susuwayirha, nduwa suna, tsau dē tal tē takkwa dāharha, mba nda wal langaarha hu kutəryid Kərəsti tē yi Faara wa ko ngguchit. **6** A nggāḅa niifa kun tē laḅarya mere wa. Kəsər tur ənggini ya ndəna səḅang hur Faara dē aten nafiya ənawa taara tē 'ya ndanən. **7** Tsaunən kee a wumdūn teena tē kanda wa. **8** Kəsər kun kaar nuwun hu wula, amma nanənya, wal

dun kukwaryirha a fad Chinəm. Nanən kee, tsawama nafiya na hu kukwaryirha, **9** Kəsər kukwaryirha na ahur nun ndəna ɓang 'ya ɓa na ngga, tɔ tsawud nggayirha tɔ kəkafek. **10** Tsahama ɔngya na a mbənannggən Chinəm. **11** Ndəghama hai tɔ ɔn wula mbuwa ngga, a meyedghən pəramadghən. **12** Kəsər ɔn shilee ni a pər ɔnggina nəm na nda a ɔnaarha ɓəbee. **13** A ɓa ɔnggini a mbəd kukwaryirha ɓa, kowunni nən naghən. **14** Kəsər kukwaryirha ndən kyangga 'ya pəpal ɓa. Ndəghənni nda nanda, “Mekhnu sa na a shiirha! Thliu sɔ hu mərɾa! Na Kərəsti a fəro kukwaryirha.” **15** Nanən kee, kwarama tɔ tsawud nun. A tsadun kəla nurya wa, amma tsawama kəla nafiya na ndəndəl. **16** ɔnama taara tɔ kwamana wal nun yi nggayirha, kəsər ɓənggini nanəm sɔ yi mbəlfērha. **17** Tsaunən kee a nadun nurya wa, kəl sən 'ya nun na mid Chinəm. **18** A nggal dun tɔ aam inabi wa, yandi na dāng kun hu ɔn shilee dɔ wa. Ameyedghən ləgdaama tɔ Səsəna tɔ Pədənda, **19** kalaman ndan sɔ tɔ labarya yi Dzabura, tɔ amshiya yi faala, tɔ amshiya yi səsəna. Aama amshe a Chinəm tɔ hur nun heu. **20** Kətsar nama narha usa Faara China ɔnagha ɔngya heu, ahu thləm Chinəm Yeeso Kərəsti. **21** Fəraman altennun ndan hu Kərəsti. **22** Nishya na tɔ kakhrha teena fəraman fannun a chimayinun kəla nun ɔnanggən Chinəm. **23** Kəsər chimarha ndəghən ni aten nukkun, kəla na Kərəsti aten Kən hwan Faara, Ndəghənggi tafadghən ndəghənni tɔ hərəkrha faddi. **24** Kəla fərna fatakkwaya alten ndan a Kərəsti, nishya kəm fərama alten nun a chimayi nun ko hu mani. **25** Kun həshya nggəməma nishyinun kəla nggəməna Kərəsti fatakkwayighən har fər nən yiɓədghən ka kanda **26** ka a nagha chahal, tsabanggən dɔ tɔ aama tɔ səsəmnda labarghən. **27** ɔna nən kee fər nən altenggən a walgha fatakkwaya mamnggirha na chahal kula ɔn 'yaara fa nduwa ɔn tsanda nduwa 'ya dimi. **28** Nəghən kee kamdɔ, həshya a nggəm nishyindan nda kəla nggəm nanda fad ndan. Kəsər kala niifa nggəmmnga nukkun, nggəm nən altenggən. **29** Mbə niifa sɔ 'wagha kar fadghən wa, amma nən narha həɓang nda kəlaghən nən ha ngga, kəla na Kərəsti laf fatakkwayighən, **30** kəsər kəm ndan ni hu fadghən. **31** Kəla ndana Deleewar Faara, “Na niifa mal man tɔ chin, Thləthləɓanggən nukkun fa, kanda kyab tsawanda thlu farha tətəl.” **32** ɔn diya nəghən ɓəbee kudimnggən kaan, amma niyi a ndaarha

Kərəsti ni tɔ fatakkwaya. **33** Nanən kee, kala həshnefa tətani a nggəm nukkun nən kəla nggəm nən altenggən, kala nuneefa kəm tɔta ni a fərang mamnggirha nən chimadghən.

6 Kun wundakhnaya, təraman shilee fa nggətyinun teena kəsər kun yi Chinəm ni, kəsər ndəna məməl. **2** Ngyakhrha yi tal ɔna nanda tɔ dəfmeɛ ndəghən, “Tərang shilee nda muwa tɔ tsu teena, **3** təna tsawud nun naarha ngga, tɔ kəm na yiɓəd nun a naarha dzang hu kəshiirha.” **4** Kun chingya, a səɓang dun hur wangginun dɔ wa; a meyedghən, kəraman kanda sɔ hu kwamana na ngga, tɔ kəm tsaha man labar Chinəm kanda ha. **5** Kun mafaya, təraman shilee tuwurayinun teena na hu kəshiirha. Fəraman mamnggirha kanda, koma nun a ɔnaarha ɔnamadghən tɔ hura tətali, kəla nun a ɔnang Kərəsti. **6** A fərang dun mamnggirha kanda ka tərəm hu yirha tənən mbənanng fiya wa. Amma kəla mafaya yi Kərəsti, ɔnama 'ya na mid Faara tɔ hura tətali. **7** ɔnama taara tɔ hura tətali, kəla nun a ɔnang taara Chinəm ni, mbə fiya wa. **8** A sənunsə, na Chinəm a fərang kənaghən kowunni ahur nəm kala 'ya ɔna nəm ngga, ko mafaya ni, nduwa nafiya na tɔ alten ndan. **9** Kun tuwuraya, kunggi ma ɔnaman mafayinun kee. A nadun a tərang kanda wa. A sənunsə kun kyab na tuwuri nun tal a talara, ndəghənggi kəm mbə wura hasə wa. **10** A mii ngwaladghən tsawama tɔ shembe ahu Chinəm tɔ səsəmnda mamnggitghən. **11** Ngwama fa tɔ kəsəmnda yanda yi Faara fərang nən kun, tənun mbang pa kəfarha tɔ Sheetan ana midghən huk kun. **12** Kəsər mbəm a yanda yi thlu farha tɔ fara wa, amma tɔ səsən kəshiid mbəlfēeya mbuwa nəm naarha, tɔ kutərya tɔ fingya na tɔ tɔ səsəmnda ha, tɔ fingya na tɔ kutəryid kəshiid wula a har ndan. (aiɔn g165) **13** Tsaunən kee, kalaman kəsəmnda yanda heu yi Faara, tənun mbang isha a fardi mbuwa ngga na ɓayi. A kwasamaddi ngwalang nun yanda nun narha tɔ shembe isha kət. **14** Ishama tɔ shembe, kəkafek tsauka kəla ɔn kən munun, nggayid Faara na kəsəm ndəghən laf kun nən, **15** na a kyad ndaarha ngwa dun fa ka a pər Labaara nun na Mbənggən kəla pa pakhma yi tsawud dɔdemnggirha. **16** Ngwa tsauka fərkəkafek kəsəm ndanun tənun mbang ɓəlang wad hafya hai na tɔ mbəlfeddi a chaarha ɓa. **17** Tərama tətər tasau yi hərəkrha, tɔ kəm thlaukh kələr

Səsəna, ndəna laḅar Faara. **18** Hwanama Faara kətsar tə səsəmnda Səsəna. Hwanama Faara aten əngya dədamən-dədamən. Kəsər non a kəla alten nun ha ngga a sayiddi nun a hwanda aten fatakkwaya heu. **19** Nggi kəm Hwaneema Faara in, təna Faara fəre 'ya kamngga a thləyi, pər Laḅarghən ni na Mbənggən yi ənwulteena a fiya kula hərenga. **20** Kəsər ka laḅardi na mbənggən ya ndən tsauni a meyed Yeeso, ko nani hu porsəna. Hwaneema Faara in təni pər laḅar Faara kamngga a əne. **21** Tikikus, wanmanəm nggəm nəm, na a əna taara hu kwamana na ngga a Chinəm, Nən a pərang 'ya kun heu, tənun sən 'ya niya ənaarha tə kwamandi niya ənaghən. **22** Thlənni ndən thləman nun də kəsər a sən 'ya nun nanan a hurghən, tə kəm fərang kaali kun nən. **23** Shayina, ngwa tsauka dədəmnggid Faara na chindi, tə Chinəm Yeeso Kərəsti tə nggəmnda tə fərkəkafek tə kun. **24** Ngwa tsauka nggayid Faara aten kowunni nggəmngga Chinəm Yeeso Kərəsti tə nggəmnda mbuwa tam ngwalarha. Atsaukake.

Filibiyaya

1 Kyagha deleewar daɓa ya a har nda Mbulus tɔ Timoti mafaya Yeeso Kɔrɛsti, a fyinga heu na a takkwa Yeeso Kɔrɛsti na tɔ tsaurha a Filibi heu tɔ shingya tɔ fyinga na a dang kun sɔ. **2** Ngwa tsauka nggayid Faara na yinɛm China tɔ Chinɛm Yeeso Kɔrɛsti tɔ kun. **3** Ni naarha usa Faara a sayid di dal ni teena hai tɔ kun. **4** Kɔtsar a nadi a hwan Faara a tennun ni anaghɛn tɔ wutsɛfayirha. **5** Tɔkdi mbɛnda fa kɛsɛr wum dɛm teena hu pɛr laɓara na Mbɛnggɛn, ka a katɛradghɛn ta weeri da ɓa ya. **6** Sɛndisɛ Faara katɛrangga tar da hai na ngga ya ahur nun, nɛn a dɛrha mbeedɔ tɛghɛn kee ta fardɔ dɛ na Yeeso Kɔrɛsti a wutta ɓa. **7** Mɛmɛl ni a fadna a ni naarha dal kun teena heu kɛla ɛnani tɔ wutsɛfayirha, kɛsɛr nuwun ahur na, nuwun a wum teena tɔ nggi ahu nggayid Faara, heu tɔ muwenda hu pɔrsɛna dɛ ish ni aten kɛkafekkidi Laɓara na Mbɛnggɛn. **8** Faara sɛndasɛ nggɛm di kun tɔ kɛm nɛn a kukwase fa a na kunni tɔ tur nggɛmnda Yeeso Kɔrɛsti na niifa haɗang fa. **9** Hwandɛna kee, a mulgha nggɛmnda nun hai, hu huteena tɔ sɛnda kwaman Faara. **10** Nɛn dang kunsɔ a wur 'ya nun kamngga, kɛsɛr a fara na Kɔrɛsti a wutta ɓa a non chahal kula ɛn 'yaara. **11** Ngwa tsaukwa yiɓɔɗwa lɛlɔgdɔ tɔ nggayid tarwa kyaghaɓa hu fɛrkɛkafekkidi wa hu Yeeso Kɔrɛsti. Katara nɛn hai kee kɛsɛr ka a manang ngganda thlɛm Faara ni, tɔ fallɛghɛn kɛm. **12** Shayina, na minna sɔ a sɛnunsɔ, ɛndi katɛragha hai tɔ nggi ya nggɛr dɛ inang kwamana hai na a dɛgha laɓar Faara mbeedɔ. **13** Kowunni, heu tɔ sodjaya na a kɛla minda ki kutɛra ha tɔ chehweddi kahad sɛndasɛ muwegha nda hu pɔrsɛna dɛ kɛsɛr ka nani mafad Kɔrɛsti. **14** Kɛsɛr ka nani hu pɔrsɛna fa takkwa Chinɛm heu wal nda kanglanggirha na a pɛr laɓar Faara nda kula hɛreenga. **15** Fyinga na nda pɛr laɓar Kɔrɛsti ka sɛrɛkkirha tɔ nggɛm alteena kee, amma fyinga na nda ɛna yindan yi nggayirha. **16** Na nda a pɛr laɓar Faara yi nggɛmnda, sɛndasɛ fɛree nanda tar diya a tsawi kɛsɛmnda yi pɛr Laɓara na mbɛnggɛn. **17** Fyinga yini taarha na nda a pɛr laɓar Kɔrɛsti yi nggɛm alteena kee, mbɔ tɔ hura tal wa, na mindan sɔ a sɛsee ahu pɔrsɛna. **18** Amma mbɔ 'yasɔ wa. Ko na nda a sak 'ya ngga nduwa mbuwa ngga, nduwa kɛkafek ni na nanda a pɛr laɓar Kɔrɛsti, niyi tɔ

wutsɛfayirha, kɛkafek niya chik dɛrha mbeedɔ tɔ ɛna wutsɛfayirha. **19** Sɛndisɛ ahu hwandɛ nun a tenna heu tɔ thlarra Sɛsɛn Yeeso Kɔrɛsti sɛndisɛ na nda a kal nggi hai. **20** Niya a nɛm ndaarha mbɔ 'yasɔ na keerha hu shilee hai malang nggi tar na wa, amma niyi tɔ fɛrkɛkafek na a tsawi tɔ kanglanggirha hu Yeeso kɛla kaar. Fɛrdi kɛkafek tɔ ndaarha ngwa manang ngganda thlɛm Kɔrɛsti a fad na ko nggi tɔ yibrha fa nduwa a mɛrdi. **21** A fad na yibrha yi Kɔrɛsti ni, a mɛrdi walla chikrha ni. **22** Amma a mɛryi wa, niya ɛna taara kaan yi Kɔrɛsti. Nanɛn kee sɛngwi ɛndi na minna wurɔ wa. **23** Tsakh tenna hai sɛri. 'Ya na minna a di thlɛmad Kɔrɛsti dɛ tsawan kyab, yandiya ndɛna mɛmɛl a fanna. **24** Amma kɛsɛr ka kun na minnun sɔ a ne tɔ yibrha fa. **25** Sɛndisɛ naghɛn kee, sɛndisɛ kɛm niya naarha tɔ kun heu tɛnun wal chikrha tɔ wutsɛfayirha, hu fɛrkɛkafekkidi nun. **26** A nggɛr di wutta thlɛmad nun dɛ, nun a wal ɛn taala kaan tɔ Yeeso Kɔrɛsti kɛsɛr ka ɛngya nɛn a ɛnaarha a tenna. **27** 'Ya kamngga, tsawama kɛla wangya talara, na a wuddi ka kɛlang kun ɓa ko wudwi dɛ wa, a sɛk ndaarha ni, ishɗun ngga, mii nun tal hu 'ya nun a ɛnaarha kɛsɛr ka fɛrkɛkafekkidi di yi Laɓar Kɔrɛsti na mbɛnggɛn. **28** A tɛrɛm dɛn fatsangginun wa. Tsawama tɔ hɛhasyirha ndɛna a kyad ndaarha na nda a ɓɛlang kanda, kun kɛm na nda a hɛrghang kun, ko Faara tafadghɛn. **29** Kɛsɛr fɛrangwa kwamana kun na fɛrkɛkafek nun hu Kɔrɛsti Yeeso kewa, amma a sɛson kɛm ka ndɛghɛn. **30** Kun a habɓaarha tɔ tur yandi nanun sani fa, ndɛghɛn ni kɛm sɛk nun ɓal ni fadghɛn.

2 Nuwun a wal kaali ka tsau nun yi Kɔrɛsti wa? Nduwa nuwun a wal nggabrha ahu nggɛm ndɛghɛn wa? Nduwa nuwun ahu tsawud dɛdɛmnggirha hu Sɛsɛna wa? Nduwa kɛm nuwun a nggɛm ndan tɔ haɗang nda ndan fa wa? **2** Niya hwan kun, ngwa lɛghɛdgha wutsɛfayid na ahu tsawud nun tɔ numarha tal, tɔ nggɛmnda tal, non hu sɛsɛna tal tɔ 'ya na minnun tal. **3** Ana dɛn a ɛna 'ya tɔ nggɛm alteena nduwa tɔ manang nda alteena wa, amma tsawama mɛsɛlɛmnda nafiya. Kowunni nagha tɛr shadghɛn niifa ni kalgha ndɛn mu. **4** A kɛlang na 'ya na midwa kee wa, amma kɛlang ɛngya na mid fyinga kɛm. **5** Tsawama tɔ halla Kɔrɛsti Yeeso fa. **6** Ko nanɛn Faara ni ndɛghɛn, mɛmɛlangwa fadghɛn tɔ Faara

na a kəsghənən tə shembe wa. 7 Tsawanggən altenggan kəla mbə ka niifa ni wa, tərghən fadghun kəla mafarha, ahu thlu farha nggət na ndan, kyad fadghənən kəm hu thlu farha. 8 Tsaunən kəla niifa, manang ngwa altenggan wa, tə kəm nagha a əna taara tə 'ya na mid Faara tə kəm nggəm də fa na a mərgha, mərə kəla tə mbəlfērha aten kadiirha. 9 Tsaunən kee, fərang Faara mamnggirha kaan, dəfang thləma nən kalgha tur thləma, 10 kəsər ka thləm Yeeso kala niifa nən a fərang nda hai tə wadēdghən, a talara tə kəshiirha tə kamu chehweerha. 11 Kala sheneurha nən a ndaarha Yeeso Kərəsti Chinəm ni, kəsər a manangganda Faara na Chindi. 12 Tsau nən kee, kun shayina nggəm ni, niya hwan kun, kəla nun yakh nggəm miina fa hu sayiddi nani tə kun, ko mbuwa ni a thləman nun nanənya, daama mbeedə tə əna taara tə 'ya nun a səkrha a miina. Ndeeman yid nun tə əna taara tənə kwaman hərəkrə nun kyarha pəpal bə, ənamadghən tə tərəm Faara, nagha fad nun a rəprha fa. 13 Kəsər Faara ndənə a əna taara ahur nun, tənun əna 'ya tərna midghən. 14 Kala 'ya nun a ənaarha ənamadghən kula huhurumnda nduwa ngaala, 15 tənun tsaurha kula ən 'yaara fa, non chahal kəla wangya Faara mbuwa tə dimiyirha fa ahu sayid kəshiddiya na ten fiya kakrak, fa mbəlfēya nagha kukwaryid nun a djaara hai ahur ndan kəla kukwaryirha hu kəshiddiya. 16 Tə kəm kəsəama labar wal yibrha, tənə wal ən taala a far bəd Yeeso bə səsanna tə tarna mbə tsaurha mere wa. 17 Amma ko na nda ireedə kəla ən saarha yi fəra a mbəd fər sataka tə əna taara kyagha bə ahu fərəkəkəfekid nun, niyi tə wutsəfayirha tə kun heu. 18 Nanən kee kun kəm təgha mbənda fa əna wutsəfayirha nun tə nggi. 19 Niyi a ndaarha a nggəm Chinəm Yeeso fa, tsəbaku niya thlənang Timoti a thləman nun də, tənə wal kaali a səkdī labar nun bə. 20 Mbə niifa sə nani təghən kəla Timoti wa billagha kaan tə kun wa. 21 Kowunni kəl 'ya billagha kanda fa kee, mbə yi Yeeso Kərəsti wa. 22 Amma kun səndun tsawud Timoti, əna dən tar pər Labaara na Mbənggan kəla nda wee tə chin. 23 Tsaunən kee niyi a ndaarha niya thlənang a thləman nun də a hərəm di sək 'ya na a katərarha hai tə nggi. 24 A nggəm Chinəm fa tsəbaku nggi tafanna ma niya dərha də. 25 Amma kəla di hai kəm kamdə a nggəyi thlənang Abaforiditus kun də wan maana. Pashid tarna ni, nan a əna

tar sodja kyap, təthləndə nun ni puwang nun bə ka bəgha deesə. 26 Nəghən a kukwasang fa ka a na kun nən heu, tə kəm billa də kaan kəsər səkdun ndaarha mbə kanglang wa. 27 Kəkəfek haddə kaan har takhdə a mərə. Amma hadang Faara fa, mbə ndəghən katenggan wa, heu tə nggi. A mbə kee wa kam na hurna a səbrha də kaan. 28 Tsaunən kee ndən ndaani niya nggər thlənggan a thləman nun də tənun nəghən tək mbənda nun fa, nggi kəm mbi billarha kaan wa. 29 Thləmadghən fa tə wutsəfayirha ahu thləm Chinəm. Fəraman mamnggirha tə fingya na kəla ndəghən. 30 Takhdə a mərə kəsər ka tar Kərəsti. Nəghən a fər yibədghən kəsər a deeghən sə tə taara yi mbangwa nun ənaarha.

3 A mii ngwala labarna, pashiyina, ənama wutsəfayirha tə Chinəm. Mbə billa nggi fa a nggəyi chireethleng kun də aten ənggini 'wani pərang kun wa, kəsər a ənadī kee nən a dāng kun sə. 2 Kwarama tə wudayini ya na a əna tar mbəlfērha, na a ndaarha kəl thleena niifa muwa ndənən wal hərəkrha. 3 Kəsər kan ni fathlee muya yi kəkəfek, kan na a fərang mamnggirha Faara tə səsənggan, na a əna taala tə Yeeso Kərəsti, mbərsa wan tə tar thlu farha wa. 4 Ko nanən nggi ni mbang mbərsaarha tə tar altenna. Ana niifa sə na a ndaarha nəghən a mbərsaarha tə tar altenggan, nggi kaldī ndən mu. 5 Thleegha nda muwa a sayiddi səl ni beena wuwadə, nggi tə Isəreela ni, turya Mbenjemen, wangya Ibraniyaya. Aten tsahad deleewar ngyakhrha Musa, nggi tə Farisarha ni. 6 Niyi a ndi farha hai aten takkwa ngyakhrha Musa, ni naarha səsang nda fa takkwaya Yeeso. Aten nggayirha niyi a takkwa ngyakhrha məməl. 7 A fardī numayi tə ndaarha ka 'ya niya ənaarha. Amma nanənya kəlang di mbə ka 'yani wa kəsər ka Kərəsti. 8 Tsawang di əngginiya mbə ka 'yani wa, kəsər ka sənda Kərəsti Yeeso Chinəm. Kəsər ka ndəghən ni malang ni əngya heu, tsawang nggi kanda əngya ni mere kee tənə wal chikrha ka tsauna Kərəsti yina, 9 tənə tsaurha ahurghən. Mbə ka nggayid na niya laf ngyakhrha deleewar Musa wa, kəsər ka nggayid di ni waala a fad Yeeso hu fərəkəkəfek. 10 Na minna sə a sən Kərəsti ni tə səsəmda thliidghən sə ahur mərə, na miina sə a səsəe təghən, tsawī kəla ndəghən ahu mərəghən, 11 na minnasə ko kəkən ni a wal thliirha ni sə ahu mərə hu yibrha də. 12 Mbiyi a

ndaarha 'wadi teena waldi əngginiya wa, nduwa tsawi kəla Yeeseo wa. Amma niyi a ndeng yidna təni wal əndi kyana Yeeseo Kərəsti kəs nggi ha kamənggən. **13** Awo, Shayina, nawi fanna kəsdi ndən ha wa. Amma djanggi yirha 'ya tal kee, mbəde 'ya mbərgha də, niyi a ndeng yinna a əna ənda ni na a mbee. **14** Niyi a ndeng yinna a wal əndani na miina, təni wal kəna əndi kyana Faara aah nggi talara hai hu Kərəsti Yeeseo. **15** Tsaunən kee kəm shinggi ahu səsəna tama nam tə tur hallədi thləkni ya. Amma ana fīngya sə na tə 'ya mii pak, na Faara a kyadənggən kun a pəpal. **16** 'Ya kamngga tama dəm mbeedə təghən kee. **17** Shayina, takkwama 'ya ənani, tə kəm kəlaman wid fīngya na məməl kəla nəm ənaarha. **18** Kəla ni 'wani pərang nda kun, nanənya ma niya nggər pəranggən kun, tə aam yirha hu yidna, na fīngya sə ahu windan hai, kyaddə ndarha fatsangya kadid Kərəsti ni. **19** A mii ngwaladghən na nda a dərha ahu hwanga də. Faar ndan hur ndan ni. Yamid shili ndan ndəna nda taala sə, numan ndan heu nəghən aten ən kəshirha. **20** Amma wangya kutəryid talara ni kəm, nəghən a kukwasang kəm fa kəla bəd Təhərəkrə nəm fa Chinəm Yeeseo Kərəsti, a talara hai. **21** Ndəghənni tə səsəmnda na a bəng əngya 6a heu a kamu kutəryidghən 6a. Tə səsəmggit dā ni keeghən nən a kyakhrang mərri fad nəm hai tsawanggən kəla fadghən yi mamnggirha.

4 Tsaunən kee, shayina nggəmni, tsawama tə shembe hu Chinəm. Nggəmdi kun har nəghən a kukwaseefa a na kunni. Shayina kunni wutsəfayid na tə kəna tarna. **2** Niyi a hwan Yudiya tə Səntiki, a tsaukwa mii ndan tal hu Chinəm. **3** Sa na ka pashid tarna na tə kəkafek fa, niya hwan sa dāng nishyina sə kyab ya na a tsawa nda dədəm tə ndan, kəsər habbən nda tə nggi ahu pər Labardi na Mbənggən ya. Ənanda taara heu tə Kəlaman tə fīngya pashiya tarna, kanda na thləm ndan chichireethlee hai ahu Deleewar fər Yibrha. **4** Tsawama kətsar tə wutsəfayirha fa ahu Chinəm, niyi a nggər ndaarha tsaama tə wutsəfayirha fa. **5** Kərsaama tə kowunni, a sənunsə takh chinəm a 6aarha 6a. **6** A billadun tə koma wa, amma kala 'ya katəragha hai pəra man ndəghən Faara hu hwanda tə usa Faara kəm. **7** Dədəmnggid Faara, kalgha sənda niifa mu, nən a laf hur nun tə hutən nun ahu Kərəsti

Yeeseo. **8** A mii ngwaladghən shayina, kala 'ya na tə kəkafek fa, komani yi fər mamnggirha, komani na məməl, komani na chahal, komani yi nggəmnda, komani yi suna, a na 'ya sə na ngga kaan, nduwa yi faala, numama aten əngginiya. **9** Ənama taara tə 'ya tsaha nun tə thlənun, tə kəm sək nun, tə nanun a fadna. Faara na tə tsawud dədəmnggirha ha nən a naarha tə kun ha. **10** Ənadi wutsəfayirha kaan tə Chinəm kəsər nanənya kyaddə ndaarha nggərdun billarha tə nggi. Kəkafek billadun tə nggi, amma wal wun kwamana kedee kunun wa. **11** Mbə nani a ndarha kee ka yamirha wa, kəsər tsaha di kərəsta tə 'ya na a harna. **12** Səndi kwaman tsawud na ko hu yamirha ko hu walaha. Ni mbang kərəs tsaurha ko nəghən kəkən, ko hu mirha ni ko hu nggaala, ko hu yamirha ko hu walaha. **13** Ni mbang əna əngya heu hu Kərəsti na a fəre shembe. **14** Ko nanən kee, dēe dūn sə a sayiddi nani hu səsəarha. **15** Kun Filibiyaya səndunsə hu sayiddi katərang ni pər Labar dā hai na Mbənggən, malni chehweed Makidoniya mbə nafiya sə na a takkwa Yeeseo wumngga teena tə nggi hu fəra tə thlərha wa kəl kun katen nun kee. **16** Kəsər ko a sayiddi nani a Tasalonika, nun thləne əngya də na minna. **17** A ndaadun na minna sə a fəre 'ya nun wa, awo, 'ya niya kadaarha kee tənun wal kəna tar nun. **18** Nanənya kala 'ya na minna asə a harna kalgha mbərha mu, tsau nən waldi əngya fəre nun a har Abaforiditus. Fər yini ya na sədghən mbənggən, sataka ni kəm na Faara a thlərha tə wutsəfayirha. **19** Na Faar na a fərang əngya kun na mid nun mamnggid kənaghən hu Kərəsti Yeeseo. **20** Mamnggirha tsaudə yi Faara na Chindi pakwandə. Atsaukake. (aiōn g165) **21** Ndaman 'ya nafiya Faara fa hu Yeeseo Kərəsti. Shayina nanan a mbədiya kanda a ndang'ya kun fa. **22** Nafiya Faara heu na a mbədiya kanda a ndang'ya kun fa, mbə kəlama fīngya na a minda ki Kaisar wa. **23** Ngwa tsauka nggayid Chinəm Yeeseo Kərəsti tə kun. Atsaukake.

Kolosiyyaya

1 Kyagha deelewar da ba ya a har Mbulus tathlenda Yeeso Karesti wurna Faara ka a tsauka ta per labar Yeeso Karesti kanda kyab ta Timoti wan manam. **2** A fa farkakafekkya Yeeso Karesti na ta tsaurha a Kolosiya. Ngwa tsauka dademnggid Faara Chinam ta nggayidghen aten nun. **3** Kesar nan naarha usa Faara, Chin Chinam Yeeso Karesti, ana dan a hwan Faara a ten nun. **4** Kesar sak dan labaara aten farkakafekkid nun a Yeeso Karesti ta nggemnda nun a anang nda nafiya Faara heu. **5** Kesar ka shiteena nanun taghen aten 'ya dafang na Faara kun da a talara. 'Wadun teena sak dun ndan ka a fardi sak nun Labaara yi kakafek na Mbonggan. **6** Labardi na Mbonggan bagha thlomad nun ba neghen a weela hu keshiirha da kahad, a kyakhrang wid fiya hai hangga. Kela kyakhrang nan wid nun hai ka a fardi sak nun labar nggayid kakafekkid Faara. **7** Tsaha wun 'ya aten Labardi na Mbonggan perangna Abafaras kun pashid tar nan nggem nan. Ka mafad Karesti ni neghen a ana tar kakafekkirha a meyed nun. **8** Ndaghanni kam perangga labara kam aten nggemnda a fyinga farang na Sasana ta Pedanda kun. **9** Nanen kee, ka a fardi sak nan fad nun malang ngwan hwan Faara aten nun wa. Hwan dan Faara a ladanggan kun ta senda nggemna hurghan kamda farang huteena nan kun ta thladwayirha yi Sasana. **10** Targha tsawama hu kwamana na mamal kela na mid Chinam kamda katsar nan ana engya mbanangga. Ahu tsawud nun anama tur engya heu na ngganga, non naarha tsarha ta chik senda Faara. **11** A farangga Faara kaali kun yi kanglanggirha hu sasamndaghen, tanun naarha ta munyarha ta mbonafa fa ta karesta. **12** Nama naarha usa Chindi katsar, nden tsawangga kam wal nam kanaghen ahu engya dafang nan nafiyyighan da ahu kuteryid kukwaryirha. **13** Ndaghanni harhangga kan ba ahu kuteryid wula, dagha ta kan hu kuteryid Wanggan da nggem nan. **14** A fadghen ni wal nam harakrha, chahang da dimiyid nam kam da. **15** Karesti neghen mamal kela Faara mbuwa nam naarha ta yirha. Wan 'waarha ni aten engya anana nda heu hu keshiirha. **16** Kesar a fadghen ni anana Faara engya heu na a talara ta hweede, na yirha a naarha ta fyinga mbuwana yirha naarha, ta

kuteryirha, nduwa sasamngya a talara, nduwa kuterya. Anagha Faara keshiirha heu a fadghen ta kam a ndaghen. **17** Na Karesti sa kapa na nda ana engya heu, ndaghanni kasgha engya ha heu anana Faara a mbarha na ngga. **18** Ndaghanni teena yi farha, ndana fatakkwaya, ndaghanni katararha ta 'waagha thliigha sa ahu mera, tanan tsaurha ndaghen tafadghen 'wagha ma engya heu. **19** Kesar Faara tafadghen nden ndaagha na wanggan a tsaurha lalagda kela Faara. **20** A fad wanda ni ndana Faara nan a bang keshiirha heu a thlomadghen ba. Nan a bang tsawud dademnggirha ba aten farghen irang nan da aten kadiirha. Wudanggan engya ba heu ananen a thlomadghen ba, engya na hu keshiirha nduwa na a talara. **21** Kaar yi nuwun inggun ma Faara. Fa tsan nggighen ni kun kesar ka numad tar mbalfed nun. **22** Amma nananya, wudang Faara tsawud dademnggirha ba ka merra Karesti hu farha a tsawanggan kun chahal a mbedghen kula an 'yaara. **23** Amma tata ni a dun mbeeda ta farkakafek ishun ngga aten kakafek. A nggemdun fa wudun samadda ahu kaali farang ni kun a sayiddi saknun labardi na mbonggan. Labardi na mbonggan ya per ndan da ahu keshiirha da kahad, nggi Mbulus nden wurna nda a tsawi mafad Faara a perghani da. **24** Nananya niyi a tak mbanda fa kesar ka sasara niya anaarha aten nun. Kesar ahu sasadda ni nden niya ladang 'ya takhka yi sasad Karesti a meyed fadghen, ndana fa takkwayighen. **25** Faara nden wurgha nggi ka a tsawi mafad fa takkwaya Yeeso, a per labar Faara ni na lalagda, **26** Labardiya, neghen babee ka ketam. Amma nananya kyada papal ba a nafiya Faara. (aiōn g165) **27** Na mid Faara sa a sen kana ta mamnggirha yi Karesti yi nafiya ni mbuwa Yahudaya kamda. Endani na babee ya, na Karesti ahur nun. Nden farangga shiteena kun na a per mamnggid ghen nun. **28** Karesti ni nan a per 'ya atenggan, ta senda nanan taghen ha heu, nan kas thlomaarha, ta tsahang nda kowunni ha. A ba dan ta kanda thlomad Faara ba, na minnan sa a tsawa nda kela Karesti. Na minnan sa a senda kela nafiya Karesti. **29** Ndaghen dani niya ana taara kaan kamda niyi a ana taara ta sasamnda heu feree nan.

2 Na minna sa a sen tur tar da nun niya djitiirha ka kun, ta fyinga fa farkakafekkya na a Lawudikiya, heu ta fyinga kam 'wawaa

na nggi. 2 'Ya na minna a wal kaali nda ahur ndan tē kēm wumangga nggēm kanda, tēna nda wal shiiten sēnda kaan, tē sēn ənwulten tar Faara na bōbee, ndēna Kērēsti tafadghēn. 3 A hurghēn ni bōbēng na nda kēna thladwayirha sē tē sēnda heu. 4 Pērang ni ndēn kun amawa na niifa huk kun tē mii mbēnda. 5 Ko nanēn nggi tafadna mbiyi a thlēmān nun hu thlu farha wa, amma hu sēsēna niyi tē kun. Niyi tē wutsəfayirha fa kaan sək ni ishdun ngga, kun a dərha mbeedə ahu fərəkəkafek hu Kērēsti. 6 Hərēm nun thlē Yeeso Kērēsti fa tsauka Chinēm, dāama mbeedə tē tsaurha ahurghēn. 7 Ngwa nagha thlar nun kudimnggēn ahurghēn, tēngga yibəd nun atēnggēn. Tēnun tsaurha kanglang hu fərəkəkafek, kēla tsahang na nda kun ha, dūn mbeedə tē usaghēn kətsar. 8 Kwarama a nggaḅa niifa kun tē sēnda kēshiddiya tē kēm sēnda yi hukrha wa, kyagha nda ḅa a fad fiya, tē sēsēmnda sēsəngya yi kēshiddiya, kyawa ḅa a har Kērēsti wa. 9 Kəsər ahu Kērēsti ni ləghədna əngya Faara sē heu hu farha. 10 Kun kēm tsau dūn lələgdā ahurghēn, ndəghēn na manggēn aten kutəryirha tē sēsēmnda. 11 A hurghēn ni thlēng na nda muwa kun, mbə thlee mbuwa na niifa mbang ənaarha, amma yandī ənang na Kērēsti kun, tsahangga kun hai tē ən ənad nun yi dimirha. 12 Kəsər pang nda kun tē Kērēsti hu mbaptisma. Thlēng nda kun sē kēm heu tē Kērēsti hu fərəkəkafekkid nun ahu sēsēmnda Faara thlēngga sē ahu mərā. 13 Kar nuwun mēmərə kəsər ka dimiyid nun tē kēm kəsər tsahang ngwanda kun hai tē dimiyid nu yi thlu farha wa. Amma thlēng Faara kun sē tē yibrha ahu Kērēsti. Kəsər chahang dē dimiyid nēm kēm dē. 14 Fahwang Faara ənda dē chireethlēng na nda hai mbuwa ngga a tēnnēm təranggēn dē ahu tawang nda dē aten kadiirha. 15 Thlēng dē karid yanda yi kutərya tē sēsēmngya, fərang shilee nēn kanda a pəpal, kal nēn kanda mu aten kadiirha. 16 Tsaunən kee a nggəmdūn fa ngwang ngga niifa kumarha kun aten 'ya nun a həbrha tē saarha wa, nduwa far laf wutsəfayirha, nduwa kyad ndərid wutsəfayid teera, nduwa far yibəd Yahudaya wa. 17 Ənggini heu ya shishing nda ni kee aten 'ya na ḅayi kyadāng nēn fiya, amma Kērēsti ndēna kadghēn. 18 Tsaunən kee, a nggəmdūn fa hukka fiya kun tē kyad ndaarha mba nda a manang alten ndan wa tē kēm na nda tərang shilee fathlēngya Faara in, kəsər kyadāng Faara 'ya kanda. Ka numad

dimiyid ndan na nda a taala. 19 'Bal wanda tē Kērēsti wa, ndəghēn na teena hu thlu farha heu. Kērēsti ndēn wumangga farha tē maasa tē mbəd njiya, nēn naarha tsərha kēla na mid Faara. 20 Tsaunən mur dūn tē Kērēsti, tē kēm ndəghang dē kun hai tē sēsēmnda ənkaheeya kēshiddiya. Kama nun a əna əngya mbuwa ngga kēla kun yi kēshiirha ni? Kama nda nggēm nun fa tē ngyakhkya kēshiddiya ənana fiya tē ndaarha, 21 "A kəsang na wa! A taarang na wa! A tsuwar nan fa wa"? 22 Tur ngyakhkini ya yi tsahad thlu farha ni mbuwa kwas tēla dē, ana dūn a əna taara sē. 23 Tur ngyakhkini ya nəghēn tē thladwayirha, tē tər shilee yi alteena, na nda a numad ndaarha mba nda a manang alten wa, amma na nda a səsang fandan ni kee. Amma tur ngyakhkya kiya mbə sēsēmnda sē na a danggēn niifa sē 'yadāng 'ya nēn fa nggēmna thlu farha fa wa.

3 Tsaunən thlēng nda kun sē hu weerinda yibrha tē Kērēsti, dəfaman yirha əngya fa na a talara hai a mbədi na Yeeso Kērēsti sē tē tsaurha a yisəmad Faara. 2 Numama a ten əngya na talara, mbə aten ən kēshiirha wa. 3 Kəsər mər dūn, yibəd nun nəghēn bōbee tē Kērēsti hu Faara. 4 A ḅad Yeeso ḅa tsauka yibəd nun hu kēshiddi ya, nun a naarha təghēn heu hu mamnggitghēn. 5 Nanən kee, ḅəlamān dimiyid dī tē ən kēshiirha tərna mid nun, kēla, ḅereukirha, kulafayirha, suna, mbəfeerha, kwidhura ndəghēn nggima tar dāharha ni. 6 Kəsər ka əngginiya, ndēna hur Faara səbrha dē aten fīngya kargha takkwaghēn fa. 7 Kaar nun ənaarha kee, nun naarha wiirha hai hu tur əngginiya. 8 Amma nanənya tətani a nduwun hai tē əngginiya kēla nda; hufirha hura, kar farha, tē mbəfeerha, səb thləma nduwa kyagha laḅaara ḅa a miwa mbuwa ngga 9 A nggaḅang dūn ndan fa wa, tsaunən malang dūn tur tsawud nun yi thlu farha tē tar mbəfeerha yi kaar. 10 Nanən kaldūn weerinda farha fa, tsaudūn nafiya pak. Tərdūn weerinda tsaurha na nda kyakhrang hai hu sēnda shishingnda tē nggəttəwa. 11 Tsaunən wal dūn weerinda tsaurha, ḅalwa ndaarha sē tē Yahudarha nduwa mbə tē Yahudarha wa, nduwa tē thleegha muwa tē yandī thlee wa muwa, tēmbəng nduwa dālthwa wa, nduwa niifa na tē altēnggēn nduwa mafarha. Kērēsti ndəghēn ni əngya heu, nəghēn kēm ahur nēm. 12 Wurna Faara kun tsawun nafiyyighēn na chahal nggēm

nən kaan. Nanən kee, tətani non a hadang ndan fa, ənaman nggayirha ndan, malaman manang nda alteena, tə hakkilo, tə munyarha. 13 Kərsaama tə ndan. Chahaman dimiyirha ndan də, ana 'yasə a pathlang nun tə ndan, chahaman ndəghən ndan də kəla chahang na Chinəm dimiyid nun kəm də. 14 Ahu əngya heu, nggəmnə ndəna manggən ma əngya heu, kəsər nggəmnə ndəna wumang əngya heu hu tsaurha tal. 15 Ngwa tsauka dədəmnggid Kərəsti ahur nun, kəla nanəm tal aah nanda kun a tsawun hu fərha tal. Tsawama nafiya na yakh usa Faara kətsar. 16 Ngwa tsauka laḅar Kərəsti ahur nun kətsar kəla mbəd dəf wudəḅəla. Non naarha tsahang nda ndan ha, kəs thləman ndan nun hu thladwayirha. Non naarha aah amshi yi Dzabura tə yi fal Faara, tə yi səsəna, non naarha kəm usa Faara ahur nun. 17 Kala 'ya nun a ənaarha, yi laḅaara nduwa yi taara, ənamadghən ahu thləm Chinəm Yeeso, non naarha usa Faara na Chindī hu fadghən. 18 Kun nishya na a chimarha, fərama fad nun a chimayi nun, kəla nafiya tsauka yi Chinəm. 19 Kun həshya kəm nggəməma nishyi nun. A nadun ngyangthlang a tendan wa. 20 Kun wundakhnaya səghama mii fanggətyi nun ko ahu mani, kəsər ndəna mid Chinəm. 21 Kun chingya a billadun wangginun wa, kəsər na hur ndan səbrha də mərgha fad ndan hai. 22 Kun mafaya fəraman mamnggirha turayinun na ahu kəshiirha ko ahu mani. A ənadun taara ka nana nda a na kun tənə na fal kun wa. A meyedghən ənama taara pathlang nun tə Faara, kəla nafiya na a tərəm Chinəm. 23 Kala 'ya nun a ənaarha, ənamadghən tə hura tal kəsər nun a ənanggən Chinəm ni, mbə a niifa wa. 24 A sənunsə na Chinəm a fərang langaarha kun yi kəna tar nun. Kəsər nuwun a əna taara yi Chinəm Kərəsti. 25 Tə əna tar mbəlfəerha kəm, nən a wal kəna tar mbəlfedghən, kəsər mbə Faara tattaha wa.

4 Kun na tə mafaya ha ənaman nggayirha kanda, a sənunsə na tuwuri nun sə kəm a talara. 2 Nama naarha a hwan Faara kətsar, tsawun nggungwa fa tə usa Faara kəm. 3 Hwana man Faara kansə kəm, tənə Faara inang kwamana kan hai na a pər laḅarghə nan. Pər laḅar ənwulten tar Faara nan na bəḅee, ndəna laḅar Kərəsti. Kəsər ka laḅar dani ya muweena nda hu porsəna də. 4 Hwaneema Faara in tənī pər laḅardi na bəḅee ya ngga, kamngga a əne. 5

Nama ndəndəl tə tsawud nun tə fingya fərwa kəkafek tə Yeeso, tə kəm ənama taara ngga tə kwamana wal nun. 6 Kətsar nagha laḅar nun mbənggən, tə kəm sən kwamana nun kamngga na nggəranggun fiya sə. 7 Na Tikikus a pərang 'ya kun a tenna. Ka niifa ni ahu tar Faara. Kan təghən nan a əna tar Chinəm. 8 Niya thlənggən a thləman nun də ka dəgha fərang kaali kun tə kəm pərang 'ya nən kun na nan ahurghən. 9 Nən a tahang nda Onisimus hadə wan tal nun, na nda a pərang 'ya kun na a katərarha hai a mbədiya. 10 Aristakus nanan hu porsəna tal a ndang'ya kun fa, tə Markus wanman Mbarnaba. Pərang ndan kun yi tə ndaarha, a ḅad Markus ḅa thləmadghən fa tə haara kikyab. 11 Djeshiwa na nda aarha Djustus kəm a ndang'ya kun fa. Ngwala nafiya Yahudayina ni ya mahan na ahur nafiya nan a əna taara yi Kutəryid Faara, nggab nda nggi kaan. 12 Niif nun na nda aarha Abafaras mafad Yeeso Kərəsti a ndang'ya kun fa. Nən naarha kətsar a hwan Faara a tennun na a tsawun tə kanglanggirha ahu əngya na mid Faara. 13 Niyi tə wutsəfayirha fa a pərang ndaarha ni kun nəghən a əna taara kaan ka kun tə kowunni na a Lawudikiya tə Hirapolis. 14 Təpuwuddi Luka nggəm nəm tə Ndimas kəm, kanda a ndang'ya kun fa. 15 Ndaman 'ya shayinəm fa na a Lawudikiya tə Nimfa kəm tə fa takkwaya na a wumnda hai a minda keeghən. 16 A kwasamaddi karatang nun deelewar di ya, karata man ahu kən hwan Faara kəm na a Lawudikiya. Kun kəm karata man deelewar di thlənang nan nafiya Lawidikiya də. 17 Ndaman Arkibus a kwargha ngwalanggən tardī fərang na Chinəm ahu harghən hai. 18 Nggi, Mbulus, tə harna niya chireethleng nda ənna kun fa də. Dalama teena hai niyi hu porsəna. A tsauka nggayid Faara tə kun.

1 Tasalonikaya

1 Kyagha deleeuwar dā 6a ya a har nda Mbulus, tō Sila, tō Timoti. Chireethleng nandan a fatakkwaya Yeeso dā na a Tasalonika a nafiya Faara na Chindi tō Chinām Yeeso Kārēsti. Ngwa tsauka nggayirha tō tsawud dādemnggirha tō kun. **2** Nan naarha usa Faara kāsār ka kun heu, nan naarha kām hwanang Faara kun teena kāsār. **3** A nadan a hwan Faara aten nun nan dāl teena hai tō tar fārēkafekkīd nun nanun tēghen a mbed Faara Chinām, tō dārha mbeedā nanun tēghen hu nggāmnda, tō kārēsta kāsār ka shiteena nanun tēghen aten Chinām Yeeso Kārēsti. **4** Sēdānsē Shayina, nggāmna Faara kun wurnen kun a tsawun nafiḡhēn. **5** Kāsār bang dān Laḡaara kun 6a na Mbēnggēn, mbē laḡaara katēnggēn wa, amma tō sēsēmnda, tō Sēsēna tō Pedēnda pērangga kēkafek kun. Sēndun tur tsawud nan ēna nan tō kun ka a thlar kun nan. **6** Tsaudun nafiya tsahagha tō kan, tō kām Chinām, thlē laḡar Faara nun tō wutsēfayirha fērna Sēsēna Tēpedēnda, ko nanen sēsaa dūn kaan. **7** Kāsār ka kee tsaudun ēn sakhrha a fa takkwaya heu na a chehweed Makidoniya tō Akaya. **8** Nanēnya laḡar Faara wel dā dē kāsār ka kun mbē a chehweed Makidoniya tō Akaya kee wa, amma fārēkafekkīd nun a Faara sāk fiya ndēn ko a yanggi ni. Tsaunēn kee, mbē minnan sē kalang sē a tenggēn wa. **9** Kāsār fiya ni tafad ndan na a thlēk laḡar thlēn nan fa ēna nun, tō kām ndēghen nun hai tō tar dāharha, kyakhrun thlēmad Faara 6a, ka a tērang shilee nun Faara ēn na tō yibrha tō kēkafek. **10** Nun naarha kēla bād Wanggēn fa 6a a talara hai. Faara ndēn thlēngga Wan dā sē ahu mērya, ndēna Yeeso ndēghen ni na a thlang kām sē ahu sēbrha hur Faara na ḡayi.

2 Shayina, kun tafad nun sēndūnsē bād nan thlēmad nun 6a tsauka mere wa. **2** Kēla sēnnūnsē tēk dān sēsāarha fa a Filibi. Amma fērang Faara kaali kan na a pērang Laḡar dā nan kun na Mbēnggēn atēnggēn, ko nanēn kar fiya laḡarḡhēn fa. **3** Kāsār laḡar dī pērang kun mbē nggāḡarha sē wa, nduwa mbālfeerha, nduwa hukrha wa. **4** A meyedghēn nan narha pēr 'ya na mid Faara, kāsār kēlang dē kan kam dān a pēr Laḡaara nan na Mbēnggēn, mbē ka a mbēnanggēn fiya wa, amma Faara ndēghen na a kēkērang nda hur nām. **5** 'Wawan thlēk

laḡar yi mbēnda mee ka a lēm kun nan kee wa, tō kām mban tō numad suna ahur nan wa. Faara ndēna shedawan nan. **6** Mban a kadā faala a fad fiya wa, mbē a fad nun wa, kala ko wunni. A ndam na minnan sē kee, kēla nanan fa fathlēngya Kārēsti kam kadā dān thlaara a har nun. **7** A meyedghēn nēghēm kēla wundakhnaya ahur nun, kēla na maana kār wanggighēn. **8** Kāsār nggēm dān kun kaan mbē ka a pērang Laḡar Faara nan kun na Mbēnggēn kee wa, amma heu tō yibēd nan kām. **9** Shayina, dālama teena hai tō taara ēna nan. ēna dān taara nda fēdikrha tō yanfara amawa nan sēsang kun a sayiddi nan a pērang laḡar Faara na mbēnggēn kyagha 6a ahu thlēn Faara. **10** Nadun ēndi nan a ēnaarha, Faara kām wai kee, nanan chahal, tō nggayirha, tō kēkafekkīrha ahu ēn ēnan nan a kun fa fārēkafekkya. **11** Sēndūnsē ēnang dān ēngya kun heu kamngga, kēla na china ēnang nda wanggighēn. **12** Hwan dān kun, fērang kaali nan kun, tō nggāb kun nan, na a tsawun ahu kwamana na mēmēl a mbed Faara, ndēghen ni aagha kun ahu kutēryidghēn dē tō mamnggidghēn. **13** Tsaunēn kee, malang ngwan usa Faara kāsār fār dūn kēkafek tō laḡar Faara pērang nan kun. Laḡardi yi Faarani mbē yi niifa ni wa. Thlēwun ndēn tō ndaarha laḡar Faara ni, nanēnya nēghēn a ēna taara ahur nun. **14** Kun shayina tsahama nafiya na a takkwa Faara hu Yeeso Kārēsti, na hu chehweed Yahudiya, kāsār sēsādun ahar nafiya chehweed nun, kēla sēsā nanda ahar Yahudaya. **15** Yahudaya ni bēlangga Chinām Yeeso tō annabiya, kanda ni kām rēkka kan. Na nda naarha sēbang hur Faara dē kaan, tō kām na nda kar kowunni fa! **16** Na nda karang kan fa a pērang laḡar Faara nan fīngya mbuwa wa Yahudaya, kāsār amawa nda wal hērēkrha. Ahu ēnaarha kiya na nda chik kyarha hu dimiyirha hai. A kwasamadghēn sēb hur Faara dē kaan tō kanda. **17** Kun shayina, akwasamaddi tsakh nēm hai, na tennan tekha tō kun habḡa dān na a nggērgghan wutta thlēmad nun dē, a nggērgghēm kēmarha hai na ndan nām. **18** Mbē ngāala sē wa na minnan sē a wudān thlēmad nun dē, nggi na Mbulus, na minna sē a nggēr yi dārha dē saara hangga, amma kēsē Sheetan hai. **19** Akwasamadghēn heu mani ēn shiiten nan tō wutsēfayid nan, tō kām tallē nan a mbed Chinām a wuddā 6a, mbē kunni wa? **20** Kēkafek kunni ēn tallē nan tō wutsēfayid nan.

3 Nanən kee mbang ngwa nan kərəsta, ndan kamdā a mal kanda a Atina katen nan. **2** Thlən dān Timoti pashid nan hu tar Faara a thləmad nun dā ka a fərang kaali nən kun ahu fərkəkafekkid nun, **3** amana səsaddi kyakhrang huden nun hai. Kun tafad nun səndunsə nəm a tək səsaaarha fa, **4** A sayiddi nanan tē kun 'wa dān pəranggən kun tē ndaarha, nəm a tək səsaaarha fa. Tsaudā kee kəla sənnunsə. **5** Nanən kee, mbang ngwa ni kərəsta, ndən thlən ni Timoti a sək labar fərkəkafekkid nun ni. Tərəm di nən dā narha tē thlərəbuddi, Sheetan huk dā kun, tsauka tar nan mere. **6** Amma nanənya wudna Timoti a thləmad nan bā bāng dā labāara kan bā na mbənggən aten fərkəkafekkid nun tē nggəm ndan. Nggərgħən ndang nda kan nuwun a dāl teena hai tē kan kətsar, tē kəm nəghən a kukwasang kun fa a na kan nan kəla na mid nan kəm a na kun nan. **7** Nanən kee shayina, ahu səsad nəm tē kətəllə nəm fa wal dām kaali kəsər ish dūn ngga hu fərkəkafekkid nun. **8** Nanənya nəm a nggar chik wal shembe tsaunən ish dūn ngga hu Chinəm. **9** Tur yanggi usaayi nan a ənang nda Faara ka kun, ka wutəfayirha nanəm təghən aten yinəm Faara ka kun? **10** Nda yanfara tē fədikrha nan naarha hwan Faara na a nggərgħan na kun na a dāng nggan kun sē tənā fərkəkafekkid nun chikrha. **11** Ngwa tangsangga Faara na Chindi tē Chinəm Yeeso kwamana dā na a dān wal kun. **12** Ngwa chighangga Chinəm hur nggəm ndan kun tē fiya heu kəla nanan təghən a kun. **13** A fərangga Chinəm kərəsta kun, tənun narha chahal kula ən 'yaara a mbed Faara na Chindi. Ngwa tsauka kee a sayiddi na Chinəm Yeeso a wutta bā tē nafiyyighən heu na chahal.

4 A mii ngwaladghən shayina, nan a hwan kun, nan kəm a kəs thləmad nun kəsər ka Yeeso tē ndaarha, tsawama hu kwamana na məməl na a mbənanggən Faara, kəla tsahang nan kun ha. Ko nanən nuwun tē tsaurha kee, amma nan a fərang kaali kun na a nggər wun chikkən. **2** Kəsər səndūn ənggini tsahang nan kun ha tē ngyahad Chinəm Yeeso. **3** Tsaunən kee, 'ya na mid Faara a tsawun chahal, nama inggun ma kulafayirha. **4** Kowunni ahur nun sən kwaman dā nən na a kəs altənggən tənən naghā chahal tē mamnggirha, **5** kula suna naarha ahur nun non kəla nafiya səngwa wa Faara wa. **6** Atam niifa huk shadghən tətakkwarha nduwa səbānggən

hurghən dā kadā nukkun nən wa, kəsər na Chinəm a ngwang kumarha tur ənggina sē ya, kəla pərang nan kun a katərədgħən kəs nan thləmad nun. **7** Aawa Faara kəm a tsawun kula naarha chahal wa, amma a nam chahal. **8** Tsaunən kee, kala niifa kargha tsahadda fa ya, mbə kar nən niifa fa wa, amma Faara ndən kar nən, ndəghən fərang Səsənggən kun Təpədānda. **9** Aten nggəm ndan, kamngwa a nggərgħan chireethleng nda kun dā wa, kəsər kun tafad nun tsahang Faara ndən kun ha tē ndaarha, nggəməma ndan. **10** Kəkafek, nuwun a nggəm shayi nun heu na a chehweed Makidoniya. Nanən kee na minnan sē a chik dərha nun mbeedā tē nggəm ndan. **11** Dəfaman kəs alten nun a mbee, nun narha əna tardī na a mbed nunya təkəm nama a əna taara tē haryi nun kəla pərang nan kun. **12** A nadūn a ənaarha kiya nafiya mbuwa wa Kərəstaya, na nda fərang mamnggirha kun təkəm a mbərsa dūn tē niifa wa. **13** Amma shayina, mbə minnan sē a tsawun tē yamid sənda aten fīngya mərgħa wa, nanən kee, nadā hur nun səbrha dā kəla fīngya mbuwa tē shiteena. **14** Kəsər kətəm fər dām kəkafek mər Yeeso, nggər dā thliirha sē, tē kəm səndəmsə ngga a wuddābā, na Faara a thleng fīngya yina sē tē yibrha mərgħa fərgħa kəkafek. **15** Nan a pəranggən kun kəla ndaana tsahad Chinəm Yeeso, kəm bālgha tē yibrha fa a fara na Chinəm bārha bā, mbəm 'wa thliirha ma fīngya 'waghā mərə wa. **16** Kəsər Chinəm tafadghən nən a tərā hai a talara, tərənggən uradghən sē naghā a aah farha, tē urad təthlənda Faara na manggən, tē pii kodwomnda yi aah Faara. Fīngya mərgħa fərgħa kəkafek tē Yeeso kanda ni na 'wa thliirha sē. **17** Tərgħa kəm bālgha tē yibrha fa, na nda a tərang kəm dā tē kanda ahu hashmbe dām kəmarha tē Chinəm a fərahk amshi. Nəm a tsaurha tē Chinəm pakwandā. **18** Tsaunən kee nama a fərang kaali ndan aten labardi ya.

5 Nanənya shayina aten sayi nduwa fara na ənggini a katərarha hai ya, mbə kəl nggər nan chireethleng kun dā wa. **2** Kəsər kun tafad nun səndūn sē a fara na Chinəm a bārha bā nən naarha kəla bād ngāara bā a fədikrha. **3** A sayiddi na fiya a ndaarha, “Nan a tsau dədemnggirha tē kwassa hura hai.” Kula səndəndan sē kəl bāgha səsaaarha a tendan bā kaan, mbə kwaman hərəkrha sē wa, kəla na hatta hur nggəttā kəsang nuneefa na ahur. **4** Amma kun shayina

mbuwun hu wula wa, na dā fardī wal kun ya kula sændənun sē kēla ngaara. **5** Kēsər kun heu wangya kukwaryirha ni kun, yi yanfara kām. Kām mbē yi fēdikrha ni nduwa wula wa. **6** Tsaunən kee a shii dām kēla na fingya ənaarha wa. Amma taama tsawum nggungwa fa nam a kēlarha dē. **7** Kēsər fingya na a shiirha na nda ənaghən a fēdikrha, fingya kām a fēdikrha ndəna mbaala tərang kanda in. **8** Amma tsaunən kām yi yanfara ni, taama ngwam fa, kal luwud dēbēla nām yi fərəkəfek tē yi nggəmda, sheng teena nām walla hērəkrha fa tsauka ndəna tətər dēbəl nām. **9** Wurwa Faara kām ka a nagha səbgha hurghən aten nən wa, amma na midghən sē a wal hērəkrha nām ahu Chinəm Yeeso Kərəsti. **10** Ndəghən ni mərgha ka kām, kēsər ko nanəm tē yibrha fa, nduwa mər dām a fara wud nən bā, a tsawum təghən. **11** Tsaunən kee nama a fərang kaali ndan, non a dāng ndan sē, kēla nanun a ənaarha nanənya. **12** Amma nan a hwan kun, shayinan, nama a fərang mamnggirha fingya na a əna taara kaan ahur nun, mamnggi nun ahu Chinəm na a fərang labər Faara kun. **13** Fəraman mamnggirha kanda ngga tē nggəmda kēsər ka tar ndan. Tsawama dādēm tē ndan. **14** Nan a hwan kun shayinan, yana man fingya na səsahun, fəraman kaali fingya na tē shilee yid. Daman fingya sē mbuwa kəkanglang. Kərsaama kām tē kowunni. **15** Kwarama nun dē nggərang mbəlfeerha niifa sē tē mbəlfeerha. A meyedghən əna man nggayirha ndan tē kām a kowunni. **16** Kətsar nama tē wutsəfayirha. **17** A malang dūn hwan Faara wa. **18** Ko a huma ni usama Faara, kēsər ənda na mid Faara a kun 'yahu Kərəsti Yeeso. **19** A bəlang dūn wad səsən Faara hai wa. **20** A sardūn 'ya thləkna annabiya wa, **21** kəkəraman əngya heu, kəs fingya yina nun ha na ngga. **22** Malaman kala tur tar mbəlfeerha. **23** Ngwa tsauka Faara tafadghən na a fər tsawud dādēmnggirha, a tsabanggən kun dē heu non chahal. A laf səsən nun nən, tē yibəd nun, tē fad nun heu, a tsawun nafiya mbuwa tē dimiyirha fa a fara na Chinəm Yeeso Kərəsti a wutta bā. **24** Yandi aagha kun nəghən tē kəkəfek fa, nən a ənaghən. **25** Shayina, hwanaman Faara kan teena. **26** Ndaman 'ya shayinəm fa heu tē nggəmda yi fa takkwaya. **27** Hwanni kun tē thləm Chinəm, karataman deleewar diya a fatakkwaya heu. **28** Ngwa tsauka nggayid Chinəm Yeeso Kərəsti tē kun.

2 Tasalonikaya

1 Kyagha deleewar dāba ya a har nda Mbulus, tē Sila tē Timoti. Chirethleng nggan ndən fatakkwaya Yeeso dā na Tasalonika, a kun tsauka yi Faara na Chindi tē Chinām Yeeso Kārēsti. **2** A fərangga Faara na yinām China, tē Chinām Yeeso Kārēsti nggayirha kun tē tsawud dādemnggirha. **3** Shayina, kamdā a usa Faara nan kətsar kəsər ka kun, tsaunən fərkəkafekkid nun aten chikrha kaan, heu tē nggəməndə nun a ndan aten chikrha. **4** Ndən ənagha ndən, nan taala tē kun ahur fīngya fatakkwaya Yeeso, kəsər ka kərəsəə nun, tē fərkəkafekkid nun tē səsəarha nanun ahurghən. **5** Ənggini heu ya kyaddə ndaarha ngwa kumad Faara mbə wura hasə wa, məməl dūn a tsawun hu kutəryid Faara kəsər aten kutəryiddā ni ya nun a səsəarha kamanggən. **6** Na kəkafek sə a fad Faara, kəsər nən a səsang fīngya yini səsangga kun, **7** amma nən a yifang kun ahu səsəarha nanun sē tē kan kəm, a sayiddi na Yeeso a bārha hai a talara heu tē mamngya fathləngya Faara. **8** Tē sheneu waarha, nən a səsang fīngya kargha sēnda Faara, kəmdā tē fīngya kargha əna taara tē Laḃara na mbənggən yi Chinām Yeeso. **9** Na nda a tək səsəarha fa yi mərə pakwandə, tsaha nda hai ma yid Chinām tē səsəmnda mamnggidghən. (aiōnios g166) **10** A fardī nən a wutta ḃa, nafiighən heu na nda a fərang mamnggirha. Kala niifa fərgħa kəkafek na nda a na ənwulteena tē Chinām, kəsər fərdun kəkafek tē 'ya pərang nan kun. **11** Nanən kee nan naarha hwan Faara a ten nun kətsar, tē ndaarha a tsawun ngga tē Faara aagha kun. Nan a hwan Faara a fərang səsəmnda kun na a ləgdanggun ənggini heu na nggəngga nun a ənaarha hu fərkəkafek. **12** Nan a hwan Faara tənə nda manang nda thləm Chinām Yeeso ahur nun, kun kəm ahurghən, hu nggayid Faara tē Chinām Yeeso Kārēsti.

2 Shayina aten wutta Chinām Yeeso Kārēsti ḃa nəm a wumnda thləmadghən ḃa. Nan a hwan kun, **2** a ḃilla dūn nduwa thliigha hakkilod nun kəkər aten ndaarha far ḃad Chinām ḃa 'wadə teena ḃada ḃa wa. A fər dūn kəkafek tē kanda wa, ko ndaana nda hu laḃaara yi səsəna səkna ndan, nduwa səsəna kyadgha ndən, nduwa wal na nda deleewar a haar nan ḃa wa. **3** A nggəm dūn fa nggəḃagħa niifa kun wa. Kəsər mbə fardī a bārha ḃa kee wa, kəl katarana kakyathlaanga

hai aten Faara kyagha təmbəlfeddā ḃa 'wan, ndəghənggi kya nanda əna mərəra kamanggən. **4** Na təmbəlfeddī nən tərang altenggən sē tē kəm mbə midghən sē a sək 'ya nən tsauka yi Faara, nduwa kala 'ya na nanda a tərang shilee teena wa. Nən a tsaurhahu Kən Faara ndagħa ndəghən ni Faara. **5** 'Dal wun teena hai 'wadi pəranggən kun a sayiddi nani tē kun wa? **6** Nanənya səndun əndi 'yadangga ḃarha fa ḃa, kəsər na nda a kyadghən a məməlla sayidghən. **7** Kəsər səsəmnda təmbəlfeddī katarang dā əna taara hai ḃəḃee, nən a tsaurha ḃəḃee yandi 'yadangga ḃaarha fa ḃa malang dā kwamana. **8** Tərgħa na təmbəlfeddī a kyarha ḃa, amma a ḃad Chinām Yeeso ḃa, nən a ḃəlang nda tē səsəmnda ḃereu yibədgħən. **9** 'Bad təmbəlfeddā ḃa ya nən a naarha tē səsəmnda Sheetan fa, nən a əna tar ənwulteena, tē ənsakhkya yi nggəḃaarha dəḃamən-dəḃamən, **10** nən naarha huk fīngya na ahu kwaman mərəra. Na nda a mərə kəsər kar nda nggəm kəkafek fa na a wal hərəkrha nda. **11** Nanən kee na Faara a thlənang səsəmnda sahatta huteena kanda fa ḃa ka a fərkəkafek nda tē laḃar nggəḃaarha. **12** Tərgħa na nda a ngwang kumarha fīngya sē kargha thlə kəkafek fa amma na nda a tək mbənda tar mbəlfēerha fa. **13** Amma kan shayina tsaudə tēta a usa Faara nan ka kun kətsar, kun shayina nggəmna Chinām, kəsər a kataradghən wur Faara kun ahur fīngya 'wagħa a wal hərəkrha nun ahu tar Səsəna hu fərkəkafek. **14** Aaghən kun ka a wal hərəkrha nun a sayiddi pərang nan Laḃara kun na Mbənggan, tənun wal mamnggit Yeeso Kārēsti. **15** Tsaunən kee shayina, kərsaama, kəs ənggina nun ha tsahang nan kun ha, ko hu pər laḃar Faara ni, ko ahu deleewar chireethleng nan kun dā. **16** Nanənya Chinām Yeeso Kārēsti tafadghən, tē kəm Faara na chindi kyanum, nggəmdə kəm ahu nggayidghən yi pakwandə nggəḃ nən kəm tē shiteena. (aiōnios g166) **17** A nggəḃ kun nən tē kəm fərang kaali nən kun ahu kala 'ya nun a ənaarha tē thləkrha.

3 A mii ngwaladghən shayina, hwanə man Faara kan teena tənə laḃar Chinām Yeeso weela dā kəkər, tənən wal mamnggirha kala mbərha dənən saadə, kəla 'wanən ḃarha thləmad nun ḃa. **2** Hwanama Faara, kəmdā, tənəm wal hərəkrha a har fa mbəlfēeya, kəsər mbə fiya heu natə fərkəkafek fa wa. **3** Amma Chinām nəghən tē kəkafek fa, nən fərang kaali kun laf

kun nən amana təmbəlfeddi ənang 'ya kun fa. 4 Mbərsa dən tə Chinəm kəla nun a ənaarha, daama mbeedə tə əna taara tə 'ya pərang nan kun. 5 Nanənya ngwa kyakhrangga Chinəm hutən nun aten nggəmənda də yi Faara, tə kərəsta kəm hu Kərəsti. 6 Nanənya shayina, nan a ndang nda kun ahu thləm Chinəm Yeeso Kərəsti, ndəghama hai tə səsaukya fīngya fa fərkəkafekkya mbuwa a takkwa ənggini tsahang nan kun ha. 7 Kəsər kun tə alənnun səndunsə kamdə a takkwa tur ənggina nun tsahang nan kun ha, kəsər a sayiddi na nan tə kun mbə səsaukya ni kan wa. 8 'Wa wan thlə ənnarhami a har niifa kula kan tiighən wa. Nan əna taara nda fədikrha tə yanfaara, amawa nan kətəlang kun fa. 9 Nan mbang ndang nda kun fəraman ənnarhami kan, amma na mid nan sə a tsawan ənsakhrha a tsaha kan nun. 10 Ko a sayiddi na nan tə kun, ndanggan kun, “Kala niifa kargha əna taara fa a fərang dūn ənnarhami wa.” 11 Kəsər sək dən ndaarha fīngya ahur nun na səbrha a yid ndan. Mbə 'ya sə na nda ənaarha wa kəl muk mee hu lafər fiya hai kee. 12 Tur nafiniya, nan a ndang nda kanda, nan kəm a kəs thləmad ndan ahu thləm Chinəm Yeeso Kərəsti, əna taara nda, na nda naarha həbəng fad ndan. 13 Amma kun shayina a dakh mid nun də tə əna əngya kamngga wa. 14 Ana niifa sə kargha mii nan fa ahu deleewar diya, a wum dūn teena təghən wa tənə shilee kəsang. 15 Amma a tsawan dūn kəla təsara wa, kəl a kəs thləmadghə nun kəla wanmana. 16 Nanənya Chinəm na tə dədəmnggirha ha, ndəghənggi tafadghən fərang dədəmnggirha kun kətsar, ko hu mani. A tsauka Chinəm tə kun heu. 17 NGGI NA MBULUS, KULO NDA ƏNNA YA CHIRETHLENG NI HAI TƏ HARNNA NI ƏNAARHA KEE TƏ 'DELEEWARYA HEU NI CHIREETHLA TƏNƏN KYAD NDAARHA KYAGHƏN BA A HARNNA. 18 Ngwa tsauka nggayid Chinəm Yeeso Kərəsti tə kun heu. Atsaukake.

1 Timoti

1 Kyagha deleevar dāba ya a har Mbulus, tathlōnda Yeeso Kārēsti, fadang nda tē sēsēmnda Faara tē Hārēkrēm tē kēm Yeeso Kārēsti nēm shengteena fa. **2** A Timoti ka waana ahu fārēkākafek. Ngwa furowa Faara na China tē Kārēsti Yeeso na Chinēm nggayirha, a hadōwun fa, tē dādemnggirha. **3** Nani a wiirha a Makidoniya dē, hwardi sa a tsawa na a Afisa 'wan tēna kēs thlēmād fīngya nafiya a mbēdi a malang ngganda tsahan ndan ha yi nggābaarha. **4** Kamdē a kēs thlēmād ndan na a malang ngganda mbētta hai aten sāk asēdaya mbuwana kākafek, tē thlētta thlēmngya chichiya mbuwana mii ngwaladghēn sē. Kēsēr tur āngginiya nēn baarha bā tē ngāala. Mbē dang niifa sē a āna tar Faara nēn tē fārēkākafek. **5** Fērni ngyahaddiya tēna fatakkwaya Yeeso narha tē nggēmnda fa bāgha bā ahu hura na chahal tē hura tsahai na, tē kad fārēkākafek. **6** Amma fīngya famalēmngya sē 'wanda teena kyalth nda hai ma ten labardiya kahad, mbēda nda hai tē thlāk labar nuryirha. **7** Na mindan sē a tsawanda kēla fa malēmngya ngyakhrha Musa. Amma sēngwanda 'ya nanda thlākhrha wa, a sakwata ēndi na nda njib ndaarha sēnda 'ya na nda a thlākhrha. **8** Sēn dēm sē tē ndaarha na ngyahaddi ngga, a āna dēm taara sē ahu kwamana na mēmēl. **9** Sēn dēm sē kēm tē ndaarha, mbē ka nafiya mbuwa dimi āna nanda ngyakhkya wa, kēl nafiya mbuwa takkwa ngyakhrha tē sāk 'ya, tē nafiya mbuwana ēn ānandan kēla yi Faara, tē nafiya na dimi, tē nafiya mbuwana hur ndan pēpet, tē nafiya na sar Faara, tē nafiya na bēlang chinggindan, ko manggindan, tē fa bēl faaya. **10** Ngyakhkini ya āna nan ndan ka kulafaya, nduwa hēshya na mēnda tē hēshya, nduwa nishya na mēnda tē nishya nduwa fa ngar faaya, nduwa fa nggabaya tē niifa na pēr nggābaarha ko ndanēn nēn a pēr kākafek, tē kēm kala 'ya heu mbuwa mēmēl tē tsaharha ha yi kākafek. **11** Tsahadda ha ya nēghēn mēmēl tē Labara na Mbēnggēn yi Faara na tē parka na manggēn fēre nanda hu haara hai a pērgēn ni dē. **12** Niya usa Kārēsti Yeeso Chinēm, fēreegha kanglanggirha. Kēlēdē ka niifani nggi wurnēn nggi ka a ānang taara ni. **13** Ko nanēn kētēm ni naarha sar Kārēsti, tē mbēlfeerha sēsangga nafiyyighēn. Amma hadang dī fa kēsēr 'ya āna ni heu nēghēn

hu yamid sēnda ni tē yamid fārēkākafek. **14** Nggayid Chinēm lēdeedē kaan tē kēm fēre dē fārēkākafek tē nggēmnda bāgha bā a thlēmād Kārēsti Yeeso. **15** Labardiya kākafek ni, tē kēm kowunni a fārēkākafek nēn tēghēn. Kārēsti Yeeso bānēn hu kēshiirha bā ka a hērghanggēn fa dimiya ahur ndan heu nggi kalgha kanda tē dimiyirha. **16** Amma kedēe Faara nggayirha, nggi kalgha nafiya dimiyirha, Yeeso Kārēsti kēsēr dē tē nggi kaan ka tsawī ānsakrha ka fiya heu bāgha fārēkākafek tēghēn tē kēm wal yibrha nda mbuwa ngwalarha. (aiōnios g166) **17** Ngwa tsauka mamnggirha tē faala a Faara pakwandē. Ndēghēnni kutēra yi pakwandē, mbuwa nēm naarha, mbuwa mēra; ndēghēnni Faara katēnggēn. A tsaukwa kee. (aiōn g165) **18** Timoti, waana, niya pēro palthdiya kēsēr ka 'ya 'wa na annabiya pēra a ten wa ka kētēm. Kēsēr ahu laf āngginiya na mbang yanda ngga kēla ka sodja. **19** Kēsū fārēkākafekkid wa ha ngga ahu Kārēsti. Tsawu tē hura tsahai, kēsēr fīngya nafiya tē thlēmān kar nda āngginiya; kēsēr ka ēndiya ndēn ānagha ndēn fēlna nda hai. **20** A hur ndan na Himeniyus sē tē Aledzanda, fērang ni Sheetan ka tsahang huteena nēn kanda ha ka malang ngganda sar Faara.

2 Niya ndang nda kun, 'waama hwanang Faara fiya teena heu. Hwana man Faara a danggēn kanda sē na a hadānggēn kanda fa, tē kēm usaghēnun ka kanda. **2** Hwana man Faara kutērya teena kiya tē fīngya mamngya, tē nēm tsau dādemnggirha kula mbeela, tē tērēm Faara tē hura chahal. **3** Tur hwardēdi ya nēghēn ngga, nēn mbēnang Faara tē Hārēkrēm. **4** Na mid Faara sē kowunni a hārēkka tē kēm a sēn kākafekidda nēn heu. **5** Faara nēghēn tētal, Yeeso Kārēsti ni katēnggēn na bāng kēm thlēmād Faara bā. Yeeso kākafek niifa ni, fērdē fadghēn ka a hērghanggēn kēm. **6** Fērdē yi bēdghēn ka heng wal alteena nēn kēmsē. Kyadang Faara ēndi kēm ya ahu mēmēlla sayi. **7** Ndēghēn dāni ānagha ndēn wurna Faara nggi a tsawī tē tathlōnda Yeeso tē kēm tē pēr Labar Faara na Mbēnggēn. Niya pēr kākafek, mbi a nggābaarha wa. Thlēngga Faara nggi bā a tsahang nggi nafiya ha mbuwa Yahudaya aten fārēkākafek tē kākafek. **8** Nanēn kee a wum dūn hai ka dēfang shilee nun Faara in, na mid na sē hēshya tērang ngganda haryindan sē na chahal a talara sē hwan Faara nda, kula sēbrha hura

ko ngaala tē ndan. **9** Akwasamad yandiya na mid na sē nishya a ngwang ngganda fandan fa tē kari kamngga, a sakhdang nda wasyindan wa, nduwa kal kari nda fa na tē wudəbēla fa wa nduwa kən ən urarha nda əna nanda tē tēfasa fīngya əngya na chimnda fa. **10** Amma nishya ndagha nggəmda Faara, kamdē a əna əngya nda na ngga. **11** Ngwa tsauka nishya fa thlē tsaharha ha tētip tē fər mamnggirha. **12** Fəranggi kwamana nishya a tsahang ngganda hēshya ha wa nduwa a tsawa nda aten ndan wa. A kahləmaarha nda hai tētip. **13** Kəsər Faara 'waghən əna Adamu ambəra əna Hauwawu nən. **14** Mbə Adamu ni nggaba nanda wa, amma nuda ni nggaba nanda tsaunən tē dimiyirha. **15** Amma nishya na nda a wal hərəkrha ahu nggəttā a dēnda mbeedə hu fərəkəfek tē nggəmda tē hura chahal, tē kəs alteena.

3 Nəghən kəkafek tē ndaarha kala niifa na midghən sē tsaurha shingnda aten fatakkwaya taara ni na ngga. **2** Mamnda tsaukwa kula ən 'yaara a mbed fiya, a tsauka tē nuneefa tətāl, kəsanggən altenggən, niifa ni huhwar, na a takkwarha tē altenggən ngga, na thlē rongya fa, mbangga tsaharha ha. **3** A tsauka niifa ni mbuwa sa aam inabi ni na a təranggən teena wa, niifa mbuwa yanda, amma tsauka məsələm nda niifa, mbuwa nggəm kakyathlaanga fa, tē kəm mbə niifa ni na yakh nggəm wudəbēla wa. **4** Tətani a tsauka niifa na mbang laf wurighən ngga, tē wanggighən ana nda a fərang mamnggirha ahu 'ya na heu. **5** Kəsər niifa mbang ngwa wa laf wurighən ngga, kəkən nən mbang kēla nafiya ha na takkwa Faara? **6** A tsaudə weerənda niifa ni fərgha kəkafek wa, kəsər nən manang nda altenggən ka wurna ndan wet, na nda a ngwang kumarha sē kēla Sheetan. **7** Tē kəm, nafiya mbuwa fatakkwaya, thlək 'ya ngga a tenggən amawanən mukrha ahu takthlər sheetan hai fəlgha hai tsauka ən shilee. **8** Nəghən kee kəm ahu fīngya nafiya na a əna taara ahur fatakkwaya, tətani a tsawanda nafiya ni na nda fərang mamnggirha kanda, na tē ən ənandan ngga, mba nda tē mee səri wa, mbə nafiya na sa aam inabi kaan wa nduwa nafiya na ngingiləm tē wudəbēla wa. **9** Tətani a kəs fərəkəfekkid nəm ha kyadang na Faara kəm tē hura tsahai. **10** Tətani a 'wa nda teena kəkərang ngganda kanda a mbə ən'yaara sē a fad ndan wa, ngwa tsawa nda fa tarya. **11** Nəghən kee kəm nishyindan

a tsawa nda kula ən'yaara fa, mbə fa kikifaya wa, nafiya kəsangga alten ndan, kanda a əna 'ya tē kəkafek ahu əngya heu. **12** Niifa na a əna taara ahur fatakkwaya, a tsaukwa tē nukkun tətāl, na mbang laf wanggighən tē fīngya fa wurayighən ngga. **13** Nafiya na a əna taara ngga ahur fatakkwaya na nda wal kənaghən, na nda fərang mamnggirha kanda ma fiya, tē kəm na nda wal chikrha kanlanggirha hu fərəkəfekkid ndan hu Yeeso Kərəsti. **14** Niya chireethlōng ənggini kun dē nanənya, ko nanən na mid na sē dərha thləmad nun dē a mbee. **15** Amma a mbəddi hai, na sən kwamana na fiya a takkwarha tē altendan ahu Kən Faara. Nafiya ni yi Faara na tē yibrha fa, ndəna həhərshe tē sar kənna na a kəs kəkafek ha. **16** Mbə ngaala sē wa 'ya na bəbee aten fərəkəfekkid nəm nəghən manggən: bəgha Yeeso bə ahu thlu farha. Kyad ndan tē kəkafek ni hu Səsəna tē Pədənda, nad fa thlōngya Faara ndən. Pər nda laḅar Yeeso a chehweeya. Fiya na ahu kəshiirha fər nda kəkafek təghən, tərang nda talara dē hu mamnggirha.

4 Səsən Faara tē Pədənda thlək dā ndən a pəpal tē ndaarha, a mii ngwala kəshiirha fiya hangga nanda kyaharra ma fərəkəfekkid ndan. Nanda takkwa səsəngya yi nggəbarha tē tsaharha ha tur yi ənkaheeya. **2** Tur fa tsahayini ya fa thlərḅuya ni tē fa nggəbaya. Nanda nggaba fandan fatakkwaya ni, amma mbə huryi ndan tsahai wa. **3** 'Yadang nda kakhrha fiya fa tē həb fīngya ənnayami. Amma Faara ənagha ənnayini mii, tēna fīngya fərgha kəkafek tē kəm səngga kəkəfekkid laḅarghən na nda thlē ənnaddami usaghənda. **4** Kəsər 'ya ənana Faara heu nəghən ngga, mbə 'yasə nəm kaara wa, a thlədəm ndən tē usaarha. **5** Sən dəm sē nəghən chahal ka 'ya ndana Faara, tē kəm hwanda nəm a ənaarha kapa nəm əna 'ya mii. **6** A tsahangna ənggini fatakkwaya ha ya, na tsaurha ka mafad Yeeso Kərəsti. Na kyad ndaarha tsənna ahu laḅar fərəkəfekkid nəm tē tsahadda ha ngga takkwana. **7** No inggun ma sək əngya ka ka tē asədād nuryirha. Tsətsəlu altenwa tsawa na kēla na mid Faara. **8** Ko nanən tsətsəl thlu farha nən ngga, amma tsaurha kēla na mid Faara kalda ndən ko ahu yanggi kwamana, kəsər nən bərha bə tē parka yi yibrha nanənya tē yi na ḅayi. **9** Laḅardiya kəkafek ni, kowunni a thləghənən fa. **10** Nəm a əna taara kaan tē

səsarha ka a fərgha fiya kəkafek, kəsər shiiten nəm nəghən a thləma Faara na tə yibrha fa, tə hərghang nda fiya heu, mbə kəla nafiya fərgha kəkafek mawa. **11** Tshang ənggini fiya ha ya njib kowunni na a tsahaghənən. **12** A nggəmna fa a sargha niifa sa kəsər ka nana wundakhne wa. Tsawu ənsakhrha a nafiya heu fərgha kəkafek ahu 'ya na thləkrha, tə kwamana na wiirha, ahu nggəm nduwa, fərkəkafekkid wa, tə tsawudwa chahal. **13** Kapa ni barha ba, dū mbeedə tə karata deleewar Faara a fiya, tə pər labar Faara tə tsaharha ha. **14** A malang na ənfera tə pedənda fərona Faara wa a sayiddi kal na annabi sə wumna shingya Kən Faara hai dəfo nanda haara teena. **15** Tshu ənggini ya tə sammayirha. Furu altenwa a kanda, tənə kowunni na dədwa mbee də. **16** Kwaru wiid wa hai, tə kəm a sənəsə 'ya na tsaharha ha aten Faara nəghən məməl. Kətsar dū mbee də tə əna əngginiya, kəsər a ənanna kee na hərghang alten wa tə fiya na sək fadwa.

5 A yanang na shingnda tə njaara wa, hwanuwun tə sammayirha kəla yiwa china. Wundəlaya kəm, kalang kanda sə kəla wan manggiwa. **2** Fərang mamnggirha suhurya nishya kəla manggiwa, kalang wangya nishya sə kəm kəla wan manggiwa tə hura chahal. **3** Dəng nishya marya sə na a kədə thlaara tə kəkafek. **4** Amma ana nu mərri sə na tə wanggighən sə nduwa kaghayighən, a takkwa samad Faara nda 'wan, na nda a əna taara tə əndi tsahana nda. Na nda a kəlang hurfayindan, na nda a dāng chingindan sə tə kaghayindan kəla 'wa na nda ənang kanda, kəsər nən mbənang nda Faara. **5** Nu mərri na midghən thlaara mal nandan katəngən nən shengteena Faara fa tə kəm nən dərha mbeedə tə hwan Faara nda fidikrha tə yanfaara a dānggən sə. **6** Amma nu mərri na tsaurha ka tak mbənda fa kee, 'wadə teena mərde ko bal nən a yibrha fa kəsər tsakh pathlanggən hai tə Faara. **7** Pərang ənggini fatakkwaya ya amawana kowunni tsaurha ən'yaara ahu əngginiya. **8** Nafiya mbuwa dāng hurfayindan sə, mbə kəla ma nafiya nananda ahur minda tal wa, kaar nda 'ya fər nəm kəkafek atənggən. Tur nafini ya kal nda nafiya fərwawa kəkafek səbrha də. **9** Kapa nəm thlədang nda nu mərri ahur nishya marya hai na fatakkwaya dāng kanda sə, kəl a kaldə hurarha kumnggit mikki, tə kəm ka nuneefa ni hu sayiddi bal na chimadghən hai. **10**

Tətani a fərangga fiya mamnggirha kəsər ka 'ya ənənən na ngga. Kərang də wanggighən sə ngga wa? Nən thlə rongya fa tə ənənarhami wa? Nən ənang taara fingya fatakkwaya kula manang nda altənggən wa? Nən dāng nda nafiya sə na hu billarha wa? Nəghən nggungwa fa kətsar ka a əna 'ya nən na ngga wa? **11** Nishya marya balgha weerən, a thlədang dūn kanda ahu nishya marya hai wa, kəsər bənda narha ngingiləm tə həshya ndusənggən hurndan də ma Kəreəti, tərgha mindan dərha chimaddə. **12** A nggər nda kakhrha na Faara a tsətsəl kanda, kəsər hwasang nda dəf mii ndan 'wa nanda ənənarha. **13** Mbə ma kee wa, na nda tsaha səsaukirha, na nda naarha wii hu wuraya. Mbə tsawud səsaukirha kee wa, amma har tə kiki farha fa tə kyarha hu 'ya hai mbuwa yindan, nanda thlək əngya kamngwawa. **14** Nənən kee niya ndang nishya mərri chimayindan balgha weerən, a nggərgha nda dərha chimaddə, nggət wundakhnaya nda, kəla wurayindan nda ha. Tərgha tə tsanda mbə mbang thlək 'ya dimi aten ndan wa. **15** Kəsər fingya nishya marya balgha weerən 'wanda teena kyahar nda hai ma Faara, mbusamad Sheetan nda. **16** A na nuneefa sə tə fərkəkafek na hurfayighən sə mərri chimayindan, tətani a dānggən kanda sə, a fərang də hər fatakkwaya wa. Tərgha na fatakkwaya dāng nda nishya meryina sə mbuwana fa thlarəndan sə. **17** Shingya na əna tar ndan məməl kamdə a fərang mamnggirha nda kanda, tə kəm teng ngganda kanda ngga, mbə kəla ma nafiya na əna taara kaan yi pər labar Faara tə tsaharha ha wa. **18** Kəsər ndagha deleewar Faara, “Mbəm nggəlang mii kwel anadə a dək hwarma tə wiirha hai atənggən wa”, tə kəm, “Tə taara kamdə teng thləthlən ndəghən nda”. **19** A kangna thləmaarha huhwaarha fa aten shingnda wa, kəl ana nafiya sə səri nduwa mahan bağa ba tə tur huhwaddi. **20** Kala shingnda ənagha 'ya na dimi kəs thləmadghənun a mbed fatakkwaya heu tənə fingya tərəm Faara ngga. **21** A mbed Faara tə Kəreəti Yeeso tə fathlangya Faara na wuwura, niyi a kəs thləmad wa a takkwa ənggina na ya a wurna hasə wa, nduwa kar yanda na ya, nggəm yi də na taarha wa. **22** A nanna kəkaryirha hu dəfang nda niifa a tsauka shinggən aten tar Chinəm wa. A ənanna 'ya na dimi kəsər ka ənana fingya wa, amma tsawu chahal. **23** A sanna aama kee wa, so aam inabi ngguchit ka hatta hurwa tə beerha farha na

tə ənorha. **24** Dimiyid fīngya nafiya nəghən a pəpal, tə kəm dimiyid ndan 'wadə mbeedə kapa na nda ngwang kumarha kanda sə. Amma fīngya dimiyid ndan nən kyarha pəpal 6a a samarha. **25** Nəghən kee kəm tarya na ngga nanda a pəpal, ko mba nda a pəpal ma wa, mba nda narha bəbeə wa.

6 Fatakkwaya na hu tsawud mafayirha ana nda a fərang mamnggirha turayindan amana thlēm Faara tə tsahadghən ha tsaurha ən shilee. **2** Fīngya mafaya na turayindan fatakkwaya, a fərang mamnggirha nda kanda kaan, kəsər kanda ni a wan manggi ahu Kərəsti. A ənang taara nda kanda kaan, kəsər thlarrədi kyandan a dāng turayindan sə nggəmna nda kanda kaan. Tsahang ənggini fatakkwaya ha ya, fərang kaali kanda a ənaghənda. **3** Fīngya nafiya na nda tsaha 'ya ha mbuwa kəkafek məməlwa tə tsahad Chinəm Yeeso Kərəsti wa. Mba nda tsahang əngya fiya ha na dāng nda fiya sə əna 'ya nda kəla na mid Faara wa. **4** Tur nafini kargha fa na nda taala tə alten ndan, amma mbə 'ya sə sən nanda wa. Na nda numa mbəlfēerha hu ngaala aten labarya. Nanda barha 6a tə sərəkraha, tə yanda, tə 'yar farha, tə numad mbəlfēerha aten ndan, **5** tə pəpeethla tə ndan. Mba nda mbang dəghang 'ya hai na ngga tə mbuwa ngga wa. Mba nda mbang sən 'ya na kəkafek wa. Na nda numarha takkwa Faara kwaman wal kəna ni. **6** Kəkafek ni! Ana hur niifa huhuna hai tə 'ya nanən təghən ha, na kəna sə kaan ahu takkwa Faara. **7** Kəsər bawum hu kəshiirha 6a tə 'ya ha wa, tə kəm mbəm a kyarha sə tə 'ya ha wa. **8** Amma ana ənnarhami sə tə luwud kaala fa, əngginiya ma tsəghang də kəm kee. **9** Nafiya na mid ndan kəna nanda kyarha hu kəkərri hai, tə takhthler ən nuryirha hangga tə nggəm əngya mbuwa ngga, tə 'ya na huk kanda səba nda də. **10** Kəsər nggəm wudəbəla ndəna kul mbəlfēerha. Fīngya nafiya ahu nggəm kəna kyahar nda ha ma fərkəkafek, muwang ngganda fad ndan ahu sərbrha hura hai kaan. **11** Amma sa, niif Faara, dəu ma ənggini ya, kadu nggayirha, ən ənad wa a nagha kəla yi Faara, tə fərkəkafek, tə nggəmnada, tə kərəsta kula huhwafyirha. **12** Yanu ka yanda yi fərkəkafek. Thlu kənanghən yi yibrha mbuwa ngwalarha furo na Faara a sayiddi pərna ndaarha fər na kəkafək a Yeeso Kərəsti a mbed fiya hangga səkka fadwa. (aiōnios g166) **13** Niya hwan sa a

mbed Faara na fər yibrha a əngya heu, tə kəm Yeeso Kərəsti pər nən kəkafek a mbed Mbuntus Mbilatus. **14** Niya ndorha, lafu ngyakhkini ya tə hura chahal, amawana niifa wal sa tə 'ya dīmi nanənya tə fardə də na Chinəm a wutta 6a. **15** Nən a barha 6a a fardī sakhna Faara. Faara katenggən ndəghənni kutəra kamngga a falghənəm, Kutər kutərya, Chinəm yi chingya. **16** Ndəghənni katenggən mbuwa tam mərri, nən tsaurhahu kukwaryirha mbuwana niifa ndusang fa. 'Wawana niifa tə yibrha naghən nduwa na mbanggən naghən wa. Mamnggirha, tə səsəmnada yighənni pakwandə. Atsaukake. (aiōnios g166) **17** Pəranggən nafiya na tə kəna ha ahu kəshiddiya a tərang nda altendan sə nduwa shengteena nda kəna fa, kəsər wudəbəla mbə kwas ngwalarha wa. Amma a shengteena nda Faara fa na fərang əngya kəm heu, na mid nəm ka tək mbənda nəm fa. (aiōn g165) **18** Pəranggən kanda əna nggayirha nda, əna tarya nda nggəngga tə kənayindan, nagha harndan tsahai a fīngya mbuwana 'yasə a har ndan. A ndəghang ngganda əngya hai fərang na Faara kanda tə fiya tə hura tal. **19** A nanda a ənaarha kee dəfang kəna altendan də a talara, a tsauka kul tsawud ndan a mbee, təna nda wal ka yibrha. **20** Timoti, kulo 'ya ha fərona Faara hu haara hai. Ma wumna teena tə fiya na a thlək labar sar Faara wa, tə kəm no inggun ma fiya kargha kəkafekkid tsaharhaha yi Faara. Na nda ndaarha na nda a tsaharhaha yi kəkafek, amma mbə kəkafek ni wa. **21** A hu takkwa tur tsahayini ya fīngya nafiya 'wanda teena kyath nda hai ma fərkəkafek. Nggayid Faara a tsauka tə kun.

2 Timoti

1 Kyagha deelewar dāba ya a har Mbulus, tathlōnda Yeeso Kārēsti, wurna Faara a tsauka tathlōnda Kārēsti Yeeso. Thlōnna nda nggi a di pār 'ya ndanən a fīngya aten yibrha ahu fārkāfek hu Yeeso Kārēsti. **2** A Timoti ka waana. Ngwa furowa Faara na China tē Kārēsti Yeeso na Chinām nggayirha, a hadowun fa, tē dādemnggirha. **3** Usadi Faara niya ānang taara, kēla ānana chichiya tē hura tsahai, nda fādikrha tē yanfaara ni naarha dāl sa in ahu hwan Faara niya ānaarha. **4** Daldi teena hai tē aam yidwa a sayiddi ndāk nām hai, na minna sē a na sa ni tēni lēghatta tē wutsafayirha. **5** Daldi teena hai tē fārkāfekkid wa tē hura tal, kēla ānana kaghad wa Loyis tē muwa Yunis, sēndisē nanānya tur fārkāfekkid ndan ndōna a dārha mbeedē tē kanglanggirha ahurwa. **6** Nanən kee niya dalokən in a hēnangga wad ānfara tē pedānda fērona Faara a sayiddi dāfoni haara teena. **7** Kāsēr Faara fērangwa sēsēn hēreenga kēm wa, amma yi sēsēmnda tē nggēmnda tē kēs alteena. **8** Nanən kee a shidodē a pērang labār Chinām na fīngya wa. A shidodi wa, ko nanən niyi ahu porsēna ka Kārēsti wa. Tē sēsēmnda fērona Faara, nggo fa a sēsāana tē nggi ka a pār Labāra na Mbēnggən, mbārsana tē sēsēmnda Faara. **9** Faara ndən hērgħangga kēm, ndāghānni wurgha kēm a nagha tsawud nām chahal. Əna nən əndiya, mbē ka taara əna nām wa, amma kāsēr ənda ni na midghən kētēm kapa na nda əna kēshiirha, ka a kyad nggēm ndāghən nən tē nggayidghən a kēm ahu Yeeso Kārēsti. (aiōnios g166) **10** Nanānya kyadāng nda ndən kēm a pēpal ahu bād Kārēsti Yeeso tē hērkrənēm, ahu kēshiirha bā, kalgha sēsēmnda mērra tē kēm kyadāng dē kwamana kēm yi yibrha pakwandē ahu Labārdi na Mbēnggən. **11** Wur Faara nggi a tsawī tē pār labār Faara, tathlōnda, tē kēm tēmālēmnda yi Labārdi na Mbēnggən ya. **12** Ndāghən dā ānagha ndən niya sēsāarha ahu porsēndi ya. Amma shidēwa wa, kāsēr sēndi niifdi fērnī kākafek a ndāghən tē kēm sēndi sē nən a laf əndi fēree nən ta fardā dē nən a wutta bā. **13** Kəsū kwaman tsahaddā ha kyana tsahoni ha. Dālu teena hai a nana tē fārkāfek fa tē nggēmnda nana tēghən ahu Yeeso Kārēsti. **14** Tē thlarrā Sēsāna tē Pedānda na ahur nām, no naarha laf kākafekkid Labārdi na Mbēnggən

tsahoni ha tē sammayirha. **15** Kēla sēnna sē, fatakkwaya heu bāgha bā a chehweed Asiya kēnda kāsēra, ko nda Paidjelus tē Hamodjenis ni ma winda. **16** A kyadāngga Faara nggayirha Onesiporus heu tē wurighən kāsēr nən naarha bārha thlēmānna bā fēree kaali. Shidāngwa ka nani ahu porsēna wa. **17** Bānən a Roma bā, kētēlgha ka kadā nggi nən waleeghən. **18** Ngwa kyadāngga Faara nggayirha Onesiporus a fara wudna Kārēsti bā. Sēnna sē tafad wa deedā sē kaan ahu sayiddi nani a Afisa.

2 Sa waana Timoti, no kanglang ahu nggayirha fērona Faara ahu Yeeso Kārēsti. **2** Sēkna fanna tsahāngdī āngya fiya ha hangga thlēgha ndən fa. Tsahāng kākafekkini ka fiya ha kanda kēm tsahāng nggēnda fīngya ha. **3** Kəsū tē sēsāarha tē nggi kēla ka sodja Yeeso Kārēsti. **4** Kēla sodja Kārēsti, a kyang na fadwa hu āngya kēshiirha hai wa, kāsēr a ānanna kee mba əna 'ya na a mbēnanggən mamnduwa wa. **5** A naa niifa a pēpēla daarha, a takkwawa ngyakhrha wa mbē wal kēnaghən wa. **6** Tē hudāarha ānagha targhən ngga ndāghānni a 'wa tēk mbēnda ānnad hedghən mii. **7** Numo aten 'ya niya thlēworha. Chinām Faara ndēna a fēro sēnda ānggini heu ya. **8** A mbēdodē tē ndaarha Yeeso Kārēsti niifa ni nggēt nanda ahu turya Ndauda hai thlēigha sē ahu mērra wa. Labār dāni na Mbēnggən niya pēra ya. **9** Kāsēr ka Labārdi na Mbēnggən niya pēra ya, niyi a sēsāarha kēneegha nda tē wuyiwurra kēla tē dīmīrha. Amma mbē niifa sē na mbang kēnang labār Faara wa. **10** Tsaunən kee kārēsdī tē āngya heu, kāsēr ka fīngya wurna Faara, tēna nda fārkāfek a Kārēsti Yeeso hērgħa nda, wal mamnggirha nda mbuwa ngwalaarha. (aiōnios g166) **11** Labāra ni na kākafek ya: A mēr dēm tē Kārēsti nām a tsaurha tēghən. **12** A kārēs dēm nām a tsau kutēryirha tēghən. A ngaal dēm ndən, nən a ngaal kēm. **13** A mbē kākafek sē a fad nām wa, ndāghānggi na kākafek sē a fadghən, kāsēr mbē kar altēnggən wa. **14** No a dālang ānggini fiya teena ya, ndang kanda ahu thlēm Faara a malāngganda yanda tē ndan. Ngāala kēla yāndiya mbē ka 'yani wa, kēl nən sēbang fīngya dē na a ka thlēmaarha hai. **15** Əno taara ngga a fara kyadāng na fadwa Faara nən a mbēnang nda, tsawu tē taara mbuwana targhən shidāng nda, tē kēm tsawu tē taara na tsaha ka labār dā ha mēmēl. **16** A kyang na fadwa ahu

palth nuryirha tē kēm mbuwa ngga wa, kēsər fīngya na a thlək tur palth nuryiddiya na nda tsaurha inggun ma Faara. 17 Laḅaryindan nən weela dē kēla wundərha na hēlthwud mbuwa kēnda. Himeniyus tē Pilitus na nda kee. 18 Malang nda laḅar kəkafekkirha, na nda a pər nggabaarha, ndanda thlid mērya sē 'wadē teena tsədə hai; ka tur laḅaryini ya 'yadāng fərəkəkafek fīngya fa. 19 Amma kəkafekkid Faara tsaudē kēla dāf sar tēnda na tē feera nanən chichireethlee hai tē ndaarha, "Sən Chinēm nafiya na yighən," tē kēm, "Fīngya na a ndaarha kanda yi Chinēm ni tatani a malang ngganda tar mbəlfēerha." 20 Ahu minda na manggən fīngya ḅəya tē dengya ənagha ndan tē tēfasa fīngya kēm tē wurirha. Fīngya ənagha nda kanda tē dāfrha tē kēm tabrha. Dengya əna nanda tē tēfasa tē wurirha ka tar teera, dengya əna nanda tē dāfrha tē yi tabrha ka tar hur minda. 21 A tsauna kula ən 'yaara, na tsaurha kēla deng tar Faara. Na naarha chahal, nggungwa fa ka turi wa a əna taara nən tē sa ngga. 22 Kyang fadwa sē ma 'ya na dimi na mid wundəlaya. Takku əngya kamngga mēməl a ənana. Kadu fərəkəkafek tē nggəmn̄da tē tsawud dādemnggirha, tē kēm əno wutsəfayirha tē fīngya na a tərang shilee Chinēm teena tē hura chahal. 23 Niya nggər ndaarha no inggun ma laḅar nuryirha, tē ngaala kaka na ḅang yanda ḅa wa. 24 Niifa na a ənang taara Chinēm mbə yanda wa, a meyedghən tsaudē tēta a nagha əna nggayirha a fiya heu. Tsaudē kēm tēta a tsahanggən fiya ha mēməl aten kəkafekkid laḅar Faara, a kərəsgha tē fīngya na tendan kakrak. 25 A nagha tsahadghən ha tē sammayirha a fīngya kargha kəkafek fa. Asəmha na Faara a kyaarha hurndan hai malang ngganda dimiyid ndan sən kəkafek nda, 26 tēna hutən ndan wutta ḅa hərgha nda ma takthler sheetan. Kəsang takthler Sheetan kanda tēna nda əna 'ya na midghən.

3 A sənəsə, Timoti, a mii ngwala kəshiirha na səsaaarha a naarha sē kaan. 2 Kəsər na fiya a nggəm alten ndan kee tē nggəm wudəḅəla. Na nda naarha taala tē tərang nda tendan sē, na nda 'yar farha ka ka, tē sar fa nggətyindan, tē yamid usaarha, tē kēm mba nda tərəm Faara wa. 3 Mba nda nggəm ndan wa, mbə chakh dimiyirha sē wa, na nda nggəḅang nda fiya fa ka ka, mba nda mbang kəsang alten ndan wa, na nda əna tar mbəlfēerha, na nda tsan 'ya na ngga. 4 Na nda

heng nda pashiyi ndan a fa saryi ndan, kala 'ya na nda ənaarha mba nda numang wa, na nda lələḅda tē tər alteena, tē nggəmn̄da mbənafa ma Faara. 5 A kəshi na nda kyad ndaarha na nda a takkwa Faara, amma kar nda səsəmn̄da Faara fa na a kyad ndaarha fatakkwaya ni. Ndusu dē ma tur nafiniya. 6 Tur nafinani ya na yakh dərha a minda ki fiyadē na nda a lēm nishya fa mbuwa ndədəl kəsang na dimiyirha kanda hai, tē kēm numad ən mbəlfēeya a əna taara tē kanda. 7 Tur nishiyi ya yakh nda takkwa weerənda tsaharha ha, amma mba nda sənang kəkafekkirha hai wa. 8 Kēla kətəm sarang nanda Djenes tē Djambres Musa dē, na famaləmn̄gini kee ya, sar nda palth kəkafek kəl numad ən mbəlfēerha, fərəkəkafekkid nafiniya naghən ka kee. 9 Amma mba nda mbang dərha dē inggun tē tar nuryid ndan wa. Na fara sē ḅana kowunni sənang hai, kēla 'wanən katərərha hai tē nda Djanes tē Djambres. 10 Amma sa Timoti sənna 'ya tsahang ni fiya ha, tē tsawud na, tē 'ya na minna a ənee. Sənna fərəkəkafekkid na tē səsadna. Sənna nggəmn̄dəna tē kərəsəna. 11 Sənna kaara tē səsaaarha saani fa. Heu sənna tur səsaddi saani fa a Antakiya tē Ikoniya tē Listəra, amma həryed Chinēm ahurghən. 12 Kəkafek, kala niifa na midghən sē a əna 'ya nən na a mbənanggən Faara tē kēm fərḅə kəkafek a Yeeso Kərəsti, nən a taarang səsaaarha fa a har fiya. 13 Amma fa mbəlfēeya tē fa nggəḅaya na nda naarha chik sərḅrha dē. Na nda naarha nggəḅa fiya, kanda ma na fiya naarha nggəḅa kanda. 14 Amma sa, ḅuwa mbeedē tē fərəkəkafek aten ənggini tsaho nanda ha. Sənna sē naghən kəkafek tē kēm sənna nafini tsahowa ha. 15 Tsahonda Laḅar Faara ha tē Pēḅənda ka sa ngguchit, tē kēm fəron nda sēnda yi wal hərəkḅrha ahu fərəkəkafek a Yeeso Kərəsti. 16 Laḅar Faara heu kyaghən ḅa a mii Faara, tē kēm naghən ngga a əna taara nēm sē ahu tsahang kəkafekkid laḅar Faara fiya ha, a yanang nggəm fiya aten 'ya əna nanda mbuwa ngga. Laḅar Faara naghən ngga ahu tangsang nda fiya a mbərha kyalth nanda sa hai tē kēm tsahanggən fiya ha a əna 'ya nda kamngga. 17 Kwaman Faara niya na a ngwanggən nafiḅhən fa a əna tarya nda heu na ngga na midghən a əna nda.

4 A mbed Faara tē Kərəsti Yeeso, tē ngwang kumarha a nafiya ḅalgha tē yibrha fa tē mērya, a wudda ḅa ka ḅagha əna kutəryirha,

niya ndorha: 2 Puru laɓar Faara. Nggo fa a kapa ndəri mbiirha tsərha hai. Nda Yubulus, tə pər laɓar dā na ahu sayiddi na mid fiya sə tə Fudens, tə Lainus, tə Kaludiya heu tə fatakkwaya sayiddi mbuwa na mid ndan sə. Kərsu lumu Yeeso kanda a ndo 'ya fa. 22 A tsauka Chinəm tə fiya fa, yanang kanda, fərang kaali nafiwa tə səsənwa ha, tə kəm nggayidghən a tsauka tə tsaharha ha ngga. 3 Kəsər na fara ɓayi ɓawa na kun heu. fiya nggər kang thləmaarha tsahad kəkafek fa. Na nda a takkwa nggəmn̄da hur ndan tə kəm na nda kədə famaləmn̄gya a pərang 'ya nda kanda na mindan səkrha. 4 Mbə mid fiya sə a kang thləmaarha kəkafekkid laɓar Faara fa wa. A meyedghən na nda kang thləmaarha asədaya fa mbuwa kəkafek. 5 Amma kəsū altenwa ngga, kərsu tə səsarha, puru laɓar Faara, əno taara heu fərona Faara. 6 Niya pəro palthdi ya, kəsər ɓad sayiddā ɓa na nda fər yibədna ka sataka a Faara. Nduwus ɓen mərrəna ɓa. 7 Yandi ngga, ngwalangdi tardi ndeena Yeeso Kərəsti a ənee, tə kəm kəs di fərəkəkafekkid na ha. 8 Nanənya kəna tarna a kəla nggi fa, kəna əna 'ya na mid Faara, ɓana Chinəm, tə ngwa kumad kəkafek fəreerha a fardi. Kəna di ya mbə a nggi katenna wa, amma a fɪngya heu na a kəla ɓadghən fa ɓa. 9 Ndeng yidwa ɓa wal nggi wet. 10 Mal Ndemas nggi dādə Tasalonika dā kəsər nggəmdə ən kəshiirha. Kəresen dādə Nggalatiya dā, tə kəm Titus dādə Ndalmatiya dā. (aiōn g165) 11 Kəl Luka kee ndəna a thləmadna. A nanna a ɓarha ɓa tahang Markus ha ɓa, kəsər ɓanən deesə ahu tarna. 12 Thləndi Tikikus a Afisa dā. 13 A nanna a ɓarha ɓa tahee luwud mbinna ha ɓa malni a har Karbus a Toruwas. Tə kəm tahang deleewar yina ha ɓa, mbə kəla fɪngyayini na chireelth yighən ahu pama wa. 14 Aledzanda təɓəla hukdā nggi kaan. Chinəm ɓanən ngwang kumarha sə aten 'ya ənanən. 15 Kwaru wun, kəsər tsandə tsahannəm ha aten Kərəsti. 16 A fardi 'wa nanda ɓarha tə nggi a thləma tə ngwa kumarha ɓa, mbə niifa sə a samadna wa. Kowunni maldə nggi. Niya hwan Faara a kirasang dā tur əndi mbərna nda fa ya aten ndan wa. 17 Amma Chinəm Yeeso ishdə tə nggi fəree kanglanggirha nən, a pər Laɓara ni na Mbənggən ngga tənə fɪngya mbuwa Yahudaya heu səkkən. Həryegha Kərəsti a mii ləfariya. 18 Na Chinəm a həryerha ahu tar mbəlfeerha heu, nən a təreerha dā tə sammayirha ahu Kutəryidghən dā a talara. Mamnggirha heu yi Faara ni pakwandə. Atsaukake. (aiōn g165) 19 Ndang'ya Mbəriskila fa, tə Akila tə minda Onesiforus. 20 Na Arastus a Koronti, malyi Tərufemus fadghən ɓee a Miletus. 21 Ɓoɓa wet

Titus

1 Kyagha deleewar daɓa ya a har Mbulus, mafad Faara tɔthlɔnda Yeeso Kɔrɔsti. A chik pɔr laɓar fɔrkɔkafek ni a fɔngya fɔrgha kɔkafek wurna Faara. Tshang ngi kanda ha a sɔn kɔkafek nda na a kyad ndaarha na nda a wiirha hai ahu kwaman Faara mɔmɔl, **2** ahu shiteena yi wal yibrha mbuwa ngwalaarha. Faara mbuwa nggabaarha ndɔn fɔrangga dɔf miighɔn kɔm ka a katɔrad kɔshiirha. (aiɔnios g166) **3** Tɔrgha a mɔmɔlla sayiddi pɔr da ndɔn hu laɓarghɔnɔn, fɔre na ndan hu haara hai ndaana Faara tɔ hɔrɔkrɔ nɔm. **4** Niya chireethleng nda Titus dɔ ka Waana hu fɔrkɔkafek nanɔm tɔghɔn. Ngwa tsauka nggayirha tɔ dɔdɔmnggirha yi Chinɔm Faara tɔ Yeeso Kɔrɔsti tɔ hɔrɔkrɔ nɔm nagha tɔ kɔm. **5** Mal ni sa a Kiriti ka a ngwalangga tahad tar nɔm, tɔ kɔm fadangga Mamngya ahu talya heu kɔla pɔro ni. **6** A nagha mamnda kula ɔn 'yaara a mbed fiya, tsauka tɔ nuneefa tal. Wanggighɔn kɔm fɔr nda kɔkafek tɔ Yeeso Kɔrɔsti. Wanggighɔn a sɔn kanda nda mbɔ waya ni mbuwa ɔna bereukirha nduwa sarfarha wa. **7** Tsaunɔn kee, mamnda na a ɔna taara hu kɔn hwan Faara a nagha niifa ni sɔnna nda na ɔn ɔnadhɔn ngga. Mbɔ niifa ni na ngyangthlang wa, nduwa niifa na hufirha hur ka ka wa. A tsauka mbɔ sa mbaala nduwa yakh yanda tɔ fiya wa. Mbɔ niifa ni na suna wudɔbɔla wa. **8** A meyedghɔn tsauka niifa ni na thlɔ rongya fa, niifa na midghɔn ɔna 'ya na ngga, niifa ni mbuwa ngingilɔm, niifa ni chahal, niifa ni na tɔ kɔkafek fa, tɔ kɔm niifa ni na a kɔs altenggɔn ngga. **9** Kala mamnda wurna a tsauka fɔrdɔ kɔkafek kanglang tɔ laɓar Yeeso, fɔrang kaali fɔngya hu pɔr laɓar Faara tɔ tsaharha ha yi kɔkafek, a tangsanggɔn fɔngya na a sɔrɔk tsahadghɔn ha. **10** Na fɔngya sɔ hangga na a ɔna kakyathlanga, na thlɔk laɓarya kaka, mbɔ kɔla fɔngya Yahudaya wa tsauka fatakkwaya. **11** Tɔta ni a yanang ngganda kanda a nggasa nda hai, kɔsɔr thleng nda hutɔn fa wuraya kaan tɔ tsahang 'ya kanda ha kamngwa wa ka wudɔbɔla. **12** Ko niif ndan tal tsauka annabi thlɔkdɔ ndaarha, “Kiritaya kɔtsar fa nggabaya ni kanda, fa mbɔlfeeya, na sɔbrha a yindan, fa kwaya hur ni kanda.” **13** Laɓardi ya kɔkafek ni. Tsaunɔn kee yanang kanda ngga, tɔna nda naarha kanglang hu fɔrkɔkafek, **14** tɔna nda

malang sɔk asɔdad Yahudaya, tɔ kɔm takkwa ngyakhkya fiya malangga fɔrkɔkafek. **15** Kala 'ya na chahal yi nafiya ni natɔ hura chahal. Amma mbɔ 'yasɔ na naarha chahal a fad fɔngya fɔr wa kɔkafek nduwa chahalla hura kɔsɔr ɔn ɔnad ndan tɔ hutɔn ndan heu mbɔ chahal wa. **16** Sɔn ngganda Faara hu mee kee, amma hu tar ndan mɔmɔl wa tɔ sɔnda Faara wa. Kar Faara kanda, mba nda fɔr mamnggirha wa, mba nda ɔna 'ya na ngga wa.

2 Amma sa tɔta ni a tsahangga fiya ha ɔngya na mɔmɔl tɔ tsahad kɔkafek. **2** Tsahang suhurya hɔshya ha a kɔs altɔn nda ngga, fɔr mamnggirha nda, tsawa nda mɔsɔlɔmnda nafiya, isha nda ngga ahu fɔrkɔkafek, tɔ nggɔmnda tɔ kɔrɔsta. **3** Tɔ kɔm tsahang suhurya nishya ha a tsawa nda nishya kamngga tsau na nda fatakkwaya, mbɔ fa nggabaya atɔn fɔngya wa, nduwa fɔngya ngwanang na sa aam inabi kanda. A tsahang ɔngya nda fiya ha na ngga, **4** tɔna nda tsahanggɔn wangya nishya ha na a nggɔm chimayi ndan nda tɔ wanggindan. **5** A tsahang ngganda kanda ha kɔm a kɔsangganda altɔn ndan, a na nda chahal, ɔna taara nda ahu wura yindan, fɔrang mamnggirha nda chimayi ndan, ama waana niifa sar laɓar Faara. **6** Nɔghɔn kee kɔm yanang wundɔlaya a kɔs altɔn ndan nda ngga. **7** Ahu ɔngya heu kyadɔ fad wa niifa ni sa na a ɔna taara ngga, tsauka ɔn tsaharha. Ndeng yidwa tɔ tsahad wa ha tɔ kɔkafek, **8** tɔ kɔm laɓaara na ngga mbuwa na ɔn 'yaara sɔ ahurghɔn. Ahu 'ya kiya na fɔrang shilee fa kar yiwa, a walwa nda 'ya na nda a thlɔkrha atɔn nɔm wa. **9** Ndang mafaya a fɔrang mamnggirha nda tɔwura yindan ko hu ma ni, tɔna nda tak mbɔndɔ ndan fa. A nggɔrang nda pathla kanda mii wa, **10** nduwa ngaarang ngganda kanda. A meyedghɔn a kyad ndaarha nda ka nafiya ni kanda na tɔ kɔkafek fa. Ahu 'ya heu ɔna 'ya nda na a manang nda tsahadda ha na atɔn Faara Tɔhɔrɔkrɔ nɔm. **11** Kɔsɔr Faara kyaddɔ nggayidghɔn ka a hɔrghanggɔn fiya heu. **12** Nggayid di ya nɔghɔn a tsahang ndaarha kɔm ha a malang nggɔm ɔngya mbuwa ahu kwaman Faara, tɔ nggɔm ɔn kɔshiirha, kɔs altɔnnɔm nɔn ha ngga. A tsawum ka nafiya na a ɔna 'ya na ngga, a tsawum nafiya na tɔ kɔkafek fa yi Faara ahu kɔshiiddi ya. (aiɔn g165) **13** Hu sayiddi nɔm a kɔla shiteena ahu parka na ɔayi ndɔna wutta Faara ɔa hu mamnggidghɔn tɔ Tɔhɔrɔkrha

Yeeso K'ərəsti. 14 Yeeso ndən fərgha fadghən ka a hərghanggən kəm ahu tar mbəlfērha, kəsər tsawanggən fīngya chahal a altenggan a tsawa nda nafiya tərna mid ndan fīngya mbuwa na səbrha yid ndan ahu əna taara na ngga. 15 Tsahang ənggini fiya ha ya, fərang kaali fīngya na a sək sa, tə kəm yanangga kanda ngga. A nggəmna fa sargha niifa tsahad wa ha wa.

Təta ni nafi nəm a tsaha fər alten ndan nda hu əna əngya na ngga, na nda a dang ndan sə hu əngya kamngga na mindan. A tsau nda nafiya mbuwa əna taara wa. 15 Nafiya nanan heu a mbədiya kanda a ndo'ya fa. Ndang'ya shayi nəm fa na hu fərəkəkafek. Ngwa tsauka nggayid Faara tə kun heu.

3 Dalanggən fatakkwaya teena a fər alten ndan nda, fərang mamnggirha nda mamngya tə kutərya, ngwa nda fa ka a əna taara nda na ngga. 2 Ndang kanda a chahang nda labāara niifa sə mbuwa mbənggən wa, a tsawa nda hu dədəmnggirha, ana ten ndan kakrak wa, a tsauka ən ənan ndan ngga a fiya heu. 3 Kaar nurya ni, mbəm fər mamnggirha wa, kəl əna əngya mbuwa ngga. Suna ən kəshiirha dədəmən dədəmən thluranggən kəm, tsauka tsawud nəm yi kwidhura ni tə kəs ndan ha ahur. Kargha fiya kəm, kar kanda nəm kəm. 4 Amma a sayiddi kyana nggayirha tə nggəmnda Faara a pəpal ba, 5 hərghang də kəm. Əna nən kee mbə ka əna nəm əngya na ngga wa, amma kəsər hadang nəm fa ndən tsabang nən kəm də ahu Səsəna Təpədənda fərangga weerənda nggətta kəm tə yibrha. 6 Fərang Faara Səsəna kəm hai Təpədənda hangga ahu Yeeso K'ərəsti Təhərəkrə nəm. 7 Kəsər ka nggayidghən ni chahang na Faara dimiyid nəm kəm də nanəm a shang teena haar langaad yibrha fa mbuwa ngwalaarha. (aiōnios g166) 8 Laḅardiya kəkafek ni. Na minna sə a ngərgha chik pər əngginiya ngga, kəsər fīngya fərgha kəkafek a Faara dānda mbeedə tə əna əngya na ngga. Əngginiya na nda ngga kaan, tə kəm na nda dang nda kowunni sə. 9 Amma malaman ngaala mere, tə kirəssa thlēm chichiya, tə kakyathlanga aten ngyakhkya Yahudaya. Əngginiya mbə ka əngya ni wa. 10 Ana niifa sə na a thlək labara na tsahang teena hai ahur nun kəsə thlēməd ndan yi tal tə yi səri. Akwasamadghən nduwu hai tə kanda. 11 A sənanasə nafiya kəla yandīya mba nda hu kwaman kəkafek wa, dimiyid ndan ngwang də kumarha kanda sə. 12 Na minna sə thlən Artimas ni nduwa Tikikus a thlēməd nun də, ndeng yidwa ḅanaba ba wal ngi a Nikafolis, kəsər na minna sə a əna fəgrha ni a mbədi. 13 Əno 'ya na a mbang ənaarha dangga Dzinās sə tə mbərmee, tə Apolos təra nda hu kwamana hai. Dang kanda sə ma kədeng nda 'ya wa. 14

Filimon

1 Kyagha deleewar dāba ya a har Mbulus chang nanda hu porsəna dā ka thlēm Yeeso Kərəsti, tē kēm a har wan manəm dā Timoti tē Filimon pashid tar nēm nggəm nēm. **2** Tē kēm wan manəm Afiya tē Arkibus pashid tar sodjad nēm, tē fatakkwaya Yeeso na wumnda hai a minda kyawa. **3** Ngwa tsauka nggayid Faara na Chindi tē tsawud dādemnggirha tē yi Chinəm Yeeso Kərəsti tsauka tē kun. **4** Kətsar a nadi a hwanda ni usa Faara ka sa, **5** kəsər səkdi fərəkəfekkidi wa ahu Chinəm Yeeso tē kēm nggəmnnda nana tēghən a nafiya Faara. **6** Niyi a hwan Faara tē ndaarha tsawud dādemnggid nēm tē ndan fa takkwaya nən a kyadō sənda ənggini nanəm tēghən hu Kərəsti. **7** Sa wanmana, nggəm nduwa fəree dā wutsəfayirha kaan tē kaali, kəsər hur nafiya Faara wal nda kaali a fad wa. **8** Tsaunən kee, ahu Yeeso Kərəsti ni mbang ndorha a əna 'ya na kamngga. **9** Amma kəsər ka nggəmnini sa na minna sē hwan sa ni nggi Mbulus, nggi suhurgha nanənya, nggi kēm na ahu porsəna kəsər ka Yeeso Kərəsti. **10** Niya hwan sa a mēghed waana Onisimus ahu Kərəsti, tsaudi kəla Chin, nani ahu porsəna. **11** Kaar dōwasə wa, amma nanənya kəkafek nəghən a dāng kəmsə kyab. **12** Niyi a wudang thləmad wa dā, ndəghənggi mbənegha hur kaan. **13** Na minnasə a tsauka a thləmanna a mbədiyahu porsəna tənən deesə ahu tar Labaara na Mbənggən. **14** Amma mbə minnasə a əna 'ya ni kula sənduwa wa, ama nən naarha nggayid wa a fadna bā tsaurha tēta ni. **15** Asəmhā əndi ənagha ndən mal Onasimu sa yi beena ngguchit tēna nggər thləghən fa tsauka tē sa pakwandə. (aiōnios g166) **16** Balwa kəla mafarha a sa wa. Kaldə mafarha, kəsər ka wanmana ni nggəm nēm. Nanənya nən a dərha sē kaan, ahu tsawudghən niifa tē shadnəm hu Chinəm. **17** Nanən kee ana pashid tarwa ni nggi, thluwun fa kəla na thlə nggi fa. **18** A əno Onisimus 'ya fa mbuwa ngga nduwa thlədə kumarha a harwa nggini a teukən. **19** NGGI MBULUS NIYA CHIRETHLEU ƏN'DA HAI YA TƏ HARNĀ TƏ NDAARHA NGGINĪ A TEUKƏN. MBƏ SEE 'DALONI NDƏN IN FƏREE NĀ YĪ'BƏD WĀ. **20** Nanən kee wanmana hwan ni sa əne 'ya tal kee ka thlēm Chinəm. Tərang hurna sē hu Kərəsti. **21** Mbərsadi ndən chirethleu ni deleewar dādə ya, səndisə na əna əndi hwan ni

sa kamanggən ko kal yandā nən mu ya. **22** Takh 'ya tal faddən, takse kənna sē dāni tsaurha sē, kəsər fərđi kəkafek na Faara a sək hwandə nun na a wudeeghən thləman nun dā dādem. **23** Na Abafaras a ndang 'ya kun fa nan ahu porsəna kyab ka thlēm Yeeso Kərəsti. **24** Tē kēm dā na nda Markus tē Aristakus tē Ndimas tē Luka nan a əna taara. **25** Ngwa tsaukwa nggayid Chinəm Yeeso Kərəsti tsauka tē səsən nun. Atsaukake.

Ibraniyaya

1 Kaar, kalang Faara chichiyinam sə ahu kwamangya hangga tē kəm hu sayi hangga tē mii annabiya. **2** Amma ahu bengginiya na yi mii ngwala kəshiirha, kalang dē kəm sə tē mii Wanggən. Tē Wan dā ni ənana Faara əngya heu, təkəm wur dā ndən a thlə əngya nən heu. (aiōn g165) **3** Ndəghən ni kukwaryid mamnggid Faara tē kəm ndəghən ni thləgha Faara fa. Ndəghən ni kəsgha əngya heu ahu labəghən na tē səsəmnda. A kwasamaddi tsabang nən kəm dē hu dimiyid nəm, tsauka a talara a yisəmad Faara na tē səsəmnda fa kaan. **4** Nanən kee wal mamnggirha nən kalgha fathləngya Faara kəla dəfang na nda thləma kalgha yi ndan mamnggirha. **5** Kəsər mbə təthlənda Faara sə 'wana Faara ndang nda, "Waana ni sa, Tsaudi Tsu a weeriya." Nduwa kəm, "Niya tsaurha Chin, Ndəghənggi kəm tsauka Waana wa." **6** Amma 'wanən thlən Wan 'wadghən hu kəshiirha dē, ndəghən, "Ngwa fərangga fathləngya Faara mamnggirha." **7** Aten fathləngya Faara, ndaaghən, "Na Faara tsang fathlənggighən kəla səsəna, mafayighən kəm tsawa nda kəla sheneu waarha." **8** Amma aten Wandī ndəghən, "Tsənggam kutəryid wa, Faara, nən a tsaurha pakwanni dē, Səsal kutəryid wa yi nggayirha ni (aiōn g165) **9** Tar nggayirha ndəna midwa, Kar na tar mbəlfērha! Tsaunən kee, yiwa Faara ndən dəfowa aten shayiwa, kəmo fədeerha nən fa yi mbəna farha." **10** Ndəghən kəm, "Ka a katəradghən, Chinəm, Sa ənagha kəshiirha, Talara kəm tar harwa ni. **11** Na nda a ngwalarha, Amma sa na a naarha sə; kanda heu na nda a tēla dē kəla kabərha na kabəarha ənaarha. **12** Na a fadāng kanda kəla bər kabərha, Na nda a nggərang kanda hai kəla na niifa mbedəng karidghən hai. Amma sa mba tam kyaharra hai wa, Mbə hurad wa tam ngwalarha wa." **13** Ahur fathləngya Faara mbusə 'wana Faara ndang nda, "Tsawu a yisəmannā kəl tsawang ni fatsanggiwa akamu saryiwa." **14** Fathləngya heu səsən fatarya ni kee. Thlənnā Faara kanda ka a dāngganda fīngyayina sə na har langaad hərəkrha.

2 Tsaunən kee, taama kwarəm aten əngya sək nəm, a kwar wum wa nəm a kyathla hai ma kwamana. **2** Tsaunən labərdi thlək na fathləngya Faara kəkafek ni, fīngya kargha

takkwaghən, nduwa kar dā fa a əna taara nda təghən wal nda yindan tsətsəlla kamngga a kanda. **3** Kəkən nəm wal hərəkrha a kar wum tē mamnggid hərəkrha wa? Kəsər Chinəm tafadghən, ndən katərangga pərrəghən hai, fīngya səkka ndən kanda pərangga ndaarha kəm kəkafek ni. **4** A mbədiya chikka Faara yighən shedawa aten yindan tē ənsakhkya, tē ənwultengya tē əngya məmanggən dədāmən-dədāmən, tē fərra Səsəna tē Pedənda dədāmən-dədāmən, ndəghang nən dē kəla tərna midghən. **5** Malangwa Faara ndən fathlənggighən əna kutəryirha nda aten Kəshiddi na bəyi nəm a ndikrha atənggən nanənya wa. **6** Amma na mbərha sə hu dəleewar Faara ndagha: "Mani nafiya tē waasa in na billarha tē kanda, Nduwa wan niifa na lafrha? **7** Tsang na kanda ngguchit ma fathləngya Faara, Fadāng na kanda tē yi mamnggirha tē həhasyrha, **8** fərang səsəmnda kanda aten əngya heu." Malang dē əngya heu a kamu ndan, mbə 'ya sə dəfang na Faara man patu dē ma kanda wa. Ko mbuwa nəm nanənya a naa əngya heu na a kamu ndan wa. **9** Amma kəm nadəm Yeeso, tsauka ahu sayi ngguchit a kamu fathləngya Faara, nanənya fadāng nda nəghən tē mamnggirha tē həhasyrha hu səsadghən yi mərta. Nanən kee, ka nggayid Faara ni, kəsna Yeeso mərta fa ka kowunni. **10** Kəsər məməl ni ənanən əngya heu təkəm nana əngya sə heu, ahu bāng nda wundakhnaya bā hangga ahu mamnggirha bā. Nanən kee, məməl ni tsang nən tē inang nda kwaman hərəkrə ndan hai chahal hu səsarha. **11** Kəsər ndəghən na a tsang niifa chahal tē fīngya 'wa nanda tsang kanda chahal, na nda hu minda tal. Nanən kee mbə shilee kəsang Yeeso a aahdē kanda shayighən wa, **12** ndəghən, "Niya pər thləm wa a shayina. Niya fal thləm wa a pathlang fiya a wum nda hai ka a tərang shilee nda Faara in." **13** Nggərgghən ndaarha, "Niya mbərsaarha təghən." Tē kəm, "Kulo nggi ya tē wanggini fəree na Faara." **14** Tsau nən wanggini na nda tē thlu farha fa tē fara, ndəghənggi kəm tsaudē kee. Əna nən kee kəsər hu mərəghən, bəlang dē səsəmnda tē kəs mərə ha, ndəna Sheetan, **15** kwasanggən fīngya hai hu tsawud ndan na a əna tar mafayirha kəsər ka tərəm mərta. **16** Kəsər kəkafek mbə fathləngya Faara nən a dāng kanda sə wa, amma chichiiya Ibrahim. **17** Tsaunən kee, ngwa tsauka kəla kanda, ko kəkən ni tsauka tē hadāng nda fiya fa tē firis

na manggən tə kəkafek fa hu tar Faara. Tənən fər sataka yi chahang dimiyid ndan fiya dā. 18 Kəsər ndəghən tafadghən tək dā səsaaṛha fa a sayiddi kəkərang na nda, tsək dā kəm na a danggən fīngya sə a nanda a kəkərang kanda.

3 Tsaunən kee shayina fatakkwaya na chahal, kun pet na fad nun walgha addi na a talara, sheeman teena Yeeso fa, nəm aarha təthlənda Faara tə kəm firis na manggən sheeda nəm. 2 Ənadə taara tə kəkafekkirha a niifdi thlōngga ndən 6a, kəla ənana Musa kəkafekkirha ahu targhən ahur nafiya Faara. 3 Heu tə kee, wal Yeeso fərra mamnggirha kaan ma Musa, kəla niifa tēngga kənnā kaldə kəndi mamnggirha. 4 Kəsər kala wure na niifasə tēngga ndən, amma tə tən əngya heu Faara ni. 5 Nana Musa tə kəkafek fa ahu əngya heu a mbed nafiya Faara, fərdə shedawa tə əngya 6ana Faara thləkrha a mbee. 6 Amma Kərəsti nəghən tə kəkafek fa tsaunən ndəghən ni Wee na aten nafiya Faara heu. Kəm ni wurighən, a dədəm mbeedə tə shembe tə shiiten di nəm a taala sə. 7 Nanən kee, kəla ndana Səsəna tə Pedənda, “A weeriya a sək dūn kwad uradghən, 8 a na hur nun kakrak wa, kəla əna nun kakyathlanga, a sayid kəkərra na a kaheerha wa. 9 A mbədi kəkəree na chichiya nun sə, ko nanən nanda taara ənani yi huraya kumnggit fada. 10 Ndəghən dani səbna hurna dā tə nafiya kəshiid fardi ndən ndaani, ‘Na ahur ndan inggun ma nggi, kar əna ‘ya ndang ni kanda.’ 11 Hərəmna hurna səbrha dā aah Faara ni ndee, ‘Mba nda tam kyarha hu yibədna hai wa.’” 12 Shayina, kwarama, nadə hur nun naarha tə mbəfeerha, tə yamid fərkəkafek, na a kyakhrun hai malanggun Faara na tə yibrha wa. 13 Amma nama narha fərang kaali ndan kala dathla mbərha fa hai. Ənama taara tə fara nəm aarha, “Weeriya,” amana niifa narha tal ahur hukrha dimiyirha ndən naghā hurghən kakrak. 14 Nəm a wumteena tə Kərəsti a ish dām tə shembe kəla ‘wa nəm fərkəkafek ta mii ngwaladghən dā. 15 Kəla ndaana nda, “A weeriya a səkdun uradghən, A tsang dūn hur nun kakrak kəla a sayid kakyathlang di wa.” 16 Nda wunni səkka uradghən, nggəra nda əna kakyathlaanga təghən? Mbə nafina ni kyang na Musa kanda sə a chehweed Masar wa? 17 Nda wunni səbna hur Faara dā tə kanda yi hurarha kumnggit fada? Mbə nafina ni ənaghā dimiyirha, mərna nda a kaheerha wa? 18 Nda wunni aah na Faara

thləmnggən aten ndan tə ndaarha mba tam wal yibrha a mishim ndəghən wa? Mbə nafina ni kargha miighən fa wa? 19 Kəla nəm hai kee ashe ka yamid fərkəkafekkid ndan ni walwa nanda yibrha a mishim ndəghən.

4 Tsaunən kee, hərəmna daf miighən yi kyarha hu yibrha hai 6alghən sə, tama kwarəm kaan, amana tal ahur nun kədeng kyarha sahai. 2 Kəsər sək dām Labardi na Mbənggən kəla kanda kəm, amma labardi dang ngwa kanda sə wa, thləwa ndan fa tə kəkafekkirha wa. 3 Amma kəm fərgħa kəkafek, kəm ni na a kyarha hu yibədda hai. Dalama teena hai tə labar Faara ndanən, “Səb hurna dā aah ni thləmna tə ndaarha, ‘Mba nda tam kyarha hu yibrha hai wa.’” Ndaana Faara kee ko nanən ‘wadə teena ngwalang dā targhən ka a sayiddi ənanən kəshiirha. 4 Kəsər ahu ma mbərha thlək dā labar 6eena yi mād tə ndaarha, “Afar 6eena yi mād yib Faara ahu targhən ənanən heu.” 5 Tə kəm nggər nda thləkkən tə ndaarha, “Mba nda tam kyarha hu mbəd yibəd na hai wa.” 6 Kaar pər nda labardi ya na mbənggən aten yibəddi, amma fīngya pərang na nda Labar Faara kanda kyawa nda sahai wa kəsər fərwanda kəkafek təghən wa. 7 Tərgħa nggərgħən daf fara, aaghənən, “Weeriya”. Thləkkən fardiya akwasamad huraya hangga a mii Ndauda, kəla ndaana labar Faara na chichireethlee hai kaar, “A weeriya a sək dūn urad Faara, a tsang dūn hur nun kakrak wa.” 8 A ndam fərang Djeshiwa yibrha kanda, kam nggər wa Faara sakh fara səmən yi far yibrha wa. 9 Ta weeri dāba ya Balgha far yibədda sə ya yi nafiya Faara. 10 Kəsər kala nafiya kyagħa hu yibədda hai ki Faara ya, yib nda hu tar ndan kəla yibna Faara ahu yighən taara. 11 Tsaunən kee, taama djitəm na a kyam hu yibədda hai ya, amawana niifa kyarha hu yamid kar mii Faara fa kəla ənana nafiya Isəreelaya. 12 Kəkafek, na labar Faara nəghən tə yibrha fa, tə shembəd taara kəm. Chimndghən kaldə yi thləukh kəlara na tə mee səri. Nən kyathla ta ahur niifa dā, ndəghanggən səsəna hai tə yibrha, tə kəm ta hu shileerha dā. Nən sənang numad ‘ya hai na mid niifa tə numadghən. 13 Mbə ‘yasə ənana nda hu kəshiirha na 6əbee a yid Faara wa. Əngya heu nəghən a pəpal hu yidghən ndəghən nəm a fərang kirəssa əngya əna nəm. 14 Tsaunən nəghəm tə mamnda Firis ha, Yeeso Wan Faara dāgha talara dā ta mbed Faara dā,

taama ishim aten fərəkəfekkid nəm kəla ndaa nəm. **15** Kəsər mamnda Firis di kyanəm ya mbə yanda ni mbuwa nəm hadang fa ka kədi nəm wa. Amma nəghəm tə mamnda Firis kəkərang na nda hu kwamangya hangga kəla nanəm, amma ndəghən nggi mbə tə dimiyirha fa wa. **16** Tsaunən kee taama nam hwas-hwas dəm də tsau tə tsənggam kutəryid Faara fa, tənəm hadang nda fa kədə nggayirha nəm na a dang kəm sə ana mid nəm sə thlaara.

5 Kala manda Firis na nda wurghən sə ahur fiya kəsər a əna tar Faara nən a meyed fiya, ndəghən ni fər ən fəra tə əna sataka yi chakh dimiyirha. **2** Tsaunən ndəghənggi nəghən tə yighən kədiirha, nən mbang takkwarha tə fīngya na tə yamid sənda tə sammayirha tə fīngya na a kyathla hai. **3** Ndəghən də nən əna sataka yi altənggən yi chakh dimiyirha tə yi fiya kəm. **4** Mbə niifa sə na wur fadghən tsauka mamnda firis ka nana midghən a fərang mamnggirha nda wa. Na niifa mbang tsaurha firis na manggən kee a aah Faara ndən kəla aah nən Haruna. **5** Nəghən kee kəm, mbə Kərəsti ni wurgha altənggən tsauka Firis na manggən wa. Faara ndən wurgha ndən, ndən ndangna Faara, “Waana ni sa. A weeriya tsaudi Tsu.” **6** Nggərgħən ndaarha a mbərha pak, “Firis ni sa pakwandə, kəla saghang na Melkidzedek hai.” (aiōn g165) **7** A sayiddi na Yeeso hu kəshiirha, hwan də Faara tə tərha kaan har tə aam yirha, a niifdi na mbang hərgħang nda ma mərri. Sək Faara hwandəghən kəsər nən əna taara tə 'ya ndang na Faara tə fərang mamnggirha. **8** Ko nanən Yeeso Wan Faara ni, tsaha də əna taara hu əngya sanən fa. **9** A sayiddi tsaunən lələgdə, tsauka ndəghən ni kwaman hərəkrha yi pakwandə a fīngya heu na a əna taara tə 'ya ndaanən, (aiōnios g166) **10** ahu kiya ni fadang na Faara tsauka Firis na manggən kəla saghang na Melkidzedek hai. **11** Aten laḅar diya na əngya sə hangga na minnan thləkrha, amma nəghən pədaghən na a pərang nggənan kun, kəsər mbun mbang sənang 'ya hai wed wa. **12** Kam də kun nanənya tsawun fa tsahaya ha, amma na mid nun sə a nggərgħa niifa tsahənggən kun ha aten əngya kamngga hu laḅar Faara. Kəl bi thlaarha kee ndən ḅalna mid nun, ma jaarha. **13** Kala niifa tsauna bi thlaarha ənnadghən mii, wufar wee ni, səngwa əna kwaman 'ya na ngga wa. **14** Amma ənnarhami na kakrak ndəna yi

fīngya mangga, na a əna taara tə numad ndan kətsar, na a hwathlang ngganda 'ya hai na ngga tə tar mbəfeerha.

6 Tsaunən kee, taama malang nggəm djib katəra tsaharhaha 'wa nəm waala aten Kərəsti, dəm mbeedə, tə chik sənda. Kamngwa a nggərgħəm katərang tsaharhaha aten mal dimiyirha aten əngya na ḅang mərə ḅa tə fərəkəfek a Faara wa, **2** təkəm sək laḅaara aten mbaptisma, tə fər parka, tə yi thliirha sə hu mərri, tə ngwa kumad ngwala kəshiirha. (aiōnios g166) **3** A nggəm Faara fa, nəm a dərha mbeedə. **4** Kəsər nəghən pədaghən mbənggəm wudang fīngya thləgha laḅarda fa nggəra nda samarha də. Fīngya 'wa nanda ḅang kanda hu kukwaryid Faara ḅa, taarangga əngya fa na ngga a talara, wal nda yindan Səsəna tə Pədənda, **5** təkəm taarangga mbənda laḅar Faara fa tə səsəmnda kəshiirha na ḅayi. (aiōn g165) **6** Amma fīngya wudgha samarha də hu fərəkəfekkid ndan mbə kwamana sə na a wudang nggəm kanda ḅa na a mal dimiyid ndanda wa. Kəsər na nda a nggər tawang Wan Faara də aten kadiirha, fərang shilee nda a pəpal. **7** Chehweerha na a sang aam 'yaara na a ḅarha tēnggən hai kətsar, na kyang həfya sə fər ənnarhami nən ka a thlar fīngya yina nən na a hudaghən, nən wal parkad Faara. **8** Amma ana chehweerha a kyang ndakhkya sə tə hwaliiya mbə ngga wa, na Faara a shiwang nda. A kwasamadghən nən a djirha də. **9** Shayina, ko nanən thlək dan tur laḅardiya, səndənsə nun a thlə parka na ngga yi hərəkrha na fīngya a waala. **10** Faara mbə tə yamid nggayirha fa wa. Taara ənang nun tə nggəmnda kyadang nun hu thlaara a nafiighən, kəla nanun a dərha mbeedə tə dang kanda sə. **11** 'Ya na minnan ndəna kowunni ahur nun na a djitigha kee ta mii ngwaladghən də, təna ənggini nun a shiteena atənggən ləghəttə. **12** Mbə minnan sə a tsawun nafiya na tə səbrha yid wa, amma tsahama fīngya yini hu fərəkəfek, tə kərəsta har langaad dəf mii də nda. **13** A sayiddi dəfna Faara miighən a Ibrahim, dəf də miighən tə aah thləmnggən. Tsaunən mbə niifa sə kalgha ndən na a aah thləmnggən nən wa, ndən aah nən thləmnggən. **14** Ndagha Faara, “Kəkəfek, niya fəro parka, niya tsawang chichiwiwa na nda hangga kaan.” **15** A kwasamaddi kərəs na Ibrahim kaan, tərgha fərangga Faara əndi dəf nən miighən. **16** Na fiya aah Faara aten niifa

kalgha kanda mamnggirha. Aah Faara ndəna a kyad mii ngwala ngaala. 17 Nəghən kee kəm, ana mid Faara sə a kyad ndaarha nən 'ya ndanən kəkafek ni a nafiya dəfnən miighən nən aah thləmnggən ka a kyanggən ngaala də ahur ndan a kyad ndaarha nən mbə tam kyakhrang miighən hai wa. 18 Na əngya sə səri mbuwa tam kyaharra hai, mbuwana Faara nggaḃarha atənggən. Nanən kee kəm walgha mbəd tsaurha nən a fərang kaali kəm kaan na a kəs əndə nəm ha nəm a shang teena fa na a mbəd nəm. 19 Shiiten di kyanəm ya kəkafek ni nən ishang hutən nəm. Nən kyarha hura də kaan, ta kəsər shishamar də də na a mbərha chahal a talara. 20 Yeeso ndən 'wagha kyarha mbəda də a meyed nəm, tsaunən ndəghən ni Firis na manggən yi pakwandə kəla saghang na Melkidzedek hai. (aiōn g165)

7 Melkidzedek kutər Salem ni, tə kəm Firis yi Faara na manggən kalgha mbərha mu. Kəmaghən tə Ibrahim a sayiddi nən a wutta ḃa a kwasamaddi həb nən yanda ənənən tə kutarya kal nən kanda mu, kəma na nda hai, dəfang parka nən in. 2 Tərga Ibrahim fərang ənfəra nən tal hu kum yi əngya wal nən ḃa hu yanda. Thləm Melkidzedek ndaarha ni, “Kutəra yi nggayirha.” Təkəm, “Kutər Salem ni,” ndaarha ni, “Kutər tsawud dədemnggirha.” 3 Mbə chireethla sə kyadgha chin Melkidzedek tə man nduwa turyighən wa. Mbə katəra benggən sə nduwa mii ngwala tsawudghən wa. Amma firis ni ndəghən yi pakwandə, nəghən kəla Wan Faara. 4 Kəlaman tur mamnggid niifdiya. Ko Ibrahim riigha mii na chichid nəm fərang də tal hu kum əngya har nən ḃa ka yanda. 5 Nanənya deleewar ngyakhrha Musa kyaddə ndaarha turya Lawiya tsauka firis na nda thlə ənfəra tal hu kum a haar nafiya Isəreela ko nanən turya Ibrahim ni. 6 Amma Melkidzedek mbuwa tur Lawiya, thlədə ənfəra a haar Ibrahim, dəfang parka nən Ibrahim teena ndəghənggi 'wagha thlə dəfimi Faara. 7 Mbə ngaala sə wa yi na fər parka kaldə yandi na a thlə parka mamnggirha. 8 A mbədiya, firistaya na hu turya Lawiya nafiya ni mərgha, na nda thlə ənfəra tal hu kum a haar fiya. Amma aten Melkidzedek, thləgha ənfəra a haar Ibrahim thlək ndan tə ndaarha nəghən tə yibrha fa. 9 Nanən kee, nəm ndaarha Lawi tafadghən, tsauka turyighən ni na thlə ənfəra, fərdə yighən ənfəra haadə

a haar Ibrahim, 10 kəsər a sayiddi kəmana Ibrahim hai tə Melkidzedek nggət wanda Lawi 'wan wa, amma nəghən hu turya chichidghən. 11 Nanən kee, a ndam firistayirha yi Lawiya nəghən məməl tə yi deleewar ngyakhrha Musa fərang na nda Isəreelaya, kama na firis nggər kyarha ḃa pak, na məməl tə tur yi Melkidzedek, mbə tur yi Haruna wa. 12 Kəsər a nggərang nda kwaman firistayirha hai, tsaudə tətə ni a nggərang ngganda tsahad ngyakhrha hai kəm. 13 Kəsər firisdi nəm a thlək ənggini atənggən ya, nəghən hu turya pak, mbə niifa sə kəm ahur tur yini 'wagha əna tar firis a mbəd nji sataka wa. 14 Kəsər nəghən a pəpal tə ndaarha Chinəm ḃaghən ḃa ahu turya Yahuda, mbə 'ya sə 'wana Musa thləkrha aten firistaya tə ndaarha na nda kyarha ḃa ahu turya Yahuda wa. 15 Labardi thlək nəm ya tsaudə kəkafek, hərəm nən naarha na firis sə na kəla Melkidzedek kyagha ḃa. 16 Ndəghənggi tsauka firis mbə ka ngyakhrha nduwa əntin thlufarha wa, amma nəghən aten səsəmda yibrha mbuwana mii ngwaladghən sə. 17 Kəsər pər ndan tə ndaarha, “Firis ni sa yi pakwandə, kəla tur yi Melkidzedek.” (aiōn g165) 18 Malang nda tsahad kaar a man patu də kəsər ka yamid səsəmdəghən tə yamid thlarəghən. 19 Kəsər tsahad deleewar Musa mbə tsawang 'ya lələgdə wa. Amma nanənya na shiteena sə na ngga kaan ndusangga kəm thləmad Faara ḃa. 20 Yandiya mbə kula tə aah thləm Faara wa. Fingya tsauka firisya, aah wa nda thləmnggən Faara wa. 21 Amma aahdə thləm Faara kyanən hu tar firis hai ndangna Faara, “Chinəm aah də thləm Faara mbə tam hwasang 'ya ndanən wa, 'Firis ni sa pakwandə.” (aiōn g165) 22 Kəsər ka aah Faardi ya, Yeeso ni katənggən na mbang tsawang nda dəfimi diya tsauka ngga tə Faara. 23 Firisya yi kaar na nda hangga, kəsər mərna ndən 'yadangga mana kanda fa a dənda mbeedə tə tar ndan. 24 Amma kəsər na Yeeso tə yibrha fa pakwandə, Yighən firistayirha yi pakwanni də. (aiōn g165) 25 Tsaunən kee, nən mbang hərgəhang nda nafiya ḃagha thləmad Faara ḃa tə man fadghən. Kəsər nən naarha tsə labəara tə Faara a meyed ndan. 26 Tur mamnda firis dani ya na mid nəm kəsər nəghən chahal, chahal kula ən 'yaara fa, nəghən inggun ma fa dimiya, tə mamnggirha a talakh talara. 27 Mbə kəla fingya mamngya firistaya wa. Mbə midghənsə nagha a fər sataka kətsar wa. 'Waghən fər sataka ka dimiyid aal fadghən, a nggərgha ənaarha

ka dimiya fiya. Fərghən sataka katəra tal ka dimiyid ndan a sayiddi fər nən fadghən. **28** A hu deleewar ngyakhrha Musa na nda wur mamnda firis hu kədiirha nanənsə ahur fiya. Amma aah thləm Faara, ɓaghən ɓa a kwasamad ngyahaddi, wurghən Wandī, tsauka chahal pakwandə. (aiōn g165)

8 'Ya nəm a ndaarha nanənya ndəna, nəghəm tə Mamnda firis na tsau hu tsənggam kutəyirha a yisəmad Faara a talara, **2** tə əna taara a mbərha na chahal, ahu ka chamdi na ngga ənana Chinəm, mbə yandi ənana niifa wa. **3** Kala mamnda firis targhən ni fər ənfəra tə sataka, nanən kee mamnda firis di kyanəm ya tətani a fər 'ya nən. **4** Andam nəghən hu kəshiirha ni, kam mbə tam tsaurha firis wa, kəsər na firistaya sə na fər satakhkya kəla sakhna deleewar ngyakhrha. **5** Na firistayini ya əna tar ndan a mbərha na chahal na kəla əngya na a talara. Kəsər a sayiddi na Musa a taksa chama yi Faara, kəs nda thləmadghən tə ndaarha, "A sənəsə a əna əngya na heu kəla kyadə ni a wumnda." **6** Amma nanənya fərang nda tar firis Yeeso yandi na ngga kaan kalgha yi kaar, kəla nana weerinda dəfmidi ngga kaan, nanən Yeeso ni ishgha a pathlang Faara tə fiya. Kəsər ənagha ndan aten weerinda dəfmee na ngga. **7** Kəsər andam mbə 'yasə dimi aten dəfmidi na kaar ya wa, kam mbəm nggər kadə dəfmee pak wa. **8** Amma Faara nadə dimiyid nafiighən ndən ndaanən, "Na sayi ɓayi, ndana Chinəm, niya nggər fər weerinda dəfmee tə nafiya Isəreela həu tə nafiya Yahuda. **9** Mbə a naarha kəla dəfmidi ənani tə chichiyindan wa, a fardi kəs ni haar ndan kyang ni kanda sə hu chehweed Masar, kəsər ish wanda aten dəfmina wa, kang kəsəra ni kanda, Chinəm ndagha kee. **10** Kulo weerinda dəfmina ni ya, niya ənərha tə nafiya Isəreela, ndagha Chinəm, niya chireethləng nggyahad na hai ahu hutən nggindan tə hur yindan. Niya tsaurha Faar ndan kanda kəm nafina. **11** Mba nda nggər tsahang tula yindan ha, nduwa nggədayi ndan tə ndaarha, 'sənna Chinəm.' Kəsər ko wunni nən a sən nggi, katərarha aten təfeewunda dəgha hu təpamənda də. **12** Kəsər niya chahang dimiyid ndan kanda də, təkəm mbi nggər dāl dimiyid ndan teena ɓalwa." **13** Ndikna Faara aten weerinda dəfmee, tsang də yi katəradghən

suhurghən. Təkəm 'ya na yi kətəm, tsaudə suhur də, tsəɓaku nən a sahatta.

9 Hu katəra dəfmee a pathlang Faara tə nafiya Isəreela, na kwaman tərang shilee Faara in sə, tə mbəd tərang shilee Faara in hu kəshiirha. **2** Na kəngya sə səri ahu cham Faardi. A hu yandi kənna na a mbee na mbəd dəfəd patilla sə, tə tebər, tə mburodi dəfang nanda də. Yandi mbərha ya ndən na nda aarha mbarha na Chahal. **3** A pəm shishamar di ndəghang nanda kənda sahai, na kənna sə yi səri na nda aarha mbərha na Chahal kaan. **4** A hur kəndi na mbərha sə tangsang nanda tə təfasa ndəna nda nji urdi sə na sədghən mbənggən a tenggən, tə akwati dəfmee. Ənggini na səri ya kəmang nda fadghən tə təfasa. Ahur akwatid dəfmidi na tasau sə yi əna nanda tə təfasa na tə Manna ahurghən, tə səsəl Haruna təfgha shee, tə mbəd chireethla yi feera səri yi dəfmidi. **5** Aten Akwatidi na əngya sə taksa na nda tə pakhkya fa na a kyad mamnggit Faara, kanda ni na fərang mishimnda mbədi na nda aarha mbed tər hakked dimiyirha. Amma nanənya mbəm mbang kala sə tətəl tətəl a tenggən wa. **6** A wumang nanda ənggina hai ya kiya, na firistaya kətsar narha kyarha hu kən yi tal də, nanda narha ənna tar firis yindan sə. **7** Amma mamnda Firis katənggən ndəna kyarha hu kən yi səri də, nən kyarha mbədədə saara tal hu hura kee. Mbə kyarha mbədədə kula fara wa, nən əna sataka yi altənggən, təkəm fiya ənagha dimiyirha kula səndəndan sə. **8** Hu kiya Səsəna tə Pedənda a kyaddə ndarha kwaman kyarha a mbədədə na Chahal ingwadə a ɓal Chamda sə kət wa. **9** Yandiya ənsakhrha ni a kəshiid weeriya. Nən a kyat ndarha ən fər yini tə satakhkini na nanda a fəra mbə tsang hur nafini na a tərang shilee Faara in lələgdə wa. **10** Tur ənggini ya nəghən a ten həbrha tə sarha tə tsabya dədamən-dədamən. Tur əngginiya ngyakhkya ni kee a ten thlu farha na a ənagha fiya taara təghən kapa na weerindəghən ɓarha ɓa. **11** Amma ɓad Kərəsti ɓa ndən tsaunən ka mamnda Firis a ten əngya na nggəngga nasə nanənya. Kyadə hur Chamda də ənawana niifa tə haara, mbə tur yandi əna nanda kəshiirha wa. **12** Kyadə mbədədə na chahal kaan sara tal kee. Kyawa sadə tə far 'walya nduwa yi wan thlaaya wa, amma tə yighən fara, walang nən kəmsə hərəkrha yi pakwandə. (aiōnios g166) **13** Ngyakhrha

Musa kyaddē ndaarha nanda washang far 'walya tē far kwelya tē fish wan thlaaya a fiya fa ənagha ən tsanda. Yandiya ndəna tsang fyinga natē paarha fa tsawa nda chahal hu farha. **14** Nanən yandiya kəkafək ni, ma nəm ndaarha tē far Kərəsti? Ndəghən mbuwa tē ən 'yaara fa, fərdə altenggən a Faara hu Səsəndi tē Pedənda yi pa kwandə, kəkafək na fardi tsabang numad nəm dē, hu əna əngya mbuwa ngga kəsər ka dəfang shilee nəm Faara in na tē yibrha. (aiōnios g166) **15** Tsaunən kee, Kərəsti ndən ishgha hu weerinda dəfmi diya, kəsər nafiya aah nanda na nda a tlhə langaarha yi dəfmi di pakwandə, kəsər 'wadə teena mərdə shaulanggən fiya ahu dimiyid ndan kətəm ahu katəra dəfme. (aiōnios g166) **16** A mal niifa dəf miighən hai aten langadghən, kəl a mər niifdi a tsə labaaara nda atenggən. **17** Kəsər dəfme aten langaarha mbə əna taara wa kəl a mər niifdi, kəsər mbə əna taara a bal niifdi tē yibrha wa. **18** Ndən ənagha nden dəfmi di yi kətəm mbə tam əna taara wa kəl tē irra fara dē. **19** Akwasamaddi pərangna Musa əndi fiya na ahu ngyahaddi, təranggən far wan thlaaya sē tē yi 'walya, wumanggən tē aama, nggərgən tərang wuhwar dəfrrha sē na nda aarha isob, tē was chaurarha na yiḃa tē fardi washang nggənən deleewar tsahadda fa tē fiya kəm. **20** Tərgha ndəghən, “Yandiya ndəna fardi tsaukwa yi dəfmi di ndaana Faara a lafghən nun”. **21** Təkəm washang nggən fardi aten chamdi, tē aten kari heu na nanda manang thlēm Faara təghən. **22** Ndagha ngyahad Musa kala əngya kəl ana nda chahal tē fara, mbə chakh dimiyirha naarha sē a irr wa fara dē wa. **23** Tsaudə tēta ni əngginiya ana nda məməl, tsawa nda ən sakhkya na a talara na nda chahal. Amma əngya na a talara tafad ndan kamdē a na nda chahal, tē satakhkya na ngga ma fyinga yini ya. **24** Kəsər Kərəsti kyawa mbərha dē na chahal tənna niifa wa, ənsakhrha ni kee kəla mbərha. Dəghən talara dē tafadghən, ka dəgha kyad fadghən a mbed Faara kəsər ka kəm. **25** Mbə dənən talara dē ka a nagha a fər altenggən atenggən-atenggən wa, kəla na firis na manggən kyarha mbərha dē na chahal ka fad hurarha fa, tē fara mbuwa yighən. **26** A nadə kee, kəla tək Yeeso səsarha fa atenggən-atenggən, ka a katəra əna kəshiirha. Amma nanənya kyaddē altenggən katəra tal kee hu ngwala mii kəshiirha kəsər ka a tranggən səsəmda dimiyirha dē hu fər satakh fadghən. (aiōn g165) **27** Kəla na niifa mərə

katəra tal, akwasamadghən kəl ngwa kumad Faara, **28** nəghən kee kəm fər Kərəsti fadghən katəra tal kəsər ka a təranggən dimid fiya dē hangga. Ndəghən nggi kəm nən a nggər wutta ḃa yi səri, mbə ka a təranggən dimiyirha dē wa, amma kəsər a hərghanggən fyinga na ḃadghən ḃa a kukwasang kanda fa.

10 Ngyahad deleewar Musa nəghən kəla mishimnda əngya ni na ngga ḃalgha ḃayi a mbee, mbə kad ənggina ni ya wa. Nanən kee tsəkkwa kala fyinga na a ndusang Faara fa tsawa nda lələgdə aten satakhkini na nda fəra ka fad hurarha fa wa. **2** A ndam na ngyahaddi mbaḅ, kam malang nda əna sataka. Hərəmma nafiya na dəfang shilee Faara teena 'wanda teena tsau nda chahal, ḃalwa nda nggər numarha aten dimiyid ndan ḃalwa. **3** Amma aten turya satakhkini ya, na ḃal dimiyirha in sē ka fad hura fa, **4** kəsər mbə tam ənarha hai far kwelya tē yi 'walya tsuthlang nda dimiyirha dē wa. **5** Tsaunən kee, sayiddi ḃana Kərəsti hu kəshiirha ḃa, ndəghən, “Satakhkya tē ən fərya mbə midwasə wa, amma farha ndəna a ngweerha fa təghən. **6** Mba tək mbənda fa tē sataka yi njirha tē yi tsuwulth dimiyirha wa. **7** Tərgha ndee, ‘Kulo nggi ya, Faara, ḃani ḃa a əna 'ya ni na midwa, kəla nanən chichireethlee hai aten na ahu ngyakhrha.’” **8** Katəraghən ndaarha, “Satakhkya, tē ən fərya, tē satakhkya yi njirha, tē satakhkya yi tsuthlang nda dimiyirha dē, mbə midwa sē wa, mba tək mbəndə ndan fa wa.” Ko nanən fərna ndan kəsər ka 'ya ndana ngyakhrha. **9** Tərgha ndəghən, “Kulo nggi ya Faara, ḃani ḃa a əna əndani na midwa.” Dəfanggən katəra dəfme a man patu dē ka a əna taara nda tē yi səri. **10** Kəsər ka nggəmda Faara fa tsau dēm chahal hu fərra satakh fad Yeeso Kərəsti katəra tal tē heu kəm. **11** Kala parra fara kala firis nən isha aten targhən, nən fər tur sataka tal mbuwa tam tsabang dimiyirha dē. **12** Amma Kərəsti fərdə fadghən sataka katəra tal yi kakwan, tərgha tsauka a yisəmad Faara, **13** ka a fardi nəghən a kəla fatsangghighən fa na a tsawa nda a kamughən. **14** Kəsər ka fər sataka katəra tal tsawang dē nafiya Faara a na nda chahal pakwandə. **15** Səsəna tēpedənda kəm fərdə shedawa, kəsər ndəghən, **16** “Yandiya ndəna dəfmiina niya ənarha tē kanda, a kwasamad sayiddi, ndagha Chinəm, niya dəfang ngyahad na ahur ndan hai, təkəm chireethlənḅ nggi hai ahu hutən

ndan.” 17 Tərgha ndəghən, “Mbi dal dimiyid ndan teena tə aiben ndan ɓal wa.” 18 A chahang nda dimiyirha də, ɓalwa satakh dimiyirha sə wa. 19 Nanən kee, shayina, fərang far Yeeso kaali kəm na a mbanggəm dərha mbəda də na chahal. 20 Ndəghən inangga kwamana kəm hai, ndəna kwaman yibrha, tə shishamar di thləwusgha, ndəna fadghən. 21 Nəghəm tə firis na manggən na a ɓna kutəyirha hu wuri Faara, 22 Nanən kee taama ndusəm a thləmad Faara də tə hura tsahai, tə həhasyirha ɓagha ɓa hu fərkəkafek. Tama tsawum tə hura chahal, naghə hur nəm tsahai kula ən 'yaara a fad nəm, tə kəm fad tsab dādə tə aama na ngga. 23 Tama kəs shiiten dā nəm ha kula rəbrha fa, fər nəm shedawa tə shembe kəsər niifdi dəfgha mee a kəm nəghən tə kəkafek fa. 24 Tama kadā kwamana nəm na a dānggəm ndan sə hu nggəmda tə ɓna tarya na ngga. 25 A malang dəm wumteena kəla na fīngya ɓnaarha wa. A meyedghən, taama fərang kaali nəm ndan, kəla sənnunə takh far Chinəm a nduwussa ɓa. 26 A dādəm mbeedə tə ɓna dimiyid thləmən a kwasamaddi wal nəm sənda yi kəkafek, mbə fər sataka sə takhka na a tsabānggən dimiyid nəm də wa. 27 'Ya takhka kee kəl kəla ngwa kumarha fa tə thlerra waarha na a njang nda fa sarya faara də. 28 Kala niifa kargha ngyakhrha Musa fa na nda a ɓəlang nda kula hadang nda fa, aten 'ya thləkna shedawaya səri nduwa mahan. 29 Nafiya na a wal tsətsəlla kaan ndəna fīngya kargha Wan Faara fa. Kanda ni nafiya ənagha əngya mbuwa chahal a far dəfmi di tsawangga kanda chahal. Fīngya ni kəm sargha Səsəna tə Pəfənda ɓangga nggayid Faara ɓa. Sənggənsə nafiya kiya kamdə naghə tsətsəllə ndan pak ma fīngya fiya wa? 30 Kəsər səndəm niifdi ndagha, “Nggər haara mu yina ni, niya tiighən.” Nggərghən ndaarha, “Na Chinəm a ngwang kumarha nafiğhən sə.” 31 Ən tərəm nda ni na a kyagha niifa hu har Faara hai na tə yibrha ha. 32 Dalama teena hai tə tsawud kətəm akwasamaddi wal nun kukwariyid Faara. Kərəs nun kaan hu yanda ləghədgha tə səsəarha. 33 Fara səmən na fiya a 'yar kun səsāngganda kun a mbed fiya. Fara səmən kəm na nda wumang kun tə nafiya na a sa tur səsadda fa ya. 34 Nuwun a səsəarha kəla fīngya na hu porsəna, kun a kyad wutsafayirha akwasamaddi thlang nanda karid nun, kəsər səndun sə mbə ngaala sə wa nun a wal kənaghən na ngga yi pa kwandə. 35 Nanən kee a muwang dun həhasyidda də kyanun ya

wa, kəsər na kənaghən sə kaan. 36 Kamdə a kərsun nanənya, tənun dərha mbeedə tə ɓna 'ya na mid Faara. Nun a wal əndi dəf nən miighən a kun. 37 Kəsər “takhkən ngguchit, ndəghən ndagha nəghən ɓayi nən a ɓarhaɓa mbə a tsərha titing wa. 38 Nafina na tə nggayirha fa na nda a tsaurha tə kəkafek fa. Amma a wud niifa tal ahur ndan a samarha də, mbi tək mbənda fa wa.” 39 Amma kəm mbəghəm ahur nafini na wutta samarha də sakhdā nda wa, kəm nəghəm ahur nafini fərgha kəkafek walgha hərəkrha.

11 Nanənya fərkəkafek 'yani nəm shiteena atənggən, tsauka 'ya ni mbuwa nəm mbang naarha tə yirha. 2 Hu fərkəkafek ni walna nafiya kaar faala a har Faara. 3 Hu fərkəkafek ni sənang nəm hai tə ndaarha tə thləghəd Faara ni ɓna nanda kəshiirha, heu tə əngya nəm naarha, kyagha nda ɓa hu əngya mbuwa nəm a naarha. (aiön g165) 4 Tə fərkəkafek ni fərna Habila sataka na ngga a Faara kalgha yi Kayinu. Hu fərkəkafekkidghən ni wal nən faala a har Faara tə ndaarha nəghən tə nggayirha fa. Ko nanən Habila mərdə, amma kəsər ka fərkəkafekkidghən ɓalghən aten kaala sə. 5 Tə fərkəkafek ni tərang nanda Enok talara də, kəsər amawa nən mərta. Ndagha Deleewar Faara, nawa ndan wa kəsər tərang Faara də. Kapa na nda tərang fər nda shedawa tə ndaarha ənadə 'ya mbənangga Faara. 6 A mbə tə fərkəkafek wa mbəm tam ɓnaarha hai ɓna 'ya nəm na a mbənānggən Faara wa. Kəsər kaala niifa na ndusang Faara fa tətani a fərkəkafek nən tə ndaarha na Faara sə nən a fər kəna taara a nafiya kadagha ndən. 7 Tə fərkəkafek Nuhu, a sayiddi yiyang nanda thləmaarha fa aten əngya nawa na yirha, hu tərəmda yi na chahal taksa nggirgi aama nən ka a hərghānggən nafiyyighən. Hu fərkəkafekkidghən ngwang də kumarha kəshiirha sə, tsauka tə har langaad nggayirha na kyarha ɓa hu fərkəkafek. 8 Tə fərkəkafek Ibrahim ənadə taara tə 'ya ndangna Faara a dəgha mbərha dənən a thlə langadghən sə, kula ndəghən sən mbədi nən dərha saadə. 9 Tə fərkəkafek tsaudə kəla ronga hu chehweddi dəfna Faara mighən nən a fəranggən. Tsauka hu chamgya, kəla ənana Ishaku tə Yakubu, kanda tsauka kəm fa har langaad dəf miidi. 10 Kəsər Ibrahim nəghən a kəla wupəri dā fa tənna Faara, wupəri di tənna Faara. 11 Tə fərkəkafek ni ko Saratu ni waldə wee həshin, ko nanən

kwarenga ni, ko nanən Ibrahim suhur dē kaan a sayiddi. Fərdə kəkafek tē ndaarha na Faara a kəs dēf miighən. **12** Nanən kee, a fad niifa tal, suhurgha takhka a mərə, ndən nggətgha turya hangga kəla wufəlngarya a fərahk amshi, təkəm kəla wuchehweed kufaarha na a mii wuri aama mbuwa nəm mbang thlədang. **13** Nafini heu ya mərgha nda dē hu fərkəkafek. Thləwanda ənggini dəfna Faara mighən wa, amma nagha nda ənggina dē ya inggun, təkəm nggəmnnda fa tē ndarha rongya kanda aten kwamana hu kəshiddi ya. **14** Nafini na ndaarha kiya, kyat nən ndaarha na nanda a kəlarha mbeedə a wal chehweerha nda yi altendan. **15** Andam na nda a numarha aten chehweddī mal nanda a samarha, kama wal nda kwaman wutta dē. **16** Amma dēf nda teena aten chehweerha na ngga kaan a talara. Ndəghən dani shidang ngwa nən Faara a aaghən nda Faar ndan. Kəkafek, tangsang dē wupəri kanda sē. **17** Tē fərkəkafek ni Ibrahim a sayiddi kəkərang nanda, fər nən Ishaku ka sataka. Wato, ndəghən thləgha dēf miidi nəghən nggungwa fa a fər wanggən nən na tətəl kee, **18** ko ndang na Faara, “A fad Ishaku ni na nda thlədang nda tur yiwa.” **19** Ibrahim numadē tē ndaarha, Faara ndəna mbang thləng mərəya sē. Hu karapu, thləng ngganda Ishaku sē hu mərri. **20** Tē fərkəkafek fərang Ishaku parka Yakubu tē Isuwa aten əngya na bayi a mbee. **21** Tē fərkəkafek, Yakubu a sayiddi nanən a mərə, fərang dē parka wangya Yisufu kyab, tərang dē shilee Faara in a sayiddi tehəng nən fadghən aten səsəlgən. **22** Tē fərkəkafek a sayiddi takh na Yisufu a mərə, ndik dē aten kyad wangya Isəreelaya sē a chehweed Masar, təkəm maldē pathla hai aten pangnda aal yighən. **23** Tē fərkəkafek ni a sayiddi nggət nanda Musa bəbəngga fa nggətyighən ndəree mahan. Ənanda kee kəsər sənda sē tē ndaarha wandiya nəghən ngga, təkəm tərəm ngwanda tē 'ya ndaana kutəra wa. **24** Tē fərkəkafek sayiddi manna Musa sē, kar dafa a aaghən nda wan wutarad Fir'auna. **25** Wurdə a səsagha tē nafiya Faara ameyed tək mbənda fa hu dimiyarha yi beena ngguchit. **26** Numadē a səsəagha ka Kərəsti ma wal kəna Masar nən, kəsər njang dē yirha 'ya nən a waala a mbee. **27** Tē fərkəkafek ni malna Musa Masar, tərəm ngwa səbrha hur kutəra wa. Njidē teena dərha mbeedə kəla nanən a njang yirha yandi mbuwana yirha a naarha. **28** Tē fərkəkafek ni laf na Musa wutsəfayid

tədaarha dē, təkəm wash dē fara a mii kwad kirma kəsər amawana təthlənda Faara bəl fad wan 'waya tsuwar wan 'waya Isəreelaya fa. **29** Tē fərkəkafek ni kyana Isəreelaya dē tē wuri aama na yibə kəla aten chehweerha na hwarghən. Amma na mid Masar yini ənaarha kəla kanda hwaa nda dē. **30** Tē fərkəkafek ni chana kalthman Djariko hai, akwasamaddi tiurang nanda hai yi beena məd. **31** Tē fərkəkafek ni Rahab səsuwaddi, bəlang ngwanda həu tē nafini kargha mee fa wa, kəsər thlədē fa harmu chehweddī tē dədəmnnggirha. **32** Ma ni nggər ndaarha? Mbə kwamana sē a harna na kalisə aten Nggidiyon, tē Mbarak, tē Samsən, tē Yefta, tē Ndauda, tē Samaila, təkəm annabiya wa. **33** Tē fərkəkafek ni thlang nanda kutəryirha, əna nggayirha nda, wal nanda əngya dēf nanda mighən tsauka kəkafek, nggəlang nanda mii ləfariya. **34** Bəlangganda sheneu waarha hai, hərgha nda ma chimnda thləukh kəlara. Tsangganda səsaukhkirha tsauka kanglang. Rək sodjaya chehweeya nda. **35** Fingya nishya thlənda mər yindan thləng nanda kanda sē hu mərri. Fingya ahur nafiniya səsang nda kanda, amma kanda kəm kar nda fa a kal kanda nda hai, tēna nda wal thliirha sē hu mərəya hu tsaurha dē na ngga. **36** Fingya waa kanda nda, tsadā kanda nda, fingya kəm kənang ngganda kanda tē wuyiwurra, muwangganda kanda hu porsəna dē. **37** Fingya bəlang ngganda tē mukrha tē ferya, fingya kudmangganda kanda hai səri, fingya kəm bəlangganda kanda tē thləukh kəlara. Na nda a wiirha hai tē pam chauraya tē pam 'walya a fad ndan. Tsawa nda hu yamirha, tē səsərha, tē kəm kyala nda tē kanda. **38** Mbə kəshiddi ngga a kanda ya wa. Na nda a wiirha hai kəla rongya a kaheerha tē wumngya. Na nda naarha mənda a kəbeeya, tē kwaya na kamu chehweerha. **39** Nafini həu ya ko fal na Faara kanda aten fərkəkafekkid ndan, amma ko nanən kee, thləwanda ən dēf miidi wa. **40** Kəsər Faara 'wadē teena fərang dē 'ya kəm na ngga, nanən kee mba nda tam ləghəttə kula kəm wa.

12 Tsəunən kee, nanən muwang fa shedawa kəm madufu, tama muwanggəm kala 'yadē na a 'yadəngən kəm fa. Taama muwanggəm dimiyirha dē kəsgha kəm ha kenkeng, tama kəm kərsəm tē pəpəla daddi na a mbed nəm. **2** Tama irang yirha nəm Yeeso fa, ndəghən na katəra fərkəkafekid nəm təkəm tē bəngga ləghəttə

færkækafekkid nēm 6a. Kēsər ka wutsəfayirha na a mbədghən, kəəs də kadiddi, tsawang də ən shilee kəla mbə 'yani wa, nanənya nəghən tsau a yisəmad tsənggam kutəryid Faara. 3 Numama tə niifdi kəəsgha tə kaara ənangna fa dimiya fa, amawana mid nun dākhrrha də, nduwa malanggun shiiten nun. 4 A hu yan ndənun tə dimiyirha, tsəkkwa na a irgha yinun fara də wa. 5 Mbədang nən kun tə labər fər kaali ndangna Faara kun kəla na china ndang nda wangghighən wa? Ndanən, “Waana, kothləmaarha hai ana Chinəm a taksorha, ma malang na sheng teena fa anadə a yanorha wa. 6 Kēsər na Chinəm tsətsəl kala niifa nggəm nən, təkəm nən tangsang kala niifa thlənən tsauka wanggən.” 7 Kərsaama tə səsarha nun a tək fa, a tsauka tsətsəlla ni na Faara a ənang nda kun kəla wangghighən. Na wee sə mbuwa na chin tsətsəlla wa? 8 A tsətsəl wanda kun kəla na wundakhnaya waala wa, wumiterya ni kun, mbə wangya hur minda ni kun wa. 9 Mbə kee ma wa, nadəm tur tsətsəlla ənang na chingginəm kəm, fərang mamnggirha nəm kanda atənggən. Ashe, məməlwə a nggəməm fa tə tsətsəlla Chinəm yi Səsəna, kēsər ka a wal yibrha nəm wa? 10 Chingginəm yi thlu farha nanda tsətsəl kəm yi sayi ngguchit kee yi nggəmndə hur ndan, hu numad ndan nəghən ngga, amma Faara nən tsətsəl kəm kēsər ka a dānggən kəmsə, hu ənaarha kiya nəm a tsaurha nafiya na chahal, kəla ndəghən. 11 Mbə tsətsəlla sə nəm tək mbəndəghən fa hu sayiddi na nanda a ənəghən wa, nən hatta fa. Amma a kwasamadghən nən bəng tsawud dədəmnggirha 6a tə nggayirha a fīngya walgha tsətsəlla təghən. 12 Tsaunən kee pəpənaman haryi nun də tə wadeeyi nun targha, 13 Pəpənanggun kwamangya də na ngga a saryi nun, kēsər amawana səfəngya wal tsərbathla, a meyedghən wal kənda nda. 14 Kadama tsawud dədəmnggirha tə kowunni, tsawama kəm chahal, kēsər mbə niifa sə na naa Chinəm wa kəl a nadə chahal. 15 Kwarama nadə niifa kədeng nggayid Faara. Kwarama nadə niifa tsaurha ndəghən ni kul ndikrha səghən na bəng nda səbrha 6a, səbānggən fiya də hangga. 16 A sənunsə, a əna niifa kulafayirha, nduwa mbə tərəm Faara wa kəla Isuwa hengga mamnggidghən də yi wan 'warha ka deng ənnarhami tətali kee. 17 Akwasamadghən, kəla sənunsə, ana midghən sə a har langad parkad də nən, kar ndan fa. Mbə 'yasə nən mbang

ənaarha na a nggəranggən ənda hai ənən nən wa, ko nanən na midghən sə a wudānggən parkadda nən 6a tə aam yirha. 18 Bawun ten wumnda Sənai 6a nəm mbang tsuwara fa wa, ko a thləmad waarha 6a na kəssa wa, ko a thləmad wula 6a na tikdik wa, nduwa kad 'yaara, 19 nduwa pi kodwomnda, nduwa urarha na a ndikrha fa fīngya na a səkkən a hwana nda tə ndarha a dənda mbeedə tə kalang nda kanda sə wa. 20 Kēsər mbāngwanda kərəsta tə 'ya ndaana nda, “Ko mabi ni tsuwargha wumndəda fa, kəl a muk kanda nda har mərə nda.” 21 Əndi na nanda ya tsaudə ən tərəmndə ni kaan, ndən ndaana Musa, “Fadna a rəbrha fa kēsər ka hərəenga.” 22 Amma bādun wumnda Urshalima 6a, wupəri Faara na tə yibrha fa, Urshalima yi talara, tə wumten wutsəfayid fathləngya Faara mbuwa nəm mbang thlədang nda kanda. 23 Bādun thləmad fa takkwaya 6a wan 'waya na thləmnggi ndan chichireethlee hai a talara. Bādun thləmad Faara 6a na ngwang kumarha kowunni sə, tə thləmad səsəngya nafiya Faara na tə nggayirha fa lələgdə. 24 Bādun thləmad Yeesə 6a, ndəghən ishgha tə weerinda dəfmeə a pathlang Faara tə fiya, təkəm fardī irang nanda də na a ndikrha fa ngga kaan ma far Habila. 25 Kwarama, a kardun yandə fa na a ndikrha fa wa. A sənunsə nafiya kargha sək Musa fa yiyangga thləmarha kanda fa hu kəshiddiya hərəkkwa nda wa. Kəkən nəm wal hərəkrha a kar dəm yandə fa na a yiyang thləmarha kəm a talara hai? 26 A sayiddi urad Faara tsang də 'ya kəshiirha fa. Amma nanənya dəf də mee tə ndaarha, “Niya nggər tsang 'ya kəshiirha fa, mbə kəshiirha katənggən kee wa, amma heu tə talara.” 27 Labardi ya, “Katəra tal faddən,” kyadgha ndaarha na nda a kədang ənda də tsang nanda 'ya fa, wato nanda a kədang ənggina də əna nanda, tənə ənggini mbuwa tsə 'ya fa tsaurha. 28 Tsaunən nəm a thlə kutəryirha mbuwa tsə'ya fa, tama tsawum tə usarha, tərang shilee nəm Faara in kamngga hu tərəmndə tə fər mamnggirha, 29 kēsər Faar nəm kəssa waarha ni.

13 Dama mbee də tə nggəm ndan yi wanmanggirha. 2 A malang dūn ənang nggayirha nun rongya wa, kēsər hu əna 'ya kiya ndən ənang na fīngya taara fathləngya Faara, kula səndə ndan sə. 3 Dalama teena hai tə fīngya kənanang nanda kanda hai hu

porsəna, tsauka kəla nuwun kəkəna heu tə kanda. Təkəm fīngya na nanda a səsang kanda, tsauka kəla kunni na a səsarha tə kanda. **4** Kun heu a fərang mamnggirha nun kakhrha. Ngwa tsauka wusər kahad nun chahal, kəsər na Faara ngwang kumarha nafiya sə na əna susuwayirha tə kulafayirha. **5** Nama inggun ma nggəm wudəbəla, usama tə 'ya nanun təghən ha. Kəsər ndagha Faara, “Mbi tam mal sa wa, Mbi tam kar sa fa wa.” **6** Nanən kee, taama nam hwas-hwas ndam, “Chinəm tə thlarə na ni, mbi tam tərəm nda wa. Mana niifa tə wasa in əneerha?” **7** Dalama teena hai tə mamnggi nun pərangga Laḅar Faara kun. Kəlaman tsawud ndan, tsahama tur tsawud fərəkafekkid ndan.

8 Yeeso Kərəsti ndəghən dā na a bərarha, tə weeriya tə pakwandə. (aiōn g165) **9** Ma sakhdang weerinda tsahaya huten nun wa. Kamdə a wal kaali nəm tə nggayid Faara, mbə tə ən tiina dədamən-dədamən yi həb ənnarhami mbuwa thlar nafiya na a takkwaghən. **10** Nəghəm tə mbəd nji sataka mbuwana ko firistaya yi Cham Faara həbrha sə. **11** Na mamnda firis dərha tə far maḅiya a mbərha də na chahal ka a fər sataka nən yi chakh dimiyirha, amma thlu maḅiyini nanda njang nda də a kəsər mbədi. **12** Nəghən kee kəm səsagha Yeeso a kəsər wupəri ka a tsanggən fiya chahal tə farghən. **13** Nanən kee tama kyam sə dəm thləmadghən də, a kəsər mbədə də, kərsəm tə tur sara sanən fa. **14** Kəsər kəshiddiya mbə wuri tsawud nəm ni yi pakwandə wa; amma nəm a kadā wupəri na ḅayi. **15** Tsaunən kee, tama dəm mbee də fər sataka yi fal Faara hu Yeeso, ndəna falla pər mamnggid thləmnggən. **16** Ma malang dūn əna nggayirha tə wumteena tə 'ya nanun təghən ha wa, kəsər tur satakhkini ya nən mbənanang Faara. **17** Fəraman mamnggirha mamnggi nun təkəm fəra man aal tennun kanda, kəsər na nda kəla yibəd nun ha kəla nafiya na a fər kirəssa tar ndan. A fərang dūn mamnggirha kanda na nda a əna tar ndan tə wutsəfayirha, a mbə kee wa, na nda a ənaghən tə səbrha hura, anadə kee mbə 'yasə nən dāng kun sə wa. **18** Hwanaman Faara kan teena. Sən fad nan sə na hur nan chahal, na mid nan sə a əna 'ya nan na ngga kətsar. **19** Niya hwan kun, a hwane Faara nun teena təni wutta thləman nun də tsəbaku. **20** Faara na fər dədəmnggirha ndən thlengga Yeeso Chinəm sə hu mərri. Yeeso nanənya na tə lafrha na manggən ənana nda taara tə farghən

ka a tangsanggən dāf mii Faara yi pakwandə tə chibədghən. (aiōnios g166) **21** Ngwa fərangga Faara əngya kun na nggəngga kəsər ka ənanun əngya na midghən, ngwa əna taara nən ahur nəm mbənanngga hu Yeeso Kərəsti ndəghən tsauna mamnggirha təghən pakwandə. A tsauka kee. (aiōn g165) **22** Niya hwan kun shayina, kərsaama tə yiyi thləmadḅi ya, kəsər mbə laḅara ni nzang chireethlāng ni kun də wa. **23** Na minnasə a sənunsə tə ndaarha wanmanəm Timoti kal ndan ḅa hu porsəna. A ḅada ḅa wet, nan a ḅarha ḅa kan kyab a ḅan na kun. **24** Ndaman 'ya mamnggi nun fa tə nafiya Faara na a mbədi. Nafiya Faara na a Italiya kanda a ndang 'ya kun fa. **25** Nggayid Faara a tsauka tə kun həu.

Yakubu

1 Kyagha deleewar dāba ya a har Yakubu mafad Faara tē yi Chinām Yeeso Kārēsti. Niya chireethlenggōn turya dā kumkap sārī yi Yahudaya fārgha kākafek welgha hu chehweeya dā. Niya ndang'ya kun fa. **2** Kun wanmanggina hāshya tē nishya, a kyadūn hu kākōrra hai ngwa tsauka ēn mbēnafarha fa a fad nun. **3** Kēsār sēndūn sē a kākōrang nda fērēkākafekkid nun, na kārēssē nun naarha kanglang. **4** Nanōn kee, malang kārēssē wa tsēgha ngga, na naarha kanglang ahu ēn ēnad wa tē kēm nggungwa fa ka ēngya heu, mbē 'ya sē na kēdēng nda wa. **5** Ana niifa sē ahur nun na midghēn huteena, a hwan Faara nēn, kēsār na Faara fēra haara tsahai a fiya heu kula kadā 'ya dīmi, nēn a fēranggōn. **6** Amma a hwan dā ndōn, tētani a fērēkākafek nēn kula ngaala, kēsār niifa ngalgha nēghēn kēla kudufulla wuri aama na thlumbōrra pengdē nagha a kyaharra hai. **7** Tur niifdiya, a numadē nēn wal 'ya a har Chinām wa. **8** Mba nda ishang numad ndan a mbērha tal wa. Na nda dārha mbeedē wudā nda samarha dē ahu ēngya na nda ēnaarha heu. **9** Fatakkwaya na tē yamirha fa na 'ya sē a harndan na nda taala kamanggōn, kēsār na nda manggōn a mbed Faara. **10** Fatakkwaya na tē kēna ha na 'ya sē a harndan na nda taala kamanggōn, kēsār na nda ngguchit a mbed Faara. Na nda a hwaara kēla fit hwalirha. **11** Yanfara na yanggōn a kyadā bā nēn hwarang nda hwalirha dē kaan; na fitghēn hēra dē, tēlgha ndēttaghēn dē. Nēghēn kee kēm, fa kēnaya na nda a ndākrrha hai tē ēngya nana nda a ēnaarha heu. **12** Tē parka ni niifdi kārēsgħa ahu kākōrra, kēsār a kārēs dē kākōrra, nēn a thlē kēnaghēn yi yibrha ndana Faara nēn a fērang nda nafiya nggēmngga ndōn. **13** Ana 'ya sē kyangga niifa hu tar mbēlfeerha hai, a nda dē Faara kākōrangga wa. Kēsār mbēm kākōrang nda Faara tē mbēlfeerha wa, nduwa kākōranggōn niifa a ēna tar mbēlfeerha nēn wa. **14** Kākōrra nēn bārha bā ahu 'ya dīmi na mid nēm, lēm kēm nēn wiigha tē kēm. **15** Ənggini na dīmi tērna mid nēm nēn dērrha hur nggēt tar mbēlfeerha nēn. Tē kēm tar mbēlfeerha a shing dē, nēn nggēt mērra. **16** Wan manggina hāshya tē nishya nggēmni, a nggabanda kun wa. **17** Kala 'ya na ngga tē ēnfēra na lēlōgdā bāghēn bā a thlēmad Chindi

na ahu kukwaryid talara, mbuwa kyaharra hai kēla mishimnda na kyaharra hai. **18** Nggēm dā fa a fērang yibrha nēn kēm hu lēbārghēn na kākafek, ahu ēngya ēnanēn heu tsau dēm wuwura ma fīngya. **19** Wan manggina nggēmni, nama a kathlēmaarha hai kēkar, a kaldūn sē kēkar wa, tē kēm a sēb hur nun dē wet wa. **20** Kēsār sēbrha hur niifa dē mbē bārha bā tē tsaurha na mid Faara wa. **21** Tsanōn kee tētani a malanggūn ēn mbēlfeeya heu na a fad nun. Kula manang nda alteena thlaama labār Faara hēf nēn ahur nun hai tsākka a hērgħanggōn kun. **22** Amma a kang dūn thlēmaarha labār Faara fa kee wa. Tētani a ēna 'ya nun ndanēn. A mbē kee wa nun a nggabā alten nun. **23** Kala niifa sākka labardi amma ēnawa taara sē wa, nēghēn kēla niifa kēlangga yidghēn ahu tolokar. **24** A kwasamaddi kēlang nēn fadghēn, wii fayighēn nēn tsu kee mbēdangga yiddi keegħēn. **25** Amma tētani a kēlana ahu ngyakrrha na lēlōgdā, tē sammayirha, na a kyosē hu dīmiyirha. A kanna thlēmarha hai ēna taara na tēghēn, tē kēm mbēdōwa wa, na Faara fēro parka ahu 'ya na ēnaarha heu. **26** A nanna a numarha tē ndaarha tētakkwārha ni sa, amma mbang ngwa kēsang mīiwa wa, na a nggabā altenwa, takkwad wa kani kee. **27** Dēfang shilee Faara teena na Chindi tē hura chahal kula ēn 'yaara hu yidghēn ndōn: dāng wumirya sē tē nishya mērna chimayi ndan na a sēsaarha. Tē kēm a nggēmna fa a tukhbōwa tsawud dīmiyid kēshiddiya wa.

2 Wan manggina hāshya tē nishya, ahu tsawud nēm fa fērēkākafekkyā ahu mamnggit Chinām Yeeso Kārēsti, a wur dūn hasē wa. **2** A ndam bad niifa hu wumten nun bā nggungwa fa tē wulenduwa yi tēfasa tē kari ngga, tē kēm kyagha tē yamirha bā tē kukwasharya fa. **3** A fērang dūn mamnggirha niifdi ngwagha fa tē kari ngga ndon, “Kulo mbēd tsaurha na ngga ya.” Amma ndanggūn tē yamid dī, “Ishiu a mbēddi taarha” nduwa “Tsawu a hweede a man sarna.” **4** Kyad wa nun kaara a pathlang nun wa? Tsaukwa wanun kēla fa ngwa kumaya tē numad mbēlfeerha wa? **5** Keema thlēmarha fa, wanmanggina hāshya tē nishya nggēmni: Wurwa na Faara tē yamirha hu kēshiddiya tsauka tē kēna hu fērēkākafek wa? Mbē kanda ni na har langad kutēryid Faara ndanēn nēn a fērang fīngya nggēmngga ndōn wa? **6** Amma kun sardūn tē yamirha. Mbē fa kēnaya ni na

kyaala tē kun dānda tē kun ahu kēn ngwa kumarha dē wa? 7 Mbē kanda ni na a sar Yeeso Kārēsti, thlōma na tē mamnggirha sēnna nda kun tēghēn wa? 8 Nēn narha ngga a laf dūn ngyakhrha Faara kutēr nēm chireethleng nanda hai ahu dēleewar Faara tē ndagha, “Nggēmu tuladwa kēla altenwa.” 9 Amma anadūn a wura hasē anadūn dimiyirha. Hwasang dūn 'ya ndana ngyakhrha. 10 Kēsēr kala niifa lafgha ngyakhkya heu, amma a hwasang dē tal ahurghēn, tē dimid ni kēla yandi hwasangga ngyakhrha Faara heu. 11 Kēsēr ndagha Faara, “A ēnanna kulafayirha wa,” tē kēm ndēghēn, “A bēlna farha wa.” A ēnawa kulafayirha wa, amma bēlna farha, tsaua tē hwasang nda ngyakhrha. 12 Nanēn kee kala 'ya na a thlērha, nduwa 'ya na a ēnaarha, dālū teena hai na nda a nggo kumarha sē tē ngyahaddi kyowa sē hu dimiyirha. 13 Mba nda a hadang nda nafiya fa hadang ngwa wa fīngya fa wa. Amma ana fiya a hadō fa, na Faara a hadō fa anadē a nggo kumarha sē. 14 Wan manggina hashya tē nishya, mani mbēndēghēn nun ndaarha na fērkēkafek sē a fad nun amma mbun a ēna taara na a kyad ndaarha nēn na fērkēkafek sē a fad nun wa? Na tur fērkēkafekkid di hērgħang kun wa? 15 Ndam nanna wan tsu nduwa wan muwa kula ēnnarhami nduwa lukrha. 16 A ndang niifa ahur nun, “Nandang 'ya wure fa, a fēro wa Faara ēnnarhami tē lukrha,” amma fērangwa ēnnarhami nduwa lukrha niifdi wa. Mani mbēndēghēn? 17 Nēghēn kee kēm, fērkēkafek tafadghēn, a mbē kula taara wa, nēghēn māmara tē kēm kani kee. 18 Amma na niifa mbang ndaarha, “Sa nagha tē fērkēkafek, nggi kēm niyi a ēna tarya na ngga.” Kedēe fērkēkafekkid wa kula taara, nggi kēm niya kedō fērkēkafekkid na ahu tarya na ngga niya ēnaarha. 19 Fēr na kēkafēk na Faara tētali. Mēmēl ni. Amma ko ēnkaheeya ma fēr nda kēkafek kee nagha fad ndan a rēprha fa ka hēreenga. 20 Sa nura! Na mid wa sē a kedō ndaarha nda fērkēkafek kula taara kani kee wa? 21 Balowa nēn in chichid nēm Ibrahim nda nanda ka niifa ni a mbed Faara kēsēr fērnēn wanggēn Ishaku ka sataka wa? 22 Kulo hai, fērkēkafekkidghēn tē targhēn na nda wiirha hai kyab, tē kēm fērkēkafekkidghēn lēlēghēddē ka tardī ēna nēn. 23 Katēraghēn hai kee kēla ndana dēleewar Faara, “Fēr Ibrahim kēkafek a Faara, ndēn ndaana Faara ka niifa ni.” Ndēghēn ni na nda aaghēn pashid Faara. 24 Kulo hai, ka ēn

ēnad nēm ndēghēnni ndana nda nēghēm mēmēl a mbed Faara, mbē tē fērkēkafek katēnggēn kee wa. 25 Nēghēn kee kēm tē Rahab sēsuwaddi. Kyad ndan tē ndaarha ēnadē 'ya na mēmēl a mbed Faara a sayiddi bēlēng nēn fa har muyini, fērang nēn mbēd mēnda kanda tē kēm kyadāng kwamana nēn kanda pak wii nda. 26 Nanēn kee, kēla nana pofad niifa mēmēra kula yibrha, na fērkēkafek kee mēmēra kula tarya na ngga.

3 Wan manggina hēshya, mbē kun hangga kamgga a tsawun famalēmngya ahu Kēn Faara wa, kēsēr kan na a tsaharhaha na nda a ngwang kumarha kan sē kaan ma fīngya mbuwa tsaharha ha. 2 Kēm heu nēm kyathla hai hangga, amma a kēsang dēm mii nēm, nēm a tsaurha lēlēgdā, mbanggēm kēsang altēnnēm ahu kala tur yanggi kwamana. 3 A pang dēm lidzaama pērshe mii nēm mbang kyakhrang a mbēya dē na mid nēm. 4 Nduwa ndam kēla nggirnggi. Ko nanēn nēghēn manggēn na bēreurha na kanglang naarha puwang nda dē, tē hurghēn nēn tsuwar 'ya fa ngguchit kyakhranggēn nggirnggi di a mbēdā dē na midghēn. 5 Nēghēn kee kēm shēneurha 'ya ni na ngguchit a fad niifa, amma nēn taala kaan. Kēlaman kyathla shinatu na njang kaheerha dē. 6 Shēneurha waarha ni. Kēshiirha ni yi mbēlēferha na ahu thlu farha, nēn tukhōang nda niifa dē kahat. Nēn sēbang tsaurha dē kahat, nēghēn kēla waarha na a hwanga. (Geenna g1067) 7 Na fiya laf tur mābiya dēdamēn, wudikkyā, tē mābiya na kakhrha tē hura, tē tangya, 8 amma mbē niifa sē na mbang laf shēneurha wa. Tē mbēlēferha ni mbē tam yibrha wa, nēghēn lēlēgdā tē warkami. 9 Tē shēnneu di ndē nēm fal Faara sē na China, tē ndēghēn ni kēm nēm shiwang nda fiya ēna nanda kēla Faara. 10 Tē mii dāni nēm shiwang nda niifa tē fal Faara kēm. Wan manggina hēshya tē nishya mbē ngga kee wa. 11 Na aam shishaurha tē na mbēnggēn ngētta sē hu fēreerha tal wa? 12 Wan manggina hēshya tē nishya, na dēf shiēaarha nggēt wan dēfya dzaitun wa, nduwa dēf inabi nēn nggēt wan dēfya shiēarha wa? Nēghēn kee kēm aam fēreerha na shishau mbē bāng aama na mbēnggēn wa. 13 Wunni ndēndēl na sēnang nda 'ya hai ahur nun? Ngwa kyadghēnēn hu widghēn hai ngga, tē kēm ahu taryighēn nēn a ēnaarha kula taala na bārha bā ahu sēnda. 14 Amma ana dūn a sērēkrha kaan tē nggēm

alteena ahur nun, a bəbeng dūn kəkafek tə taala tə nggaɓaارha wa. **15** Kəsər sərəkraha tə nggəm alteena mbə tur sənda Faara ni wa. Tur ənggini ya yi kəshiirha ni, mbə yi Səsəna ni tə Pədənda wa, yi Sheetan ni. **16** Kəsər mbərha nana sərəkraha sə tə nggəm alteena, na wal kakyathlaanga sə tə tur mbəlfeyya dādāmən. **17** Amma huteena ɓagha ɓa a talara hai ahu kataradghən nəghən chahal. Nən ɓarhaɓa tə nggəm dādēmnggirha, kətsar ka niifa ni, mbə tenggən kakra wa, lələgda tə hadang nda niifa fa tə ən ənadghən ngga. Mbə wura hasə wa, Kətsar nəghən təkəkafek fa. **18** Fingya na a nggəm dādēmnggirha na nda həf wiyya yi dādēmnggirha halth nggayirha nda.

4 Mani ɓarhaɓa tə kakyathlanga tə yanda a pathlang nun? Mbə ɓanən ɓa tə ən mbəlfeyrha na mid nun na a yanda ahur nun wa? **2** Na mid nun 'ya mbuwa nun təghən ha, nanən kee nun ɓəl farha ka a walghənun. Nun sərghang əngya fiya ha aten əngya na nanda təghən ha, amma mbun tam walghən wa, nanən kee nun har kanda yanda ka a thlanggun hai a har ndan. Ko nanən kee mbun wal əndi na mid nun wa, kəsər 'wawun hwanang Faara wa. **3** Ko hwanang nun, mbun walghən wa kəsər numad nun heu mbə ngga wa. Na mid nun sə 'ya kee na a tək mbənda nun fa. **4** Kun kulafaya! Sənggun sə tə ndaarha əna pashiyirha tə kəshididiya nun tsaurha fasaryi tə Faara wa? Niya nggər pərghən, ana mid nun tək mbənda kəshidda fa ya, mbun tsau pashiyi tə Faara wa. **5** Ma numa nun aten 'ya ndaana deleewar Faara, nda nanda, dəfang Faara səsəna ahur nəm hai, nəghən a sərəkraha aten səsən di ka a tərang shilee nəm teena təkəkafekirha? **6** Amma fərang də nggayirha kəm kaan. Ndəghən dani ndaana Deleewar Faara, “Kar Faara niifa na a taala, amma nən fərang nggayirha yandi mbuwa a taala.” **7** Fərang altenwa Faara. Karama Sheetan fa, ndəghənggi kəm nən a daarha ma kun. **8** Nduusa a thləmad Faara də, Faara kəm nən a nduwussa thləmad wa ɓa. Kun fa dimiya; tsaba man haar yi nun də, kun fa thlərbuya tsabaman hur nun də nagha chahal. **9** Taama aten əngya əna nun mbuwa ngga. Tsawama tə thlee hura a meyed maasa, təkəm ndənggun pəm nun hai a meyed wutsəfayirha. **10** A manang na alten wa a mbed Chinəm wa, ndəghənni a manorha. **11** Wan manggina nda həshya tə nishya, a

thləghang dūn 'ya ndan na dimi wa. A ndik na aten shadwa təkəm ngwang kumarha na sə, na a ndikraha tə ngwa kumad nyakhrha Faara. Amma tarwa ndəna a əna taara na tə ngyahaddi. A ngwanna kumarha mba a əna taara sə wa, tsawang na fadwa tə ngwa kumarha atənggən. **12** Faara katənggən ndən fərga ngyahaddi təkəm ndəghən ni tə ngwa kumarha. Ndəghən katənggən ndəghənni təsəsəmda hərəkraha ha nduwa ɓələnggən. Nanən kee wun furowa kwamana na a ngwang kumarha na tulad wa sə? **13** Nanənya kama thləmaarha hai, kun na a ndaarha, “A weeriya nduwa a ɓinda nəm a dərha mbəda də ya, nduwa a wupəri dādə taarha, tsawum sə yi hurarha tal a mbədi, əna shafili nəm wal wudəɓəla nəm.” **14** Kəkən sənna ənda sə na a katararha hai a ɓinda? Kəsər yibəd wa nəghən kəla wufid thləthləbəd tsar, na nəghən nanənya tsəɓaku hargha də. **15** 'Ya kamngga a ndon, “A nggəm Chinəm fa, nəm a naarha tə yibrha əna ənda nəm ya tə yandi taarha.” **16** A meyedghən non naarha taala aten 'ya na mid nun ənaarha. Tur taala kiya 'yani na dimi. **17** Tsaunən kee, kala niifa səngga 'ya kamngga a ənagha, ənawa ndən wa, ənadə dimiyirha.

5 Nanənya keema thləmaarha fa kun fa kənaya, tama (nama a tərha) tə huhwaarha kəsər ka səsəarha na ɓayi tennun ɓa. **2** Kəna nun məth də də, lukki nun na nggəngga kyang wupədəlthya tsau nda kukwasharya. **3** Yinun təfasa tə wurirha tsaudə ka kee. Kənadi nun a thlətta ya nən a kyang thlu fad nun kəla waarha. Kəna di wumang nun hai ya nən a kyad ən sakhrha a tennun a far ngwa kumarha. **4** Kaama thləmaarha hai! Nafiya hathlangga kun sə hu heeyi nun kula kun teng kanda, kanda a tərha ka kun. Təddi ki fa halthyini səldə ahur thləmad Chinəm də na tə Mamnggirha. **5** Tək dūn mbənda fa ahu kəshiirha, nggalun tə əngya na mid nun. Ndaurang dūn fannun kəla mabiya na nggungwa fa ka far thlee urarha. **6** Ngwang kumarha nun ka nafiya ɓələnggun kanda, yangwanda kun wa. **7** Wan manggina həshya tə nishya, kərsaama ta far dādə na Chinəm a wutta ɓa. Kəlaaman fahudaya na kərəsta təkəla wan 'wad 'yaara fa təkəlar kwasamarha. Nən kukwasang kanda fa a nakhdagha ənnaarhami. **8** Kun kəm kərsaama. Ndeeman yid nun kəsər takh Chinəm a wutta ɓa. **9** A huhurum dūn tə ndan wa, wanmanggina həshya tə nishya, ama nanda ngwang kumarha

kun sə. Kəsər na tə ngwa kumarha kət a mii kwat minda! **10** Ndam, kəla kərəsta ahu səsaarha, wanmanggina həshya tə nishya, tsahama annabiya kal nanda sə tə thləm Chinəm. **11** Nan fərang mamnggirha fingya kərəsgħa hu səsaarha. Sək dūn laḅar kərəssa Ayuba. A kwasamadghən dāngga Chinəm sə, kəsər Chinəm nən dāng niifa sə tə kəm hədānggən fa. **12** Amma aten əngya heu, wanmanggina həshya tə nishya, atam dūn aah Faara tə talara wa, nduwa tə hweede wa, nduwa tə komani wa. Ngwa tsauka palth nun, ha'i nduwa awo, amanun əna dimiyirha ngwang kumarha nda kun sə. **13** Na niifa sə ahur nun na a səsaarha wa? Hwan Faara nən. Na niifa sə ahur nun na a əna wutsəfayirha wa? Dəgha mbeedə tə aah amshe yi fal Chinəm. **14** Na niifa sə ahur nun na fadghən ʒee wa? Ngwa aah shingya Kən Faara nən hwanang Faara nda in tə kəm irang fədeərha nda fa hu thləm Chinəm. **15** Hwan Faara tə fərkəkafek nən kənanang niifa na fadghən ʒee; na Chinəm a kənanang nda. Kala niifa ənagħa dimiyirha, na nda a chahānggən də. **16** Pəra man dimiyid nun ndan, tə kəm hwana man Faara ndan teena tənun wal kənda. Hwanda ka niifa nəghən tə səsəmənda nən dāng nda niifa sə kaan. **17** Ilyə niifa ni kəla kəm. Hwan də Faara tə fərkəkafek a ʒad 'yaara wa, ʒawa 'yaara yi huraya mahan tə ndəree mikki wa. **18** Nggər nən hwan Faara, ʒagħa 'yaara hai a talara, fərgħa chehweerha ənnarhami. **19** Wan manggina həshya tə nishya, ana niifa sə ahur nun kyalthgha hai ma kwaman kəkafek, ngwa wudāngga niifa ʒa tal ahur nun. **20** A sənunsə kala niifa wudāngga tə dimirha ʒa hərgħang də niifdi wu ma mərə yi pakwandə, tə kəm na Faara a chahang dimiyidghən də heu.

1 Mbiturus

1 Kyagha deelewar daɓa ya a har Mbiturus tathlenda Yeeso Kərəsti, a nafiya wurna Faara na a tsau ronggirha welgha dā a chehweeya Fontus, tē Nggalatiya, tē Kafadokiya, tē Asiya, tē kām Mbitiniya. **2** Faara na Chindi sēndā kun kētām ndən wurnən kun, tsawangga kun chahal tē Səsənggən, tənun əna taara tē 'ya ndang Yeeso Kərəsti kun ka a tsawun chahal hu irra farghən dā. A fərangga Faara chikrha nggayirha kun tē dādemnggirha. **3** Taama fal Faara nām, Chin Chinām Yeeso Kərəsti. Ka hadang nām fa kaan ndən nggər nən nggədaŋ kām hai hu shiiten wal yibrha hu thlid Yeeso Kərəsti sē hu mər̄ra, **4** ahu har langaarha dā mbuwa səbrha dā, nduwa təlgha dā, dāfang nanda dā a talara ka kun. **5** Hu fərkəkafekkid nun laf nanda kun tē səsəmnda Faara ta far hərək dādā na tahai na nanda a kyatta a mii ngwala kəshiirha. **6** Aten əndiya heu, təghama wutsəfayirha fa kaan, ko nanən nun a səsəarha tē kəkərya dādamən dādamən hangga yi sayi ngguchit. **7** Katəra nun hai kee ka kəkərangganda fərkəkafekkid nun, kəla na nda kəkərang nda təfasa tē waarha, ko nanən fərkəkafekkid nun kaldā təfasa mu. A ɓal fərkəkafekkid nun tē shembe ahu kəkərya hangga, nən a ɓang faala kun fa ɓa hangga tē mamnggirha a fara na Yeeso Kərəsti a wutta ɓa. **8** Ko nanən 'wawun naghən wa, nuwun a nggəmmnggən, ko nanənya mbun a naghən wa, nuwun a fərkəkafek təghən, nuwun lələgdā tē wutsəfayirha kaan, mbuwa nām mbang thləkkən, **9** Nanən kee nuwun a thlə kəna fərkəkafekkid nun, ndəna kəna hərəkrha yibəd nun. **10** Aten hərəkrə dāni ya ndən kəlang na annabiya ngga thləkka laɓara aten fərrədi na Faara a fərang kun. **11** Kadān nda na a sən tē a kwan na əndi a katərarha hai ya, tē kəkən na nda a ənaghən, a sayiddi na Səsən Kərəsti a ndikrha ahur ndan, kyadang dā ndən kanda kwamandi na Kərəsti a səsəarha tē mamnggididi takkwagha ndən. **12** Pərang ndan kanda tē ndaarha, mba nda a ənang taara fandan sē wa, amma a kunni, thlək nanda laɓara aten ənggini pərang nanda kun nanənya sək nun a mii nafini ɓangga Laɓaara kun ɓa na Mbənggən tē səsəmnda Səsəna tē Pedənda thlən nanda hai a talara. Ko fathləngya Faara ni kukwasang dē kanda fa na a sən ənggina nda ya. **13** Nanən

kee, numama kəsanggun alten nun ngga, naghā shiiten nun aten nggayiddi na nanda a ɓang kun ɓa a sayiddi na Yeeso Kərəsti a ɓarhaɓa. **14** Tsawama kəla wundakhnaya na a əna taara tē 'ya ndang nanda kanda, a kyadun hu sunad tar mbəlfeerha hai kəla sayiddi nanun hu wula wa. **15** Amma yandi aagha kun ɓa nəghən chahal, kun kəmdā tsawama chahal ahu əngya heu nun a ənaarha. **16** Kəsər nəghən chichireethlee hai tē ndaarha, “Tsawama chahal, kəsər nggi niyi chahal.” **17** Tsaunən nuwun a aaghən Pəpa ndəghən na a ngwang kumarha kowunni aten targhən mbə tam wurahasə wa, tsawama tē tərəm Faara ta fardā dā nun a ngwalang tsawud ronggirha nanun sē hu kəshiddiya. **18** Kəsər sēndun sē tē ndaarha mbə tē əngya na səbrha dā kəla təfasa nduwa wurirha thlə nanda kun ɓa hu tsawud mere malang na chichiya nun kun hai, **19** amma tē far Kərəsti, wan kamnda na kula 'ya dimi nduwa ən tsanda a fadghən. **20** Wurgha ndan kapa na nda əna kəshiirha, amma kyadgha ndan a mii ngwala sayiddi ya ka kun. **21** A fadghən ni fər nun kəkafek tē Faara, thlengga sē hu mərə, fərang mamnggirha nda. A fadghən ni kəmdā nanun tē fərkəkafek tē shiteena tē Faara. **22** Nanənya tsawang nun fad nun chahal kun a takkwa fərkəkafekkididi, non a kyad nggəm ndan, nggəmma ndan ngga tē hur nun heu. **23** Kəsər nggər nda nggədaŋ kun hai, mbə tē wiirha na səbrha dā wa, amma tē yandi mbuwa səbrha dā, hu laɓar Faara na tē yibrha fa mbuwa ngwalarha. (aiōn g165) **24** Kəsər nəghən chichireethlee hai “Fiya heu na nda kəla hwaliirha, mamnggid ndan kām na nda kəla fid dāfya, na hwaliirha hwara dā, fid dāfya kām na nda hərə dā, **25** amma laɓar Faara nən a tsaurha pakwandə.” Laɓar dāni na Mbənggən ya pərang nanda kun. (aiōn g165)

2 Tsaunən kee, ndəghama hai tē tar mbəlfeerha tē hukrha, tē nggaɓarha, tē kiki ndan, tē kām səb thləma. **2** Kəla weerinda nggətta wufar waya, nama a suna mbee yi səsəna, kəsər ahurghən ni nun a tsərha tē wal hərəkrha, **3** nanənya taarang nun nggayid Chinəm fa. **4** ɓama thləmadghən ɓa, fər yibrha karna fiya amma wur Faara ndən nəghən ngga a fadghən. **5** Kun kəmdā, nuwun kəla ferya na tē yibrha fa, na nda tən wure sē yi səsəna ka a tsawun firisya na chahal, non a əna sataka yi səsəna, ən thlərha a fad Faara hu Yeeso Kərəsti. **6**

Kəsər nəghən chichireethlee hai hu deleewar Faara tə ndaarha, “Kulo hai pang di feera hai a Urshalima, wupəri Faara, feera na wuwura tsauka fer sar kənna na tə mamnggirha fa, kala niifa fərgha kəkafek təghən mbə shilee a kəsang wa.” 7 A kun fərgha kəkafek, fer diya nəghən ngga. Amma fīngya fərwa kəkafek, “Ferdi karna fa tēngya, ndən tsauka fer sar kənna.” 8 Nəghən chichireethlee hai tə ndaarha, “Ferdiya ndəna kyang fiya hu kii saara hai təkəm ferdiya ndəna fəlang fiya hai.” Kinda saara kəsər kar nda fa a əna taara tə laḅar Faara ənda ni numana Faara ya nən a katararha hai tə kanda. 9 Amma kun nafiya ni wurna Faara, mamngya firisya, turya na chahal, yi Faara. Kəsər ənana Faara kee tənun pər ənwulten nggini ənang nən kun, aah nən kun ḅa hu wula ahu kukwaryid wultenggən də. 10 Kaar mbə nafiya ni kun səngga Faara wa, amma nanənya nafiya Faara ni kun. Kaar hadang ngwa Faara kun fa wa, amma nanənya hadang Faara kun fa. 11 Shayina, niya hwan kun, tsaunən rongya ni kun hu kəshiddiya, ndəghama hai tə ən suna yi dimiyirha na a yanda tə yibun nun. 12 Ngwa tsakkwa ən ənad nun ngga ahur fa takkwa dāha yini, ko na nanda a 'yar kun tə əna 'ya dimi, na nda a naa tar nggayid nun, na nda a fal Faara a sayiddi nən a ḅaarha ḅa ka ḅagha ngwa kumarha. 13 Tsaunən kee, fəraman mamnggirha mamngya ka Chinəm, ko kutəra ni na hu chehweedghən, 14 nduwa a nggomnaya, thləngga fīngya ka a ngwang kumarha nda nafiya ənagha dimi tə kəm fal fīngya nda ənagha ngga. 15 Kəsər na mid Faara sə a əna 'ya nun ngga, tənən nggəlang laḅar nuryid fiya. 16 Tsawama kəla nafiya na tə alten ndan, a əna dūn taara tə wal alten nun non a əna tar mbəlfeerha təghən wa, amma tsawama kəla mafaya Faara. 17 Fəraman mamnggirha kowunni. Nggəməma shayi nun fatakkwaya, tərmana Faara, fərang mamnggirha nun kutəra. 18 Kun mafaya fəraman mamnggirha tuwurrayinun ngga, mbə kəl nafiya na a əna nggayirha tə fīngya na tə hakkilo kee wa, amma kəm tə fīngya na ngyangthlang. 19 Kəsər ən faala ni ana niifa a kərəsta aten 'ya mbuwa ndəghən ni ənagha ndən, kəsər səndasə na Faara sə. 20 Amma a dək nda kun kərsun aten 'ya ənanun dimi, ko kərəs wun kəkən, mbə 'yasə nən chighang kun wa. Amma a əna dūn taara ngga, a səson a tenggən, təkəm kərsun, na Faara a fərang parka kun. 21 Kəsər

aagha nda kun ḅa kamanggən, kəsər səsaagha kərəsti ka kun, kyadəng də kwamana kun na a ənon kəla ndəghən. 22 'Wawa əna dimiyirha wa, tə kəm 'wawa nggəbang niifa fa wa. 23 Hərəm nanda 'yarghən, nggərangwa kanda sə wa, səsang nanda, tsəwa kəla nən a nggəra sə wa. A meyedghən, fər altenggən nən a tə ngwa kumarha na ngga. 24 Ndəghən tafadghən tərangga dimiyid nəm də, q2 aten kadiirha, kəsər q1 a tsawum məməra hu dimiyirha, q2 Tə wal yirbha hu nggayirha, q1 Hu wal wundədgghən fa, q2 ndən wal nun kənda q1 25 Kəsər kaar nuwun kəla chauraya, q2 sahadgha, q1 amma nanənya ḅa dūn thləmad təlafəd nun ḅa, q2 na a kəla yibəd nun ha.

3 Nəghən kee kəm, kun nishya kakhka, fəraman mamnggirha chimayi nun, ko na fīngya chimaya sə fərwagha kəkafek tə laḅar Faara, hu nggayid nishyi ndan na nda fərəkəkafek kula kun kalang kanda sə. 2 A nanda tsawud nun chahal tə fər mamnggirha. 3 A tsau ndədyid nun yi sakhda farha kee wa, kəla nda yamnda tə karid sakhdaarha yi tafasa tə kəm kal kari fa na tə wudəḅəla fa kaan wa. 4 Ameyedghən, ndədyid nun kamdə a tsauka kəla ən ənad nun na ngga na a kyarha ḅa ahur nun sə, ndədyirha mbuwa təla də na ngga tə kəm məsələmənda səsona, na ngga kaan a mbed Faara. 5 Kəsər nishya na chahal kaar ənaarha kee, na nda shang teena Faara fa na nda sakhdaang fad ndan ngga, fərang mamnggirha nda chimayi ndan, 6 kəla Saratu, fərangga mamnggirha Ibrahim, aaghən ndən chinəm. Kun wanggighən ni kun a nadun a əna əngya kamngga, təkəm a nggəmənggun fa tərmanngga 'ya kun wa. 7 Nəghən kee kəm, kun chimaya tsawama məməl tə nishyi nun, non a manang nda kanda, tsaunən mba nda tə shemḅə kəla kun wa, kəsər kun tə nishyi nun heu wal dūn nggayid langaad yirbha a har Faara. Nama ənaarha kee amawa 'ya 'yada sək hwandə nun a Faara. 8 A mii ngwaladghən, kun heu a nagha numad nun tal hu 'ya nun a ənarha, nggəməma ndan, hadaman ndan fa, kula manang alteena. 9 A nggərang dūn ndan sə mbəlfeerha tə mbəlfeerha wa, nduwa 'yaara tə 'yaara wa, kəl a meyedghən nggəranggun ndan sə tə parka, kəsər ndəghən dani aah nanda kun ḅa kamanggən, tənun har langaad parka nun. 10 Kəsər ndagha deleewar Faara, “Niifa na midghən sə a tək mbənda tsawudghənən fa,

na benggighən nən ngga, tətani a kəsanggən sheneukən ma thlək ən mbəlfēerha, tē laḅar nggaḅaarha. **11** Tətani malanggən mbəlfēerha əna nggayirha nan, tətani kada kwaman tsawud dādemnggirha nən, don dē samadghən. **12** Kəsər na yid Faara naarha aten nafiya na a əna nggayirha, thləmayighən a sək hwandə ndan, Amma na Chinəm a əna təsaryirha tē nafiya na a əna tar mbəlfēerha. **13** Wunni ənang 'ya kun fa ana dūn a əna nggayirha?" **14** Amma ko səsaa nun aten 'ya kamngga, nuwun tē parka. "A tərəmdūn tē 'ya na nanda a ənang kun fa wa, a pel dūn hai wa." **15** Amma ahur nun tsawaman Kərəsti a meyed Chinəm. Non kətsar nggungwa fa na a nggəranggun niifa sē na a tsahang mee kun aten shiiten dī nanun tēghən. Amma ənamadghən tē sammayirha tē fər mamnggirha, **16** tē numarha ngga, kəsər fīngya na a thlək palth mere aten tar nun na ngga hu Kərəsti na shilee a kəsang kanda aten səb thləma əna nanda. **17** Nən naarha ngga kaan, a kyadə naarha ənda na mid Faara, a səsam ka əna nggayirha nəm ma əna tar mbəlfēerha. **18** Kəsər səsagha Kərəsti kəm ka dimiyirha katəra tal, tē nggayirha tē fīngya mbuwa əna nggayirha, ka a ḅanggən kun a thləmad Faara ḅa. Bəlang nda hu thlu farha, amma thleng nda sē tē yibrha hu Səsəna. **19** Akwasamaddi thleng nanda sē tē yibrha, dēgha dē dēgha pərang laḅar Faara səsəngya na hu porsəna, **20** fīngya kaar ənawagha taara tē 'ya ndaana Faara munya nən a thləkh mbəd Nuhu a sayiddi nanən a taksa nggirgi. Nafiya ngguchit ni kee kyagha sa hai, kanda wuvada ni hərgghang nanda kanda hu aama. **21** Aam diya sakhrha mbaptisəma ni hərgghangga kun, mbə pang nda paarha ni dē hu farha wa. Amma hu hwan Faara tē hura tsahai, tē thlid Yeeso sē hu mərə, **22** dēgha talara dē, nəghən kəm a yisəmad Faara, tē fathləngya Faara, tē kutərya tē səsəmgnya na a kamughən.

4 Tsaunən kee, hərəmma Kərəsti səsəarha hu thlu farha, kun kəm ngwama fa kəla ndəghən, kəsər kala niifa səsəagha hu thlu farha kardə dimiyirha fa. **2** Nanən kee, mba nda a ngwalang tsawud ndan hu kəshiiirha tē sunad əna tar thlu farha yi mbəlfēerha wa, amma tē 'ya na mid Faara. **3** Kəsər mbəddūn hai kaan kaar hu tsawud nun, wur ənggina nun na fīngya səngwawa Faara a tək mbəndəghən fa, nuwun a

kada tək mbənda fa yi yamid shilee kəla nda, tsawud kulafayirha, suna thlu farha, nggaala tē mbaala, sərəkkirha, əna wutsəfayid sa mbaala kula kəs alteena, tē tərang shilee dāhaya in. **4** Wulang teena kanda a sayiddi na nanda kun mbun a wum teena tē kanda hu tar dī na nda a ənaarha wa, na nda a 'yar kun. **5** Amma tsaudə tēta na a fər kirəssa ən ənad ndan nda a Faara na nggungwa fa na a ngwang kumarha nən nafiya na tē yibrha fa tē mərya. **6** Ndəghən dāni pərang nanda Laḅar Faara na Mbənggən a fīngya na məmərə nanənya, ko nanən ngwang nda kumarha kanda sē hu thlu farha, amma na səsənggindan a tsaurha tē Faara. **7** Mii ngwala əngya heu takhdə a nduwus ḅa. Nanən kee numama ngga tsawun nggungwa fa, tənun mbang hwan Faara. **8** Aten əngya heu, nggəmma ndan tē hura tsahai, kəsər nggəmda ndən ḅangga chakh dimiyirha ḅa. **9** Thlama ndan fa tē wutsəfayirha. **10** Kowunni waldə fərfa Faara dədamən dədamən yi səsəna. Nanən kee, ənama taara tēghən ngga a shayi nun. **11** Fīngya na tē fərfa pər Laḅar Faara, tətani a dēgha mbeedə tē pər Laḅar Faara. Fīngya nana tē fərfa yi əna taara, dənda mbeedə tē əna taara tē shembeddī fərang na Faara kanda. Kəsər hu əngya heu a fal Faara nəm hu Yeeso Kərəsti tsauna mamnggirha tē səsəmda yighən pakwandə. **Atsaukake. (aiōn g165)** **12** Shayina nggəmmi, a wulang teena kun hu kəkərra nun a saarha fa wa, kəla yiwən 'yani na a katərarha hai tē kun wa. **13** Amma ənama wutsəfayirha tē ndaarha nuwun a tək səsəarha fa yi Kərəsti, tənun wal wutsəfayirha kaan a fara kyad nanda mamnggitghən. **14** A 'yar nda kun kəsər ka thləm Kərəsti, fa parkaya ni kun, kəsər Səsən mamnggirha tē yi Faara nəghən aten nun. **15** A səsədu, ma tsaudə aten ḅəl farha, nduwa ngaara, nduwa tar mbəlfēerha, nduwa kiki farha fa wa. **16** A səsədu kəsər ka tsaunən Kərəstaya, a kəs shilee kun wa, amma kəl a fal Faara nun nanun tē thləmdiya. **17** Kəsər ḅa sayi ḅa na nanda a ngwang kumarha nafiya Faara, a katara dā hai tē kəm, mani a katərarha hai tē fīngya mbuwa a əna taara tē 'ya ndaana Faara? **18** Kəsər ndagha deleewar Faara, "A hərək nafiya na a əna nggayirha pərpər, mani a katərarha hai tē fīngya mbuwa a tərəm Faara tē fa dimiya?" **19** Nanən kee, fīngya na a səsəarha kəla tərna mid Faara kamdə a fər alten ndanda a ndəghən

ənagha kanda, tə kəm dānda mbeedə tə əna 'ya na ngga.

5 Nggi na shad nun shingnda, niya fərang kaali shingya na ahur nun. Nggi ni fər shedawa aten səsaddi saana Kərəsti fa, niya naarha ahur nafini a fara na nanda a kyad mamnggitghən. **2** Tsawama falafya chibəd Faara, fərang nanda kun hu haara hai. Naama a kəla kanda ha, mbə tətə wa, amma tə nggəmnnda hur nun, kəla na mid Faara a tsawun. Ma ənadun ndən ka suna wudəbəla wa, amma kəsər na mid nun sə a əna taara nun. **3** A kyad dūn səsəmnnda aten nafini fərang nanda kun hu haara hai wa, amma kyada man kwaman tsaurha kanda hu kwamana na ngga təna nda tsaha kun. **4** A fara kyana mamnda təlafəd dāba, nun a thlə mamnggit matuwel fattə nun mbuwa təla də. **5** Kun wundəlaya kəm, fəraman mamnggirha shinggi nun. Kun heu, ahu tsawud nun tə ndan tsawama məsələmnnda nafiya, kəsər ndagha deleewar Faara, “Na Faara əna təsaryirha tə niifa na a taala, amma nən fərang nggayirha məsələmnnda nafiya.” **6** Tsaunən kee, tsawama məsələmnnda nafiya a kamu har səsəmnnda Faara, tənən manang nda kun ahu məməlla sayi. **7** Fəraman billad nun heu, kəsər ndəghən ni na a kəla kun ha. **8** Kəsaman alten nun, tsawun kəm nggungwa fa. Kəsər təsar nun Sheetan nəghən a wiirha hai kəla ləfari kəsna miirha a kadā niifa na a kəsanggən. **9** Ishama ngga təghən, kəs fərəkəfek nun ha ngga. Dalama teena hai tə ndaarha shayi nun fatakkwaya ko a yanggini hu kəshiirha kanda a sa tur səsadda fa ya. **10** Faara na tə nggayirha ha heu, aagha kun hu mamnggirha ba hu Kərəsti, a kwasamaddi tək nun səsarha ngguchit, ndəghən tafadghən ni a thleng kun sə, dānggən kun sə, fərang kaali nən kun tə shembe. (aiōnios g166) **11** A tsauka səsəmnnda təghən pakwandə. Atsaukake. (aiōn g165) **12** Niya thlənang deleewar di kun də ya a haar Sila ka wanmana hu Chinəm, nana minnasə a fərang kaali ni kun, tə kəm a pərang ndaarha ni kun kulo nggayid Faara ya. Tsawama tə shembe ahurghən. **13** Ndəghən na a Mbabila na wuwura heu tə kun, a ndang'ya kun fa, tə waana Markus kəm. **14** Ndaaman 'ya ndan fa tə fəbrha yi nggəmnnda. A tsauka dədəmnnggid Kərəsti tə kun heu.

2 Mbiturus

1 Kyagha deleewar dāba ya a har Siman Mbiturus, mafarha tē tēthlōnda Yeeso Kārēsti, a fīngya fōrgha kākafek kēla kēm hu nggayid Faar nēm tē tēhārēkrha Yeeso Kārēsti. **2** A fōrangga Faara nggayirha kun tē tsawud dādēmnggirha hangga hu sēnda Faara tē yi Yeeso Chinēm. **3** Hu sāsēmndaghēn, fōrang Faara āngya kēm na minnēm ka a tsawum nafiya na a takkwaghēn tē kākafekkirha. Thlādēm ānggini heu ya kēsār ka sēnnēm ndēn, ndaghēn aagha kēm ahu mamnggitghēn bā tē nggayidghēn. **4** Hu āngginiya ndēn fār nēn dāf miighēn na ngga a kēm, kēsār ahur ndan ni, ndēn nun mbang wumteena tēghēn hu tar Faarghēn, tākēm wal hārēkrha nun ahu tsawud mbālfeerha yi kēshiirha, bāngga sunad āngya bā dādāmēn dādāmēn. **5** Nanēn kee, ndeeman yid nun na a chikka fōrkākafekkid nun tē nggayirha, nggayiddi kēm tē chik sēnda. **6** Aten sēndēnun chighamadghēn tē kēs alteena, a kēsang dūn alten nun kēm kēsūn, a kērēs dūn nama a tērēm Faara, **7** a nadūn a tērēm Faara, nama ndan hai. A nadūn a na ndan hai kēm nggēmama ndan. **8** Anadūn a āna āngginiya, nun naarha hwas-hwas tē chik sēnda chinēm Yeeso Kārēsti. **9** Amma kala Niifa kēdeng ngga āngginiya mbē a namana dē inggun wa. Mbēdang dē tē ndaarha tsābāng nda dimiyidghēn dē yi kaar. **10** Nanēn kee shayina, chighama dārha mbee dē tēnēn kyad ndaarha nafiya ni kun aah na nda tākēm wurna Faara. A nadūn a tsaurha kiya, mbun tam fēla hai wa. **11** Tārgha na Faara a kyadāng kwamana kun ahu kutāryirha dē mbuwa ngwalarha yi chinēm tē tēhārēkrha Yeeso Kārēsti. (aiōnios g166) **12** Nanēn kee, niya naarha dālang ānggini kun teena ya kēsār, ko nanēn sēndūn kanda, tē kēm tsaudūn tē shembe ahu fōrkākafekkid di thlōnūn. **13** Ahu numad na mēmāl ni a nee naarha dālanggēn kun teena a bāl di tē yibrha fa. **14** Kēsār ndeegha Chinēm Yeeso Kārēsti tsēbaku tētani a mal kēshidda ni ya. **15** Nanēn kee, niya āna taara kaan tēnūn naarha dāl ānggini teena ya a akwasamaddi wiini. **16** Mbē asēdaarha tsēna nda tē thladwayirha takkwa nan aten bād Chinēm Yeeso Kārēsti bā wa. Awo, asēdaarha ni yi kākafek, kēsār nadān mamnggitghēn tē yid nan. **17** Naghan sē a mbēdi a sayiddi manang na nda tē mamnggit Faara

na chindi, sāk nan urarha hai ahu mamnggit kutāryid Faara, “Waana niya nggēmni, niyi a tāk mbēndaghēn fa kaan”. **18** Kan tē alten nan sāk dān uraddi a talara hai a sayiddi nanan tēghēn a wumnda tē pēdānda. **19** ānggini heu ya kākafek kyadāng dē 'ya kēm thlākna annabiya kaar atēnggēn. Nanēn kee tama dāf teena nēm ngga ahu 'ya chireelth nanda, kēsār na palth ndan kēla patilla na a djaara hai ahu wula pa dālthgha mbērha hai, a sayiddi kēm na Wufēlngar Tsar a djaara hai ahur nun. **20** Ahu āngya heu, a sēnūnsē tē ndaarha, mbē lafāra sē thlākna annabiya hu deleewar Faara tsauka yi huten ndan wa. **21** Kēsār 'wawa lafāara kyarha bā a mii niifa wa, amma a mii annabiya shik na Sāsēna tē Pēdānda kanda thlāk 'ya ndaana Faara.

2 Amma a faryini annabiya fa nggabāya kyanda ahur nafiya Isrēela bā. Nāghēn kee kēm nanānya na famalōngya fānggabāya a narhasē ahur nun. Tē ndēndāl yid ndan na nda a bārha bā tē tsaharhaha pak bābēe, tsahang nggabārha nda fiya ha na a sēbānggēn kanda dē, kar Chinēm nda fa hōrghangga yibād ndan. Ahu ānaarha kiya nēn a bāng mōrra kanda fa bā. **2** Fiya hangga na nda a takkwa kulafayirha tē sarang nda kwaman kākafek dē. **3** Hu sunad ndan na nda huk kun tē lafāra na mbēnggēn yi nggabāarha. Amma ka kētēm 'wanda teena ngwang nda kumarha kanda sē, kēsār shiwa Faara na a bēlang kanda wa. **4** Kēsār ko fathlōngya Faara ni ānagha dīmi mbē Faara a malang kanda wa. A meyedghēn nēn a kēnang kanda tē wuyiwurra muwang kanda hu hwanga dē, a mbērha dē na kudimnggēn wulghēn kaan, a mbēdāni na nda a kēla far ngwa kumarha fa. (Tartaroō g5020) **5** Malangwa Faara nafiya kētēm wa, amma malang dē Nuhu ndaghēn na pār Lafār nggayirha tē fīngya nafiya mēd, a sayiddi bānēn bā tē aam afa afa hu kēshiirha bā hwanggēn fiya dē mbuwa takkwa Faara. **6** Tsānggēn wupēriya Saduma tē Nggomara fishe, tsauka ānsakhrha bāgha katērarha hai tē fīngya kargha takkwa Faara fa. **7** Hōrghang Faara Lutu niifa na chahal, sēbna hurghēn dē tē tar kulafayid nafiya na a thlēmādghēn. **8** Kēsār ka nggayid niifa, tsauka ahur ndan ka fad dāthla mbērha fa hai. Nagha nggayid haredghēn a sēbrha dē aten yamid takkwa ngyakhrha nēn a naarha tē sēkrha. **9** Nanēn kee Faara sēndē kwamandi na a hōrghang

nggən fīngya na a takkwaghən ma kəkər̄ra, kəs nafina nən ha mbuwa tə nggayirha fa hu tsətsəlla kəl far ngwa kumarha. **10** Mbə kəla fīngya kyagha hu sunad thlu farha hai ma wa, na nda sar kutəyirha. Nafini ya fa nggabaya ni, mbə shilee sə a yid ndan wa. Na nda naarha tərang altendan sə. Mbə 'yasə na nda tərəmnda wa, kəl yakh 'yar əngya na məmanggən a talara. **11** Ko fathləngya Faara ni tafad ndan kanda na kəkanglang tə səsəmnda fa ma famaləngya fanggabaya, 'yar wanda kanda a mbed Chinəm wa. **12** Amma nafini ya na nda thlək laḅara mbuwa ngga aten əngya sənangwa nanda hai. Na nda kəla mabiya na hee mbuwa tə numarha fa, na nda a takkwa suna 'ya na mid ndan kee, nggət nanda kanda kəsər a kəsang ngganda kanda ḅəlang ngganda kee. Na nda a mərə kəla mabiya na a hee. **13** Kəla səsang nanda fiya, na nda a səsang kanda kee kəm. Tərgha nda tək mbənda fa 'yani na ngga a yanfara. A nanda a həbrha tə kun, na nda dərha mbeedə tə tək mbənda fa tə kwaman hukrha, səḅang ngganda kun də kyangganda kun hu shilee hai. **14** Na nda lələgdə tə əna kulafayirha hu yid ndan, mba nda tam malang dimiyirha wa. Na nda a huk fīngya mbuwa tə shembe hu fərkəkafek. Mbang nda kadə əngya tərna mid ndan kaan. Bana Faara ngwang kumarha kanda sə. **15** Malang nda kwaman kəkafek kyath nda hai takkwa kwaman Mbala'am nda wan Mbeyo na midghən sə kəna tar mbəlfeerha. **16** Yanang nda aten əna dimiyidghən, har kwara ma ndən 'wagha nidkrha fa kəla niifa, nana midghən sə a ishənggən annabiya hai ka tar nuryidghən. **17** Nafiniya suhwadya ni mbuwana aama sə, tə kəm wufiyya ni na bereurha pengdə. Taksang Faara mbərha kanda sə na wulghən tikdik. **18** Kəsər na nda taala tə thlək palth nuryirha tə yakh əna kulafayirha, na nda naarha ləm fiya fa hərəkka məngwa ha hu malang nda dimiyid ndan. **19** Dəfang mee kanda hai yi wal alteena, amma kanda tafad ndan mafaya ni, kəsər fiya tafad ndan mafarha ni kanda aten 'ya kalgha kanda mu. **20** A wal fiya hərəkrha hu tar mbəlfed kəshiddiya hu sənda Chinəm tə Təhəkrha Yeeso Kərəsti nggərgha nda tanggəlla sahai, kaldə kanda mu, na nda a səbrha də kaan a mii ngwaladghən ma katəradghən. **21** Nən a tsawang kanda fa ngga a kyawa nda sən kwaman nggayirha wa, ma sənggənda nggərgha nda wutta samarha də kar ənda nda fa malang

nanda kanda hai a tsawa nda chahal. **22** Aten ndan ni ləghədna kəkafekkid karapudī ndagha, “Wud wudə ten fənekrəghən də,” tə kəm, “Fanang nda kələngarra, nggərdə wutta hu yaḅarha də.”

3 Pashiyina nggəmni, deelewar nani ya yi səri chireethleng ni kun də. Kanda kyab niyi a ḅəlang ənggini kun teena 'wa nun sənda, kəsər a fərang kaali ni kun na a numon ngga. **2** Na minnasə a ḅəl laḅar annabiya nun in na chahal kaar tə 'ya ndaana Chinəm tə Təhəkrha thlək nən a mii fathlənggi nun. **3** Kamdə tətə na a 'wa sənda nun sə tə ndaarha, a mii ngwala kəshiirha na fa wa faya a ḅaarha ḅa, na nda a wa kun, na nda a takkwa suna fad ndan. **4** Na nda a ndaarha, “Ai laḅar ḅad ḅəḅa ḅəfnən miighən? Ka mərna chichiyyi nəm də kaar, amma əngya heu ḅalghanda kəla nadghən ka əna nanda kəshiirha.” **5** Amma ənagha ndan thləmən ka a mbəḅangga laḅar Faara kanda ənanən talara, tə kəm hu aama ni sə əna nanda kəshiirha, kəshiirha kəm muwangga aama madufu. **6** Tə aam də ni kəm a fardī hwangna aam afa afa kəshiirha də. **7** Amma tə laḅar də ni kəm, nda talara tə hweede nasə nanənya, na nda a kəla far mərre ndan fa tə waarha. Dəfang nanda kanda də ka far ngwa kumarha na nda a ənan nda fiya mbuwa tərəm Faara, ka a ḅəlangganda kanda də. **8** Amma shayina nggəmni a mbəḅang əndi kun na tal ya wa. A fad Chinəm ḅeena tal nəghən kəla huraya haru kum, huraya haru kum kəm nəghən kəla ḅeena tal. **9** Chinəm mbə naarha samma-samma a nadə a ləḅang nda dəf miighən wa, kəla na fīngya a numarha wa. A meyedghən nəghən a kərəsta tə kun, mbə midghən sə a mərgha niifa ko tətəl ahur nun wa, amma kowunni na a malənggən dimiyirha. **10** Amma a fara na Chinəm a ḅarhaḅa nən a naarha kəla ḅad ngaara ḅa. Na talara a sahatta ləḅangga mbeela fərahk amshi, əngya na ahurghən na nda a njirha də tə waarha mərə nda də, kəshiirha kəm tə əngya na ahurghən heu nən a sahatta. **11** Tsaunən na nda a ḅəlang əngya heu kiya, nun a tsaurha tur yanggi nafiya? Kamdə a tsawun chahal tə tərəm Faara, **12** kəla na ḅad Faara ḅa a kukwasang kun fa, non a tsang fardī ya ḅagha ḅa wet. A fardī ya na nda a njang talara tə waarha, kala əngya heu ənana nda talara tə hweede sə na nda a ngəttə də. **13** Amma ka dəf miighən ənanən nəghəm a

kəla weerinda talara tə hweede fa, a mbəda ni na nggayirha a naarha sə. **14** Nanən kee, shayina, nanən nuwun a kəla farda fa ya, djitima bagha wal kun chahal, kula ən 'yaara a fad nun, tsawun dədem təghən. **15** Dalama teena hai tə ndaarha, 'ya ənagha ndən na Chinəm a kərəsta tənə fiya wal kwaman hərəkrha. Ənda 'wana shad nəm Mbulus chireethleng kun də tə thladwayiddi fərang na Faara. **16** Nən naarha kaala sə aten ənggini 'yahu deeleewarghən heu. Ahu deeleewar yighən na əngya sə na səndəghən pədaghən, ndən na fīngya fiya djidəngwana 'ya kanda tə fīngya kəsang ngwa ten ndan kyakhrang labarda hai ndanən. Na nda ənərha kee tə fīngya labara hu deeleewar Faara. Hu ənərha kiya na nda aang mərri fad ndan fa ba. **17** Tsaunən kee, pashiyina, 'wanun in səndun əngginiya, kwarama amana nafini mbuwa takkwa ngyakhrha thlulang tennun dūn kədeng mbəd ishshi nun. **18** Amma ishama hu nggayirha tə sənda Chinəm təhərəkrha Yeeso Kərəsti. Mamnggirha heu a tsauka yighən nanənəya ta pakwandə. Atsaukake. (aiōn g165)

1 Yahaya

1 Nan a përang labara kun aten yandi na a katëradghën nêghën sê, sêk nê m tê kêm nanê m. Nadê m ndên tê yid nê m tê kêm tsuwar dêm ndên fa tê haryi nê m. Ndêghên dâ ni nan a pë labara atenggên yi wal yibrha. **2** Yandi na fêr yibrha kyadâ bâ, na dêm ndên kan ni shedawa êndi nanan. Nanênya nan përang labar yibrha kun mbuwa ngwalaarha, nêghên tê Chindi ka kêtê m tê kêm bädê thlêmad nê m bâ. (aiônios g166) **3** Nan a përang 'ya kun nanan tê sêk nan, tênê m tsau dâdemnggirha tê kan. Dâdemnggid nê m nêghên tê Faara na Chindi tê wanggên, Yeeso Kêrêsti. **4** Chireethleng nan kun dâ ka a lêghêdgha wutsêfayid nan. **5** Labar dâ ni sêk nan ya a mii Wanggên ndêghên ni nan a përanggên kun. Faara kukwaryirha ni, mbê wula sê a fadghên wa ko ngguchit. **6** A nda dêm nêghê m a tsau dâdemnggirha tê Faara amma nam naarha wiirha hai hu wula, nggâbâ nê m hai mbêghê m a wiirha hu kâkafek wa. **7** Amma a nadân a wiirha hai hu kukwaryirha, kâla nana Faara hu kukwaryirha, nêghê m a tsau dâdemnggirha tê ndan. Têrgha na far Yeeso, wanggên, tsâbang kêm dâ heu hu dimiyid nê m. **8** A ndadê m mbê dimiyirha sê a fad nê m wa, nê m a nggâbang fad nê m fa, mbê kâkafek sê a fad nê m wa. **9** Amma a përang dêm dimiyid nê m Faara, nêghên tê kâkafek fa nân a chahang dimiyid nê m kêm dâ tsâbanggên kêm dâ hu tar mbêlfed nê m. **10** A nda dêm êna wum dimiyirha wa, tsawang dêm Faara tê nggâbaarha ni mbê labarghên sê ahur nê m wa.

2 Wanggina niya chireethleng nda kun dâ amawa nun êna dimiyirha. Amma a êna niifa dimiyirha, na niifa sê na a dâng kêm sê a mbed chin di. Ndêghênni na Yeeso Kêrêsti na chahal. **2** Ndêghên tafadghên ni sataka yi chakh dimiyid nê m, mbê dimiyid nê m katen nê m wa, amma heu tê nafiya kâshiirha. **3** A ênadê m taara tê 'ya ndana Faara, ndên kyadgha ndaarha sêndê m ndên. **4** Kala niifa ndaagha, "Sêndi Faara," amma mbê êna êndi ndaana Faara wa, tê nggâbaarha ni, tê kêm mbê kâkafek sê a fadghên wa. **5** Amma fînga ênagha taara tê 'ya ndaana Faara, kyaddâ ndaarha nggê mndan. Ana dêm a ênaarha kiya ndênê m sên ndaarha kêm yi Faara ni. **6** Kala niifa ndagha yi Faara ni, ngwa nagha tsawudghên kâla yi Yeeso. **7** Kun shayina

mbê niya chireethleng kun dâ ka a fêrang ngyakhrha ni kun pak wa, amma yi 'wa nun sêkrha ka a katëradghên. Êndi 'wa nanda përang kun tê ndaarha nggê mama ndan ndên 'wanun sêkrha. **8** Amma niya chireethleng weerênda pathla kun dâ. Tsauka kâkafek a fadghên tê kun kêm, kêsêr wula a weela dâ kukwaryid kâkafek katêrang dâ njaara hai. **9** Kala niifa ndagha niyi hu kukwaryirha, amma a kar shadghên fa, niifdiya bâlghên hu wula. **10** Amma kala niifa na a nggê m shadghên, nêghên a tsaurha ahu kukwaryirha, tê kêm mbê tsaurha kwaman kisar niifa wa. **11** Niifa na a kar shadghên nêghên hu wula, tê kêm nêghên a wiirha hai hu wula, sêngwa mbêdi nân a dêrha saadê wa kêsêr wula kwamang dâ. **12** Kunna wangya Faara niya chireethleng kun dâ kêsêr chahang nda dimiyid nun kun dâ hu thlê m Yeeso. **13** Kun chîngya, niya chireethleng kun dâ kêsêr sêndun niifdi ka a katëradghên. Kun wundêlaya tê wutaraya, niya chireethleng kun dâ kêsêr kaldun tê mbêlfeddi mu. Kun wundakhnaya, niya chireethleng kun dâ kêsêr sêndun Chindi. **14** Chireethleng ni kun dâ wundakhnaya kêsêr sêndun Chindi. Chireethleng ni kun dâ kun Chîngya kêsêr sêndun Kêrêsti, nasê ka a katëradghên. Chireethleng ni kun dâ kun wundêlaya tê wutaraya kêsêr nuwun kanglang, tsau labar Faara ahur nun, tê kêm kaldun tê mbêlfedda mu. **15** A nggê mdun kâshiddiya tê ênggini a mbê nggê mnda chin dâ sê ahurghên wa. **16** Kêsêr ên kâshiirha heu, ên sunad thlu farha ni kee, tê kêm sunad kâlaarha tê yirha, tê taala aten 'ya nanê m têghên ha. Êngginiya bawa nda bâ a thlêmad Chindi wa amma ahu kâshiirha bâ. **17** Kâshiirha tê êngya na yi suna heu nân mbêra dâ, amma kala niifa na a êna 'ya na a mbê nang nda Faara, nân wal yibrha mbuwa ngwalaarha. (aiôn g165) **18** Kun wanggina êngginiya nân a kyad ndaarha nduwus mii ngwala kâshiirha bâ. Kêla 'wanun sêkrha tê ndaarha, tê kar Yeeso nêghên bayi, ko nanênya nafiya na kar Kêrêsti fa 'wanda teena sêl nda bâ. Hu 'ya kiya ndên sên nê m sê nduwus mii ngwala kâshiirha bâ. **19** Nafini na a kar Kêrêsti fa tamngganda ahur nê m, amma mal nda kêm, ka a katëradghên kanda mbê yinê m ni wa. Ana yinê m ni kanda, kam bâlgha nda tê kêm. Amma mal nda kêm, ndên kyadgha ndên a pëpal tê ndaarha mba nda tê kêm wa. **20** Amma

kun mbun kēla kanda wa, kēsər Təpədəndədi fərang də Səsənggən kun, kēsər kun heu səndun kəkafek. **21** Nanən kee Chireethleng ni kun də mbə ka səngwa nun kəkafek wa, amma kēsər səndun ndən. Səndunsə mbə nggabarha kyarha ba hu kəkafek wa. **22** Wunni tə nggabaddi? Kala niifa ndaarha Yeeso mbə Kərəsti ni wa. Kala niifa ngalgha Chindi tə Wandī ndəghən ni kargha Kərəsti fa. **23** Kala niifa ngalgha wandi mbə tə Chindi wa. Amma kala niifa thləgha Wanda fa, thlənən Chindi kəm. **24** Daama mbeedə tə takkwa əndi 'wa nanda tsahang kun ha ka a katəradghən. Andam tsau tsahad di 'wa nanda tsahang kun ha ka a katəradghən ahur nun, kun kəm nun a tsaurha ahur Wandī tə hu Chin di kəm. **25** A hu tsaurha kiya nəm wal yibrha mbuwa ngwalarha dəfnən miighən a kəm. (aiōnios g166) **26** Chireethleng ni ənggini kun də ya kēsər ka fīngya na mindan sə a kyathlang ngganda kun hai. **27** Amma Kərəsti fərang də Səsəna kun Təpədənda na ahur nun, mbə se nggər na niifa pak tsahang kun ha aten kəkafek wa. Kēsər Səsən di tsahang də əngya kun ha hangga kamngga a sənun, əngya tsahang nən kun ha kəm yi kəkafek ni, mbə nggabarha sə wa. Tsəunən kee, kēla tsahang nən kun ha daama mbeedə tə tsaurha dādəm tə Kərəsti. **28** Nanənya kun wanggina, tsawama dādəm tə Kərəsti kēsər a fara nən a wutta ba kal farha nun hai tənəm tsaurha kula hərəenga tə shilee a mbedghən. **29** Sən nun sə tə ndaarha Kərəsti nəghən tə nggayirha fa, nun a səndəsə tə ndaarha kala niifa na a əna 'ya kamngga wan Faara ni.

3 Kəlaaman tur mamnggid nggəməndədi nggəmna Chin di kəm, pa na nda aah kəm wangya Faara, kəkafek ni nəghəm kee. Ndəghən dani səngwaana nafiya kəshiirha kəm kēsər səngwa ndan wa **2** Kun nggəməni, nanənya wangya Faara ni kəm. Saghang ngwanda tur tsawud nəm kəm a mbee 'wan wa. Amma səndəm sə a wud Kərəsti ba nəm a tsaurha kēla ndəghən, kēsər nəm a nəghən kēla nanən. **3** Kala niifa na a shiteena tə Kərəsti nən tsawang altənggən chahal, kēla nanən chahal. **4** Kala niifa na a əna dimiyirha, tədang nən ngyakhrha Faara teena. Dimiyirha ndana yamid takkwa ngyakhrha. **5** Səndunsə tə ndaarha bəna Yeeso ba ka a təranggən dimiyid nəm də, tə kəm mbə dimiyirha sə a fadghən wa. **6** Tsəunən kee kala

niifa na a tsaurha ahur Kərəsti mbə nggər dərha mbeedə tə əna dimiyirha wa. Kala niifa dəgha mbeedə tə əna dimiyirha, 'wawa tam na Yeeso wa, tə kəm 'wawa sənggən wa. **7** Kun wanggina na nggu-ngguchit, a kyathlang niifa kun ha wa. Kala niifa na a əna 'ya kamngga a mbed Faara nəghən tə kəkafek fa tə nggayirha kēla nana Kərəsti tə nggayirha fa. **8** Ka a katəradghən Sheetan tə dimiyirha ni. Tsəunən kee kala niifa na a dərha mbeedə tə əna dimiyirha yi Sheetan ni. 'Ya ənagha ndən ba na Wan Faara hu kəshiirha ba ka səbānggən tar Sheetan də. **9** Kala niifa na ahur wangya Faara mbə dərha mbeedə tə əna dimiyirha wa, kēsər ka yibrha mbuwa ngwalarha na a thləmad Faara nəghən ahurghən. Mbə nggər dərha mbeedə tə əna tar dimiyirha wa, kēsər tsaudə wan Faara. **10** Kəlo kwamandi nəm sənang wangya Faara hai ya, tə kəm wangya Sheetan. Kala niifa mbuwa əna 'ya kamngga mbə wan Faara ni wa, tə kəm yandi mbuwa nggəm shadghən mbə wan Faara ni wa. **11** Labar də ni sək nun ya ka a katəradghən, tə ndaarha nggəməna ndan. **12** A tsəudun kēla Kayinu tsauka yi Sheetan bəlang nən wanman wa. Kama nda bəlang nən wanman? Bəlang nən kēsər ka ən ənadghən yi mbəlfērha ni, amma wanman nəghən tə nggayirha fa. **13** Shayina a kəs ənwulteena kun ana nafiya kəshiirha a kar kun wa. **14** Səndənsə 'wa dan teena mbərang dan mərri hai ahu yibrha də, kēsər nan a nggəm shayinan, amma kala niifa mbuwa a nggəm shayighən bəlgən ahu tsawud mərri. **15** Kala niifa na a kar shadghən, tə bəl farha ni. Səndunsə tə ndaarha mbə tə bəl farha sə na wal yibrha pakwandə wa. (aiōnios g166) **16** Kəlo kwaman nggəmənda sən nan ya, fər Yeeso yibədgən ka kəm. Kamdə kəm ma a fər yinəm yibrha nəm ka shayinəm. **17** Ana niifa tə 'ya ha heu na midghən, na shadghən nən mbuwa na 'yasə a harghən kar thlarrəghən fa, kəkən na nggəmənda Faara naarha sə ahurghən? **18** Kun wanggina nggəməni a nggəməndun ndan hu mee kee wa, amma kyadama nggəməndə nun ahu taara tə kəkafek kəm. **19** A nadəm a nggəm ndan nən kyad ndarha na kəkafek sə ahur nəm, nəm kal farha hai isha a mbed Faara. **20** Amma a təkdam fannəm fa mbəm kal farha hai a mbed Faara wa, Faara kaldə sənda 'ya nəm a təkrrha fa, kēsər səndə hur nəm heu. **21** Kun shayina nggəm ni, a sən dəm sə chang ngwa hur nəm kəm hai wa, nəm kal farha hai a mbed Faara. **22**

A hwan dām 'ya na minnām heu nām walghən a harghən, kəsər ənādəm taara tē 'ya ndang nən kəm, tē kəm a əna əngya kəm na midghən. 23 Ngyahaddi ndəna: a fərəkəkafek nām a thlēm Wanggən Yeeso Kərəsti, kəm kəmda a nggəm ndan nām kəla ndang na Kərəsti kəm. 24 Kala niifa na a əna taara tē 'ya ndana Faara nən tsau dādemnggirha təghən, ndəghən kəm tē kanda. Kwamandi nām sēda sē nəghən ahur nām ahu Səsəna fərang nən kəm.

4 Shayina mbə kala Səsəna nun fərəkəkafek təghən wa, amma kəkəraman kanda 'wan tənun sən yanggi Səsəna bagha bə a thləmad Faara. Kəsər na annabiya fa nggabaya wel nda hu kəshiirha hai. 2 Kəlo kwamandi nun a sənang hai tē ndarha Səsən Faara sē ahur ndan. Kala niifa thləkka ndaarha bagha Yeeso hu kəshiirha bə ahu thlu farha, tē kəm baghən bə a thləmad Faara, niifdiya nəghən tē səsən Faara fa. 3 Amma kala niifa thləkwa wa kee a ten Yeeso, səsən di nanən təghən mbə yi Faara ni wa. Səsən di yi kar Yeeso Kərəsti ni, sək nun tē ndaarha nəghən bayi, nanənya ma 'wadə teena badə hu kəshiirha bə. 4 Amma kun yi Faara ni, 'wadun teena kaldun annabiya fa nggabaya mu. Kəsər səsən Faara na ahur nun kaldə səsən di na ahur nafiyni na hu kəshiirha. 5 Nanən nafiyni ya yi kəshiirha ni, kala 'ya na nda a thləkrha yi kəshiirha ni, na kəshiirha kəm a kang thləmarha kanda. 6 Amma kəm yi Faara ni, kala nafiya səngga Faara nən kang thləmaarha kəm fa. Niifa səngwawa Faara mba kang thləmaarha kəm fa wa. Kwaman dani ya nəm sən niifa na tē Səsən kəkafek tē niifa na tē Səsən nggabaaarha. 7 Shayina, tama nggəm ndan nəm kəsər bagha nggəmnda bə a thləmad Faara. Kala niifa na nggəm farha fa wan Faara ni tē kəm sēndə Faara. 8 Kala niifa mbuwa nggəm farha fa, kyawa sən Faara wa, kəsər Faara nggəmnda ni. 9 Kwamana kyad na Faara nggəm ndəghən a kəm, thlənang nən Wanggən bə katənggən ahu kəshiirha bə ka a wal yibrha nəm. 10 Kəlo nggəmnda yi kəkafek ya. Mbə kəm ni nggəmngga Faara wa, ndəghən ni nggəmngga kəm, har thlən nən Wanggən bə ka tsauka sataka yi chakh dīmiyid nəm dē. 11 Shayina nggəmni, tsaunən nggəm Faara kəm kiya, kamdə a nggəm ndan nəm kee. 12 Mbə niifa sē 'wagha tam na Faara wa, amma a nadəm a nggəm ndan, na Faara ahur nəm, na nggəm ndəghən lələgdə ahur nəm. 13 Tsaunən kee,

səndəmsə nəghəm ahurghən ndəghənggi kəm ahur nəm, kəsər fərang dē Səsənggən kəm. 14 Kəm nadəm ndən tē yid nəm sheeda dām ndən tē ndaarha, Chindi thlənang dē Wanggən bə ka a tsauka təhərəkra kəshiirha. 15 Kala niifa pərga ndən tē mighən Yeeso Wan Faara ni, nəghən ahur Faara, Faara kəm ahurghən. 16 Səndəm sē nggəm Faara kəm, fər dām kəkafek hu nggəmdəghən. Faara nggəmnda ni, kala niifa na a kyad nggəmnda, nəghən ahur Faara, Faara kəm ahurghən. 17 Kəla nanəm ahur Faara, na nggəm ndənəm chikrha naghə chahal. Nanən kee mbəm tərəm nda a far ngwa kumarha wa, nəm a dərha thləmadghən dē fannəm tsahai, kəsər tsau kəm kəla Yeeso ahu kəshiddiya. 18 Mbərha na nggəmnda Faara sē, mbə tərəmnda naarha sē wa, kəsər nggəmnda na chahal nən rək tərəmnda. Kəsər tsətsəlla ndəna tərəng niifa. Ənda kyadgha ndaarha ya kala niifa na a tərəmnda mbə nggəmnda sē kaan ahurghən wa. 19 Nəghəm a nggəmnda kəsər ndəghən kətarəngga nggəm kəm hai. 20 Amma a nda niifa, “Nggəmdi Faara,” naghə a kar shadghən fa, niifdiya tē nggabaaarha ni. Kala niifa mbuwa nggəm shadghən nən a naarha tē yirha, mbə mbang nggəm Faara mbuwa nən a naarha? 21 Fərang Kərəsti ngyakhrha kəm tē ndaarha, kala niifa na a nggəm Faara, tsaudə tətə a nggəm shadghən nən kəm.

5 Kala niifa fərga kəkafek tē ndaarha Yeeso Kərəsti ni, tsau niifdiya wan Faara. Kala niifa nggəmngga Chindi nggəm dē wanggighən kəm. 2 Kwamandi nəm a sēndəsə nəghəm a nggəm wangya Faara ndəna a nadəm a nggəm Faara, kəm a əna taara tē 'ya ndang nən kəm a ənam. 3 Kəsər nggəm ndənəm a Faara, ndəna a takkwa 'ya nəm ndang nən kəm, Ngyahaddi mbə i'yang wa 4 Kəsər kala wan Faara na səsəmnda sē a fadghən na a kal kəshiirha nən mu. Fərəkəkəkkid nəm a Yeeso Kərəsti ndən fərangga kwamana kəm na a kal kəshiirha nəm mu. 5 Wunni mbang kal kəshiirha mu? Kəl niifdi fərga kəkafek tē ndaarha Yeeso Wan Faara ni. 6 Niifda ni ya bagha bə tē aama ha tē fara, ndəna Yeeso Kərəsti. Bawa bə tē aama ha kee wa, amma heu tē aama tē fara. Səsəna yi kəkafek ndən pərangga ndən kəm, kəsər Səsəndi kəkafekni. 7 Kəsər na shedawaya sē mahan kyadangga ndaarha kəm Yeeso Wan Faara ni. 8 Səsəna, aama tē faara, kanda mahan

diya na nda thlök 'ya tal. **9** Ana dë fër dëm kəkafek tē 'ya ndang na fiya kəm, yi Faara thlök nən kaldē yi fiya. Faara ənadē shedawa aten Wanggən. **10** Kala niifa fərgha kəkafek a Wan Faara, na shedawadda sē ya ahurghən. Amma kala niifa fərwa wa kəkafek tē Faara, tsawang dē Faara tē nggabaarha, tsaunən kardē fərəkəkafek tē 'ya ndaana Faara aten Wanggən. **11** Shedawa dani ya tē ndaarha fərang Faara yibrha kəm mbuwa ngwalarha, na yibəd diya ahur Wanggən. (aiōnios g166) **12** Kala niifa natē Wandī, nən tē yibrha. Amma kala niifa mbuwa tē Wan Faara mbə yibrha sē a fadghən wa. **13** Kun fa fərəkəkafekkya tē Wan Faara, chireethleng ni ənggini kun hai ya tənun səndasə nuwun tē yibrha yi pakwandə. (aiōnios g166) **14** Nəm kal farha hai a mbed Faara, kəsər səndəmsə nən sək kəm kətsar a hwan dēm tur 'ya na midghən. **15** A səndəmsə nən sək kəm kala fara hwanang nəm 'ya, səndəmsə nəm a wal əndī hwanang nəm. **16** A na niifa shadghən a əna dimiyirha səlwaə yi mərə, ngwa hwanangga niifdi Faara in. Na Faara a fərang yibrha tē dimiyidfi. Na dimiyirha sē səlgha yi mərə, ndawi a hwanang Faara nun teena wa. **17** Əna 'ya heu mbuwa ngga dimiyirha ni, amma na dimirha sē tsəkkwa wa yi mərə. **18** Səndənsə tē ndaarha wangya Faara heu, mba nda dərha mbeedə tē əna dimiyirha wa, kəsər Wan Faara nən laf kanda, amana Sheetan tsuwar kanda fa. **19** Səndəm sē wangya Faara ni kəm, ko nanən kəshiirha heu nəghən a haar Sheetan. **20** Səndəm sē Wan Faara bədə hu kəshiirha fa, kyadəng dē sənda Faara kəm kəsər a sənggənəm ndəghən ni tē kəkafek fa. Kəm nəghəm ahurghən ndəghən tsauka tē kəkafek fa, ahu Wanggən na Yeeso Kərəsti. Ndəghən ni Faara na tē kəkafek fa tē fər yibrha mbuwa ngwalarha. (aiōnios g166) **21** Kun wanggina, lafama alten nun amanun takkwa dahaya.

2 Yahaya

1 Kyagha deleewar dā ɓa ya a har mamnda kən hwan Faara, a nuneefa tē wanggighən nggəmni kaan, mbə nggi katenna wa, amma heu tē fīngya səngga fərkəkafek, **2** kəsər fərkəkafekkiddi na ahur nəm nən a tsaurha təkəm pakwandə. (aiḏn g165) **3** Ngwa tsauka nggayirha tē hadang nda ndan fa tē tsawud dādemnggirha ɓagha ɓa a thləmad Faara na Chindi tē Yeeso Kərəsti Wan Chindi a tsauka tē kəm hu kəkafek tē nggəmnda. **4** Ənadi wutsəfayirha kaan nani fīngya wangginun kanda a takkwa kəkafekkiddi, kəla ndangna Chindi kəm. **5** Nanənya shayina, niya chireethleng kun dā ka a dalang nggəni kun teena a nggəm ndan nun. Mbə 'yasə pak niya pərang kun wa, amma yandi nanəm təghən ha ka kətəm. **6** Nggəmnda ndaarha ni a əna ənda nəm ndang na Faara kəm, ndanggən kəm a nggəm ndan nəm kəla sək nəm ka a katəradghən. **7** Pərang ni ndən kun kee kəsər wel fa nggabaya hu kəshiirha dā. Nggəm ngwa nda fa tē ndaarha ɓa Yeeso Kərəsti ɓa ahu thlu farha wa. Tur nafiniya na nda tukhɓang hutən fīngya, tē kəm kanda ni na kalang nda fatsangya Kərəsti. **8** Tsaunən kee, kwarama nun dā kədeng kəna tar nəm, tənəm wal kəna tar nəm ngga. **9** Kala niifa ishwa wa ahu tsahad Kərəsti mbə tē Faara wa. Amma kala niifa ishgha aten tsahad Kərəsti, nəghən tē Chindi tē Wandī kəm. **10** A ɓad niifa thləmad nun ɓa a nadə a tsaharhaha pak ma kəkafekkid Kərəsti, a thlədun ndən fa hu wura yinun wa, nduwa a ndang'ya nun wa. **11** Kala niifa ndangga 'ya tur niifdi ya, wum nən teena təghən hu tar dimiyidghən. **12** Na əngya sə hangga na minna a pərang nggi kun, amma mbə minna sə a chireethleng nggi hai ahu deleewar di ya wa, a meyedghən, niyi a shiteena a weng tala ni kun tsə laɓaara nəm yirha tē yirha, təna wutsəfayid nəm ləghəttə. **13** Wangya wanmuwa wurna Faara kanda a ndo'ya fa.

3 Yahaya

1 Kyagha deleewar dāba ya a har mamnda kən hwan Faara a pashidna Nggayus nggəmni tē kəkafekkirha. **2** Pashidna, niyi a ndaarha na kanglang hai hu thlu farha kəla nani sa kanglang hai kəmda hu səsəna. **3** Təkdi mbənda fa kaan sək ni ndaarha a mii shayinəm tē ndaarha sa kəsna fərəkəkafekkid wa ha ngga. **4** Mbə 'yasə mbənegha kaan ma wa sək ni ndaarha na wanggina a takkwa kəkafek. **5** Pashidna, na tē kəkafek fa aten əngya na a ənaarha aten shayinəm, ko nanən rongya ni kanda a fadwa. **6** Pər ndan hu kən hwan Faara aten nggəm nduwa. Niya hwan sa dū mbeedə tē dāng nda fa maləmnəgya sə ahu kwamana na a mbənanggən Faara. **7** Kyagha nafina ba ya ka a pər laḅar Kərəsti nda, kula thlə 'ya a haar nafiya fərwa wa kəkafek. **8** Tsaunən kee, məməl dē na a dānggəm nafina sə ya, tənəm tsaurha pashiya taara hu kəkafek. **9** Chireethleng dī fatakkwaya dē na a kyawa, amma Ndiyotarifis, na midghən sə a tsauka mamndə ndan, kar dē thlə laḅar nəm fa. **10** A ḅadīḅa, ḅani pər fingya əngya nən ənaarha, tē laḅar nggaḅarha nən narha thləkrha aten nan. Ndəghən tafadghən kardə thlə fa fərəkəkafekkyā fa. Ndanggən fingya kəmda a thlənda kanda fa wa. A dāng fingya kanda sə, nən rək kanda ma kən hwan Faara. **11** Pashidna, a tsahad na 'ya mbuwa ngga wa, amma tsahu 'ya na ngga. Kala niifa na a əna 'ya ngga yi Faara ni, niifa kəm mbuwa a əna 'ya na ngga səngwa Faara wa. **12** Kowunni kəl tsə laḅara aten Ndimitiriyus, tē laḅar kəkafekkidghən tafadghən. Kəm ma tsədəm laḅara na ngga atənggən, sənnasə tē ndaarha 'ya thlək nəm kəkafek ni. **13** Na əngya sə hangga na minna a pəro kəni, amma mbə minnasə a chireethleng nggi hai hu deleewar wa. **14** Tsəḅaku na minna sə a na sa ni, ndən nəm a tsə laḅaara nda yirha tē yirha. A tsauka dədēmnggirha tē sa. Pashiyi wa heu na a mbədīya kanda a ndo'ya fa. Ndang'ya pashiyi nəm fa na a mbədī tətəl-tətəl.

Yahuda

1 Kyagha deleewar da 6a ya a har Yahuda mafad Yeeso Kæræsti wanman Yakubu. Niya chireethlenggæn nafiya dæ aah na Faara kanda na Chindi, tsauka hu nggæm ndæghæn, na Yeeso Kæræsti a laf kanda. **2** Ngwa a hadowa Faara fa, tæ dædemnggirha tæ nggæmnda a tsauka tæ kun. **3** Shayina, kukwashe da fa na a chireethleng nggi kun dæ aten hæærkha wal næm. Amma tsawee da fa tæta na a chireethleng nggi kun dæ a færang kaali ni kun a ishun ngga hu færkækafek færang na Faara fa takkwayighæn na chahal katæra tal kee. **4** Kæsær na fingya sæ ngærgha hur nun 6a, kanda kætæm 'wanda teena thlæk ndan na nda ngwang kumarha kanda sæ. Mba nda a takkwa Faara wa. Tærgha nda nggayid Faara kæla kwaman kulafayirha ni. Ngaal nda Yeeso Kæræsti tsauka kutær næm tæ Chinæm. **5** Ko nanæn sændun ængginiya heu, niya dælång nggæn kun in, kwamandi hærgang na Chinæm nafiya Isæreela a chehweed Masar, amma a kwasamadghæn bælånggæn fingyayina dæ kæswa wa færkækafekkid ndan ha. **6** Niya dælång nggæn kun in kæm aten fathlångya Faara ænawa tar ndan tæ ngyakhrha færang na Faara kanda, amma malång ngganda mbæd ndan kamngga. Na Faara a kæs kanda ha hu porsæna, kæånggæn kanda tæ wuyiwurra ahu wula kæla fardæ nda fa na 6ayi 6ana nda ngwang kumarha kanda sæ. (aïðios g126) **7** Ðalama teena hai tæ talya Saduma tæ Nggomora heu tæ tula yindan, na nanda a æna kulafayirha. Tal yini ya njang nda kanda dæ tæ waarha tsau nda æn sakhrha aten ngwa kumad Faara hu waarha yi pakwandæ. (aïðnios g166) **8** Næghæn kee kæm tæ nafiniya numan ndan yi ðimiyirha ni sæbang nda fad ndan dæ, kar nda ngyakhrha Faara fa, na nda ndiyang fathlångya Faara fa sæghæn. **9** Amma ko Mikailu ni, mamnda fathlångya Faara ænawa tur ændi ya wa. A sayiddi næn a yanda tæ sheetan, kanda a ngaala aten mærra Musa, ndæghæn nggi na Mikailu mbangwa æna kanglanggirha na nggæranggæn sæ tæ ndikrha sæghæn wa. Ndæghæn kee, “Bal Chinæm nggo kumarha sæ.” **10** Amma nafiniya ndik nda sæghæn aten ængya heu sænang ngwana nda hai. Kæm ænggini sæn nanda ahu thlu farha, na nda kæla mæbiya na tæmbæng. Tur ænggina ni ya na kæsang 6æla kanda fa. **11** Kawa a kanda! Takkwad nda tar mbælfed Kayinu, bælångga

wanman. Kæla Mbalaam kæm, huk nanda tæ wudæ6æla sahad nda kæla Mbalaam. Kæla ænana Kora, mæær nda dæ kæsær ka kakyathlaanga ænana nda. **12** Tsawud nafiniya ahur nun æn tæræmnda ni, kæsær na nda hæb ænnarhami kula tæræmnda tæ shilee. Na nda kæla falafya na hæbang alten ndan kee. Na nda kæla kad 'yaara na bæreurha puwang dæ, kula 'yaara. Na nda kæla dæfyæ na kula waya a wufara, nduwa kæla dæfyæ kædang na nda kanda sæ mæra nda dæ heu. **13** Na nda kæla kudæfælla aama, nanda a taala tæ æn shiliya na hufrha hai hu mii ndan kee. Na nda kæla wufælngaarya na yakh wiirha hai kælaara, dæfang Faara wula kanda dæ yi pakwandæ. (aïðn g165) **14** Enok chichiya mæd ni tsauka hu kæshiirha a kwasamad Adamu, thlæk dæ la6aara aten tur nafiniya tæ ndaarha, “Kælama dæ Chinæm 6ayi tæ fathlånggighæn na chahal hangga, **15** kæsær næn ngwang kumarha kowunni sæ. Næn kyadang tar mbælfedghæn kowunni hu 'ya ænana nda mbuwa ngga, tæ la6arya na sæghæn thlækna fadimiya atenggæn.” **16** Tur nafiniya fa huhurumngya ni, na nda æna tar ðimiyirha tærna hur ndan. Na nda taala tæ fad ndan. Na nda ngga6a fiya tæ mbænda mee ka a wal 'ya nda na mid ndan. **17** Amma kun shayina, dælama teena hai tæ 'ya thlækna fathlångya Chinæm Yeeso Kæræsti 'wa nanda thlækrha. **18** Ndang ngganda kun, “A mii ngwala kæshiirha na fa wa faya a naarha sæ, na nda takkwa 'ya na mid ndan mbæ yi Faara wa. **19** Nafina ni ya 6angga tsakhrha 6a a pathlang nun, fa takkwa sunad farha. Mbæ Sæsæn Faara sæ ahur ndan wa.” **20** Amma kun shayina, tænaman fad nun aten færkækafekkid nun, tæ kæm hwana man Faara tæ sæsæmnda Sæsæna Tæ Pædænda. **21** Tsawama tæ nggæmnda Faara ahur nun, non a kæla fardæ fa na Chinæm Yeeso Kæræsti a hadang kun fa færang yibrha næn kun mbuwa ngwalaarha. (aïðnios g166) **22** A hadangga fingya kun fa 6ælgha a ngaala. **23** Hærga man fingya kæla nuwun a kædang kanda sæ ahu waarha. Fingya kæm a hadang ngganda kun fa ka nananda a tæræmnda ka ðimiyid ndan, amma tsanama karid ndan sæbgha dæ ka ðimiyid ndan. **24** Falama Faara ndæghæn na a laf kun amawa nun fæla hai, tæ wutsæfayirha næn a kyang kun ahu mamnggidghæn dæ kula 'ya ðimi. **25** Faala ma Faara ndæghæn katenggæn na tæhækrænæm, hu Yeeso Kæræsti Chinæm. Ngwa tsauka mamnggirha, tæ kutær yirha tæ sæsæmnda

ngyakhrrha tsauka yighən ka a katəradghən tə
nanənya tə pakwandə. Atsaukake. (aiōn g165)

Səsən kukwaryirha

1 Əndani kyadangna Faara Yeeso Kərəsti ya, tsauka tətə a pərang nggənən mafayighən ənggini bağha kətərarha hai a mbee. Tərgha Kərəsti thlən tətəhləndəghən nən a thləmad mafad ghən də Yahaya, **2** ndəghən fərgha shedawa aten əngya heu nanən, ndəna laḅar Faara tə fər shedawa aten Yeeso Kərəsti. **3** Tə parka ni niifa karatəngga laḅardi thləkna nda ya, tə fīngya səkka laḅardi, na nda kəm a laf əndi chireethleng nanda hai hu deleewar di pər nanda, kəsər a sayiddi na ənggini a kətərarha hai ya nduwusda ḅa. **4** Nggi, na Yahaya niya chireethleng nafiya Faara də a mbəya də məd na hu kəngya hwan Faara na a chehweed Asiya. Nggayirha tə tsawud dədəmnggirha tsaukwa tə kun, a fad Faara ḅa yandi nasə nanənya, ndəghənni yi kaar, ndəghənni təkəm yandi na ḅayi, tə kəm a thləmad Səsən nggini məd na a mbed tsənggam kutəryid Faara, **5** tə kəm Yeeso Kərəsti, na ka shedawa, wan 'wad thliirha sə hu mərə, na a aten kutərya kəshiirha. Ndəghən ni nggəmnngga kəm hərgəhangga kəm hu dimiyid nəm hu irang nda fərghən də. **6** Ndəghən tsawangga kəm əna kutəryirha nəm tə kutəryid firistaya fa əna tar Faara na chin. Nanən kee, ngwa thləgha Yeeso Kərəsti mamnggirha tə kutəryirha tə səsəmnnda pakwandə. **Atsaukake.** (aiōn g165) **7** Kəlama hai, naghən ḅayi hu hashmbe, kowunni nən a naghən, har tə nafini kuthlangga tə peela, tur kəshiirha heu kəm na nda a tərha kamənggən. Kəkafek əndiya naghən kee. **Atsaukake.** **8** “Nggini Alfa tə Omegga,” ndaana Chinəm Faara. Ndəghənni nanənya, ndəghənni kaar, tə kəm ndəghənni na ḅayi, ndəghənni natə Səsəmnnda ha heu. **9** Nggi, Yahaya, na wanmanu tə shad nun hu səsaarha, tə kərəsta, tə kutəryirha, tə ndiyirha tsauka yinəm hu Yeeso. Təregħa nda tə shembe hu wutambar Mbadmos də kəsər ka pər ni laḅar Faara tə fər shedawa aten Yeeso. **10** A far Chinəm, a sayiddi tərna Səsən Faara tenna hai, sək urarha ni manggən na riirha a samanna kəla yi ḅoogħa. **11** Ndagħa uraddi, “Chireethleng ənda hai naa na hu deleewar, thlənang deleewar da na kəngya hwan Faara də a mbəya dədəmən məd, ndəna nda, Afisa, tə Simirna, tə Mbīrgamum, tə Tiyatəra, tə Sardisu, tə Filadelfiya, tə Lawudikiya.” **12** Kyakhri hai ka a na niifda ni na a kalesə. Kyahar

ni hai na səsal təfasya ni məd yi dəf patilla. **13** A madufud səsal dəf patilla yini na niifa ni kəla Wan Niifa kəldə lukrha fa nzang, kəfadghən kəm kənang də tə kabten təfasa. **14** Tənggən tə wasghən nəghən pəpet kəla kəḅad pəpetta, pəpet kəla humba kəḅaarha, wan yiyighən kəla sheneu waarha. **15** Saryighən kanda a chimnda fa kəla wurirha fəhwang nanda də, əna nanda a kən kwafaarha, uradghən a riirha, kəla hwad aama. **16** A yisəmadghən kəsda wufəlngarya ha məd, ahu miighən kəm thlaukh kəlyarha a kyarha ḅa na tə miighən səri chimnggən. Yidghən a chimnda fa kəla yanfara a sərəkħa. **17** Nani ndən, fəli hai a mbedghən kəla mərri. Amma dəfee hargħənən fa yi səma, ndəghən, “A tərəmna wa. Nggini na a kətəradghən, nggini mii ngwaladghən. **18** Nggini Na tə Yibrha. Kaar mərđi, amma nanənya, niyi tə yibrha pakwandə, niyi kəm tə ən inda səsəmnnda mərri ha tə hwanga. (aiōn g165, Hadēs g86) **19** Nanən kee, chireethleng ənggini hai nana nanənya, tə əngya kəm bağha kətərarha hai akwasamad yandiya. **20** Kulo sənda wufəlngar yini məd nana a yisəmadna, təkəm səsal təfas yini məd yi dəf patilla. Wufəlngar yini məd ya, fathləngya Faara ni məd yi kən hwan Faara məd, Səsal təfasya nana məd yi dəf patilla, kən hwan Faara ni məd.”

2 “Chireethleng fathləngya Faara də yi kən hwan Faara na a Afisa, tə ndaarha, “Kulo laḅardiya bağha ḅa a mii yandi kəsgha wufəlngarya ha məd a yisəmadghən, yandi na a wiirha hai a pathlang səsaləya təfasa məd dəfang nanda patillaya sə.” **2** “Səndi ən ənad wa. Səndi habḅad wa ənana na hu tar takkwarha tə kərəsta ənana. Səndisə mba a mbang kərəsta tə fa mbəlfeyya wa. Təkəm kəkərang na fīngya na a ndang nda fad ndan fathləngya Yeeso ni, amma mba nda kee wa, ashe mbə fathləngya Yeeso ni kanda wa, fanggaḅaya ni. **3** Səndisə na kərəssa, təkəm sa a ndiyirha hu səsaarha kəsər ka thləmnə, təkkwa sa wa. **4** Amma kulo aibed wa ya, malang na nggəmnnda wa yi kaar. **5** Dəlu teena hai a mbəddi fəl na sahai. Malang dimiyidwa wuda na hu tarwa ḅa 'wana ənaarha a kətəradghən. A malangwa dimiyidwa wa, niya ḅarha thləmad wa ḅa tərənggi səsal di kəsgha patillad wa ha ma mbəd dəfədghən. **6** Amma a man patu ənanna ngga tsanna tar Nikolaitaya fa kəla tsan ni ndən kəm.” **7** “Kala yandi na tə

thlomad sêkrha sêkkênan 'ya na Sêsêna a ndang nda fatakkwaya heu! Kala yandi walgha hêbrha, niya fêrang kwaman kii wan dâfya na fêr Yibrha ahu hed Faara.” 8 Chirethleng têthlênda Faara dâ yi fatakkwaya na a Simirna tê ndaarha, “Kulo labardiya a mii yandi na katêradghên tê mii ngwaladghên, mêrga nggêrga thliirha sê tê yibrha.” 9 “Sêndi sêsarha nana sê ahurghên, têkêm sêndi yamid wa, amma na kêna sê a har wa yi sêsêna. Sêndi labar sêb thlêma a mii nafini na tê ndaarha Yahudaya ni kanda amma mba nda kee wa, kêsêr kanda yi Sheetan ni. 10 A têrêmma tê sêsarha bana saarha fa wa. Kulo hai mbiya, na tê mbêlfeddî a muwang fîngya ahur nun hu porsêna dâ ka a kêkêrang ngganda kun. Nun a têk sêsarha fa yi bêena kum. Amma tsawu ka niifa hu fêrkêkafek ko hu mii mêrra ni. Niya fadô teena yi yibrha.” 11 “Kala yi na tê thlomad sêkrha, sêk ênda nênan sêsêna a ndang nda fa takkwaya. Kala niifa hêbgha, mêra yi sêri mbê a tsuwarghên wa ko ngguchit.” 12 Chireethleng fathlêngya Faara dâ a fatakkwaya na a Mbirgamum tê ndaarha, “Kulo 'ya thlêkna niifdi kêsgha thlaukh kêlara ha chimnggên na miighên sêri.” 13 “Sêndi sê tê ndaarha na tê tsaurha a mbêdi na Sheetan a êna kutêryirha sê. Heu tê kee kêsû thlêmma ha tê shembe, têkêm 'wawa malang fêrkêkafek a nggi wa. Karna fa a ngaal thlêmma na, ko nanên ahur nun bêlang nda Anifas ka niifa fêrga shedawa atenna, bêlang na nda ahur wupêrid nun, na Sheetan sê tê tsaurha. 14 Amma na êngyasê ngguchit tsan ni sa têghên fa. Na fîngya sê ahur nun kêsgha tsahad Mbalaam ha, tsahangga Mbalak ha na a kyanggên Isêreelaya hu dimiyirha hai, hêb ênnarhami nda fêr nda sataka a dâharha tê êna kulafayirha. 15 Nêghên kee kêm, sa kêm na tê fîngya ha kêsgha tsahad Nikolaitaya ha. 16 Malang dimiyidwa nanênnya! A mbê kee wa, mbiya mândaha wa niya bârha thlomad wa bâ, har sani yanda tê thlaukh kêlar mii na. 17 Kala yi na tê thlomad sêkrha, sêk ênda nênan sêsêna a ndang nda fa takkwaya. Kala yandi walgha hêbrha, niya fêrang manna bêbeng nanda. Têkêm niya fêrang feera pêpet chireethleng nanda weerênda thlêma sahai sêngwana niifa thlêmdi, kêl yandi thlêgha fêrdi.” 18 Chireethleng dêleewar têthlênda Faara dâ yi fatakkwaya na a Tiyatêra tê ndaarha, “Kulo labar Wan Faara, na yidghên kêla sheneu waarha, na saryighên a chimnda fa kêla wurirha

fahwang nanda dâ. 19 Sêndi ên ênad wa, tê nggêmdê wa, tê fêrkêkafekkid wa, taryiwa tê kêrêssê wa. Sêndisê tê ndaarha taryiwa nanênnya kaldê yandi ênana a katêradghên. 20 Amma kulo aibe kêsônî sê têghên ya, malangna nudiya, Djejibel, ndangga fadghên annabi ni. A hu tsahadghên ha nênan tsang teena mafayina kya nda hu êna kulafayirha hai tê hêb ênnarhami fêr nanda sataka a dâhaya.” 21 Fêrang di kwamana na a malanggên dimiyidghên yi êna kulafayirha amma kardâ fa. 22 Nanên kee, niya hunang hu sêra dê sêsang nggi tê wanhaarha, tê kêm fîngya na a êna kulafayirha têghên na nda a sêsarha kaan, kêl a malang nda dimiyiddi na nda a ênaarha tê nudî. 23 Niya bêlang fîngya na a takkwaghên. Fa takkwaya heu na nda a sêndasê nggini na a sênan numad kowunni tê 'ya na ahurghên. Niya fêrang kêna targhên kowunni aten 'ya ênanên. 24 “Amma kun fîngya na a Tiyatêra takkwa wun tsahad mbêlfedghên wa. Tsaha wun 'ya na fîngya aarha, 'Kulish Sheetan na bêbêe wa.' Niya ndang nda kun, mbiya fêrang rêfrha kun wa, 25 kêsâama fêrkêkafekkid nun ha tê shembe, kêl a wuddi bâ. 26 Kala yandi walgha hêbrha, dêgha mbêedê tê êna 'ya na minna ta mii ngwaladghên dâ, niya fêrang sêsêmda êna kutêryirha nênan aten chehweeya. 27 Nênan a êna kutêryirha aten ndan tê sêsal dâbêla, nênan a fêlang kanda dâ kêla bêd tabrha.” 28 Kêla thlêni sêsêmda bâ a haar pêpa, niya fêrang wufêlîngar tsar. 29 Kala yi na tê thlomad sêkrha, sêk ênda nênan sêsêna a ndang nda fa takkwaya.

3 Chireethleng têthlênda Faara dâ yi fatakkwaya na a Sardis tê ndaarha, “Kulo labar yandi na êna kutêryirha aten sêsêngya mêd yi Faara, tê wufêlîngarya mêd. Sêndi ên ênad wa, na nda a na sa kêla na tê yibrha fa, amma na mêmêra. 2 Mekhnu na a fêrang kaali na fîngya takhka na a mii mêra, kêsêr nawî tarwa lêghêddê mêmêl a mbêd yina Faara wa. 3 Tsaunên kee, êndi thlêna têkêm sêkna kêl a lafghêna ngga, malangga dimiyid wa. A mehengga wa, niya bârha thlomad wa bâ kêla ngaara, têkêm mba sênan sayiddi niya bârha thlomad wa bâ wa. 4 Ko nanên na fîya sê ngguchit ahur nun a Sardis kêrang ngwa wa lukki ndan hai, na nda wiirha hai tê nggi tê lukkya fa pêpet, kêsêr kamang dâ kanda fa. 5 Yandi hêbgha nênan a kal kari fa pêpet kêla kanda. Mbiya kêdang thlêmmnggên dâ ahur dêleewar

yibrha wa, niya pørghøn tē ndaarha niifdi ya yina ni a mbed pəpa təkəm a mbed fathlängya Faara. **6** Kala yi na tē thləmad səkrha, sək ənda nən na səsəna a ndang nda fa takkwaya.” **7** Chireethleng tēthlənda Faara də yi fatakkwaya na a Filadelfiya tē ndaarha, “Kulo labara ya a mii yanda ba na chahal na tē kəkafek fa. Ndəghən ni natə ən cha kwaminda ha yi kutəra Ndauda, a inang dadə mbə niifasə na mbang nggəlang wa, təkəm a nggəlang də mbə niifasə na mbang inang də wa.” **8** “Səndi ən ənad wa. Kulo hai mbiya inang di kwaminda də a mbed wa mbuwana niifa mbang nggəlang nda. Təkəm səndi shembed wa ngguchit ni, ko nanən kee, sa a əna taara tē 'ya pəro ni, təkəm ngaal wa thləmna wa. **9** Kulo hai, niya tsang fingingya na a wumteena tē Sheetan, tərgha fad ndan Yahudaya ni kanda, amma mba nda kee wa, na nda a nggabərha hai kee. Niya bərhaḅa tē kanda ba nda bəra hai tē waded ndan a mbed wa kwang ngganda tendan hai, tēna nda səndasə nggəmdi sa. **10** Hərəm na əna taara tē 'ya thləwo ni har kəras na, niya laf sa ahu sayi yi kəkərta, na a bərha hu kəshirha ba heu, kəsər a kəkərang ngganda nafiya kəshirha. **11** Niya bayi, mbiya mbə məndaha wa. Kəsə ənda ha nana təghən ha, amawana niifa thlang matəwellə wa, ndəna kənawa fərona kərəsti. **12** Kala niifa walgha həbrha niya tsawang nda həhərshe hu kən yina Faara. Niifdiya mbə nggər wal kwaman kyarha ba ahurghən wa. Niya chireethleng thləm yina Faara hai a tenggən tē thləm wupəri yina Faara, ndəna weerinda Urshalima tərgha hai a thləmad yina Faara a talara hai. Təkəm niya chireethleng weerinda thləmna hai a ten ndan. **13** Kala yi na tē thləmad səkrha, sək ənda nən na Səsəna a ndang nda fatakkwaya.” **14** “Təthlənda Faara də yi fatakkwaya na a Lawudikiya tē ndaarha, Kulo labara ya a mii yanda ba na nda aarha Atsaukake, ka niifa ni na tē kəkafek fa na fər shedawa, a fadghən ni ənana Faara əngya heu.” **15** “Səndi ən ənad wa, mba shishiu nduwa bəḅad wa. Na minnasə kwang nana shishiu nduwa bəḅad. **16** Amma nana lədda, mba shishiu nduwa bəḅad wa, nanən kee, na a madufu niya chaho də a miina. **17** Kəsər ndana, ‘Niyi tē kəna ha, walḁi kəna ha mbə 'yasə na minna wa’. Amma səngwa sə sa tafadwa mbə 'yasə nana təghən ha wa, tsauna ən hatta fa, tē yamirha, naghā tawalth, təkəm kwamārha. **18** Nanən kee, niya fəro shawara hui təfasa a

harna, təfasa tsəḅang nanda də tē waarha, tēna wal kəna ha yi səsəna, təkəm lukkyā na pəpet kalang nggəna fadwa fa ka a lələḅangga shilid tsawud wa tawalth. Təkəm hui fədeerha a harna ənana hu yidwa hai, tēna mbang na mana hai ngga. **19** Fingingya nggəmi ni kəs thləmad ndan tē kəm tangsanggi kanda. Nanən kee ndeng yidwa malangga dimiyid wa. **20** Kulo nggiya, kət a mii kwaminda a dəkəkən. A sək niifa uradna inangga kwaminda hai, niya kyarha də həb ənnarhami nəm kyab, kəla pashiya.” **21** Yandi həḅgha, niya fərang kwamana tsauka tē nggi hu tsənggam kutəryid na, kəla həb ni tsauni tē pəpa hu tsənggam kutəryidghən. **22** “Kala yi na tē thləmad səkrha, ngwa sək ənda nən na Səsəna a ndang nda fatakkwaya!”

4 Akwasamadghən, kələedə na kwaminda ni tsahai a talara. Uraddi 'wani səkrha kəla kodwomnda, ndəghən, “Turu mbəda ba ya, niya kedo 'ya tsauka tətə a katəragha hai akwasamad yandiya.” **2** Tsu kee tərgha səsəna a tenna hai, na tsənggam kutəryirha ni a talara, niifa sə tsau a tenggən. **3** Niifdi na tsau a ten tsənggam kutəryidḁi a chimnda fa kəla ferya na ngga, ndəna djespa tē kanaliyan. Na kongnda sə kəm muwangga tsənggam di a madufu na a chimnda fa kaan kəla feera na nda aarha pəlara. **4** Tsənggam kutəryidḁi kəm muwang fingingya tsənggam kutəryirha madufu kumnggit səri kab fadā, tsauna shingya sə kumnggit səri kab fadā a tenggən. Kal nda lukkyā fa pəpet-pəpet tē tətər kutəryirha yi təfasa a tendan. **5** Tərgha naghā kukwaryirha a njaara hai a mbəda ba na tsənggam kutəryidḁi sə, tē huhwaarha, tē tər'yaana. A mbed tsənggam kutəryidḁi na patillaya sə məd na a kəsā, kanda ni na səsəngya məd yi Faara. **6** A mbed tsənggam kutəryidḁi kəm na 'yasə na kəla wuri aam tolokar, a chimnda fa kəla tolokar a yanfara. Na əngyasə na tē yibrha fa fadā tē yiya fa nggəlangga samaarha tē mbee. **7** Ənggini na tē yibrha fa yandi na a mbee nəghən kəla ləfari, yi səri nəghən kəla kwel, yi mahan nəghən kəla niifa, yi fadā nəghən kəla nggəfaha na a pəra a talara. **8** Ənggini na tē yibrha na fadā ya na nda tē pakhkya fa mikki, fad ndan heu nəghən tē yiya fa tē kamu pakhki ndan. Nda fəḁikrha tē yanfara na nda naarha a ndaarha, “Təḁəḁənda, Təḁəḁənda, Təḁəḁənda, Chinəm Faara na tē mamnggirha fa, ndəghən ni na kaar, ndəghən

ni nanənya, ndəghən ni na a ɓarha ɓa.” **9** A na ənggini na tə yibya fa fada ya, aah amshe yi faala, tə fər mamnggirha, tə yi usaarha a yandi na tsau hu tsənggam kutəryirha, a yandi na tə yibrha fa pakwandə. A nanda a ənaarha kee, (aiŋ ɓ165) **10** shinggini na kumnggit səri kab fada ya, na nda fəla hweede hai a mbed yandi na ahu tsənggam kutəryiddi, na nda naarha tərang shilee teena, ndəghən na tə yibrha fa pa kwandə. Na nda dəfang tətər kutəryid ndan hai a hweede a mbed tsənggam kutəryiddi, na nda a ndaarha, (aiŋ ɓ165) **11** “Chinəm tə yinan Faara, məməl nana a fal sa nda, tə mamnggirha, tə səsəmnda. Kəsər sa ndən ənagha əngya heu, tə kəm 'ya ndaana na nən tsaurha kee, na nda sə.”

5 Nadi deleewar fəfəda a yisəmad yandi na tsau aten tsənggam kutəryirha. Deleewar di na fəfəda na chireethla sə nda hurghən tə kəsərghən, nggəlang nda ngga təkəm dəf nda haara sahai dadamən məd. **2** Nadi mamnda təthlənda Faara a kal mee tə urarha manggən a ndaarha, “Wunni kamngga na a thləbānggən dəf har dādə ya təkəm inānggən deleewar dā hai na fəfada ya?” **3** Mbə niifasə a talara, nduwa a hweede, nduwa a kamu chehweerha tsəkka na a thləbānggən də, inānggən deleewar dā hai na fəfada, kəlagha sahai wa. **4** Tədi kaan, kəsər walwa nda niifa kamngga a thləbānggən də, ko inānggən deleewar dā hai fəfada, kəlagha sahai wa. **5** Tərgħa tal ahur shinggini ndeeghən, “A tənna wa! Kulo hai mbiya! Ləfari di na ahu turya Yahuda, kiwad Ndauda 'wadə teena həb də aten fatsānggighən, nəghən tə səsəmnda ha na a mbānggən thləbānggən dəf har dādə məd, inānggən deleewar dādə na fəfada.” **6** Nadi wan kamnda kət a madufu tsau tə tsənggam di, tə ənggini na tə yibrha fa fada, tə shinggini muwang nda madufu. Wan Kamndə di kəm kyaghən ɓa kəla thləng nanda uradghən. Nəghən tə ɓongya məd tə yiya məd, ndənə səsəngya məd yi Faara thlən nanda hu kəshiirha ɓa. **7** Tərgħa Wan Kamndədi dəgha də thlə deleewar dā nən na fəfada a yisəmad yandi na tsau hu tsənggam kutəryiddi. **8** Thlənən deleewar di na fəfada, tərgħa ənggini na tə yibrha fa fada tə shinggini kumnggit səri kap fada di fəla nda hai a mbed Wan Kamndədi. Kowunni kəsə kəliinga ha tə tasau təfasa ləlgəda tə urdi na sədghən mbānggən, ndənə hwanda yi nafiya Faara na chahal. **9** Tərgħa aah yiwad amshe nda,

na nda a ndaarha, “Kamo dafa a thlə deleewar dāna na fəfada, təkəm thləbāng na dəf har dādə. Kəsər kaar ɓəlonda, təkəm hu far wa yi sataka hərgħang na fiya ɓa a Faara, ko hu yanggi kiwa ni, tə miiya, tə tur, tə chehweeya. **10** Tsawang na kanda kutəryirha yi firistaya na a ənang taara nda yinəm Faara, na nda kəm a əna kutəryirha hu kəshiirha.” **11** Nggər ni kəlaarha də, sək urad fathləngya Faara ni kumnggitghən kum katəra kumnggitghən kum. Kanda kəkət muwang nda tsənggam kutəryiddi a madufu, tə ənggini na tə yibrha fa na fada tə shinggini, **12** tərāngganda urad ndan sə a aah amshe na nda a ndaarha, “Wan Kamndədi ɓəlang nanda, kamdə a thlə səsəmnda nən, tə kəna, tə thladwayirha, tə sənda, tə shembe, tə dəf shilee, mamnggirha, tə faala!” **13** Nggəryi sək kala 'ya na tə yibrha fa a talara, tə na a hweede, tə na a kamu chehweerha, tə na ahu wuri aama, tə kala əngya na ahur ndan kanda a aah amshe, “Faala, tə mamnggirha, tə tər shilee in, tə səsəmnda, tsauka yi yandā ni na tsau hu tsənggam kutəryidghən, tə a Wan Kamndədi pakwandə!” (aiŋ ɓ165) **14** Tərgħa ənggini na tə yibrha fa fada ndanda, “Atsaukake,” shinggini kəm fəla nda hweede hai tərang shilee nda Wan Kamndədi in.

6 Tərgħa na Wan Kamndədi ni thləbāng də dəf har dādə yi tal ahur məd di. Sək urad tal ni ahur ənggini na tə yibrha fa fada kəla tər'yaana ndəghən, “Boɓa!” **2** Kəla ni də, na pərshe ni pəpet. Yandi na a tərəghən kəsə riyee ha, fərang tətər kutəryirha nda. Kyagha ɓa kəla tə həbrha ka a dəgha nggər həbrha ɓa. **3** Tərgħa thləbāng na Wan Kamnda dəf hardi sahai yi səri, sək urarha ni yi səri ahur ənggini natə yibrha fa ndəghən, “Boɓa!” **4** Tərgħa kyagha pərshe ɓa pak yiɓa. Yandi na a tərəghən fərang səsəmnda nda na a kyānggən tsawud dādēmnggirha də hu kəshiirha, fərang thləukh kəlara nda manggən, tənə fiya narha ɓəl ndan. **5** Thləbāng na Wan Kamndədi dəf hardi sahai yi mahan, sək urarha ni yi mahan ahur ənggini natə yibrha fa ndəghən, “Boɓa!” Kəlani də, na pərshe ni i'im. Yandi na a tərəghən kəsə wudə kəkərɓa ha. **6** Sək 'ya ni kəla urarha a kyarhaɓa a madufud ənggini natə yibrha fa fada a ndaarha, “Tasau wan hwalirha ndənə kəna tar tə rapathlarha yi paara tal, tasau mahan yi mbale ndənə kəna tar tə rapathlarha yi paara

tal, amma a sɔ́ɓang na fɔ́dɛd dzaitun dɔ́ tɔ́ aam inabi wa!" 7 Thlɔ́ɓang na Wan Kamnda dɔ́f hardi sahai yi fadɔ́, sɔ́k urad yi fadɔ́ ni ahur ɔ́nggini natɔ́ yibrha fa ndɔ́ghɛn, "Bɔ́ɓa!" 8 Kɛ́lani dɔ́, na pɛ́rshe ni tɛ́lna fadghɛn dɔ́. Thlɛ́m tɔ́ tɛ́rrɛghɛn Mɛ́rra, hwanga kɛ́m a mbusamadghɛn. Fɛ́rang sɛ́sɛ́mnda nda kanda tal hu fadɔ́ yi fa tsaukya hu kɛ́shiirha, ka a ɓɛ́langganda kanda hu yanda, tɔ́ mirha, tɔ́ patal, tɔ́ mɛ́biya yi kaheerha. (Hadɛ́s 986) 9 Thlɔ́ɓang na Wan Kamndɔ́dɔ́ dɔ́f hardi sahai yi tuf, na shingya ni a kamu mbɔ́d nji sataka fíngya ɓɛ́lang nanda kanda ka laɓar Faara tɔ́kɛ́m shedawa fɛ́r nanda. 10 Tɛ́rgha tɛ́rangganda urad ndan sɔ́ na nda a ndaarha, "Chinɛ́m natɔ́ Sɛ́sɛ́mnda ha heu, tɛ́pɛ́dɛ́nda natɔ́ kɛ́kafek fa, akwan na a ngwang kumarha nafiya na hu kɛ́shiirha tsɛ́tsɛ́l kanda na kɛ́sɛ́r ka ɓɛ́lang nda kandɔ́." 11 Tɛ́rgha kowunni ahur ndan fɛ́rang lukrha nda pɛ́pet, ndangganda kanda yíɓa nda tsɛ́nda tsɔ́ɓaku kɛ́l a lɛ́ghɛd hang ndɛ́n ndan shayi ndan fatakkwaya, tɔ́ fíngya na a ɔ́nang taara Faara na a ɓɛ́lang ngganda kanda. 12 Nggi a kɛ́lang nda Wan kamnda a sayiddi nɛ́n a thlɔ́ɓang dɔ́f hardi sahai yi mikki. Tɛ́rgha rɛ́bgha kɛ́shiirha fa. Tsɛ́gha yanfara i'im kɛ́la kooto yi was 'wala, ndɔ́re kɛ́m tsauka yíɓa kɛ́la fara. 13 Wufɛ́lngaarya a fɛ́rakh amshi na nda a mukrha hweede hai kɛ́la na wan shíɓarha hɛ́ra hai a tsang bereurha 'ya fa. 14 Tɛ́rgha sahadgha fɛ́rakh amshi kɛ́la na nda fadɛ́ng dɛ́nggɛ́la, kɛ́dangganda wumngya sɔ́ tɔ́ mbɔ́ya na dɛ́dangkam a mbɔ́di nana nda sɔ́. 15 Tɛ́rgha kutɔ́rya kɛ́shiirha tɔ́ fíngya mamngya, tɔ́ mamngya sodjaya, tɔ́ fakɛ́naya, tɔ́ fíngya na tɔ́ sɛ́sɛ́mnda ha, tɔ́ fiya heu, mafaya tɔ́ fíngya mbuwa mafaya, ɓɛ́bɛ́ng ngganda fad ndan a kabɛ́eya, tɔ́ mbɔ́ya na dɛ́dangkam, tɔ́ wumngya. 16 Na nda a ndang wumngya tɔ́ mbɔ́ya na dɛ́dangkam, "Muwama tennan hai ɓɛ́bɛ́ng nggun kan ma yid yandi na tsau hu tsɛ́nggam kutɔ́ryirha ya, tɔ́kɛ́m ma sɔ́brha hur Wan Kamnda ɓa. 17 Kɛ́sɛ́r ɓad manda far sɔ́brha hur ndan ɓa, wunni mbang isha!"

7 A kwasamad yandiya, na fathlɛ́ngya Faara ni fadɔ́ kɛ́kɛ́t a kudma fadɔ́ yi hu kɛ́shiirha, 'yadɛ́ng kwamana nda bereukina fa fadɔ́ piirha fa aten chehweerha, ko aten wuri aama, ko aten kala tur dɛ́firha. 2 Nggɔ́ryi na tɛ́thlɛ́nda Faara a tɛ́ra sɔ́ a man kyad yanfara ɓa, kɛ́sdɔ́ ɔ́n dɔ́f haar Faara ha na tɔ́ yibrha fa. Tɔ́

urarha manggɛ́n nagha a aah fathlɛ́ngya Faara na Fadɔ́ fɛ́rang nanda sɛ́sɛ́mnda kanda na a sɔ́ɓang ngganda chehweerha dɔ́ tɔ́ wuri aama. 3 Ndagha tɛ́thlɛ́nda Faara, "A ɔ́nang dún wundɛ́rha kɛ́shiirha fa wa, ko wuri aama ni, ko dɛ́fya ni, kɛ́l a dɛ́fang dɛ́m haara mafaya Faara fa a pɛ́m ndan." 4 Tɛ́rgha sɔ́k hang nda nafina ni dɛ́fang nanda haara kanda fa hu turya kumkap sɛ́ri yi Isɛ́reela, kanda kumnggitghɛ́n haru tɔ́ kumnggit fadɔ́ kap fadɔ́. 5 Dɔ́f hardi ɔ́nang nanda turya Isɛ́reela nɛ́ghɛ́n kiya. Turya Yahuda 12,000, turya Roben 12,000, turya Nggad, 12,000, 6 turya Ashir, 12,000, turya Naftali, 12,000, turya Manasa, 12,000, 7 turya Siman, 12,000, turya Lawi 12,000, turya Issakar, 12,000, 8 turya Dzabuluna, 12,000, turya Yisufu, 12,000, turya Mbenjemen, 12,000. 9 A kwasamad yandiya, kɛ́lee dɔ́ na manda teera ni yi fiya mbuwa nɛ́m mbang thlɔ́ɓang kanda. Kyagha nda ɓa hu chehweeya, tɔ́ kiwa, tɔ́ turya, tɔ́ miiya, kanda kɛ́kɛ́t a mbed tsɛ́nggam kutɔ́ryirha tɔ́ a mbed Wan Kamnda kɛ́m. Kanda tɔ́ lukkyfa fa pɛ́pet, tɔ́kɛ́m kɛ́s nda wuhwar dɔ́f temburu ha. 10 Tɛ́rangganda urayi ndan sɔ́ na nda a ndaarha, "Bagha hɛ́rɛ́krha ɓa a thlɛ́mad yinɛ́m Faara, yandi na tsau hu tsɛ́nggam kutɔ́ryirha tɔ́kɛ́m a thlɛ́mad Wan Kamnda ɓa!" 11 Fathlɛ́ngya Faara heu kanda kɛ́kɛ́t muwang nda tsɛ́nggam kutɔ́ryiddi a madufu, tɔ́ shinggini, tɔ́ ɔ́nggini natɔ́ yibrha fa fadɔ́. Tɛ́rgha ɓɛ́ra nda hai kwang ngganda tendan hweede hai a mbed tsɛ́nggam kutɔ́ryiddi, tɛ́rang shilee nda Faara in, 12 na nda a ndaarha, "Atsaukake! Faala tɔ́ fɛ́r mamnggirha, tɔ́ thladwayirha, tɔ́ usaarha, tɔ́ mamnggirha, tɔ́ sɛ́sɛ́mnda, tɔ́ shembe, a tsauka yi yinɛ́m Faara ni pakwandɔ́! Atsaukake!" (aiɔ́n g165) 13 Tɛ́rgha tal ahur shinggini tsahe mee nɛ́n, "Nda wunni ya natɔ́ lukkyfa fa pɛ́pet kiya? Tɔ́kɛ́m bagha nda ɓa a yanggi?" 14 Tɛ́rgha ndanggi, "Mbarkama, sɛ́nnasɛ́." Tɛ́rgha ndeeghɛ́n, "Kanda ni kyagha ɓa hu sɛ́saarha na thlerghɛ́n. Tsɛ́ɓang nda lukki ndan dɔ́ tɔ́ far Wan Kamndɔ́dɔ́, ndɛ́n tsau nanda pɛ́pet." 15 Ndɛ́n ɔ́nagha ndɛ́n, "Na nanda kɛ́kɛ́t a mbed tsɛ́nggam kutɔ́ryid Faara, na nda a ɔ́nang taara sɔ́ nda fɛ́dikrha tɔ́ yanfara hu kɛ́nggɛ́n. Yandi na tsau hu tsɛ́nggam kutɔ́ryiddi nɛ́ghɛ́n a kɛ́la kanda ha hu chamnggɛ́n a mbɔ́di nanɛ́n sɔ́. 16 Mbɛ́ miirha nggɛ́r kɛ́s kanda wa, mbɛ́ hushimnda nggɛ́r kɛ́s kanda wa, mba nda nggɛ́r tɛ́k yanfara fa wa nduwa tɛ́k kala ɔ́n thleera nda fa wa. 17 Kɛ́sɛ́r Wan Kamndɔ́dɔ́ na a

maɗufud tsənggam kutəryiddi nən a tsaurha təlɛfəd ndan, nən a takkwarha tə kanda a mbəya ngətta aama də na fəy yibrha. Na Faara a pang aam yid ndan də heu.”

8 Thləbāng na Wan Kamnda dɛf haar dɛdɛ yi mɛd, nggasgha talara hai tip yi sayi ngguchit.

2 Tərgħa na fathləngya Faara ni mɛd na kəkət a mbed Faara, fərang kodwomnda nda kanda mɛd.

3 Bāgha pak təthlənda Faara bā kəsɛd ina ha yi tɛfasa yi nji urdi na sədgħən mbənggən ishgha a mbed nji satakh di. Fərang urdi nda hangga na a wumənggən tə hwan Faara tə fiya heu na chahal yi Faara, na a a fərgħənən a mbəd nji sataka yi tɛfasa na a mbed tsənggam kutəryiddi. **4** Ini urdi di heu tə hwan Faara yi nafiya na chahal thlii nda sə a haar təthlənda Faara na kəkət a mbed Faara.

5 Tərgħa təthləndə di ki Faara tərənggən indi yi nji urdi, lədagəngən tə tsal waarha na a mbəd nji satakh di, muwənggən hu kəshiirha hai. Tsəgha mbərha 'ya fa kəla tər'yaana, nagha mbərha a riirha, tə kyatta kukwaryirha, tə rəpħa chehweerha fa. **6** Tərgħa fathlənggini ki Faara na mɛd natə kodwomnda ha mɛd ngwa nda fa ka a pii kanda nda. **7** Təthlənda Faara yi tal pii yighən kodwomnda nən. Tərgħa wutsamnda tə waarha, kukurda tə faara, irang ngganda hu kəshiirha hai. Tal hu mahan yi kəshiirha njigha də, njənggən dɛfya də tal hu mahan, tə hwaliirha na nduwun.

8 Təthlənda Faara yi səri pii yighən kodwomnda nən. Tərgħa 'ya na kəla wumnda manggən a kəsə tə waarha, muwəngganda hu wuri aama də, wuri aama yi mahan tsauka fara. **9** Tal hu mahan yi əngya natə yibrha fa na hu wuri aamdi ya mərə nda də, tal hu mahan yi nggirgi aama na a mbədi mərə nda də. **10** Təthlənda Faara yi mahan pii yighən kodwomnda nən. Tərgħa wufəlngaara manggən mukka hai a fərahk amshi djərgħa kukwaryidghən hai kəla waarha, mukka ten tal hai hu mahan yi kufaya təkəm fered aama. **11** Thləm wufəlngardi ya, “I'ikh.” Tal hu mahan yi aamdi tsauka i'ikh, fiya hangga saagħa aamdi mərə nda də kəsər ka i'ikh kidghən. **12** Təthlənda Faara yi fadā pii yighən kodwomnda nən. Tərgħa tal hu mahan dək yanfara nda, tal hu mahan yi ndərə, təkəm tal hu mahan yi wufəlngarya, har tal hu mahan nda yi kukwaryid ndan tsauka wula. Hu kiya tsauka mbə kukwaryirha sə tal hu mahan yi parra yanfara wa, nəghən kee kəm tal hu mahan yi

fədikrha. **13** Tərgħa kəlanggi, sək urad nggəfaha ni na a pəra a maɗufud bəreurha a fərahk amshi tərənggən uradghən sə nagħa a ndaarha, “Kawa, kawa, kawama kun natə tsaurhahu kəshiirha, a pinda fingya kodwomnda takħka na fathləngya Faara mahan a piighən.”

9 Təthlənda Faara yi tuf pii yighən kodwomnda nən. Na wufəlngaara ni mukda hai a fərahk

amshi hu kəshiirha hai, fərang ngganda ən cha kwaminda na inang kwaminda kwadda də na kudimnggən kaan. (Abyssos g12) **2** Inangga wufəlngardi mii kwadda də na kudimnggən kaan, tərgħa kyagħa ine sə kəla ini henggel bərha. Yanfara tə bəreurha wulangga inidi kanda. (Abyssos g12) **3** Kyagħa mbeeya bā hu inidi, tərə nda hu kəshiirha hai, fərang səsəmnda chaarha nda kanda kəla yi ngərdəya. **4** Ndəngganda kanda a ənang nda 'ya hwaliiya fa na a hweede wa, nduwa dəfrha ni, nduwa kala 'ya kyagħa sə, kəl nafini kee mbuwa tə dɛf haar Faara fa hu pəm ndan. **5** Nggəməng ngwanda kanda fa a bəlang ngganda nafiniya wa, kəl a səsang ngganda kanda kee yi ndərə tuf. Hatta səsaddiya nəghən kəla hatta chad ngərdarha. **6** Hu bəngginiya na fiya kada mərə ka a mərə nda, amma mba nda a walghən wa, na mərə kukwasang kanda fa, amma na mərə darha ma kanda. **7** Mbeeyini ya na nda kəla pərsaya ngwang nanda kanda fa ka yanda, na əngya sə a tendan kəla tətər tɛfasa, yindan kəla yi nafiya. **8** Was yi ndan kəla yi ten nishya, thlan nggindan kəla thlan ləfari. **9** Kənang nda kəfan ndan tə 'ya na kəla dəbəla, pakħki ndan a riirha kəla pərsaya natə keke yanda na a dərha ka yanda də. **10** Na nda tə ndusa fa yi chaarha kəla ngərdarha, na nda tə səsəmnda na a səsəngganda fiya yi ndərə tuf tə ndus ndan. **11** Na nda tə kutərə na a əna kutəryirha

aten ndan, ndəghənni təthlənda Faara fərang nanda səsəmnda aten kwaddi na kudimnggən. Thləmnggən tə mii Ibraniyaya, “Abaddon.” Tə mii Helenaya kəm, “Afolliyon” ndaarha ni, “tə səbāng 'ya də”. (Abyssos g12) **12** Kawa billarha nanənya mbərdə də, amma takh fingya səsəaya səri bayi. **13** Tərgħa təthlənda Faara yi mikki pii yighən kodwomnda nən. Sək urad 'ya ni na a kyarha bā hu kudma fadā a mbəd nji sataka yi tɛfasa na a mbed Faara. **14** Ndəngga uraddi təthlənda Faara yi mikki, “Kalu fathləngya Faara hai fadā kənang nanda kanda hai hu Kufad

Yuforetus na manggani!" 15 Kal fathlängya Faara nda hai na fada, kanda ni ngwang nanda kanda fa kəsər ka sayiddi, tə yi fardi, tə yi ndaridi, təkəm yi huraddi kəsər ka a bəlangganda tal hu mahan niifa tə wasa in heu. 16 Sək hangnda sodjaya ni na tər pərsaya səlgha kumnggitghən kum katəra kumnggitghən kum. 17 Ahu 'ya nani, nadi pərsaya tə nafiya na a tər kanda, kal nda kəsəmnda a kəfayi nda yi dəbəla yibə kəla waarha, wulerən kəla fərahk amshi, shimarən kəla wad hengel bərha. Ten pərsa yini na nda kəla ten ləfari, waarha tə ine na kəla wad hengel bərha ndəna a kyarha ba hu mii ndan. 18 Patal yini mahan ya nda waarha, tə ine na kəla wad hengel bərha a kyarha ba hu mii pərsa yini ndən bəlangga fiya də heu tal hu mahan. 19 Kəsər kəsəmnda pərsa yini ya nəghən hu mii ndan tə ndus ndan. Ndus ndan nəghən kəla huthlingya na tə teena fa, ndəna ənang wundərha fiya fa. 20 Tahad nafiya natə wasa in bəlang ngwa nanda kanda tə patal diya, kwa wanda pəma na a malang ngganda ənggini əna nanda tə har ndan wa. Malang ngwa nda fərang mamnggirha ənkaheeya, tə dahaya əna nanda tə təfasa, tə wurirha, tə təbəla, tə feera, tə dərfa wa. Dahaya əngya mbuwa na mana hai, nduwa sək 'ya nda, nduwa wii nda hai wa. 21 Kwa wanda pəma hu bəl farha na nda a ənaarha, nduwa thrəfkid ndan, nduwa kulafayid ndan, nduwa ngaara na ndan a ənaarha wa.

10 Tərgha na təthlənda Faara ni hängkəm na tə shembe fa a təra hai a talara. Nggəlangga hashmbe, tə kongnda a tenggən, Yidghən kəla yanfara, saryighən kəm kəla sheneu waarha. 2 Kəsədə deleewar ha na fəfada ngguchit, i'ina hai a harghən. Dəfanggən sarghən yi səma a ten wuri aama, sarghən yi kawa a ten chehweerha. 3 Aah farha nən tə urarha manggən na kəla təd ləfari. Aah nən faddi, tərgha tər'yan nggini mäd rii nda fa kaan. 4 Riina tər'yan nggina fa, ngwadi fa na a chireethleng nggi hai, amma sək urarha ni hai a talara ndəghən, "Əndi ndaana tər'yan nggini mäd ya, nggəlang a chireethleng na hai wa." 5 Tərgha təthlənda Faara nani kət a ten wuri aama təkəm a ten chehweerha təranggən harghən sə yi səma a talara sə, 6 aah Faara nən tə yandi na tə yibrha fa pakwandə, ənagha talara tə əngya na ahurghən heu, tə kəshiirha tə əngya na ahurghən heu, tə wuri aama tə əngya na ahurghən heu. Ndaagha təthlənda

Faara, "Bəlwə kukwasa sə wa. (aion g165) 7 Amma a sayiddi na təthlənda Faara yi mäd a pii kodwomndəghən, ndəna kulish Faara a ləghatta, kəla 'wanən pəranggən mafayighən, annabiya." 8 Tərgha nggəryi sək uraddi 'wani səkrha a talara hai ndeeghən, "Duwadə, də thlə deleewar di na i'ina hai a har təthlənda Faara na kət hu wuri aama tə ten chehweerha." 9 Nanən kee, diya thləmad təthlənda Faara də ndanggi fəree deleewar danən na ngguchit fəfada a harghən. Ndeeghən, "Thluwun kyangga, nən a naarha i'ikh ahurwa, amma hu miiwa nən naarha dədəm kəla dee." 10 Tərgha thlə deleewar fəfada dani na ngguchit a harghən, kyanggi. Tsauka dədəm kəla dee hu miina, amma a kwasamaddi mudang ni, tsauka i'ikh ahur na. 11 Tərgha nggərgəha nda ndeerha, "Tsaudə tətə a thlək ləbar Faara na a fiya hangga, tə chehweeya hangga, tə miiya hangga, tə kutərya hangga."

11 Tərgha fəree səsal kəkərta nda, ndeegha nda, "Duwadə də kəkərang nda Kən Faara na a Urshelima tə mbəd nji sataka, thlədangga nafiya na a tərang shilee Faara in a mbədi. 2 Amma a kəkərangna pəpal yi na a kəshi ma kən Faara wa, kəsər malang di ndən nafiya səngwa nggi. Na nda a ishang nda wupəri də hai na chahal yi ndərə kumnggit fada kap səri. 3 Ni a thlən shedawa yina də səri tə lukkyə fa yi ngwala tərha, niya fərang ngyakhrha thləkrha ləbarna kanda yi bəngya haru kumnggitghən tal tə haru səri tə kumnggit mikki." 4 Shedawa yini ya kanda ni dəfya dzaitun di səri tə səsal yini səri kəsgha patilla yina ha na kət a mbed Chinəm na yi kəshiirha həu. 5 Ana niifa sə na midghən walang wudərha nən kanda fa, na waarha kyarha ba a mii ndan bəlanggən fa saryi ndan də. A hu kiya yandi tərna midghən walang wudərha kanda fa tətani a bəlang ngganda. 6 Na nda tə səsəmnda nggəlang nda fərahk amshi amana 'yaara bərha ahu sayiddi nanda pər ləbar Faara. Nanda tə səsəmnda ha yi kyakhrang nda aamgya hai tsawanda fara, na nda tə səsəmnda kəm na a bəng patal nda kəshiirha ba, kəla tərna mindan. 7 Akwasamaddi nggwəlangna shedawa yini pər ləbar Faara, məbiddi na tsaurha ahu kwaddi na kudinğən kyarhəba yangga tə kanda. Məbiddi kal kanda nən mu bəlanggən kanda də. (Abyssos g12) 8 Nanda mal mər yi ndan a ten kwaman wupəri di tawang nanda Chi ndan sə. Sak wupəri də nən tə thləma nanda aarha

“Sodom” ko “Masar”. 9 Beena mahan tē mbeera chehweeya turya nafiya, tē kiwaya, tē miyya dādamən-dādamən, na nda mbəssang məryina fa, kar nda fa na a pang ngganda mər yini. 10 Nafiya tsauka yi kəshiddiya na nda a əna wutsəfayirha ka mərri shedawa yini na səri. Na nda wumnda hai ka wutsəfayirha, na nda thlənanə ənfəra ndan dē, kəsər ka shedawa ni na səri ɓangga səsarha nafiya ɓa tsauka hu kəshiirha. 11 Amma a kwasamad bēndi mahan tē mbeera, yibrhafa na fər yibrha yi Faara kyagha fandan hai, thlii nda sē isha nda, tərgha kala niifa nagha kanda kyagha hu tərəmmnda hai. 12 Tərgha shedawa ni na səri sək urarha manggən a talara hai a ndaarha, “Tərāma mbəda ɓa ya!” Tərgha tərangganda kanda talara sē hu hashmbe, nagha fa tsangginan a kəlang kanda. 13 Məməlla sayiddi kee rəbgha chehweerha fa, tərgha tal hu kum yi wupəri di chagha hai, mərgha nafiya kumnggitghən məd hu rəbrha chehweddā fa. Tərgha fīngya nafiya hərəkka tərmanda kaan, tərgha fərang mamnggirha nda Faara na a talara. 14 Ən kawa di patal yi səri mbərda dē, ən kawa di patal yi mahan nəghən ɓayi a mbee. 15 Tərgha təthlənda Faara yi məd penggən kodwomndəghən. Sək uraya nda hai hangga a talara hai kanda a ndaarha, “Tsau kutəyid kəshiiddi nanənya yi Chinəm tē Kərəsti na yighən, nən a əna kutəyirha pakwandə!” (aiṭən g165) 16 Tərgha shinggi na kumnggit səri kap fada di na tsau hu tsənggam kutəyid ndan a mbed Faara fəla nda hai kwang ngganda tendan hai dəfang shilee nda Faara in, 17 kanda ndaarha, “Usa dān sa, Chinəm Faara na tē ngyakrha ha həu, sa na sē nanənya, na sē kaar, tē na ɓayi, kəsər tərangna ngyahad wa na manggən sa a əna kutəyirha. 18 Hufgha chehweeya hur, amma nanənya ɓad sayid hufirha hurwa ɓa, ɓad sayi ɓa nanda ngwang kumarha mərya sē, nanda fərang kəna tar ndan annabiyyiwa, tē nafiya chahal na a tərəm thləmwā, nda shingya tē wundakhnaya. ɓad sayi ɓa na nda a ɓəlang nafiya ɓəlangga kəshiirha!” 19 “Tərgha inang ngganda Kən Faara dē a talara, tərgha na Akwatid dəf mee ni ahur Kən Faara. Tərgha na kyatta 'yaara ni, tē rii əngya fa, tē tər'yana, tē rəbrha chehweerha fa, tē wutsamnda!”

12 Tərgha na ənsakrha ni manggən a fərahk amshi. Nuneefa lələbdə tē yanfara, ndərə a kamu sarghən, a man tenggən, tətər kutəyirha

yi wufəlngarya kum kab səri. 2 Nəghən ahur, nagha a tərha ka hatta hur nggətta kəsər takhdə a nggətta hai. 3 Tərgha nggəryi na ənsakrha a fərahk amshi, kya Sheetan ɓa fadghən yīɓa kəla hulthne tē tengya fa məd tē ɓongya kum, tē fatta ten kutəyirha məd hu tenggini. 4 Tərgha ndusghən kahanggən tal hu mahan hai ahur wufəlngaryini muwanggən kanda hweeda hai. Sheetan di na kəla hulthne ishgha a mbed nudi, takhka a nggətta hai, tənən kyang wandi a nggədda hai. 5 Tərgha nggətgha nuda hai wee həshin, na a əna kutəyirha a ten chehweeya həu tē səsəl dəɓəla, amma thlangganda wandi a haar ənkaheerha, dənda təghən a thləmad Faara dē tē tsənggam kutəyidghən. 6 Dəgha nudi a kaheerha dē, a mbərha dē taksangna Faara sē, a mbədi na nda a kəlaghən ha yi mbeena kumnggidghən tal haru səri tē kumnggit mikki. 7 Tərgha thliigha yanda a talara. Mikailu tē fathlənggighən yana nda tē Sheetan na kəla hulthne, sheetan kəm tē fathlənggighən dənda mbee dē tē yanda. 8 Amma mbə ənkaheeddi tē shembe na a mbanggən həbrha wa, rək kanda nda tē fa thlənggighən, ka a fardi 'yadang mbəd tsaurha nda kanda fa a talara. 9 Muwangganda ənkaheeddi na manggən hweede hai, Sheetan di na kəla huthlindi ka kətəm, nanda aarha tē mbəlfeddi, nduwa kəm Sheetan tē nggəɓa kəshiirha həu. Muwangganda hweede hai tē fa thlənggighən. 10 Tərgha sək urarha ni manggən a talara hai a ndaarha, “Nanənya, hərəkrha tē səsəmmnda tē kutəyid yinəm Faara, tē səsəmmnda Kərəstidghən. Kəsər tē'yar wanmangginəm, na yakh 'yar kanda a mbed Faara nda yanfara tē fədiṛrha, muwang nda hweede hai. 11 Tərgha fa takkwaya kalghən nda mu parkayid far Wan Kamndədi tē pər ləɓarghən fər nanda shedawa atənggən, kəsər nggəm ngwanda yīɓəd ndan kaan ta hu mərri dē wa. 12 Tsaunən kee ənama wutsəfayirha, kun talarya, tē kun na tē tsaurha ahurghən! Amma kawa a chehweerha tē wuri aama, kəsər təmbəlfeddi tərɗə thləmad nun hai! Nəghən lələgdə tē hufirha hura, kəsər səndasə takhka sayi ngguchit kee!” 13 Walangna ənkaheeddi muwang nda hu kəshiirha hai, katəranggən kada nuda hai nggətgha wee həshin di. 14 Amma fərang paha nda nudi səri yi Rəfa na manggən a pərgha mbərha dē tangsang nanda hai ka ndəghən a kaheerha. A mbəda ni na nanda kəlaghən ha yi hurarha mahan tē mbeera amawana ənkaheeddi kəsang

nda. 15 Tərgha sheetan di na midghən sə a hwanggən nudadə tə aam afa afa na a hwaarha 6a a miighən. 16 Amma hweede dang də nuda sə, inangga hweede miighən hai Sanggən aam kufaddi kyagha 6a a mii sheetan. 17 Tərgha səbgha hur sheetan də tə nudi kaan, thliigha 6a yangga tə tahad turya nudi, kanda ni na əna taara tə 'ya ndaana Faara, kanda ni kəm na a takkwa 'ya pərna Yeeso.

13 Tərgha sheetan ishgha a ten chehweddi na mii wuri aamdi. Tərgha ənkaheeddi ishgha a mii kəkəshbāng nda wuri aamdi. Tərgha na mabi ni a kyarha 6a hu wuri aamdi. Nəghən tə bōngya kum tə tengya məd. Na tətāarya sə kum yi kutəra a ten bōnggini, kala teena na thləma sə yi sar Faara. 2 Mabiddi nani nəghən kəla piyarha, saryighən kəla yi mabi na nda aarha məmeere, miighən nəghən kəla yi ləfari. Sheetan di na fadghən kəla hulthne fərang shembədgəhən mabiddi tə tsənggam kutəryidghən, tə səsəmnnggitghən na mǎnggən heu. 3 Tal ahur tēggini ki mabiddi kəla walang nda wundərha fa na mbang bəlang, amma wudəddi 'wadə teena kəndə. Mabiddi tərang də hakkilod kəshiirha, kəsgha ənwulteena kanda mbusamadghən nda. 4 Dəfangga fiya shilee ənkaheeddi teena kəsər fərang də səsəmnnggitghən mabiddi, təkəm tərang shilee mabiddi in, nanda a ndaarha, “Wunni kəla mabiddi ya? Wunni mbang yanda tēghən?” 5 Malang nda kwamana mabiddi nagha thlək ləbarya kəlara tə tərang altēnggən sə yi sar Faara, təkəm fərang nda səsəmnnda na a əna 'ya nən na midghən yi ndəriya kumggit fadə kap səri. 6 Tərgha inanggən miighən hai nagha a thlək ləbarya kəlara yi sar Faara, tə sar thləmnnggən, tə mbəd tsawudghən, tə fīngya həu na a talara. 7 Fərang nda səsəmnnda na a yangga tə nafiya Faara na chahal kal kanda nən mu. Fərang ngyakhrha nda a ten kala turya, tə kiwaya, tə miya, tə chehweeya. 8 Nafiya həu na hu kəshiirha tərang nda shilee mabiddi teena, nafiya heu chireethlōng ngwanda thləm ndan hai hu Dēleewar fər Yibrha, ka əna nanda kəshiirha tsauka yi Wan Kamnda thləng nanda uradghən. 9 Kala yi na tə thləmad səkrha, səkkənən! 10 Kala niifa tsawangga fa a əna tar mafayirha nən, tsaudə nən a əna tar mafayirha. Kala niifa tsawangga fa tə thləukh kəlara na nda a bəlang nda, tə thləukh kəlara ni na

nda a bəlang nda. Hu kiya fa fərəkəkafekkya tsaudə a kəsra nda, kəsra nda dənda mbeedə tə fərəkəkafek. 11 Tərgha nggəryi na mabi yi səri, kyagha 6a a hweede. Nəghən tə bōngya səri kəla yi wan kamnda, kalgha sə kəla ənkaheeddi na fadghən kəla huthlindi. 12 Əna taara nən tə səsəmnnda yi mabiddi 'wagha 6a. Kyanggən kəshiirha tə nafiya na hurghən heu a tərang shilee nda mabiddi in 'wagha 6a, yandi kənna wundəyini keeghən. 13 Mabi yi səri di ya ənadə ənwultengya məmənggən, aahdə waarha hai a talara a hweeda hai a yid fiya. 14 Nggaḃadə fiya hai hau na hu kəshiirha tə ənwultēnggini nggəməng nanda fa a ənagha a yid mabiddi 'wagha 6a. Tərgha mabiddi ndanggən kanda a tən shishingnda nda ka a dəfang shilee nda mabiddi in 'wa nanda walang wundərha fa tə thləukh kəlara, ko nanən kee, bəlghən tə yibrha fa. 15 Fərang nda səsəmnnda mabiddi yi səri na a fərang yibrha nən shishing nda mabi də fa 'wagha 6a tənən kalasə, na a bəlanggən fiya həu kargha dəfang shilee shishing ndəghən fa. 16 Mabi yi səri diya ngyabang nggən fiya heu na a ənang ndərdaha nda kanda hu haryindan yisəma ko a pəmnnggindan, shingya tə wundakhnaya, nda tə kəna, tə nda fa yamirha, tə nda mafarha tə fīngya mbuwa mafarha. 17 Əna nən ndən kee amana niifa hiighən ko hēnggən, a mbə tə ndərdaha fa wa, ndəna thləm mabiddi ko ndərdakh thləmnnggən. 18 Əndiya na midghən sə thladwayirha. Kowunni na mbang kukwalang 'ya hai kirasənggən ndərdakh di ki mabiddi ndərdakh mabiddi ya yi niifa ni, nən chireethla hai, 666.

14 Tərgha kəlee də, a mbed na Wan kamnda kət a ten Wumnda Sihiyona, tə nafiya 144,000 a thləmadghən chireethlēng nanda thləm Wan Kamnda hai tə Chin a pəmnnggindan. 2 Tərgha sək urarha ni hai a talara a riirha kəla rid hwad aama, kəla tər'yaana. Uraddi sək ni nəghən kəla riirha dək kəliingya. 3 Kanda a aah amshe pəling a mbed tsənggam kutəryiddi, tə ənggini na tə yibrha fa fada, tə shinggini. Mbə niifa sə na mbang tsaha amshi di wa kəl nafini na 144,000 kee, fīngya ni hərgəhang nanda kanda hu kəshiirha. 4 Nafina ni ya səbāng ngwa fandan də tə nishya, kəsər tsau nda chahal. Kanda ni mbuwa samad Wan Kamnda kala mbərha dənən sa də. Kanda ni hərəkka ahur fīngya nafiya na hu kəshiirha, na nda

kāla wan 'wad ənnarhami yi ən hudaṛha nəm fərang nda Faara tə Wan kamnda. **5** 'Wawanda nggaḃaarha wa, təkəm mbə aibe sə a fandan wa. **6** Tərgħa nggəryi na təthlənda Faara a pəra hu a fərahk amshi, nəghən tə Laḃara mii na Mbənggən yi pakwandə na a pərgħənən a fīngya natə tsaurhahu kəshiirha, a kala chehweeya, tə a kala turya, tə kala miiya, tə fiya. (aiōnios g166) **7** Təranggən uradghən sə kaan, ndəghən, "Tərmama Faara, təkəm fəraman mamnggirha thlēmnggən! Kəsər nanənya, ḃad sayi ḃa nən a ngwang kumarha fiya sə həu. Dəfaman shilee in, ndəghən ənagħa talara tə kəshiirha, tə wuri aama, təkəm fereeya aama!" **8** Təthlənda Faara yi səri takkwa yanda nən hai 'wagħa ḃa, ndəghən, "Fəldə hai, Mbabila na manggən fəldə hai! Yandī kyangga chehweeya həu hu nggaala tə aam inabi ənana susuwaya!" **9** Tərgħa təthlənda Faara yi mahan takkwa fīngya yina nən hai səri. Təranggən uradghən sə ndəghən, "Kala niifa dəfangga shilee maḃiddi teena tə shishing ndəghən, təkəm thlə djarra ndərdakh dānən a pumnggən, ko a hargħən, **10** nən a saa aam inabi yi hufrha hur Faara, əna nanda tə shembedghən irang nanda hu wuhuleurha hai yi hufrha hur Faara. Na nda a səsang nda kaan tə waarha tə tsal waarha, a mbed fathləngya Faara na chahal təkəm a mbed Wan Kamndədi **11** Ini waarha yi səsang kanda nən naarha thliirha talara də pakwandə. Nafini na a tərang shilee maḃiddi teena tə shishing ndəghən mba nda tam wal yibrha wa nda fəḃḃirha tə yanfara tə kala niifa thləgha ndərdaha hu thlēmnggən." (aiōn g165) **12** Ndaarha ni nanənya nafiya Faara na chahal na a əna taara tə 'ya ndaana Faara a tsawa nda tə munyarha tə kərəsta na nda tə shembe fərkəkafek fa a Yeeso. **13** Tərgħa nggəryi sək urarha hai a talara a ndaarha, "Chireethləng əndə hai ya, fa parkayani nafiya na a mərə hu Chinəm nanənya!" Ndagħa Səsəna, "Kəkafek na nda a yibrha hu njiten tar ndan, kəsər ka ən ənad ndan nən a takkwa kanda." **14** Tərgħa kəleedə, na hashmbe ni pəpet a frakh amshi, tə niifa kəla Wan Niifa tsau hu hashmbidi, nəghən tə tətər təfasa yi kutəyirha atənggən, nəghən tə dəhwasarha ha na chimnggən. **15** Tərgħa kyagħa təthlənda Faara ḃa faddən hu Kən Faara aah farha nən tə urarha na manggən a yandī na tsau hu hashmbidi, nagħa a ndaarha, "Tərang dəhwasad wa katərangga hathlā hai, kəsər sayid hathlā ḃadə ḃa nanənya, nakhdə

ənnarhami na hu kəshiirha nakhdə də kaan na a halthgha hai." **16** Nanən kee, yandī na tsau hu hashmbidi wiwidənggən dəhwasadghən hu kəshiirha hai, hathlang ngganda kəshiirha hai. **17** Nggərgħa təthlənda Faara kyagħa ḃa hu Kən Faara a talara, ndəghən nggi kəm nəghən tə dəhwasarha a hargħən na chimnggən kaan. **18** Tərgħa nggərgħa təthlənda Faara kyagħaḃa fadən, ndəghən ni aten waddi ha na a mbəd fər sataka. Təranggən uradghən sə aah yandə nən natə dəhwasadda ha na chimnggən, ndənggən, "Tərang dəhwasad wa na chimnggən wumangga kənda wan dəfya inabi na hu kəshiirha, kəsər wanggighən nakhdən nda." **19** Tərgħa təthləndə di muwanggən dəhwasadghən hu kəshiirha hai, thlenggən wangya inabi də hai tsamənggən kanda a mbəd 'yadə inabi hai yi hufrha hur Faara. **20** Tsathlang ngganda wan dəfya inabi də hai a kəsər wupəri di, nagħa fara a ira hai a mbəd 'yadə wan dəfya inabi di səl iundəghən a kəkərang dām tə səsəl kəkərə səldə 1,600, ndam kilomitə haru mahan, kudimndəghən səldə nzang nda lidzam pərshe sara mikki, iundəghən mel hau səri, dāngkam ndəghən pəne tal tə mbeera.

15 Tərgħa na ənsakhrha ni manggən a talara yi fər ənwulteena. Fathləngya Faara məd kanda tə mii ngwala patalya ha məd, kəsər kanda ni na mii ngwala səbrha hur Faara. **2** Tərgħa na 'ya ni kəla wuri aam tolokar kukurda tə waarha. Nadi fīngya yini kalgha maḃiddə mu tə shishing ndəghən tə hangnda ndərdakh thlēmnggən. Kanda kəkət a mii wuri aam tolokar di kəs nda kəliinga ha fərang na Faara kanda. **3** Kanda a aah amshi Musa, mafad Faara, tə yi Wan Kamnda, kanda a ndaarha, "Na taryiwa məmənggən, yi fər ənwulteena, Chinəm Faara na tə səsəmda ha həu. Na kwaman nggiwa tə kəkafek fa, tə nggayirha kəm, sa na kutəra aten chehweeya. **4** Wunni mbuwa tərəm sa, Chinəm? Wunni mbuwa fərang mamnggirha thlēmwa? Kəsər sa katenwa təpədənda ni. Na chehweeya həu a ḃarhaḃa tərə shilee nda teena, kəsər kyad nggayid taryiwa a pəpal ḃa." **5** Akwasamad yandiyə kəlani də, na kən Faara ni a talara, chama yi dəf mii Faara tsahai. **6** Tərgħa fathləngya Faara məd na tə patalya ha kya nda ḃa hu kən Faara, kanda tə karid alfinti fa, na a chimnda fa, təkəm kabten təfasa a kəfan ndan. **7** Tərgħa tal ahur ənggini na tə yibrha fa

fada, fərang ndaro nən mäd fathlängya Faara di na mäd yi təfasa, lələgdä tə səbrha hur Faara, na tə yibrha fa pakwandə. (aiōn g165) 8 Tərgħa ləghədgħa Kən Faara tə ine na a kyarha 6a hu mamnggit Faara tə səsəmdəghən. Mbə niifa sə na mbang kyarha hu Kən Faara də wa kəl patal yini mäd yi fathlängya Faara mäd ngwalanda hai.

16 Tərgħa sək urarha ni a kaala sə ahu Kən Faara a ndang nda fathlänggini ki Faara mäd, “Damadə dūn irang ndaro yina də mäd na lələgdä tə hufrha hur Faara aten kəshiirha hai.” 2 Tərgħa təthlənda Faara yi tal iranggən ənda hai na ahur ndarodghən aten kəshiirha hai, tərgħa həlthgha fad nafiya wuḡəl-wuḡəl na hadghən kala yi natə ndərdəha fa yi mabiddi, tə fīngya kəm tərangga shilee shishing ndəghən in. 3 Təthlənda yi səri iranggən yighən ənda də na a ahu ndarodghən ahu wuri aama də. Tərgħa kyahargħa aam wuri aam də hai kəla far niifa mərgha, ənggini heu na hu wuri aamdi natə yibrha fa mərə nda də. 4 Təthlənda Faara yi mahan iranggən yighən ənda də na hu ndarodghən hu aam kufaya də tə suhwadya tsawa nda ka fara. 5 Tərgħa sək təthlənda Faara ni yi natə səsəmda aten aamgya a ndaarha, “Na tə kəkafek fa hu ngwa kumad wa, sa Təpedənda, sa na sə təkəm nasə kətsar, 6 kəsər irang nda far nafiwa də na chahal tə yi annabiya, kulo hai nanənya fərang na fara kanda a sa nda, ndəna kəna ndan kee.” 7 Tərgħa sək urarha ni a mbəd nji sataka a ndaarha, “Chinəm Faara natə Mamnggirha fa, ngwa kumad wa nəghən məməl tə kəkafekkirha.” 8 Tərgħa təthlənda Faara yi fada iranggən əngyadə na hu yighən ndaro aten yanfaara də, fərang səsəmda nda yanfara fəfərang nggən fiyadə tə waarha. 9 Thlerra waddi 'yanggən fiya də, 'yar thləm Faara nda, ndəghən natə səsəmda ha aten patal yini ya. Amma kar nda fa a malang ngganda dimiyid ndan fərang mamnggirha nda. 10 Təthlənda Faara yi tuf iranggən əngya də na hu ndarodghən aten tsənggam kutəryid mabidda də ngəlang wula kutəryidghən, kətarangga fiya kət sheneu ndan ka səsarha. 11 Na nda a 'yar Faara na a talara kəsər ka səsad ndan tə thlerra waddi, amma kar nda fa a malang ngganda tar mbəlfed nda. 12 Təthlənda Faara yi mikki iranggən əngya də na hu yighən ndaro hu kufad Yufiritus də hwargħa kufaddi, ka a tangsang

kwamana nda kutərya sə na a 6arha 6a a man kyad yanfara. 13 Tərgħa na ənkaheeya ni mbuwa ngga mahan na kəla kuḡaya. Tal kyaghən 6a a mii ənkaheerha, tal a mii mabiddi, tal kəm annabi tə nggaḡaarha. 14 Səsəngya ənkaheeya ni na a əna tar ənwulteena, dənda thləma kutərya kəshiirha də, na a wumang ngganda kanda ka yana nda tə Chinəm a fardi na manggən yi Faara natə Mamnggirha fa. 15 Ndagħa Chinəm, “Kulo hai, niya 6arhaba kəla ngaara! Tə parka ni yandi 6ani waala məmekhne ngwadə fa amawa nən wiirha tawalth kəsgha shilee ndən.” 16 Tərgħa wumangga ənkaheeyini kutərya a mbərha tal na nda aarha tə mii Ibraniyaya Armaggeddon. 17 Təthlənda Faara yi mäd iranggən əngya də na hu yighən ndaro hu bereurha də. Kyagħa urarha 6a kaan hu Kən Faara a tsənggam kutəryirha 6a a ndaarha, “Ngwaladə!” 18 Nagħa əngya a kyad waarha, tə əngya a riirha fa, tə tər'yaana, tə rəbrha chehweerha fa. Ka əna nanda niifa 'wawa chehweerha rəbrha fa kee wa. Ndəna rəbrha chehweerha fa 'wagħa katərarha hai ka mbara mbərha. 19 Manda wupəri di tsakhka hai mahan, wupəriya heu na hu chehweeya chanda hai. Dəlgħa Faara Mbabila in na manggən, kyanggən hu sa wuhuleu aam inabi hai yi hufrha hurghən kaan. 20 Kala wutambarra tima nda hai, wumngya kəmda nggər wanda naghən wa. 21 Irgħa wutsamngya hai məmanggən a talara na haghən kaan aten fiya hai səldə kilo 45. Tərgħa fiya na nda a 'yar Faara ka patal yid wutsamndədi, kəsər patal yiddi padida hai kaan.

17 Tal ahur fathlängya Faara mäd natə ndaro yina ha mäd 6agħa thləmad na 6a ndeegħən, “Boba, niya kyadə kwaman di na nda a tsətsəl səsəwaddi ya, na tsau aten kufaya hangga. 2 Ənana kutərya kəshiirha kulafayirha təghən. Nafiya kəshiirha tsau nda kəla nafiya nggalgha tə aam inabi ka kulafayirha əna nanda təghən.” 3 Tərgħa təthlənda Faara hu səsəna tərēegħən a kaheerha də. A mbəd na nuneefa ni tsau aten mabi həba natə chireelth thləmngya fa yi 'yar Faara, tə tengya mäd tə 6ongya kum. 4 Nudi kaldə kari fa wuleren tə yiba, sakhdə dafa tə kari təfasa tə tur ferya na chimnda fa. Nəghən tsəb tə wuhuleurha ha yi təfasa lələgdä tə ən kaara ən tsanda yi kulafayirha. 5 A pəmnggən chirethleng nda ənwulteena hai na səndəghən 6əḡee: “Mbabila na manggən, man susuwaya

heu, tē ʾən tsangya yi kəshiirha.” 6 Nadi nudi ngaldə tē far nafiya Faara na chahal tē kəm far fīngya fərgħa shedawa aten Yeeso. Ne a kəlang nda nudi, kəseegħa ʾənwulteena kaan. 7 Ndeegħa tēthlənda Faara, “Kama kəsna ʾənwulteena sa? Niya pəro 'ya heu aten nudiya tē mabiddi nən a tēra, natē tengya fa məd tē ʾōngya kum. 8 Mabiddi nana ya 'wadə narħa tē yibrħa fa, amma ʾəlwə tē yibrħa fa nanənya wa. Nən a thliirħa sē ahu kwaddi na kudimnggən ya ka mərə dē. Nafiya na hu kəshiirħa chireethleng ngwa nanda thləm ndan hai hu ʾəleewar fər yibrħa ka ʾəna nanda kəshiirħa na teena a wulang kanda a nanda mabiddi. Nəghən tē yibrħa fa yi, nanənya ʾəlwə tē yibrħa fa wa, amma nən a nggər kyarħaʾa.” (Abyssos g12) 9 ʾƏndiya na midghənsə ʾənahə nəm tē thladwayirħa. Tenggini məd ya mbəd ʾəngkamngya ni məd, nana nudasə tē tsaurħa atənggən. 10 Na kutərya sē kəm məd. Tuf ahur ndan fəl nda hai, takhdə tal ʾəlgħa hai, amma yi məd ʾəlgħən kula ʾərhəʾa, a ʾəda ʾəna nən a tsərħa tsəʾaku kee. 11 Mabiddi na tē yibrħa fa kaar, nanənya ʾəlwə hai wa, ndəghən ni kutəra yi wuwaʾa. Nəghən ahur fīngya yini na məd ya, nən a dərħa a mbəd mərreghən dē. 12 ʾBonggini kum nana, kanda na kutərya kum ʾəlgħa kula thlə səsəmda yi kutəryirħa. Amma na nda a fərang kwamana kanda tē mabiddi ʾəna kutəryirħa nda yi sayi ngguchit kee. 13 Kutər yini ya na numad ndan tal, na nda a fərang səsəmdə ndan tē ngyahad ndan a mabiddi. 14 Na nda a yanda tē Wan Kamnda, amma na Wan Kamndədi a kal kanda mu kəsər ndəghən ni Chinəm aten chingya, təkəm kutəra aten kutərya. Fīngya na a thləmadghən kanda ni aah nanda, fīngya na wuwura tē natə kəkafek fa. 15 Tərgħa ndeegħa tēthlənda Faara, “Aamdi nana ya tsauna səsuwadda sə, kanda ni na turya, tē chehweeya, tē miiya dədamən-dədamən. 16 ʾBonggini kum nana, kanda tē mabiddi na nda a kar nad səsuwadda fa ya. Na nda a thlang ʾəngya heu nanən təghən ha malghən nda tawalth, na nda a kyang thlu fadghən, njang ngganda dē tē waarħa. 17 Kəsər fərang Faara kwamana kanda ahur ndan a ʾəna 'ya nda na midghən, nagħa numad ndan tal, fərang səsəmdə ndan nda mabiddi ka ʾəna kutəryirħa nən kəl fardi ləghəd na laʾar Faara. 18 Nudi nana ya, ndəghən ni wupəri di na manggən na a ʾəna kutəryirħa aten kutərya kəshiirħa.”

18 Akwasamad ʾəngginiya nggəryi na tēthlənda Faara a pəra hai a talara, tē səsəmda ha kaan, mamnggitghən fərang kukwaryirħa nən kəshiirħa. 2 Njargħa hai ndəghən, “Fəlda hai! Fəl Mbabila hai na manggən. Tsaudə mbəd tsawud ʾənkaheeya tē wunurya, tē mbəd tsawud kala tur səsəngya mbuwa chahal, tē mbəd tsawud wudikkya mbuwa chahal, tē mbəd tsawud mabiya mbuwa chahal tē mabiya tsan nanda. 3 Kyanggən chehweeya heu hu sa aam inabi hai. Kutərya kəshiirħa ʾənanda kulafayirħa təghən, fa shafiliya kəshiirħa wal nda kəna ha hu səsəmda mbəna fadghən.” 4 Nggəryi sək urarħa hai a talara a ndaarħa, “Kyama sə, nafina! Kyama sə ahurghən! Kəsər amawa nun kyarħa hu dimiyidghən hai, amawana patalləghən wal kun ha. 5 Kəsər dimiyidghən padida hai tsədə nzang ta talara dē. Faara kəm daldə dimiyidghən in. 6 ʾƏnəman kəla ʾənang nən fīngya, ʾənəman katəra səri aten ʾən mbəlfērħa ʾənanən, iraman ʾən saarħa hu wuhuleurħa hai katəra səri kal yandə nən mu fərang nən fīngya. 7 Kəla tərang nən altənggən sə, tē yakh ʾən mbənafa, nəghən a taala tē ndaarħa, ‘Kwatam ni nggi, mbə nu mərri ni nggi wa, mbi tē mərri wa.’ 8 Tsaunən kee, na patal a dəghang hai hu paara tal, nda mərri tē sərbrħa hura tē miirħa. Na nda a njang nda dē tē waarħa, kəsər Chinəm Faara na a ngwang kumarħa sə nəghən tē mamnggirħa fa”. 9 Tərgħa kutərya kəshiirħa ʾənahə kulafayirħa təghən, təkka mbənafa təghən, na nda a tərħa tē kukwara atənggən, a sayiddi nana nda ini waddi na a njang dē. 10 Na nda a isha inggun ma wupəri di kəsər ka na nda a tərəmda. Mbə mindan sə a səsə nda kəla ndəghən wa. Na nda a ndaarħa, “Kawa! Kawa! Sa wupəri Mbabila na manggən! Hu sayi ngguchit ngwalang nda nggo kumarħa səl!” 11 Fa shafəliya yi kəshiirħa na nda a tərħa tē sərbrħa hura atənggən, kəsər mbə niifasə na nggər hii karid ndan wa. 12 Na nda a heng kari dē natə sakhdə təfasa, tē yi wurirħa, tē fərya na nggəngga. Kari yi ʾəlfinti, tē kari na wulerən, tē siliki na yiʾa, tē yi natə aam dzarggina fa. ʾƏngya ʾənana nda tē dəfyə na səd ndan mbənggən, tē fīngya həbāng nanda dē dədamən, tē kari na kəla thlan chiwana, tē kariya ʾənan nanda tē dəbəlyə dədamən, tē ferya na chimnda fa ngga. 13 Urdiya, tē, tē ʾən njiya na səd ndan mbənggən, tē mur tē fauda, tē ʾən

wum chimbe, tē ʔn tēllafa na sərha mbənggən, tē aam inabi, tē fēdēd kəmnda fa, tē humbad wan hwalirha, tē wan hwalirha, tē thlaaya, tē chaukhraya, tē Pərsaya, tē keked pərsaya, tē shing nda fiya na nda a heng dē kēla mafaya. 14 Na nda a ndaarha, ʔnggəni dāfna teena tēghən ʔalwa sēwa. Kənawa heu tē ʔn sakh dād wa sahad nda ʔalwa nggər walang kanda ʔalwa. 15 Fa shafili yini na a heng ʔnggina dē ya wal nda chikrha kēna a fadghən, isha nda dē inggun ma thlēmādhən ka tərēm səsādhən. Na nda a tərha tē sərbrha hura na nda ahuhwaarha, 16 na nda a ndaarha, “Kwa! Kawa! Wupəri na manggən, sa na kal karid alfinti ngga, wulerən tē yīfa na sakhdāng fadghən tē karid tēfasa, tē ferya na nggəngga na chimnda fa! 17 Kəsər hu sayi ngguchit kənadi heu yi wupəri di ngwala dā hail!” Mamngya nggirnggi aam fa shafili yini, tē fīngya na a wiirha tē nggirnggi aamdi, tē fa huryighən tē fīngya na a kada 'ya na a muwa nda mii hu nggirnggi di, isha nda dē inggun. 18 A sayiddi na nanda inidi na a djang nda dē, na nda a ndaarha, “Wa wanda ʔna wupəri manggən kiya wal!” 19 Nanda irr tiniirha aten ndan sē, na nda a tərha tē sərbrha hura, na nda a ndaarha, “Kawa! Kawa wupəri na manggən, ai nafini heu natē nggirnggi aama na hu wuri aamdi walgha kēna ha tē yighən kēna! Hu sayi ngguchit sēb ʔngya dē heu.” 20 “ʔnama wutsəfayirha atənggən, talara! ʔnama wutsəfayirha kun nafiya Faara! ʔnama wutsəfayirha kun nafiya Faara na chahal tē annabiya! Kəsər ngwang Faara kumarha Mbabila sē kəsər ka kun.” 21 Tərgha tēthlōnda Faara na manggən təranggən feera sē manggən kēla fen hərha muwanggən hu wuri aama dē, nagha a ndaarha, “Tē shembe na nda a muwang wupəri Mbabila hweede hai mba nda nggər walang ʔalwa. 22 Mbəm nggər sək dək kəlinga, fa aah amshiya, tē perəma, tē kodwomngya ahur nun ʔalwa. Mbəm nggər na fa mbər ʔngya tē fa tarya ahur nun wa. Mbəm nggər sək hərha ahur nun wa tē ʔnji hərha wa. 23 Mba nda nggər na kukwaryid patilla ahur nun wa. Mba nda nggər sək fad wutsamnda tē wuronga wa. Kəsər kaar fa shafili yinun kanda ni natē səsəmnda ha hu kəshiirha heu, kəsər chehweeya heu wul tendan tē mutun nun. 24 A hur mbabila ni na nanda far nafiya sē na chahal tē yi annabiya, tē fīngya thleng nanda urad ndan hu kəshiirha heu.”

19 Akwasamadghən, sək mbeela ni kēla fiya hu teera a talara. Kanda a ndaarha, “Falama Chinəm! Hərəkrrha tē mamnggirha tē səsəmnda yi yinəm Faara ni, 2 Kəsər ngwa kumadghən yi kəkafek ni mbə wurahasə wa. Ndəghən ni ngwangga kumarha səsuwadda sē səbāngga kəshiirha dē tē kulafayidghən. Tsətsəlang Faara teng dē kumad faar mafayighən irang nən dē.” 3 Nggərgha nda tərang urad ndan sē na nda a ndaarha, “Falama Chinəm! Nagha ini waddi a tēla a talara dē hu wupəri di yi pakwandə.” (aiōn 9165) 4 Shingini kumnggit fada tē ʔnggini natē yibrha fa fada fəla nda hweede hai tərang shilee nda Faara in, yandi tsauka hu tsənggamdi. Na nda a ndaarha, “Atsaukake! Falama Faara!” 5 Tərgha kyagha urarha ʔa hu tsənggam kutəryiddi a ndaarha, “Falama yinəm Faara, kun na mafayighən, kun na a tərəmnggən, na manggən tēna ngguchit.” 6 Tərgha sək 'ya ni kēla huhwaarha hu teera, kēla aama na hwaarha a mbəd tsətər, təkəm kēla tər'yaana, kanda a ndaarha, “Falama Faara! Kəsər Chinəm, yinəm Faara na manggən, ndəghən ni na a ʔna Kutəryirha! 7 Tama ʔna wutsəfayirha nəm, tək mbənda nəm fa, fərang mamnggirha nəm! Kəsər ʔa sayi ʔa yi kahad Wan Kamnda, wuronggən ngwada fa. 8 Fərang nda lukrha pəpet na a chimnda fa ngga kalānggən fa.” (Luwuddi na a chimnda fa ngga ndəna tar nggayid nafiya Faara.) 9 Tərgha ndeegha tēthlōnda Faara, “Chireethleng ʔnda hai ya, 'Fa parkaya ni nafini mbu nanda kanda hu wutsəfayid kahad Wan Kamnda dāba.” Nggərghən ndaarha, “Labarya Faara ni ya yi kəkafek.” 10 Tərgha fəli hai a mbēdghən tərang shilee ni, amma ndeeghən, “A ʔnanna kee wa! Nggima pashid tar nun ni, sa tē wanmanggiwa, kun kəsgha shedawad kəkafekkid Yeeso ha. Tərāman shilee Faara in. Səsən pər 'ya ndana Faara thləkka kəkafek aten Yeeso.” 11 Tərgha kēlee hai na talara ni indadə, na pərshe ni pəpet. Niifdi na a kəsərghən thlēmnggən ni, Ka Niifa na tē Kəkafek fa. Nən ngwa kumarha tē nggayirha tē yanda kəm. 12 Yidghən nəghən kēla sheneu waarha, a tenggən na tətər kutəryirha sē hangga. Na thləma sē chichireethlee hai a fadghən, amma mbə niifasə səngga thlēmdi wa kəl ndəghən tafadghən. 13 Kabaddi kal nən fa nəghən tē faara. Thlēmnggən ni “Labar Faara.” 14 Sodjaya yanda na a talara kanda a samadghən, kanda tē lukkyā fa pəpet-pəpet na chichilbi dē a kəsər

pərsaya na pəpet-pəpet. **15** Hu miighən na thlaukh kəlaara sə na kyarhaḅa chimnggən kaan, ndənən a kyathlang nafiya chehweeya sadə təghən. Nən a əna kutəyirha aten ndan tə səsal dəḅəla, nən a ishang wangya daf inabi də a mbəd tsarang nda wangya inabi hai tə səbrha hur Faara kaan natə mamnggirha. **16** A hu kabədgən təkəm a fədagghən na thləm dā sə chichireethlee hai, “Kutər kutəya tə Chinəm yi chingya.” **17** Tərgħa na təthlənda Faara ni kət a yanfara, a njarang wudikkyā də na a pəra a fərahk amshi, “Bamaḅa! Wumama ḅa kəsər ka wutsəfayid Faara. **18** Mbun kii thluwa yi kutəya, tə thlu mamngya sodjaya, tə yi katsallaya yanda, tə yi pərsaya, tə yi fingya na tər pərsaya, təkəm thlu fiya heu, yi mafaya tə fingya natə alten ndan, na manggən tə na ngguchit!” **19** Tərgħa na maḅiddā ni tə kutəya kəshiirha tə sodja yindan wumnda hai ka yana nda tə yandi na tsau a kəsər pərshe, tə sodjad ghən. **20** Tərgħa kəsang ngganda maḅiddi heu tə annabi di tə nggaḅaddi ənagħa ənwulteena a mbed maḅiddi. Hu əna ənwulten nggina ni ya ndən huk nən fingya sə natə shishing nda maḅiddi, təkəm fingya tərangga shilee shishing ndə di in. Muwang ngganda maḅiddi heu tə annabi di tə nggaḅarha hu waarha də tə tsal waarha na kəla wad henggel ḅərha. (Limnē Pyr g3041 g4442) **21** Tahad ndan ḅəlang ngganda kanda tə thlaukh kəlar di na chimnggən na a kyarhaḅa a mii yandi na a kəsər pərshe. Tərgħa wudikkyā wuma nda hai nggala nda tə thlu mər yini.

20 Tərgħa na təthlənda Faara ni a tərā hai a talara, kəsḅə ən cha kwaminda kwaddā ha yi kwarha na kudimnggən tə wuyiwurra manggən. (Abyssos g12) **2** Kəsanggən ənkaheeddi, huthlin kaar ni, ndəghən ni na tə mbəlfeddi, nduwa Sheetan, kənangga təthlənda Faara tə wuyiwurra yi kumnggitghən hurarha. **3** Muwangga təthlənda Faara hu kwaddā hai na kudimnggən, nggəlanggən kwaddi, changgən kwaddi daf haara nən atenggən, amawa nən nggər huk fiya, kəl a mbər huraya kumnggitghən də tal. Akwasamadghən na nda a kalghən hai yi ḅeena ngguchit. (Abyssos g12) **4** Na tsənggamngya ni, nafini tsauka aten tsənggam nggini fərang nda səsəmda ngwa kumarha kanda. Na yiḅəd nafina ni kyathlang nanda tendan də kəsər ka fər nanda shedawa aten Yeeso, tə laḅar Faara. Kanda ni tərang ngwa shilee maḅiddi

in, ko shishing ndəghən. Thləwanda njarrədi maḅiddi hu pəm ndan nduwa hu har ndan wa. Nggər nda yibrha kəfa əna kutəyirha nda tə Kərəsti yi kumnggitghən huraya. **5** Fingya takhka mərgha nggər wanda yibrha kəfa wa, kəl mbər na kumnggitghən hura yina də. Yandiya ndəna katəra thlid mərya sə. **6** Fa parkaya ni nafini na chahal katərangga thliirha sə hu mərə. Mbə səsəmda mərā sə yi səri a tendan wa, amma na nda a tsaurha firisyā Faara tə Kərəsti, na nda a əna kutəyirha təghən yi kumnggitghən huraya. **7** A sayiddi mbərna kumnggitghən huraya də, na nda a kal Sheetan hai hu porsəna. **8** Nən a kyarha ḅa nagħa a huk chehweeya welgha hu kudma fada də hu kəshiirha, ndəna Nggok tə Maggok. Na sheetan a wumang kanda ḅa a tsawa nda fa yanggighən, na hang ndə ndan kəla wuchehweed wuri aama. **9** Wii nda, walee nda hu kəshiirha də, muwang ngganda nafiya Faara a maḅufu nggəmna Faara, tə wupəri di nggəmnən. Amma ḅagħa waarha hai a talara njanggən kanda də. **10** Tə mbəlfeddi hukka kanda, muwang ngganda hu waarha də tə tsal waarha, mbədi muwang nanda maḅiddi sadə tə annabi di tə nggaḅarha. A mbəda ni na nda a səsəarha sə nda fədikrha tə yanfara pakwandə. (aiōn g165, Limnē Pyr g3041 g4442) **11** Tərgħa na tsənggama ni pəpet manggən, tə niifdi tsauka atenggən. Sahadgha talara tə hweede a mbedghən, mbə mbərha sə ḅal ka kanda wa. **12** Na mərya ni na məmanggən tə nggu-ngguchit kəkət a mbed tsənggam di, inang ngganda deelewarya hai. Nggəra nda inang deelewar hai pak, ndəna deelewar yibrha. Ngwang kumarha nda mərya aten 'ya əna nanda, kəla nanən chichireethlee hai hu deelewar yini. **13** Wuri aama fər mərya nən na ahurghən, nda mərā tə hwanga fər mərya nda na ahur ndan, ngwang kumarha nda kowunni aten 'ya əna nən. (Hadēs g86) **14** Tərgħa nda mərā tə hwanga muwang ngganda kanda hu waarha də, waddiya ndəna mərə yi səri. (Hadēs g86, Limnē Pyr g3041 g4442) **15** Kala niifa mbuwana thləmnggən chichireethlee hai hu deelewar yibrha na nda a muwang nda hu waarha də. (Limnē Pyr g3041 g4442)


21 Tərgħa nadi weerinda talara tə weerinda kəshiirha. Wan'wad talara tə wan 'wad kəshiirha mbər nda də, ḅalwa wuri aama sə wa. **2** Nadi wupəri di na chahal, weerinda Urshelima, a tərā hai a talara a thləma Faara. Ngwang nda

fa kēla na wuronga ngwarha fa ka chimadghən. 3 Səkdī urarha a njaara hai ahu tsənggam kutəryiddi a ndaarha, “Kulo hai nanənya, na Faara a tsaurha nafiya. Nən a tsaurha tē kanda, na nda tsaurha nafiyyighən. Faara tafadghən nən a tsaurha tē kanda, tsauka yindan Faara. 4 Nən a pang aam yid ndan kanda də heu. Mbə mərri a narha səwa, nduwa səbrha hura, nduwa tərha, nduwa səsarha. Kəsər əngya yi kaar sahad nda də.” 5 Yandi na a tsau hu tsənggam kutəryiddi ndaghən, “Kulo hai, nanənya niya tsawang əngya heu weerindəghən.” Tərgha ndeeghən, “Chirethleng hai, kəsər labardi ya nəghən kee, təkəm kəkafek ni.” 6 Ndeeghən, “Ngwaladəl! Nggini Alfa tē Omegga, Katəradghən tē nggəl mee. Kala niifa na a hushimnda, niya fərang ən saagha tēka ahu fered aama yi fər yibrha. 7 Fingya həbgha na nda a har langaad əngginiya heu, niya tsaurha yi ndan Faara, kanda kəm na nda a tsaurha wanggina. 8 Amma fingya na a tərəmnda, tē fingya na a həb hakke, tē fingya na a əna ən tsanda, tē fa bəl faya tē kulafaya, tē fa kulaya, tē fa dahaya, təkəm fa nggabəya heu, kəna ndan ahu yandi waarha na a njirha na kēla wad henggəl bərha, ndəna mərri yi səri.” (Limnē Pyr g3041 g4442) 9 Tərgha tal ahur fathləngya Faara məd diya natə ndaro yi məd lədag nanda tē nggəl mii patal bagha thləman na bə ndeeghən, “Boba, niya kyadō wukushimnda, nu Wan Kamnda.” 10 Tərgha səsəna tenna hai, tərēegha təthlənda Faara hu wumnda sə na manggən, kyadē wupəri danən na chahal, Urshelima, a bəyi hai a talara a thləmad Faara. 11 Nəghən a chimnda fa tē mamnggit Faara, chim ndəghən fa nəghən kēla wufēera na nda aarha djespa, na chimnda fa kēla tolokar. 12 Nəghən tē kalthmaana dzang, tē kwad kirma kumkap səri, tē fathləngya Faara kumkap səri a kwad kirim nggini. A mii kwad kirim nggini chirethleng nda turya Isərelaya hai kumkap səri. 13 Kala man patu na kwad kirma sə mahan, mahan a man kyad yanfara, mahan a man ki wufaya, mahan a man ki pələsarya, mahan a man həmnda yanfara. 14 Tənən ngganda kalthman wupəri di tē fər dəf sar kəna kumkap səri, a tendan ni chirethleng nanda thləmngya fathləngya sahəi kumkap səri yi Wan Kamnda. 15 Tē thlənda Faara kaleegha sə nəghən tē səsəl təfasa ha na a kəkəranggən wupəri di, kwad kirim wupəri di tē kalthmanggən. 16 Wupəri di təngga ndan məməl, dzang ndəghən

tē kəthləng ndəghən məməl ni. Kəkərangga təthlənda Faara tē səsəl kəkərrəghən, tsauka nda dzang ndəghən, tē kəthləng ndəghən tē dang kam ndəghən kilomita 2,400 məməl. 17 Tərgha kəkəranggən kalthman di tsauka mbəmbəng nggidghən sara haru səri tē kumkap mikki tē ən kəkərra na niifa əna taarasə. 18 Tən ngganda kalthman wupəri di tē feera na ngga na nda aarha njaspa, wupəri di ənagha ndan tē təfasa, nagha a chimnda fa kēla tolokar. 19 Sakh dang nda dəf sar kalthman wupəri di tē feera na nggəngga dədamən-dədamən. Djespa ndəna katəra fər dəf sar təndədi, yi səri safaya, yi mahan agata, yi fadə zumurrudu, 20 yi tuf onis, yi mikki karnaliyan, yi məd kirisolat, yi uvadə mberil, yi wutarihe topas, yi kum ndaimon, yi kumkap tal njasin, yi kumkap səri ametis. 21 Kwatkirma kumkap səri di kəm ən sakhdəya kumkap səri ni, ənagha ndan kala kwatkirma tē ən sakhdəarha na tē wudəbəla fa tal. Ənagha nda kwaman hur wupəri di tē təfasa, nagha a chimnda fa kēla tolokar. 22 Nawi kən Faara a wupəri di wa, kəsər Faara Chinəm na manggən təkəm Wan Kamnda ndəna kən Faara. 23 Wupəri di mbə midghən sə yanfara nduwa ndəre na a njargha tenggən hai wa, kəsər mamnggid Faara ndəna a njaara hai, Wan Kamnda ndəna patillad wupəri di. 24 Na nafiya chehweeya a wiirha hai hu kukwaryid wupəri di, kutərya kəshiirha na nda a bərhabə tē shili ndan hu wupəri dəbə. 25 Mba nda tam nggəlang kwatkirma a yanfara wa, kəsər mbə fidikrha sə a mbədi wa. 26 Na fiya a bəng dəf shilee tē mamnggirha yi chehweeya ahur wupəri dəbə. 27 Amma mbə ən tsanda sə na kyarha hurghən hai wa, nduwa niifa na əna ən shilee nduwa nggabərha. Kəl fingya chirethleng nda thləm ndan hai hu dəleewar yibrha yi Wan Kamnda ndəna nda kyarha sahəi.

22 Tərgha təthlən ndə di kyadē kufarha nən natə aama yi fər yibrha, a chimnda fa kēla tolokar, na a hwarha bə akamu tsənggam kutəryid Faara tē yi Wan Kamnda, 2 Nəghən a hwarha a madufud kwamana na hur wupəri. Kala kəkəshbəng nda kufaddi na dəfərha sə yi fər yibrha, nən nggəta katəra kumkap səri hu hurarha. Shighən yi kənang nda chehweeya ni. 3 Mba nda nggər wal shiurha wa. Tsənggam kutəryid Faara tē yi Wan Kamndədi nən a narha ahur wupəri di. Mafayighən kəm na nda dəfang shilee teena. 4 Na nda na

pəmnnggən, thləmnnggən na nda chirethleng hai fər yibrha na ahur wupəri na chahal, kəla a pəmnnggindan. **5** Mbə fədikrha sə wa, mbə thlək nanda ahu deleewar diya. **20** Kala yandi mindan sə patilla nduwa yanfara wa, kəsər shedagha əngginiya, ndagha, “Tsəbaku niyi Chinəm Faara ni a tsaurha kukwaryid ndan. Na bayi.” Atsaukake. Bəba, Chinəm Yeeso. **21** Ngwa nda əna kutəryirha pakwandə. (aiōn g165) **6** Tərgħa tsauka nggayid Chinəm Yeeso tə nafiya Faara. ndeegħa tə thləndədi, “Ləbar diya kəkafek ni, Atsaukake. təkəm nəghən kee. Chinəm Faara, fərangga səsənggən annabiya, thləndə təthləndəghən də na a kyadəng ndaarha nən mafayighən 'ya na a katərarha hai a mbəe.” **7** Ndagħa Yeeso, “Kulo hai mbiya, takhdi a bərhəba! A tsauka parka aten niifdi kəsgha ləbardə ha chireethleng nanda hai hu deleewardi ya.” **8** Nggi na Yahaya, nggini səkka təkəm nagħa ənggini heu ya. Hərəm ni ngwalang səkkən tə na kanda, fəli hweede hai na a dəfang shilee ni in a mbed təthləndə di kedeeegħa ənggini ya. **9** Amma ndeegħən, “A ənanna kewa! Mafarha ni nggi heu tə sa tə wanmanggiwa annabiya təkəm tə fingya ənagħa taara tə 'ya ndaana deleewardi ya. Dəfang shilee Faara in!” **10** Ndeegħən, “A nggəlang na ləbardī na hu deleewardi ya wa, kəsər nduwus sayi bə. **11** Yandi na a əna tar mbəlfəerha dəgha mbeedə tə tar mbəlfedghən, təkəm yandi na əna ən tsanda dəgha mbeedə tə əna ən tsandəghən, yandi na əna kəkafekkirha dəgha mbeedə tə kəkafekkidghən, yandi na chahal dəgha mbeedə tə tsaurha chahal.” **12** Ndagħa Yeeso, “Kulo hai takhdi a bərhəba. Na kəna taara a harna, na a tenggi kowunni kəna taara ənanən. **13** Nggini Alfa tə Omegga, yi 'wagħa tə mii ngwalarha, katəradghən tə Nggəl Mee.” **14** Parka yi fingya ni tsəbəngga kari yindan də, təna nda wal kwaman kii wan dəfrha yi fər yibrha təkəm kya nda tə kwatkirma hu wupəri də. **15** A kəsər wupəri di wudaya ni, tə fa shiriya, tə kulafaya, tə fa bəl faya, tə fa takkwa dahaya, tə kala niifa na yakh nggəbarha. **16** “Nggi na Yeeso, thləndi təthləndəna də dəgha pəro ləbardī ya ahu kən hwan Faara. Nggini ka turya Ndauda tə kiwadghən, təkəm wufəlŋgar hartsar na njaara hai.” **17** Nda Səsəna tə wuronga a ndarha, “Bəba!” Kala niifa səkka ndən, ndagħa, “Bəba!” Kala niifa na hushimnda a fadghən, bəgha bə, kala niifa na midghənsə, bəgha tsə aam yibrha sə təka. **18** Niya kəs thləman nun kun səkka ləbardī na hu deleewardi ya, kala niifa chikka 'ya atənggən, na Faara a chighang patal chirethleng nanda hai hu deleewardi ya. **19** A kədəng niifa ləbara də ahu deleewardi ya, na Faara a kədəng yighən də na hu dəfəd



Nadī wupəri dī na chahal, weerinda Urshelima, a tɔra hai a talara a thlɔma Faara. Ngwang nda fa kɛla na wuronga ngwarha fa ka chimadghɛn. Sɔkdī urarha a njaara hai ahu tsɛnggam kutɔryiddī a ndaarha, “Kulo hai nanɛnya, na Faara a tsaurha nafiya. Nɛn a tsaurha tɔ kanda, na nda tsaurha nafiighɛn. Faara tafadghɛn nɛn a tsaurha tɔ kanda, tsauka yindan Faara.”

Sɛsɛn kukwaryirha 21:2-3

Reader's Guide

Hona at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Hona at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aīdios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Hona---Hwana-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

Luka 8:31
Romaya 10:7
Səsən kukwaryirha 9:1
Səsən kukwaryirha 9:2
Səsən kukwaryirha 9:11
Səsən kukwaryirha 11:7
Səsən kukwaryirha 17:8
Səsən kukwaryirha 20:1
Səsən kukwaryirha 20:3

aidios

Romaya 1:20
Yahuda 1:6

aiōn

Matta 12:32
Matta 13:22
Matta 13:39
Matta 13:40
Matta 13:49
Matta 21:19
Matta 24:3
Matta 28:20
Markus 3:29
Markus 4:19
Markus 10:30
Markus 11:14
Luka 1:33
Luka 1:55
Luka 1:70
Luka 16:8
Luka 18:30
Luka 20:34
Luka 20:35
Yahaya 4:14
Yahaya 6:51
Yahaya 6:58
Yahaya 8:35
Yahaya 8:51
Yahaya 8:52
Yahaya 9:32
Yahaya 10:28
Yahaya 11:26
Yahaya 12:34
Yahaya 13:8
Yahaya 14:16

Tar fathlängya 3:21
Tar fathlängya 15:18
Romaya 1:25
Romaya 9:5
Romaya 11:36
Romaya 12:2
Romaya 16:27
1 Korontiyaya 1:20
1 Korontiyaya 2:6
1 Korontiyaya 2:7
1 Korontiyaya 2:8
1 Korontiyaya 3:18
1 Korontiyaya 8:13
1 Korontiyaya 10:11
2 Korontiyaya 4:4
2 Korontiyaya 9:9
2 Korontiyaya 11:31
Nggalatiyaya 1:4
Nggalatiyaya 1:5
Afisaya 1:21
Afisaya 2:2
Afisaya 2:7
Afisaya 3:9
Afisaya 3:11
Afisaya 3:21
Afisaya 6:12
Filibiyaya 4:20
Kolosiyaya 1:26
1 Timoti 1:17
1 Timoti 6:17
2 Timoti 4:10
2 Timoti 4:18
Titus 2:12
Ibraniyaya 1:2
Ibraniyaya 1:8
Ibraniyaya 5:6
Ibraniyaya 6:5
Ibraniyaya 6:20
Ibraniyaya 7:17
Ibraniyaya 7:21
Ibraniyaya 7:24
Ibraniyaya 7:28
Ibraniyaya 9:26
Ibraniyaya 11:3
Ibraniyaya 13:8
Ibraniyaya 13:21
1 Mbiturus 1:23

1 Mbiturus 1:25
1 Mbiturus 4:11
1 Mbiturus 5:11
2 Mbiturus 3:18
1 Yahaya 2:17
2 Yahaya 1:2
Yahuda 1:13
Yahuda 1:25
Səsən kukwaryirha 1:6
Səsən kukwaryirha 1:18
Səsən kukwaryirha 4:9
Səsən kukwaryirha 4:10
Səsən kukwaryirha 5:13
Səsən kukwaryirha 7:12
Səsən kukwaryirha 10:6
Səsən kukwaryirha 11:15
Səsən kukwaryirha 14:11
Səsən kukwaryirha 15:7
Səsən kukwaryirha 19:3
Səsən kukwaryirha 20:10
Səsən kukwaryirha 22:5

aiōnios

Matta 18:8
Matta 19:16
Matta 19:29
Matta 25:41
Matta 25:46
Markus 3:29
Markus 10:17
Markus 10:30
Luka 10:25
Luka 16:9
Luka 18:18
Luka 18:30
Yahaya 3:15
Yahaya 3:16
Yahaya 3:36
Yahaya 4:14
Yahaya 4:36
Yahaya 5:24
Yahaya 5:39
Yahaya 6:27
Yahaya 6:40
Yahaya 6:47
Yahaya 6:54
Yahaya 6:68

Yahaya 10:28
Yahaya 12:25
Yahaya 12:50
Yahaya 17:2
Yahaya 17:3
Tar fathlängya 13:46
Tar fathlängya 13:48
Romaya 2:7
Romaya 5:21
Romaya 6:22
Romaya 6:23
Romaya 16:25
Romaya 16:26
2 Korontiyaya 4:17
2 Korontiyaya 4:18
2 Korontiyaya 5:1
Nggalatiyaya 6:8
2 Tasalonikaya 1:9
2 Tasalonikaya 2:16
1 Timoti 1:16
1 Timoti 6:12
1 Timoti 6:16
2 Timoti 1:9
2 Timoti 2:10
Titus 1:2
Titus 3:7
Filimon 1:15
Ibraniyaya 5:9
Ibraniyaya 6:2
Ibraniyaya 9:12
Ibraniyaya 9:14
Ibraniyaya 9:15
Ibraniyaya 13:20
1 Mbiturus 5:10
2 Mbiturus 1:11
1 Yahaya 1:2
1 Yahaya 2:25
1 Yahaya 3:15
1 Yahaya 5:11
1 Yahaya 5:13
1 Yahaya 5:20
Yahuda 1:7
Yahuda 1:21
Səsən kukwaryirha 14:6

eleēse

Romaya 11:32

Geenna

Matta 5:22
Matta 5:29
Matta 5:30
Matta 10:28
Matta 18:9
Matta 23:15
Matta 23:33
Markus 9:43

Markus 9:45
Markus 9:47
Luka 12:5
Yakubu 3:6

Hadēs

Matta 11:23
Matta 16:18
Luka 10:15
Luka 16:23
Tar fathlängya 2:27
Tar fathlängya 2:31
1 Korontiyaya 15:55
Səsən kukwaryirha 1:18
Səsən kukwaryirha 6:8
Səsən kukwaryirha 20:13
Səsən kukwaryirha 20:14

Limnē Pyr

Səsən kukwaryirha 19:20
Səsən kukwaryirha 20:10
Səsən kukwaryirha 20:14
Səsən kukwaryirha 20:15
Səsən kukwaryirha 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6

Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48


Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6
Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō


2 Mbiturus 2:4

Questioned


None yet noted




Tə fərəkəkəfek İbrahim anadə taara tə 'ya ndangna Faara a dəgha mbarha dənən a thlə langadghən sə, kula ndəghən sən mbədi nən dərha saadə. - İbraniyaya 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



Ko nggini na Wan Niifa, bawi ba mba ka a anee taara nda wa, amma ka anang taara ni fimgya ta kam far yibad nani a meyed fya hangga. - Markus 10:45



Nggi na Mbulus, mafad Yeeso K̄ərasti, aah na nda nggi ka a tsawii tathl̄enda Yeeso, wuwura ka a p̄ər laḡar Faara ni. - Romaya 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth



- Christ returns for his people**
- 1956** Jim Elliot martyrd in Ecuador
- 1830** John Williams reaches Polynesia
- 1731** Zinzendorf leads Moravian mission
- 1614** Japanese kill 40,000 Christians
- 1572** Jesuits reach Mexico
- 1517** Martin Luther leads Reformation
- 1455** Gutenberg prints first Bible
- 1323** Franciscans reach Sumatra
- 1276** Ramon Llull trains missionaries
- 1100** Crusades tarnish the church
- 1054** The Great Schism
- 997** Adalbert martyrd in Prussia
- 864** Bulgarian Prince Boris converts
- 716** Boniface reaches Germany
- 635** Alopen reaches China
- 569** Longinus reaches Alodia / Sudan
- 432** Saint Patrick reaches Ireland
- 397** Carthage ratifies Bible Canon
- 341** Ulfilas reaches Goth / Romania
- 325** Niceae proclaims God is Trinity
- 250** Denis reaches Paris, France
- 197** Tertullian writes Christian literature
- 70** Titus destroys the Jewish Temple
- 61** Paul imprisoned in Rome, Italy
- 52** Thomas reaches Malabar, India
- 39** Peter reaches Gentile Cornelius
- 33** Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31 God's perfect fellowship with Adam in The Garden of Eden	
		Son		God's perfect fellowship		
		Holy Spirit				
	Mankind	Living		Genesis 1:1 No Creation No people		
		Deceased believing				
		Deceased unbelieving				
	Angels	Holy			Genesis 1:31 No Fall No unholy Angels	
		Imprisoned				
		Fugitive				
		First Beast				
		False Prophet				
		Satan				
Why are we?			▶		Romans 11:25-36, Ephesian 2:7	

Mankind is created in God’s image, male and female He created us

Sin entered the world through Adam and then death through sin

When are we?				
Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City
John 8:58 Pre-incarnate		John 1:14 Incarnate	Luke 23:43 Paradise	
Psalm 139:7 Everywhere		John 14:17 Living in believers		
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				Matthew 25:41 Revelation 20:10 Lake of Fire prepared for the Devil and his Angels
			Revelation 20:13 Thalaasa	
1 Peter 5:8, Revelation 12:10 Rebelling against Christ Accusing mankind			Revelation 19:20 Lake of Fire	
			Revelation 20:2 Abyss	

For God has bound all over to disobedience in order to show mercy to all

Destiny

Hona at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

Tsaunən kee dāama dā, dūn tsaḥang fiya ha heu, ʔnang mbaptisəma nun kanda, hu thlām Pəpa tə yi Wee, tə yi Səsona tə Pəḍənda. - Matta 28:19

